

ოშო

მდოგვის მარცვალი

კომენტარები
მათეს სახარებაზე

OSHO



მთარგმნელი:
მზია ქურციძე

ოშო რაჯნიში (ბჰაგვან შრი რაჯნიში) დაიბადა ინდოეთში 1931 წლის 11 დეკემბერს. მან 1953 წლის 21 მარტს 21 წლის ასაკში მიაღწია ადამიანური ცნობიერების უმაღლეს მწვერვალს და ეზიარა ჭეშმარიტებას.

1957 წელს მიიღო ფილოსოფიის მაგისტრის წოდება და ჯერ რაიპურის სანსკრიტ-კოლეჯში, შემდეგ კი ჯაბალპურის უნივერსიტეტში მოღვაწეობდა პროფესორის თანამდებობაზე.

1966 წელს მიატოვა უნივერსიტეტი და მთელი დარჩენილი ცხოვრება მიუძღვნა ადამიანთა სულიერ გამოღვიძებას. მან იმოგზაურა მსოფლიოს მრავალ ქვეყანაში, სადაც ლექციებს კითხულობდა.

1974 წელს პუნაში (100კმ ბომბეიდან) დააარსა აშრამი, სადაც მის ყოველდღიურ ლექციებს ესწრებოდნენ მიმდევრები დედამიწის ყველა კუთხიდან. ჩამოყალიბებულ იქნა თერაპიული ჯგუფები, რომლის მოქმედებაში ერთმანეთს ორგანულად ერწყმოდა მედიტაციის აღმოსავლური გაგება და დასავლური ფსიქოთერაპია. სულ ორიოდ წელიწადში აშრამმა მოიპოვა „ადამიანის შინაგანი ზრდისა და თერაპიის ცენტრის“ საუკეთესო სახელი მსოფლიოში.

მონაფეთა (სანიასინთა) რიცხვი კი ყოველწლიურად საგრძნობლად იზრდებოდა და 80-იანი წლების დასაწყისში 100 ათასს გადააჭარბა.

1981 წლის 1 მაისს რაჯნიშმა შეწყვიტა ლექციების კითხვა და შევიდა ე. წ. „გულისმიერი ურთიერთობის მღუმარე ფაზაში“. ამავე პერიოდში მისმა ამერიკელმა მონაფეებმა ორეგონის შტატში იყიდეს მიტოვებული მიწის ნაკვეთი და საცხოვრებლად მიიწვიეს ბჰაგვანი. აქ დაარსდა სასოფლო-სამეურნეო კომუნა, რომელსაც შემდგომში ეწოდა „რაჯნიშპურამი“. უმოკლეს ხანში ეს მოუვლელი და მიტოვებული მიწის ნაკვეთი იქცა ნაყოფიერ ოაზისად, რომელსაც შეეძლო დამოუკიდებლად დაეკმაყოფილებინა ათასობით ადამიანის მოთხოვნილება. მსგავსი კომუნები დაარსდა იაპონიასა და დასავლეთის მსხვილ სახელმწიფოებშიც.

1985 წლის ივლისში „რაჯნიშპურამში“ განახლდა ლექციების კითხვა ჭეშმარიტების მაძიებელთა მრავალათასიანი აუდიტორიის წინაშე.

რაჯნიშმა მიმართა ორიგონის შტატის მმართველობას „რელიგიური მასწავლებლის სტატუსით“ ამერიკაში მუდმივად ცხოვრების ნებართვისთვის, მაგრამ უარი მიიღო.

კომუნა განიცდიდა მრავალმხრივ შევიწროებას მმართველი წრეების მხრიდან.

1985 წლის 14 სექტემბერს რაჯნიშის პირადმა მდივანმა და კომუნის რამდენიმე წევრმა მოულოდნელად დატოვა კომუნა და გახმაურდა მათ მიერ ჩადენილი არაკანონიერი ქმედებების მთელი სერიალი, რის გამოც ბჰაგვანმა მოიწვია მართლმსაჯულება საქმის სრული გამოკვლევისათვის. ეს შესაძლებლობა

მათ გამოიყენეს კომუნასთან ბრძოლის გასაძლიერებლად. 29 ოქტომბერს რაჯნიში უკანონოდ დააპატიმრეს შესაბამის ორდერის გარეშე და ბრალად წაუყენეს „იმიგრაციის კანონების დარღვევა“. ნოემბრის შუა რიცხვებში ბჰაგვანმა, თავისი დამცველის დაჟინებული თხოვნით, მასზე წაყენებული 34 მეორეხარისხოვანი ბრალდებიდან „იმიგრაციის კანონების დარღვევის შესახებ“, მან თავი დამნაშავედ ცნო მხოლოდ ორ პუნქტში, რათა საკუთარი სიცოცხლე საფრთხისგან ეხსნა ამერიკული მართლმსაჯულების მხრიდან (უწყობდნენ სხვადასხვა სახის თავდასხმებს).

რაჯნიში დააჯარიმეს 400 ათასი დოლარით, თან აიძულეს 5 წლის ვადით დაეტოვებინა შეერთებული შტატები. იგი გაემგზავრა ინდოეთში და გარკვეული პერიოდი ჰიმალაიზე გაატარა. გამგზავრებიდან ორი კვირის თავზე ორეგონის კომუნა დარბეულ იქნა.

მოგვიანებით, პრესკონფერენციაზე, შტატის გენერალურმა პროკურორმა განაცხადა, რომ მმართველობის უმთავრეს მიზანს წარმოადგენდა კომუნის მოსპობა და მხოლოდ ბჰაგვანის მოცილება მისცემდათ საშუალებას მიზნის განსახორციელებლად. ამიტომ, მიუხედავად იმისა, რომ არ ჰქონდათ არანაირი სამხილი რაჯნიშის მიერ ჩადენილი რაიმე სახის დანაშაულისა, იგი დროებით მაინც მოცილებულ იქნა. თუმცა მათ არ აწყობდათ ბჰაგვანის დაპატიმრება, რამდენადაც ამით იქმნებოდა საშიშროება, მიმდევრებს იგი ტანჯულ კერპად ექციათ... მიზანი მიღწეულ იყო. რაჯნიშმა დატოვა ამერიკის შეერთებული შტატები.

1987 წლიდან რაჯნიში კვლავ პუნაშია. აშრამში განახლდა 70-იანი წლების ცხოვრების სტილი და კვლავ იწყეს სვლა მისმა მონაფეებმა.

რაჯნიში გარდაიცვალა 59 წლის ასაკში, 1991 წლის 17 იანვარს, პუნაში.

ამჟამად პუნაში აშრამი კვლავ განაგრძობს მოღვაწეობას. ამავე დროს „რაჯნიშ-ცენტრები“ მოქმედებს მთელ მსოფლიოში, ევროპისა და ამერიკის ქვეყნებში, აგრეთვე - არამუსლიმანური აღმოსავლეთის თითქმის ყველა ქვეყანაში.

რაჯნიშის ყოველდღიური ლექციების სერიალი შეკრებილ და გამოცემულ იქნა ასეულობით ტომად ინგლისურ და ინდურ ენებზე.

რაჯნიშის საუბრები ეხება კაცობრიობის ყველა ძირითად რელიგიურ ტრადიციას. იგი არ არის ერთი რომელიმე რელიგიური მოძღვრების მქადაგებელი. როგორც თვითონვე ამბობს, ყველა რელიგია ღმერთისკენ მიმართული სანიშნეა. ადამიანმა თავისი გულის მზერა უნდა მიმართოს მიზნისკენ, რომელსაც ღმერთი წარმოადგენს, და არა სანიშნისკენ.

ოშო რაჯნიში იყო კაცობრიობის ერთ-ერთი იმ ჭეშმარიტ სულიერი მასწავლებელთაგანი, რომელნიც ცდილობდნენ დარღვეულიყო საუკუნეობრივი ზღვარი დასავლურ და აღმოსავლურ აზროვნებას შორის, მომხდარიყო ადამიანის სულიერი და მატერიალური სანყისის სინთეზი და დედამიწაზე ეხილათ გამთლიანებული, სულით ხორცამდე ჯანსაღი ადამიანები.

წინამდებარე წიგნში გადმოცემულია 1974 წლის აგვისტო-სექტემბერში წაკითხული ლექციების სერიალი, რომელსაც რაჯნიშმა „მდოგვის მარცვალი“ უწოდა. მის ამოსავალ პუნქტს

წარმოადგენს ჩვენს საუკუნეში ნაპოვნი მოციქულ თომას სახარებიდან აღებული იესო ქრისტეს 21 გამონათქვამი. თავის საუბრებში რაჯნიშს სინათლეზე გამოაქვს იესოს გამონათქვამების ეზოთერული (შინაგანი) მხარე და თანამედროვე ადამიანის აზროვნებისთვის გასაგებს ხდის.

„მდოგვის მარცვალი“ პირველად გამოდის ქართულ ენაზე. ვფიქრობთ, რომ იგი მრავალ ადამიანს დაუკმაყოფილებს სულიერ წყურვილს და გასცემს პასუხს ბოლომდე ამოუხსნელ კითხვებზე სიცოცხლის, სიყვარულისა და ყოფიერების რაობის შესახებ. ახლებურად დაანახვებს საკუთარ თავსაც და გარე სამყაროსაც. უმთავრესს კი თავად საუბრებში იხილავთ...

პატივისცემით – გამომცემლები

დიდსულოვნების მაძიებელნო,
მოდით, სადა ხართ,
მოდით, სადა ხართ.

ჯალალედინ რუმი

საუბარი პირველი

პირველი შეგონება

მონაფეებმა ჰკითხეს იესოს:

– გვითხარი, რას ჰგავს ცათა სასუფეველი?

იესომ მიუგო:

– ცათა სასუფეველი მდოგვის მარცვალსა ჰგავს, ყოველნაირ თესლზე მცირედს, მაგრამ როგორც კი მოხნულ ნიადაგში მოხვდება, უდიდეს ხედ აღმოცენდება, რომელზეც ციური ფრინველნი დაიბუდებენ.

(თომა 23)

ადამიანთა შინაგანი ურთიერთობანი გაქრა ცხოვრების ყველა სფეროში. დავიწყებულია უბრალო ჭეშმარიტება, რომ ცოლი უნდა ცოლობდეს, ხოლო ქმარი შესაფერის ქმრობას ნევდეს. ქალი და კაცი დღეს ერთმანეთისთვის მხოლოდ „ახლობლები“ არიან და მეტი არაფერი. ახლობლობა კარგია, მაგრამ ის ვერ იქნება სიღრმისეული. ქორწინება კი სულის სიღრმეში დადებული აღთქმა და საკუთარი თავის სხვისადმი მიძღვნაა. თუ მთლიანად არ ეძლევიტ, მხოლოდ ზედაპირზე რჩებით, ვერ აკეთებთ ნახტომს. რასაკვირველია, სიღრმეში შესვლა საშიშია, თქვენ ხომ მხოლოდ ზერელე ურთიერთობაში ხართ ასეთი მოხერხებულები, სადაც მექანიკურად მოქმედებთ და არანაირი შეგნება არ გესაჭიროებათ. სიღრმისეული ურთიერთობანი კი

თქვენთვის უცხოა. თქვენ მხოლოდ ზედაპირულად შეგიძლიათ მოძრაობა. თქვენი შეგნება და ყურადღება იმის მიხედვით იზრდება, თუ რამდენად ღრმავდებით საკუთარ თავში, რადგან ამ დროს, ყოველ წამს სიკვდილია მოსალოდნელი. სწორედ სიკვდილის შიშით ვერ ამყარებთ ერთმანეთთან ნამდვილ და ჭეშმარიტ სულიერ ურთიერთობას. ადამიანები უმნიშვარნი არიან. მეგობარი ქალი, ისევე, როგორც მეგობარი მამაკაცი, ფრიად სასიამოვნოა, მაგრამ ის ვერ იქცევა სულის სიღრმეში შესაღწევ კარად, რომელიც სიყვარულშია დაფარული. მეგობარ ქალთან შეიძლება გქონდეთ სქესობრივი კავშირი, მაგრამ ამ ურთიერთობაში სიყვარული ვერ აღმოცენდება. ამ უკანასკნელისათვის უფრო ღრმა ფესვებია საჭირო. სექსი ზედაპირზე ხორციელდება. ის ცხოველური, ბიოლოგიური მოვლენაა, სექსი შეიძლება მშვენიერი იყოს, როგორც ნაწილი სიყვარულისა, მაგრამ ნამდვილი სიყვარულის გარეშე, იგი ყველაზე დიდი სიმახინჯეა მთელ ქვეყანაზე. თქვენ შორის არ არის დადებული ალტემა, ადგილი არა აქვს მიძღვნას. ერთმანეთს ხვდებიან მხოლოდ სხეულები და არა თქვენ: „მე“ და „შენ“. ასევე დაემართა ყველა ადამიანურ ურთიერთობებს.

ყველაზე დიდი კავშირი კი, ურთიერთობა ოსტატსა* და მონაფეს* შორის, სრულიად გაქრა. მისი შეცნობის გარეშე თქვენ ვერასოდეს ჩასწვდებით იესოს მოძღვრებას. დღეს ოსტატსა და მონაფეს შორის კავშირი, ფსიქიატრსა და ავადმყოფს შორის ურთიერთდამოკიდებულებით შეიცვალა. ეს ურთიერთობა პათოლოგიურია.

ავადმყოფი ხომ ჭეშმარიტების საძიებლად არ მიმართავს ექიმს. ის აღდგენას ითხოვს. სიტყვა „ჯანმრთელობა“

მთლიანობას, სინმინდეს, საკუთარი „მე“-ს სიმრთელეს ნიშნავს. ავადმყოფი სინამდვილეში ჯანმრთელობის მოსაპოვებლად რომ მიმართავდეს ექიმს, იგი მონაფე იქნებოდა, მაგრამ ის მისი მხოლოდ ავადმყოფობის მოსაცილებლად. მისი მიზანი ნეგატიურია. მას სურს, რომ იძულებითი ფორმით კვლავ გახდეს ნორმალური სამყაროს მუშა ნაწილი. ავადმყოფი ველარ ეგუება გარე სამყაროს და საჭირო ხდება ჩარევა, რაშიც ფსიქიატრი ეხმარება. მაგრამ რას უნდა შეეგუოს იგი? – მას სჭირდება იმ სამყაროსთან და იმ საზოგადოებასთან შეგუება, რომელიც თავისთავად აბსოლუტურად არაჯანსაღია. რასაც თქვენ ნორმალურ ადამიანს უწოდებთ, სხვა არაფერია, თუ არა ნორმალური პათოლოგი ან შეშლილი, ისიც ამა თუ იმ საზოგადოების, კულტურის მიერ დადგენილ საზღვრებში. ზოგჯერ ვილაც გადააბიჯებს ამ საზღვარს და იგი ავადმყოფად იქცევა. მთელი დაავადებული საზოგადოება ამტკიცებს, რომ საზღვარს გადაბიჯებული ადამიანი ავადაა. ამ დროს კი საზღვარზე დგას ფსიქიატრი, რომელსაც ძალუძს ავადმყოფის უკანვე დაბრუნება.

ფსიქიატრი ვერ იქნება ოსტატი, რადგანაც ის თავად არ არის მრთელი პიროვნება. ვერც პაციენტი იქცევა მონაფედ, რამეთუ იგი სასწავლებლად არ მოსულა. მისი სიმშვიდე დარღვეულია, მას ანუხებს ამდენი ღელვა და ყველაფერ ამას ისევ შემგუებლობა ურჩევნია. ისე კი, უნდა ითქვას, რომ დასავლეთში ფსიქიატრები აყენებენ ოსტატობის პრეტენზიას, მაგრამ ისინი თვითონ დაავადებულნი არიან. მათ ძალუძთ დახმარება გაუწიონ სხვებს გარესამყაროსთან შეგუებაში. მაგრამ ერთ ავადმყოფს მეორის დახმარება შეუძლია ნაწილობრივ. მას არ შესწევს უნარი გამოაჯანმრთელოს მეორე.

შემლილი შემლილს ვერანაირად დაეხმარება სიგიჟის გადალახვაში.

თავად ფროიდი* იუნგი* და სხვანიც კი ავად არიან. უდიდესი ფსიქიატრებიც კი პათოლოგიურად ავადმყოფობენ. გიამბობთ ერთ ნამდვილ ამბავს, რომელიც ჩემს ზემოთქმულში დარწმუნებთ:

როცა ვინმე საუბარში უნებურად სიკვდილზე ჩამოაგდებდა სიტყვას, ფროიდს აკანკალებდა თურმე. მას გონიც კი დაუკარგავს ეგვიპტური მუმების შესახებ საუბრის მოსმენისას. ასეთი რამ იუნგსაც ემართებოდა.

და თუკი ძლიერ ეშინია სიკვდილის თავად ფროიდს, რაღა საჭიროა მის მოწაფეებზე ლაპარაკი? რატომ ბადებს სიკვდილი ასეთ შიშს? შეგიძლიათ წარმოიდგინოთ ბუდა*, რომელსაც სიკვდილის ეშინია? მაშინ ხომ იგი ბუდა აღარ იქნება.

იუნგი თავის მემუარებში იგონებს, რომ ბევრჯერ დააპირა რომისა და ვატიკანის მონახულება. სურდა გასცნობოდა ვატიკანის უდიდეს და უმდიდრეს ბიბლიოთეკას. მაგრამ ყოველთვის, როცა კი დაუპირებია გასამგზავრებელი ბილეთის შექმნა, კანკალს აუტანია თურმე იგი. ამას იწვევდა შიში უბრალო მოგზაურობისადმი და საინტერესოა, რა იქნებოდა, თუ იუნგი მოკშას* გზას გაუდგებოდა? იუნგი ყოველთვის უკან აბრუნებდა შექმნილ ბილეთს და მისი ოცნება ოცნებად კი დარჩა – ერთხელაც ვერ მოინახულა რომი.

საიდან ჩნდება შიში? რატომ უნდა ეშინოდეს ფსიქიატრს რომში გამგზავრება? ალბათ იმიტომ, რომ რომი რელიგიის სიმბოლოა, ხოლო იუნგს საკუთარი გონებრივი ფილოსოფიის გაცამტვერების ეშინოდა. ეს ყველაფერი იმ აქლემის საქციელს

ჰგავს, რომელსაც ჰიმალაიზე გავლის ემინია, რამეთუ აქ პირველად გრძნობს თავის არარაობას.

იუნგის გამოგონილი ფილოსოფია ბავშვური თამაშია. ადამიანი კოსმოსურ სისტემებს ქმნის, მაგრამ დროთა განმავლობაში ყველა მათგანი ინგრევა. იუნგი შიშობდა, რომ რომში მოგზაურობა წარსულში შექმნილ უდიდეს სისტემათა ნანგრევებში მოგზაურობას გაუტოლდებოდა.

ღირს კი ლაპარაკი თქვენს პატარა სისტემაზე? იმ მცირე ადგილზე, რომელიც გაასუფთავეთ და გაამშვენიერეთ? რა შეიძლება ითქვას თქვენი ფილოსოფიის შესახებ? დრომ გახვეტა უდიდესი ფილოსოფიების მტვერი. წადით რომში და იხილეთ, რა დაემართათ მათ. სადღაა არისტოტელეს*, პლატონის* ან სოკრატეს* სკოლები? ბოლოს და ბოლოს ყველა აზრი უსარგებლო ხდება, რამეთუ აზრი უბრალო რაღაცაა, რომელიც ადამიანმა შექმნა.

მხოლოდ აზრის მიღმა შეიცნობა ღმერთი, აზრი დროის კუთვნილებაა და მარადიულის შესაცნობად ვერ გამოიყენებთ. ამდენად, ვერანაირი ფილოსოფია ან სისტემა ვერ იქნება მარადიული. სწორედ ამიტომ ეშინოდა რომში მოგზაურობა იუნგს.

არადა, იუნგი ერთ-ერთი უდიდესი ფსიქიატრია. თუ მას ასე ეშინოდა გამგზავრება, რაღა უნდა ითქვას მის მოწაფეებზე? თქვენ არ გეშინიათ ასე ძლიერ, რამეთუ ნაკლებ მგძნობიარენი ხართ და არც წვდომის უნარი გაგაჩნიათ. იუნგი კი გრძნობდა, რომ რომში მას თავის დახრა მოუწევდა, უდიდესი ცივილიზაციის ნანგრევები ისევ სიკვდილს გაახსენებდნენ და საკუთარ თავს ასეთ კითხვას დაუსვამდა: **„მე რაღა მომივა? რა მოუვა ჩემს სისტემას?“**

იუნგი თავის მემუარებში წერს: „**მაშინ საბოლოოდ მივატოვე ეს წამონყება. მე არასოდეს ვინახულვ რომს**”.

ფროიდსაც ასევე ეშინოდა რომში გამგზავრების. რატომ? ეს არ გახლავთ უბრალო დამთხვევა. შესაძლოა, ფროიდი – თქვენზე უფრო ჭკვიანი ადამიანი, იქნებ გენიოსიც იყო, ეხმარებოდა კიდეც ადამიანებს გარე სამყაროსთან შეგუებაში, მაგრამ ფროიდიც ისევე ბრაზობდა, როგორც თქვენ. თქვენსავით სექსუალური იყო და ისევე კრთოდა სიკვდილის წინაშე, როგორც თქვენ. ამიტომ საბოლოოს, საიდუმლოს, ყოფიერების ღრმა შუაგულის წვდომაში უმნიშვარი იყო. არა, ფსიქიატრია ვერ იქნება რელიგია. ფსიქიატრიული განყოფილება შეიძლება იქცეს კარგ საავადმყოფოდ, მაგრამ ტაძრად – ვერასოდეს.

ფსიქიატრი საჭირო ადამიანია. მას შეუძლია ავადმყოფს შემგუებლობის დაკარგული უნარის აღდგენაში მიეხმაროს, მაგრამ არც ერთია ოსტატი და არც მეორე – მონაფე.

ოსტატთან თუ ისე მიხვალთ, როგორც პაციენტი, მიზანს ასცდებით, რადგან ოსტატი არ არის ფსიქიატრი. თუნდაც მე, ხალხი მოდის და მეუბნება, რომ მათი გონება შფოთავს, ისინი იტანჯებიან და ნევროზი აწუხებთ. ჩემთვის ყველაფერი გასაგებია, მაგრამ არ ვაპირებ მათი მღელვარების განკურნებას, მე თვითონ ისინი უნდა განვკურნო, მაინტერესებს არა სენის, არამედ ადამიანის არსი.

როგორც კი საკუთარ თავს შეიცნობთ, მაშინვე განიკურნებით. ყველანაირი ავადმყოფობის ძირითადი მიზეზი არის თქვენი უარი, შეხვდეთ საკუთარ თავს, ჩაიხედოთ საკუთარ სულში და შეიცნოთ არსი.

რა დაგემართათ? რატომ გეშინიათ საკუთარ „მესთან“ შეხვედრის? ვიდრე არ იქნებით მზად ამ შეხვედრისთვის, თქვენ მონაფედ ვერ ივარგებთ, და იმ შემთხვევაში ოსტატსაც არაფერი ძალუძს. მას შეუძლია, თუ მზად ხართ, დაგეხმაროთ თქვენს თავთან პირისპირ შეხვედრაში.

რატომ გეშინიათ ასე? იმიტომ, რომ წარსულში რაღაც არ იყო წესრიგში, ახალშობილ ბავშვს არ ღებულობენ თავისთავადს და ბევრ რამეს ცვლიან მასში ძალდატანებით. ბავშვის ბუნებრივი ქცევა მშობლებისა და საზოგადოებისათვის ხშირად მიუღებელია, ამიტომ იძულებულს ხდებიან უფროსების რჩევადარიგებები მოისმინოს. ბავშვი მათი ზემოქმედებით საკუთარი არსის ზოგიერთ მხარეს იმდენად უარყოფს, რომ ზოგჯერ თვითონაც ვეღარ გრძნობს მათ არსებობას.

ბავშვი იძულებულია უფროსებისაგან უარყოფილი ნაწილი ბნელ კუნჭულში მიჩქმალოს, მაგრამ ეს ნაწილი მყარად მკვიდრდება, ამბობებასა და წინააღმდეგობის განევას ცდილობს. ბავშვები და ასევე მოზრდილი ადამიანებიც დიდ ენერგიას ხარჯავენ, რათა ისევ ბნელ კუნჭულში შეაბრუნონ ისინი – აი, საიდან ჩნდება საკუთარ თავთან შეხვედრის შიში. აბა, წარმოიდგინეთ, რა მოუვა თქვენი არსების დათრგუნულ ნაწილს? ის ხომ კვლავ წარმოაჩენს თავს... რა მოუვა არაცნობიერს? თუ შეიცნობთ საკუთარ არსებას, თქვენთან იქნება არაცნობიერიც და ყოველივე უარყოფილიც. სწორედ ეს გაშინებთ!

იქამდე, სანამ ბავშვს არ შეიცნობენ ისეთს, როგორც ის სინამდვილეშია, ეს შიშიც იარსებებს. აქვე უნდა აღვნიშნოთ ისიც, რომ ჯერ არ არსებულა ისეთი საზოგადოება, ბავშვს პირველყოფილი სახით რომ მიიღებდა. ეს თითქმის შეუძლებელია. სწო-

რედ აქედან გამომდინარეობს, რომ საკუთარი არსების რაღაც მხარეებზე უარს ამბობს ადამიანი და ნაწილობრივ თუ მთლიანად კლავს მათ თავის თავში. ამიტომ პირისპირ შეხვედრის პრობლემასთან შეჯახება თითოეული ადამიანისათვის გარდაუვალია.

სწორედ მაშინ იქცევით მონაფედ, როცა დაივინყებთ, რა არის კარგი და რა არის ცუდი; აღარ ეცდებით, რომელი მიიღოთ და რომელზე თქვათ უარი და საკუთარ თავს მთელი თქვენი არსებით წარუდგებით წინ. ოსტატი ბებიაქალია მხოლოდ. იგი ხელახლა დაბადებაში და იმ ბარიერის გადალახვაში გეხმარებათ, რომელიც ხელს უშლის ამ დაბადებას. მონაფე ეჭვის გარეშე უნდა ენდობოდეს ოსტატს, უმცირესი ეჭვის შემთხვევაშიც კი ის ვერ გაუმხელს თავს ოსტატს. თუ ეჭვის თვალთ შეხედავთ ვინმეს, მასთან არ იხსნებით, ის უცხოა თქვენთვის და იკეტებით საკუთარ თავში, იღვიძებს თავდაცვის ინსტიქტი და ასე ვთქვათ, იჯავშნებით.

ოსტატთან კი ეს ჯავშანი მთლიანად უნდა მოიხსნათ და არა ნაწილობრივ. ეს აუცილებელი პირობაა. შეიძლება ყველაზე ახლობელ ადამიანთანაც კი არ იყოთ ბოლომდე გახსნილი, მაგრამ ოსტატს სრულიად უნდა მიენდოთ, სხვაგვარად არაფერი გამოვა, საჭიროა სრული ნდობის გამოცხადება. მხოლოდ მაშინ გაიხსნება თქვენს სულში დაფარული საიდუმლო, მხოლოდ მაშინ მოგეცემათ გასაღები ჭეშმარიტების შეცნობისა. თუ იმალებით თქვენ ოსტატისა გეშინიათ და ამ შემთხვევაში იგი ვერაფრით დაგეხმარებათ.

ოსტატამდე მისვლა ბრძოლით კი არ უნდა ხდებოდეს, არამედ საკუთარი თავის კაპიტულაციით. ადამიანს კი სრულიად

გაუქრა ეს უნარი, რადგანაც სამი-ოთხი საუკუნის მანძილზე ას-
წავლიდნენ მას ინდივიდუალისტობას და ეგოისტობას. ადამი-
ანმაც ისწავლა არა დათმობა, არამედ ბრძოლა, არა მორჩილება,
არამედ ამბოხება, არა ნდობა, არამედ ეჭვიანობა. მეცნიერება
ღრმა სკეპტიციზმია. ნდობა არ გახლავთ მისი გზა. მეცნიერე-
ბის საშუალებები ლოგიკა, დავა და დაეჭვებაა. რაც უფრო ეჭ-
ვიანობთ, იმდენად უფრო მეცნიერულად აზროვნებთ და ეს
სრულიად ეწინააღმდეგება რელიგიურ გზას.

რელიგია ნდობაზეა დამყარებული – რაც უფრო მიმნდობი
ხართ, იმდენად რელიგიური ხდებით. მეცნიერება სასწაულებს
ახდენს და ეს სასწაულები შესამჩნევია. რელიგიის სასწაულები
უფრო მეტია, მაგრამ შეუმჩნეველი. ბუდა რომ იყოს აქ, დაინა-
ხავდით? რას იგრძნობდით? ის ხომ უხილავია. ჩანს მხოლოდ მი-
სი სხეული, ხოლო, რაც ჩანს, ისეთივე მოკვდავია, როგორიც
თქვენ. ხილული ყველაფერი ბერდება და ერთ მშვენიერ დღეს
კვდება. მხოლოდ უხილავია მარადიული, მაგრამ თქვენ არ
გაქვთ მისი დანახვის უნარი.

მხოლოდ მიმნდობი ადამიანი აღიქვამს და გრძნობს უხი-
ლავს, მაგრამ ისიც – ნაწილობრივ. ნდობა ორივე თვალის და-
ხუჭვას გულისხმობს. აი, რატომაა ნდობა სიყვარულივით ბრმა
და უფრო ბრმაც, ვიდრე სიყვარული.

რა ხდება როცა ორივე თვალს ხუჭავთ? ხდება შინაგანი
ტრანსფორმაცია. როდესაც გარე სამყაროს აღიქვამთ, თქვენი
თვალებიდან გამოდის ენერგია, ხოლო როცა თვალებს ხუჭავთ,
ეს ენერგია უკანვე გიბრუნდებათ. იგი თვალის საშუალებით ვე-
ლარ აღწევს ობიექტამდე და იცვლის მიმართულებას, ბრუნს
აკეთებს. ენერგია კი უნდა მოძრაობდეს, იგი ყოველთვის

პოულობს გამოსავალს. როდესაც ორივე თვალი დახუჭულია, ენერგია უკანვე ბრუნდება და მისი გარდაქმნა ხდება. მერე ეს ენერგია „მესამე თვალს“* უტევს, რომელიც არ არის ფიზიკური სხეული, უბრალოდ, ის ენერგია, რომელიც თქვენს თვალებს უნდა დაეხარჯა გარეგანი ობიექტების აღსაქმელად, სანყისს უბრუნდება და სამყაროს ხედვის მესამე საშუალებად – „მესამე თვალად“ იქცევა.

მხოლოდ „მესამე თვალით“ შეგიძლიათ დაინახოთ ბუდა და ეზიაროთ იესოს. ხალხმა ვერ შეიცნო იესო. მის მშობლიურ ქალაქში ფიქრობდნენ, რომ ის უბრალო ხუროს – იოსების ჩვეულებრივი შვილი იყო. ვერავინ შეძლო მისი ამოცნობა. ვერავინ მიხვდა, რომ ის აღარ იყო ხუროს შვილი, ვერავინ გაიგო, რომ ის **გახდა ძე ღვთისა**. არ დაგავიწყდეთ, რომ ეს უკანასკნელი შინაგანი ფენომენია. იესო თავად აცხადებდა: **„მე ვარ ძე ღვთისა, მამაჩემი ზეცაშია“**. ხალხი კი დასცინოდა მას, შემოიღობდა, თავზეხელაღებულს ეძახდა. „განა შეიძლება ხუროს შვილი ღვთის ძედ იქცესო?“ მე კი გეუბნებით, რომ ეს შესაძლებელია.

სხეულიდან მხოლოდ სხეული იბადება. შინაგანი „მე“ სხეულიდან არ იბადება, ის სულიწმიდისგან, ღვთისგან მოდის. მაგრამ თავდაპირველად უნდა შეიძინოთ თვალი, რათა დაინახოთ, გამოიბათ ყური, რომ მოისმინოთ.

ეს კი უაღრესად ძნელია. სანამ ნათელით შეიმოსებით, გასავლელი გაქვთ ჭეშმარიტი ცოდნის შეძენის უდიდესი და ურთულესი გზა. იესოს მოსმენა და გაგება ისევე გაგიჭირდებათ, როგორც კლასიკურ მუსიკაში ჩანვდომა, თუკი მოუმზადებელი დასხდებით მის მოსასმენად. კლასიკური მუსიკის აღქმა მხო-

ლოდ ნატიფ და ნავარჯიშებ სმენას შეუძლია. რაც უფრო ეჩვე-
ვით, მით უფრო ნატიფი ხდება აღქმა, მაგრამ კლასიკური მუსი-
კა არაფერია იესოსთან შედარებით, რამეთუ იესო კოსმიური
მუსიკაა. თქვენში უნდა სუფევდეს დიადი სიჩუმე და აზრის არა-
ნაირი ჩქამი არ განუხებდეთ. მხოლოდ მაშინ შესძლებთ იესოს
მოსმენას, გაგებასა და შეცნობას.

იესო სულ იმეორებს: **„ვისაც ყურები აქვს, ისმინოს, ვისაც
თვალები აქვს, დაინახოს, მე აქა ვარ!”**

რატომ იმეორებს ის ხშირად?

იესო აზროვნების იმ განზომილებაზე ლაპარაკობს, რომე-
ლიც მხოლოდ მონაფისთვისაა ხელმისაწვდომი. მხოლოდ უმცი-
რესობას ესმოდა იესოსი. ეს გარდაუვალია, მაგრამ ვინ იყო ეს
უმცირესობა? ეს იყო გაუნათლებელი ხალხი. ისინი არც უნი-
ვერსიტეტის პროფესორები ყოფილან, არც კანდიდატები და
არც ფილოსოფოსები. ისინი უბრალო, ჩვეულებრივზე
ჩვეულებრივი ადამიანები იყვნენ; მეთევზეები, გლეხები, მენა-
ლეები, მეძავეები... მაგრამ რატომ მაინცდამაინც მათ შეიცნეს
იესო? როგორც ჩანს, უბრალო ადამიანში არის რაღაც განსა-
კუთრებული, რაც ქრება ე.წ. „არაჩვეულებრივ” ადამიანში. ეს
არის მორჩილება და ნდობა. მართლაც, რამდენადაც ინტელექ-
ტუალურად განათლებულნი ბრძანდებით, ნაკლებად მიმნდობი
ხართ.

გლეხი მიმნდობია. რაში უნდა დაეჭვდეს იგი, როცა თესავს
მარცვლეულს და სჯერა, რომ ჯეჯილი ამობიბინდება. გლეხი
მოთმინებით ელის და ლოცულობს, რათა თესლმა გაიხაროს.
იგი ხეების, ბალახების, მდინარეების, მათაა გარემოცვაში
ცხოვრობს და რაში უნდა ეპარებოდეს ეჭვი, ბუნება ხომ არავი-

თარ საბაბს არ აძლევს ამისათვის? ხეები არ ეშმაკობენ, მთები არც პოლიტიკოსები არიან და არც დამნაშავენი, რომ მათგან თავდასაცავად ჯავშანი იყოს საჭირო. ამიტომაც ბუნებაში შეგიძლიათ გადაიხსნათ კიდით კიდემდე. ბუნების წიაღში ალტაცების გრძნობა გეუფლებათ სწორედ იმიტომ, რომ თქვენს პირველყოფილებას გრძნობთ. მთელი სილამაზე ბუნებიდან კი არა, თქვენი სულიდან გამომდინარეობს.

ადამიანები, რომლებიც ცხოვრების უმეტეს ნაწილს ბუნების წიაღში ატარებენ, უფრო მიმდობნი არიან. აი, რატომაც წარმოუდგენელი იესოს დაბადება ნიუ-იორკში, ეს თითქმის შეუძლებელია. იქ შეიძლება მხოლოდ იესომანი დაიბადოს და არა იესო. იესო რომც დაბადებულყო იქ, მას არავინ მოუსმენდა და ვერც შეიცნობდნენ. იესო იმ დროს დაიბადა, როცა არც ტექნიკა და არც მეცნიერება არ იყო განვითარებული. იგი ხუროს ოჯახში დაიბადა და მთელი ცხოვრება უბრალო და ღარიბი, მაგრამ ნდობით აღსავსე ხალხის გვერდით გაატარა.

ერთხელ გარიჟრაჟზე ტბასთან მისული იესო მეთევზეებს გადააწყდა. მათ ის-ის იყო წყალში ჩაეშვათ ბადეები და თევზაობას აპირებდნენ. იესომ მიმართა მათ: **„მოისმინეთ, რატომ ფლანგავთ ცხოვრებას ტყუილუბრალოდ? მე შემოიძლია თქვენ ადამიანთა მებაღურებად გაქციოთ. ადექით და გამომყევით თან!”** თქვენთან რომ მოსულიყო სამსახურში ან სახლში და იგივე ეთქვა, თქვენ ეტყოდით, რომ მოგშორებოდათ და ისედაც მცირე დრო არ დაეკარგვინებინა. მეთევზეებმა კი მას ყოველგვარი ეჭვის გარეშე შეხედეს. მზე ამოდიოდა და იესო მშვენიერი იყო: მას თვალები ტბასავით ღრმა და უძირო ჰქონდა, და რადგანაც მისი ბრწყინვალეობა მზის ნათელს აღემატებოდა, მე-

თევზებმა გადაყარეს ბადეები და გაჰყვნენ მას ისე, რომ არ მიუციათ არც ერთი შეკითხვა, ვინაობაც კი არ უკითხავთ მისთვის. ქრისტე მათთვის სრულიად უცნობი იყო. არაფერი სმენოდით მასზე, მაგრამ იესოს მიხმობა საკმარისი აღმოჩნდა, რომ მისი სინრფელე შეეცნოთ და უკან გაჰყოლოდნენ.

როცა ისინი ქალაქიდან გადიოდნენ, მღევარი დაენიათ და მიმართა მათ: „სად მიდიხართ? მამათქვენი გარდაიცვალა მოულოდნელად. დაბრუნდით უკან!“ მეთევზებმა ჰკითხეს იესოს: „შეგვიძლია სახლში დავბრუნდეთ და გარდაცვლილი მამა დავმარხოთ? შემდეგ კი გამოგყვებით“. იესომ უპასუხა: **„ნუ ზრუნავთ მკვდრებზე. ამ ქალაქში საკმარისად არიან მკვდრები და სხვები იზრუნებენ თავიანთ მიცვალებულებზე. თქვენ კი გამომყევით და ნურაფერს დარდობთ“**. მეთევზები იესოს გაჰყვნენ და ერთხელაც აღარ შემობრუნებულან უკან. ნდობა უკანმიუხედაობას, უკანდაუბრუნებლობას გულისხმობს. ეჭვიანი გონება ყოველთვის უკან იცქირება, ყოველთვის ალტერნატივაზე ფიქრობს.

ასეთი ადამიანი იესოს არ გაჰყვება, მას გონებაში შემდეგი აზრი გაუელვებს: „ვინ იცის, მართლა ღვთის ძეა? არავინ არაფერი იცის არც ღმერთზე და არც მის შვილებზე, ეს კაცი კი არაფრით განსხვავდება ჩვენგან!“. მეთევზები კი არც დაფიქრებულან, ისე შეუდგნენ იესოს გზას.

თუ იესოს გზას მიუყვებით, ადრე თუ გვიან, თქვენც მისი სენი შეგეყრებათ, მაგრამ ეს რომ მოხდეს, საჭიროა არსაით იყურებოდეთ, მისდით მას და, როცა იქნება, მიხვდებით, რომ იესო ძე ღვთისაა. მისი ნყალობით იმასაც ჩასწვდებით, რომ თქვენც

ღვთის შვილი ხართ. მაგრამ ჯერ ნდობა უნდა გამოიჩინოთ. გიმეორებთ, თუ არსებობს ეჭვი – ნდობა დახშულია.

მეცნიერების წარმატებით განვითარებამ გააფერმკრთალა ურთიერთობა ოსტატსა და მოწაფეს შორის. მეცნიერთა სასწაულები არაფრის მაქნისია, რადგან ნამცეცეცი კი არ მიუმატებიათ ადამიანთა ბედნიერებისთვის. სასწაული კი მაშინ არის ჭეშმარიტი, როცა ადამიანისათვის ბედნიერება მოაქვს. დღეს ძალიან ცოტაა ბედნიერი. მეტი ტექნიკა და კომფორტი, მეტი ფორიაქი და ტანჯვა, ბედნიერება კი – ნაკლები. აი, მეცნიერების წარმატება. რაც უფრო მეტის გაკეთება შეუძლია მექანიკურ დანადგარებს, უფრო ნაკლებად ხართ საჭირო. და რაც უფრო ნაკლებად ხართ საჭირო, იმდენად გამოუსადეგრად და უმაქნისად გრძნობთ თავს. ადრე თუ გვიან კომპიუტერი შეასრულებს თქვენს ფუნქციებს მთლიანად და ეს მდგომარეობა თვითმკვლევლობამდე მიგიყვანთ.

როცა ვინმეს სჭირდებით, თქვენ ბედნიერი ხართ და თქვენი არსებობაც გამართლებულია, რამეთუ ფიქრობთ, რომ უთქვენოდ ყველაფერი სხვანაირად იქნებოდა. ახლა კი, როცა მანქანა ასრულებს ადამიანის ფუნქციებს, უთქვენოდაც ყველაფერი კარგად მიდის. თქვენ უბრალოდ „მოძველდით“. ყოველ წელს განახლებული სახით უშვებენ ამა თუ იმ ნივთს. გამოდის ავტომანქანა „ფორდის“ ახალი მოდელი, ყველანაირი საგნის ახალი მოდელი... მხოლოდ ადამიანი რჩება არათანამედროვე მოდელად. ამდენად ახალ საგანთა შორის თქვენ ერთადერთი „მოძველებული“ არსება ხართ.

თანამედროვე ადამიანი გამუდმებით გრძნობს თავის უსარგებლობას, რადგანაც იგი არავის სჭირდება – არც საკუთარ

შვილებს, რომლებზეც „კეთილდღეობის სახელმწიფო“ ზრუნავს და არც ხანშიშესულ მშობლებს, რომელთათვისაც სპეციალური სახელმწიფო სახლებია აშენებული. თქვენ წინაშე დგება კითხვა: „ვის ვჭირდები?“ ხოლო, როცა თქვენს უსარგებლობას გრძნობთ, ვერანაირად ვერ იქნებით ბედნიერები.

წინათ ადამიანი ყოველთვის საჭირო იყო. ებრაელ მისტიკოს გიდელს, ღრმად მორწმუნე და მიმდობ ადამიანს, ასე მიუმართავს ღვთისთვის: **„ღმერთო, ნუ იფიქრებ, რომ მხოლოდ მე მჭირდები. მეც საჭირო ვარ შენთვის. უჩემოდ შენ არარაობა იქნებოდდი. რომ არ ვიყო მე, ვინ ილოცებდა? ვინ გაგალმერთებდა? ჩემი არსებობა აუცილებელია შენთვის“.**

როდესაც თქვენ საჭირო ხართ სამყაროში და ღმერთსაც სჭირდებით, თქვენს არსებობას აქვს აზრი. მაგრამ დღეს უთქვენოდაც იოლად გადიან ფონს. ტექნოლოგიურმა პროცესებმა აგიშენათ საუკეთესო სახლები, მაგრამ ვერანაირი ტექნოლოგია ვერ შექმნის საუკეთესო ადამიანს. ამისათვის საჭიროა სხვა განზომილება, რომელიც მეცნიერებას არ გააჩნია. ის შემეცნებითია.

მეცნიერება ვერ შექმნის ბუდას და იესოს. მაგრამ მას ძალუძს შექმნას ისეთი საზოგადოება, სადაც ვერც ბუდა და ვერც ქრისტი ვერ იარსებებენ.

ბევრი მეკითხება, თუ რატომ აღარ იბადება ბუდა, ტირტჰანკარა* ან იესო? თქვენ გამო! თქვენ შექმენით ისეთი საზოგადოება, რომელშიც უბინო ადამიანისათვის შეუძლებელია არსებობა, რომც არსებობდეს, შეიცნობდით მას? პრობლემა ბუდას დაბადება და არსებობა კი არ არის, პრობლემა მისი შეცნობაა.

იქნებ ყოველდღე ხვდებით კიდევ მას, მაგრამ ვერ ამჩნევთ თქვენი სიბრმავის გამო.

დღეს ნდობა გაქრა, გახსოვდეთ, რომ იესო ნდობის საუკუნეში ცხოვრობდა! მთელი მისი დიდების ნათელის დანახვა და არსში ჩანვდომა მხოლოდ ნდობის განზომილებაში ხდება.

ახლა განვიხილოთ ქრისტეს შეგონება.

„მონაფეებმა ჰკითხეს იესოს:

გვითხარი, რას ჰგავს ცათა სასუფეველი?“

ეს შეკითხვა უმანკოა, მონაფეები არც ცნობისმოყვარეობით უსვამენ კითხვას და არც კამათს არ აპირებენ იესოსთან, რომელსაც მხოლოდ უმანკო შეკითხვაზე შეუძლია პასუხის გაცემა. იცით, როდისაა შეკითხვა უმანკო? როცა კითხვაზე პასუხი თქვენვე არა გაქვთ მზად. თქვენ კითხულობთ: „არსებობს ღმერთი?“ და პასუხიც იცით. ჩემთან მხოლოდ იმისთვის მოხვედით, რომ დასტური მიიღოთ ამის შესახებ. ან, პირიქით, იცით, რომ ღმერთი არ არსებობს და მხოლოდ იმის გასაგებად მოხვედით, ვიცი თუ არა ეს. ასეთი შეკითხვა ეშმაკობაა და იესოს არ შეუძლია ასეთ შემთხვევაში პასუხის გაცემა.

როცა მონაფე ქრისტეს ეკითხება, მან ნამდვილად არ იცის პასუხი. ვიდრე კითხვას დასვამდეთ, კარგად გაიაზრეთ, გაქვთ თქვენ თვითონ ამ კითხვაზე პასუხი მზად თუ არა. დაფიქრდით, საკუთარი ცოდნიდან ხომ არაა გამონვეული კითხვა. თუ ეს ასეა, მაშინ შეხვედრა შეუძლებელია, რომც გიპასუხონ, პასუხი ვერ მოაღწევს თქვენამდე. თქვენში ამ საკითხის შესახებ სიცარიელე უნდა იყოს, პასუხმა რომ შეავსოს იგი. წინააღმდეგ შემთხვევაში, თქვენ წინასწარ დაჯერებულნი და მონამლულნი ხართ, სანამ პასუხს მიიღებდეთ.

შეკითხვის ორი სახე არსებობს: პირველი შეკითხვა ცოდნი-დან გამომდინარეობს და მასზე პასუხის გაცემა უაზრობაა, რადგან მას კამათი და დიალოგი მოჰყვება, მეორე შეკითხვის დროს დარწმუნებულნი უნდა იყოთ, რომ პასუხი რა იქნება, თქვენ არ იცით. ამ შემთხვევაში თქვენ მონაფე ხდებით, რადგან უბრალოდ გწყურიათ და ითხოვთ ნყალს, გმიათ და ითხოვთ პურს, არ იცით და ეკითხებით. მონაფე ოსტატს მიმართავს შეკითხვით, რადგან კარგად იცის, რომ არ იცის. როდესაც არ იცით, თქვენ მორჩილი ხართ, როდესაც იცით – ეგოისტი, იესოს კი არ შეუძლია თქვენი „ეგოს“* ბრბოსთან საუბარი.

„მონაფეებმა ჰკითხეს იესოს...“ მონაფეებმა, ე.ი. მათ, რომლებიც სავსებით აღიარებენ, რომ არ იციან. „...გვითხარი, რას ჰგავს ცათა სასუფეველი?“

ქრისტე გამუდმებით ლაპარაკობდა ცათა სასუფეველზე, რამაც ბევრი უსიამოვნება გამოიწვია, თვით სიტყვა „საუფლო“ ხომ პოლიტიკური სიტყვაა და პოლიტიკოსებმა განაცხადეს: „ეს კაცი ლაპარაკობს რაღაც საუფლოზე, რომელიც ამქვეყნად დამკვიდრდება, თან ამბობს, რომ ამ საუფლოს მეუფე თვითონაა. მას სურს მთავრობის დამხობა და ახალი სამეფოს შექმნა!“ გადანყვიტეს, თავიდან მოეშორებინათ იესო, ამიტომაც აცვეს იგი ჯვარს.

იესო გავლენას ახდენდა ხალხზე და ამის ემინოდათ მეფეს, მეფისნაცვალს, სხვა თანამდებობის პირებსა და ღვთისმსახურთ. ხალხს მისი საუბრები გარდასახავდა და აღაგზნებდა. ადამიანები სრულიად იცვლებოდნენ. ვერც მღვდელმთავრებმა, ვერც მეფისნაცვალმა პილატემ, ვერც მთელმა სასულიერო და

საერო მთავრობამ ვერ შეიცნო იგი და ამიტომ საშიშ პიროვნებად გამოაცხადეს.

ყოველთვის არსებობდა იესოს ვერშეცნობის შესაძლებლობა. საქმე იმაშია, რომ იგი თქვენივე ენით გესაუბრებათ, სათქმელს თქვენივე სიტყვებით გეუბნებათ, რადგან არც სხვა ენა არსებობს და არც სხვა სიტყვები. თქვენი სიტყვები კი სხვადასხვა მნიშვნელობითაა დამძიმებული, მათში ბევრი სხვა აზრია ჩადებული. ქრისტე, უბრალოდ, ცის საუფლოზე, ღვთის სასუფეველზე ლაპარაკობს, მაგრამ თქვენთვის სიტყვა „საუფლოს“ სხვა მნიშვნელობაც გააჩნია. ეს სიტყვა თქვენთვის საშიშია, რამეთუ „საუფლოსა“ და „სამეუფოს“ პოლიტიკასთან აიგივებთ.

იესო არ იყო ამ სამყაროს რევოლუციონერი. მან რევოლუცია სულიერ სამყაროში მოახდინა. მისი ხშირად მონაფეებსაც კი არ ესმოდათ. როცა ოსტატთან მიდიხართ, ორი განსხვავებული განზომილება ხვდება ერთმანეთს. ეს შეხვედრა მიწისა და ცის შეხვედრას ჰგავს. ეს არის საზღვარზე შეხვედრა.

თუ გაქვთ ნდობა, შეგიძლიათ გაშალოთ ფრთები და აფრინდეთ.

თუ არა გაქვთ ნდობა, მიწიდან მონყვეტის გეშინიათ.

რას წარმოადგენს ღვთის სასუფეველი? იგი სრულიად განსხვავდება ამქვეყნიური სამეფოსგან, ქრისტე გამუდმებით ლაპარაკობდა ამ განსხვავების შესახებ, მაგრამ ხალხმა ვერ დაიჯერა.

ქრისტე ამბობდა: **„ღვთის სასუფეველში უღარიბესი იქნება უმდიდრესი, უკანასკნელი იქნება პირველი“**. მისი საუბარი ლაოძის* საუბარს ჰგავდა: **„უკანასკნელი პირველი იქნება ჩემს სამეფოში“**. იესო ქადაგებდა, რომ ყველაზე თავმდაბალი იქნებოდა

ყველაზე წარჩინებული და ვისაც აქ არ სცნობდნენ, აღიარებდნენ იქ. ყველაფერი თავდაყირა იქნებოდა. ეს ასეც უნდა იყოს. თუ მოლივლივე მდინარესთან დგახართ, მასში არ არის ქაფი და დაინახავთ თქვენს ანარეკლს, მხოლოდ გამოსახულება იქნება პირიქითი, ისევე როგორც სარკეში, სინამდვილეში სამყაროში თავდაყირა ვდგავართ. იმისათვის, რომ გავსწორდეთ, საჭიროა ყველაფრის მეორე პირზე ამოტრიალება. ეს თუ მოხდება მოგეჩვენებათ, რომ ყველაფერი თავდაყირა დადგა. ეს ასეც უნდა იყოს – საჭიროა ქაოსი.

ბუდამ მდაბიოდ ყოფნა აირჩია. იგი ამქვეყნად უკანასკნელ ადამიანად იქცა. მეფე იყო, მაგრამ უარი თქვა მეფურ დიდებაზე, მიხვდა ამქვეყნიური სამეფოს უსარგებლობას და დატოვა იგი. ღვთის სასუფეველი უკანასკნელთ ეკუთვნით. ამქვეყნიური სამეფო უაზრო ტვირთია, თქვენ მას მიეზიდებით, მაგრამ იგი განადგურებით გემუქრებათ, რამეთუ ნელი შხამია და ვერც გრძნობთ მის მოქმედებას.

ვიღაც ლოთი ღვინოს სვამდა. გზად მეგობარმა ჩაუარა და უთხრა: „რას შვრები, ეს ხომ სანამლავია, რომელიც ნელ-ნელა გიღებს ბოლოს?“

„არა უშავს რა, მე არსად მეჩქარება“, – მიუგო ლოთმა.

ყველაფერი, რასაც თქვენ ცხოვრებას ეძახით, სანამლავია, რადგან ბოლოს და ბოლოს იგი: სიკვდილით მთავრდება. თქვენ იქნებ არც ჩქარობთ, მაგრამ ცხოვრებას ეს არ ცვლის. საბოლოო შედეგი ერთია: თქვენი სიკვდილი.

ამქვეყნიური სამეფო სიკვდილისაა, ცის საუფლო კი –მარადიული სიცოცხლის, ამიტომ ამბობს იესო: **„ვინც მზად ხართ, მოდით ჩემთან, მე მოგცემთ სავსე ცხოვრებას“**.

ერთ სოფელში იესოს მოსწყურდა და ჭასთან მივიდა. ვილაც ქალი ჭიდან წყალს იღებდა. იესომ სთხოვა: „დამალევიწე წყალი, რათა წყურვილი მოვიკლა“.

„კი, მაგრამ მე ისეთ კასტას ვეკუთვნი, რომ არა მაქვს უფლება წყალი მოგანოდო“, – უთხრა ქალმა.

იესომ მიუგო: „**ნუ სწუხარ, დამალევიწე წყალი და სანაცვლოდ მე ჩემი ჭის წყალს დაგალევიწებ. რაკი ერთხელ შესვამ მას, აღარასოდეს მოგწყურდება**“.

„**რას ჰგავს ცათა სასუფეველი?**“ – ეკითხებიან მონაფეები იესოს, რადგან უხილავის ახსნა მხოლოდ „მსგავსით“ შეიძლება, აქედან მომდინარეობს ყველა მითი. მითოლოგია – ეს იმის ასახვის მცდელობაა, რაც არ იცით და არც შეიძლება იცოდეთ თქვენი გონებრივი მონაცემების საშუალებით. უხილავის ახსნის მცდელობა რეალურად არსებულის საშუალებით, არის მითი.

შეუძლებელია ცათა სასუფეველის ახსნა პირდაპირ და უშუალოდ. ვიდრე თვითონ არ შეაბიჯებთ მასში, ვერაფრით გაიგებთ მის არსს. ყოველი ახსნა იქნება ყალბი, რამეთუ ჭეშმარიტება ენით არ გამოითქმის.

მაშ, რას აკეთებდნენ წლების განმავლობაში იესო, ბუდა და ლაო ძი? ისინი ცდილობდნენ, თქვენთვის ნაცნობი სიმბოლოების საშუალებით, აეხსნათ ის, რისი ახსნაც არ შეიძლება. ცნობილის საშუალებით გამოეხატათ უხილავი. მითებში, იგავებში, ლეგენდებში უღრმესი აზრია გადმოცემული.

ზოგიერთი ბრიყვი ცდილობს მითის ანალიზირებას და ამტკიცებს, რომ იგი არ არის ნამდვილი. ადამიანი აქუცმაცებს მითს, ანანევრებს, თითქოს ქირურგიულ ოპერაციას უკეთებს, შემდეგ კი ამბობს, რომ მითი არ არის ისტორია. ეს იმას ჰგავს,

გზაზე ქვა რომ შემოგხვდეთ დელის მაჩვენებელი ისრითა და წარწერით, დაამსხვრიოთ იგი და თქვათ, რომ ქვა ვილაც სულელს აღუმართავს და დელი აქ არ მდებარეობს.

მითი სწორედ ის საგზაო ნიშანია, რომელიც მიგანიშნებთ უხილავის ადგილსამყოფელისკენ. მონაფეების შეკითხვის აზრიც ის არის, რომ თავიანთ კითხვაზე ზუსტ პასუხს არ მოელოდნენ, მათ მხოლოდ უნდა იცოდნენ, რას ჰგავს ცათა სასუფეველი, რათა მათთვის გასაგები ენის საშუალებით ჩასწვდნენ ჭეშმარიტებას.

წარმოიდგინეთ ბრმა, რომელიც თხოულობს აუხსნან, რა არის სინათლე. მისთვის ხომ თავისივე შეკითხვა იქცევა წინააღმდეგობად პასუხის გაცემისას. ამ კითხვაზე პასუხის გაცემა შეუძლებელია, რამეთუ, თუ გსურთ გაიგოთ, რა არის სინათლე, საჭიროა თვალის გახელა. სულ სხვანაირად აღიქმება შემდეგი შეკითხვა: „გვითხარი, რას ჰგავს სინათლე?“ ეს ნიშნავს: „გვითხარი, აგვიხსენი ბრმების ენაზე“.

იაპონიაში არის ერთი ბუდისტური ტაძარი, მაგრამ მასში ბუდას ვერც ერთ ქანდაკებას ვერ ნახავთ. შიგ შესულ ადამიანებს აინტერესებთ, რატომ არ დგას ტაძარში ბუდას ერთი ქანდაკება მაინც. მაგრამ კვარცხლბეკზე დევს ერთი თითი, რომელიც ცისკენაა მიმართული, სწორედ ეს არის თვითონ ბუდა.

მონაფეთა შეკითხვაზე ქრისტე პასუხობს, რომ „ცათა სასუფეველი მდოგვის მარცვალს ჰგავს, ყოველნაირ თესლზე მცირედს, მაგრამ, როგორც კი მოხნულ ნიადაგში მოხვდება, უდიდეს ხედ აღმოცენდება, რომელზეც ციური ფრინველნი დაიბუდევენ“.

იესო ბევრს ლაპარაკობდა მდოგვის მარცვალზე. ჯერ ერთი, ის უმცირესია თესლთა შორის. მეორეც, ღმერთი უხილავია და უმცირესზეც უფრო მცირე. ჰოდა, როგორ შეიძლება მიუთითო მასზე? მდოგვის მარცვალი უხილავის საზღვარზეა. იგი უმცირესია ხილულ საგანთა სამყაროში. მასზე მცირეც კი უხილავია და თქვენი თვალი ვეღარ ამჩნევს. მდოგვის მარცვალი საზღვარია. მის მიღმა უხილავი და უფაქიზესი სამყარო იწყება.

მდოგვის მარცვალი უდიდეს ხედ აღმოცენდება მცენარეთა შორის: თესლი – უმცირესი, ხე კი – უდიდესი, ღმერთი – უხილავი, სამყარო კი – ხილული. სამყარო – ეს არის ხე, მცენარე, ხოლო ღმერთი არის თესლი. ღმერთი გამოუმჟღავნებელია, ხოლო სამყარო – გამომჟღავნებელი.

თუ გახსნით თესლს, მასში ვერ იპოვნით ხეს და შეგიძლიათ თქვათ, რომ ხე არ არსებობს, ადამიანები ცდებიან, როცა ამბობენ, რომ უზარმაზარი ხე დამალულია თესლში. იქ კი ვერაფერს პოულობენ. ასე იქცევიან ანალიტიკოსები, მათ რომ ლამაზი ყვავილი ანახოთ, ლაბორატორიაში წაიღებენ, დაანანევრებენ, ცალ-ცალკე ქიმიურ ანალიზს ჩაუტარებენ, მოათავსებენ ქილებში და დაუნყებენ სილამაზეს ძებნას. მაგრამ ის არც ერთ ქილაში არ იქნება.

გამოვლენ ლაბორატორიიდან და გეტყვიან: „თქვენი სილამაზე ილუზიაა, მასში ვერ ვპოვე ვერანაირი სილამაზე“.

არის საგნები, რომლებიც მთლიანობაში აღიქმება. მათი დაანანევრება არ შეიძლება, რადგან ნაწილს აღემატებიან. ეს ჭეშმარიტების მაძიებელთა პრობლემაა. ჭეშმარიტება უფრო დიდია, ვიდრე მისი ერთად აღებული ყველა ნაწილი.

მელოდია მხოლოდ ნოტებისა და ბგერების ერთობლიობა კი არ არის, არამედ უფრო მეტია. როცა ყველა ნოტია ერთად თავმოყრილი, ჰარმონია იქმნება, რაც ცალკეულ ნოტებს არ გააჩნიათ.

როცა მე თქვენთვის ვლაპარაკობ, ჩემ მიერ წარმოთქმული წინადადებები შეგიძლიათ დაყოთ სიტყვებად. თითოეულ მათგანს იპოვით ლექსიკონში, მაგრამ იქ ვერ მიპოვით მე.

ერთხელ მარკ ტვენი* მეგობარი მღვდლის ქადაგებას დაესწრო. მღვდელი კარგი ორატორი იყო და მის ნიჭს დიდად აფასებდნენ. მისი ქადაგების დროს ეკლესია ხალხით იყო გაჭედილი. მღვდელმა მარკ ტვენი ქადაგების მოსასმენად მიიწვია და განსაკუთრებულად მოემზადა იმ დღისთვის. ქადაგებაში მთელი თავისი ნიჭი და უნარი ჩააქსოვა. მისი სიტყვები ძალზე პოეტური და ემოციური იყო. მარკ ტვენი მღვდლის პირდაპირ იჯდა. მალე მღვდელს აღელვება დაეცყო, რადგან მარკ ტვენის სახეზე არ იკითხებოდა არავითარი ემოცია. იგი გულგრილად იჯდა. ეს არა უარყოფითი, არამედ უფრო მომაკვდინებელი შთაბეჭდილება იყო. თუ რაღაცას ეწინააღმდეგება ადამიანი, – უკიდურეს შემთხვევაში, უარყოფითი დამოკიდებულება მაინც უნდა გამოავლინოს. მაგრამ თუ გულგრილია ადამიანი რაღაცის მიმართ, ეს ნიშნავს, რომ იგი მისთვის სრულიად არაფრის მთქმელია და არც ღირს მის გამო თავის შეწუხება. როცა ქადაგება დამთავრდა, მეგობრები ერთად გამოვიდნენ ეკლესიიდან. გამომშვიდობებისას მღვდელმა სთხოვა მარკ ტვენს, თავისი აზრი გამოეთქვა ქადაგების შესახებ.

მარკ ტვენმა უპასუხა: „შენ ახალი არაფერი გითქვამს. ეს ქადაგება შენი საკუთარი როდია, ის ნასესხებია და ტყუილად

გაქვს ჩემი გაცურების იმედი. შეგიძლია ის სულელები გააბრიყვო ეკლესიაში, მაგრამ მე განათლებული კაცი ვარ და ბევრს ვკითხულობ. სწორედ იმ წიგნს ვკითხულობდი ნუხელ შემთხვევით, რომელშიც შენი ნაქადაგები სწერია”.

მღვდელი ყურებს არ უჯერებდა: „რას ამბობ? ეს ყველაფერი ჩემი დაწერილია. შეუძლებელია, სადმე ნაგეკითხა იგი”.

მარკ ტვენმა უპასუხა: „იმ წიგნში არის ყველა ის სიტყვები, რომლებიც დღეს წარმოთქვი. ხვალ დილით გამოგიგზავნი მას და თავად დარწმუნდი”. მეორე დღეს დიდი ლექსიკონი გამოუგზავნა მღვდელს შემდეგი წარწერით: **„შენ აქ იპოვი ყველა სიტყვას!”**

ასეთი ადამიანი ანალიტიკოსია. მას ერთ წამში შეუძლია ჩაკლას ნებისმიერი პოეზია, არ შესწევს უნარი, დაინახოს ის, რაც სიტყვებს შორისაა და არც სტრიქონებს მიღმა კითხვა ძალუძს. პოეზია კი ამის გარეშე არაფერია. ამაშია მთელი სილამაზე. ექსტაზი, ღმერთი და ყოველივე, რაც მნიშვნელოვანია, ყოველთვის სიტყვებსა და სტრიქონებს შორის იკითხება.

მდოგვის მარცვალი უმცირესია და უდიდესს შეიცავს. თქვენ ვერ ხედავთ ღმერთს, რამეთუ იგი უხილავია. იგი მდოგვის მარცვალაა, მაგრამ სამყაროს ხომ ხედავთ, და თუ არსებობს სამყარო, უნდა არსებობდეს თესლიც, რომლისგანაც უდიდესი ხე აღმოცენდება. და დიდი მნიშვნელობა არა აქვს იმას, თქვენ ამჩნევთ თუ არა ამ თესლს. განა შეიძლება სამყარო არსებობდეს სანყისის ან საბოლოო მიზნის გარეშე? განა შესაძლოა მდინარე განგი სათავის გარეშე მოედინებოდეს?

ამ უზარმაზარ სამყაროში სუფევს საოცარი ჰარმონია, საყოველთაო სიმფონია. მასში ყველაფერი თავის ადგილზეა და

მუდმივი წესრიგია დამყარებული. ვინც ეს სამყარო სრულყოფილად შეიცნო, ყველა ამბობს, რომ ის საუკეთესოა შესაძლო სამყაროთა შორის.

თესლი არსებობს, მაგრამ მდოგვის მარცვალზე მცირედია. მდოგვის მარცვალი, როგორც მითი, მისანიშნებლად გამოიყენება. უბრალო ადამიანებისათვის, რომლებმაც ქრისტეს შეკითხვით მიმართეს, გასაგები იყო იგავის ენა და თვით იგავი მდოგვის მარცვალზე.

თუ ანანევრებთ, თქვენ კარგავთ. თუ ანანევრებთ რელიგიას, კარგავთ მას. რელიგიური ხდებით მხოლოდ მაშინ, როცა მთლიანად გნამთ, და არა ნაწილ-ნაწილ. თქვენ ან მთლიანად აღიქვამთ, დანანევრების გარეშე, ან საერთოდ ვერ აღიქვამთ. მისკენ ერთადერთი გზა მიდის და ეს არის ნდობა: თესლში ხეს ვერ აღმოაჩენთ, მაგრამ შეგიძლიათ დათესოთ იგი. ამ შესაძლებლობას იყენებს მიმნდობი ადამიანი. ის ზრუნავს თესლზე, არჩევს შესაფერის ნიადაგს და თესავს მას. უვლის, მოთმინებით ელოდება და ლოცულობს, რომ გაიხაროს თესლმა, რომ აღმოცენდეს მცენარე.

სხვა რა შეგიძლიათ გააკეთოთ? მოიქეცით მიმნდობი გლეხით და ერთ მშვენიერ დღეს, მიწაში ჩაგდებული თესლის ნაცვლად, ხის ყლორტები დაგხვდებათ. რა ხდება თესლის მცენარედ გადაქცევის დროს? ესეც იგავის ნაწილია. თესლი უნდა მოკვდეს, მხოლოდ ამ გზით იქცევა ის მცენარედ. ღმერთი მოკვდა სამყაროს შექმნაში. ის არ დარჩენილა განზე, შეენივთა სამყაროს და ჩაიკარგა მასში. აი, რატომ ვერ პოულობთ ღმერთს. მას ვერ ნახავთ ვერც ჰიმალაიზე, ვერც მექსიკაში, ვერც კაშში და ვერც სხვაგან. რადგან ის აქაა, ის ყველგანაა. მცენარის აღ-

მოცენების შემდეგ თესლს ველარ იპოვით, ის მთელს ხეში ცოცხლობს.

ღმერთი მოკვდა ამ სამყაროში, ჩვენს ყოფიერებაში და კოსმოსად იქცა. ის არ არის განყენებული, ცალკე მდგომი. ღმერთი არა ჰგავს მშენებელს, რომელიც რაღაცას აშენებს და თავად ცალკე რჩება. ღმერთი თესლსა ჰგავს, მისგან ხე იზრდება. როცა ხე აღმოცენდება, ის ხეში ქრება. ღმერთს მხოლოდ მაშინ იპოვით, როცა ხე გაქრება.

ინდუსები ფიქრობენ, რომ ღმერთის პოვნა შეუძლებელია სამყაროს შექმნის წინ ან დასასრულს. შექმნამდე იყო თესლი, მაგრამ არ იყავით თქვენ, რომ ეს თესლი გეპოვათ. ან როგორ იქნებოდით, თქვენ ხომ სამყაროს ნაწილი, მისი ფოთლები ხართ. ინდუსების აზრით, ღმერთის პოვნა შეუძლებელია აგრეთვე სამყაროს დასასრულს, პრაღიაში, როცა ყველაფერი იშლება, ბერდება და კვდება. ასე ემართება ყველა ხეს, მაგრამ მათ ამ დროს მილიონობით თესლი გააჩნიათ.

პრაღიაში ხელახლა შეიძლება მილიონი ღმერთის ნახვა, მაგრამ თქვენ აღარ იქნებით. ამაშია მთელი სირთულე. ღვთის პოვნის ერთადერთი გზა არსებობს: ახლავე, აქვე, თითოეულ ფოთოლში უნდა დაინახო იგი. თუ თქვენ კონკრეტულად კრიშნას* ან რამას* დაუნყებთ ძებნას, ვერასოდეს ნახავთ მათ. ისინიც ფოთლები არიან, ოღონდ უფრო ნორჩი და ხასხასა ფოთლები, რამეთუ მათ თქვენზე წინ შეიცნეს ღმერთი, მიხვდნენ, რომ იგი ყველგანაა.

როცა იესო ამბობს: „ცათა სასუფეველი მდოგვის მარცვალს ჰგავსო“, ამაში ღრმა აზრს ატევს. ეს არის იგავის სილამაზე. თითქოს არაფერია მისი ეს სიტყვები და მაინც რა უდიდეს აზრს

წარმოთქვამს. როცა ქრება თესლი, რჩება სამყარო. როცა ქრება თესლი, ჩნდება ხე. აი, ღვინის საუფლო, ცათა სასუფეველიც აქაა. და თუ სხვაგან ეძებთ მას, ტყუილად წვალობთ. თუ გსურთ ღვთის სასუფეველი, უნდა იქცეთ თესლად და მოკვდეთ. თქვენ უეცრად აღმოცენდებით ხედ. რა მოხდება? თქვენ აღარ იქნებით, იქნება ღმერთი. თქვენ ვერასოდეს შეხვდებით ღმერთს. უკეთუ არსებობთ თქვენ, არ არის ღმერთი, რადგან თქვენ ხის ნაწილი ხართ, ის კი თესლია. **როდესაც გაქრებით თქვენ, მაშინ გამოჩნდება ღმერთი.** ასე რომ, შეხვედრა არ შედგება. როცა აღარ არის „მე“, არის ღმერთი. თუ ცარიელნი ხართ, მაშინ არის ღმერთი და კვლავ პარადოქსია: თესლი შეიცავს მცენარეს. შეუძლია აღმოაცენოს ხე და აგრეთვე შეუძლია არ აღმოაცენოს. თუ ეგოიზმი იმძლავრებს თესლში, თუ მას სიკვდილის შეეშინდება, მაშინ მისი ქერქი ციხე იქნება ხისთვის და ხე იღუპება თესლში, სწორედ ის ქერქი, რომელიც ხეს იმ მომენტამდე იცავს, ვიდრე შესაფერის ნიადაგში არ მოხვდება იგი.

თქვენ ჰგავხართ თესლს, რომელსაც საკუთარი ქერქი ციხედ ექცა. ბუდა ან იესო – ეს ის თესლია, რომელთაგანაც ხე აღმოცენდა.

იესომ მოწაფეებს შეკითხვაზე ასე უპასუხა: **„ცათა სასუფეველი მდოგვის მარცვალსა ჰგავს, ყოველნიარ თესლზე მცირედს, მაგრამ როგორც კი მოხნულ ნიადაგში მოხვდება, უდიდეს ხედ აღმოცენდება, რომელზეც ციური ფრინველნი დაიბუდებენ...“**

„...როგორც კი მოხნულ ნიადაგში მოხვდება...“ იესო გვეუბნება, რომ შესაფერისი ნიადაგია საჭირო. თუ მშრალ ან ქვიან ნიადაგში მოხვდა თესლი, მისგან ხე არ აღმოცენდება... უნდა

მოიძებნოს შესაფერისი მიწა. ამაშია მონაფეოების მნიშვნელობა. მონაფეობა სწავლასა და ვარჯიშს გულისხმობს იმისათვის, რომ თქვენ იქცეთ მოხნულ, ნაყოფიერ ნიადაგად, რაც თქვენშივეა ჩაბუდებული. ოსტატსაც მხოლოდ ასეთი ნიადაგის მომზადება შეუძლია. მას შეუძლია თქვენი სარეველებისაგან განმენდა, დამუშავება, განოყიერება, იგი მებაღეა და კარგ ნიადაგს ამზადებს. თქვენ სწორედ მებაღე გჭირდებათ, რათა უსარგებლოდ არ მიმოფანტოთ თესლი. თესლი თუ ბილიკზე დავარდა, ადამიანები ფეხით გათელავენ. მომაკვდავ ადამიანს თანამდგომი სჭირდება თავის დასაცავად. ბავშვის დაბადებისას ბებიაქალია საჭირო. მაგრამ უფრო მნიშვნელოვანია ჭეშმარიტების დაბადება, უფრო დიდი მოვლენაა, როცა ღმერთი იბადება თქვენში. ოსტატი კი არავინაა, თუ არა ბებიაქალი.

ოსტატის გარეშე შეიძლება ბევრი რამ მოხდეს: შეიძლება დაიბადოს უდღეური ბავშვი და მაშინვე მოკვდეს. ახლადმოსული ჯეჯილი სუსტია და უსუსური, იგი შეიძლება ყოველ წუთს განადგურდეს. ეს ძალიან საშიშია. სხვა გზა არ არსებობს, ოსტატს უნდა ენდოთ! თუ არ ენდობით, თესლი მოკვდება, ახალშობილი ბავშვი დაიღუპება და ჯეჯილიც გავერანდება. თესლი არ იცნობს ხეს, აი, რაში მდგომარეობს სირთულე. მას გარანტია სჭირდება, რომ სიკვდილის შემდეგ, მისგან ხე აღმოცენდება. მაგრამ არ შეიძლება ასეთი რწმენის გარანტიის მიცემა. რწმენა აბსურდულია. თქვენ გსურთ დარწმუნდეთ, რომ მონაფეობას შესძლებთ, რომ გახდებით განდევილი, რომ მზად იქნებით სიკვდილისთვის, მაგრამ ვინ მოგცემთ იმის გარანტიას, რომ თქვენს შემდეგ აღმოცენდება ხე – გამოჩნდება ღმერთი? რომც მისცეს თესლს ასეთი გარანტია, რა აზრი აქვს, თვითონ ხომ

აღარ იქნება, რომელი გარანტია დაუმტკიცებს მას, რომ სიკვდილის შემდეგ ხე ნამდვილად აღმოცენდება? აი, რატომ არის რწმენა აბსურდული. ეს იმას ნიშნავს, გნამდეთ ის, რაც არ შეიძლება რომ გნამდეთ, ირწმუნოთ შეუძლებელი. არაფრით არ შეიძლება გნამდეთ, მაგრამ მაინც გნამთ. თესლი კვდება დიდი ნდობის დროს და აღმოცენდება ხე, მაგრამ საჭიროა შესაფერისი ნიადაგი. უნდა გაისარჯოთ, რომ ამ ნიადაგად იქცეთ.

„... უდიდეს ხედ აღმოცენდება, რომელზეც ციური ფრინველნი დაიბუდებენ.“

და როცა მართლა გაიზრდება თქვენი ხე, როცა იგი „ქრისტეს ხედ“ იქცევა, მილიონობით ფრინველი – მაძიებელი სული – მოფრინდება და იპოვის თქვენთან თავშესაფარს. ბევრი მაძიებლისათვისაა იესო თავშესაფარი, ბევრი პოულობს თავშესაფარს ბუდასთან. „ბუდასა და იესოს ხეებზე“ მაძიებლებს შეუძლიათ უხილავის მაჯისცემა იგრძნონ. იქ შეუძლიათ მათ ნახტომის გაკეთება.

„ცათა სასუფეველი ჰგავს მდოგვის მარცვალს...“

თქვენ თვითონ ხართ ცათა სასუფეველი, თქვენ თვითონ ჰგავხართ მდოგვის მარცვალს... იყავით მზად სიკვდილისთვის!

– რასაკვირველია, ბევრჯერ უკანაც დაიხვეთ, თქვენი გზა სავსე იქნება შიშით, ყოყმანით, თრთოლვით. უფსკრულის პირს მისულნი და მისი სიღრმით შეშინებულნი ბევრჯერ უკანაც გამოიქცევით, მაგრამ იცოდეთ, რომ თესლი ქრება და ისე აღმოცენებს ხეს. თუ თქვენ მზად ხართ სიკვდილისთვის, ჩაადეთ თესლი მიწაში, როცა ხე აღმოცენდება, გათხარეთ მიწა და მოძებნეთ იქ თესლი, მას ვერ იპოვით. წადით და შეეცადეთ, ქრისტეში ან ბუდაში ჰპოვოთ თესლი. ეს ტყუილი გარჯა იქნება.

ამიტომაც იესო ძე ღვთისა და არა იოსებისა და მარიამის შვილი – ქერქი გამქრალია, თესლი გაიშალა და ხე აღმოცენდა არა ხილულისგან, არამედ უხილავისგან.

შეხედეთ იესოს. მასში არ არის თესლი, მასში მხოლოდ ღმერთია. იყავით მზად სიკვდილისთვის, რათა კვლავ შეძლოთ აღმოცენება, მიატოვეთ ტვინი, სხეული, ეგო, საკუთარი პიროვნება და უცბად აღმოაჩინოთ, რომ თქვენში იბადება რაღაც ახალი, თქვენ იქეცით დედის საშოდ და ახლა ორსულად ხართ. სულიერი ორსულობა შემოქმედების მწვერვალია, რამეთუ მხოლოდ ასე ქმნით საკუთარ თავს. ამას არაფერი შეედრება. შეიძლება ფერწერის ან ქანდაკების დიდებული შედეგები შექმნათ, მაგრამ როდესაც საკუთარ თავს ქმნით, ეს თვითშემოქმედება ყველაფერზე უდიადესია.

„... როგორც კი მოხნულ ნიადაგში მოხვდება...“ მზად იყავით სიკვდილისათვის, მაგრამ ვიდრე ნახტომს გააკეთებდეთ, „მოხნულ ნიადაგად“ იქეცით, გახდით მონაფე, იყავით და მოიქეცით ისე, თითქოს არა ხართ, მალე მართლაც აღარ იქნებით, მოემზადეთ ამისთვის და მოიქეცით ისე, თითქოს არა ხართ.

მაშინ **„... მისგან უდიდესი ხე აღმოცენდება, რომელზეც ციური ფრინველნი დაიბუდებენ...“**

ასე იყო მუდამ. თქვენ არ ხართ ჩემს გვერდით სწორედ იმიტომ, რომ ჩემი თესლი მკვდარია. აქ ხართ არა საკუთარი თავის, არამედ ჩემი წყალობით. მაგრამ „ჩემი წყალობით“ არასწორი ნათქვამია, რამეთუ „მე“ არ ვარსებობ. თესლი გამქრალია. თქვენ ხედავთ მხოლოდ ხეს და ჩემი საშუალებით თქვენი შესაძლებლობების გამოკრთომასაც თუ დაინახავთ, საქმე გაკეთებულია.

„ცათა სასუფეველი ჰგავს მდოგვის მარცვალს.“ თქვენ ხართ თესლი, თქვენ ხართ შესაძლებლობა სასუფეველად ქცევისა. მოემზადეთ სიკვდილისთვის, რამეთუ ეს აღორძინების ერთადერთი გზაა!

1974 წლის 21 აგვისტო

პუნა, ინდოეთი

საუბარი მეორე

მეორე შეგონება

იესომ თქვა:

– იქნებ ადამიანებს ჰგონიათ, რომ დედამიწაზე მშვიდობის მოსატანად მოვედი, მათ არ უწყიან, რომ მე განხეთქილების ჩამოსაგდებად მოვედი და მოვიტანე ცეცხლი, მახვილი და ომი.

ვინაიდან შინ იქნებიან ხუთნი: სამნი იქნებიან ორის წინააღმდეგ და ორნი – სამის წინააღმდეგ, მამა შვილის წინააღმდეგ და შვილი – მამის წინააღმდეგ. და იდგებიან ისინი, ვითარცა ერთადერთნი.

(თომა 17)

იესომ თქვა:

– მე თქვენ მოგცემთ იმას, რაც კაცის თვალს არ უნახავს, რაც ყურს არ სმენია, რასაც ხელი არ შეხებია და რაც ადამიანის გულში არ დაბადებულა.

(თომა 18)

იესო პარადოქსალურია, მაგრამ ეს პარადოქსები აზრობრივად დატვირთულია, მათი მნიშვნელობის გასაგებად წინასწარ ბევრ საკითხში უნდა გავერკვეთ. უპირველესად, სრულიად მშვიდობა შესაძლებელია მაშინ, როცა თითქმის ყველა მკვდარია. ამ დროს ომი და პოლიტიკური კონფლიქტები არ იქნება,

მაგრამ არც ცხოვრება იარსებებს. სამარისებური სიჩუმე დამყარდება. მაგრამ რა აზრი აქვს ასეთ სიჩუმეს? მას ომი სჯობს, რადგან ომის დროს თქვენ ცოცხლები და ენერგიულები ხართ.

სიჩუმის სულ სხვა სახე და აბსოლუტურად განსხვავებული განზომილებაა მაშინ, როცა თქვენ ასევე სიცოცხლით აღსავსენი და ხალისიანები ხართ, მაგრამ თქვენი ყურადღებას ცენტრი თქვენივე არსების შიგნითა გაქვთ გადატანილი. თქვენ ასეთ შემთხვევაში შეიცნობთ საკუთარ არსს, მოგეფინებათ ნათელი, აენტება ლამპარი და თქვენს გარშემო აღარ იქნება სიბნელე. სწორედ მაშინ დაიწყება დიდი ცხოვრება და დიდი სიჩუმე, მაგრამ ეს უკანასკნელი სიცოცხლის კუთვნილება გახდება და არა სიკვდილისა.

ამ პარადოქსს კარგად უნდა ჩავწვდეთ. ომი ბოროტებაა! სიძულვილიც ბოროტებაა! ცხოვრების ეს საშინელებანი უნდა ამოიძირკვოს. ავადმყოფობაც ბოროტებაა, ხოლო ჯანმრთელობა – სიკეთე. ავადმყოფობა უნდა მოისპოს, მაგრამ გახსოვდეთ: ცხედარი არასოდეს ავადმყოფობს, იგი იხრწნება. თუ ამას არ გავიგებთ, მაშინ თქვენი ძალისხმევის შედეგი მხოლოდ და მხოლოდ უსიცოცხლო სამყარო იქნება, სადაც არავინ ივადმყოფებს, არ იქნება ომები და სიძულვილი, მაგრამ არც ცხოვრება იქნება.

იესოს ამგვარი სიჩუმე არ მოეწონებოდა, რამეთუ იგი უსარგებლოა. ამას ცოცხალი სამყარო სჯობია თავისი სისხლისღვრებითა და მანკიერი მხარეებით, მათ შორის, ვინც მშვიდობის დამყარებას ცდილობდა, ბევრი ნეგატიურ პოზიციაზე იდგა. ისინი ფიქრობდნენ, რომ ომის შეწყვეტის შემდეგ ყველაფერი მოგვარდებოდა. ეს არც ისე იოლია. არა მარტო უბრალო ადა-

მიანები, არამედ ბერტრან რასელის* მსგავსი უდიდესი ფილოსოფოსებიც ვარაუდობდნენ, რომ თუ ომს შევაჩერებთ, ყველაფერი დამშვიდდება, მაგრამ ეს ნეგატიური პოზიციაა, რადგან საქმე ადამიანშია და არა ომში, თანაც უმთავრესია არა გარეგანი, არამედ შინაგანი ომი. თუ საკუთარ თავთან არ გქონიათ შინაგანი ომი, თქვენ გარეთ იომებთ. თუკი თქვენ შინაგან ომში გაიმარჯვებთ, ნამდვილ ომსაც მოელება ბოლო. ეს არის ერთადერთი გზა.

ჩვენ ინდოეთში მაჰავირს* მძლეთამძლეს გამარჯვებულს – ჯაინს (ნიშნავს „გამარჯვებულს“) ვუნოდებთ, მაგრამ იგი არასოდეს იბრძოდა, არავისთან უომია, იგი არასოდეს მდგარა ძალმომრეობისა და სისხლისღვრის მხარეს. მას დაბადებიდან ვარდჰამანა ერქვა. რა მოხდა? მან საკუთარ თავს სძლია და თუ თქვენც თავს სძლევთ, თქვენი ბრძოლა სხვებთან დაუყოვნებლივ შეწყდება, რამეთუ სხვასთან ქიშპობა ფანდია საკუთარ თავთან ომის ასაცილებლად.

თუ საკუთარ თავს ასე თუ ისე ვერ უგებთ, თქვენ ან იტანჯებით, ან თქვენი შინაგანი დისკომფორტი სხვაზე გადაგაქვთ. შინაგანი დაძაბულობის დროს თქვენ მზად ხართ დრამისთვის. ნებისმიერი საბაზი ამ დროს გამოსადეგია – საბაბს არა აქვს მნიშვნელობა. თქვენ თავს ესხმით ნებისმიერ ადამიანს – ცოლშვილს, მშობლებს, მსახურებს, მეგობრებს ან ნაცნობებს.

როგორ უნდა მოიცვილოთ თავიდან შინაგანი კონფლიქტი და გალიზიანება? თქვენ კონფლიქტისთვის სხვას აკისრებთ პასუხისმგებლობას და თქვენში ხდება კათარზისი*: თქვენ ბრაზდებით, გადმოანთხევთ თქვენს ბოლმას, ძალადობთ და ეს ყველაფერი გაძლევთ შვებას, გათავისუფლებთ. რასაკვირველია, ეს

დროებითი შვებაა, რამეთუ ის, რაც თქვენში იყო, უცვლელი დარჩა. ხვალ ხელახლა დაგიგროვდებათ რისხვა და სიძულვილი და კვლავ მოგიხდებათ მათი პროეცირება.

თქვენ ებრძვით სხვას იმის გამო, რომ თქვენში გამუდმებით გროვდება ბოღმა და ღვარძლი, საჭირო ხდება დაიცალოთ მათგან. საკუთარი თავის მძლეველი ადამიანი კი აღარ განიცდის შინაგან კონფლიქტს, ომი შეწყვეტილია.

მასში აღარ არის ორი დაპირისპირებული „მე“, ის ადამიანი უკვე ერთიანია, ერთეულია თავის თავში, რომელიც არასოდეს გადმოანთხევს ბოღმას.

ასე რომ, პროეცირება არის ფანდი ტვინისთვის შინაგანი კონფლიქტის თავიდან ასაცილებლად, რადგან ეს კონფლიქტი ძალზე მტკივნეულია, თანაც ბევრი მიზეზის გამო. მთავარი მიზეზი ის კი არ არის, რომ თითოეულ თქვენგანს კარგი წარმოდგენა აქვს საკუთარ თავზე, ისიც მართალია, რომ ამის გარეშე ცხოვრება შეუძლებელია.

ფსიქიატრები გვირჩევენ, რომ ცხოვრებისთვის ილუზიებია საჭირო. თუ თქვენ არა ხართ გასხვივოსნებული, ილუზიები ნამდვილად დაგჭირდებათ. უკეთეს იფიქრებთ, რომ თქვენ აუტანელი, საზიზღარი და ბოროტების მთესველი ხართ და ის სახე, რომელიც მართლაც სინამდვილეში გაგაჩნიათ, შემოაღწევს თქვენში, მაშინ საერთოდ ვეღარ შესძლებთ ცხოვრებას, დაკარგავთ საკუთარი თავის რწმენას. თავს იმდენად დამნაშავედ იგრძნობთ, რომ დაწყევლით საკუთარ თავს, ნამდვილად ვერავის შეიყვარებთ, ვერ შესძლებთ სხვა ადამიანის ცქერას, საკუთარ თავში ეშმაკსა და დაბალ ადამიანს შეიცნობთ და სინდისის ქენჯნა თვითმკვლელობამდე მიგიყვანთ. ეს სამართლიანიც იქნება.

როგორ უნდა მოიქცეო? თქვენ ღვთისნიერ ადამიანად უნდა იქცეთ. ეს გზა კი დიდ ძალისხმევას მოითხოვს, ბევრი რამ უნდა გააკეთოთ, მხოლოდ მაშინ გახდება შესაძლებელი, იქცე ღვთაებრივად. ადამიანს შეუძლია გახდეს ღვთიური! თქვენ იქნებ არ იცით, რომ ბევრ ენაში სიტყვებს „ემმაკი“, „ღვთაება“ ერთი საერთო ძირი აქვთ. ეს სიტყვები ერთი და იგივე სანსკრიტული ძირიდან წარმოიქმნება.

ვინაიდან ღვთაება ემმაკად გადაიქცა, ემმაკსაც შეუძლია იქცეს ღვთაებად. არსებობს ასეთი შესაძლებლობა, ემმაკი და ღვთაება მთლიანი ენერჯის ორი პოლუსია. ენერჯიას, რომელიც გახდა მწარე, შეუძლია დატკბეს. საჭიროა შინაგანი ტრანსფორმაცია, შინაგანი ალქიმია, მაგრამ ესაა ხანგრძლივი და მძიმე გზა.

ადამიანის ტვინი კი იოლ გზას ეძებს. იგი ფიქრობს: „რატომ უნდა ეცადო სიკარგეს? უბრალოდ ირწმუნე, რომ კარგი ხარ. ეს ადვილია, ამისათვის არაფრის გაკეთება არ არის საჭირო. შექმენი შენივე ხატი – მშვენიერი, ღვთიური, შეუდარებელი და თვით ეს ილუზია მოგცემს სასიცოცხლო ენერჯიას“.

და თუ ილუზიები იძლევიან ამდენ ენერჯიას, წარმოიდგინეთ, რა მოხდება, თუკი თქვენ ჭეშმარიტებას ჩასწვდებით. საკუთარ თავზე კარგი წარმოდგენაც კი მოგცემთ ძალას მოქმედებისათვის, გაპოვნინებთ საყრდენს და საკუთარი თავის რწმენას. ილუზიების წყალობით თქვენ თითქმის ცენტრირებულნი გახდებით და ეს ცენტრი იქნება „ეგო“.

როდესაც ჭეშმარიტად ცენტრირებული ხართ, ეს ცენტრი არის სიღრმისეული „მე“, მაგრამ ეს ხდება მხოლოდ მაშინ, როდესაც მიღწეულია ჭეშმარიტება, როდესაც თქვენი შინაგანი

ენერგია ტრანსფორმირებულია: უმდაბლესი გარდასახულია უმაღლესში, მიწიერი – ზეციერში, როდესაც ეშმაკისეული იქცა ღვთიურად, როდესაც თქვენ გასხვივოსნდით საკუთარი ნათელით, როდესაც თესლი აღმოცენდა; როდესაც მდოგვის მარცვალი იქცა უზარმაზარ ხედ.

ეს არის ხანგრძლივი პროცესი. საჭიროა სიმამაცე, რათა ელოდო და არ მოიხიბლო მოკლე გზით). ცხოვრებაში ხომ არ არსებობს მოკლე გზები; მოკლე გზები ილუზიებია; ცხოვრება მძიმეა, არც ზრდაა ადვილი; ზრდა ბრძოლის შედეგია.

შეუძლებელია ზრდა უსასყიდლოდ მიიღო; ის, რაც იაფია, ვერ დაგეხმარებათ ზრდაში. მხოლოდ ტანჯვა გიშველით, საკუთარ თავზე ძალდატანებას, საკუთარ თავთან ბრძოლას მოაქვს სიმწვავე, ზრდა, გამოცდილება, სიმწიფე. როგორ შეიძლება სიმწიფის მიღწევა მოკლე გზით? არის საშუალება. ახლა ამ მეთოდის გამოცდა ცხოველებზე ხდება. ადრე თუ გვიან ადამიანებზეც გასინჯავენ. აი, ეს საშუალებებიც: საჭიროა ორგანიზმში ჰორმონების შეყვანა. ათი წლის ბავშვის ორგანიზმში შეჰყავთ ჰორმონები და ის დაემსგავსება ოცი წლის ახალგაზრდას.

თქვენ ფიქრობთ, რომ ამ შემთხვევაში 10 წლის ბავშვი მიაღწევს ისეთ სიმწიფეს, როგორსაც მიაღწევდა მაშინ, თუ გაივლიდა ცხოვრების ათწლიან გზას? ბრძოლა, სქესობრივი მოთხოვნილების გაჩენა, კონტროლის აუცილებლობა, სიყვარულის მოთხოვნილება, თავისუფალ ადამიანად ყოფნა და მაინც საკუთარი თავის კონტროლირება; თავისუფალ და ამავე დროს ცენტრირებულ ადამიანად ყოფნა, სხვა ადამიანებთან ურთიერთობის დამყარება და თანამშრომლობა, სასიყვარულო განცდები,

სწავლა – ყველაფერი ეს არ იქნება. ოცი წლის შესახედაობის ადამიანი სინამდვილეში იქნება ათი წლისა, ჰორმონებით მხოლოდ მისი სხეული გაზარდეს.

ამას ახორციელებენ ცხოველებზე, მცენარეებზე. შეიძლება ხეს გაუკეთო ინექცია და ის ხე, რომელიც აყვავილდებოდა სამი წლის შემდეგ, იყვავილებს ერთ წელიწადში, მაგრამ მის ყვავილებს რალაც დააკლდებათ; შეუძლებელია ამ ნაკლის დანახვა, მაგრამ ისინი იქნებიან არასრულფასოვანნი. ისინი ძალით ააყვავეს, მათ არ გაიარეს სიმწიფის პერიოდი. ინექცირებული ხე ნაყოფსაც მალე მოგვცემს, მაგრამ ამ ნაყოფსაც დააკლდება სიმწიფე, რადგან ის ბუნებრივად კი არ დამწიფდა, არამედ ხელოვნურად.

ბუნება არ ჩქარობს. დაიხსომეთ! ტვინი ყოველთვის ჩქარობს, ბუნება კი – არასოდეს, ის იცდის, ელის, ის ენერგიულია. რატომ უნდა აჩქარდეთ: ცხოვრება გამუდმებით გრძელდება, ის არის მარადისობა. ტვინის დრო კი მოკლეა, ის ამბობს: „დრო ფულია“. ცხოვრებისათვის მთავარია არა დრო, არამედ გამოცდილება! ცხოვრებას შეუძლია მოცდა; ტვინი ვერ მოიცდის – მას სიკვდილი უახლოვდება. ცხოვრებისთვის არ არსებობს სიკვდილი, ტვინი კი კვდება.

იქნებ იმიტომ ეძებთ მოკლე გზას უმარტივესი ილუზიებით – ფიქრობთ, რომ თქვენ ხართ ისეთები, როგორებიც გინდათ იყოთ. ამიტომ თქვენ ნევროზით ავადდებით. საგიჟეთში ზოგი ფიქრობს, რომ იგი ნაპოლეონია, ზოგი ალექსანდრე მაკედონელად ასაღებს თავს და ა. შ. ისინი დარწმუნებულნი არიან ამაში და შესაბამისად იქცევიან.

მე მსმენია კაცზე, თავი ნაპოლეონად რომ წარმოიდგინა, მას მკურნალობდნენ, ფსიქონალიზს უტარებდნენ. სამი-ოთხი წლის შემდეგ მკურნალმა დაასკვნა, ჩემი პაციენტი სრულიად გამოჯანსაღდაო და მიმართა: „თქვენ ახლა ჯანმრთელი ბრძანდებით, შეგიძლიათ სახლში წახვიდეთ“. პაციენტმა წამოიყვირა: „სახლში?! თქვენ ალბათ გინდოდათ გეთქვათ – სასახლეში!“

ასე რომ, თუკი საკუთარ თავს ნაპოლეონად ჩათვლით, ძალიან ძნელი იქნება თქვენი განკურნება და თუნდაც გამოჯანმრთელდეთ, რალაცას დაკარგავთ.

ერთი გენერალი კაპიტანს გადაეყარა, რომელიც სულ მთვრალი იყო. ლოთები კი თითქმის ყოველთვის გულგახსნილი და კარგი ხალხია. მათ უბრალოდ მოკლე გზა აირჩიეს. გენერალმა უთხრა: „მე თქვენ გაფასებთ, თქვენ ყველას უყვარხართ, რატომ იხარჯებით ასე ტყუილ-უბრალოდ? სმა რომ მიატოვოთ, მალე პოლკოვნიკის ჩინს მიიღებთ“. კაპიტანმა სიცილით მიუგო: „ხომ გაგიგიათ, რომ ჩიტი ბდღვნად არა ღირს. მთვრალი მე უკვე გენერალი ვარ. თუ ფხიზელი მხოლოდ პოლკოვნიკობას მივალწევ, მთვრალი ყოველთვის გენერალი ვიქნები, ყველას უფროსი ვიქნები!“ ეს ილუზია ძვირფასია. როგორ იტყვის ის ამ ილუზიაზე უარს? ის უსასყიდლოდ ყველაზე უფროსი გახდა, ტვინი პოულობს მოკლე გზებს. ყველაზე ადვილად მაიას* მოპოვება შეიძლება, რეალური სინამდვილე კი ძნელია და მძიმე. უნდა იტანჯოთ, გაიაროთ ცეცხლში. რაც უფრო მეტად დაინვებით, უფრო მეტი ფასი დაგედებათ. ღვთაებრიობას ვერსად იყიდით, მას მოიპოვებთ, თუ საფასურად თქვენს ცხოვრებას გაიღებთ. როდესაც სასწორზე დებთ მთელ თქვენს ცხოვრებას, მხოლოდ მაშინ ხდება ღვთაებრივის მოპოვება.

თქვენ ებრძვით სხვებს იმიტომ, რომ ეს ადვილი გზაა. თქვენ ასე ფიქრობ: მე კარგი ვარ, სხვა – ცუდი და ომი მიმდინარეობს თქვენს გარეთ. თუკი უარყოფთ საკუთარ თავს, ომი გადაიქცევა შინაგანად: თქვენ იცით, რომ სწორედ თქვენ ხართ ცუდი, რომ ძნელია თქვენზე ბოროტი ადამიანის პოვნა. თუ ჩაიხედავთ საკუთარ თავში, აღმოაჩენთ, რომ თქვენ ხართ ცუდი ადამიანი და მიხვდებით, რომ საჭიროა რაღაცის გაკეთება. იწყება შინაგანი ბრძოლა.

ამ შინაგანი კონფლიქტის წყალობით, რომელიც არის ტექნიკა, დიახ, ერთ-ერთი უდიდესი ტექნიკათაგანი, რასაც საუკუნეების მანძილზე იყენებენ, ვიმეორებ – შინაგანი კონფლიქტის წყალობით თქვენ მიაღწევთ მთლიანობას. თუ არსებობს შინაგანი კონფლიქტი, მაშინ არამტრულად განწყობილ ნაწილებში აღმოცენდება ახალი ცენტრი, დამკვირვებელი ცენტრი. შინაგან კონფლიქტში მიიზიდება მთელი თქვენი ენერჯია, მთელი თქვენი არსება განხეთქილებაშია: იქმნება ქაოსი და ამ ქაოსიდან იბადება ახალი არსება.

ხელახლა დაბადებისთვის ქაოსია საჭირო, ქაოსიდან გაჩნდა სამყარო. მანამ, სანამ ნამდვილად დაიბადებით, საჭირო იქნება ქაოსი – ეს არის იესოს ომი. ის ამბობს: „მე მოვედი, რათა მოგცეთ მშვიდობა“, – მაგრამ ეს არ ნიშნავს იმას, რომ ქრისტეს მშვიდობა მოაქვს. ეს არ იქნება ის იაფფასიანი მშვიდობა, რომელსაც თქვენ ისურვებდით.

შეეცადეთ, მის სიტყვებს ჩასწვდეთ: **„იქნებ ადამიანებს ჰგონიათ, რომ დედამიწაზე მშვიდობის მოსატანად მოვედი, მათ არ უწყიან, რომ განხეთქილების ჩამოსაგდებად მოვედი და მოვიტანე ცეცხლი, მახვილი და ომი“**.

როდესაც მიდიხარ ისეთ მკურნალთან, როგორც იესოა, სიმშვიდის მოსაპოვებლად, განცხრომისაგან დაბრმავებულნი ვერ ხედავთ, რომ სხვა ადამიანთან მოხვდით. თქვენნაირი ადამიანები ვერ მოიპოვებენ სიმშვიდეს და რომც მოიპოვოთ, ეს იქნება სიკვდილი, რამეთუ ბრძოლა შეწყდება მანამ, სანამ რამეს მიაღწევდეთ. თუ სხვამ მოგცათ სიმშვიდე, ეს ნიშნავს, რომ თქვენ ვერ განავითარეთ შინაგანი „მე“ და მაინც მდგომარეობით კმაყოფილდებით. აი, რითი განსხვავდება ცრუ მოძღვარი ჭეშმარიტისგან. ცრუ მოძღვარი გამოვიღებთ, არ ზრუნავს თქვენს გარდასახვაზე, გამოვიღებთ ისეთს, როგორც ხართ. ეს იგივეა, რაც ტრანკვილიზატორი, ძილის წამალი. ჭეშმარიტი მოძღვარი კი გირღვევთ სიმშვიდეს, ზღუდავს თქვენს კეთილგანწყობასა და სილაღეს. იგი არ არის მტერი, რამეთუ უწყის, რომ თქვენი დამშვიდება მომაკვდინებელია. თქვენ ბევრჯერ დააპირებთ მისგან გაქცევას, მაგრამ ვერ შესძლებთ, რამეთუ ის გამუდმებით გადევნებთ თვალყურს.

სიმშვიდე როდია მიზანი. მოძღვარი ყალბად ვერ დაგამშვიდებთ, იგი აღგზრდით. მისი წყალობით ერთ მშვენიერ დღეს თქვენ მრთელი ადამიანები გახდებით, მაშინ მოვა ჭეშმარიტი შვეება და ჭეშმარიტი სიჩუმე. დამშვიდება ყალბია. ჩემთან მოდის ხალხი და მთხოვს ნუგეშისცემას, ლოცვას მათი დამშვიდებისთვის. თუკი მოძღვარი აღელვებულს დაამშვიდებს, ვერ შეცვლის მას. ჭეშმარიტმა მოძღვარმა შეიძლება მაინც დაგამშვიდოთ, ესე იგი, მახე დაგიგოთ. ამის შემდეგ ის თქვენში ნელ-ნელა ქაოსს გამოიწვევს, თქვენ მოგიწევთ ქაოსის დაძლევა იმიტომ, რომ არსებული სახით თქვენ აბსოლუტურად უკუღმართები ხართ და თუ ახლა ვინმე გამშვიდებთ, იგი თქვენი მტერია.

მასთან ტყუილუბრალოდ კარგავთ დროს, ენერგიას, ცხოვრებას და საბოლოოდ ფუჭი დამშვიდება მაინც ვერ გიშველით.

ერთმა მოხუცმა, რომელსაც შვილი მოუკვდა მომმართა: „დამამშვიდეთ!“

„არ შეიძლება ამის გაკეთება, ეს ცოდვია!“ – მივუგე მე.

მან მითხრა: „მე ამისათვის მოვედი“.

მე ვუპასუხე: „იქნებ მართლაც ამისათვის მოხვედი, მაგრამ მე ეს არ ძალმიძს“.

„კი მაგრამ, ვიყავი შანკარაჩარიასთან* და მან დამამშვიდა: „ნუ ღელავ, ნუ დარდობ, შენმა ვაჟმა გაიხარა ცათა სასუფეველშიო“, – მითხრა მოხუცმა.

მე ვიცნობდი მის შვილს და ვთვლი, რომ მამის დამშვიდება შეუძლებელი იყო, რამეთუ მისი შვილი პოლიტიკოსობდა. მან გარკვეულ წარმატებასაც მიაღწია – მინისტრი გახდა. ჰოდა, პოლიტიკოსის ცბიერებითა და ამბიციებით როგორ მოხვდებოდა იგი სამოთხეში?

ის მოხუციც პოლიტიკოსი იყო და შვილის სიკვდილი კი არა, დაღუპული ამბიცია აღელვებდა. შვილის დახმარებით პატარა წარმატებებს აღწევდა. თავის დროზე მუხლმოუხრელად შრომობდა, მაგრამ გულუბრყვილო და მოსულელო ადამიანი იყო, დიდი ჯაფა გასწია. გასწირა ყველაფერი, მაგრამ საბოლოო მიზანს ვერ მიაღწია. უკანასკნელ იმედად მას შვილი რჩებოდა, რომელმაც გაუმართლა. ახლა კი ვაჟთან ერთად თავისი ამბიციაც დაასამარა.

როდესაც ვუთხარი, რომ ის შვილს კი არა, სხვა რამეს დარდობდა, გული ეტკინა და მითხრა: „შენგან თანაგრძნობას ველოდი, შენ კი უფრო მეტად მატკინე გული. იქნებ მართალიც ხარ,

შენი ნათქვამი სიმართლეს ჰგავს, ჩემი ამბიცია შეილახა და შესაძლოა, მკვდარ ვაჟს კი არა, მართლაც ჩემს ამბიციას დავტირი, მაგრამ ახლა ძალიან მიჭირს, შენ კი ასე სასტიკად მექცევი. მე ვინახულე მაჰატმა*, შანკარაჩარია, გურუსთანაც* ვიყავი და ყველამ დამამშვიდეს, მათ მითხრეს, რომ „სული მარადიულია, არასოდეს არავინ არ კვდება, შენი ვაჟი არ იყო უბრალო მოკვდავი, მისი სული ცაშიაო!“

ეს მართლა ნუგეშია და უკეთუ მოხუცი კვლავაც მოუსმენს მათ, იგი დაკარგავს უდიდეს შესაძლებლობას, პირისპირ შეეჯახოს თავის ყველაზე დიდ პრობლემას – საკუთარ ამბიციას. მას შეეძლო აღმოეჩინა, რომ ეს ამბიცია ფუჭია, რამეთუ სიკვდილი ადამიანს ყველაფერს ართმევს. მას შეეძლო ამის აღმოჩენა, მაგრამ ეს ასე არ მოხდა. მან ჩემთან ყოფნას იმათთან სიარული არჩია, ვინც ანუგეშებდა.

თქვენ თუ სანუგეშოდ მოსულხართ აქ, გზა შეგშლიათ. იესო ამბობს: **„იქნებ ადამიანებს ჰგონიათ, ვითომ დედამინაზე მშვიდობის მოსატანად მოვედი, მათ არ უწყიან, რომ მე განხეთქილების ჩამოსაგდებად მოვედი და თან მოვიტანე ცეცხლი, მახვილი და ომი“**.

ყოველთვის, როცა მინაზე იესოსთან ადამიანი გამოჩნდებოდა, კაცობრიობა ორად იყოფოდა – მის მომხრეებად და მოწინააღმდეგეებად. არც ერთი ადამიანი არ იყო მის მიმართ გულგრილი, შეუძლებელია იყო გულგრილი იესოსადმი.

რომ მოგესმინათ იესოს სიტყვა, ერთხელ მაინც რომ შეგეხებათ მისთვის, ან შეგიყვარდებოდათ იგი, ან უარყოფდით, ან მისი მიმდევარი გახდებოდით, ან ამხედრდებოდით მის წინააღმდეგ.

ეს ყველაფერი იმიტომ ხდება, რომ იესოს მსგავსი ადამიანი არაამქვეყნიური მოვლენაა. მას კაცობრიობისათვის მოაქვს რაღაც ზეციური სამყაროდან. რომელთაც ეშინიათ ზეცნობიერის, ისინი დაუყოვნებლივ მტრებად იქცევიან, რადგან ეს მათი თავდაცვის საშუალებაა. ხოლო მისთვის, ვინც განუწყვეტლივ ეძიებს და ესწრაფვის ზეცნობიერს, ის ადამიანი ხდება მაგნიტური ძალა – მის მიმართ სიყვარულით იმსჭვალებიან, ვინაიდან ელოდნენ მას რამდენიმე ცხოვრების განმავლობაში.

კაცობრიობა დაუყოვნებლივ იყოფა ორად: ან ქრისტეს მიმდევარი ხართ, ან – მოწინააღმდეგე. სხვა გზა არ არსებობს, გულგრილნი ვერ იქნებით. თქვენ ვერ იტყვით: „მე ეს არ მაინტერესებს“. ეს შეუძლებელია, რადგან ადამიანი, რომელიც განზე გადგომას შეძლებს, თავად გახდება იესო. ადამიანი, რომელიც არც შეიყვარებს და არც შეიძულებს, თავად გასცდება ცნობიერის საზღვრებს. თქვენ არ შეგიძლიათ განზე დგომა; თქვენ დადგებით ერთ-ერთის მხარეზე, გახდებით „მემარჯვენე“, ან „მემარცხენე“, აუცილებლად იქნებით ამ ორიდან ერთ-ერთ დაჯგუფებაში.

ზეადამიანი ბადებს უდიდეს მღელვარებას. განა მარტო ცალკეული ადამიანები, მთელი საზოგადოება, მთლად დედამიწა ებმება კონფლიქტში, იწყება უდიდესი ომები.

რაც იესო მოგვევლინა, აღარ ყოფილა მშვიდობა დედამიწაზე. ქრისტემ რელიგია შექმნა. მან მოიტანა რაღაც, რაც ისეთ შუღლს, ისეთ მტრობას და კონფლიქტს იწვევს გონებაში, რომ იგი ისტორიაში ათვლის წერტილად იქცა.

აი, რატომ ვამბობთ: „ქრისტემდე...“ „ქრისტეს შემდეგ...“
იესომ გაყო ისტორია, დრო. ის ზღვარზე დადგა.

იესოთი ინყება ისტორია. მისი მიდგომა, განსხვავებულია ბუდას ან ლაო ძის მიდგომისგან. მათ საბოლოო მიზანი ერთი აქვთ, მაგრამ მიზნის მისაღწევად მათი გზები სრულიად განსხვავებულია.

იესო უნიკალურია. იგი ამბობს, რომ შინაგანი ზრდა მხოლოდ კონფლიქტით მიიღწევა, მხოლოდ ომის წყალობით იფურჩქნება მშვიდობა. ნუ მიიღებთ მის ყოველ სიტყვას ზუსტი მნიშვნელობით, ქრისტე ხომ ქარაგმებით საუბრობს. ქრისტიანულმა სამყარომ მისი ნათქვამი პირდაპირი მნიშვნელობით გაიგო და სასტიკადაც შეცდა. ქრისტიანებმა ხელთ მახვილი აიღეს და მილიონობით ადამიანი გაჟლიტეს. არადა, იესოს ეს როდი ჰქონდა მხედველობაში, ქრისტიანული ეკლესია მებრძოლ ეკლესიად იქცა, ის იქცა ჯვაროსნულ სვლად.

ქრისტიანები ებრძოდნენ მუსლიმანებს, ინდუსებს, ბუდისტებს, ღვრიდნენ სისხლს, მაგრამ ისინი ცდებოდნენ, რამეთუ იესომ არა ამქვეყნიური, არამედ იმქვეყნიური მახვილი მოიტანა. ეს მახვილი სიმბოლოა. ყველაფერი ორად უნდა გააპო მისი საშუალებით, რადგან თქვენში მინა და ცა შეერწყა ერთმანეთს; თქვენი ერთი ნაწილი კი მიწიერია, მეორე ციური, ანუ ღვთიური. თქვენ ხართ გადაკვეთის წერტილი და იესოს მახვილმა უნდა გაგყოთ ორ ნაწილად, რათა მიწა მიწადვე იქცეს და ღვთიური შეუერთდეს ღვთიურს.

თქვენ ვერ ხვდებით, რა ეკუთვნის მიწას. როცა გშიათ, გგონიათ, რომ მშიერი ხართ? **„არა, – ამბობს იესო, – აილე ჩემი მახვილი და მოიკვეთე იგი!“** შიმშილი სხეულის თვისება და ცხოველური მოთხოვნილებაა. ტვინი ვერ იქნება მშიერი, მაგრამ სხეულს რომ არ გააჩნია შეგნება, ტვინი შეიგრძნობს შიმშილს.

იქნებ გსმენიათ ერთი ძველი ზღაპარი პანჩატანტრადან*: უღრან ტყეში, მოულოდნელად ხანძარი გაჩნდა. ამ დროს ტყეში ორი კაცი იმყოფებოდა. ერთი ბრმა და მეორე ხეიბარი. ხეიბარი ვერ მოძრაობდა, მაგრამ ხედავდა, ბრმას შეეძლო მოძრაობა, მაგრამ ვერ ხედავდა. შეთანხმდნენ და უსინათლომ ხეიბარი ზურგზე შეისვა. ისინი ერთარსებად იქცნენ. ასე დააღწიეს თავი ხანძარს და გადარჩნენ.

ეს არ ხდება უბრალოდ ზღაპარში. ეს არის ის, რაც თქვენშიც ხდება. თქვენს ერთ ნაწილს შია, მაგრამ არ გრძნობს ამას, რადგან ეს ნაწილი უსინათლოა. თქვენ სხეულს შია, სწყურია, აქვს სქესობრივი მოთხოვნილება, სჭირდება კომფორტი. ყველა მოთხოვნა სხეულიდან წარმოიშობა. თქვენი ცნობიერება კი ხედავს ამას, ამის მოწმეა თქვენი „მე“. ისინი გაერთიანდნენ, რადგან სხეულის გარეშე ვერ იმოქმედებს ცნობიერება, ცნობიერების გარეშე კი ვერ მიხვდება სხეული რა სჭირდება: შია თუ სწყურია.

იესოს „მახვილი“ ნიშნავს იმას, რომ ეს კომპრომისი უნდა გაიგო და შემდეგ მოახდინო განსხვავება: ის რაც მიწიერი, ეკუთვნის მიწას – დააკმაყოფილეთ მიწიერი, მაგრამ ამან არ უნდა შეგიპყროთ, ნუ გაიგივდებით მასთან, თუკი გრძნობთ შიმშილს, ეს თქვენს სხეულს შია, დაიმახსოვრეთ – დაიკმაყოფილეთ შიმშილის გრძნობა, მაგრამ ნუ ემონებით საჭმელს. ბევრი ადამიანია საჭმელზე შეშლილი. მათთვის ჭამა აკვიატებული აზრია; ისინი გამუდმებით ჭამენ. მერე უეცრად გული უცრუვდებათ ჭამაზე და იწყებენ მარხვას – შიმშილობენ, ერთთავად შიმშილობენ. ორივე მდგომარეობაში ხდებით აკვიატებული აზრის

მონები: ჭამო ძალიან ბევრი ისევე ცუდია, როგორც რომ იშიმში-
ლო. საჭიროა სწორი ბალანსი, მაგრამ ვინ მოგცემთ ამას?

თქვენ უნდა გაიყოთ ორად და ბოლომდე შეიცნოთ: „ეს მი-
ნისგანაა, ეს კი არ არის მიწიერი“. სწორედ ამაშია იესოს „მახვი-
ლის“ მნიშვნელობა. ქრისტე ამბობს: „მე მათ შორის განხეთქი-
ლების ჩამოსაგდებად მოვედი და თან მოვიტანე ცეცხლი, მახვი-
ლი და ომი“.

რატომ ცეცხლი? ცეცხლი კაბალისტებისა* და ინდუსების
ძველისძველი სიმბოლოა. ინდუსები ყოველთვის ლაპარაკობენ
შინაგან ცეცხლზე, რასაც „ტაპი“ უწოდეს („ტაპი“ მხურვალეხას
ნიშნავს). შინაგანი ცეცხლის გაღვივებას „აჯნას“ ეძახოდნენ.
არსებობს შინაგანი ცეცხლის გაღვივების ტექნიკა. ამ წუთას ის
თქვენში თითქმის ჩაქრა, მიინაცრა. ის უნდა გაქექოთ, აღმოაჩი-
ნოთ, მისცეთ სანვაავი; სანვაავის დიდი მარაგი სჭირდება. როდე-
საც შინაგანი ცეცხლი მთელი ძალით აგიზგიზდება, თქვენ უეც-
რად გარდაიქმნებით. ცეცხლის გარეშე ხომ არ არსებობს გარ-
დაქმნა, ტრანსფორმაცია. თქვენ აცხელებთ წყალს 100 გრადუ-
სამდე. ის ორთქლდება; იცვლება მისი ყველა თვისება.

დაკვირვებისხართ, როდესაც წყალი ორთქლად იქცევა,
მთლიანად იცვლება მისი თვისება? სანამ ის წყალია, ის მიედ-
ნება ქვევით. დინება მისი ბუნებაა. შეუძლებელია წყალმა იდი-
ნოს ზემოთ, მაგრამ როდესაც 100 გრადუს ტემპერატურაზე ის
ორთქლად იქცევა, იცვლება მისი ბუნება. ის მიემართება ზევით.
ორთქლი არასოდეს მიდის ქვევით, გაცხელების წყალობით იც-
ვლება ყველა განზომილება.

რას ნახავთ ქიმიკოსის ლაბორატორიაში? თუ იქიდან
მოამორებთ ცეცხლს, აღარაფერი აღარ მოხდება და ვინ ხართ

თქვენ, თუ არა ცეცხლი? რას აკეთებთ მანამ, სანამ ცოცხლობთ? რითი სუნთქავთ? ჟანგბადი ხომ საწვავია ცეცხლისთვის. როცა გარბიხართ, მეტი ცეცხლია საჭირო და ღრმად სუნთქავთ, დასვენების დროს – ნაკლები ცეცხლი, ე. ი. ნაკლები ჟანგბადი გჭირდებათ. სწორედ თქვენ ხართ ცეცხლი – საჭმლის, ჰაერის, წყლის საშუალებით თქვენში ყოველ წამს ახლდება ცეცხლი.

როდესაც ცეცხლი ძალზედ ბევრია, თქვენ გიხდებათ მისი გამოთავისუფლება, როცა ცხოველები სქესობრივად აღიგზნებიან, ჩვენ ვამბობთ, რომ ისინი იწვიან. ამ ნათქვამში არის აზრი, ვინაიდან სქესობრივად აღგზნება მართლაც არის ცეცხლის სახეობა, მისი სახესხვაობა. როდესაც ჩვენში იმაზე მეტი ცეცხლია, ვიდრე ძალგვიძს ავითვისოთ, საჭირო ხდება მისი გამოყოფა. ამისთვის გამოსავალი არის სექსი.

გაიხსენეთ – ცხელ ქვეყნებში ადამიანები უფრო სექსუალურები არიან, ვიდრე ცივში. სექსს პირველად „კამა სუტრა“, „კოკამასტრა“ და „კოკა პანდიტა“ განიხილავდნენ. აღმოსავლეთში ფროიდამდე სამი ათასი წლის წინ არსებობდნენ ფროიდისტები. დასავლეთში კი სექსმა ამ უკანასკნელ პერიოდში მოიპოვა მნიშვნელობა.

ცივ ქვეყანაში ადამიანს სხეულში არა აქვს საკმარისი ცეცხლი, რომელიც ძლიერ სექსუალობას გამოიწვევს. დასავლეთში სექსმა ამ ბოლო 3-4 ასწლეულში მოიპოვა მნიშვნელობა, რადგანაც გაჩნდა ცენტრალური გათბობა. ამიტომაც იქ ადამიანები აღარ არიან ისეთი ცივები, მანამდე კი სხეულის მხურვალეება გაუთავებლად ებრძოდა სიცივეს. აი, ამიტომ იზრდება აღმო-

სავლეთის მოსახლეობა, ძნელია ამას ხელი შეუშალო. დასავლეთში კი ასეთი დემოგრაფიული აფეთქება არ არის.

გამიგონია, როცა რუსმა კოსმონავტებმა პირველად დააბიჯეს მთვარეზე ფეხი, ბედნიერები ეგონათ თავი, მაგრამ მათკენ აუჩქარებლად მიმავალი სამი ჩინელი რომ დაინახეს, გაოცდნენ. რუსებმა დიდხანს უყურეს და შემდეგ ჰკითხეს მათ: „ჩვენზე ადრე როგორ მოაღწიეთ აქამდე? თქვენ ხომ ამისათვის არც სახსრები და არც ტექნიკა არ გაგაჩნიათ? საოცრებაა, როგორ შესძელით?!“

ჩინელებმა უპასუხეს: „არავითარი საოცრება. ჩვენ უბრალო მათემატიკა გამოვიყენეთ: დავდექით ერთმანეთის მხრებზე და ასე მოვალწიეთ მთვარემდე“. ჩინელებს შეუძლიათ მიაღწიონ, ინდოელებსაც, ეს ადვილია. თუ გადაწყვიტეს, ისინი სადაც გნებავთ, იქ მივლენ.

სექსი სითბური და ცეცხლოვანი ფენომენია. ყოველგვარი სქესობრივი თუ სულიერი ტრანსფორმაცია ცეცხლზეა დამოკიდებული.

იესოს ამზადებდა ესეების ოკულტური, ეზოთერული ჯგუფი. ისე, როგორც ინდუსებისათვის, კაბალისტებისათვის, იუდეველებისა და სუფიებისათვის*, მათთვის ცნობილი იყო ცეცხლის გაღვივების ბევრი მეთოდი. ასე, რომ აქ ლაპარაკია არა თქვენთვის ცნობილ ცეცხლზე, არამედ იმ ღრმა შინაგან ცეცხლზე, რომლის წყალობითაც არსებობს სიცოცხლე.

თუ თქვენ შეგწევთ ძალა, ეს ცეცხლი მიიყვანოთ განსაზღვრულ დონემდე, მაშინ მოხდება ტრანსფორმაცია! მაგრამ ცეცხლი მიაღწევს ამ ტემპერატურას მხოლოდ მაშინ, თუ ის არ გამოიყოფა. აი, რატომ კრძალავს სექსს ამ ცეცხლთან მომუშავე

ყველა რელიგია. თუ ეს ცეცხლი დაიხარჯება სექსში, მაშინ მისი გახურება საჭირო ტემპერატურამდე არ მოხერხდება, რადგანაც მოხდება გაჟონვა. ამიტომ, ცეცხლის გაჟონვა რომ არ მოხდეს, ყველა სავარაუდო გამოსასვლელი საფუძვლიანად უნდა ამოიქოლოს. მაშინ ის მიაღწევს 100 გრადუს ტემპერატურას, სწორედ იმ ტემპერატურას, რომელზეც უეცრად ხდება ტრანსფორმაცია, სული და სხეული გაყრილია – მახვილმა თავისი მისია შეასრულა! მაშინ თქვენ გეცოდინებათ, რა არის თქვენში მინის და რა მოვიდა უხილავისაგან.

„...ცეცხლი, მახვილი, ომი...“ საჭიროა ღრმა შინაგანი კონფლიქტი. თქვენ არ უნდა მიეცეთ ლეთარგიულ (სალათას) ძილს, არ უნდა მოდუნდეთ მანამ, სანამ ეს თავისთავად არ მოხდება. ეს კი სულ სხვა რამ არის. უნდა იბრძოლოთ, გამოიწვიოთ კონფლიქტი, შეხლა-შემოხლა. შინაგანი ომის აღმნიშვნელი საუკეთესო გამოთქმაა – შეხლა-შემოხლა.

გიორგი გურჯიევი* სწორედ ამის საშუალებით მოქმედებდა, ის სხეულში ინვევდა შეხლა-შემოხლას. ამ ნუთში შეიძლება ვერც ამჩნევთ, მაგრამ გახსოვდეთ: ერთ მშვენიერ დღეს თქვენ მიხვდებით, რომ თქვენს სხეულში არის ენერჯის ბევრი ფენა. თუ არ ხდება შინაგანი შეხლა-შემოხლა, მაშინ თქვენ იყენებთ ენერჯის მხოლოდ ზედა ფენას. თუ წარმოიშობა მძიმე კონფლიქტი, ზედა ფენა გამოიფიტება და ამის შემდეგ ამოქმედდება მეორე ფენა.

მაგალითად, თქვენ ყოველთვის იძინებთ საღამოს 10 საათზე და ამ დროს რული გერევათ. ნუ დანებებით დასაძინებლად, იფხიზლეთ! ამ მეთოდს ხშირად იყენებენ სუფიები. ქრისტემაც ამ მეთოდს მიმართა – უდაბნოში მას ორმოცი დღე-ღამის განმავ-

ლობაში თვალი არ მოუხუჭავს, იჯდა მთაზე და ფხიზლობდა. თუ თქვენ არ იძინებთ 10 საათზე, რამდენიმე წუთში რული გერევათ, ჩაგეთვლიმებათ და ითენთებით, მაგრამ თუ წინააღმდეგობას გაუწევთ ძილს, თქვენში შინაგანი ომი და შეხლა-შემოხლა დაიწყება. თქვენ გაორდებით. ერთ ნაწილს ენდომება ძილი, მეორეს – არა. თუ არ დანებდებით, უეცრად აღმოაჩინებთ, რომ ძილ-ბურანი ქრება და თავს უფრო ხალისიანად იგრძნობთ. ახლა ძალიანაც რომ მოინდომოთ, ჩაძინება გაგიჭირდებათ. რა მოხდა?

იყო ორი გზა და შეხლა-შემოხლამ წარმოშვა ენერჯია. ენერჯიას ყოველთვის შეხლა-შემოხლა წარმოშობს. მთელი მეცნიერება ეფუძნება შინაგან შეხლა-შემოხლას, რომელიც, თავის მხრივ, ქმნის ენერჯიას. ძრავიანი მანქანა მარტივ მექანიზმს წარმოადგენს. მასში გამოყენებულია ხახუნის პრინციპი, რომლის დროსაც ორი საგანი ებრძვის ერთმანეთს. როდესაც თქვენს სხეულს ეძინება, თქვენ კი არ გსურთ ძილი, იწყებთ ომს. ამ შინაგანი შეხლა-შემოხლის შედეგად წარმოიშობა დიდი ენერჯია.

ძალიან ცუდი იქნება, თუ დანებდებით. თუ დათმობთ, ორთაბრძოლაში გაიმარჯვებს სხეული, ცნობიერება კი დამარცხდება. ასე რომ, თუ ეცდებით ზემოთ თქმულის განხორციელებას, იმოქმედეთ იმის სრული შეგნებით, რომ არ უნდა დანებდეთ. სხვა შემთხვევაში ჯობია არ მიმართოთ ისეთ მეთოდებს, რომლებიც შეხლა-შემოხლის გამოყენებას გულისხმობს. სახიფათოა: თუ ვერ მოიპოვებთ გამარჯვებას, თქვენ წაგებული იქნებით და მაშინ დაკარგავთ საკუთარი თავის რწმენას. თუკი ცდით, უნდა გაიმარჯვოთ და თუ ბევრჯერ განიცდით მარცხს,

გამარჯვების სულ უფრო ნაკლები შანსი დაგრჩებათ. თქვენი ცნობიერება დასუსტდება, სხეული კი გაძლიერდება.

თუკი გადაწყვეტთ, გამოიყენოთ შეხლა-შემოხლის ნებისმიერი მეთოდი, მაშინვე დაისახეთ მიზნად გამარჯვების მოპოვება. აქ ნაგება დაუშვებელია. ეს ბრძოლა უნდა მოიგოთ. ამ მოგებით თქვენ მიაღწევთ ენერჯის უფრო ღრმა ფენას.

გამარჯვების შემთხვევაში შეამჩნევთ, რომ თქვენ მიიღეთ სხეულის სხვა ფენის ენერჯია და გახდით უფრო ძლიერი. მაშინ ყოველი ახალი ბრძოლა უფრო მეტად გაგაძლიერებთ მანამ, სანამ სხეულის მთელი ენერჯია არ გადავა თქვენს „მე“-ში.

გურჯიევი ზუსტად ასევე მოქმედებდა, იგი აქტიურად იყენებდა შეხლა-შემოხლას. მისი მეთოდები ძალიან სახიფათო და საშიში იყო. სიკვდილამდე რამდენიმე წლით ადრე მან საავტომობილო ავარია მოახდინა შეგნებულად. გურჯიევის მსგავსი ადამიანების ცხოვრებაში არ არსებობს შემთხვევითი მოვლენები. ასეთი ადამიანი იმდენად ყურადღებიანია, იმდენად შეგნებულად, რომ მასთან შემთხვევითობა შეუძლებელია. მაგრამ ამასთანავე მას შეუძლია დაუშვას ან გამოინვიოს კიდეც სახიფათო შემთხვევა, რაც გურჯიევმა განახორციელა კიდეც.

გურჯიევი მანქანას დიდი სიჩქარით მართავდა, მაგრამ სიცოცხლეში არ შემთხვევია არც ერთი ავარია. იგი თავზებელალებული მძღოლი იყო. არ სწამდა მოძრაობის წესებისა და არანაირი კანონებისა.

ერთხელ თავის აშრამიდან იგი პარიზს მიემგზავრებოდა. ვილაცამ ჰკითხა: **„როდის გელოდოთ?“** **„თუ ყველაფერი ისე იქნება, როგორც ვფიქრობ, მაშინ სალამოს დავბრუნდები, თუ არა და, ძნელი სათქმელია“** – უპასუხა გურჯიევმა. მართლაც, უკან

დაბრუნებისას საშიში ავარია შეემთხვა და ექიმები განცვიფრდნენ, გურჯიევი ცოცხალი რომ ნახეს, თუმცა მანქანა ნამსხვრევებად იყო ქცეული. გურჯიევი ცოტა მოშორებით ნახეს, ხის ქვეშ. იგი მეტად მძიმე მდგომარეობაში იყო, მაგრამ გონი როდი დაეკარგა. ეს იყო მის მიერ საკუთარ არსებაში გამონვეული შეხლა-შემოხლა, რომელიც კი ოდესმე გამოუნვევია. მან საკუთარი სხეული სიკვდილის პირას მიიყვანა და სურდა, რომ საღ გონზე ყოფილიყო.

გურჯიევი ცოცხალ, ყურადღებიან არსებად დარჩა ბოლომდე და ამ მომენტში მიაღწია უმაღლეს ხარისხს, რომელიც კი ადამიანს ხელენიფება. ის გახდა ცენტრირებული საკუთარ გონიერებაში – მიწიერი ნაწილი მთლიანად განცალკევებული იყო. ეს ნაწილი იქცა გამტარად: მას შეეძლო მისი გამოყენება მასთან გაიგივების გარეშე.

აი, რას გულისხმობს იესო, როცა ამბობს: **„მე მოვიტანე ცეცხლი, მახვილი და ომი, ადამიანები კი ალბათ ფიქრობენ, რომ მშვიდობის მოსატანად მოვედი...“**

„ვინაიდან შინ იქნებიან ხუთნი: სამნი იქნებიან ორის წინააღმდეგ და ორნი – სამის წინააღმდეგ... და იდგებიან ისინი, ვითარცა ერთადერთნი...“

„...ვინაიდან შინ იქნებიან ხუთნი...“ – ეს არის იგავი: „ხუთნი შინ“ – ეს არის თქვენს სხეულში არსებული ხუთი გრძნობა. მართლაც, თქვენში ძალიან ღრმად არის ხუთი ცენტრი, რადგან თითოეულ გრძნობას გააჩნია საკუთარი ცენტრი. ყოველი მათგანი გმართავთ თავისი მიმართულებით: თვალები გეუბნებიან: „შეხედე, ეს ლამაზია.“ თვალს არ აინტერესებს შეხება; ხელს, თავის წილ, არ აინტერესებს ლამაზი ადამიანის ან ხის დანახვა.

ხუთივე გრძნობა არსებობს, როგორც ხუთი სხვადასხვა ცენტრი, ტვინი კი გამუდმებით ახდენს იმის კოორდინირებას, რასაც ლებულობს ამ ხუთი გრძნობიდან. როდესაც მიყურებთ, ან მისმენთ, მიყურებთ თვალებით და მისმენთ ყურებით – თვალებს არ ესმით და პირიქით, ყურები ვერ ხედავენ. როგორ ხვდებით, რომ იმ ადამიანის გესმით, რომელსაც უყურებთ? ტვინი ახდენს კოორდინირებას, ის კომპიუტერია: ის ერთმანეთს უპირისპირებს იმას, რითაც იკვებებიან თვალები და ყურები, და გვაძლევს ამოხსნას.

გურჯივეი იყენებდა შეხლა-შემოხლის მეთოდს, ამასვე მიმართავდა იესოც.

მათ, ვინც იციან ქრისტეს ცხოვრების დიდი საიდუმლოებები, ამბობენ, რომ იესო ჯვარს კი არ აცვეს, მან თავად მოაწყო საკუთარი ჯვარცმა. ისინი, ვინც მას ჯვარზე აკრავდნენ, ფიქრობდნენ, რომ კლავდნენ მას, მაგრამ იესოსნაირ ადამიანებს ვერ მოკლავთ. მას ხომ იოლად შეეძლო სიკვდილის თავიდან აცილება თუნდაც იმიტომ, რომ წინასწარ იცოდა, რომ უნდა შეეპყროთ. შეეძლო, საერთოდ გასცლოდა იმ ქვეყანას, ეს არ იყო ძნელი, მაგრამ ის მივიდა დედაქალაქში. იმასაც ამბობენ, რომ იუდა მისი მტერი კი არა, მეგობარი იყო, რომელიც მას დაეხმარა. **იესოს ჯვარზე რომ აკრავდნენ, ამ დროს მიმდინარეობდა მისი ბოლო შინაგანი ომი, უკანასკნელი და უდიდესი შეხლა-შემოხლა.** სიკვდილის პირას მისული, ის არ კარგავდა ღვთიური-სადმი რწმენას, მინიერთან გაყრის ჟამს ის არ იყო გაიგივებული სხეულთან.

გურჯივეი ამბობს, რომ ქრისტეს ჯვარცმა სპექტაკლი იყო, რომლის ჭეშმარიტი ავტორობა არც პილატეს და არც მღვდელ-

მთავარს არ უკისრიათ. ეს სპექტაკლი თვით იესომ დადგა და თანაც ისე მშვენივრად, რომ დღემდე ამოუცნობი რჩება.

თქვენთვის ალბათ წარმოუდგენელია, როგორ შეიძლება ადამიანი საკუთარი ნებით გაეკრას ჯვარზე, მაგრამ რელიგია სწორედ ეს არის: საკუთარი თავის ჯვარცმა. ამ დროს შეხლამშემოხლის იმ ზღვარს აღწევ, როდესაც დგება სიკვდილი.

იესო ამბობს: **„ვინაიდან შინ იქნებიან ხუთნი: სამნი იქნებიან ორის წინააღმდეგ და ორნი – სამის წინააღმდეგ“**. ბრძოლა უნდა დაიწყოს, თანაც შეგნებულად. გრძნობებმა უნდა გაამწვავონ ურთიერთშორის დამოკიდებულება. ისინი ისედაც იბრძვიან, მაგრამ შეუგნებლად. თუ შეგიძინევიათ, უსინათლოს უფრო მახვილი სმენა აქვს, ვიდრე ნორმალურ მხედველს. ბრძეები ხშირად არაჩვეულებრივი მუსიკოსები და მომღერლები გამოდიან. მათ ბგერის აღქმის უნარი ძლიერ აქვთ განვითარებული. მათი ყურები მგრძნობიარეა, რადგან თვალეები ველარ მეტოქეობენ ყურებს. ის ენერგია, რაც თვალეებს უნდა დაეხარჯათ, სმენის ორგანოებს გადაეცემათ.

თქვენი თვალეები იყენებენ თქვენსავე ენერგიის 80%-ს და მხოლოდ 20% რჩება სხვა ორგანოებს. თვალეი თქვენი სხეულის ორგანოების „დიქტატორია“ და ზოგიერთი გრძნობა ამიტომ გიქვეითდებათ.

ზოგს არ აქვს განვითარებული ყნოსვა, მაგრამ ამაზე როდი მოსთქვამენ. ისინი ვერც კი ამჩნევენ, რომ სუნის შეგრძნება დაკარგული აქვთ. თვალეებმა მთლიანად გაძარცვეს ცხვირი. ისინი ხომ ისე ახლო-ახლოს არიან ერთმანეთთან, რომ ერთმანეთის დანახულის მითვისება შეუძლიათ. ბავშვეებს გააჩნიათ ყნოსვა, მაგრამ დროთა განმავლობაში ის იკარგება, რადგან თვალეები

სულ უფრო მეტ ენერგიას ხარჯავენ. თვალი იქცა ჩვენი არსებობის ცენტრად, ეს კი ცუდია.

შეხლა-შემოხლა გრძნობებს ურთიერთსაწინააღმდეგოდ მიმართავს. არსებობდა სკოლები, მეთოდები, სადაც ხელოვნურად ხდებოდა ერთ-ერთი კონკურენტი გრძნობის მთლიანად გამოთიშვა, ასე ინვევდნენ ბრძოლას.

მრავალი მეთოდი აძლევს მაძიებლებს შემდეგ რჩევას: რამდენიმე თვის განმავლობაში ნუ გაახელთ თვალს. ენერგია დაიწყებს გადაადგილებას და თქვენ იგრძნობთ ამას. სამი თვის განმავლობაში სულ თვალდახუჭული თუ იქნებით, იგრძნობთ, თუ როგორ მიემართება ენერგია ყურებისკენ, ცხვირისკენ; შესაძლოა, ყნოსვაც დაგიბრუნდეთ; იგრძნობთ სუნს. სამი თვის განმავლობაში ყურებს თუ დაიცობთ, თუ მხოლოდ დაინახავთ და ვერ გაიგონებთ, იგრძნობთ ენერგიის განუწყვეტელ დინებას.

თუ შესძლებთ დაინახოთ როგორ იბრძვიან თქვენი გრძნობები, თქვენ განცალკევდებით მათგან, იქცევით, მონმედ. თქვენ აღარ იქნებით არც თვალები, არც ყურები, არც ხელები და არც სხეული – თქვენ იქნებით, მონმე. სხეულში გაგრძელდება ბრძოლა, თქვენ კი მეთვალყურე იქნებით. აი, ეს ღრმა აზრი დევს ამ იგავში, მაგრამ ის ჭეშმარიტია სხვა თვალსაზრისითაც.

„ვინაიდან შინ იქნებიან ხუთი, სამნი იქნებიან ორის წინააღმდეგ და ორნი – სამის წინააღმდეგ, მამა – შვილის წინააღმდეგ და იდგებიან ისინი, ვითარცა ერთადერთნი...!” თუ ოჯახი ხუთწევრიანია, სამი შეწინააღმდეგება ორს და პირიქით, – აი, ამ ნათქვამის მეორე მხარე: ოჯახში მორწმუნე ადამიანის გაჩენისთანავე იწყება შეხლა-შემოხლა, რადგან ოჯახი ძნელად თუ იტანს რელიგიურ ადამიანს. რელიგიური ადამიანი ძალზე საში-

შია ოჯახისთვის. ოჯახი ყველაფერს იტანს რელიგიის გარდა, რადგანაც რელიგიური გახდებით თუ არა, თქვენ აღარ გააიგივებთ თავს სხეულთან.

ოჯახი ერთი სისხლისა და ხორცის ადამიანთა ერთობლიობაა: მამათქვენი სხეულის გამოა თქვენი მამა. უკეთუ ფიქრობთ, რომ თქვენ ხართ სხეული, მაშინ ენათესავებით მამათქვენს, მაგრამ თუ მიხვდით, რომ ეს ასე არ არის. მაშ, ვინ არის მამათქვენი? დედათქვენმა თქვენ კი არა, თქვენი სხეული დაბადა. თქვენ კი ისე გაიგივდით სხეულთან, რომ ფიქრობთ, თითქოს დედამ გშობათ. მაგრამ ვინ არის დედა, თუ უარყოფთ სხეულთან გაიგივებას? მან მხოლოდ თქვენი სხეული დაბადა, რომელიც მოკვდავია, ასე რომ, დედ-მამამ სიცოცხლე კი არა, სიკვდილი გაჩუქათ. როგორც კი უარყოფით საკუთარ სხეულთან გაიგივებას, შორდებით ოჯახს და ეს ფესვების მოკვეთის ტოლფასია.

ოჯახი ეგუება იმას, რომ მეძავებთან ატარებთ დროს. ამაში არაფერია დასაძრახი, ამით უფრო მეტად უახლოვდებით სხეულს. თუ დაინწყეთ მედიტაციების ჩატარება და სანიასინი გახდით, ეს უკვე ცუდია. ოჯახი ველარ გმართავთ, თქვენ შელახეთ მისი და ამქვეყნიური ცხოვრების ღირსება. ამიტომაც ამბობს იესო: **„მამა შვილის წინააღმდეგ და შვილი მამის წინააღმდეგ და მე მოვედი, რათა აგაღელვოთ, განგაშოროთ, აგაჯანყოთ...“**

ეს სრული სამართლეა. თქვენ შეგიძლიათ, თაყვანი სცეთ ბუდას, მაგრამ მამამის ხომ უარყოფს მას. ნათესავებიც მისი წინააღმდეგნი არიან. ბუდა არ დაემორჩილა მათ და სხვებსაც დაეხმარა, ოჯახისა და საზოგადოების ტვირთისაგან გათავისუფლებულიყვნენ.

ოჯახი საზოგადოების მთავარი ერთეულია. თუ საზოგადოებას ტოვებთ, მოგინევთ ოჯახის დატოვებაც, მაგრამ ეს არ ნიშნავს, რომ უნდა შეიძულოთ ის – საქმე ამაში როდია; ეს არ ნიშნავს აგრეთვე იმას, რომ ნახვიდეთ მის წინააღმდეგ – საქმე ამაშიც არ არის. ეს ისედაც მოხდება: ყველაფერი, რაც ადრე იყო, საკუთარი თავის ძიების პროცესში აღშფოთდება, დაირღვევა, აღმოცენდება ქაოსი. როგორ უნდა მოიქცეთ? ისინი ყველა ღონეს იხმარენ, უკან რომ დაგაბრუნონ. სად არის გამოსავალი? არსებობს ორი გზა. პირველი გზა, ეს გაქცევაა საზოგადოებისგან და იმ საშუალებების მოსპობა, რომლებითაც ეცდებიან თქვენს უკან დაბრუნებას. ჩემი აზრით, ეს გზა ნაკლებად გამოგადგებათ. მეორე გზა საზოგადოებაში დარჩენა და ნიღბის აფარებაა. ნუ გააგებინებთ, რომ მიდიხართ მათგან და გასწიეთ! დაე, იყოს თქვენს სულში მოგზაურობა. გარეგნულად ყველა ფორმალობა შეასრულეთ – ემთხვეით თქვენი მშობლების ნაფეხურებს და თქვენ იქნებით საუკეთესო მსახიობები.

ძველი გზით სიარული ბევრს არ შეუძლია. ამის გამოა, კაცობრიობა რომ ვერ გახდა რელიგიური – განა რამდენს შეუძლია საზოგადოების დატოვება? თუნდაც რომ მოშორდნენ ისინი საზოგადოებას, ამ უკანასკნელმა მაინც უნდა იზრუნოს მათზე. მაშინ, როცა ბუდა, მაჰავირი ან იესო ცხოვრობდნენ, ათასობით ადამიანმა დატოვა ოჯახები, მაგრამ მხოლოდ ათასმა – მილიონობით ადამიანი დარჩა და მათ უნდა ეზრუნათ განდგომილებზე. ამ გზით მთელი მსოფლიო ვერ გახდება რელიგიური, ამის მიღწევა უფრო ლამაზი გზით შეიძლება, რომელიც კარგ მსახიობობას გულისხმობს.

სანიასინი კარგი მსახიობი უნდა იყოს. ამაში მე შემდეგ ვგულისხმობ. თქვენ აღარა ხართ შებოჭილნი, მაგრამ, ამავე დროს, ყოველგვარ ფორმალობას ასრულებთ. თქვენი ფესვები ოჯახიდან ამოძირკვეულია, მაგრამ თქვენ ამას არაფრით არ ამჟღავნებთ. წინააღმდეგ შემთხვევაში საზოგადოებისა და ოჯახის წევრები თქვენს ხელახლა აღზრდას შეეცდებიან. გარეგნულად ისე უნდა გამოიყურებოდეთ, რომ მათ არ მისცეთ ეჭვის საბაბიც კი: თქვენ საკუთარ შინაგან სამყაროში იმოგზაურებთ და საკმარისი იქნება უბრალო სპექტაკლის გათამაშება, ვინაიდან ისინი ცხოვრობენ ზერელე ურთიერთობით და სულაც არ სჭირდებათ შინაგანი თაყვანისცემა, შინაგანი სიყვარული.

ეს პირველი გზა ბუდასა და იესოს გზაა, მეორე კი ჯანაკასი* და ჩემი. დარჩით იქ სადაც ხართ. გარეგნულად ნუ შეამჩნევთ, რომ იცვლებით და რელიგიური ხდებით, ვინაიდან ამას უამრავი სირთულე მოჰყვება, არადა, შეიძლება თქვენ ჯერ კიდევ არ იყოთ საკმარისად ძლიერნი. გამოიწვიეთ, შინაგანი კონფლიქტები, მაგრამ მოერიდეთ ადამიანებთან უთანხმოებას. შინაგანი კონფლიქტი საკმარისი იქნება თქვენი ზრდისა და მომწიფებისთვის.

„...მამა იქნება შვილის წინააღმდეგ და შვილი – მამის წინააღმდეგ... და ისინი იდგებიან, ვითარცა ერთადერთნი...”

საჭიროა ღრმად გავიაზროთ სიტყვა „ერთადერთნი“. როცა თქვენ რელიგიური ხდებით, იქცევით მარტოსულად, თქვენთვის აღარ არსებობს საზოგადოება, თქვენ სრულიად მარტონი ხართ. იმის შეგნება, რომ თქვენ მარტო ხართ, არის უდიდესი ტრანსფორმაცია, რადგან ტვინს ეშინია მარტოობის, მას სჭირდება ვინმე, ვისაც დაეყრდნობა, ვისაც მოეჭიდება.

მარტოდ დარჩენილები თქვენ კანკალებთ, შიში გიპყრობთ. იგრძნობთ თუ არა მარტოობას, მაშინვე მიისწრაფით საზოგადოებისკენ – კლუბში, კონფერენციაზე, სექტაში, ეკლესიაში – სადმე, სადაც არის თავყრილობა, სადაც თავს არ იგრძნობთ მარტოდ. აი, რატომ შეიძინა ბრბომ მნიშვნელობა. თქვენ მიდინხართ იპოდრომზე, კინოში, რადგან გჭირდებათ ხალხის მასა, რომელშიც თავს აღარ გრძნობთ მარტო, სადაც შეგიძლიათ მოდუნდეთ. რელიგიური ადამიანი მარტოსულია, რადგან ის ცდილობს უმაღლესი მწვერვალების დაპყრობას. ის არ კარგავს საკუთარ თავს მასში. იგი დღითი დღე უფრო გულმოდგინე, შეგნებული და ყურადღებიანი ხდება, რომ ეზიაროს ჭეშმარიტებას. ყოველი ადამიანი მარტოსულია, ყოველი ერთობა შეუძლებელია. თქვენი ცნობიერება ეული მწვერვალია. მარტოობაშია სილამაზე და თქვენ არ უნდა გეშინოდეთ მარტოობის. წარმოიდგინეთ ევერესტი მასავით მაღალ მწვერვალებთან ერთად და მისი სილამაზე და სიდიადე მაშინვე გაქრება. მორწმუნე ადამიანიც ევერესტს ჰგავს. იგი მარტოობით ცხოვრობს და ტკბება.

ეს იმას როდი ნიშნავს, რომ მას არ უყვარდეს ადამიანები და არ საქმიანობდეს საზოგადოებაში. პირიქით, მხოლოდ ასეთ ადამიანს შეუძლია სიყვარული, მხოლოდ მას შეუძლია მოქმედება – იმიტომ, რომ ის უკვე არსებობს. თქვენ ჯერ არ არსებობთ, მაშ, როგორ შესძლებთ სიყვარულს? მხოლოდ რელიგიურ ადამიანს ძალუძს სიყვარული. მისი სიყვარული ნარკოტიკს არა ჰგავს, მისთვის დამლუპველი რომ იყოს. მას შეუძლია ყველაფერი გაიღოს რაც გააჩნია, მსხვერპლად მიიტანოს საკუთარი თავი და ამასთან ერთად, თავისთავადი დარჩეს. მას ძალუძს დაიხარჯოს თქვენთვის და მისი ენერგია არ დაცარიელდება, ვი-

ნაიდან მუდმივ მიზანდასახულობას და თვითმართვას ყოველ-
თვის ინარჩუნებს თავისი არსების სიღრმეში. თქვენივე არსების
შუაგულში თქვენ მარტო ხართ – შეიგრძენით მარტოობის სის-
პეტაკე და სილამაზე. მაგრამ რადგან დაიბადეთ, გაიზარდეთ და
ცხოვრობთ გარკვეულ საზოგადოებაში, გეუფლებათ შიში. ამის
გამო სრულიად დაგავინყდათ, რომ თქვენ მარტომაც შეგიძლი-
ათ იარსებოთ! განმარტოვდით რამდენიმე დღით, რათა უბრა-
ლოდ შეიგრძნოთ თქვენი მარტოობა – ის შესანიშნავია. ნუ და-
იბნევით, დარჩით შეგნებულ, ფხიზელ ადამიანად. გადით საზო-
გადოებაშიც და ამავე დროს დარჩით მარტოსული.

თუ მოისურვებთ, შეგიძლიათ იყოთ ხალხში და მაინც მარ-
ტოდ იგრძნოთ თავი. როცა მარტო ხართ, მაშინაც შესძლებთ
ხალხში ყოფნას. შეიძლება ასეც მოხდეს, რომ ახვიდეთ ჰიმალა-
ის მთებში და ბაზარზე იფიქროთ. თქვენ ამ დროს უკვე ბრბოში
აღმოჩნდებით.

ერთხელ ჯუნაიდი თავის მოძღვართან მივიდა ტაძარში. მან
ჯუნაიდს მიმართა: **„ჯუნაიდ, მარტო მოდი, ნუ მოგყავს თან ეს
ბრბო“**. ჯუნაიდმა, რასაკვირველია, უკან მოიხედა, ეგონა, ვინმე
შემოვიდა ჩემთან ერთადო, მაგრამ ვერავინ დაინახა. მოძღვარს
გაეცინა და უთხრა: **„უკან კი ნუ იცქირები, საკუთარ სულში
ჩაიხედე!“** ჯუნაიდმა თვალები დახუჭა და მიხვდა, რომ მოძღვა-
რი მართალი იყო. მან დატოვა ცოლ-შვილი, მაგრამ მათზე ფიქ-
რობდა, მათი სახე თვალიდან არ შორდებოდა. იგი გამოსამშვი-
დობებლად მოსულ მეგობარზეც ფიქრობდა. მოძღვარმა უთ-
ხრა: **„გადი გარეთ და მარტო შემოდი. აბა, როგორ ველაპარაკო
ამ ბრბოს?“** ჯუნაიდს ერთი წელი დასჭირდა ამ ბრბოსაგან გასა-
თავისუფლებლად. ერთი წლის შემდეგ ოსტატმა მოიხმო: **„ახლა**

შენ მზად ხარ, ჯუნაიდ. შენ მარტო ხარ და ჩვენი დიალოგიც შესაძლებელია”.

შესაძლოა, შენში ატარო ბრბო; შესაძლოა, იყო ბრბოში და მაინც მარტო დარჩე. სცადეთ: როცა მოხვდებით ხალხმრავლობაში, მაგალითად, ბაზარში, უბრალოდ, იფიქრეთ, რომ მარტო ხართ. ეს მართლაც ასეა. ამდენად, ეს არ იქნება ძნელი წარმოსადგენი. თქვენ შეგწევთ უნარი, ეს იგრძნოთ და რადგან შეგიძლიათ იგრძნოთ, რომ მარტო ხართ, ე. ი. უკვე გახდით მარტოსული. იესო ამბობს, რომ მოვიდა, რათა გაქციოთ მარტოსულებად, მარტომდგომეზად. **„მე თქვენ მოგცემთ იმას, რაც თვალს არ უნახავს, რაც ყურს არ სმენია, რასაც ხელი არ შეხებია და რაც ადამიანის გულში არ დაბადებულა”.**

თქვენს თვალს არ ძალუძთ იმის დანახვა, რაც თქვენშია. თქვენს ყურებს არ შეუძლიათ თქვენი შინაგანი ხმის მოსმენა. თქვენი ყველა გრძნობა გარეგანი ობიექტებისკენაა მიმართული. ასე რომ, როცა ყველა შეგრძნება გაგიქრებათ, თქვენ აღმოჩნდებით შიგნით, საკუთარ არსში.

იესო ქადაგებს: **„მე მოგცემთ იმას, რაც კაცის თვალს არ უნახავს, მაგრამ ჯერ მარტოსული გახდით”.** სწორედ ამ გაგებით ვხმარობ მე სიტყვა „სანიასინს” (მარტოხელა). ჯერ სანიასინი გახდით, შეიგნეთ თქვენი მარტოობა და ამ დროს თავი თავისუფლად და მსუბუქად იგრძენით, დაინახეთ მარტოობის სილამაზე და სიჩუმე, სინმინდე და სათნოება, მარტოობა ქალწულისებრ ხელშეუხებელია.

თქვენი უმანკოება დაფარულია თქვენში. გახდით სანიასინი, დარჩით მარტო და მაშინ **„მე თქვენ მოგცემთ იმას, რაც თვალისთვის უხილავია”,** – ამბობს იესო.

როდესაც მარტოსული ხდებით, როდესაც სრულიად მარტო რჩებით, უეცრად თქვენთვის მისაწვდომი ხდება ის, რისი დანახვაც არანაირ თვალს არ შეუძლია, რისი გაგონებაც ყურს არ ძალუძს, რაც ხელშეუხებელია. როგორ შეგიძლიათ შეეხოთ თქვენს „მე“-ს? შეგიძლიათ შეეხოთ სხეულს, მაგრამ არა „მე“-ს. ხელი იქ ვერ შეაღწევს, მას არ შესწევს ძალა შეეხოს ცნობიერებას, ასეთი შესაძლებლობა არ არსებობს.

და აი, ბოლო ფრაზაც, ერთ-ერთი უმშვენიერესი ფრაზა, რაც კი ადამიანის მიერ თქმულა: **„...და იმას, რაც არ შობილა ადამიანის გულში“...**

თქვენი სული ხომ თქვენსავე გულს აღემატება. გული სხეულის შიგნითაა, მაგრამ სულთან შედარებით ისიც გარეთ არის. სხეულში შიმშილი იბადება, გულში კი – სიყვარული, მაგრამ – არა ლოცვა. ლოცვა უფრო სიღრმისეულია. ღმერთი გულის კი არა, უფრო ზეცნობიერების მოთხოვნილებაა. უნდა აჯობოთ ტვინსაც და გულსაც. საჭიროა მთელი პერიფერიის დაძლევა, რათა დარჩეს ცენტრი.

რა არ შობილა ადამიანის გულში? ღმერთი არ დაბადებულა ადამიანის გულში თუ ადამიანის გონება ბადებს მეცნიერებასა და ფილოსოფიას, გულში ხელოვნება და პოეზია იბადება, მაგრამ არა – რელიგია.

რელიგია კი იმ უღრმეს ფენაში იბადება, რომლის იქით არავითარი მიზანი არ არსებობს. იგი წარმოიშობა თქვენივე არსების ცენტრში, რომელიც გულიც კი არ არის, რაღაც სხვაა.

„მე თქვენ მოგცემთ იმას, რაც არ დაბადებულა ადამიანის გულში“... იმას, რაც არის „შორს, შორს, შორს“, ყველა საზღვარს მიღმა. თქვენ არ შეგწევთ ძალა, დაინახოთ ან მოუსმინ-

ნოთ მას, იგრძნოთ იგი. ამ საკითხში იესო უფრო ღრმად მიდის, ვიდრე გულით მისტიკოსები. მისტიკოსების სამი ტიპი არსებობს: პირველი – გონებით მისტიკოსები, რომლებიც თეოლოგიური და ფილოსოფიური ცნებებით ლაპარაკობენ; მათ აქვთ ღმერთის არსებობის დამამტკიცებელი საბუთები. არ არსებობს არანაირი მტკიცება, ან ყველაფერი ერთად უკვე მტკიცებაა. შეუძლებელია დამამტკიცო ღმერთის არსებობა, ვინაიდან ნებისმიერ მტკიცებაზე შეიძლება კამათი და, აქედან გამომდინარე, იმის დამამტკიცებაც, რომ ნებისმიერი მათგანი არასწორია. მეორე – გულით მისტიკოსები სიყვარულზე, საყვარელ არსებაზე, ღვთაებაზე, კრიშნაზე საუბრობენ. თავიანთ სათქმელს მუსიკითა და პოეზიით გადმოსცემენ, რამეთუ რომანტიკოსები არიან. მათი ძიებები შედარებით ღრმაა, მაგრამ საკმაო სიღრმე არც მათ აქვთ.

იესო ამბობს: **„მე თქვენ მოგცემთ იმას, რაც ადამიანის გულშიც კი არ დაბადებულა...”** რალაც ისეთს, რასაც ვერ შეიცნობს ვერც თეოლოგია, ვერც პოეზია, ვერც ლოგიკა, ვერც სიყვარული. ეს უკანასკნელნიც აქ ჩერდებიან, „მე თქვენ მოგცემთ იმას, რაც არ დაბადებულა ადამიანის გულში”.

ეს არის საკუთარი თავის პოვნის საშუალება, მაგრამ ქრისტიანულ სამყაროში ადამიანის თავს მიანდვეს ამის ახსნა. ნახეთ თომა აქვინელის* „თეოლოგიის ფასი” და მიხვდებით, რამხელა მარცხი განიცადა თეოლოგთა შეხედულებებმა. იესო ხომ თავში არ არის. მოაზროვნე თეოლოგებმა გულით მისტიკოსები ეკლესიიდან განდევნეს, მათ შორის ეკჰარტი და ფრანცისკი. მათ შემოღობი და ერეტიკოსები უწოდეს, რადგან ისინი გულსა და სიყვარულზე ლაპარაკობდნენ.

მაგრამ იესო ვერც თეოლოგებმა შეიცნეს და ვერც გულით მისტიკოსებმა, რადგან მას არ ჰქონდა ორიენტირი. იესო მოგინოდებთ, მოიშორეთ ყველაფერი გარეგანი და საკუთარი არსების შუაგულში შეაბიჯოთ, სადაც ხართ მხოლოდ თქვენ, სადაც მხოლოდ თქვენი არსება პულსირებს, სადაც მხოლოდ ყოფიერებაა.

თქვენ გაქვთ ძალა აქამდე მისვლისა: და თუ მიხვედით, მაშინ გაიხსნება ყველა საიდუმლო და გაიღება ყველა კარი. მაგრამ შესაძლოა, ზედ კართან მისულმაც დაუშვათ შეცდომა. თუ კვლავაც გონებაზე აიღებთ ორიენტაციას, დარჩებით კარს მიღმა, თეორიტიკოსობით დაკავებული. შესაძლოა, კართან იდგეთ პოეზიაში გართულები – ლაპარაკობდეთ პოეზიითა და მუსიკით და ამიტომაც კარის ზღურბლს ვერ გადააბიჯოთ.

ერთხელ მოლა ნასრედინი ფსიქიატრთან მისულა და უთქვამს: „საგონებელში ვარ ჩავარდნილი, მიშველე რამე. უკვე აუტანელია ერთი და იგივე სიზმარი, რომელსაც ყოველდღე ვნახულობ – თითქოს კართან ვდგავარ, შიგნით ვანვები და მინდა გავაღო, კარზე წარწერაა. მე კი უშედეგოდ ვწვავლობ და ვერ გამიღია კარი...”

ფსიქიატრმა მოლას ნაამბობი ჩაიწერა, ნახევარსაათიანი ბაასის შემდეგ კი ჰკითხა: „ახლა მითხარი, ნასრედინო, რა აწერია კარს?”

მოლამ უპასუხა: „წარწერა ასეთია: **„გამოსწიე შენსკენ!”**”

თუ კარზე სწერია, **„გამოსწიეთ”**, რომ გაიღოს, ნუ ჰკრავთ ხელს იქით, თორემ ეს განმეორებად სიზმრად გექცევით. თქვენ დაეჯაჯგურებით კარს და ვერაფერს გახდებით, არადა, არა-

ნაირი სირთულე არ არის აქ. უბრალოდ, ნაიკითხეთ წარწერა კარზე.

იესო ამბობს, რომ კარზე არც „გონება“ წერია და არც „გული“, არამედ სხვა, რაც გულსაც აღემატება და გონებასაც.

გახსოვდეთ, რომ საზღვარს უნდა გასცდეთ. ნუ გახდებით ლოგიკისა და გონების, ემოციებისა და სენტიმენტალობის მსხვერპლი, გონებაც და გულიც სხეულს ეკუთვნის. გასცდით მათ და გახდებით აღმატებულნი.

და რა დაგხვდებათ იქ? იქ უბრალო ყოფიერებაა, იქ თქვენ უბრალოდ იგრძნობთ თავს. ეს არის მედიტაცია და ეს წერია კარზე.

კარი უეცრად იღება მაშინ, როცა, უბრალოდ, არსება ხართ და აზრებთან და ემოციებთან არ იგივდებით. აღარ არის ღრუბლები, თქვენ გამოაშკარავდით, ცეცხლს აღარ ახლავს კვამლი, არის მხოლოდ ცეცხლი – და თქვენ შეხვედით კარში.

„...და მე თქვენ მოგცემთ იმას, რაც არ დაბადებულა ადამიანის გულში...”

*1974 წლის 22 აგვისტო
პუნა, ინდოეთი*

საუბარი მესამე

მესამე შეგონება

იესომ თქვა:

– მე დავდექი სამყაროს შუაგულში და ხორცშესხმული მოვევლინე ადამიანებს და ვიპოვე ისინი მთვრალნი. მათ შორის არავინ იყო მწყურვალი და ჩემი სული დანაღვლიანდა ადამიანთა შვილების გამო, რამეთუ ისინი გულით დაბრმავებულები არიან და ვერ ხედავენ, რომ ამ ქვეყანას ცარიელნი მოევლინენ. ისინი ესწრაფვიან, კვლავაც ცარიელნი გაეცალონ ამ სამყაროს. ამჟამად ისინი მთვრალეები არიან. როცა გამოფხიზლდებიან, მაშინ მოინანიებენ.

(თომა, 33)

იესომ თქვა:

– უკეთუ სხეული სულიდან წარმოიშვა, ეს სასწაულია, მაგრამ თუკი სხეულისაგან წარმოიშვა სული, ეს უკვე სასწაულთა შორის უდიდესი სასწაულია. მაგრამ მე მიკვირს, უკეთუ ასეთმა დიდმა განძმა როგორ გაიხადა თავის სახლად ეს სიღარიბე?

(თომა, 34)

იესო, ბუდა ან ნებისმიერი სხვა გამოღვიძებული პიროვნება თქვენ მთვრალეებს გპოულობენ. ეს სიმთვრალე მრავალგვარია,

მაგრამ საბოლოო ჯამში მაინც სიმთვრალეა. თქვენ არა ხართ ყურადღებით, თქვენი სიზმარი დაბადებიდან სიკვდილამდე გრძელდება.

გურჯიევი ერთი კაცის ამბავს მოგვითხრობს, რომელსაც უამრავი ცხვარი ჰყავდა. მას მოსვენება დაჰკარგოდა იმის გამო, რომ ფარას თანდათანობით ტოვებდნენ ცხვრები და, გზააბნეულნი, მტაცებელი ცხოველების მსხვერპლნი ხდებოდნენ. ფარის პატრონმა რჩევისათვის ერთ ბრძენს მიმართა. მან ურჩია, მოდარაჯე ძაღლები გაეჩინა. ფარის პატრონიც ასე მოიქცა. ძაღლები ერთგულად დარაჯობდნენ და თუ რომელიმე ცხვარი გამოეყოფოდა ფარას, უმაღვე გლეჯდნენ.

დროთა განმავლობაში ძაღლებმა იმდენი ცხვარი დაგლიჯეს, რომ თანდათან შეეჩვივნენ და ახლა უმიზეზოდ დაიწყეს ფარის განადგურება. მაშინ პატრონმა კვლავ ბრძენს მიაკითხა და უთხრა: **„ეს უკვე საშიშია, მცველები მკვლელებად გადაიქცნენ.“**

პოლიტიკოსებიც მოდარაჯე, ფარის მცველ ძაღლებს ემსგავსებიან. რა ჟამს ხელთ ჩაიგდებენ ძალაუფლებას, იწყებენ კაცთა კვლას.

მაშინ ბრძენმა უთხრა: „ერთი გამოსავალი დაგვრჩა. მე თავად წამოვალ შენთან“. მან დააჰიპნოზა ცხვრის ფარა შემდეგი სიტყვებით: **„თქვენ არ გძინავთ, თქვენ ფხიზლობთ, ხართ ყურადღებით, თქვენ სრულიად თავისუფალი ხართ. საკუთარი თავის პატრონები თავადვე ხართ“.**

იმ დღიდან ცხვრები დარჩნენ ჰიპნოზის ქვეშ და აღარ ტოვებდნენ ფარას, აღარ ცდილობდნენ გაქცევას. „ეს ხომ ციხე არ არისო“, ფიქრობდნენ ისინი და სჯეროდათ, რომ თავად იყვნენ

საკუთარი თავის ბატონ-პატრონები. მეცხვარეს თუნდაც რომ დაეკლა რომელიმე მათგანი, დანარჩენები ფიქრობდნენ: „ეს ყოფილა მისი ბედი, მე კი უკვდავი სული მაქვს, მე თავისუფალი ვარ. რას უნდა მოვერიდო, ან რისთვის?“

ალარ იყო საჭირო ძაღლების ყოლა, პატრონმაც მოისვენა, ვინაიდან გაბრუებული ცხვრები ბაკიდან ალარ გადიოდნენ.

ზუსტად ამ ცხვრების მდგომარეობაში ხართ თქვენც. ასეთებს გპოულობთ იესო. მხოლოდ თქვენ სხვამ კი არ დაგაჰიპნოზათ, საკუთარ თავს თვითონ გაუკეთეთ ჰიპნოზი. თქვენ თავად ხართ ბრძენიცა და დაჰიპნოზებული ცხვარიც.

თვითჰიპნოზის მეთოდი შემდგომში მდგომარეობს: თუ თავში გამუდმებით ერთი აზრი გიტრიალებთ, თქვენ ამ აზრს ემორჩილებით, ჰიპნოზდებით.

ერთხელ ერთი ფრანგი პოეტი ამერიკის შეერთებულ შტატებში მოხვდა. მას ექსკურსია მოუწყეს ნიუ-იორკის დასათვალიერებლად და მიიყვანეს ცათამბჯენთან. მონუსხულმა პოეტმა თვალი მოაშორა ცათამბჯენს და ჩაილაპარაკა: „იგი სექსს მაგონებს“.

გიდი შეფიქრიანდა. მას ასეთი რამ ჯერ არავისგან გაეგონა. ამიტომაც შეეკითხა პოეტს, რას გულისხმობდა ამ სიტყვებში.

ფრანგმა უპასუხა: „მე ყველაფერი სექსს მაგონებს“.

თუ გამუდმებით იფიქრებთ სექსზე, თქვენც დაჰიპნოზდებით, ყველაფერი სექსუალურად მოგეჩვენებათ. თუნდაც ტაძარში მიდიოდეთ, ეს ტაძარიც სექსს მოგაგონებთ: არ აქვს მნიშვნელობა იმას, თუ სად მიდიხართ, გვინი ხომ სულ თან დაგაქვთ. ის კი ყოველ წამს თავის გარშემო განუწყვეტილვ ქმნის სამყაროს. ერთი ადამიანი დაჰიპნოზებულია სექსით, მეორე –

სიმდიდრით, მესამე – ძალაუფლებით, დაჰიპნოზებულია ყველა, განურჩევლად. ეს თქვენთვის არავის ჩაუტარებია ჰიპნოზი, თქვენივე ნამოქმედარია.

მაგრამ თქვენ იმდენი ხანია ეწევით ამ საქმიანობას, რომ სრულიად დაივიწყეთ ერთი რამ: ორივე, ბრძენიც და ცხვარიც, თავად რომ ხართ. როგორც კი ჩასწვდება ადამიანი აზრს: „მე ვარ ეს ცხვარი, მე ვარ ეს ბრძენი“, მაშინვე დაიწყება ცვლილებები, ვინაიდან მასში მოხდება ტრანსფორმაციის პირველი გაელვება. ამიერიდან თქვენ ვეღარ შესძლებთ, იყოთ იგივენი, ვინაიდან ჰიპნოზი ნელ-ნელა დაკარგავს ძალას. დადგება გარდატეხის მომენტი – თქვენში შემოიჭრება ნაპერწკალი ცნობიერებიდან, სიფხიზლიდან.

ადამიანი შეიძლება მრავალმა ობიექტმა დააჰიპნოზოს. გამოარკვეით, რომელია თქვენი ჰიპნოზის მთავარი ობიექტი, რომელი უფრო მეტად გიზიდავთ, შემდეგ განიხილეთ და ნახავთ, როგორ აღმოჩნდით მისი ჰიპნოზის ქვეშ.

რა მეთოდით ხდება ჰიპნოზი? გამუდმებით ერთი ობიექტის ცქერით ან რამეზე ფიქრით. თუ ოდესმე შეგხვედრიათ ჰიპნოზიორი, რომელიც კაცს აძინებს, ალბათ, შეამჩნევდით, რომ იგი გამუდმებით, მონოტონური ხმით იმეორებს: „თქვენ იძინებთ, იძინებთ, იძინებთ“ და ადამიანი მართლაც ღრმად იძინებს. არადა, ჰიპნოზიორის მოქმედებაში არაფერია, იგი ხომ ერთსა იმავე აზრს იმეორებს. თქვენ ისმენთ ერთსა და იმავე ფრაზას და იძინებთ – თქვენ ჩაიტარეთ თვითჰიპნოზი.

გახსოვდეთ, რომ ამას საზოგადოების სხვა წევრებიც აკეთებენ. პროპაგანდის მთელი შინაარსი განმეორებაა. პოლიტიკოსები გამუდმებით იმეორებენ თავიანთ მოსაზრებებს. ისინი არ

ფიქრობენ იმაზე, უსმენთ თუ არა. უბრალოდ, გამუდმებით იმეორებენ ერთსა და იმავეს. მთავარი მოსმენა არ არის. თუ მოჰყვებიან ერთისა და იმავეს მტკიცებას განუწყვეტლივ, ნელ-ნელა დაგარწმუნებენ ამაში. ეს მოხდება არა ლოგიკისა და გონების გზით – ისინი არასოდეს გეკამათებიან, მაგრამ გამეორების წყალობით თქვენ ჰიპნოზის ქვეშ აღმოჩნდებით.

ჰიტლერი ყოველთვის ამტკიცებდა, რომ ებრაელი ერი არის გერმანიის უბედურებისა და დაცემის მიზეზი. „როგორც კი მოვსპობთ მათ, – ამბობდა იგი. – მაშინვე ყველაფერი მოგვარდება. გერმანელებო! თქვენ ხართ განსაკუთრებული რასა, „მეუფე რასა“, თქვენ დაიბადეთ, რათა მსოფლიოზე იბატონოთ“. თავიდან ამ სიტყვების მის მეგობრებსაც არ სჯეროდათ, თავადაც კი არ სჯეროდა, რადგან აშკარა ტყუილი იყო, მაგრამ ჰიტლერი განაგრძობდა ქადაგებას და ნელ-ნელა ხალხმა დაუჯერა – ჰიტლერმა არა მარტო ისინი, არამედ საკუთარი თავიც დააჰიპნოზა. დაფიქრდა, ალბათ, მართლაც არის ამაში სიმართლის მარცვალი: „თუ მილიონობით ადამიანს სჯერა რაღაცის, ე. ი. სიმართლესთან ახლოს უნდა იყოს“. ეს დაიჯერეს, დაიჯერეს მისმა მეგობრებმაც. ეს იყო ურთიერთჰიპნოზი. მაშინ ამან მთელი გერმანია მოიცვა.

ასე სულელურად იქცეოდნენ ერთ-ერთი ყველაზე გონიერი ერის წარმომადგენლები. მაინც რა დაემართათ გერმანელებს? ავტობიოგრაფიაში – „მაინ კამპფი“ („ჩემი ბრძოლა“) ჰიტლერი წერდა, რომ სიცრუის ჭეშმარიტებად შთაგონება მეტად მარტივია: „უბრალოდ იმეორეთ ის!“ ყველაფერი მან თავისი გამოცდილებიდან იცოდა. თქვენ თუ ყოველდღე ერთსა და იმავე საქმეს ასრულებთ, იმდენად შეეჩვევით ამას, რომ თქვენთვის იგი ჰიპ-

ნოზად იქცევა. მაგალითად, ყოველდღე ერთ კოლოფზე მეტ სიგარეტს ეწევით. როცა იგებთ, რომ ეს უსარგებლო და ჯანმრთელობისთვის მავნებელია, თავი ვეღარ დაგინებებიათ. ეს უკვე თვითჰიპნოზია.

მოლა ნასრედინს ცოლი სიგარეტის მავნებლობის შესახებ სტატიას უკითხავდა რომელიღაც გაზეთიდან. სტატიაში ნათქვამი იყო, რომ მწველ ადამიანს უფრო ხშირად უჩნდება კიბო, ავადმყოფდება ტუბერკულოზით და სხვა. მოლამ უსმინა, უსმინა და ბოლოს უთხრა: „რას ჩმახავ, ქალო, რა სისულელეებს მიკითხავ. იქამდე მოვწევ, სანამ სული არ გამძვრებაო“. დაღლილმა ცოლმა უთხრა: „კარგი, ისე მოიქეცი, როგორც გინდა, მაგრამ რატომ გგონია, რომ მერე დაანებებ წევას თავს?“

მართლაც, თუ ჰიპნოზის ქვეშ ხართ, ეს არასოდეს მთავრდება. აქ სიკვდილს არ ენიჭება დიდი მნიშვნელობა: მომავალ ცხოვრებაში თქვენ აგრძელებთ იმის კეთებას, რასაც მანამდე აკეთებდით. მომავალი ცხოვრება იწყება იმით, რაზეც შეწყდა წინამორბედი – მათ შორის არ არსებობს წყვეტილი. ასე რომ, როდესაც ბავშვი იბადება, ის უკვე ხნიერია, ძალიან ხნიერი. მას თან მოაქვს თავისი ძველი კარმები*, ყველაფერი განპირობებულია. ის იწყებს, როგორც მოხუცი. მას უკვე აქვს თავისი ჰიპნოზი. ამას უწოდებენ ინდუსები კარმას, სამსარას*.

მაინც რა არის კარმა? იგი თვითჰიპნოზის მეთოდია. თუ გამუდმებით ერთსა და იმავე მოქმედებას ასრულებთ, ამ მოქმედებით ჰიპნოზირდებით. მაშინ კარმა, ეს მოქმედება ბატონობს თქვენზე, თქვენ კი მისი მონა ხდებით.

რას მიაღწიეთ სექსის წყალობით? მიაღწიეთ რამეს თუ ეს უბრალო გამეორებაა? თანაც თქვენ ამას იმეორებდით იმდენი

ხნის განმავლობაში, რომ ახლა თუ შეწყვეტთ, იგრძნობთ, რომ რაღაცას კარგავთ. თუ კვლავაც განაგრძობთ, მიხვდებით, რომ ვერაფერს მიაღწიეთ. თუ ვერაფერს აღწევთ სექსით, მაშინ ვერც ვერაფერს დაკარგავთ იმ შემთხვევაში, თუ შეწყვეტთ მას. მაშ, რატომღა გრძნობთ დანაკლისს? ეს, უბრალოდ, ძველი ჩვევაა – კარმა. თქვენ ამას იმეორებდით საკმარისზე მეტად და კიდევ აღმოჩნდით სექსის ჰიპნოზის ქვეშ. ახლა თქვენ იძულებულები ხართ, იმეოროთ ის, რაც თქვენთვის უნებურ და აკვიატებულ მოთხოვნილებად იქცა.

ავიღოთ ადამიანი, რომელიც ყოველთვის ბევრს ჭამს. მან იცის, რომ ბევრი ჭამა არაა მარგებელი, ის განიცდის ამას, მაგრამ როგორც კი საჭმელს დაინახავს, თავს ვერ იკავებს. რატომ იქცა ჭამა იძულებით მოქმედებად? ადამიანი იმდენი ხანია ამას აკეთებს, რომ ის დაჰიპნოზდა ამით. ის მთვრალია.

მოლა ნასრედინი ერთხელ ძალიან გვიან დაბრუნდა შინ. ღამის სამი საათი იქნებოდა, როცა კარზე დააკაკუნა. მოლამ თავის საშინლად გაცეცხლებულ ცოლს დაასწრო და უთხრა: „მოიცადე, ერთი წუთით. ჯერ ყველაფერს აგისხნი და მერე მეჩხუბე. აქამდე ავადმყოფ მეგობართან შემოვრჩი და იმიტომ დამაგვიანდა“. ცოლმა მიუგო: „შენი სიტყვა სიმართლეს ჰგავს, ოღონდ რა ჰქვია იმ მეგობარს?“

მოლა ნასრედინი ჩაფიქრდა. დიდხანს იფიქრა და ბოლოს მოზეიმე გამომეტყველებით უპასუხა: „იგი ისე მძიმედაა, რომ საკუთარი სახელი ვერ მითხრა“. მთვრალი გონება პოულობს გამართლებას, მაგრამ ყველა მართლება ისეთივე ცრუ იქნება, როგორც ეს: „ის ისე მძიმედაა, რომ თავისი საკუთარი სახელი ვერ მითხრა“.

თქვენ შეგიძლიათ გამართლება მოუძებნოთ სექსს, ხელი-სუფლების ნადილს, მაგრამ თქვენ არ იქნებით მზად, დაინახოთ და აღიაროთ, რომ ამ აზრმა შეგიპყროთ და დაგაჰიპნოზათ.

იესომ თქვენ მთვრალეები და ღრმად ჩაძინებულები გნახათ. თქვენ კი ამას ვერ მიხვდებით, სანამ არ გამოიღვიძებთ, ვერ შეიგნებთ, რა ხდება თქვენს ირგვლივ. კაცობრიობა სომნამბულის მდგომარეობაშია, ის დახეტილობს ძილში. აი, საიდან მოდის ამდენი ვაება, ამდენი ძალადობა და ამდენი ომი. ეს გარდაუვალია, ვინაიდან მძინარე და მთვრალ ადამიანებს ძალა არ შესწევთ, თავიანთ ქცევაზე პასუხი აგონ. ვინმე რომ მისუღიყო იესოსთან და ეკითხა, რა ვქნა, რომ გამოვსწორდეო, იესო უპასუხებდა: „სანამ არ გამოიღვიძებ, ვერაფერს ვერ შეძლებ“. რა ძალუძს მძინარე ადამიანს თავისი სიზმრების შესაცვლელად?

ამ კითხვით მიმართავდნენ გურჯიევს. იგი არ არის ვატიკანის პაპი, ის ადამიანია, რომელსაც ყველაზე უკეთ წარმოუდგენია იესო ჩვენს საუკუნეში. გურჯიევი ზუსტად ხედავდა იესოს იმიტომ, რომ მას სწამდა შეხლა-შემოხლის იმ მეთოდისა, რომლითაც მუშაობდა იესო. მან გამოიმუშავა კიდეც ის ხელახლა. გურჯიევმა შექმნა ჯვრების ნაირსახეობა, რათა ადამიანებს საკუთარი თავი ჯვარზე გაეკრათ და გარდასახულიყვნენ.

გურჯიევიც იმას ამბობდა, რომ ვერაფერს ვერ გააკეთებთ იმ დრომდე, ვიდრე არა ხართ გამოღვიძებულნი, თუ არა ხართ ფხიზელნი. ეს იმას ნიშნავს, რომ თქვენ არა ხართ – თქვენ უბრალოდ გჯერათ, რომ ხართ, მაგრამ ეს რწმენა ვერ გიშველით.

ახლა ჩავუღრმავდეთ იესოს გამონათქვამს. მათში ღრმა აზრია ჩაქსოვილი და ისინი, შესაძლოა, მეგზურ შუქურად გახდნენ თქვენთვის. დაიმახსოვრეთ ისინი.

იესომ თქვა: „**მე დავდექი სამყაროს შუაგულში და ხორცშეს-
ხმული მოვევლინე ადამიანებს. და ვპოვე ისინი მთვრალეები. მათ
შორის არავინ იყო მწყურვალი...**”

იესო არასოდეს განდგომია ქვეყანას, იგი ყოველთვის ჩვენს
შორის იდგა. ქრისტე როდი იყო ესკაპისტი. იგი დადიოდა ბაზ-
რებში, ცხოვრობდა უბრალო ხალხთან, ესაუბრებოდა მდა-
ბიოებს, გლეხებს, მეძავეებს და ჩვენს შორისვე დარჩა. ქრისტე
უკეთ იცნობდა ამ სამყაროს, ვიდრე ისინი, ვინც იგი დატოვა. ს
გასაკვირი არაა, რომ იესოს ქადაგება ასეთი ძლევამოსილია. მა-
ჰავირის ქადაგება არასოდეს ყოფილა ასეთი სიძლიერის, ქრის-
ტემ კი ნახევარი მსოფლიო მოაქცია იმიტომ, რომ იგი ამქვეყნად
დარჩა, შეიცნო სამყაროს გზები, ჩასწვდა ხალხის სულსა და გო-
ნებას. მან დაიწყო ადამიანების გამოსალვიძებლად გზებისა და
საშუალებების ძებნა.

შეპყრობის წინა ღამეს, როცა ბოლო დრამა თამაშდებოდა,
იესომ ერთ-ერთ მოწაფეს მიმართა: „**ეს ჩემი უკანასკნელი ღა-
მეა, მე წავალ და ვილოცებ, შენ კი აქ დარჩი და ფხიზლად იყავი.
ნუ დაიძინებ! მე უკანვე დავბრუნდები. დაიმახსოვრე – ეს ჩემი
უკანასკნელი ღამეა**”.

იესო ნახევარ საათში დაბრუნდა უკან და მოწაფე მძინარე
დაუხვდა. იესომ მიმართა მას: „მე დავბრუნდი. ერთ საათს ვერ
გასძელი ფხიზლად? ეს ხომ ჩემი უკანასკნელი ღამეა. ყურადღე-
ბით იყავი. მალე მე აქ აღარ ვიქნები. იფხიზლე და ილოცე, რომ
განსაცდელში არ ჩავარდე”. მოწაფემ უთხრა, რომ აუცილებ-
ლად იფხიზლებდა. იესო კვლავ წავიდა სალოცავად და, უკან
დაბრუნებულს, მოწაფე ისევ მძინარე დახვდა. გააღვიძა იგი:
„რასა იქმ? მალე მოვა ჟამი და შემიპყრობენ!” მოწაფემ უპასუხა:

„მაპატიე, მაგრამ ხორცი ძლიერია, ნებისყოფა კი – სუსტი. სხეული ისე დამიმძიმდა, რომ ვიფიქრე, ცუდი არ იქნებოდა, ცოცხალი ჩამეთვლიდა. როცა მესამედ მოხვალ, მე ფხიზლად დაგხვდები“.

მესამედ უკან დაბრუნებულმა ქრისტემ მონაფე ისევ მძინარე იხილა. ასეთსავე მდგომარეობაში იმყოფება ყველა მონაფე. ბევრჯერ მოვსულვარ თქვენთან, მაგრამ ყოველთვის მძინარეებს გნახულობთ. რას ნიშნავს ეს ძილი? თქვენ ვერ აცნობიერებთ, ვერ ამჩნევთ თქვენს არსებობას. ამ შემთხვევაში, რაც არ უნდა გააკეთოთ, პასუხისმგებლობის გარეშე გააკეთებთ. უგონოდ ხართ და მთვრალეზივით მოქმედებთ.

მოლა ნასრედინი დაიჭირეს, როცა უცნობ ქალს აკოცა გზაზე. სასამართლოდან გამოსულმა ნასრედინმა მეგობარს უთხრა: „ძალიან მკაცრად მომექცნენ. მოსამართლემ 50 რუპიით დამაჯარიმა, მაგრამ როცა ის უცნობი ქალი დაინახა, ჯარიმას კიდევ 50 რუპია დაუმატა სიმთვრალისათვის – ეს ქალი ისეთი მახინჯი ყოფილა, რომელი ჭკუათმყოფელი აკოცებდაო“.

ასეთსავე მახინჯ და უმსგავსო საგნებს ჰკოცნით ყველანი ამქვეყნად. ეს თქვენი სიმთვრალის ნყალობით ხდება. გიფიქრიათ ოდესმე, რითი ხართ შეპყრობილნი? განა ნახავთ ძალაუფლებაზე უფრო საზიზღარ რამეს? ვერ იპოვით ალექსანდრე მაკედონელზე, ნაპოლეონსა და ჰიტლერზე მახინჯ ადამიანს. ამასთან, თქვენ გულის სიღრმეში ოცნებობთ, რომ ჰგავდეთ მათ, მიაღწიოთ მათ დიდებასა და წარმატებას.

ძალაუფლება არის ყველაზე საძაგელი რამ, მაგრამ ის მაინც ყველას სურს. ყველას სურს ბატონობა. შეგიმჩნევიათ, რა სიმახინჯეა სიმდიდრე? ის ვერ იქნება „ლამაზი“, რადგან დაფუძნე-

ბულია ექსპლუატაციაზე. მასში არის სისხლი და სიკვდილი, რადგან თქვენი საბანკო ანგარიში უმჯობესდება ბევრი ადამიანის სიკვდილის ხარჯზე. ამაზე უარყოფითს ვერაფერს ნახავთ, მაგრამ გულის სიღრმეში ყველა ესწრაფის სიმდიდრეს.

როდესაც დადგება განკითხვის დღე, ღმერთი თავდაპირველად იმ 50 რუპიით დაგაჯარიმებთ, მაგრამ როდესაც შეხედავს საგნებს, თქვენ რომ ეტრფოდით, ჯარიმას გაგიორმაგებთ. მეორე ჯარიმა სიმთვრალისათვის დაგეკისრებათ. სიმთვრალე რომ არა, ეს არ მოხდებოდა.

იესო ამბობს: **„მე დავდექი შუაგულ სამყაროში და ხორცშესხმული მოვევლინე ადამიანებს...“**

ის არ იყო სული. ბევრი მოძღვარი სულის სახით გვევლინებათ. ბუდაც გიკაკუნებთ კარზე, ახლა უკვე როგორც სული, მაგრამ თუ არ შეგწევთ ხორცშესხმული ადამიანის დანახვის უნარი, როგორღა იცნობთ ბუდას? როდესაც ე.პ. ბლავატსკაიამ* ხელახლა აღმოაჩინა ის მოძღვრები, რომლებიც სულების სახით ეხმარებოდნენ ჭეშმარიტების გზაზე დამდგარ ადამიანებს, მას არავინ დაუფერა. ხალხი დასაბუთებას ითხოვდა მისგან. ყველა გასხვივოსნებული ხომ ამ სამყაროში რჩება, რადგან სხვაგან არსად არის წასასვლელი. ეს არსებობაა ერთადერთი, ისინი რჩებიან მხოლოდ სხეულის გარეშე, თითოეული მათგანის არსება განაგრძობს მოქმედებას, დახმარებას, რამეთუ ასეთია მათი ბუნება – ეს არის მათი საკეთებელი.

ეს არის სინათლე, ირგვლივ მუდამ რომ ანათებს ყოველივეს, რადგან ასეთია მისი ბუნება: თუ ვინმე დაადგება გზას, იქ დახვდება სინათლე და გაუძღვება მას, იმიტომ კი არა, რომ მას ევალება – არა. ეს თავისთავად, მისი ბუნებიდან გამომდინარეობს.

სულ ერთია, სად და როდის გასხვივოსნდება ადამიანი, იგი რჩება გამყოლად, მაგრამ თუ არ შეგიძლიათ შეიცნოთ ხორციელი გამყოლი, ვერაფრით ვერ შეიცნობთ გამყოლ სულს.

იესო ამბობს: „**მე მოვევლინე მათ ხორცშესხმული. მე ვიყავი ხორციელი, მათ შეეძლოთ: ჩემი დანახვა, მოსმენა, შეცნობა. მაგრამ ხელიდან გაუშვეს ეს შესაძლებლობა. ეს მოხდა იმიტომ, რომ ვპოვე ყველანი მთვრალეები. ისინი სინამდვილეში იქ არ იყვნენ, არ იყო არანაირი შეგნება. მე ვაკაკუნე მათ კარებზე, მაგრამ ისინი არ იყვნენ შინ**”.

თქვენს კარს რომ მიუკაკუნოს იესომ, სახლში დახვდებით და მიიღებთ მას? თქვენ სადმე სხვაგან იქნებით, რამეთუ არასოდეს იმყოფებით შინ. თქვენ თქვენი სახლის გარდა მთელ ქვეყანაზე დაეხეტებით, სად არის თქვენი სახლი? იგი თქვენშია, იქ, სადაც თქვენი ცნობიერების ცენტრია.

– აი, სად არის თქვენი სახლი. თქვენ არასოდეს ხართ იქ. როდესაც იქნებით ღრმა მედიტაციაში, დაუყოვნებლივ იცნობთ იესოს, იმის მიუხედავად, მოგვევლინათ ის ხორცშესხმული თუ არა. თუ სახლში იქნებით, თქვენ გაიგებთ მის კაკუნს. მაგრამ რა შეგიძლიათ გააკეთოთ, თუ სახლში არა ხართ? იესო დაგიკაკუნებთ კარზე, თქვენ კი არ იქნებით. აი, რა აზრია ჩადებული სიტყვაში „მთვრალი” – სახლის გარეთ მყოფი.

სინამდვილეში თქვენ გსურთ მიეცეთ თავდავინყებას და ღებულობთ ალკოჰოლს, ნარკოტიკებს. როდესაც გსურთ დაივინყოთ თქვენი თავი, სვამთ. სიმთვრალე ნიშნავს თავდავინყებას, რელიგია კი მთლიანად გახსენებაა. ამის გამოა, რომ ყველა რელიგია ეწინააღმდეგება სიმთვრალეს. თავისთავად სიმთვრალეში ცუდი არაფერია, თუკი არ ადგახართ ჭეშმარიტების გზას,

მაგრამ თუ დადექით ამ გზაზე, სიმთვრალეზე უარესი ვერაფერი იქნება, ვინაიდან მთელი ეს გზა საკუთარი თავის გახსენებაა, სიმთვრალე კი – თავდავინყება.

რატომ გსურთ მიეცეთ თავდავინყებას? რატომ მოგებურდით საკუთარი თავი ასე? რატომ არ შეგწევთ ძალა, იყოს ნათელი, ყურადღებიანი ადამიანები, შეიგრძნოთ თავი თავისუფალ ადამიანებად? რაშია საქმე? საქმე იმაშია, რომ როდესაც ყურადღებიანი, ფხიზელი და მარტოსული ხართ, გრძნობთ სიცარიელეს; ისეთი გრძნობა გაქვთ, თითქოს არა ხართ. თქვენს შიგნით შეიგრძნობთ უფსკრულს, გეშინიათ და გაურბიხართ მას.

გულის სიღრმეში თქვენ მართლაც უფსკრული ხართ, ამიტომაც გარბიხართ. ბუდა ამ უფსკრულს ასე უწოდებდა: ანატტა – „არა-მე“. შიგნით არავინ არაა. როდესაც ჩაიხედავთ, იქ დაინახავთ თვალუნვდენელ სივრცეს, მაგრამ იქ არ არის არავინ – მხოლოდ უსასრულო შინაგანი ზეცაა, უფსკრული.

როგორც კი ჩაიხედავთ იქ, გეწყებათ თავბრუსხვევა, თქვენ გარბიხართ – გაქცევით უშველით თავს. მაგრამ სად გაიქცევით? სადაც არ უნდა წახვიდეთ, ეს სიცარიელე თქვენთან იქნება, ეს ხომ თავად თქვენა ხართ, ეს არის თქვენი დაო*, თქვენი ბუნება. საჭიროა მასთან ურთიერთობის მოგვარება.

მედიტაცია სხვა არაფერია, თუ არა შინაგან სიცარიელესთან ურთიერთობის მოგვარება, მისი შეცნობა და არა მისგან გაქცევა. მედიტაცია გულისხმობს ამ სიცარიელით ცხოვრებას და არა მისგან გაქცევას. მაშინ ეს სიცარიელე უეცრად ივსება სიცოცხლით. როდესაც არ გაურბიხართ მას, ის არის წმინდა და ყველაზე მშვენიერი, რადგან მხოლოდ სიცარიელეში შეიძლება

იყოს სინმინდე. თუ მასში არის რალაც, ჩნდება სიკვდილი, შეზღუდულობა. თუ მასში არის რამე, იქ ველარ იქნება ღმერთი.

ღმერთი – უზარმაზარი სიღრმეა, საბოლოო უფსკრულია. ის არსებობს, მაგრამ თქვენ არასოდეს გისწავლიათ მასში ცქერა.

წარმოიდგინეთ, მთაზე რომ ახვიდეთ და ხეობას გადმოხედოთ, თავბრუ დაგესხმებათ, ქვემოთ ცქერის სურვილიც გაგიქრებათ, შეგიპყრობთ სიმაღლის შიში. მაგრამ ვერც ერთი მთა ვერ იქნება ისეთი სიმაღლის და ვერც ერთი ხეობა ისეთი სიღრმის, როგორც თქვენში არსებული უფსკრული.

როდესაც იცქირებით თქვენში, გრძნობთ თავბრუსხვევას, გულისრევას, მაშინვე ხუჭავთ თვალებს და გარბიხართ. თქვენ გარბოდით მილიონი ცხოვრების განმავლობაში, მაგრამ ვერსად გაიქცით, თქვენ ხომ არ შეგიძლიათ გაქცევა.

ვერსად გაიქცევით. საჭიროა შინაგან სიცარიელესთან ურთიერთობის მოგვარება, როცა მოაგვარებთ ურთიერთობას სიცარიელესთან, ის უეცრად შეიცვლის ბუნებას, ის გადაიქცევა ყველაფრად. ის უკვე აღარ იქნება სიცარიელე, ის აღარ იქნება ნეგატიური, ის ყველაზე პოზიტიური რამ არის მთელ ყოფიერებაში, მასთან მისასვლელი კარია – მიიღოთ უფსკრული.

აი, რატომ იზიდავს ხალხს ალკოჰოლი და ნარკოტიკები. ნარკოტიკების სხვადასხვა სახე არსებობს: ფიზიკური, ქიმიური, გონებრივი. სიმდიდრე, ძალაუფლება, პოლიტიკა – ესენიც ნარკოტიკებია.

შეხედეთ პოლიტიკოსს. იგი მთვრალია ძალაუფლებით, ის მიწაზე არ დგამს ფეხს, არც მდიდარი დადის მიწაზე, ის ზემოთაა, ის ფლობს სიმდიდრეს. მხოლოდ ღარიბები და მდაბიონი არიან მიწას მიჯაჭვულნი, მდიდრები კი ღრუბლებში დაფრინა-

ვენ. როდესაც ქალი შეგიყვარდებათ, ეს სიყვარული ცად გამალ-
ლებთ. ამ დროს თქვენ იცვლებით, იცვლება თქვენი არსება იმი-
ტომ, რომ თვრებით. ბუნებამ გაჩუქათ უდიდესი ალკოჰოლი –
სექსი.

იესო ამბობს: „... მე ვპოვე ისინი მთვრალეები; მათ შორის
არავინ იყო მწყურვალი“...

თქვენ ამ სამყარომ დაგათროთ და სხვა სამყარო არ გწყური-
ათ. თუ ჩვეულებრივი ალკოჰოლით, ჩვეულებრივი ღვინით დათ-
ვრებით, ღვთიური ღვინო აღარ მოგწყურდებათ – ეს შეუძლებე-
ლია.

როდესაც ამქვეყნიურობით არ არის მთვრალი ადამიანი, მას
უჩნდება წყურვილის გრძნობა. ამ წყურვილს ვერავითარი ამ-
ქვეყნიური ვერ მოკლავს. მისი დაკმაყოფილება მხოლოდ უხი-
ლავს შეუძლია.

იესოს სიტყვებიდან გამომდინარე, ადამიანთა შორის არა-
ვის სწყუროდა უხილავი, რადგან ისინი ფიქრობდნენ, რომ ამ-
ქვეყნიურ საგანძურსა და საუფლოს მიაგნეს და აღარ ეძიებ-
დნენ.

ღმერთი სხვა სახის სიმთვრალეა. ყადირს* უთქვამს: „ლიზი
ტარი ლაგი“ – „მე სამარადჟამოდ დავთვერიო“. ომარ ხაიამმაც
განიცადა ეს თრობა. იგი ახსენებს არაამქვეყნიურ ღვინოს. და-
სავლეთში ომარ ხაიამის პირველი მკვლევარი – ფიცჯერალდი
კი საერთოდ ვერ ჩასწვდა ხაიამის აზრს. პოეტი ღვთიურ ღვინო-
ზე ლაპარაკობს. ღვინო ღვთის სუფიური სიმბოლოა. თქვენ თუ
ღმერთი დაგათრობთ, აღარასოდეს მოგწყურდებათ.

ამქვეყნიური სამყარო და ღვინის სმა მხოლოდ დროებით
შვებას მოგანიჭებთ. თქვენ დროდადრო მიეცემით თავდავინყე-

ბას. აქ სხვაობა დიამეტრალურია, ღვთიური ღვინით მთვრალი კაცი სრულიად ფხიზელი, ნათელი და შეგნებულა. თუკი ვინმე თვრება ამქვეყნიურობით და მისი ღვინოებით, ის ჰიპნოზირდება, იძინებს – მთელი მისი ცხოვრება ხანგრძლივი სიზმარია.

„მე ვპოვე ყველანი მთვრალეები; მათ შორის არავინ იყო მწყურვალი. და ჩემი სული დანალვლიანდა ადამიანთა შვილების გამო, ვინაიდან ისინი გულით დაბრმავებულეები არიან და ვერ ხედავენ, რომ ამქვეყნად ცარიელნი მოვიდნენ. ისინი ესწრაფვიან კვლავაც ცარიელნი წავიდნენ ამქვეყნიდან“.

„...და ჩემი სული დანალვლიანდა“... ამბობს იესო. თქვენ ვერ წარმოიდგენთ, როგორ იტანჯებიან იესო და ბუდა, როცა სრულიადაც არ გწყურიათ ღმერთი და ჭეშმარიტება, როცა თქვენ ისევე გწამთ სიცრუე, როგორც ჭეშმარიტება. იტანჯებიან, რამეთუ თქვენ ყოველთვის კარგავთ არაფრის გამო. თქვენ მდგომარეობაში მცირედი წვრილმანიც დიდ როლს თამაშობს.

ერთხელ კაცი ავად გახდა. იგი გამუდმებით გრძნობდა, რომ თვალეები ბუდეებიდან უცვივდებოდა, ყურეებში ზარის რეკვის ხმა ჩაესმოდა. ეს შეგრძნებეები ყოველდღე უმეორდებოდა, ველარ იძინებდა და გაცოფებამდე მიჰყავდა ამ მდგომარეობას. ავადმყოფმა საშველად ექიმს მიმართა.

ერთმა ექიმმა ბრმა ნანლავის ამოჭრა ურჩია, გაუკეთეს ოპერაცია, მაგრამ ყველაფერი ძველებურად დარჩა. მეორე ექიმს როცა მიაკითხა, მან კბილების დაძრობა შესთავაზა. მაგრამ ამის შემდეგაც კაცს მტკივნეული შეგრძნებეები ისევე ტანჯავდა. ბოლოს ვილაცამ გლანდების ამოჭრა ურჩია (მილიონი მრჩეველი არსებობს. ყველას რომ მოუსმინოთ, შეგინირავენ). არც ამით შეცვლილა არაფერი, მხოლოდ ავადმყოფი უფრო მობერ-

და. მას ხელი არ აუღია ექიმებთან სიარულზე. ერთ-ერთმა საუკეთესო ექიმმა ურჩია: „ვერაფრით დაგეხმარებით, ვინაიდან შეუძლებელია ავადმყოფობის მიზეზის აღმოჩენა. თქვენ დიდი-დიდი ექვსი თვის სიცოცხლე დაგრჩენიათ. ექიმებმა სხვა საშუალება არ ვიცით გარდა იმისა, რითაც აქამდე გიმკურნალესო“.

ავადმყოფი დაფიქრდა და დაასკვნა, რომ დარჩენილი სიცოცხლე დროსტარებასა და სიამოვნებაში გაეტარებინა. თუ აქამდე ძალიან მომჭირნე იყო, ახლა ახალი და ძვირფასი ავტომობილი შეიძინა, საცხოვრებლად მშვენიერ, კომფორტულ ბუნგალოში გადავიდა და ახალი ტანსაცმელიც შეუკვეთა.

როცა მკერავთან მივიდა, აღმოჩნდა, რომ მისთვის პერანგის საყელოს ზომა 16 სმ იყო.

კაცი გაოცდა: „მე ყოველთვის 15-ს ვატარებდიო...“

მკერავმა ხელახლა გაზომა და ისევ 16 აღმოჩნდა. ის კაცი მაინც უარზე იდგა, არა 15-იაო.

მკერავმა უპასუხა: „როგორც გენებოთ, მაგრამ ერთს კი გეტყვით, თვალეზი გადმოცვენაზე გექნებათ, ყურებში კი ზარის ხმა ჩაგიდგებათ!“ – აი, სულ ეს იყო იმ კაცის ავადმყოფობის მიზეზი. – თქვენ ღმერთი გეცლებათ ხელიდან, უმნიშვნელო მიზეზების გამო.

უბრალოდ, თქვენი საყელოც მეტად მჭიდროა თქვენთვის და თქვენს თვალეზს უჭირთ დანახვა, ხოლო ყურებში ზარის რეკვა გესმით.

ადამიანის ავადმყოფობის მიზეზი უბრალოა, რამეთუ იგი წვრილმანებსაა მიჯაჭვული.

ამქვეყნიური საგნები ძალიან უმნიშვნელოა. უდიდეს სამეფოსაც რომ ფლობდეთ, ეს არაფერს ნიშნავს. სადღაა ერთ დროს მდიდარი და ძლიერი სამეფოები? სად გაქრნენ ბაბილონი, ასირია, ფარაონთა სამეფო? ისინი პირისაგან მიწისა აღიგავნენ და მხოლოდ ნანგრევებიღა დარჩა მათი სიდიადის გასახსენებლად. რას მიაღწიეს მათმა მფლობელებმა? რას მიაღწია ჩინგიზხანმა, ალექსანდრე მაკედონელმა ან სხვებმა? – ვერაფერს. მათი დიდება წარმავალი იყო.

და თქვენ არ იცით, რას კარგავთ. თქვენ ღვთის საუფლო გეცლებათ ხელიდან. თუ კარგად დააკვირდებით იმ ადამიანებს, რომლებმაც წარმატებას მიაღწიეს, შეამჩნევთ, რომ ისინი თქვენზე მეტად ეძიებენ სულიერ სიმშვიდეს, მათაც ეწვევა ოდესმე სიკვდილი და მიხვდებით, რომ მათ ძალისხმევასა და ტანჯვას ტყუილუბრალოდ ჩაუვლია, სიკვდილის წინ ყველაფერი ხომ საპნის ბუშტივით ქრება. ამ საპნის ბუშტივით ქრება. ამ საპნის ბუშტს შეენირა ის, რაც მუდმივია. **„და ჩემი სული დანაღვლიანდა ადამიანთა შვილების გამო. რამეთუ ისინი გულით დაბრმავებულები არიან და ვერ ხედავენ, რომ ქვეყანას ცარიელნი მოევლინენ და კვლავაც ცარიელნი ესწრაფვიან, გაეცალონ ამ სამყაროს“.**

თქვენ მთლად ცარიელნიც არ დაბადებულხართ, რამეთუ სურვილით ხართ აღსავსენი. თქვენი წასვლისას კი სურვილები ისევ სურვილებად დარჩება, თქვენ კი ისევ ცარიელნი იქნებით. სურვილებში არსებითი არაფერია. თქვენ დაიბადეთ ცარიელნი, ცხოვრობთ და აგროვებთ საგნებს იმ იმედით, რომ ისინი სიამოვნებას მოგანიჭებენ, მაგრამ სიკვდილი გართმევთ ყველაფერს. თქვენ კვლავაც ცარიელნი ტოვებთ აქაურობას.

რა არის ცხოვრების დასასრული. რა აზრი და შედეგი აქვს მას? რას აღწევთ თქვენ ამ ცხოვრებაში? ამაზე დარდობენ იესო და ბუდა. ადამიანები უსინათლონი არიან, რაში მდგომარეობს მათი სიბრმავე? იმის თქმა არ შეიძლება, თითქოს ისინი უჭკუონი არიან, პირიქით, ძალზედ ჭკვიანები და ცბიერნი არიან, რომ ეს მათთვის საზიანოც კია, თუმცა თავიანთ თავებს სიბრძნის განსახიერებად ხედავენ. მათ ძალუძთ ჭეშმარიტი ხედვა, მაგრამ ხედავენ იმას, რაც მხოლოდ თვითონ ესაჭიროებათ, რაც წარმავალია. მათი გულები დახშულია სინათლისათვის.

ოდესმე დაგინახავთ გულით? ალბათ, ბევრჯერ გიცდიათ დამტკბარიყავით მზის ამოსვლით, მშვენიერი დილით, თან ალტაცებული გაიძახოდით: „რა მშვენიერი დილაა, რა მზეა“. თვლიდით, რომ ეს მზის გამოა ასე? არა, ამას ადამიანის ჭკუა ლაყბობს და თანაც სხვის აზრებს იმეორებს. განა გიგრძენიათ ჭეშმარიტად მშვენიერი დილა? ჩასწვდომიხართ ამ მოვლენას, რომელიც აქ ხდება, თუ თქვენი განცდა ზედაპირულია?

ოდესმე გიყნოსიათ სურნელოვანი ყვავილისთვის ნამდვილად? თქვენ მხოლოდ იტყვიან, რომ ყვავილი მშვენიერია და სურნელოვანი, ეს იქნება ცარიელი სიტყვები, რომლებიც გულიდან არ მოდის. ჩვენ გულით ბრმანი ვართ, რამეთუ გული სახიფათო გზებზე გვატარებს.

ამიტომაც არავის ეძლევა ნება, გულის კარნახით იცხოვროს. გონება და ჭკუა მოგაპოვებინებთ თქვენ ამქვეყნიურ წარმატებებს. თქვენი მშობლები, ნებისმიერ საშუალო და უმაღლეს სასწავლებელში გასწავლიან ცხოვრებას, თუ როგორ მიაღწიოთ წარმატებას ჭკუით. ჭკვიანები აღწევენ წარმატებებს, ლებულობენ ოქროს მედლებს და ხელთ უკვე ამ ცხოვრების გასაღები

უჭირავთ. გულიანი ადამიანი კი სიყვარულით დასტრიალებს ყველაფერს, ვერ იქცევა ნურბელად, ვერავის გაუნწევს ექსპლოატაციას, პირიქით, სხვას უნაწილებს თავის ქონებასა და გულის სიტბოს. მაგრამ იგი მარცხდება, რამეთუ იმდენად პატიოსანია, რომ თქვენი მოტყუება არ ძალუძს. იგი უცხოა ამ ქვეყნისათვის, სადაც მხოლოდ ცბიერნი და მოხერხებულები აღწევენ წარმატებას. აი, რატომ იღვნიან მშობლები, მანამ დააბრმავონ შვილთა გულები, სანამ ცხოვრებას დაიწყებენ.

თქვენ არ შეგიძლიათ სიყვარული და არც ლოცვა ძალგიძთ. კვირაობით იარეთ ეკლესიაში. ხალხი ლოცულობს, მაგრამ ეს ლოცვა ყალბია, რამეთუ იგი თვით ადამიანების სიყალბიდან, მათი „თავიდან“ გამომდინარეობს. მათი გულები მკვდარია და ცარიელი. ეს ხალხი ვერაფერს გრძნობს. ადამიანებს „უყვართ ერთმანეთი, ქორწინდებიან და აჩენენ შვილებს, მაგრამ ეს ყველაფერი არა სიყვარულზე, არამედ გამოთვლაზეა დამყარებული. თქვენ სიყვარულის გეშინიათ, რადგან არ იცით, სად წაგიყვანთ იგი. გულის გზები საიდუმლოებითაა მოცული და თქვენ თვითონ უნდა იპოვოთ თქვენი გზა.

გულთან თქვენ მარტონი, ინდივიდუალურები ხართ, ისე კი საზოგადოების წევრებად ითვლებით. ნებისმიერი საზოგადოება ზრუნავს თქვენში გულის გასაკვლელად, რადგანაც გულით ხდებით მარტოსულნი, უცხონი.

იესო ამბობს: „...ვინაიდან ისინი არიან გულით დაბრმავებულინი და ვერ ხედავენ, რომ ცარიელნი მოვიდნენ ამ ქვეყნად. ისინი ესწრაფვიან კვლავაც ცარიელნი წავიდნენ ამ ქვეყნიდან”.

მხოლოდ გულს შეუძლია დაინახოს თქვენი სიცარიელე. რას მიაღწიეთ? როგორი ნაყოფი მიიღეთ? თქვენ აქამდე არ განგიც-

დიათ ექსტაზი, ლოცვა, მადლიერება. მთელი თქვენი ნარსული ხრწნადა, რასაც მომავალშიც გაიმეორებთ. სხვა რა შეგიძლიათ? ამიტომ გრძნობენ იესო და ბუდა თავს უბედურებად. „...ამჟამად ისინი მთვრალეები არიან. როცა გამოფხიზლდებიან, მაშინ მოინანიებენ...”

ეს თქვენა ხართ მთვრალეები და როცა სიმთვრალე გაგივლით, მაშინ მოინანიებთ.

სიტყვა „მონანიებას” დიდი მნიშვნელობა ენიჭება. სიტყვა „მონანიებაზეა” დამყარებული მთელი ქრისტიანობა. თუ მოინანიებთ, თუკი აღსარების ძალა გაივლის გულს და ჩასწვდებით, რომ იესო მართალია, რომ ნამდვილად გაფლანგეთ მთელი თქვენი ცხოვრება, თქვენ განიწმინდებით. სწორედ ეს ფლანგვაა ცოდვა.

ინდუიზმი არ ფლობს მონანიების საიდუმლოს. იგი საერთოდ არ იყენებს ამ გასაღებს. მონანიება ქრისტიანული რელიგიის უნიკალური საკუთრებაა. თუ თქვენი მონანიება სრულყოფილია, მთელი არსებით იგრძნობთ, რომ ფლანგავდით ღვთის ბოძებულს და არ იყავით მადლიერნი, მაშინ თქვენ იგრძნობთ სიმძიმეს. სწორედ ეს არის ცოდვა და არა ვინმეს კვლა, ან რამის მოპარვა. ეს ყველაფერი წვრილმანი შეცდომებია, გამომდინარე საწყისი ცოდვიდან. თქვენ აღმოაჩენთ, რომ ტყუილუბრალოდ დახარჯეთ საკუთარი ძალები და პოტენციალი, ხელიდან გაუშვით სულიერი ზრდისა და ღვთიურ სამეფოში შესვლის შესაძლებლობა, ძვირფასი დრო დაკარგეთ უსარგებლო და უნაყოფო ნივთების მოგროვებაზე.

ეს იმის გამოა, რომ მთვრალეები იყავით. თუ ბოლომდე ინანიებთ, ახელთ თვალს; ყვირილი, გოდება მოდის თქვენი არსები-

დან. სიტყვები არ არის საჭირო, აზრი არა აქვს, ღმერთს უთხრათ: „ვინანიებ, მომიტევე“. თუ მთელი არსებით, გულით ინანიებთ, თუ ის ეხება გულის შუა ცენტრს, სავსებით იცლებით წარსულისაგან და თქვენ განიწმინდებით.

მონანიება ყველაზე იდუმალი გასაღებია, რომელიც კაცობრიობას ქრისტემ მოუტანა. ჯაინები ამბობენ, რომ წარსული უნდა გადაიხარშოს. თუ ცოდვა ჩაიდინეთ, რაღაც უნდა მოიმოქმედოთ მის გამოსასწორებლად. ინდუსები კი ამბობენ, რომ ადამიანს იმდენი ცოდვა აქვს უნებლიეთ ჩადენილი და წარსული იმდენს მოიცავს, რომ არცთუ ისე ადვილია ამ ცოდვებისაგან თავის დაღწევა. იესომ მოგცათ ნამდვილი გასაღები. იგი გირჩევთ, რომ უბრალოდ მოინანიოთ და ასე განიწმინდებით.

ამაშია ინდუისტურ, ბუდისტურ, ჯაინურ და ქრისტიანულ რელიგიათა შორის განსხვავება. ინდუისტები, ბუდისტები და ჯაინები არასოდეს დაიჯერებენ, რომ განწმენდა შეიძლება მხოლოდ მონანიებით მოხდეს, რამეთუ არ უწყიან, რა არის მონანიება.

მონანიების დროს მხოლოდ სიტყვათა წარმოთქმა როდი გიშველით. თქვენი ნახევრადგულწრფელი მონანიება არაფრის მაქნისია.

როდესაც მთელი თქვენი არსება ინანიებს და კანის თითოეული ნაწილით, მთლიანად თრთით; როცა ყველა უჯრედით განიცდით, რომ ფუჭად იცხოვრეთ თქვენი სიმთვრალის გამო, ახლა კი ინანიებთ, მყისვე ხდება ტრანსფორმაცია. წარსული ქრება, ქრება წარსულიდან მომავლისკენ მიმართული პროექციაც.

თქვენ გამორიყულნი ხართ „აქ“ და „ახლა“, თქვენ გამორიყული ხართ საკუთარ არსში. ამ დროს პირველად იგრძნობთ საკუთარ „არარაობას“ და ბოლოს იცლებით. მხოლოდ სიცარიელე არ არის ნეგატიური. თქვენი ტაძარი ისევე ტევადია, როგორც კოსმოსი.. თქვენ შენდობილი ხართ, იესო ამბობს, რომ თუ მოინანიებთ, თქვენ შეგენდობათ. ქრისტეს წინამორბედი იოანე ნათლისმცემელი, ხალხს მიმართავდა: „მოინანიეთ, რამეთუ ახლოა განკითხვის დღე!“ ეს იყო მთელი მისი მოძღვრება. ის იყო მოუდრეკელი ადამიანი, უდიდესი რევოლუციონერი. იოანე დადიოდა ქვეყნის ერთი ბოლოდან მეორეში და საჯაროდ აცხადებდა მხოლოდ ამას: **„მოინანიეთ, რადგან მოახლოებულია უკანასკნელი განკითხვის დღე!“**

აი, რატომ მიატოვეს ქრისტიანებმა ხელმეორედ დაბადების თეორია. არა იმიტომ, რომ ქრისტემ არ იცოდა გარდასახვის შესაძლებლობის არსებობა. მან საუცხოოდ უწყოდა, რომ არსებობს გარდასახვის უწყვეტი წრე, მაგრამ იესომ განაგდო ეს იდეა, რათა მონანიებისათვის უფრო მეტი სიღრმე და ძალა მიეცა.

თუ მომდევნო ცხოვრების იმედი გაქვთ, მაშინ მონანიება ვერ იქნება გულწრფელი. შეგიძლიათ გადასდოთ, დაელოდოთ და თან იფიქროთ: „თუ ამ ცხოვრებაში ვერ მივაღწიე, არაფერია საგანგაშო. არის მომდევნო ცხოვრებაც“. ასე იქცეოდნენ ინდუსები, ისინი ყველაზე ზარმაცი ხალხია მთელ დედამიწაზე და მიზეზი ეს თეორიაა, მაგრამ იგი უტყუარია, ამაშია საქმე. მათ ყოველთვის შეუძლიათ გადადონ საქმე, საჩქარო არაფერია, რა საჭიროა. აი, რატომ არაფრად აგდებენ დროს ინდუსები. საათი რომ არ გამოეგონათ, ინდუსებს არასოდეს გაუჩნდებოდათ მისი

მოთხოვნილება. საათი ინდუსისათვის უცხო ელემენტია, იგი ჰარმონიაში არ იქნება ინდურ სახლთან. საათი ქრისტიანების გამოგონებაა, დრო ხომ ცოცხალია, იგი არ ითმენს, თავად ცხოვრება გვეცლება ხელიდან. სიკვდილი იქნება ყველაფრის ბოლო. არაფრის გადადება არ შეიძლება სახვალიოდ, დროის იდეა შეიქმნა მხოლოდ იმისთვის, რომ თავიდან ავიცილოთ სახვალიოდ გადადება.

იესოსა და იოანეს მოძღვრება ეყრდნობოდა მონანიებას. ისინი ქადაგებდნენ: **„მონანიეთ, რამეთუ აღარ დარჩა დრო, ნუ-ღარ გადადებთ სამომავლოდ. მონანიების გარეშე დაიღუპებით!..“**

უეცრად რომ ვთქვა, ხვალ უკანასკნელი დღე დგება, ჩამოვარდება წყალბადის ბომბი და მსოფლიოს გაანადგურებს, თან გამოვაცხადო: „მონანიეთ“ – მაშინ მთელი თქვენი არსება ფოკუსში მოექცევა, გახდება ცენტრირებული. თქვენ იქნებით „აქ“ და „ახლა“ და მაშინ თქვენი არსების სიღრმიდან წამოვა გლოვა და საზარელი გოდება, ეს ყველაფერი იქნება უფრო ეგზისტენციალური, ვიდრე უბრალო სიტყვები, ეს გულიდან ამოხეთქილი მონანიება იქნება. იტირებთ არა მარტო თვალებით, არამედ გულით, მთელი თქვენი არსებით, რადგან დაღუპვა გარდაუვალი იქნება.

თუ ასე ინანიებთ, ასეთი სიმძაფრით ხდებით ფხიზელნი და შეგნებულნი, მთელი თქვენი წარსული განწმენდილია, აზრი არ აქვს ანაზღაურებას. იგი ხომ არასოდეს ყოფილა რეალობა, ის სიზმარს ჰგავდა. უბრალოდ, გამოიღვიძეთ და სიზმართან ერთად გაქრება ყველა მოჩვენება და კოშმარი. სინამდვილეში ისინი არც არსებობდნენ, ეს მხოლოდ თქვენი აზრები იყო.

ნუ იზარმაცებთ, თქვენ ხომ ეს ისედაც გადადეთ მრავალი ცხოვრების განმავლობაში. შეგიძლიათ კიდევ გადადოთ. ეს ხომ ასეთი მიმზიდველია ტვინისთვის. ის ყოველთვის ამბობს: „ხვალ“. „ხვალ“ – თქვენი ცოდვების თავშესაფარია, სათნოება კი მხოლოდ აწმყოში, ახლა იბადება.

ინდოეთში არსებობს მისიონერული ქრისტიანული სკოლა, სადაც რამდენიმე არაქრისტიანი ბიჭუნაც სწავლობს. ისინი ეუფლებიან ბიბლიას, ისტორიას და იმ საგნებს, რასაც სხვები.

ერთხელ სკოლაში ინსპექტორმა ჰკითხა არაქრისტიან მონაფეს: „ვინ იყვნენ პირველი მამაკაცი და პირველი ქალი?“

„ადამი და ევა“, – მიუგო ბიჭმა.

ინსპექტორი კმაყოფილი დარჩა და ჰკითხა: „რა ეროვნების იყვნენ ისინი?“

ბიჭმა უპასუხა: „რა თქმა უნდა, ინდოელები!“

ინსპექტორი, ცოტა არ იყოს, შეცბუნდა და შეეკითხა: „მაინც რატომ ფიქრობ, რომ ისინი ინდოელები იყვნენ?“

ბავშვმა აუხსნა: „ეს ძალიან იოლი გასაგებია. ადამს და ევას არც სახლი ჰქონდათ და არც ტანსაცმელი. არც რაიმე საჭმელი გააჩნდათ. მხოლოდ ვაშლი ჰქონდათ ორივეს და მაინც სჯეროდათ, რომ სამოთხეში ცხოვრობდნენ. ისინი ნამდვილად ინდოელები იყვნენ!..“

მართლაც, ინდოელები იმას სჯერდებიან, რაც გააჩნიათ. თავს არ იწუხებენ და არ ჩქარობენ, რადგან ფიქრობენ: „ცხოვრება ისეთი ხანგრძლივია, რატომ შევიწუხო თავი? რატომ ვიჩქარო? აზრი არ აქვს სირბილს.“

ქრისტიანობამ წარმოშვა ერთადერთი სიცოცხლის იდეა. ინდუსებისაგან განსხვავებით, აქ ისინი ცდებიან, მაგრამ იესოს-

თვის თეორია კი არ იყო მთავარი. მთავარია ადამიანის ტვინი და მისი ტრანსფორმაცია. ინდური რელიგიების მაგალითზე ჩანს, რომ ზოგჯერ სინამდვილე მავნებელია, ქეშმარიტებამ შესაძლოა გაგაზარმაცოთ.

გურჯიევი ამბობდა, რომ ადამიანს არ გააჩნია არანაირი სული, დაიმახსოვრეთ. ის შეგიძლიათ მოიპოვოთ, მაგრამ ეს სული თავისთავად არ გაგაჩნიათ.

შესაძლოა მარცხი განიცადოთ და ვერ მოიპოვოთ იგი, მაშინ უბრალოდ მოკვდებით. თქვენგან აღარაფერი დარჩება. გურჯიევის აზრით, მილიონიდან მხოლოდ იმ ერთ ადამიანს შეუძლია მარადიული სულის მოპოვება, რომელიც არსებობას განაგრძობს. სული ტოვებს სხეულს და განაგრძობს გზას, მაგრამ ეს ყველა მოკვდავის ხვედრი როდია.

თქვენ სული არ გეზობებათ, ის უნდა გამოიმუშავოთ, ეს კრისტალიზაციაა. თუ სული გამოიმუშავებულია, მაშინ მაჰავირი, ბუდა, იესო მარადიულნი ხდებიან.

მაგრამ ეს თქვენ არ გეხებათ! გურჯიევი ამბობდა, რომ თქვენ უბრალოდ ბოსტნეული ხართ, რომლის ჭამა და გადამუშავება ხდება. თქვენ არ გაგაჩნიათ ცენტრი. როგორ შეიძლება გადაურჩეთ სიკვდილს?

გურჯიევიც იესოს ტაქტიკას იყენებდა. იგი არ იყო მართალი, რამეთუ თქვენ მართლა გაგაჩნიათ უკვდავი სული. მაგრამ ეს თეორია სახიფათოა. როდესაც გაიგონებთ, რომ გაქვთ მარადიული სული, რომ ხართ ბრაჰმა (საბოლოო რეალობა), თქვენ დაიძინებთ. ეს ჰიპნოზური შთაგონება იქნება. რისთვისღა დაგჭირდებათ სადჰანა*? მედიტაცია? „აჰამ ბრაჰმასი“ – „მე უკვე

ღმერთი ვარ”, – ფიქრობთ თქვენ და ღრმად იძინებთ, რამეთუ სხვა არაფერი არ გაქვთ გასაკეთებელი.

თეორიებს შეუძლიათ მოგკლათ; სწორ თეორიებსაც შეუძლიათ თქვენი მოკვლა.

გურჯიევი არ არის მართალი, მაგრამ ეს იმის გამოა, რომ იგი თქვენი გულშემატკივარია. თქვენ კი ისეთი მატყუარები ხართ, რომ მხოლოდ სიცრუე დაგეხმარებათ, მხოლოდ ცბიერი გამოგათრევთ ტყუილების სამყაროდან, ისევე როგორც ეკალს შეუძლია თქვენი სხეულიდან ეკლის ამოღება.

იესომ ყველაფერი კარგად უწყოდა. მან იცოდა გარდასახვის არსებობის შესახებ ყველაზე უკეთ, მაგრამ უბრალოდ განაგდო ეს თეორია, რადგან ინდოეთში მოგზაურობის დროს იხილა, რომ ინდური გონება გარდასახვის თეორიის წყალობით გაზარმაცდა.

გურჯიევმაც მოიარა ტიბეტი და ინდოეთი და ნახა მთელი ის უაზრობა, რაც იქ იმის რწმენით მოხდა, რომ ადამიანში ყველაფერი ღვთაებრივია: არაფრის კეთება არ იყო საჭირო, უკანასკნელი მათხოვრებიც კი ფიქრობდნენ, რომ იმპერატორები იყვნენ. გურჯიევმაც დაიწყო ქადაგება ისევე, როგორც იესომ. იგი ამბობდა, რომ თავისთავად სული არავის გააჩნია, თქვენ ძალგძობთ მისი მოპოვება, შესაძლოა ვერ მოასწროთ. ასე რომ ნუ ჩათვლით სულს ბოძებულად – გამოიმუშავეთ იგი!

თუ ყველა ღონეს იხმართ – მხოლოდ მაშინ აღმოაჩენთ ცენტრს. ეს ცენტრი იარსებებს, თქვენ კი არა.

გურჯიევმა ახალი მითი შექმნა: „თქვენ ბოსტნეული ხართ მთვარისათვის, მისი საკვები ხართ”, ის ხუმრობდა, მაგრამ ეს საუცხოო ხუმრობაა და მას ღრმა აზრი აქვს.

ის ამბობდა, რომ სამყაროში ყოველივე საზრდოა მეორისათვის. ერთი ცხოველი მეორეს უღებს ბოლოს, მეორეს – მესამე და ა.შ. ყველაფერი საკვებია სხვა დანარჩენისათვის, ადამიანი როგორღა იქნება გამონაკლისი? გურჯიევი ამიტომ ამტკიცებდა, რომ „ადამიანი საზრდოა მთვარისათვის და როცა მთვარეს უია, მაშინ ხდება ომები და სისხლისღვრა“ (იგი ხუმრობით ახსენებდა მთვარეს). მიმდევრები ყოველთვის ბრმები არიან და ეს ხუმრობაც ქეშმარიტად ჩათვალეს. გურჯიევის მიმდევრები ახლაც ამბობენ, რომ ეს იყო უდიდესი აღმოჩენა – ის რომ დაბრუნდეს, გაეცინებოდა.

ის ხუმრობდა, მაგრამ როცა გურჯიევი ხუმრობს, ამაში აზრია ჩადებული, იგი მიაჩნებდა, რომ თქვენ ხართ ბოსტნეული. ამ სახით, რასაც ახლა წარმოადგენს, მხოლოდ მთვარისათვის ვარგისხართ. მას შეუძლია თქვენი შთანთქმა. ძნელად თუ მოიძებნება მთვარეზე მეტად გამოუსადეგარი რამ. როდესაც კოსმონავტები მთვარეზე ჩამოსხდნენ, ფიქრობდნენ, რომ ამით მსოფლიო პოეზიასა და ოცნებებს ხორცს შეასხამდნენ, რადგანაც ადამიანი ხომ ყოველთვის მიისწრაფვოდა მთვარისაკენ. აღმოჩნდა, რომ მთვარე – არარაობაა, თქვენ კი საზრდო ხართ ამ არარაობისათვის. მთვარე უბრალოდ მკვდარი პლანეტაა, თქვენ კი – საზრდო მისთვის, რადგან თქვენ თვითონ მკვდრები ხართ.

დაიმახსოვრეთ: ქრისტიანობამ, იესოდან მოყოლებული, კარგად იცის, რომ არსებობს ხელმეორედ დაბადება – გარდასახვა, დაბადება – სიკვდილის მარადიული ჯაჭვი, რომ ეს სიკვდილი არ იქნება უკანასკნელი, მაგრამ როცა თქვენ ამას იგებთ, მაშინვე დუნდებით.

იესოს მთელი მეთოდი დამოკიდებულია უთანხმოებაზე: თქვენ მოდუნების უფლება არ უნდა მოგცენ, თქვენ უნდა იბრძოლოთ, გამოინვიოთ შეხლა-შემოხლა, რათა ჩამოყალიბდეთ და გამოკრისტალდეთ.

„...ამჟამად ისინი მთვრალეები არიან.

როცა გამოფხიზლდებიან, მაშინ მოინანიებენ...”

იესომ თქვა: **„...უკეთეს სხეული სულისაგან წარმოიშვა, ეს სასწაულია, მაგრამ თუ სული წარმოიშვა სხეულისაგან, ეს სასწაულთა შორის სასწაულია...”**

ვფიქრობ, რომ კარლ მარქსმა ეს ვერ გაიგო.

იესო ამბობს: **„თუ სხეული სულისაგან წარმოიშვა...”** როგორც ყველა რელიგია აცხადებს – ღმერთმა შექმნა სამყარო. ეს ნიშნავს: სხეული წარმოიშვა სულისგან, მატერია აღმოცენდა გონებიდან; ცნობიერება – წყაროა, სამყარო კი, უბრალოდ, თანაპროდუქტი. მაშინ, ამბობს იესო: **„...ეს სასწაულია”** – ეს საიდუმლოებაა.

„მაგრამ, თუ სული წარმოიშვა სხეულისაგან...”, ასე ამბობენ ათეისტები, მატერიალისტები, კარლ მარქსი, ჩარვაკი და სხვანი. მარქსი ამბობს: ცნობიერება მატერიის თანაპროდუქტია. ამას ამბობს ყველა ათეისტი, რომ არა სამყარო შეიქმნა სულისაგან, არამედ სულია მეორეხარისხოვანი მოვლენა, მატერიის ეპიფენომენი. სულს მატერია წარმოშობს, ის უბრალოდ თანაპროდუქტია... მაშინ, ამბობს იესო: **„თუ სული წარმოიშვა სხეულისგან, ეს სასწაულთა შორის სასწაულია”**. პირველი – ის, რომ ღმერთმა შექმნა სამყარო, – მართლაც სასწაულია. ხოლო მეორე – სასწაულთა შორის სასწაულია: სამყარომ შექმნა ღმერ-

თი. პირველის დაჯერება ძნელია, მაგრამ მეორისა – თითქმის შეუძლებელი.

შესაძლოა, რომ უმდაბლესი უმაღლესისაგან იზადება ისევე, როგორც ადამიანს შეუძლია რაღაც დახატოს. შეგვიძლია ვთქვათ, რომ სურათი წარმოიშვა მხატვრისგან, ეს საოცრებაა, მაგრამ თუ ვინმე ამბობს, რომ მხატვარი ნახატმა შექმნა, ეს ყველაზე დიდი სასწაული იქნება. როგორ შეიძლება მატერიალური ნარმოშვას, თუ იგი უკვე არ არის ჩადებული მატერიაში? როგორ შეიძლება აღმოცენდეს ყვავილი, თუ მას თავიდანვე არ შეიცავს თესლი?

იესო ამტკიცებს, რომ ორივე შემთხვევა ასეა თუ ისე, სასწაულია.

მაგრამ არის მესამე, ყველაზე დიდი საოცრება.

„...მე მიკვირს, უკეთუ ასეთმა დიდმა განა როგორ გაიხადა თავის სახლად ეს სიღარიბე?“

თქვენ ლატაკნი და მათხოვარნი ხართ, რადგან მუდამ ითხოვთ. სურვილი სიღატაკეა და მთხოვნელის ტვინი – ლატაკისა და მათხოვრის ტვინია. შესაძლოა, თქვენ ხართ იმპერატორი, მაგრამ თქვენ დიდი მათხოვარი ხართ და სხვა არავინ, რამეთუ მაინც ითხოვთ.

მუსლიმანი მისტიკოსი ფარიდი, ქალაქ დელისთან ახლოს, ერთ პატარა ღარიბ სოფელში ცხოვრობდა. იმპერატორი აკბარნი ფარიდის ერთ-ერთი მიმდევარი გახლდათ და ხშირად ნახულობდა მას. როდესაც სოფელში ეს ამბავი გაიგეს, შეგროვდნენ და სთხოვეს ფარიდს: „შენთან ხშირად აკბარნი ჩამოდის თურმე. იქნებ სთხოვო, რომ სკოლა და საავადმყოფო აგვიშენოს?“

სოფელი მწირი იყო და მეტად გაუნათლებელი ხალხი ცხოვრობდა იქ. ფარიდმა თქვა: „დაე, ასე იყოს, მე არ მეხერხება რამის თხოვნა. დიდი ხანია არაფერი მითხოვნია, მაგრამ იმპერატორს ამას აუცილებლად ვეტყვი“.

იგი დედაქალაქს გაემგზავრა. სასახლეში მაშინვე შეუშვეს. აკბარი ტაძარში დახვდა, თავის აშენებულ პატარა სამლოცველოში ლოცულობდა. ფარიდი იქვე გაჩერდა, ვიდრე იმპერატორი ლოცვას დაასრულებდა. ამ უკანასკნელმა ვერ შენიშნა ფარიდის შემოსვლა და ლოცვა განაგრძო: „ყოვლისშემძლე ღმერთო, განადიდე ჩემი იმპერია, მომეცი უფრო მეტი სიმდიდრე და ძლიერება“. ფარიდმა ეს მოისმინა და მაშინვე გასასვლელისკენ გაემართა. აკბარმა მას კიბეზე ჩასულს მოჰკრა თვალი და ჰკითხა: „როგორ მოხვდი აქ ან რატომ მიდიხარ?“ ფარიდმა უპასუხა: „მე იმპერატორთან მოვედი, მათხოვარი კი ვიხილე. შენც თუ ღმერთს შესთხოვ, მე რატომ არ უნდა ვთხოვო მას? შუამავალს რისთვის მივმართო? აკბარ! მეგონა, იმპერატორი იყავი, მაგრამ შევმცდარვარ!“

ეს ისტორია აკბარმა თავის ავტობიოგრაფიაში მოგვითხრო და დაამატა: „**იმ წუთს მივხვდი, რაც არ უნდა გაგაჩნდეს, არა აქვს მნიშვნელობა, რადგან შენი გონება ისევ და ისევ მათხოვრობს...**“

იესო ამბობს, რომ ეს სასწაულთა შორის უდიდესი სასწაულია, „თუ ასეთმა დიდმა განა როგორ გაიხადა ეს სიღარიბე თავის სახლად“.

მთვრალეები, მძინარენი, ლატაკნი, მთელი ცხოვრების განმავლობაში სისაძაგლეს რომ ითხოვენ, მტრობენ ერთმანეთს, ავადმყოფნი და უძლურნი – ღმერთმა ისინი ტაძრად, საკუთარ

სახლად გაიხადა, მისი სავანე – თქვენშია. იესო ამბობს, რომ ეს უდიდესი, შეუცნობელი საიდუმლოა. სასწაული სასწაულთა შორის!

ამაშია ბუდასა და იესოს სევდა; გხედავენ თქვენ, იმპერატორებს, ღვთის სასუფეველის მფლობელთ – მათხოვრებად ქცეულებს, ფუჭად რომ ფლანგავთ დროს, ენერგიას, შესაძლებლობებსა და სიცოცხლეს.

მოინანიეთ! გადახედეთ თქვენს საქმეებს. ყველაფერი, რაც კი რამ აკეთეთ, სისულელედ მოგეჩვენებათ. ვერც დაიჯერებთ, რომ თურმე ყველაფერი საკუთარი ხელით აკეთეთ. თქვენ დაინახავთ ყოველივე ნამოქმედარის უაზრობას.

შეხედეთ, რა უყავით საკუთარ ცხოვრებას, რა უყავით საკუთარ თავს. თქვენ დანგრეული ხართ, მაგრამ ნგრევა გაგრძელდება მანამ, სანამ მარტო ნანგრევებილა არ დარჩება. გაიგეთ, რომ თქვენ ლატაკ გულში და მათხოვარ გონებაში ცხოვრობს მეუფე სამყაროსი – აი, სასწაული.

იესო ძლიერად გრძნობს, ამიტომაც არის ასეთი სევდიანი; იგი ვერ იცინის, იმიტომ კი არა, რომ არ შეუძლია – ვერ იცინის თქვენ გამო. იგი ისე განიცდის და თანაგიგრძნობთ, რომ მუდამ ახალ ხერხებს, გასაღებებს იგონებს, რათა გაგხსნათ და აღმოგაჩენინოთ ის, რაც უკვე ხართ ჭეშმარიტად. გაგაგებინოთ – თუ ვინ ხართ თქვენ!

კიდევ ერთხელ გადაიკითხეთ ეს სიტყვები და გახსოვდეთ საკვანძო სიტყვა: მოინანიეთ! და თუ შეიგნებთ, რომ მოინანიება გასაღებია – განიწმინდებით წარსულისაგან, თქვენ კვლავ ნორჩები და უბინოები გახდებით.

როცა ნორჩები ხართ, თქვენში ღმერთია, რადგან იგი სხვა
არაფერია, თუ არა თქვენი სინორჩე, თქვენი უმანკობა!

1974 წლის 23 აგვისტო

პუნა, ინდოეთი

საუბარი მეოთხე

მეოთხე შეგონება

იესომ თქვა:

– ნუ ფიქრობთ დილიდან სალამომდე და სალამოდან დილამდე იმაზე, თუ რითი შეიმოსოთ.

(თომა, 41)

მონაფეებმა კითხეს:

– როდის გამოგვეცხადები და როდის გიხილავთ?

იესომ მიუგო:

– როცა განიძარცვავთ სამოსს და არ შეგრცხვებათ, როცა პატარა ბავშვებივით ფეხქვეშ დაიგდებთ და გათელავთ სამოსს, მაშინ იხილავთ იმის ძეს, ვინც ცოცხალია და არაფრის შეგეშინდებათ.

(თომა, 12)

ადამიანი არის არა ისეთი, როგორიც სინამდვილეშია, არამედ ისეთი, როგორიც თვითონ სურს რომ იყოს. მას ნილაბი აქვს აფარებული და ყალბი სახით თამაშობს. ამაშია მთელი პრობლემა. დაბადებისას თქვენ საკუთარი სახე გაქვთ, რომელიც ჯერ არ გადასხვაფერებულა, მაგრამ ადრე თუ გვიან საზოგადოება იწყებს თქვენს სახეზე მუშაობას. ის პირველად ორიგინალს, იმ ბუნებრივ სახეს გიმალავთ, რითაც დაიბადეთ. შემდეგ კი სხვადასხვა შემთხვევისათვის სახეთა მრავალ ვარიანტს გთავა-

ზობთ. ცხოვრებისეული სიტუაციები მრავალფეროვანია და თქვენც მრავალი ნილაბი გჭირდებათ, რათა ნამდვილი სახე დამალოთ.

თქვენ უბრალო ადამიანს ზოგჯერ ვერც კი ამჩნევთ, თანამდებობის პირს ან რომელიმე მდიდარს კი პატივისცემით ეპყრობით, რომც არ გინდოდეთ, ყოველ წამს იცვლით ნილაბს, ყოველ წამს იცვლება თქვენი სახე. ყურადღებით უნდა იყოთ, რადგან ეს უკვე იმდენად მექანიკური ხდება, რომ ამას ველარ ამჩნევთ, ის იცვლება თავისთავად. ოთახში თუ მოახლე შემოდის, ისე იქცევით, თითქოს იგი არ არსებობდეს, მაგრამ თუ თქვენი უფროსი შემოდის ოთახში, მაშინ უმალ ფეხზე წამოხტებით, ისეთ გაღიმებულ, სტუმართმოყვარე სახეს მიიღებთ, თითქოს ოთახში თვით ღმერთი შემოსულიყოს.

თვალი ადევნეთ თქვენს სახეს, რომელიც გამუდმებით იცვლება, ჩაიხედეთ სარკეში და ის გამომეტყველება გამოისახეთ, რითაც ცოლს ხვდებით. შემდეგ ისეთი სახე მიიღეთ, ვითომ შეყვარებულს უახლოვდებით; მერე – ვითომ გწყურიათ ან გაბრაზებული ბრძანდებით; ის გამომეტყველებაც მიიღეთ, სქესობრივი აღტყინების დროს რომ გიჩნდებათ; ჩაიხედეთ სარკეში უკმაყოფილომ და აღმოაჩინეთ, რომ ერთი ადამიანი კი არა ხართ, თქვენში მთელი ბრბოა ჩასახლებული. ხანდახან გაგიჭირდებათ კიდევ აღიაროთ, რომ ყველა ეს გამომეტყველება თქვენია.

სარკის გამოყენება შესაძლებელია თქვენს სასიკეთოდ. მისი საშუალებით შეიძლება ჩაატაროთ მედიტაციები; შეგიძლიათ ცვალოთ თქვენი სახეები და უცქიროთ მათ. ეს დაგანახებთ, როგორი ყალბია მთელი თქვენი ცხოვრება და თქვენ არა ხართ ამ სახეთაგან არც ერთი.

ყველაზე ღრმა მედიტაციად იქცევა ის, რომ იპოვოთ საკუთარი სახე, რომელიც ამქვეყნად მოსვლამდე გქონდათ და რომელიც გქენებათ, როცა აქაურობას დატოვებთ, თქვენ არ შეგიძლიათ თან ატაროთ ყველა ეს სახე. თითოეული თქვენი გამომეტყველება ფანდი, აბჯარი და მოტყუების ტექნიკაა, ისინი დროულად უნდა მოიშოროთ, რათა იესოს დანახვა შესძლოთ, ვინაიდან როცა ხედავთ თქვენს თავდაპირველ სახეს, ხედავთ იესოს.

ქრისტე სხვა არაფერია, თუ არა თქვენი თავდაპირველი სახე. არც ბუდა და არც იესო არ არიან თქვენს გარეთ. როდესაც სიყალბეს მოიშორებთ და გაშიშვლდებით, როცა დაიბრუნებთ პირველყოფილ სახეს, ყოველგვარი მოდიფიკაციის გარეშე, თქვენ იხილავთ იესოს მთელი თავისი დიდებით და უეცრად თვითონვე იქცევით ქრისტედ. მხოლოდ მსგავსნი შეიცნობენ ერთმანეთს, ყოველთვის გახსოვდეთ ეს კანონი. მხოლოდ იმ შემთხვევაში აღიქვამთ მას, თუ მისი მსგავსი ხართ. სხვაგვარად როგორ შეიცნობთ მას?

როდესაც საკუთარ შინაგან ყოფიერებას შეიგრძნობთ, მხოლოდ მაშინ შეგიძლიათ იგივეს შეცნობა სხვა ადამიანში. სინათლე სინათლეს იცნობს. სინათლე სიბნელეს ვერ ცნობს, სიბნელე როგორღა იცნობს სინათლეს? თუ სიყალბე გაგიჟდათ, ჭეშმარიტ ადამიანს ვერ იცნობთ. იესო კი ყველაზე ჭეშმარიტი ადამიანია, ყველაზე ჭეშმარიტი, ის არ არის მატყუარა, ის არის ავთენტური* და თუ მთელი ცხოვრება ცრუობდით, თუ თქვენი სიტყვები ყალბი იყო, როგორღა იცნობთ იესოს? – ეს შეუძლებელია.

მხოლოდ იმ შემთხვევაში შეიცნობთ შიგნით იესოს, თუ ბოლომდე გაშიშვლდებით, მხოლოდ შემდეგ შეიძლება მისი ცნობა გარეთ. პირველ რიგში საჭიროა შეიცნოთ შინაგანი, რადგანაც შეცნობა მხოლოდ თქვენი შინაგანი ყოფიერების წყაროდან გამომდინარეობს. სხვა გზა არ არის.

პირველ რიგში, თქვენი შინაგანი ყოფიერება უნდა შეიცნოთ, ერთი უძველესი ინდური თქმულების თანახმად, ღვთის ძიება მხოლოდ მას შემდეგ იწყება, როცა მას უკვე მიაგნეს. ეს თითქოს პარადოქსული ამბავია, მაგრამ აბსოლუტური ჭეშმარიტებაა. აბა, როგორ დაიწყებთ ღვთის ძებნას სხვაგან, თუ საკუთარ არსში არ აღმოგიჩენიათ იგი? მხოლოდ ამის შემდეგ იწყება ძიება, მაგრამ სინამდვილეში აღარ არის საჭირო ძებნა. კვლევა-ძიება იწყება და მთავრდება ერთსა და იმავე წერტილში. პირველი ნაბიჯი – საბოლოო ნაბიჯია. მათ შორის არ არის ორი ნაბიჯი, არც გზა არ არის, არის მხოლოდ ერთი ნაბიჯი. მოიშორეთ სიყალბე, რომელსაც თან დაატარებთ, მოიშორეთ ნასესხები ნიღბები.

რისთვისაა ეს სახეები? რა საჭიროა ისინი? რატომ უნდა გეშინოდეთ მათი მოშორების? უნდა გაიგოთ მთლიანი მექანიკა, მხოლოდ მაშინ გახდება გასაგები იესოს სიტყვები თქვენთვის.

პირველი: თქვენ არასოდეს გყვარებიათ საკუთარი თავი, თორემ არ დაგჭირდებოდათ ამდენი ნიღაბი. თქვენ ვერ იტანდით საკუთარ თავს და თუ ეს ასეა, ნამდვილ სახეს ყოველთვის დამალავთ. თუ თავად არ გიყვართ და არ გსურთ საკუთარი სახის დანახვა, სხვებს როგორღა აჩვენებთ მას?

რატომ გძულთ საკუთარი თავი? მთელი საზოგადოებრივი წყობა თქვენივე თავისადმი სიძულვილის, თვითბრალდებისა და დანაშაულის შეგრძნებას გინერგავთ, ამაზეა დამყარებული მი-

სი სიძლიერე. რელიგიები, ქურუმები, საზოგადოება – ექსპლოატაციის ყველა სახეობა ამ საფუძველზეა დამყარებული.

თუ საკუთარ თავს ვერ იტანთ, რატომ უნდა ნახვიდეთ ქურუმთან? რა გინდათ მასთან? როცა გძულთ, მაშინ თავს დამნაშავედ გრძნობთ, როცა გძულთ, გრძნობთ, რომ საჭიროა რალაციის შეცვლა; როცა გძულთ, თქვენ ფიქრობთ, რომ საჭიროა დახმარება – საჭიროა ვინმე, ვინც გაგხდით მოსიყვარულედ და სიყვარულის ღირსად. მშობლები ხშირად გეუბნებიან: „შენ უვარგისი ხარ, ეს ცუდია, ის ცუდია“. მუდამ გვკარნახობენ: „ეს არ გააკეთო, ის არ გააკეთო“.

ერთ პატარა ბიჭს სანაპიროზე ქვიშაში თამაში უნდოდა. დედამ არ მისცა ამისი ნება – ქვიშა სველია და ტანსაცმელს დაისვრიო. ბიჭმა წყალთან მისვლა მოინდომა. დედამ დაუშალა, შემდეგ ბიჭუნამ, ვირბენ ან ვიხტუნავებო, – სთხოვა. ამაზეც უარი განუცხადა – ხალხში დამეკარგებო. იქვე ახლოს ნაყინს ყიდდნენ. ერთი ცალი მიყიდეო, სთხოვა ბიჭმა დედას, მან კი – ყელი აგტკივდებო, ბუზღუნს მოჰყვა და ახლო მდგომთ მიმართა – ეს რა მოუსვენარი და ნერვიული ბიჭი მყავსო.

სინამდვილეში ყმანვილი კი არა, დედაა ნერვიული. ქვიშაში თამაში არ არის ნევროზი, არც წყალთან ახლოს მისვლა ან სირბილი, მაგრამ ნერვიული გონება ყოველთვის „არას“ ამბობს, მას არ შეუძლია „ჰოს“ თქმა. ნევროზული გონება თავის თავს ვერ აძლევს თავისუფლებას და აბა, თქვენ როგორღა მოგცემთ მას? ბიჭუნას დედაც და თითქმის ყველა მშობელი ასეთია. ისინი თავისუფლებას კლავენ და ბავშვზე ახდენენ ახალ და ახალ ძალდატანებას, რათა მან იგრძნოს, რომ ის ცუდია. რისი გაკეთებაც არ

უნდა მოისურვოს, მას ეუბნებიან „არა“!, რაც ბავშვში ნევროზს იწვევს.

ერთი ყმაწვილი პირველად ნავიდა სკოლაში. იქიდან დაბრუნებულს დედამ ჰკითხა, რა გასწავლესო. ბიჭმა უპასუხა: „დღეს პირველად გავიგე, რომ მე „არა“ არ მქვია. თქვენ ყოველთვის „არას“ მეძახდით: ეს არ გააკეთო, იქ არ ნახვიდე, ასეთი არ იყო, არ ითამაშო, არ ირბინო... მეც მეგონა, რომ „არა“ მერქვა, სკოლაში კი სხვა სახელი დამიძახესო“.

თქვენ ნევროზული ხართ, მთელი საზოგადოება ნევროზულია იმიტომ, რომ ეს ჯაჭვი თაობიდან თაობას გადაეცემა. ეს უსასრულოდ გრძელდება და დღეისათვის არც ერთ საზოგადოებას არ ძალუძს შექმნას ნევროზისგან თავისუფალი საზოგადოება და საუკუნე. ზოგიერთი პიროვნება ახერხებს ამ საზოგადოებიდან გაქცევას, მაგრამ ძალიან იშვიათად, რადგან ციხე დიდია და მყარი საფუძველი აქვს.

როდესაც იბადება ბავშვი, შეუძლებელია იმედი იქონიოთ, რომ იგი ნევროზით არ დაავადდება. მის ირგვლივ ხომ ყველა შეშლილია. ისინი ჩაკლავენ მის თავისუფლებას და აფიქრებინებენ, რომ ის ცუდია. ეს აჩენს დანაშაულის კომპლექსს. ამიტომ თქვენ გძულთ საკუთარი თავი. დაიმახსოვრეთ! თუ ვერ იტანთ საკუთარ თავს, თქვენ ვერ შესძლებთ სხვის შეყვარებას. ეს შეუძლებელია! სანყისში თუ არის შხამი, ის იქნება თქვენს ყველა დამოკიდებულებაში. დაიმახსოვრეთ აგრეთვე ის, რაც ზემოთქმულიდან გამომდინარეობს: თუ გძულთ საკუთარი თავი, როგორ იფიქრებთ, რომ სხვას უყვარხართ? თავად თუ არ შეიყვარებთ საკუთარ თავს, სხვა ვინ შეგიყვარებთ? გულის სიღრმეში თქვენ იცით, რომ არავის უყვარხართ და კიდევ რომ სცადოს ეს

ვინმემ, არასოდეს დაუჯერებთ და მისი სიყვარული ტყუილი გეგონებათ.

თქვენ მაშინაც კი არ ძალგიძთ საკუთარი თავის სიყვარული, როცა სხვას უყვარხართ, სკეპტიციზმი გიპყრობთ და გსურთ დაამტკიცოთ, რომ ეს ასე არ არის. ეს სიძულვილია და ყველანაირი ნიღბის საწყისი. თქვენ ცდილობთ დაიმალოთ.

ტანსაცმელი სიცივისგან კი არ გიცავთ, არამედ სხეულს გიფარავთ. თქვენ მისი საშუალებით საკუთარ სექსუალობას, თქვენში ჩაბუდებულ ცხოველს მალავთ. ყველაფერი ის კი, რაც ცოცხალია თქვენში, ცხოველის მსგავსია. გამონაკლისია მხოლოდ თავი. ასე რომ, თავის გარდა ყველაფერი დაფარული უნდა გქონდეთ. მხოლოდ მოაზროვნე თავის გამოჩენაა დასაშვები.

საზოგადოება დაკმაყოფილდებოდა მხოლოდ თქვენი თავით, სხეული რომ მოკვეთილი გქონდეთ.

მეცნიერები კიდევ ცდილობდნენ ამის განხორციელებას და ისინი დიდ სიძნელეებს აწყდებოდნენ, ტვინს რომ უსხეულოდ აზროვნება შესძლებოდა. რამდენიმე წლის წინ მათ ამ საქმეში წარმატებას მიაღწიეს. ეს ექსპერიმენტი საზოგადოებამაც ჩაატარა, სხეული უარყოფილია და დაშორებულია გონებიდან, დაშვებულია მხოლოდ თავი. დარწმუნებული ვარ, უეცრად უთავოდ რომ დარჩეთ, საკუთარ სხეულს ვერ იცნობთ, რამეთუ თქვენ არასოდეს გინახავთ იგი. მომრავლდა ტანსაცმელი, სხეულთან ერთად სულსაც რომ გიფარავთ.

ერთი მაღალი კედლის გასწვრივ მიმავალ ორ ბიჭს დააინტერესა, რა ხდებოდა კედლის მიღმა. მათ კედელზე ნახვრეტი შეამჩნიეს, მაგრამ ვერ შესწვდნენ. შემდეგ ერთი მეორეს შეადგა მხრებზე და ნახვრეტში გაიხედა: „საკვირველია! იქ ბევრი ადა-

მიანი თამაშობს, მაგრამ ყველა ტიტველია. ალბათ ნუდისტთა* კლუბია” – ჩამოსძახა მეგობარს. ქვემოთ მდგომი ბიჭი ალგეზნო და ჰკითხა: „რას აკეთებენ? ქალები არიან თუ კაცები?”

მის მხრებზე მდგარმა ბიჭმა მიუგო: „აბა, რა ვიცი, ყველანი შიშვლები არიან და...”

ტანსაცმლით იცნობა ქალიცა და კაციც. მართალს ამბობს ის ბიჭი, შიშვლები რომ დაინახა.

ამიტომ არ მოგცემს მეფე ნებას, რომ ისეთი ჩასაცმელი ატარო, როგორსაც ის იცვამს. რალა გამოვა, თუ ჩვეულებრივი ადამიანი მეფური ტანსაცმლით ივლის? ეს დაუშვებელია, რადგან მეფე ყველასაგან უნდა გამოირჩეოდეს.

ტანსაცმელი ზუსტად შეესიტყვება ადამიანს. თანაც იგი ისე დამძიმდა, რომ სიზმარშიც კი ხელს გიშლით, საკუთარი თავი შიშველი ნახოთ.

საკუთარი თავი ყოველთვის ჩაცმული გესიზმრებათ. ტანსაცმელი შევიდა თქვენს არაცნობიერშიც, ბოლოს და ბოლოს, სიზმარში ხომ მაინც უნდა იყოთ ბუნებრივი, მაგრამ იქაც ვერ ახერხებთ ამას – გრძელდება ნიღბებისა და სახეების მონაცვლეობა.

თქვენ გსურთ დაიმალოთ: არავინ არ უნდა იცოდეს თქვენი ჭეშმარიტი „მე”, თორემ, რომ გაიგონ, როგორ აიტანენ მას? თქვენ მსახიობებად იქეცით. ეს არის ქრისტეს გამონათქვამის საფუძველი.

იესომ თქვა: „...ნუ იფიქრებთ დილიდან სალამომდე და სალამოდან დილამდე იმაზე, რითი შეიმოსოთ”...

ნუ იფიქრებთ ჩასაცმელზე, სიყალბეზე. დარჩით თვითმყოფადნი, იგრძენით საკუთარი თავი ისეთი, როგორნიც სინამდვი-

ლეში ხართ. თუ თქვენ ასე მოიქცევით, მოუსვენრობა შეგიპყრობთ, საიდან მოდის ეს მოუსვენრობა? თქვენ გყავდათ აღმზრდელები, რომლებიც სინამდვილეში სიცოცხლეს გინამლავდნენ. მათ გასწავლეს, რომ უარგეყოთ ყოველივე ცხოველური. მე კი გეუბნებით, რომ თქვენ ადამიანები ხართ და ეს არ არის ცხოველთა საპირისპირო. ადამიანი ცხოველის განვითარების უმაღლესი საფეხურია.

თუ თქვენი მასწავლებლების რჩევას მიჰყვებით, თქვენ ამით ცხოვრების სანყისს უარყოფთ. ეს იქნება სიყალბე. წარმოიდგინეთ სქესობრივი აქტი ცხოველური სანყისის გარეშე, რა გამოვა? ალბათ, გაცდებით, როცა გეტყვით, რომ აღმოსავლეთის ქალების უმრავლესობამ არ იცის, რა არის ორგაზმი, არ განიცდის სექსუალურ ექსტაზს, ვინაიდან არ აძლევენ ამის უფლებას. ასე იყო წინათ დასავლეთშიც.

კაცებისათვის ნებადართული იყო ოდნავ მაინც დამსგავსებოდნენ ცხოველებს, ქალებს კი ამის უფლება არ ჰქონდათ. გაბატონებული აზრით, ქალს სქესობრივი აქტის დროს არანაირი ემოცია არ უნდა გამოეფლინა.

მხოლოდ მსუბუქი ყოფაქცევის ქალები ტკბებიან სექსით, რამეთუ მათ აქვთ ცხოველური სანყისის გამოვლენის უფლება, მაგრამ თუ ცოლს სიამოვნებს სექსი და შედის ექსტაზში, ქმარი თავს შეურაცხყოფილად გრძნობს და ცოლს არანესიერ ქალად მიიჩნევს. ის თვლის, რომ ქალი უსიცოცხლოდ, უემოციოდ უნდა იწვეს. დაკვირვებიხართ სიტყვას „ემოცია“? ის და სიტყვა „მოძრაობა“ ერთი ძირიდან წარმოიშვა. როცა ემოცია გიპყრობთ, მთელი თქვენი არსება მოძრაობაშია, ის თრთის, რიტმულად

ძგერს და ცხოვრობს – ის ველურია. არა, ქალს ეკრძალება, იყოს ველური, იყოს ცოცხალი.

თქვენ თუ უარყოფთ სექსს და მას ცხოველურად თვლით, შეეცდებით მის დამალვას.

აშშ-ში ერთი მენარმე დიდ გასაჭირში ჩავარდა. მის საქმეს უმაღლეს სასამართლოში იხილავდნენ, რადგან მისი საწარმო თოჯინებს სასქესო ორგანოებით უშვებდა. მენარმე იძულებული გახდა, თავისი საწარმო დაეხურა, რადგან საზოგადოებამ არ დაუშვა ამ თოჯინების რეალიზება და სასამართლოში აღძრა სარჩელი, რატომ არ უნდა ჰქონდეთ თოჯინებს სასქესო ორგანოები, თუ სხვა ყველაფერი გააჩნიათ?

რატომ გინდათ, რომ ბავშვმა არაფერი იცოდეს? თქვენ ხომ მას ყოველ ნაბიჯზე ატყუებთ. ბავშვი მთელ სხეულს უნდა იცნობდეს, რადგან სხეული მთლიანად მშვენიერია. რა საჭიროა რამის დამალვა? ეს ცხოველურისადმი განუზომელი შიშის გამო ხდება, მაგრამ თქვენც ცხოველები ხართ. შეგიძლიათ ამას გადააბიჯოთ, მაგრამ არ შეგიძლიათ ფაქტის განადგურება. პირიქით შემთხვევაში თქვენი ნილაბი უფრო გაყალბდება. თქვენთვის ღვთისმოსაობაც ნილაბი იქნება.

მაგრამ თუ გადააბიჯებთ, თქვენი ღვთისმოსაობა ავთენტური იქნება. დაძლევა ნიშნავს მის მიღებას, მის გავლას ფხიზლად და წინსვლას, უარყოფა კი – გვერდის ავლას. ცხოვრებაში შეუძლებელია გვერდი აუარო რამეს, და თუ მაინც ასე მოხდება, თქვენ მოუმწიფებელნი დარჩებით. დადგება მომენტი, რომ თქვენ გადააბიჯებთ სექსს, მაგრამ ამას ცოდნა, გამოცდილება, ცნობიერების გაღრმავება და სიყვარული მოგიტანთ და არა უარყოფა და ჩახშობა.

იესო ამბობს: „...ნუ იფიქრებთ დილიდან საღამომდე და საღამოდან დილამდე იმაზე, რითი შეიმოსოთ”...

ნუ ჩაიცვამთ ნურაფერს. მე არ გეუბნებით, შიშველი გახვიდეთ ქალაქში, მაგრამ ნუ მიინებებთ ნურაფერს. უბრალოდ თვითმყოფადნი იყავით. როგორც არ უნდა იყოს ცხოვრება, მიიღეთ იგი, დატკბით და მიესალმეთ მას! იზეიმეთ იგი!

როგორებიც არ უნდა იყოთ, მადლიერნი იყავით უფლისა იმისათვის, რაც გაგიკეთათ. ნუ უარყოფთ საკუთარ თავს, რადგან ამით ღმერთსაც უარყოფთ – შემოქმედი ხომ ის არის, ამ სახით ხომ მან შეგქმნათ და, რასაკვირველია, უფალმა მეტი იცის, ვიდრე თქვენ.

როდესაც რამეს უარყოფთ თქვენში, ამით უარყოფთ სამყაროს შემოქმედს. თქვენ შეცდომებს პოულობთ სამყაროს თვითმყოფად არსებობაში. ეს სისულელე და უაზრობაა, მაგრამ ასეთი ადამიანები ძალიან პატივსაცემნი შეიქნენ.

იესო ამბობს: „ნუ იფიქრებთ იმაზე, თუ რა ჩაიცვათ, უბრალოდ იყავით სპონტანურნი, იყავით მგძნობიარენი ცხოვრებისადმი, ნუ ჩააყენებთ თქვენსა და მას შორის სიყალბეს, იცხოვრეთ გაელვებიდან გაელვებამდე ფიქრის გარეშე, რადგან დაფიქრება ყველაზე დიდი ნილაბია.” თუ თქვენ ქალთან მიდიხართ და გონებაში აწყობთ სიტყვებს, რაც უნდა უთხრათ, არ გყვარებით იგი, რამეთუ სიყვარული თავად ლაპარაკობს და მდინარესავით თვითონ მოედინება.

ერთხელ მარკ ტვენის ერთ-ერთ სააქტო დარბაზში გამართულ საუბარში მონაწილეობდა. იქიდან გამოსულს მეგობარმა ჰკითხა: „როგორ ჩაიარა საუბარმა, მოგეწონა?” მარკ ტვენმა მიუგო: „რა საუბარზე მეკითხები? მე სულ სხვა რამისათვის ვემ-

ზადებოდი და სრულიად სხვა საუბარში მივიღე მონაწილეობა, არადა, სულ სხვა საუბარში მსურდა მონაწილეობა. შენ რომელ მათგანზე მეკითხები?”

ასევეა მთელი თქვენი ცხოვრებაც. ემზადებით ერთი რალაცისტვის, მონაწილეობთ მეორეში, არადა, სულ სხვა რამ გინდოდათ. რატომ ხდება ასე? იმიტომ რომ, თქვენ არა ხართ სპონტანურები. სპონტანურ ადამიანს სიფხიზლე და სრული შეგნება სჭირდება, სხვა არაფერი, მაშინ ის თავისი შემეცნებით მოქმედებს. თქვენ გეშინიათ, რამეთუ არავინ იცის, რა ხდება. თქვენ ასე ფიქრობთ: „მივესადაგები სიტუაციას თუ არა?” აქედან მოდის შიშიც. მაგრამ იესო გეუბნებათ: **„...ნუ იფიქრებთ იმაზე, რითი შეიმოსებით...”**

მონაფეებმა ჰკითხეს მას:

„როდის გამოგვეცხადები და როდის გიხილავთ?”

იესომ მიუგო:

„...როცა განიძარცვავთ სამოსს და არ შეგრცხვებათ, როცა პატარა ბავშვებით ფეხქვეშ დააგდებთ და გათელავთ სამოსს, მაშინ იხილავთ მის ძეს, ვინც ცოცხალია და არაფრისა შეგეშინდებათ”...

ეცადეთ, ქრისტეს ყოველ სიტყვას ჩასწვდეთ. მონაფეებმა ჰკითხეს, როდის გამოგვეცხადებით? მაშინ, როცა იესო მთელი თავისი სიღიადით იდგა მათ წინაშე, მონაფეები ფიქრობდნენ, რომ იესო თავის სახეს მაღავდა.

ერთხელ ბუდასაც იგივე ჰკითხეს. იგი ტყეში მიდიოდა. გზა სავსე იყო გამხმარი ფოთლებით, ქარი ქროდა. ტყე საოცარ ხმას გამოსცემდა. ანანდა და ბუდა მარტონი აღმოჩნდნენ, რადგან ზოგი მონაფე წინ წასულიყო და ზოგიც უკან ჩამორჩენილიყო.

ანანდამ ჰკითხა ბუდას: „შენ ყველაფერი გაგვიმხილე, რაც გააჩნია, თუ რაიმეს ფარავ ჩვენგან?“ ბუდამ უთხრა: „ჩემი ხელისგული გახსნილია, ბუდას არ გააჩნია მუშტი, შეხედე ამ ტყეს, არაფერია მასში დაფარული. მეც ამ ტყესავით გახსნილი ვარ...“ შემდეგ რამდენიმე გამხმარი ფოთოლი მომუჭა და თქვა: „ახლა ჩემი მუშტი შეკრულია და შენ ვერ დაინახავ ამ ფოთლებს“.

ძუნწი ადამიანიც, რომელსაც არ სურს ცოდნა სხვას გაუზიაროს, მუშტს ჰგავს. შემდეგ ბუდამ გაშალა ხელისგული, ფოთლები გადმოცვივდა და თქვა: „ბუდას ხელი უკვე მომუშტული კი არა, გაშლილია, მე განვაცხადე ყველაფერი და თუ შენ გრძნობ, რომ რაღაც დამალულია, ეს შენგან გამომდინარეობს და მე არაფერ შუაში ვარ“.

იესო მონაფეებთან დგას, ისინი კი ეკითხებიან, როდის გამოგვეცხადებო. იგი უკვე გამოცხადდა „...და როდის გიხილავთ...“ მონაფეები ფიქრობდნენ, რომ იესო იმალებოდა. არა, იესო არ იმალება, მონაფეები არ არიან გახსნილები, მათი ცნობიერება დაბინდულია და ვერ ხედავენ ქრისტეს.

ჭეშმარიტება არ არის დაფარული, ეს თქვენ ხართ ჩაკეტილნი. ჭეშმარიტება გამოცხადებულია ყველგან და ყოველ წამში.

ჭეშმარიტება არასოდეს არ არის დაფარული, მხილოდ ტყუილი ესწრაფვის დამალვას. მხოლოდ სიცრუეა საიდუმლო. ჭეშმარიტება გაშლილ ხელისგულს ჰგავს, ეს თქვენ ხართ შეკრული, მუშტივით ჩაკეტილნი.

პრობლემა თქვენია, ამბობს იესო: „როდესაც განიძარცვავთ სამოსს და არ შეგერცხვებათ...“

თქვენ შეგიძლიათ ტანთ გაიხადოთ, მაგრამ უნინდებურად დაგეუფლებათ სირცხვილი, რამეთუ ამ შემთხვევაში ნამდვილად არ გაშიშვლდებით. ეს სიშიშვლე არ იქნება უმანკო.

სირცხვილი სიეშმაკეა. ქრისტიანულ რელიგიაში სირცხვილი თავდაპირველი შეცოდებაა. გსმენიათ, ადამსა და ევას რა შეემთხვათ? როდის შესცოდეს? დიდხანს იკვლევდნენ იმას, თუ როდის შესცოდეს პირველად ადამმა და ევამ? ღმერთმა მათ შემეცნების ხიდან ნაყოფის ჭამა აუკრძალა, მაგრამ ისინი აცდუნეს. ეს ბუნებრივია, აკრძალვას ცდუნება მოჰყვება. ასეთია ტვინის მოქმედება, მაგრამ მას სხვა ოინიც გააჩნია: ის თქვენ გაცდუნებთ, მაგრამ პასუხისმგებლობას ყოველთვის სხვას აკისრებს.

ადამმა და ევამ თვითონვე აცდუნეს საკუთარი თავი და ყველაფერი ეშმაკს გადააბრალეს. „ეშმაკიც“ მათი მოგონილია და ცდუნებაც მათი გონებიდან გამომდინარეობს. თქვენც ასე აკეთებთ: როცა შეცდებთ, ეშმაკს აბრალებთ ყველაფერს და ვერ ხვდებით, რომ ყველაფერი თქვენი ტვინის ოინებია.

ადამსა და ევას ღმერთმა უთხრა: „ნუ იხილავთ ამ ხის ნაყოფს“. ისინი ურწმუნონი იყვნენ, თორემ მოერიდებოდნენ იმ ხეს. ადამმა და ევამ დაასკვნეს, რომ ღმერთმა იმიტომ აუკრძალა მათ კეთილისა და ბოროტის შეცნობის ხის ნაყოფის ჭამა, რომ ღმერთს არ სურდა, ისინი მას დამსგავსებოდნენ, რამეთუ, მათი აზრით, როცა ნაყოფს შეჭამდნენ, ღმერთივით ყველაფერი ეცოდინებოდათ.

მაგრამ ისტორია გვაუწყებს, რომ ისინი ეშმაკმა აცდუნა. ეს იყო ადამისა და ევას გამოცდა – სწამდათ თუ არა ღმერთი. მაგრამ გონებამ დაიყოლია ისინი. სწორედ მათი ტვინია „ეშმაკი“.

ემმაკი ადამსა და ევას გველის სახით მოევლინა. გველი მზაკვრობის უძველესი სიმბოლოა. ეს არის ტვინი – ყველაზე ცბიერი რამ. ევამ პასუხისმგებლობა ემმაკს დააკისრა, ადამმა კი – ევას. მამაკაცი მუდამ ამბობს, რომ ქალი არის მაცდური. ისინი ყოველთვის ქალებს ადანაშაულებენ.

მსოფლიოს ყველა სჯულის წერილში ქალი ყოველთვის მაცდურ არსებადაა გამოყვანილი. მას უბედურების მთავარ მიზეზად თვლიან, საკუთარ ცდუნებას ევა „ემმაკს“ აბრალებს, ადამი – ევას. მაგრამ თუ სადმე ემმაკს დაიჭერთ და ჰკითხავთ ამის შესახებ, მისი პასუხი ასეთი იქნება: „ყველაფერი ღვთის ბრალია, რამეთუ მან აკრძალა ნაყოფის შექმა და ამან გამოიწვია მსოფლიოს ყველა უბედურება. ედემის ბალი უზარმაზარი იყო, მასში მილიონობით ხე ხარობდა, ადამი და ევა თვითონ არც მივიდოდნენ ცნობიერების ხესთან, მაგრამ როცა ღმერთმა მისი ნაყოფის შექმა აკრძალა, მათთვის მთელი ბალი უინტერესო შეიქმნა ამ ხის გარდა. ეს იყო ღვთის დანაშაული!“ ასეთია ტვინის ხრიკები, მაგრამ ისტორია თავისთავად მშვენიერია და ათასნაირია მისი ინტერპრეტაცია. მასში მილიონი განზომილებაა.

ადამმა და ევამ, შეჭამეს თუ არა აკრძალული ხის ნაყოფი, თავისი სიშიშვლის იმ წამშივე შერცხვათ. რაშია ცოდვა? რომის პაპი ასე გიპასუხებთ – ღვთისადმი დაუმორჩილებლობაში, იმიტომ, რომ მათ აწყობთ თქვენი მორჩილება. თეოლოგ ფილოსოფოსებს თუ ჰკითხავთ, ისინი გეტყვიან: „ცოდვა იმაში მდგომარეობს, რომ მათ შეჭამეს ცნობიერების ხის ნაყოფი, რადგან, როდესაც ფიქრობთ – უბედურება მატულობს. ცხოვრება ფიქრის გარეშეა უმნიშვნელო, ბავშვები უხინჯონი იმიტომ არიან, რომ ისინი დიდებით ვერ ფიქრობენ, მოზრდილი ადამიანის

გონება დაძაბულია და დატვირთულია ათასი აზრითა და საქმით, ოცნებითა და ფიქრით”. ასე რომ, თუ ჰკითხავთ ფილოსოფოს-ეგზისტენციალებს, ისინი გეტყვიან, რომ ცდუნება შემეცნების ხის გამო მოხდა. თუ ჰკითხავთ ფსიქოლოგებს, ისინი გიპასუხებენ, რომ ცდუნება სირცხვილმა გამოიწვია, რამეთუ, როცა გრცხვენიათ, თქვენ საკუთარ თავს უარყოფთ. ბავშვები თავისუფლად დადიან შიშვლები, რადგანაც არაფრის რცხვენიათ, მაგრამ თქვენ აიძულებთ, მათ შერცხვეთ.

იესომ თქვა: **„...როდესაც განიძარცვავთ სამოსს და არ შეგრცხვებათ...”**

ადამმა და ევამ სასქესო ორგანოები ლელვის ფოთლებით დაიფარეს – ეს იყო პირველი ტანსაცმელი, რომელიც ადამიანებმა გამოიგონეს და ცხოვრება დაიწყო. როგორ შესძლებთ ედემის ბაღში ხელახლა შესვლას? მოიშორეთ თქვენი ლელვის ფოთლები!

აი, რის შესახებ ლაპარაკობს იესო. ეს არის გზა სამოთხისკენ. შესაძლოა, განიძარცვოთ სამოსი, მაგრამ კვლავაც გრცხვენოდეთ. შეიძლება ირბინოთ ტიტვლებმა, მაგრამ არ იყოთ გაშიშვლებულნი.

სიშიშვლე გულისხმობს სხეულის აღქმას მთლიანობაში ისეთს, როგორც სინამდვილეშია. არანაირი ბრალდება ტვინში, არანაირი გაყოფა სხეულში, უბრალოდ მიღება. მაჰავირი ტიტველი როდია, იგი არ არის ნუდისტური კლუბის წევრი, მაგრამ ბავშვივით შიშველია. ნუდისტები შიშვლები კი არ არიან, არამედ მათი უტანსაცმლობა ანგარებიანი და გამოთვლილი ფანდია. მათი სიტიტვლე პროტესტია საზოგადოებისადმი, ეს არის რეაქცია. ისინი არ არიან უმწიკვლონი. იესო ამბობს: **„...როცა**

პატარა ბავშვივით ფეხქვეშ დაიდებთ და გათელავო სამოსს...”
მაშინ მიხილავთო.

უპირველესად, უნდა მიიღოთ თქვენი სიშიშველე და იყოთ ისე, როგორც ღმერთის წინაშე იქნებოდით, როგორც ბავშვი დგას მშობლების წინაშე შიშველი. თუ ღვთაების შეგრცხვებათ, იფარებთ ნილაბს. შუაში დგება სირცხვილი. თუ გრცხვენიათ, გეშინიათ კიდევ. თუ თქვენში სირცხვილი გაქრება, აღარაფრის შეგეშინდებათ. შიში ქრება სირცხვილთან ერთად. მაშინ კი აგეხილებათ თვალი და ღვთის ძეს დაინახავთ, „მის ძეს, ვინც ცოცხალია”.

ჩემთან მოდის ხალხი და მეკითხება: „როგორ დავინახოთ მოძღვარი გასხვიოსნებულისა თუ არაო?”

ისეთ მდგომარეობაში, როგორშიც ახლა იმყოფებით, როგორ შეიცნობთ გასხვიოსნებულ მოძღვარს? ეს იგივეა, ბრმამ რომ იკითხოს, როგორ გავიგო შუქი არის თუ არაო. ჭეშმარიტი მოძღვარის დასანახად თვალი უნდა გიჭრიდეთ.

თქვენ ვერ გაიგებთ, გასხვიოსნდა ადამიანი თუ არა, ქრისტეს შესაცნობად ძალა არ შეგწევთ, თორემ ჯვარს არ აცვამდით მას.

იესო შეშლილად გამოაცხადეს. როცა მას ჯვარი გოლგოთაზე მიჰქონდა, ხალხი ქვებსა და ტალახს ესროდა და უხაროდათ თავიანთი საქციელი: „ეს არის იუდეველთა მეფე!”... „ეს არის ძე ღვთისა.” დასცინოდნენ იესოს. უკანასკნელად კი მაშინ დასცინეს, როცა ორ ავაზაკთან ერთად ჯვარზე გააკრეს. ბრბოსთან ერთად, მას ეს ორი ავაზაკიც მასხრად იგდებდა. ერთ-ერთმა მათგანმა უთხრა: „ახლა ჩვენ ჯვარს გვაცვამენ. ნუ დაგვივინ-

ყებ, იმ შენს „ღვთის სასუფეველში“ ჩვენც გაგვიხსენე! ჩვენც შეგვანე სიტყვა, შენ ხომ ყველაფერი ძალგადას!“...

ხალხმა ვერ შეიცნო ქრისტე, რამეთუ ისინი ბრმები იყვნენ.

იესომ თქვა: „...როცა პატარა ბავშვებით ფეხქვეშ დაადებთ და გათელავთ სამოსს...“

როცა ბავშვს პირველად აცმევენ, ამით თავისუფლებას უსპობენ და აიძულებენ, მუდამ სამოსი ატაროს. მაგრამ ბავშვი, როგორც კი მოიხელთებს, ფეხქვეშ გაიგდება ხოლმე თავის ტანსაცმელს და თელავს. იგი თავის სიშიშვლეს ზეიმობს და თუ თქვენც შესძლებთ ბავშვის მსგავსად მოიქცეთ, „...იხილავთ მის ძეს, ვინც ცოცხალია და არაფრისა შეგეშინდებათ“...

შიში სირცხვილიდან მოდის. თავდაპირველად თავს დამნაშავედ გრძნობთ, შემდეგ გრცხვენიათ. გიპყრობთ შიში და იმ ადამიანებთან მიდიხართ, რომლებმაც სირცხვილი და შიში ჩაგინერგათ, რათა ახლა მათი დაძლევა გასწავლოთ.

მაგრამ მათ თქვენი დახმარება არ ძალუძთ. ისინი გეტყვიან: „ევედრეთ ღმერთს და ღვთისმოსიშნი იყავით!“ მათ არ შეუძლიათ თქვენი გამოყვანა შიშის მდგომარეობიდან. მხოლოდ იესოს ძალუძს შიშის დაძლევაში დაგეხმაროთ. მიიღეთ თქვენი თავი და არაფრის არ შეგეშინდებათ. იყავით ბუნებრივები და გჯეროდეთ რეალობის. იწამეთ ყველაფერი, რაც რეალურია.

ნუ შექმნის საწინააღმდეგო მხარეს, რადგან მერე ნიღბები დაგჭირდებათ. შინაგანი განრისხებისას თქვენი მიმტევებლობა ყალბი იქნება. სექსუალური ნდობით აღძრულნი, სახეს ბრაჰმინარის* ნიღბით დაიფარავთ, მაგრამ ეს ვერ გიშველით. ისინი თქვენშივე დარჩებიან და ღრმად არაცნობიერში ჩაიძირებიან.

მოგითხრობთ ერთ ამბავს: ერთი მეცნიერი ცდილობდა აღ-
მასის საიდუმლოს ამოხსნას. თითქმის მიზანს მიაღწია, მხო-
ლოდ ერთი საკითხი ვერა და ვერ გაერკვია, თუ ამ საკითხს
ამოხსნიდა, იგი მსოფლიოში ყველაზე მდიდარი კაცი შეიქნებო-
და. მაგრამ ყველა ცდა უშედეგო იყო და ვერ პოულობდა პასუხს.
მერე ვილაცამ ურჩია, ნასულიყო ტიბეტში, სადაც ერთი ბრძენი
ქალი ცხოვრობდა, რომელსაც ყველა კითხვაზე პასუხის გაცემა
შეეძლო და მისთვის მიემართა. მეცნიერს ეს რჩევა ჭკუაში და-
უჯდა და როგორც იქნა, მიაღწია ტიბეტამდე. დილა იყო, როცა
ბრძენ ქალს კარზე მიუკაკუნა. მან კარი გაუღო. ის უმშვენიერე-
სი არსება აღმოჩნდა. ქალი მთელი არსებით ეპატიჟებოდა კაცს
შინ, თვალებში ვარსკვლავები უკრთოდა. მან მეცნიერს მიმარ-
თა: „შემობრძანდით, ჩემი ქმარი შინ არ არის. თქვენ მხოლოდ
ერთი კითხვა შეგიძლიათ დამისვით“. მეცნიერმა დაუდევრად
წამოიხსროლა: „როდის დაბრუნდება თქვენი ქმარი?“ სინამდვი-
ლეში ალბათ ეს ერთადერთი კითხვა აწვალებდა მას. სადღაც,
ღრმა ქვეცნობიერებაში სექსი იყო მისი პრობლემა. ალმასზე
მუშაობა, როგორც ჩანს, მხოლოდ მისი გატაცება იყო. ალბათ,
იგი გულში ფიქრობდა: „როცა ყველაზე მდიდარი გავხდები,
ყველა უმშვენიერესი ქალი ჩემი იქნებაო“. ამასთანავე, შესაძ-
ლოა, არც გაეცნობიერებინა ეს აზრი. შეგიძლიათ იმუშაოთ ზე-
დაპირულად არაცნობიერის გაუცნობიერებლად, მაგრამ საჭი-
რო მომენტში ის ამოხეთქავს და წარმოჩინდება. გაქცევა ვერ
გიშველით, თქვენი გარდასახვა კი მაშინ მოხდება, საკუთარ არ-
სებას თუ ღრმად ჩასწვდებით და აღიარებთ საკუთარ სინამდვი-
ლეს, როცა არ დაიწყებთ განსჯას. ნუ იქნებით მსაჯულები,
თქვენი ბუნების ინამეთ და მისდით მის დინებას, ნუ ეცდებით

დინების სანინაალმდეგო მიმართულებით ცურვას. აი, რას ნიშნავს სიშიშველე.

ცხოვრებას რწმენით მისდიეთ და მიენდეთ, სადაც არ უნდა წაგიყვანოთ მან. ნუ ემონებით საკუთარ მიზნებს. თუ გაქვთ მიზანი, თქვენ ცხოვრების წინააღმდეგ მიდიხართ. ეს არ არის ბიზნესი. ცხოვრება პოეზიაა, იგი გულიდან მოდის და არა თავიდან. ცხოვრება პოემაა, საჭიროა მას ენდოთ, ეჭვები ვერაფერს გიშველით. ცხოვრება ირაციონალურია. მას არ სწამს არისტოტელე და ლოგიკა. მას სწამს სიყვარული, პოეზია და მისტიკა. სიცოცხლე დიდი საიდუმლოა. ეს გამოცანა არაა, რომელიც უნდა ამოხსნა. საიდუმლო გახსნილია. მხოლოდ თქვენა ხართ დახურულნი. საიდუმლო გაცხადებულია ყველგან: ყოველ ხეში, ყოველ ფოთოლში, მზის თითოეულ სხივში, მხოლოდ თქვენა ხართ დახშულნი.

რატომ ხართ ჩაკეტილნი? თქვენ არ ლებულობთ შინაგან ცხოვრებას და როგორ შესძლებთ გარესამყაროს მიღებას? უპირველესად, საკუთარი თავი მიიღეთ ისეთი, როგორიც ხართ. მაშინ გარდაისახებით; თუ მიიღებთ, აღარასოდეს იქნებით ისეთი, როგორებიც ახლა ხართ. გარდასახვა ხდება თავისთავად, ის მომდინარეობს საკუთარი შესაბამისობიდან.

ეს არის ის, რაზეც იესო ლაპარაკობს: „იყავით შიშველნი“, მოიშორეთ ყველაფერი, რაც საზოგადოებამ მოგცათ. მას თქვენთვის სიცოცხლე არ მოუცია, მან მხოლოდ „სამოსი“ გიბოძათ. საზოგადოებას არ მოუცია თქვენი ჭეშმარიტი „მე“, მან „ეგო“ მოგცათ, განიძარცვეთ სამოსი და „ეგოც“ გაქრება.

ერთმა კაცმა მეფე იბრაჰიმს ურჩია, მის მოძღვართან მისულიყო. იბრაჰიმი მივიდა მოძღვართან, რომელმაც ჰკითხა: „-

მზად ხარ, ყველაფერი მიიღო და აღიარო?” – მეფემ მიუგო: „მე ამისათვის მოვედი შენთან, რასაც მეტყვი, შევასრულებ.“

მოძღვარმა შეხედა და უთხრა: „კარგი, გაიძრე ტანსაცმელი!“

მონაფეები შენუხდნენ, რამეთუ იბრაჰიმი მეფე გახლდათ, მისი გაშიშვლება არ იყო აუცილებელი. ეს მათთვისაც კი არასდროს უთხოვიათ.

ერთ-ერთმა მონაფემ ყურშიც კი ჩასჩურჩულა მოძღვარს: „ოსტატო, ეს მეტისმეტია, ნუ იქნები ასეთი დაუნდობელი. ეს ჩვენგანაც არასოდეს მოგიტხოვია“.

მაგრამ მოძღვარმა ისევ მეფეს მიმართა: „აიღე შენი ფეხსაცმელები, გადი ქუჩაში, თავში წაიშინე და შიშველმა მთელი ქალაქი შემოიარე!“

თანაც ეს უბრალო ქალაქი კი არა, სახელმწიფო დედაქალაქი იყო.

იბრაჰიმმა კი აღასრულა მოძღვრის ბრძანება – შიშველმა მოიარა მთელი დედაქალაქი, თან ფეხსაცმელებს იცემდა თავში. ამბობენ, უკან გასხივოსნებული დაბრუნდაო.

რა მოხდა? იბრაჰიმმა სამოსი გაიძრო. იგი დიდი შესაძლებლობების ადამიანი იყო. ამიტომ მოითხოვა ოსტატმა მისგან ამდენი. რაც უფრო მეტია თქვენი შესაძლებლობები, უფრო მეტის შესრულებას დაგავალვართ ოსტატი.

იბრაჰიმი შემდეგში თვითონ გახდა დიდებული ოსტატი, რადგან მან ყველაფერი გადაყარა საზოგადოებისგან ბოძებული.

„ეგო“ ტვირთია, მაგრამ თქვენ საკუთარ შეგნებაში ათავსებთ მას და ზიდავთ. მრავალჯერ შეცდით, მრავალჯერ დამარ-

ცხდით, მრავალჯერ დაეცა თქვენი „ეგო“, მაგრამ ნაგვემნი, გულგატეხილნი, დამარცხებულნი და უიღბლონი უნინდებურად იმედინად ეზიდებით საკუთარ ტვირთს.

გიამბობთ პატარა ამბავს: ერთხელ ლომი ვეფხვთან მივიდა და ჰკითხა: „ვინ არის ტყის პატრონი“?

ვეფხვმა უპასუხა: „რა თქმა უნდა, თქვენა ხართ ერთადერთი ბატონი, ერთადერთი მეფე!“

ლომმა ახლა დათვს მისცა იგივე შეკითხვა.

დათვმაც იგივე უპასუხა, რაც ვეფხვმა.

ახლა სპილოს შეხვდა ლომი და შეეკითხა: „ვინ არის ტყის ბატონ-პატრონი“.

სპილომ ლომი შორს მოისროლა. ლომი ქვას დაენარცხა. გასისხლიანებული და დაბეგვილი ეახლა სპილოს და უთხრა: „თუ არ შეგიძლია სწორი პასუხის გაცემა, ასე მაინც არ უნდა მოიქცეო“.

აი, როგორ იქცევით თქვენ. სიუხეშით სპილოს ჰგავხართ. უბრალოდ თქვით, რომ პასუხი არ იცით.

თუ თქვენ შეგწევს ძალა აღიაროთ, რომ წარუმატებლობაში ინგრევა ყოველივე, რაც საზოგადოებამ მოგცათ, მაშინ წარუმატებლობა ყველაზე დიდი წარმატების საწყისად შეიძლება იქცეს. ამიტომ ხდება, რომ მხოლოდ წარუმატებლობა აქცევს ადამიანს რელიგიურად. ისიც იმ შემთხვევაში, თუ თავისი შეცდომების აღიარება შეუძლია.

ძნელია გახდეთ მორწმუნენი, თუ უკვე მიაღწიეთ გარკვეულ წარმატებას. ამ დროს სამოსი იმდენად მოგხიბლავთ, რომ აღარ იზრუნებთ სიშიშვლეზე. წარუმატებლობის დროს კი უეცრად შეიგრძნობთ სიშიშვლეს და ვერაფერი დაფარავს მას. თქვენ შე-

გიძლიათ მხოლოდ საკუთარი თავის მოტყუება და მეტი არაფერი. გამოიყენეთ თქვენი წარუმატებლობანი! და როცა ქვაზე მიგანარცხებენ, დაბეგვილები და დასისხლიანებულები ნულა გაიმეორებთ ლომის ბრიყვულ სიტყვებს. აღიარეთ, რომ ამქვეყნად არ არსებობს წარმატება. იგი არც შეიძლება არსებობდეს, რამეთუ ყველაფერი ყალბია. ყალბი ნიღბებით ვერაფერს შესძლებთ. თქვენი წარმოსახული ნაპოლეონი, ალექსანდრე მაკედონელი და ჩინგიზ-ხანიც დამარცხდნენ.

იესო იღბლიანია იმიტომ, რომ მთელი თავისი ბუნებითა და არსებით გაშლილია კიდით-კიდემდე. შეეცადეთ, მის ნათქვამს ჩასწვდეთ. მაგრამ მხოლოდ გაგება არ არის საკმარისი. ნელ-ნელა, თანდათან განიძარცვეთ სამოსი, გაშიშვლდით და თქვენ განინმინდებით! მაშინ შესძლებთ ის ვაშლი მოისროლოთ, ადამამა და ევამ რომ შეჭამეს; მაშინ თქვენთვის სამოთხის კარი ხელახლა გაიღება.

ქრისტიანები ამბობენ, რომ ადამსა და ევასთან ერთად სამოთხიდან მთელი კაცობრიობა გამოაძევესო. იესო ქრისტეთი სამოთხის კარი ხელახლა გაიღო. თქვენ შეგიძლიათ, შეხვიდეთ სამოთხეში, მაგრამ მარტო იმიტომ არა, რომ ქრისტიანები ხართ. თქვენ იესო უნდა აღიაროთ. ამას კი მხოლოდ მაშინ შესძლებთ, როცა საკუთარ არსში აღმოაჩინოთ და შეიცნობთ ქრისტეს.

1974 წლის 24 აგვისტო

პუნა, ინდოეთი

საუბარი მეხუთე

მეხუთე შეგონება

იესომ თქვა:

– უკეთუ მარხულობთ, სცოდავთ, უკეთუ ლოცულობთ, განიკითხებით, და თუ მოწყალებას გაიღებთ, საკუთარ სულს ავნებთ.

– უკეთუ მიდიხართ უცხო მიწა-წყალზე და ქვეყნად დაეხეტებით, თუ ხალხი მიგიღებთ, ჭამეთ ის, რასაც წინ დაგიდგამენ და განკურნეთ მათ შორის ავადმყოფნი.

რამეთუ, ის რაც თქვენ პირში ჩადის, არ წაუბილწავთ, მაგრამ ის, რაც თქვენი ბაგეთგან ამოდის, წაგბილწავთ თქვენ...

(თომა, 15)

იესოს ეს სიტყვები უცნაურად ჟღერს იმიტომ, რომ ადამიანი არ არის გულწრფელი, იგი მთელი ცხოვრება ნილაბაფარებული თამაშობს და რაც არ უნდა გააკეთოს, ყველაფერი ყალბი იქნება. თუ თქვენ ლოცულობთ, ლოცულობთ ანგარე-

ბით. ამავე მიზეზით მარხულობთ კიდეც, რამეთუ თქვენ არა ხართ ჭეშმარიტნი!

ასე რომ, საკითხავი ის კი არ არის, როგორ იმოქმედოთ სწორად, არამედ ის, როგორ იყოთ ნამდვილი საკუთარ ყოფიერებაში. თუ თქვენი ყოფა სწორია, თქვენი ყოველი საქციელიც თავისთავად გამართლებული იქნება, წინააღმდეგ შემთხვევაში კი ყველაფერი არასწორად წარიმართება.

ბოლოს და ბოლოს, ყველაფერი იმაზეა დამოკიდებული, თუ ვინ ხართ თქვენ და არა იმაზე, რას აკეთებთ. თუ ქურდი ლოცულობს, მისი ლოცვა ყალბია, რადგან შეუძლებელია, ლოცვა ჩაისახოს ისეთი ადამიანის გულში, ვინც ყველას ატყუებს, ქურდობს, ცრუობს ან მავნებელია. ლოცვას შეუძლია გარდაგახნოთ, რამეთუ იგი თქვენიდან მოდის. თუ თქვენ არაჯანსაღი ხართ, თქვენი ლოცვაც ყალბი იქნება.

ერთხელ მოლა ნასრედინი რომელიღაც სამსახურში უნდა მიეღოთ. ანკეტაში მან დაწვრილებით ჩანერა, რომ თავიდან უნივერსიტეტში ასწავლიდა, შემდეგ ნაციონალური ბანკის ვიცე-პრეზიდენტობა შესთავაზეს, მაგრამ მოლამ უარი განაცხადა, რადგან ფული არ აინტერესებდა. იგი წერდა, რომ პატიოსანი კაცია და ნამდვილი ადამიანი, არ არის ხარბი და არ წუხს ჯამაგირზე. „რამდენსაც გადამიხდით, იმით დავკმაყოფილდები, კვირაში 65 სამუშაო საათზეც თანახმა ვარო“, – ასე დაამთავრა ანკეტის შევსება ნასრედინმა.

როცა მისი ანკეტა მმართველმა წაიკითხა, აღფრთოვანებულია უთხრა: „ღმერთო ჩემო! რაიმე ნაკლი თუ გაგაჩნიათ?“

ნასრედინმა უპასუხა: „მხოლოდ ერთი – მე ცრუპენტელა ვარ“.

ეს ერთი ნაკლი უამრავ დადებით თვისებას აღემატება. თქვენც ერთი ნაკლი გაქვთ, მაგრამ იგი წარმოშობს სხვა დანარჩენს. თქვენი სუსტი მხარე საკუთარი ჩრდილივით თან დაგდევთ. რასაც არ უნდა აკეთებდეთ, ის თავის ელფერს აძლევს თქვენს ნამოქმედარს. ამიტომ რელიგიაში მთავარია არა „რა ვაკეთოთ“, არამედ „რანი ვიყოთ“. **„ყოფა, აღნიშნავს თქვენს შუაგულს, „მოქმედება“ კი პერიფერიებში ზედაპირული აქტიურობაა.**

„მოქმედება“ ნიშნავს თქვენს დამოკიდებულებას გარე სამყაროსთან, სხვებთან, ხოლო „ყოფაში“ თავად თქვენ იგულისხმებით ისეთები, როგორებიც სინამდვილეში ხართ. „მოქმედება“ მეორეხარისხოვანია, ხოლო ყოფიერება ადამიანის დედაარსია. იესო, ბუდა და კრიშნა ყოფიერებაზე ლაპარაკობენ, ხოლო ტაძრები, ეკლესიები, მეჩეთები, ორგანიზაციები, სექტები, ე. წ. გურუები, მასწავლებლები და ქურუმები მოქმედებისკენ მოგიწოდებენ. მხოლოდ იესო მოგცემთ თქვენი ყოფის გარდასახვის საშუალებას. რომის პაპს თუ დაეკითხებით, ის გასწავლით, როგორ იმოქმედოთ, გესაუბრებათ მორალზე. მორალი ქმედებას უკავშირდება, რელიგია – ყოფიერებას.

იესოს მსგავსი პიროვნებების შეგონებებს ჩვენ ვერ ვწვდებით. გაუგებრობა კი იმის გამო წარმოიშობა, რომ ერთმანეთისაგან ვერ ვანსხვავებთ ყოფასა და ქმედებას: იესო ყოფიერებაზე გვესაუბრება, ჩვენ კი მოსმენისთანავე ჩვენივე ინტერპრეტაციის შედეგად ვიგებთ, როგორც ქმედებას.

თუ ამას ჩასწვდებით, არც იესოს სიტყვები: **„უკეთუ მარხულობთ, თქვენ სცოდავთ; უკეთუ ლოცულობთ, განიკითხებით; და თუ მონალებას გაიღეთ, საკუთარ სულს ავნებთ“...** ძნელად

გასაგებად მოგეჩვენებათ. ამ სიტყვებმა თქვენ გზა უნდა გაგინათოთ, სხვაგვარად ისინი უფრო უცნაურად აჟღერდება და ანტირელიგიურ სახეს მიიღებს.

იესოს ქადაგება ქურუმებს ანტირელიგიურად მოეჩვენებოდათ, ამიტომაც აცვეს იგი ჯვარს, რამეთუ, მათი აზრით, იესო რელიგიის დაუძინებელი მტერი იყო.

კიდევ ერთხელ მოვუსმინოთ ქრისტეს:

„უკეთუ მარხულობთ, თქვენ სცოდავთ...“

რელიგია მარხვისკენ მოგვიწოდებს და ქადაგებს, რომ მარხვის გზით განიწმინდებით. ჯაინების სარწმუნოება მარხვაზეა აგებული. მათ რომ იესოს ეს ნათქვამი მოესმინათ, მას საშიშად ჩასთვლიდნენ და კმაყოფილნი იქნებოდნენ იუდეველების მოქმედებით.

იესოს მეამბოხური ქადაგების გამო მთელ ებრაულ მორალს გაქრობის საშიშროება შეექმნა.

„...უკეთუ ლოცულობთ, განიკითხებით; და თუ მონყალებას გაიღებთ, საკუთარ სულს ავნებთ“... – გსმენიათ ოდესმე ეს სიტყვები? მაშ, რა არის რელიგია? მორწმუნემ ხომ ეკლესიაში სალოცავად უნდა იაროს და გულმონყალე იყოს! იესო კი ამბობს: – არა! უცნაურზე უცნაური გამონათქვამია, მაგრამ აღსავსეა აზრით, იესო გეუბნებათ, რომ თქვენ, ისეთებს, როგორნიც სინამდვილეში ხართ, არც წრფელი ლოცვა შეგიძლიათ და არც ნამდვილად მონყალების გაღება... მთავარი ის კი არ არის, იმარხულებთ, გაიღებთ მონყალებას, ილოცებთ თუ არა, მთავარია ის, რომ თქვენს ახლანდელ მდგომარეობაში ყველაფერს არასწორად მოიმოქმედებთ.

თქვენ შეგიძლიათ, ნახვიდეთ ტაძარში სალოცავად, ლოცვისთვის საჭირო თვისებები კი არ გააჩნიათ. შეხედეთ მლოცველებს. ისინი, როგორც თქვენ, საკუთარ თავს ატყუებენ, რამეთუ არც მათ გააჩნიათ ის უნარი, რასაც ლოცვის სრულყოფილება ჰქვია და თუ თქვენ ფლობთ მას, რაღა საჭიროა ტაძარში ან ეკლესიაში წასვლა?

სადაც თქვენ ხართ, თქვენი ლოცვაც იქ არის! ხედავთ, სუნთქავთ და ეს არის ლოცვა! ჭამთ ან გიყვართ, ესეც ლოცვაა! იმიტომ, რომ ლოცვის სრულყოფილება თვითონ თქვენშია. ეკლესია და ტაძრები კი მათთვის არის განკუთვნილი, ვისაც საკუთარი თავის მოტყუება სურს, ვისაც არ გააჩნია ლოცვის უნარი და ვისაც სურს დაიჯეროს, რომ ნამდვილად ლოცულობს.

ერთი ცოდვილი კაცი კვდებოდა. იგი არასოდეს ყოფილა ტაძარში, არ ულოცია, არასოდეს მოუხმენია რელიგიის ქურუმებისთვის, მაგრამ სიკვდილის მოახლოებამ შეაშინა და ქურუმის მოყვანა ითხოვა. მოსულ ქურუმს მომაკვდავთან მიღეთის ხალხი დახვდა თავმოყრილი, რადგან იგი მეტად ჩინებული, სახელოვანი და მდიდარი კაცი იყო.

ცოდვილმა კაცმა ქურუმს ახლოს მისვლა სთხოვა და ყურში ჩასჩურჩულა: „კარგად ვიცი, რომ ცოდვილი ვარ, არასოდეს ვყოფილვარ ეკლესიაში, ურწმუნო ვარ და არც მილოცია... ვიცი, ხალხი არ მაპატიებს, მაგრამ დამეხმარე და ცოტაოდენი სიმტკიცე შემმატე. მითხარი მხოლოდ, რომ ღმერთი შემინდობს!“

„კარგი, – მიუგო ქურუმმა, – შესაძლოა, ღმერთმა შეგინდოს კიდევ, რამეთუ იგი ისეთს არ გიცნობდა, როგორსაც ჩვენ გიცნობდით“.

მაგრამ თქვენ თუ ქვეყნის მოტყუება ვერ შესძელით, ღმერთს როგორ მოატყუებთ? თუ ვერ მოატყუეთ ჩვეულებრივი ტვინი, შესძლებთ კი მოატყუოთ ღვთაებრივი გონი? ქურუმის პასუხი მხოლოდ დამშვიდებაა, მოხერხებული პასუხია: „შესაძლებელია“, მაგრამ სიტყვა „შესაძლებელია“ სიცრუეა და ასეთ „შესაძლებელს“ ნუ მოეჭიდებით.

ლოცვა – ეს არის უნარი, რომელიც არსს მიეკუთვნება და არა პიროვნებას.

პიროვნებაა ის, ვინც მოქმედებს, ხოლო არსი ღვთისაგან ნაბოძებია. ლოცვა არსს ეკუთვნის – იგი თქვენი არსის უნარია.

რა არის მარხვა? როგორ მარხულობენ ადამიანები? ქრისტეს სიტყვები უფრო ღრმაა, ვიდრე მაჰავირის ნებისმიერი მტკიცება მარხვის შესახებ. იესო გვამცნობს ღრმა ფსიქოლოგიურ ჭეშმარიტებას – ადამიანის გონება უკიდურესობისაკენ მიემართება. ვინც ძალიან ნუხს და ზრუნავს საჭმელზე, მას შეუძლია მარხვა. ეს თითქოს უცნაური პარადოქსია, მაგრამ მხოლოდ ასეთ პიროვნებებს შეუძლიათ ადვილად იმარხულონ, ხოლო ვინც თავისი დიეტა დააბალანსა, მარხვას შეუძლებლად მიიჩნევს. რატომ? ამ კითხვას რომ ვუპასუხოთ, მარხვის ფიზიოლოგიასა და ფსიქოლოგიას უნდა გავეცნოთ.

თუ ბევრს ჭამთ, ცხიმის დიდ მარაგს აგროვებთ და თავისუფლად შეგიძლიათ იმარხულოთ. ქალებს უფრო იოლად შეუძლიათ საკვებისგან თავის შეკავება, ვიდრე მამაკაცებს. ერთ მარხულე ჯაინზე ხუთი მომარხულე ქალი მოდის, ქალის სხეული უფრო მეტ ცხიმს აგროვებს და ეს ეხმარება მას მარხვის პერიოდში. რატომ იკლებთ ყოველდღიურად ერთ ან ორ

ფუტს, როცა მარხულობთ? თქვენ იკვებებით საკუთარი სხეულის მარაგით, ეს არის ხორცის ჭამის ერთ-ერთი სახეობა.

ქალის სხეული დაგროვილი ბევრი ცხიმის გამოა სიმრგვალისაკენ მიდრეკილი. მსუქანი ადამიანები უფრო იოლად მარხულობენ და იოლად შეუძლიათ დიეტის დაცვა. თუ თქვენ გამხდარი ხართ, ეს იმას ნიშნავს, რომ საჭმლის იმ განსაზღვრულ რაოდენობას იღებთ, რაც საჭიროა სხეულის ყოველდღიური აქტიურობისათვის და ზედმეტ ცხიმს არ აგროვებთ. თქვენ არ შეგიძლიათ იმარხულოთ. ამიტომაცაა, რომ ყოველთვის მდიდრები მარხულობენ, ღარიბები კი იშვიათად.

ღარიბი კაცი რელიგიურ დღესასწაულს ზეიმობს, ნადიმს აწყობს და ყველას უმასპინძლდება, მდიდარი კი ამ ზეიმს მარხვაში ატარებს.

ინდოეთში ჯაინები ყველაზე მდიდარი ხალხია. აქედან გამომდინარეობს მათი მარხვა. ღარიბი მაჰმადიანი ან ინდუსი კი ნადირობს დღესასწაულზე. იგი მთელი წელი შიმშილობს, მარხულობს და დღესასწაულზე ახალ ტანსაცმელს იცვამს, ტკბება და ადიდება ღმერთს. ასეთია ღარიბის რელიგია.

დღეს ამერიკაში ფართოდ ვითარდება მარხვის კულტი. ამერიკა მდიდართა ქვეყანაა და ხალხი იქ იმდენს შეექცევა, რომ საჭიროა იმარხულონ.

ფიზიოლოგიური თვალსაზრისით, მარხვის არსი ნათელია. სხეულს უნდა ჰქონდეს იმაზე მეტი ცხიმი, ვიდრე საჭიროა და მარხვაც გაიოლდება.

ფსიქოლოგიური მხარე კი შემდეგში მდგომარეობს: საჭმლის გამო თქვენ ფსიქოლოგიურად ეწამებით, გამუდმებით ჭამთ და საკვებზე ფიქრობთ, თუ ბევრს ოცნებობთ რამის შესა-

ხებ, ეს ოცნებაც გაპურებთ. ამ შემთხვევაში საწინააღმდეგო მხარე ხდება მიმზიდველი, ხოლო, როცა ზომაზე მეტს ჭამთ, თქვენ უნდა იმარხულოთ, რათა დაგიბრუნდეთ მადა. ეს ერთადერთი გზაა.

ადამიანის გონება ერთ ძირითად კანონს ემორჩილება – ყველაფერი ადვილად გადადის საწინააღმდეგო მხარეს, მაგრამ არ შესწევს ძალა, შუაში დარჩეს. წონასწორობა ყველაზე რთულია გონებისათვის, უკიდურესობანი კი – ადვილი.

მსუნაგი ადამიანი იოლად იმარხულებს, რადგან მარხვა მისთვის მეორე უკიდურესობაა, მაგრამ იგი მსუნაგობასა და მარხვას შორის ვერ გაჩერდება. თქვენ არ შეგიძლიათ სწორი კვება, სწორ დიეტაზე ყოფნა. არა! ან ერთი, ან მეორე მხარე! თქვენი გონება საათის ქანქარას მსგავსად ხან მარჯვენა უკიდურესობისაკენ იხრება, ხან – მარცხენა უკიდურესობისაკენ, მაგრამ შუაში ვერ ჩერდება. თუ ქანქარა შუაში გაჩერდება, საათიც აღარ იმუშავებს, რამეთუ მოძრაობის უნარს დაკარგავს.

თქვენც თუ განწონასწორდებით, ფიქრიც შეჩერდება, მაგრამ თუ ქანქარის მსგავსად ერთი უკიდურესობისაკენ მიისწრაფვით, ადრე თუ გვიან მეორე უკიდურესობა მიგიზიდავთ და მისკენ მიდიხართ.

იესოს ეს კარგად ესმის და გეუბნებათ: **„უკეთუ მარხულობთ, თქვენ სცოდავთ“...**

იესოს ტერმინოლოგიაში „ცოდვა“ არის უკიდურესობა, მოძრაობა უკიდურესობისაკენ. შუაში გაჩერება უცოდველობას ნიშნავს. რატომ? უკიდურესობისაკენ სვლა ცოდვაა, რადგან უკიდურესობაში თქვენ ჭეშმარიტების ერთ ნახევარს ირჩევთ, მეორეს უარყოფთ. ჭეშმარიტება კი მთლიანია. თქვენ ამბობთ:

ან ბევრს შევჭამ, ან საერთოდ არ შევჭამო. მათ შუაში კი არა გაქვთ არჩევანი – თქვენ სხეულს კვებავთ და არც ჭამითა და არც უჭმელობით არ ხართ შეპყრობილნი. სხეული ღებულობს იმას, რაც მას სჭირდება, თქვენ კი არ განუხებთ თქვენი სხეულის გასაჭირი.

ეს წონასწორობა ცოდვის საზღვრებს გარეთაა. ასე რომ, თუ არ ხართ განწონასწორებულნი, თქვენ ცოდვილები ხართ, იესოს იდეა იმაში მდგომარეობს, რომ ამქვეყნიური პიროვნება ცოდვილია, მაგრამ თუ იგი მეორე უკიდურესობისაკენ მიისწრაფვის და ამქვეყნიურს უარყოფს, ამქვეყნიურობის მოწინააღმდეგე ხდება და მაინც ცოდვას სჩადის.

პიროვნება, რომელიც ქვეყნიერებას ღებულობს ყოველგვარი არჩევანის გარეშე და უპირატესობას არ ანიჭებს ამა თუ იმ გზას, იგი ქვეყნიერებას აღმატება და ტრანსცენდენტურია.

მიღება (აღიარება) ნიშნავს მასზე აღმატებას, არჩევანი კი იმას, რომ თქვენ ხართ ჩათრეულნი და თქვენი „ეგო“ იბრძვის. რომელ უკიდურესობაშიც არ უნდა ჩავარდეთ, ყველგან ბრძოლაა, რადგან უკიდურესობაში ვერასოდეს შესძლებთ სიმშვიდეში ცხოვრებას, მხოლოდ უკიდურესობათა შორის არის შესაძლებელი სიმშვიდე.

უკიდურესობაში ყოველთვის დაძაბულნი, შეწუხებულნი და შეფიქრიალებულნი იქნებით. მხოლოდ, როცა განწონასწორდებით, აღარ გექნებათ მწუხარებისა და ტკივილის მცირე საბაბიც კი. თქვენ შინ იქნებით და არაფერი შეგანუხებთ. დაძაბულობა უკიდურესობას ნიშნავს. თქვენ გაიარეთ მრავალი უკიდურესობა და ამიტომ ხართ ასე დაძაბულები.

როცა თქვენ ქალებით ხართ გატაცებულნი, გონებაში გამუდმებით სექსი გიტრიალებთ, ხოლო თუ ვერ იტანთ ქალებს, მაშინაც სექსზე ფიქრობთ. თუ სექსისთვის არსებობთ, მაშინ იგი იქნება თქვენი ფიქრის ერთადერთი საგანი და თქვენი გონების ბურუსი, ხოლო თუ პირიქით იქნება და სექსის მტრები იქნებით, სექსი კვლავაც დაამძიმებს თქვენს გონებას. ან თუნდაც – ჩვენ ხომ გვახსოვს ჩვენი მეგობრები, მაგრამ უფრო მეტად მტრები გვახსოვს.

ზოგჯერ შესაძლებელია მეგობრის დავინწყება, მტერს კი ვერასოდეს დაივინყებ. ასევე ადამიანები, რომელთაც სექსის სამყარო ამოძრავებთ, სექსით არიან აღსავსენი.

ნადით და იხილეთ მონასტრები. იქ შეხვდებით მეორე უკიდურესობაში ჩავარდნილ ადამიანებს, სექსი რომ უარყვეს. მაგრამ ისინიც გამუდმებით სექსზე ფიქრობენ.

ჭამეთ ძალიან ბევრი, ჩათვალეთ, რომ ადამიანი მხოლოდ საჭმლის მისაღებად გაჩნდა ამქვეყნად, შემდეგ კი იმარხულეთ. საჭმელზე ორივე შემთხვევაში იფიქრებთ.

თუ გამუდმებით ფიქრობთ რამეზე, ის თქვენი ცხოვრების მიზანი ხდება.

ქალსაც ყოველთვის შეხვდებით და კაცსაც, მხოლოდ სექსია პრობლემა, რომელზეც გამუდმებით ფიქრობთ. არც საჭმლის მოპოვებაა პრობლემა, მაგრამ მასზე ფიქრი იქცევა პრობლემად. თუ თქვენ სხვადასხვა რამეზე ფიქრობთ, თქვენი გონება გარკვეულ ენერგიას ხარჯავს, ჩლუნგდება და იმდენად მძიმდება, რომ ცხოვრება უაზრობად გეჩვენებათ.

როცა თქვენი გონება მსუბუქია და სალი, ცხოვრებასაც ჯანსაღად უყურებთ, გაქვთ ნათელი შეგნება და თქვენი არსებობა

მშვენიერია, რამეთუ ეს მშვენიერება არის თვით ღმერთი! მთელი არსებობა ცოცხალია და ეს სიცოცხლისუნარიანობაა ღმერთი. მთელი თქვენი არსებობა ექტაზურია, თქვენ მიერ გავლილი ყოველი წუთი ღვთიურია და ეს ნეტარება და ექსტაზი არის ღმერთი. ღმერთი სადღაც შორს არ არის თქვენს მოლოდინში, არამედ ღმერთი ამ სამყაროში ცხადდება.

როცა ადამიანების გონება მღუმარე და უმანკოა, მაშინ ღმერთი ყველგანაა, თქვენ კი თქვენივე გონება დააჩლუნგეთ და მოსპეთ საკუთარი მოქმედების ნყალობით.

გიამბობთ ერთი ლოთის ამბავს, რომელიც გრძელ და ფართო ქუჩას მიუყვებოდა. იგი ერთ გამვლელს შეეკითხა: „სად არის ამ ქუჩის მეორე მხარე?“ ბინდბუნდი იდგა, თანაც მთვრალი იყო და ვერაფერს ამჩნევდა.

გამვლელმა თავაზიანობა გამოიჩინა და ქუჩის მეორე მხარეს გადაიყვანა ლოთი. ახლა იქ შეეკითხა სხვა გამვლელს: „სად არის ქუჩის მეორე მხარე?“

იმანაც ლოთი საპირისპირო მხარეს გადაიყვანა. ლოთი გაჩერდა და უთხრა: „მოიცა! ეს რა ხალხი ხართ! მე ვიყავი აქ და ვიკითხე, სად არის-მეთქი მეორე მხარე. მათ იქით გადამიყვანეს. ახლა ვკითხულობ სად არის მეორე მხარე-მეთქი და შენ ისევ ამ მხარეს გადმოგყავარ. რა ხალხი ხართ! სად არის ქუჩის მეორე მხარე?“

არ არსებობს არავითარი განსხვავება, თუ სად იმყოფებით: საპირისპირო უკიდურესობა იქცევა მეორე მხარედ და გიზიდავთ, რადგან მანძილი მიმზიდველობას წარმოშობს. ვერ წარმოიდგენთ, რაოდენ იზიდავს სექსი იმას, ვინც უმანკოების დაცვას ცდილობს! ვერ წარმოიდგენთ, როგორ იზიდავს საჭმელი

იმას, ვინც მარხულობს! ვერ წარმოიდგენთ, რადგან ეს გამოცდილების ამბავია. სიცოცხლის ბოლომდე თუ ერთ ფიქრს შეუპყრინხართ, მაშინაც კი, როცა კვდებით, თქვენში რომელიმე უკიდურესობა თუ დარჩა, იქითკენ ნახვალთ დამძიმებულნი.

თუ გსურთ ძალდაუტანებლად და გახსნილად იცხოვროთ, უკიდურესობებს ნუ ესწრაფვით – ასეთია იესოს სიტყვების აზრი, რომელმაც თქვა:

**„უკეთუ მარხულობთ, სცოდავთ,
უკეთუ ლოცულობთ, განიკითხებით...”**

რა არის ლოცვა? ჩვენ ვფიქრობთ, რომ იგი რაღაცის თხოვნა ან საყვედურია, თქვენ გიჭირთ და ღმერთს შესთხოვთ დახმარებას. უფლის კართან თქვენ მიდიხართ როგორც მდაბიონი. თქვენი ლოცვა მათხოვრობაა, არადა, შეუძლებელია, ლოცვა მათხოვრობა იყოს, რამეთუ იგი მხოლოდ მადლიერებაა. როდესაც მათხოვრობთ, თქვენი ლოცვა მიზანი კი არ არის, არამედ საშუალებაა.

ლოცულობთ იმიტომ, რომ მიიღოთ რაღაც, რაც თქვენთვის ლოცვაზე მეტად მნიშვნელოვანია. ბევრჯერ გილოციათ, მაგრამ თქვენს გასაჭირს საშველი არა და არ დაადგა, ამიტომ ლოცვა უშედეგოდ ჩათვალეთ და ხელიც აიღეო მასზე.

სინამდვილეში ლოცვა ვერასოდეს იქნება საშუალება, ისევე, როგორც სიყვარული. სიყვარული თვითონ არის მიზანი – თქვენ ხომ რაღაცისთვის არ გიყვართ ვიღაც. სიყვარულს თავისთავად გააჩნია შინაგანი ფასეულობანი. თქვენ უბრალოდ გიყვართ ყოველგვარი ანგარების გარეშე! ეს ნეტარებაა! სიყვარული არ არის საშუალება რაიმე მიზნის მისაღწევად, რამეთუ იგი თვითონ მიზანია. ლოცვაც სიყვარულია!

თქვენ უბრალოდ ტკბებით ლოცვით ღვთისადმი შეკითხვისა და თხოვნის გარეშე!

ლოცვა შინაგანად იმდენად მშვენიერია, ისეთი ექსტაზი გეუფლებათ, ისე ბედნიერად გრძნობთ თავს, რომ მადლიერებით ივსებით ღვთის მიმართ იმისათვის, რომ მოგეცათ საშუალება, იყოთ ამქვეყნად; ისუნთქოთ და აღიქვათ სამყაროს მრავალფეროვნება, რომ ისმინოთ და იყოთ შეგნებული! რომ თქვენ ეს არ დაგიმსახურებიათ და ღმერთმა გიბოძათ!

თქვენ ტაძარში მიდიხართ ღრმა მადლიერების გრძნობით მხოლოდ იმისთვის, რომ მადლობა შესწიროთ ღმერთს. დაფიქრდით, თქვენ განა დაიმსახურეთ თუნდაც ნაწილი იმისა, რაც გაგაჩნიათ? ამ სამყაროს რომ არ მოვლენოდით, განა უსამართლობა იქნებოდა თქვენ მიმართ? არა! ყოველივე ღვთიური სიყვარულით ნაბოძებია. თქვენ არ დაგიმსახურებიათ ის! ღმერთი სიყვარულით აღსავსეა. როდესაც ამას გრძნობთ, თქვენში ჩნდება მადლიერების განცდა. მადლიერება – ეს არის ლოცვა და ისეთი მშვენიერია, რომ ვერაფერი შეედრება. ლოცვა თქვენი ბედნიერების უმაღლესი წერტილია, იგი ვერ გამოდგება რომელიმე მიზნის მისაღწევ საშუალებად.

იესო ამბობს: **„..უკეთუ ლოცულობთ, განიკითხებით“**, იმიტომ, რომ თქვენ ჭეშმარიტად არ ლოცულობთ. იესომ კარგად იცის, რომ, როცა არ უნდა მიხვიდეთ ტაძარში, სათხოვნელად მიხვალთ. ლოცვა იქცევა საშუალებად და ეს ცოდვაა.

რაში მდგომარეობს თქვენი სიყვარული? სიყვარულის დახმარებით შეგიძლიათ გაიგოთ, რა ხდება ლოცვის დროს. გიყვართ კი ვინმე ნამდვილად? გიყვართ თუ სხვა რამ გამოძრავებთ? ორმხრივი სიამოვნებაა? გრძნობთ, რომ ნამდვილად გიყ-

ვართ? მთელი გულით გასცემთ სიყვარულს, თუ მხოლოდ სხვას ძალავთ სიყვარულს? სინამდვილეში თქვენ იყენებთ სხვა პიროვნებას სიყვარულისათვის.

დავუშვათ, პიროვნება, ვინც გიყვართ, არ დაგთანხმდათ გამოყენებაზე. ისევ გეყვარებათ? თუ მშვენიერი ქალი გაფასებთ, თქვენი „ეგო“ კმაყოფილდება. მასთან ურთიერთობისას გრძნობთ, რომ ნამდვილი მამაკაცი ხართ. მაგრამ თუ ეს ქალი თქვენთან ურთიერთობაზე უარს განაცხადებს და სიყვარულითვე არ გიპასუხებთ, თქვენი მისდამი სიყვარული უკვალოდ ქრება.

თუ ლამაზი და ძლიერი მამაკაცი გაფასებთ, როგორც მომხიბლავ ქალს, თქვენი „ეგო“ დაკმაყოფილებულია. ეს ორმხრივი ექსპლუატაციაა, თქვენ კი ამას სიყვარულს ეძახით. ასეთი ურთიერთობა ჯოჯოხეთია, რადგან ამ დროს სიყვარული მხოლოდ სახელია, რომლის უკან სხვა რამ იმალება. ნამდვილი სიყვარული სამოთხეა. თუ ვინმე გიყვართ, თქვენ ბედნიერი ხართ და თქვენი ბედნიერება ამტკიცებს, რომ თქვენ შეყვარებული ბრძანდებით.

მაგრამ შეყვარებულები არც თუ ისე ბედნიერებად გამოიყურებიან და ეს მცირე სიხარულიც მხოლოდ თავიანთი ურთიერთობის დასაწყისში ეწვევით ხოლმე, როდესაც ჯერ კიდევ გეგმავენ მომავალ ცხოვრებას, როცა გაუცნობიერებლად ხლართავენ ქსელს, რათა ერთმანეთი გააბან. მთელი მათი პოეზია და რომანტიკა ამისკენაა მიმართული. როგორც კი ერთმანეთს უკავშირდებიან, გრძნობენ, რომ ბორკილები დაედოთ – თითოეულის „ეგო“ მეორესთვის ბორკილად იქცა, თითოეული ცდილობს მეორეზე დომინირებას და მის დაუფლებას.

ეს სიყვარული მსჯავრი იქნება. თუ თქვენ ვინმე ჭეშმარიტად გიყვართ, თქვენი ლოცვაც ჭეშმარიტია, რამეთუ ლოცვა მთლიანის სიყვარულია. თუ ჩვეულებრივი ადამიანისადმი სიყვარულში კრახი განიცადეთ, როგორ შეიგრძნობთ ღვთაებრივ სიყვარულს?

სიყვარული ნაბიჯია ლოცვისკენ. ეს უნდა შეიგნოთ. თუ ნამდვილად შეიყვარებთ ვინმეს, თქვენ გაიგებთ საიდუმლოს. იგივე გასაღები გამოიყენება ღვთაებრივისთვისაც, რა თქმა უნდა, ბევრად უფრო დიდი ზომის, მაგრამ გასაღები იგივეა.

სიყვარული თავისთავად მიზანია და მასში არ არის „ეგო“. როდესაც არ გაგაჩნიათ „ეგო“, სიყვარული მაშინ მოდის თქვენთან, თქვენ, უბრალოდ, გასცემთ საკუთარ გრძნობას და სხვას უყოფთ თქვენს ნაწილს. არ არის გარიგება. სიყვარული მოედინება და თქვენ ღღვებით. მხოლოდ მაშინ შესძლებთ ლოცვას.

იესომ უთხრა მოწაფეებს: **„...უკეთუ თქვენ მარხულობთ“...** და აქ მახვილი კეთდება **„თქვენზე“...** „...განიკითხებით“... იგი კარგად იცნობს თავის მოწაფეებს... **„და თუ მოწყალებას გაიღებთ, საკუთარ სულს ავნებთ...“** დაკვირვებისხარტ ოდესმე, რა ხდება თქვენში, როდესაც მდაბიოს აძლევთ რამეს? ეს სიკეთიდან გამომდინარეობს თუ „ეგოდან“? თუ ქუჩაში მარტო მიდიხართ, მათხოვარი გხვდებათ და მოწყალებას გთხოვთ, თქვენ იშორებთ მას, რამეთუ ვერავინ ხედავს, რას აკეთებთ და თქვენი „ეგო“ არ იტანჯება. მაგრამ მათხოვრებიც მშვენივრად იცნობენ თქვენს ფსიქოლოგიას. ისინი არასოდეს გთხოვენ მოწყალებას, როცა მარტო ხართ. მაგრამ თუ მიდიხართ მეგობრებთან და ნაცნობებთან ერთად, ისინი ძალად ჩაგაფრინდებიან და ისე გთხოვენ მოწყალებას, რამეთუ იციან, რომ სხვათა თანდასწრე-

ბით უარს ვერ ეტყვი, სხვაგვარად იფიქრებ, რომ ხალხი ძუნ-
ნად ჩავთვლით. ამიტომ თქვენ იძლევიტ მონყალებას, რათა გა-
დაარჩინოთ საკუთარი „ეგო“. ეს არ გამომდინარეობს სიკეთი-
დან. კარგად დაიმახსოვრეთ – რაც არ უნდა უწყალობოთ მათ-
ხოვარს, იგი ნავა და სხვა მათხოვრებს ეტყვის, რომ გაგასულე-
ლათ. ის გაიცინებს, რამეთუ კარგად იცის, თუ რატომ გაიღეთ
მონყალება. კეთილი ადამიანი სხვა მიზეზების გამო გასცემს სა-
ბოძვარს. იგი სხვის უბედურებას ისე მძაფრად გრძნობს, რომ
შედის მის მდგომარეობაში. თქვენ იგრძნობთ ამ დროს რაღაც
პასუხისმგებლობასაც, რადგან მთელი პასუხისმგებელია ნა-
წილზე. ხვდებით, რომ თქვენც იმ საზოგადოების წაწილი ხართ,
რომელიც მათხოვრებს აჩენს, ხოლო მათხოვარი – მისი მსხვერ-
პლია. როცა გაიღებთ მონყალებას, თქვენ არ გჭირდებათ მად-
ლობა, პირიქით, თვითონ უნდა იყოთ მათხოვრის მადლობელი,
რამეთუ იცით, რომ თქვენ მიერ გაცემული მონყალება არაფერი
არ არის.

თქვენ შეგაქვთ მნიშვნელოვანი წვლილი იმ საზოგადოების
განვითარებაში, რომელიც სიღარიბეს ქმნის, იცით, რომ იმ სა-
ზოგადოების წევრი ხართ, რომელშიც არსებობენ ღარიბები,
რამეთუ მდიდრებს არ ძალუძთ მათ გარეშე არსებობა. იცით,
რომ თქვენც შეგიპყროთ გამდიდრების სურვილი. გრძნობთ
მთელ დანაშაულს, გრძნობთ ცოდვას და ამ დროს მონყალეების
გაღება სულ სხვა სახისაა, ხოლო თუ ფიქრობთ, რომ დიდი საქმე
გააკეთეთ იმით, რომ მათხოვარს მონყალება მიეცით, მაშინ, ამ-
ბობს იესო „...საკუთარ სულს ავნებთ“... რადგან არ იცით, რას
ჩადიხართ.

მონყალემა გაიღეთ სიყვარულითა და სიკეთით აღსავსებ-
მა!

ეს უკვე მონყალემა აღარ იქნება, თქვენ უბრალოდ უნილა-
დებთ მეგობარს მისთვის საჭირო რამეს. თქვენ აღარ იგრძნობთ
თავს მათხოვარზე მალლა, აღარ გიჩნდებათ თვითკმაყოფილე-
ბის გრძნობა. პირიქით, თქვენ ფიქრობთ, რომ არ შეგიძლიათ
არაფრის გაკეთება, მხოლოდ ცოტაოდენი ფული აჩუქეთ, რაც
არც თუ ისე დიდი დახმარებაა.

ერთხელ ასეთი რამ მოხდა. ქალაქიდან კარგა მოშორებით,
მთაში ცხოვრობდა ძენის* ოსტატი. ერთხელ შუალამისას მას
ფეხის ხმა შემოესმა. ვილაც მის გასაქურდად მისულიყო. ოსტა-
ტი საგონებელში ჩავარდა, რადგან ერთი საბნის გარდა არაფე-
რი გააჩნდა მოსაპარი. იგი ისე შეწუხდა, რომ ქურდის შემოს-
ვლამდე საბანი კართან დადო და თვითონ დაიმალა.

ქურდმა კარგად მოათვალიერა. ოთახი, სიბნელეში საბანი
ვერ შენიშნა და წასალები რომ ვერაფერი იპოვა, გულგატეხილ-
მა წასვლა დააპირა: „მოიცადე! – დაუძახა ოსტატმა, – აიღე ეს
საბანი! მე ძალიან მერიდება, რადგან შორიდან მოხვედი, ცივი
ლამეა, შინ კი არაფერი მაქვს. როცა მეორედ დააპირებ მოს-
ვლას, წინასწარ მაცნობე. რამეს მოვიფიქრებ. მე ღარიბი კაცი
ვარ, მაგრამ ისე მოვახერხებ, რომ შენ რამე დაგახვედრო და
შეძლო წაღება. ახლა კი, იყავი გულმონყალე ჩემ მიმართ, ნუ
მეტყვი ამ საბანზე უარს!..”

ქურდი ვერ იჯერებდა იმას, რაც მოხდა. მას ეს კაცი ძალიან
უცნაურად მოეჩვენა, რადგან არასდროს მიუმართავთ მისთვის
ასე. მან აიღო საბანი და გაიქცა.

იმ ღამით ოსტატმა პოემა დაწერა, ფანჯარასთან იჯდა, გარეთ ციოდა და ბადრი მთვარე ეკიდა ცაზე. პოემა ასეთი სიტყვებით იწყებოდა: „რა მშვენიერი მთვარეა! ქურდს გავატანდი ამ მთვარეს!“ ოსტატი ტიროდა და იმეორებდა: „ის საბრალო, ისეთი შორი გზიდან მოვიდა“, გრძელდებოდა პოემა...

არ გასულა ცოტა ხანი და ქურდი შეიპყრეს. მას ბევრი დანაშაული ჰქონდა ჩადენილი. თან ოსტატის მოპარული საბანიც აღმოუჩინეს. საბანს ყველა იცნობდა, იცოდნენ, რომ ოსტატს ეკუთვნოდა და ოსტატი სასამართლოში დაიბარეს.

მოსამართლემ უთხრა: „უბრალოდ დაადასტურე, რომ ეს საბანი შენია. ამ კაცმა საბანი ხომ შენ მოგპარა“.

ოსტატმა მიუგო: „ეს კაცი ქურდი არ არის, მე კარგად ვიცნობ მას. იგი ერთხელ მეწვია, მაგრამ არაფერი მოუპარავს. ეს საბანი მე ვაჩუქე და ვწუხვარ, რომ სხვა არაფერი მქონდა, რომ მეჩუქებინა. საბანი ძველია და თითქმის გამოუსადეგარი. ეს კაცი კი იმდენად კეთილია, რომ მიიღო იგი ჩემგან და გულში ჩემი მაღლიერიც კი დარჩა.“

იესო ამბობს: **„...და თუ მოწყალებას გაიღებთ, საკუთარ სულს ავნებთ“**... რადგან არასწორად გასცემთ მოწყალებას. თქვენ შეიძლება სიკეთე ჩაიდინოთ, მაგრამ თუ მასში ანგარებას გარევთ და არ იქნება თქვენი არსიდან გამომდინარე, საკუთარ სულს ავნებთ.

**„...უკეთუ მიდიხართ უცხო მიწა-წყალზე
და ქვეყნად დაეხეტებით,
თუ ხალხი მიგიღებთ,
ჭამეთ ის, რასაც წინ დაგიდგამენ...“**

იესომ უთხრა მოწაფეებს, რაც არ უნდა მიეცა მათთვის, უყოყმანოდ მიეღოთ, არ წაეყენებინათ პირობები.

ბუდიზმმა თითქმის ნახევარ მსოფლიოში მოიკიდა ფეხი, ჯაინთა ბერები კი ინდოეთის საზღვრებს არ გასცილებიან. ისინი თავიანთ ქვეყანაში რჩებიან. მათი რიცხვი 3 მილიონს თუ აღწევს. მაჰავირი და ბუდა ერთ საფეხურზე იდგნენ. აბა, ჯაინების რელიგია რატომ არ ვრცელდება მთელ მსოფლიოში? ისევ და ისევ გაინთა ბერების გამო. სხვაგან ვერ გავრცელდებოდა ეს რელიგია იმიტომ, რომ მიმდევრებისთვის საქმლის განსაკუთრებული სახეობაა საჭირო, რომელიც თავისებური წესით უნდა მომზადდეს, აგრეთვე მირთმევის განსაკუთრებული ფორმა არსებობს. ინდოეთში კი ჯაინიზმი ვრცელდება მხოლოდ იმ ქალაქებში, სადაც ჯაინები ცხოვრობენ, რადგან ჯაინი ვერ მიიღებს საქმელს სხვისგან. ამ საქმლის ნარკომანიის შედეგად მაჰავირი გამოუყენებელი გახდა სხვა ხალხისთვის, კაცობრიობას არ ძალუძს, გამოიყენოს ეს უდიდესი ადამიანი...

„...ჭამეთ ის, რასაც წინ დაგიდგამენ.“

ნუ წაუყენებთ ნურავითარ პირობას მათ, ვინც დაგაპურებთ, ნუ მოითხოვთ საქმლის განსაკუთრებულ სახეობას. თქვენ უნდა იმოქმედოთ ყოველგვარი პირობის გარეშე. თუ პირობებს აყენებთ, მძიმდებით. აი, რატომ არ იყვნენ ქრისტეს მოწაფენი დამძიმებულნი. ისინი ჭამდნენ იმას, რასაც ხალხი აძლევდა, იცვამდნენ იმას, რასაც შოულობდნენ, ცხოვრობდნენ ნებისმიერ კლიმატურ ზონაში, ნებისმიერი კატეგორიის ადამიანებთან. ამიტომ, როგორც ცეცხლი, ისე გავრცელდა ქრისტიანობა ყველგან.

„...და განკურნეთ მათ შორის ავადმყოფი...“ – აი, ერთადერთი რამ, რაც მონაფეებს იესომ დაავალა. მას არ უთქვამს, ჭეშმარიტების შეცნობა ასწავლეთ მათო, არა! ეს უშედეგოა. მას არ უთქვამს აიძულეთ ისინი, ჩემი მისია ირწმუნონო, ესეც უშედეგოა. უბრალოდ, ავადმყოფნი განკურნეთო! თუკი ვინმე ავადაა, როგორ შეძლებს ჭეშმარიტების შეცნობას? როდესაც ისინი განიკურნებიან, მათ შეეძლებათ ჭეშმარიტების შეცნობაც და იესოს მისიაში გარკვევაც.

თითოეული ადამიანი ფსიქოლოგიურად დაავადებულია. ფიზიოლოგიურად თითოეულს შეუძლია ჯანმრთელი რომ იყოს, მაგრამ ყველა ავადაა, რადგანაც მათი გონება აფორიაქებულია და აუცილებლად საჭიროებს მკურნალობას. იესო მონაფეებს ეუბნება, რომ მათ ხალხის გონება განკურნონ.

თუ თქვენს გონებაში მრავალი ურთიერთსაწინააღმდეგო ფიქრი და საგანი ირევა, თქვენ ავად ხართ.

ზოგჯერ დგება წუთი, როცა თქვენი გონება ერთ ფიქრს შეუპყრია და ერთ საგანზე იყინება. ეს წუთი ხანდახან შემთხვევით დგება ხოლმე. ერთ მშვენიერ დილას, როცა ხე ამოდის, რომ გაგელვიძებათ, ივინყებთ, რომ ბაზარში, სამსახურში ან რამე სხვა საქმეზე ხართ წასასვლელნი, ივინყებთ მას, ინდუსი ხართ, მუსლიმანი თუ ქრისტიანი. აღარ გახსოვთ თქვენი ოჯახური მოვალეობა და, საერთოდ, ამქვეყნიური სამყარო. ამომავალი მზე და რიჟრაჟი ისე მშვენიერია, რომ თქვენ ერწყმით მას. თქვენი გონი მაშინ ჯანმრთელია და განიცდით ნეტარებას, რომელიც მთელ არსებას იპყრობს. შესაძლოა, ეს მოულოდნელად მოხდეს, მაგრამ თქვენ ამ მოვლენის შეგნებულად გამოწვევაც შეგიძლიათ.

როცა თქვენი გონება ერთიანია, გამოვლინდება უფრო მნიშვნელოვანი თვისება, ხოლო უმნიშვნელო დაუყოვნებლივ იფარება.

სკოლაშიც ხომ ასე ხდება. როცა დირექტორი ადგილზეა, მასწავლებლები ნაყოფიერად მუშაობენ და მოსწავლეებიც ბეჯითად სწავლობენ. სკოლაშიც წესრიგია. როგორც კი დირექტორი მიდის, სკოლაში დისციპლინა ქვეითდება, რადგან მასწავლებლებმა „თავისუფლება“ მიიღეს და ისე აღარ აკონტროლებენ მოსწავლეებს. მიუხედავად ამისა, სანამ მასწავლებლები ადგილზე არიან, მონაფეები დისციპლინას იცავენ, მაგრამ მასწავლებელი თუ გავა, კლასში ქაოსი იწყება, მონაფეები გადარეულ ბრბოდ იქცევიან ხოლმე. მასწავლებელი შედის კლასში და უეცრად ყველაფერი იცვლება.

ქაოსი იმას ადასტურებს, რომ უმაღლესი ძალა ადგილზე არ არის. როცა არ არის ქაოსი, მაშინ ჰარმონია მყარდება. თქვენი გონებაც ქაოსშია. საჭიროა გამოვლინდეს მისი უმაღლესი თვისება, აუცილებელია მისი სრულყოფილი კრისტალიზაცია. თქვენ გადარეულ მოსწავლეებს ჰგავხართ, მასწავლებელი გარეთ რომ დაიგულეს. როდესაც კონცენტრირებულნი ხდებით, დაუყოვნებლივ შემოდის უმაღლესი ფუნქცია.

ამიტომ ამბობს იესო: „განკურნეთ!“ სიტყვა „განკურნვა“ სანსკრიტში იმავე ძირიდან მოდის, რაზეც სიტყვები: „სინმინდე“ და „მთლიანია“ დამყარებული.

განკურნეთ ადამიანი და ის გამრთელდება! ხოლო როცა ადამიანი მთლიანდება, იგი წმინდანად იქცევა. ეს ერთიანი პროცესია. თქვენი გონება დაავადებულია იმიტომ, რომ მასში არ არის ერთიანი ცენტრი. შეგიძლიათ თქვათ: „ეს ცენტრი ვარ მე“!

მაგრამ თქვენ ხომ გამუდმებით იცვლებით: ზოგჯერ დილით ბრაზობთ, შუადღისას მოსიყვარულე ხდებით, საღამოთი გულგატეხილობა გეუფლებათ. არსებობს კი თქვენში რაიმე ცენტრი? თქვენ ხომ უბრალოდ ბობოქარი ბრბო ხართ და მეტი არაფერი.

ამჟამად თქვენში არ არის ცენტრი, რომლის გარეშე ადამიანი ავადდება. ჯანმრთელი ადამიანი ყოველთვის ცენტრირებულია. იესოს ნათქვამიდან გამომდინარეობს, რომ საჭიროა თითოეულ ადამიანს მიეცეს ცენტრი ისე, რომ ქაოსი გარეთ დარჩეს; რომ 24 საათის განმავლობაში დარჩნენ ცენტრირებულნი, რომ რაღაც რჩებოდეს მუდმივი. ეს მუდმივობა გახდება თქვენი „მე“.

შეხედეთ ამას შემდეგი სახით: არსებობს ყოფიერების სამი ფენა: პირველი ობიექტებისაგან შედგება. ეს არის ობიექტური სამყარო, გარემოცვა. თქვენი გრძნობა გატყობინებთ ამ ობიექტის შესახებ. თვალებით ხედავთ, ყურებით ისმენთ, ხელებით ეხებით, თქვენ თუ გაიგივდებით ობიექტურ სამყაროსთან, თქვენი კმაყოფილება ზედაპირული იქნება.

მეორე ფენა თქვენში არსებობს. ეს გონებაა, აზრები, ემოციები, სიყვარული, სიძულვილი და ყოველგვარი განცდა. პირველი ფენა საერთოა – დავუშვათ, მე ქვა მიჭირავს ხელში, თქვენ შეგიძლიათ ამ ქვის დანახვა. ეს საერთო ობიექტურობაა, მაგრამ არავის შესწევს უნარი, დაინახოს რა ხდება ჩემს ან თქვენს გონებაში. როდესაც მიყურებთ, თქვენ ვერ მხედავთ მე. თქვენ ხედავთ მხოლოდ ჩემს სხეულს. მეც თქვენს სხეულს ვხედავ. სხვამ შეიძლება თქვენი ქცევაც შენიშნოს, დაინახოს თქვენს სახეზე სიბრაზე, სისასტიკე და ძალადობა ამოიკითხოს თქვენს თვა-

ლებში, მაგრამ მას არ ძალუძს თქვენს გონებაში დაინახოს სიავე, შეუძლია შეამჩნიოს სასიყვარულო ჟესტი, რომელიც თქვენი სხეულის მოძრაობიდან გამოიკვეთება, მაგრამ ის ვერ დაინახავს თავად სიყვარულს. თქვენ მხოლოდ ჟესტიკულირება შეგიძლიათ, მაგრამ ამაში არ არის სიყვარული. შესაძლოა, თქვენს სხეულს იცნობდეს ბევრი ადამიანი, მაგრამ გონებას – არავინ. ობიექტური სამყარო საყოველთაოა და მეცნიერება ამტკიცებს, რომ ეს არის ერთადერთი რეალობა, რადგან არავის ძალუძს შეიცნოს სხვა ადამიანის აზრები, ექსპერიმენტი ჩაატაროს მასზე, რადგან სხვა ვერ ხედავს მას. თვით ადამიანს შეუძლია გვამცნოს თავისი აზრი, მაგრამ შეიძლება იცრუოს ან თავად მოტყუვდეს. თქვენი აზრები საგნები არ არის, მაგრამ იცით, რომ ისინი არსებობენ. აზრი პირადულია და სუბიექტური, მაგრამ არა საყოველთაო.

გარე ფენა, ზედაპირული რეალობა წარმოშობს მეცნიერებას. მეორე ფენა, აზრთა და გრძნობათა ფენა, ქმნის ფილოსოფიასა და პოეზიას, მაგრამ სულ ეს ხომ არ არის? მხოლოდ მატერია და გონება? მაშინ თქვენ ვერასოდეს იქნებით ცენტრირებული, რადგან გონება ყოველთვის მოქმედებაშია, მას არა აქვს ცენტრი, გუშინ სხვა აზრი განუხებდათ, დღეს – სხვა, ხვალ კი აზრი კვლავ შეგეცვლებათ. თქვენი გონება თითქოს მორაკრაკე მდინარეა. თქვენი აზრებიც იცვლება და გრძნობებიც. ასე რომ, შესაძლოა მუდმივ ავადმყოფებად დარჩეთ, იყოთ კმაყოფილნი ავადმყოფობით და ვერასოდეს განიკურნოთ. მაგრამ არსებობს მესამე ფენაც – რელიგიის სამყარო. ეს არის მოწმის სამყარო, რომელიც საგნებსა და აზრებს აკვირდება და ეს დამკვირვებელი ერთია. თქვენს საკუთარ ტაძარს გარედან შეხედავთ, თუ და-

ხუჭავთ თვალებს და შიგნით შეიხედავთ, დამკვირვებელი ერთი და იგივე რჩება.

სევდიანი ხართ თუ ბედნიერი, ცხოვრება პოეზიაა თუ კომ-მარი, განსხვავება არ არის, დამკვირვებელი და მონმე იგივეა. დამკვირვებლის ცენტრი მუდმივია და ეს არის რელიგიის სამყა-რო.

როდესაც იესო ამბობს: ნადით და განკურნე ადამიანებო, იგი გულისხმობს, რომ მისმა მონაფეებმა ხალხს დაანახონ მათივე ცენტრი. აქციონ ისინი მონმეებად. მაშინ ადამიანები არ ჩაერთვებიან გარე სამყაროში, არც თავის აზრებთან გაიგივდებიან, მაშინ ისინი ფეხს მოიკიდებენ საკუთარ ყოფიერებაში. და თუ ამას მიაღწევთ, მაშინ ყველაფერი ძირფესვიანად შეიცვლება და თქვენ შესძლებთ ლოცვას. მაშინ თქვენი ლოცვა მადლიერება იქნება და თქვენ ილოცვით არა როგორც მდაბიო, არამედ როგორც იმპერატორი, რომელსაც არაფერი აკლია. მაშინ გაიღებთ მონყალებას არა „ეგოს“ პატივმოყვარეობის დასაკმაყოფილებლად, არამედ თანაგრძნობის გამო. ეს კი თქვენვე მოგანიჭებთ ნეტარებას. მაშინ შეგიძლიათ, იმარხულოთ, მაგრამ ეს მარხვა არ იქნება საჭმლისგან თავის შეკავება. ეს მარხვა იქნება სულ სხვა რამ (აი, რას ნიშნავს მაჰავირის მარხვა), ზოგჯერ იმდენად დაივიწყებთ საკუთარ სხეულს, რომ შიმშილს ვეღარ იგრძნობთ.

სანსკრიტში მარხვის შესატყვისი მშვენიერი სიტყვა არსებობს – „უპავას“. იგი არ არის არც ჭამასთან და არც უჭმელობასთან დაკავშირებული. ის უბრალოდ საკუთარ არსთან ახლო ყოფნასა და ცხოვრებას” ნიშნავს. დგება მომენტი, როცა თქვენ იმდენად ცენტრირებული ხდებით, რომ სხეულს მთლიანად

ივინყებთ, შეუძლებელია, ამ დროს იგრძნოთ შიმშილი და სწორედ ამ დროს მოხდება მარხვა, ის თავისთავად შესრულდება.

შეგიძლიათ ამ ცენტრირებულ მდგომარეობაში რამდენიმე დღე დარჩეთ. ასე დაემართა რამაკრიშნას*. იგი ექსტაზში ვარდებოდა და 6-7 დღე მკვდარივით იყო. მისი სხეული უმოძრაოდ იყო. როდესაც ექსტაზი ეუფლებოდა, თუ ფეხზე იდგა, დგომას განაგრძობდა. მონაფეები აწვენდნენ მას და წყლითა და რძით ხელოვნურად კვებავდნენ. ამასთან, ყველაფერი ისე იყო, თითქოს ის ამქვეყნად აღარ არსებობდა.

ასეთია მარხვა, რადგან თქვენ აღარ იმყოფებით საკუთარ სხეულში. თქვენ ვერ ჩაატარებთ მარხვას, რადგან ყველა მოქმედებას სხეული ასრულებს და მარხვა უსხეულობას გულისხმობს. ეს შეიძლება მხოლოდ თავისით მოხდეს, ისე, როგორც მაჰავირი, ქრისტე და მუჰამედი მარხულობდნენ.

იესო ამბობს: „...ჭამეთ ის, რასაც წინ დაგიდგამენ... რამეთუ ის, რაც თქვენს პირში ჩადის, არ წაგბილწავთ. მაგრამ ის, რაც თქვენ ბაგეთაგან ამოდის, წაგბილწავთ თქვენ“...

აი, რას ნიშნავს ეს: ძალიან ნუ იზრუნებთ საკვების სისუფთავეზე. არა აქვს მნიშვნელობა, უმანკო ქალწული შეეხება მას ხელით თუ ცხოვრების უხემ ფორმებთან შეხებულ ქალი წაბილწავს თავისი ჩრდილით. მთავარი ის კი არ არის, რა მიიღეთ, არამედ ის, თუ რა გაიღეთ, რადგან ეს უკანასკნელი წარმოაჩენს თქვენს ღირსებას. როგორ გადაამუშავეთ ის, რაც მიიღეთ. აი, რა არის მნიშვნელოვანი!

ლოტოსი სიბინძურეში იბადება, თუ თქვენც ლოტოსი ხართ, არაფერი არ უნდა იყოს ბინძური. თუ გაგაჩნიათ ლოტოსის თვისებები, თუ გაქვთ გარდასახვის უნარი, შინაგანი ალქიმისიის ძა-

ლა, მაშინ თქვენც შესძლებთ ჭუჭყში დარჩენას და ლოტოსი დაიბადება. თუ არა გაქვთ ეს თვისებები, მაშინ, თუნდაც ოქროში ცხოვრობდეთ, თქვენგან მხოლოდ ტალახი წარმოიქმნება. მთავარია ის, რომ თქვენ თუ ცენტრირებულნი ხართ საკუთარ ყოფიერებაში, მაშინ ის, რაც წარმოიშობა, ცვლილებას განიცადის და ტრანსფორმირდება. მთავარია თქვენი ყოფიერების ხარისხი და გამოვლინება.

ერთხელ ბუდა მოინამლა საჭმლით სრულიად შემთხვევით. ერთ ღარიბ კაცს დიდხანს უნდოდა მისი შინ მიწვევა. ბოლოს დილის 4 საათზე მივიდა იმ კართან, რომლის მიღმა ბუდას ეძინა და დაიცადა, რათა ყველასთვის დაესწრო ბუდას მიპატიჟება. ბუდამ გაიღვიძა თუ არა, მაშინვე სთხოვა, სწევოდა ბუდა პურის გასატეხად.

ბუდა დათანხმდა, სწორედ ამ დროს მას იქაური მეფე ეწვია მეეტლეების, მინისტრებისა და დიდი ამაღლის თანხლებით და ბუდა სასახლეში მიიპატიჟა.

ბუდამ უთხრა: „მე ვერ შევძლებ, ჩემი მოწაფეები გესტუმრებიან სასახლეში, მე უკვე მიპატიჟებული ვარ. ეს კაცი აქ პირველი მოვიდა და მან მიმიწვია“.

მეფე ბევრს ეცადა, რომ მისთვის სიტყვა გადაეთქმევინებინა, მაგრამ ბუდამ უპასუხა: „არა აქვს მნიშვნელობა, ის ღარიბია თუ არა, მან მიმიპატიჟა და მე წავალ“. ასეც მოიქცა.

ინდოეთის ღარიბ რაიონებში წვიმების სეზონის დროს ხალხი სხვადასხვა სახის მცენარეულობას აგროვებს: „კუკარ მუტა“ – ასე ჰქვია სოკოს, რომელიც წვიმების დროს იზრდება. მას ახმობენ და მთელი წლის განმავლობაში საკვებად იყენებენ. მათთვის ეს ერთადერთი ბოსტნეულია, მაგრამ ეს სოკო ხშირად

შხამიანია. ამ კაცმა ბუდას სწორედ კუკარ მუტტა მიართვა, რომელიც შხამიანი აღმოჩნდა. მას თავიდანვე დაეტყო სიმნარე, მაგრამ ეს იყო ერთადერთი კერძი, რომელიც ღარიბმა ბუდას მიართვა და ბუდას რომ ეთქვა: „მნარეა და ვერ შევჭამო“, მასპინძელი გულნატკენი დარჩებოდა, რამეთუ მეტი არაფერი გააჩნდა. ბუდა ჭამდა და არ ამჟღავნებდა, რომ სოკო შხამიანი იყო. მასპინძელს უხაროდა და ბედნიერად გრძნობდა თავს.

როცა ბუდა დაბრუნდა, შხამმა მოქმედება დაიწყო. მონვეულმა ექიმმა განაცხადა, რომ შხამი სისხლში იყო გადასული და ბუდა მოკვდებოდა.

ბუდამ კი თავისი მონაფენი მოიხმო და უთხრა: „ის ღარიბი კაცი არაჩვეულებრივი ადამიანია. თუ დედამ პირველად დამაპურა, ბოლო ლუკმა იმ კაცმა შემომთავაზა. პატივი მიაგეთ მას! ჩემი არსებობის მანძილზე მხოლოდ ორ ადამიანს მიეცა ასეთი იშვიათი შესაძლებლობა. პირველი – დედაჩემს, რომელმაც ამ ქვეყანას მომავლინა და მეორე – ამ ღარიბ კაცს, რომელიც დამეხმარა სხვა ცხოვრებაში გადასვლაში. წადით და გამოუცხადეთ ხალხს, რომ ამ კაცს პატივი მიაგონ, რამეთუ იგი ღიაღია!“

მონაფეები ძალზე აღელვებულები იყვნენ და განიზრახეს ღარიბი კაცის მოკვლა. როცა ყველანი გაიკრიფნენ, ანანდამ უთხრა ბუდას: „ეს მეტისმეტია ჩვენთვის, პატივი მივაგოთ ამ კაცს. ის მკვლელია და ბოლო მოგიღო შენ. ნულა იტყვი ასეთ რამეს!“

ბუდამ მიუგო: „მე გიცნობ და ვიცი, რომ შეგიძლია, მოკლა იგი. აი, რატომ ვამბობ ამას, მიდი და პატივი ეცი. ეს იშვიათი შესაძლებლობაა – მიანოდო ბუდას უკანასკნელი ლუკმა.“

როგორც ხედავთ, ბუდას შხამი მისცეს, მისგან კი სიყვარული გამოვიდა. ეს არის ალქიმიია!

ბუდა მაღლიერებით აღივსო იმის მიმართ, რომლის მომზადებულმა საქმელმაც მონამლა. როდესაც შხამს აძლევენ ბუდას, მისგან მაშინაც კი სიყვარული მოედინება.

იესომ თქვა: „**რამეთუ ის, რაც თქვენს პირში ჩადის, არ წაგბილწავთ, მაგრამ ის რაც თქვენს ბაგეთაგან ამოდის წაგბილწავთ თქვენ**”.

ასე რომ, დაიმახსოვრეთ – მთავარია, როგორ გარდასახავთ მოვლენებს. თუ გირტყამთ ვინმე, ის თქვენ გკვებავთ რტყმევით, მაგრამ ეს ვერ წაგბილწავთ თქვენ.

ამჟამად რა გამოედინება თქვენგან? როგორ გარდასახეთ დარტყმები? სიყვარული გამოდის თქვენგან თუ სიძულვილი? იესოს თქმით, გახსოვდეთ, რომ მთავარია რა გამოდის თქვენგან და ნუ იზრუნებთ განსაკუთრებულად იმაზე, რაც თქვენში შედის. სხვაგვარად თქვენი მოქმედება არასწორი იქნება. თუ გამუდმებით ფიქრობთ იმაზე, რა შემოდის თქვენში, ვერასოდეს განივითარებთ საგანთა გარდასახვის უნარს. მაშინ ყველაფერი ზედაპირული რჩება: იწყება ზრუნვა სუფთა საკვებზე: თქვენში ბატონდება აზრი, რომ თქვენ ხელშეუხებელნი ხართ. ბრაჰმანები* და წმინდა სულელები ბრძანდებით. ამ შემთხვევაში ყველაფერი სისულელედ იქცევა! ჭეშმარიტება ის კი არ არის, რაც თქვენში შემოდის, ჭეშმარიტება იმაშია, რომ მუდამ გახსოვდეთ ის, რაც თქვენში შემოდის, უნდა გარდასახოთ!

ერთხელ შანკარაჩარი იყო ბენარესში. დილით იგი მდინარე განგზე განბანის რიტუალის ჩასატარებლად წავიდა. აზროვნებდა რა ძველბრაჰმანულად, ფიქრობდა, რომ განგი განწმენდა

მას. განბანვის შემდეგ უკან მომავალს ერთი შუდრა* შეეხო ხელით.

შანკარაჩარი ძალიან განაწყენდა და შუდრას უთხრა: „ეს რა ჰქენი? ახლა უკან უნდა დავბრუნდე და ხელახლა განვიბანო. შენ მე ნამბილნე!“

ამბობენ, შუდრამ ასე უპასუხაო: „მაშინ მაგ განგს ჩალის ფასი ჰქონია, თუ განგმა განგწმინდა, სუფთა იყავი და ჩემმა შეხებამ წაგბილნა, მაშინ მე უფრო დიდი ძალა მქონია, ვიდრე შენს განგს! შენ რა ბრძენი ხარ? მე ვისმენდი შენს საუბარს, სადაც ამბობდი, თითქოს ყოველ ჩვენგანში არსებობს მთლიანი. მაშ, ნება მომეცი გკითხო: ჩემი სხეულის შეხებას შეეძლო შენი ნაბილწვა? თუ ეს ასეა, მაშინ ეს ნიშნავს, რომ ჩემს სხეულს შეუძლია შენს სულს შეეხოს, მაგრამ შენ ამბობ, რომ სხეული ილუზიაა და სიზმარი. მაშ, როგორ შეეხება სიზმარი რეალობას? როგორ შეიძლება იმან, რაც არ არის, წაბილწოს ის, რაც არსებობს? ანდა, შენ ამბობ, თითქოს ჩემმა სხეულმა კი არა, სულმა წაგბილწა, მაშინ რატომ არა ვარ მე ბრაჰმა და რატომ არა ვარ ისეთივე მთლიანი, რის შესახებაც შენ ქადაგებ? ბოლოს და ბოლოს მითხარი, ვინ წაგბილწა?“...

ამბობენ, შანკარაჩარმა მუხლი მოიყარა შუდრას წინაშე და უთხრა: „აქამდე მე მხოლოდ ვფიქრობდი მთლიანზე, მაგრამ ეს იყო ფილოსოფია. ახლა კი შენ მაჩვენე ჭეშმარიტი გზა. ამიერიდან ვერავინ წამბილწავს. მე ახლა მივხვდი, რომ არსებობს ერთიანი და ის იგივეა ჩემშიც და შენშიც...“

შემდგომში შანკარაჩარი ბევრს ეცადა, ეპოვა ეს ადამიანი, მაგრამ უშედეგოდ. შესაძლოა, ის თავად ღმერთი იყო. ის თავად პირველმიზეზი იყო. აშკარაა, რომ შანკარაჩარი გარდაიქმნა.

ის, რაც შემოდის თქვენში, ვერ წაგბილწავთ, რადგან ყველაფერი სხეულში შედის. თქვენში და თქვენს შინაგან სამყაროში ვერაფერი შემოვა. თქვენი სინმინდე აბსოლუტურია. მაგრამ რაც არ უნდა გამოვიდეს თქვენგან, ყოველივე თქვენს თვისებებს ატარებს. ეს ყოველთვის რაღაცის მანიშნებელია. თუ სიძულვილი მოდის თქვენგან, ეს იმაზე მიგვანიშნებს, რომ თქვენ შინაგანად ავად ხართ; თუ ღვარძლი მოდის, შინაგანად არ ხართ მთლიანი; თუ თქვენ მოსიყვარულე, თანამგრძობი და მადლიერი ხართ და ნათელი მოედინება თქვენგან, ეს ნიშნავს, რომ მთლიანობა მიღწეულია.

ვიმედოვნებ, რომ ჩასწვდით იესოს ამ უცნაურ ნათქვამს, ღმერთკაცთა წარმოთქმული ჭეშმარიტება ყოველთვის პარადოქსულია და მზად რომ იყოთ მის ჩასაწვდომად, ცენტრირებულნი უნდა გახდეთ.

თქვენ ყველაფერს გონებით აღიქვამთ, გონება კი ხშირად იტვირთება, იბნევა და ინტერპრეტაციას ახდენს. ასეთ შემთხვევაში ეს გამონათქვამი საშიში ხდება. უნდა გითხრათ, რომ იესოს ეს სიტყვა ბიბლიის ოფიციალურ ვერსიაში არ ჩანერილა, იგი ამოაგდეს, რამეთუ ის, რის შესახებაც ლაპარაკია, საშიშია!

ეს ნათქვამი ჩანერილია ბიბლიის არაოფიციალურ ვერსიაში. იესოს საუბრებს ბევრი ადამიანი ინერდა და ზოგიერთი მათგანი გადარჩა. ერთ-ერთი ასეთი ჩანანერი 20 წლის წინ იპოვეს ეგვიპტის რომელიღაც გამოქვაბულში.

ყველა გამონათქვამი, რომელსაც ჩვენ ვიხილავთ, ამ ჩანანერებიდან არის ამოკრებილი. ზოგიერთი მათგანი არ შეუტანიათ ბიბლიის ოფიციალურ ვერსიაში, რამეთუ ოფიციალური ვერსია ვერასოდეს იქნება სრულყოფილი. ეს შეუძლებელია. ორგანი-

ზებუღი რელიგია არსს კარგავს. არსებობს ეკლესიის ინტერესები. როგორ გეტყვიტ რომის პაპი: „უკეთუ მარხულობტ, სცოდავტო...“ მამინ ხომ არავინ იმარხულებს. ან „...უკეთუ ლოცულობტ, განიკითხებითო...“ მამინ ხომ აღარავინ ილოცებს, და „...ტუ მონყალებას გაიღებტ, საკუტარ სულს ავნებტო...“ მამინ არავინ იქნება მონყალე! მამ, როგორღა იარსებებს ეს დიდი ორგანიზაცია – ეკლესია?

ქრისტიანებს ყველაზე დიდი ორგანიზაცია აქვტ: მარტო კატოლიკე მღვდლების რიცხვი 12 ლაკხს (1,2 მილიონი) შეადგენს. დედამინაზე ატასობიტ კატოლიკური ეკლესიაა. კატოლიკური ქრისტიანობა არსებულ ორგანიზაციატა შორის ყველაზე მდიდარია. რომის პაპიც ერთ-ერთი მდიდარი კაცია მსოფლიოში ყველაზე დიდი ორგანიზაციიტა და ერთადერთი საერთაშორისო სახელმნიფოტი, რომელიც ტიტქმის უჩინარია, მაგრამ მილიონობიტ ქვეშევრდომი ჰყავს.

ეს ყველაფერი შემონირულობის ხარჯზე მოხდა და ტუ ქრისტიანები გაიგებენ იმას, რასაც იესო ამბობს: „და ტუ მონყალებას გაიღებტ, საკუტარ სულს ავნებტო...“ რა მოხდა? ეკლესიები შექმნილია სალოცავად, მაგრამ ტუ ხალხი ჩასწვდება იესოს ნატქვამს: „უკეთუ ილოცებტ, ტქვენ სცოდავტო...“ ვინღა ილოცებს ამ ეკლესიებში? და ტუ არ იქნება ლოცვები, მარხვა, რიტუალები და შემონირულობანი, როგორ იარსებებენ ქურუმები? იესო ტავს აღწევს მტელი ორგანიზებუღი რელიგიის ტავად საფუძველს. ასეტ შემტხვევაში იქ არის იესო, მაგრამ არ არის ქრისტიანობა.

ეს გამონატქვამი ოფიციალური ვერსიიდან უკუაგდეს. შესაძლოა ვერც ტქვენ გაიგოტ იგი, მაგრამ ტუ შესძლებტ შეიგ-

რძნოთ ის, რასაც მე გეუბნებით, მიხვდებით, რომ იესო არც ლოცვის, არც მარხვისა და არც მოწყალების გაღების წინააღმდეგი არ არის.

რეალური უნდა გამომდინარეობდეს თქვენი არსებიდან. დასაწყისისათვის თქვენ უნდა შეიცვალოთ და გარდაიქმნათ! და მხოლოდ მაშინ თქვენი ყოველი ქმედება ჭეშმარიტი იქნება!

ერთხელ ვილაცამ წმინდა ავგუსტინეს* ჰკითხა: „როგორ მოვიქცე? მე არც თუ ისე განათლებული კაცი ვარ, ასე რომ, თუ შეგიძლია, მოკლედ და რამდენიმე სიტყვით მითხარი!“ ავგუსტინემ უპასუხა: „**მოკლედ მხოლოდ ერთი რამ შეიძლება ითქვას – „სიყვარული!” და მაშინ, რაც არ უნდა აკეთოთ, ყველაფერი სწორი იქნება!**“

თუ გიყვართ, მაშინ ყველაფერი მართლაც სწორია, წინააღმდეგ შემთხვევაში კი ყოველივე არასწორი ხდება.

გიყვარდეს, ნიშნავს, იყო „ეგოს“ გარეშე! გიყვარდეს, ნიშნავს იყო ცენტრირებული! გიყვარდეს, ნიშნავს იყო მადლიერი!

იცხოვრეთ თქვენი ყოფიერებით და არა თქვენი საქმიანობით, რადგან საქმიანობა ზედაპირზეა, ყოფიერება კი – სიღრმეში!

მიეცით მთლიანს საშუალება, გამოვიდეს თქვენი ყოფიერებიდან, საკუთარ მოქმედებებს კი ნუ გააკონტროლებთ და ნუ გაუკეთებთ ორგანიზაციას, არამედ გარდაქმენით თქვენი არსება! ჭეშმარიტება არის არა თქვენს მოქმედებაში, არამედ თქვენს მეობაში!

1974 წლის 25 აგვისტო
პუნა, ინდოეთი

საუბარი მეექვსე

მეექვსე შეგონება

იესომ თქვა:

– ცათა სასუფეველი მწყემსსა გავს, რომელსაც ასი ცხვარი ყავდა, ერთ მათგანს გზა აებნა და ეს იყო ყველაზე დიდი დანაკლისი, რამეთუ მწყემსმა ოთხმოცდაცხრამეტი ცხვარი მიატოვა და ეძებდა იმ ერთს, ვიდრე არ იპოვა.

დაქანცულმა ცხვარს უთხრა:

„მე შენ დანარჩენ ოთხმოცდაცხრამეტზე მეტად მიყვარხარ.“

(თომა, 11)

ერთ-ერთი ყველაზე უდიდესი და აბსურდული პრობლემა შემდეგში მდგომარეობს: რა დაემართებათ ცოდვილებს, რომელთაც გზა აებნათ? როგორია ღმერთსა და ცოდვილს შორის დამოკიდებულება? დაისჯება თუ არა ცოდვილი? მოხვდება ჯოჯოხეთში? ყველა ქურუმი ხომ ამტკიცებს, რომ ცოდვილი პირდაპირ ჯოჯოხეთში მოხვდება, მაგრამ განა ღმერთს ძალუძს ვინმეს დასჯა? პატიება აღარ არსებობს? თუ ღმერთს არ შესწევს პატიების უნარი, სხვა ვინ შეძლებს ამას?

ამ კითხვაზე სხვადასხვანაირად შეიძლება პასუხის გაცემა, მაგრამ იესოს პასუხი უმშვენიერესია. სანამ ამ გამონათქვამს

განვიხილავდეთ, ვისაუბროთ განზრახვასა და დასაბუთებას შორის განსხვავებაზე.

სხვა ადამიანების განსჯის დროს, როგორი გონივრული დასკვნებიც არ უნდა მოვიშველიოთ, ჩვენი განზრახვა განსხვავდება წინ წამოწეული ანუ გამომზეურებული ვითომ მიზეზებისგან. შესაძლოა, იყოთ მამა ან დედა და თქვენმა შვილმა გააკეთოს ის, რაც არ მოგწონთ. არ აქვს მნიშვნელობა, ბავშვმა სწორად გააკეთა ეს თუ არასწორად, რამეთუ ვინ უწყის, რა არის ქეშმარიტი და რა მცდარი, მაგრამ თქვენ არ მოგწონთ და ის, რაც არ მოგწონთ, თქვენთვის მცდარია. რაც მოგწონთ, თქვენთვის მხოლოდ ის არის ქეშმარიტი, ყველაფერი თქვენს მიმართებაზეა დამოკიდებული.

ბავშვს თუ გზა აებნა, თქვენი აზრით, იგი არასწორად მოქმედებდა და თქვენ სჯით მას. ნამდვილი მიზეზი კი ის იქნება, რომ ბავშვი გაუგონარია და არა ის, რომ არასწორად მოიქცა. თქვენი „ეგო“ წუხდება. ბავშვს კონფლიქტი ჰქონდა თქვენთან, მან უარი განვიცხადათ რაღაცაზე, ამიტომაც მას სჯით. მიზეზი ის არის, რომ შეეხნენ თქვენს „ეგოს“, ხოლო დასჯა შურისძიების სახეობაა.

თქვენ ამტკიცებთ, თითქოს სჯით იმის გამო, რომ ის არასწორად მოიქცა და გსურთ ჭკუა ასწავლოთ. თქვენი აზრით, ბავშვი უნდა დაისაჯოს, თუ მცდარი გზით მიდის და უნდა ნაახალისოთ, როცა თქვენ მოგყვებათ. თუ თქვენ ნებას დაჰყვება, კარგად მოეწყობა ცხოვრებაში – ასე მსჯელობთ თქვენ, მაგრამ მთავარი მიზეზი გაუცნობიერებელი გრჩებათ, რაც იმაში მდგომარეობს, რომ ბავშვი თავის ადგილზე უნდა დასვათ, შეახსენოთ, რომ თქვენ ხართ უფროსი და გადაწყვეტილებებსაც თქვენ

ღებულობთ. შეახსენოთ, რა არის მცდარი და რა არის ჭეშმარი-
ტი, რომ თქვენ აძლევთ მას მიმართულებას, რომ იგი არ არის
თავისუფალი, რომ თქვენ ფლობთ მას და თუ არ გაგიგონებთ,
დაზარალდება.

კარგ ფსიქოლოგებს თუ ჰკითხავთ, ისინი გეტყვიან, რომ
განსხვავება მიზეზსა და გონივრულ დასაბუთებას შორის მე-
ტად ადვილი გასაგებია. გონივრული დასაბუთება კარგი საფა-
რია, რომელშიც ნამდვილი მიზეზი იმალება, ხოლო ყალბი მიზე-
ზი, ერთი შეხედვით, აბსოლუტურად ნამდვილად გამოიყურება.
და ეს ასე ხდება არა მხოლოდ მშობლებსა და შვილებს შორის,
არამედ საზოგადოებასა და გზააბნეულ ადამიანთა შორისაც.
აი, რატომ არსებობს კანონი და საპყრობილე. ეს არის საზოგა-
დოების შურისძიება. იგი ვერ იტანს მემბოხეს, რამეთუ ეს უკა-
ნასკნელი მის სტრუქტურას ანგრევს და, ამავე დროს, შესაძლე-
ბელია, იგი მართალი იყოს. ათენელები ვერ იტანდნენ სოკრა-
ტეს არა იმიტომ, რომ იგი არასწორი იყო, არამედ იმიტომ, რომ
თუ მას შეინყნარებდნენ, მაშინ დაილუპებოდა საზოგადოების
მთელი სტრუქტურა, ამიტომაც სოკრატე მსხვერპლად შესწი-
რეს საზოგადოებას.

იესო ჯვარს აცვეს არა იმიტომ, რომ მისი ქადაგება მცდარი
იყო. არა, დედამიწაზე არასოდეს წარმოთქმულა ასეთი ჭეშმა-
რიტი სიტყვები. იესო საზოგადოებას შესწირეს მსხვერპლად
იმის გამო, რომ მისი საუბარი და ქცევა საშიში იყო საზოგა-
დოების მთელი სტრუქტურისთვის. საზოგადოებაც, სჯის რა
მემბოხეს, ფიქრობს, რომ ეს სწორი ნაბიჯია. მასაც აქვს გო-
ნივრული დასაბუთება. თქვენ გსჯიან თქვენივე კეთილდღეობი-
სათვის.

მაგრამ არავინ დაფიქრებულა იმაზე, შეიძლება თუ არა კეთილდღეობის მიღწევა სასჯელით. ჩვენ ათასწლეულების მანძილზე ვსჯით სისხლის სამართლის დამნაშავეებს, მაგრამ არავინ დაინტერესებულა, გარდაიქმნენ თუ არა მსჯავრდებული დამნაშავენი. დანაშაულებები მატულობს, პატიმართა რიცხვიც იზრდება, საპყრობილეებიც აღარ არის საკმარისი. უფრო მეტი კანონი – მეტი დამნაშავე, უფრო მეტი სასამართლო – მეტი დანაშაული. რაში მდგომარეობს პრობლემა? – დამნაშავეც ხვდება, რომ დაკისრებული სასჯელი მხოლოდ საზოგადოებისა და კანონის გონივრული დასაბუთებაა, თითქოს ის დაისაჯა არასწორი ქცევის გამო. სინამდვილეში კი ხედავს, რომ ის დაისაჯა იმიტომ, რომ დაიჭირეს. ამდენად მასაც აქვს თავის გონივრული მტკიცებანი. შემდგომში იგი უფრო მარჯვედ და წინდახედულად უნდა მოიქცეს. ამჯერად ის დაიჭირეს იმიტომ, რომ უყურადღებოდ მოიქცა. უფრო მოქნილი და ჭკვიანი რომ ყოფილიყო, დანაშაულის კვალს დაფარავდა და ვეღარ დააპატიმრებდნენ. დამნაშავე ყოველთვის ფიქრობს, რომ მას სჯიან არა იმის გამო, რაც ჩაიდინა, არამედ იმიტომ, რომ ის დაიჭირეს. მეორედ აღარ ჩავარდეს – აი, რას ასწავლის მას სასჯელი.

პატიმარი ციხეს რომ ტოვებს, უფრო განაფული დამნაშავეა, ვიდრე ადრე იყო. ციხეში გამოცდილ ადამიანებთან, დანაშაურებულ ადეპტებთან* ჰქონდა ურთიერთობა, რომლებმაც უფრო მეტი იციან, რომლებსაც უფრო მეტი სასჯელი შეუფარდეს და დანაშაულის სამყაროში დახელოვნებულნი არიან. ცხოვრობს რა მათთან, ემსახურება მათ და მათი მოწაფე ხდება, იგი სწავლობს. მეორედ მას იოლად ვეღარ დაიჭერენ. ახლა ის უფრო გამოცდილი დამნაშავეა.

სასჯელის შიშს ჯერ არავინ შეუჩერებია. საზოგადოება კი კვლავ ფიქრობს, რომ დამნაშავეის არასწორი მოქმედება შეაჩერა სასჯელმა. დამნაშავეც და საზოგადოებაც მცდარია: საზოგადოებას თავისი მიზეზი გააჩნია, მას სურს შური იძიოს. დამნაშავესაც კარგად ესმის ეს. ორივეს „ეგოს“ ერთმანეთის ენა გაუცნობიერებლადაც ესმის, დამნაშავეც შესაფერის დროს ელის, რომ თავის მხრივ შური იძიოს. საბოლოოდ, კონფლიქტი მიმდინარეობს დამნაშავეისა და საზოგადოების „ეგოებს“ შორის.

და თქვენ ფიქრობთ, რომ ღმერთიც ასეთივეა? როგორც მართლმსაჯულება, როგორც მამა და ბოსი? ღმერთიც სასტიკია, როგორც საზოგადოება? ისიც ისეთივე ეგოისტია, როგორც ჩვენ? თუ გაუგონარნი ვიქნებით, იგი შურს იძიებს და დაგვსჯის? მაშინ ის ღვთაება კი აღარ იქნება, არამედ – ჩვეულებრივი ადამიანი.

ეს ერთ-ერთი უმთავრესი პრობლემაა – როგორ მოიქცევა ღმერთი გზააბნეულ ცოდვილებთან? კეთილად მოიქცევა? მაშინ ჩნდება სხვა პრობლემაც. მას თუ სურს, იყოს სამართლიანი, მაშინ არ შეიძლება ჰქონდეს თანაგრძნობა, რადგან სამართლიანობას და თანაგრძნობას ერთად არსებობა არ შეუძლია. თანაგრძნობა უსიტყვო პატიებას ნიშნავს, ეს კი უსამართლობა იქნება.

წმინდანმა მთელი ცხოვრება უნდა ილოცოს, არასოდეს არ უნდა მოიქცეს ცუდად; უნდა ეშინოდეს ზღვარს გადაცდენის; უნდა შეიზღუდოს საკუთარი თავი; იყოს თვითპატიმრობაში, იყოს სათნო და უმნიკვლო, ძალიან ასკეტური. თავს არასოდეს მისცეს ნება გრძნობიერი სიამოვნებისათვის.

სხვას კი შეუძლია იცხოვროს თავისი სურვილისამებრ, აკეთოს ის, რაც აზრად მოუვა, ნავიდეს იქ, სადაც გრძნობა ნაიყვანს, დასტკბეს ყოველივე იმით, რასაც ცხოვრება იძლევა, ჩაიდინოს ნებისმიერი ცოდვა, ბოლოს კი ორივე მათგანი ღვთაებრივსა და ღვთის სამყაროს მიაღწევს.

რა მოხდება? თუ წმინდანს არ დააჯილდოებენ და ცოდვილს არ დასჯიან, ეს უსამართლობა იქნება. თუ ორივეს დააჯილდოებენ, ესეც უსამართლობაა. რალა აზრი აქვს წმინდანად ყოფნას? მაშინ ყოველივე ამაოა. მაშინ ღმერთი მონყალეა, მაგრამ არა – სამართლიანი.

ის რომ უბრალოდ სამართლიანი ყოფილიყო, მაშინ თქვენთვის ნათელი იქნებოდა, რომ ცოდვილი უნდა დაისაჯოს, ხოლო წმინდანი – დაჯილდოვდეს. მაგრამ მაშინ ღმერთს არ ექნებოდა თანაგრძნობა; სამართლიანობაში სისასტიკეც უნდა ერიოს, სხვაგვარად იგი ვერ განხორციელდება. სამართლიანი ადამიანი გონებით ცხოვრობს და არა გულით.

მსაჯულს „გული“ არ უნდა ჰქონდეს. სხვაგვარად მისი სამართალი შეირყევა. მსაჯული არ უნდა იყოს კეთილი, თორემ სიკეთე სიმართლის წინააღმდეგობად იქცევა. მსაჯული გონებით უნდა მოქმედებდეს, როგორც კომპიუტერი, გულის კარნახს კი არ უნდა აჰყვეს. იგი უგრძნობელ მაყურებლად უნდა დარჩეს. ამ დროს წამოიჭრება მეორე პრობლემაც – ჩვენ ათასწლეულების მანძილზე ვამბობდით, რომ ღმერთი თანამგრძნობი, კეთილი, მოყვარული და სამართლიანია. როგორ გადავწყვიტოთ ეს წინააღმდეგობა და პარადოქსი?

იესო მშვენივრად პასუხობს ამ საკითხზე, რომლის გაგება გაგიძნელებათ, რადგან იესო ეწინააღმდეგება თქვენს ყველა

წინასწარ შექმნილ აზრსა და თქვენს გონებას, მას ხომ არ სჯერა სასჯელის და მას ვერც იწამებს, რამეთუ სასჯელი შურისგებაა. ვერც ბუდა და კრიშნა ირწმუნებენ სასჯელს, პირიქით, მათ შეუძლიათ თვით სამართლიანობა გამორიცხონ ღვთის თვისებებიდან, მაგრამ სიბრალულს ვერასგზით ვერ გამორიცხავენ, რადგან სამართლიანობა ადამიანური იდეალია.

სამართლიანობას შემდეგი პირობა გააჩნია: „გააკეთე და მი-აღწე, არ გააკეთო, თორემ დაკარგავ...“ სიბრალულს კი არავითარი პირობა არა აქვს.

ღმერთი შემწყნარებელია და ამას რომ ჩავწვდეთ, იესოს სიტყვები განვიხილოთ:

„ცათა სასუფეველი მწყემსსა ჰგავს, რომელსაც ასი ცხვარი ჰყავდა. ერთ მათგანს გზა აებნა და ეს იყო ყველაზე დიდი დანაკლისი, რამეთუ მწყემსმა ოთხმოცდაცხრამეტი ცხვარი მიატოვა და ეძებდა იმ ერთს, ვიდრე არ იპოვა.

დაქანცულმა უთხრა ცხვარს:

მე შენ დანარჩენ ოთხმოცდაცხრამეტე მეტად მიყვარხარ!..“

ეს ალოგიკურია, მაგრამ ჭეშმარიტია, შეეცადეთ გაიგოთ: ღმერთის სასუფეველი მწყემსს ჰგავს, რომელსაც ასი ცხვარი ჰყავდა. ერთ მათგანს გზა აებნა და ის იყო ყველაზე დიდი დანაკლისი.

ყოველთვის ასე ხდება: ის, ვისაც გზა აებნა, ყველაზე საუკეთესოა. თუ ხართ მამა და გყავთ ხუთი შვილი, მხოლოდ ყველაზე უკეთესი გაგიწევთ წინააღმდეგობას და განგიდგებათ, მხოლოდ საუკეთესო შეეცდება თვითდამკვიდრებას. საშუალო ყოველთვის დაგიჯერებთ, ის კი, ვინც არ არის საშუალო, ყოველთვის აჯანყდება, რადგან მისი გონება მუამბოხეა. ყოველთვის გო-

ნიერი აწყობს ამბოხებას. ისინი კი, რომლებიც ყოველთვის კვერს გიკრავთ, მკვდარი სულია და მეტი არაფერი. შესაძლოა, მოგწონდეთ ისინი, მაგრამ მათში სიცოცხლე ჩამკვდარია. ისინი მხარში გიდგანან არა სიყვარულის, არამედ თავიანთი სისუსტის გამო – ეშინიათ და არ შეუძლიათ მარტო დარჩენა. ისინი იმპოტენტები არიან.

მიმოიხედეთ გარშემო. ის ადამიანები, ვისაც კარგ ხალხად თვლით, თითქმის ყოველთვის სუსტები არიან, მათი კარგი თვისებები მათი ძლიერებიდან კი არა, სისუსტიდან გამომდინარეობს. ისინი კარგები არიან, რამეთუ ვერ ბედავენ, იყვნენ ცუდები. რა სათნოებას უნდა მოელოდეთ მათი სისუსტისაგან? სათნოება ხომ პირამდე სავსე ძალიან მოედინება და მხოლოდ მაშინ არის ჭეშმარიტი, თუ სიცოცხლისუნარიანია და ნიაღვარს ჰგავს.

ამიტომ, როცა ცოდვილი წმინდანად გარდაისახება, მის სინძინდეს თავისი ძლიერება ექნება. საშუალო ადამიანი თავისი სისუსტის გამო ხდება წმინდანი. მისი სინძინდე მკვდარი და უფერულია, მოკლებულია სიცოცხლეს. თქვენ შეგიძლიათ თქვენი სისუსტის გამო იქცეთ წმინდანად, მაგრამ მაშინ კი არ პოულობთ, არამედ კარგავთ ჭეშმარიტებას, ხოლო თუ სიძლიერის გამო ხდებით წმინდანი, მხოლოდ მაშინ აღწევთ ჭეშმარიტებას. თუ ადამიანი იმიტომ არის კარგი, რომ არ შეუძლია იყოს ცუდი, არ არის ჭეშმარიტად კარგი. გახდება თუ არა ძლიერი, იგი ცუდ ადამიანად იქცევა, მიეცით მას ძალაუფლება და ნახავთ, რომ ძალაუფლება დაუყოვნებლივ გააფუჭებს მას.

ინდოეთშიც ასე მოხდა. განდს ბევრი მიმდევარი ჰყავდა, მაგრამ საფიქრებელია, რომ მათი სათნოება სისუსტიდან გა-

მომდინარეობდა. მისი მიმდევრები კარგები იყვნენ იქამდე, ვიდრე არ ფლობდნენ ძალაუფლებას; მაგრამ როგორც კი ქვეყნის მმართველნი შეიქნენ, მთლიანად გადასხვაფერდნენ.

ძალაუფლებას კი ძლიერი ადამიანის გაფუჭება არ ძალუძს. ძალას თუ შეეძლო ეს, აქამდე გააცუდებდა ამ პიროვნებას.

ლორდმა ეკტონმა თქვა: „ძალაუფლება აფუჭებს და რყვნის ადამიანს და თანაც სრულიად!“ მე ეს პირობითად მეჩვენება, რადგან შეუძლებელია ეს ნათქვამი კატეგორიული იყოს. ძალაუფლება აფუჭებს კაცს იმ შემთხვევაში, თუ სათნოება სისუსტიდან მოდის, ხოლო თუ სიძლიერიდან გამომდინარეობს, ძალაუფლებას არ შეუძლია ადამიანზე ზემოქმედება.

როგორ გაგაფუჭებთ ძალა, თუ უკვე ფლობთ მას?

მართლაც, ძალიან ძნელია იმის გაგება, თუ საიდან მოდის თქვენი სათნოება. თუ არ ქურდობთ იმის გამო, რომ დაპატიმრების გეშინიათ, მაშინ დარწმუნდებით თუ არა იმაში, რომ საფრთხე არ გემუქრებათ, იმ დღესვე გახდებით ქურდი. რალა შეგიშლით ხელს? თქვენ ხომ მხოლოდ დაჭერის გეშინოდათ?

თქვენ არ სპობთ თქვენს მტერს, რამეთუ იცით, რომ არ გაპატიებენ. მაგრამ თუ მოვლენები ისე წარიმართება, რომ თქვენ შეგიძლიათ კაცის მოკვლა და არ დაგატუსაღებენ, დაუყოვნებლივ გაუსწორდებით თქვენს მტერს. ასე რომ, თქვენი სიკარგე სისუსტიდან მოდის. მაგრამ როგორ აღმოცენდება სათნოება სისუსტიდან? მას ხომ ნიაღვრად გადმოსული ენერგია სჭირდება.

სათნოება – ტკბობაა. გახსოვდეთ ეს! სინმინდე არის ტკბობა. იგი სიუხვიდან მოდის. როდესაც ენერგია მოგჭარბდებათ ისე, რომ ველარ ეტევა თქვენში, მაშინვე ანაწილებთ მას. თქვენ

შეგიძლიათ გულიდან გაიღოთ თქვენი შინაგანი ენერგია, რამეთუ იგი უკვე გამძიმებთ. თქვენ მოგწონთ, სხვაზე რომ იხარჯებით, სიხარულით დატოვებდით ყველაფერს და მთელ თქვენს ცხოვრებას საჩუქრად გაიღებდით.

როცა რამე გაქვთ, სიხარულით გასცემთ მას. გახსოვდეთ – რასაც ებლაუჭებით, სინამდვილეში არ ფლობთ მას და თუ გაგაჩნიათ რამე, ყოველთვის შეგიძლიათ სხვისთვის გაიღოთ. მფლობელი მხოლოდ მაშინ ხდებით, როცა უანგაროდ გასცემთ რამეს. ხოლო თუ კიდევ ებლაუჭებით, გეშინიათ. ამ შემთხვევაში თქვენ არ ხართ მისი პატრონი. გულის სიღრმეში იცით, რომ ეს თქვენ არ გეკუთვნით და ადრე თუ გვიან, წაგართმევენ. აი, რატომ არ შეგიძლიათ, მისცეთ ის სხვას.

ამგვარად, როცა პიროვნება გაიღებს სიყვარულს, მხოლოდ მაშინ გვიჩვენებს, რომ იგი სიყვარულითაა სავსე; როცა გაიღებს მთელ თავის ცხოვრებას, გვიჩვენებს, რომ იგი ცოცხალია. ამის შესაცნობად სხვა გზა არ არსებობს.

ადამიანთა უმრავლესობა სისუსტის გამო ხდება სათნო. ეს მხოლოდ გარეგანი მხარეა, ყალბი მონეტაა და ქალაქის ან პლასტიკატის ყვავილს ჰგავს. ხე ყვავის მხოლოდ იმიტომ, რომ სასიცოცხლო ენერგიითაა აღსავსე. მას თუ საჭირო რაოდენობის წყალი არ დაესხმება, ნიადაგი არ განაყოფიერდება სასუქით, მაშინ ხე იზრდება, მაგრამ ვერ ყვავის.

არსებობს ერთგვარი იერარქია. უმაღლესს არსებობა შეუძლია მხოლოდ მაშინ, როცა უმაღლესისკენ მოძრაობისათვის აქვს ენერგია. თუ კარგად არ იკვებებით, პირველ რიგში, გიჩლუნგდებით გონება. ღარიბ ქვეყნებში ნამდვილი სიღარიბე სხეულში კი არა, გონებაშია, რადგან თუ ქვეყანა ძალიან ღარიბია,

გონება ვერ იარსებებს, რამეთუ გონება უნდა აყვავდეს. ენერგიას ზევით სვლა შეუძლია მხოლოდ მაშინ, როცა ხორციელი მოთხოვნილებანი დაკმაყოფილებულია. წინააღმდეგ შემთხვევაში, ენერგია მას აკმაყოფილებს. ხეც ასეა, თუ ფესვი ვერ გაიდა, ვერც იყვავილებს. გონება უსხეულოდ ვერ იარსებებს. სიბრალული კი უფრო მაღლა დგას, ვიდრე გონება, მედიტაცია კი ორივეზე ამაღლებულია.

ინდოეთს ბუდა და მაჰავირი მაშინ მოეველინენ, როცა ქვეყანა მდიდარი იყო. მათ შემდეგ არსებობდნენ ე.წ. წმინდანები, მაგრამ არა ბუდას მსგავსნი, რამეთუ ეს ძალიან რთულია. ყვავილობა შესაძლებელია, თუ არსებობს თავისუფალი, გამოუყენებელი ენერგია.

თუ ხეს წყალს არ უსხამთ, თავდაპირველად სცვივა ყვავილები და ფოთლები, შემდეგ უხმება ტოტები და მხოლოდ ბოლო მომენტში უხმება ფესვი, რამეთუ ფესვით შესაძლებელია ყოველივე ხელახლა იშვას. ფესვი ყველაზე დაბალი საფეხურია და ყველაზე უკეთ უნდა იყოს დაცული, რამეთუ იგი ხის საფუძველია. როდესაც წვიმა მოვა და ფესვებამდე ჩააღწევს, ხე ხელახლა იყრის ტანს და ყვავილობს. ასეთივე იერარქია არსებობს თქვენშიც.

გაცივით სათნოებით, მხოლოდ თქვენივე ენერგიის წყალობით! ნურასოდეს იქნებით მონყალენი სისუსტის გამო. მე არ გეუბნებით, რომ ცუდნი იყოთ, მაგრამ სისუსტით საერთოდ როგორნი იქნებით? ბიწიერება ისევე საჭიროებს ენერგიას, როგორც სათნოება. ენერგიის გარეშე ვერ იქნებით ცუდები და ბოროტები, მაგრამ ენერგიის გარეშე მაღლიანები მით უმეტეს ვერ იქნებით, რადგან მაღლიც და ბოროტებაც რეალურია.

უენერგიოდ თქვენ ყალბი სახე გექნებათ, ეს არის და ეს. შეგიძლიათ იყოთ არაფერი, თქვენ იქნებით მხოლოდ ფასადი, თვალთმაქცობა, მოჩვენება და ყალბი პიროვნება. თქვენ შექმნით ყალბ სათნოებას, ყალბ სინმინდეს და იფიქრებთ, რომ წმინდანი გახდით, თქვენ გერქმევით წმინდანი, მაგრამ არა იმიტომ, რომ მიაღწიეთ ღვთაებრივს, არამედ იმიტომ, რომ თქვენ სისუსტის გამო ვერ ჩადიხართ ცოდვას.

ღვთაებრივის მიღწევა არის დაბოლოება. ადამიანი პოზიტიური ენერგიის მფლობელი ხდება და ემსგავსება ღმერთს. ეს თავისთავად ხდება. თქვენ შეგიძლიათ თქვენნივე სიცუდის უკუგდება, მაგრამ იქვე არსებობს სურვილი და თუ გაბრაზების სურვილი გაქვთ, აღარ აქვს მნიშვნელობა, გაბრაზდებით თუ არა. აი, რითი განსხვავდება ცოდვა და დანაშაული ერთმანეთისგან.

დანაშაული მოქმედებას გულისხმობს, თქვენ შეგიძლიათ გონებაში ჩაიდინოთ დანაშაული, მაგრამ ვერავინ დაგსჯით მხოლოდ განზრახვისთვის, რამეთუ არც ერთ სასამართლოს არ შეუძლია თქვენი გონების გასამართლება. ისჯება მხოლოდ სხეული, ამიტომ დანაშაული უნდა იყოს მოქმედება.

მე შემიძლია ვიფიქრო მთელი კაცობრიობის ამონყვეტაზე, მაგრამ მხოლოდ ფიქრისთვის ვერავინ დამსჯის, რადგან დანაშაულის განსახორციელებლად ერთი ნაბიჯიც არ მაქვს გადადგმული. კანონი განსჯის არა ნააზრევს, არამედ ნამოქმედარს. ეს განსხვავება არსებობს დანაშაულსა და ცოდვას შორის.

ცოდვა არ განასხვავებს თქვენს მოქმედებასა და აზრს. თუ ცუდს ფიქრობთ, მარცვალნი უკვე ჩაგდებულნი ხართ და შემდგომში იმოქმედებთ თუ არა, ამას მნიშვნელობა არ აქვს.

ფიქრი თუ მოქმედებაში გადაიზრდება, ეს უკვე დანაშაულია. თუ ცუდი აზრი დაგებადათ, თქვენ უკვე შესცოდეთ. ღვთის წინაშე თქვენ უკვე დამნაშავე ხართ, სწორ გზას ასცდით, ეს არის პუნქტი, რომელიც კარგად უნდა გაიგოთ: ის, ვინც გზას ასცდა, ყოველთვის უფრო ძლიერია, ვიდრე ის, ვინც კვლავ სწორ გზას მიუყვება. გზასაცდენილი ყოველთვის საუკეთესოა.

მიზრძანდით საგიჟეთში და ნახეთ: იქ თქვენ. ყველაზე გონიერ ხალხს იხილავთ, რომლებიც ჭკუიდან შეიშალნენ. გადახედეთ საუკუნის ბოლო სამოცდაათ წელიწადს და დაინახავთ, რომ მართლაც საუკეთესო ადამიანები გაგიჟდნენ.

ნიცშე*, ერთ-ერთი ყველაზე გონიერი ადამიანი, ჭკუიდან შეიშალა. მას იმდენად ჭარბი ენერგია ჰქონდა, რომ შეუძლებელი იყო მისი კალაპოტში მოქცევა. ნიცშეს ენერგია წყალდიდობას ჰგავდა. ეს იყო სტიქია. ნიცშე შეიშალა, ნიჟინსკი* შეიშალა... საუკეთესო ადამიანები საგიჟეთში მოხვდნენ, ხოლო საშუალო გონების ადამიანი დარჩა ჭკვიანი. ეს კი აბსურდს ჰგავს: გენიოსები ჭკუიდან სცდებიან, საშუალონი კი ჩვეულებრივ რჩებიან. რატომ რჩება საშუალო გონების პიროვნება ნორმალური? ყველანაირი ენერგია პოულობს თავის გზას. ბავშვი ხდება „ძნელად აღსაზრდელი“ მხოლოდ მაშინ, როცა ენერგიით აღსავსეა. მან რაღაც უნდა მოიმოქმედოს, რათა დახარჯოს თავისი ენერგია.

ცხოვრება არის ენერგია. უსიცოცხლო, ანემიური ადამიანი ვერ შესძლებს გზიდან აცდენას. მას არ გააჩნია ჭარბი ენერგია და ვერ გაიღებს მას. ის ვერ მივა უკიდურესობამდე. ხოლო გზა-აბნეულნი, თუ მათ იპოვნიან, ხდებიან ბუდეები. ნიცშეს პოტენციის ადამიანი, თუ დაინყებს მედიტირებას, გახდება ბუდა. მას

აქვს ენერჯის უზარმაზარი მარაგი და მიმართულებას თუ შე-
უცვლის, გასხვიოსნდება.

პოტენციური ბუდა თუ ბუდა არ გახდება, ჭკუიდან შეიშლე-
ბა. აბა, სად წავა მისი ენერჯია? თუ არ შეგიძლიათ შემოქმედი
გახდეთ, თქვენივე ენერჯია გაგანადგურებთ. საგიჟეთში თქვენ
ნახავთ ყველაზე გონიერ ადამიანებს, რომლებიც გაგიჟდნენ
იმის გამო, რომ თქვენზე შორსმჭვრეტელნი არიან.

ცხოვრება ისე გიბნევთ თავგზას, რომ თუ შორსმჭვრეტა შე-
გიძლიათ, ძნელია თქვენი ჯანმრთელად დარჩენა. ჯანმრთელნი
არიან ისინი, ვინც შორს ვერ ხედავენ. თქვენ ცხოვრების მხო-
ლოდ 2%-ს ხედავთ, 90% კი, როგორც ფსიქოლოგები ამბობენ,
დახშულია და თუ დაინახავთ, ეს თქვენთვის წარღვნა იქნება და
შეიშლებით.

ზოგმა ფსიქოლოგმა, მაგალითად, რ. დ. ლეიგმა, რომელმაც
კარგად შეისწავლა შეშლილობა, ნაიბორძიკა ზოგიერთ საკით-
ხში. აი, ერთ-ერთი მათგანი: ადამიანები, რომლებიც ჭკუიდან
გადადიან, საუკეთესონი არიან, დანაშაულს კი ყველაზე მეამ-
ბოხენი ჩადიან. მათ ძალუძთ გახდნენ წმინდანი და სულაც არ
არის გასაკვირი, რომ ვალმიკი წმინდანი გახდა. იგი დაკოიტი და
მკვლელი იყო. კაცთა კვლა და ძარცვა მის საარსებო წყაროს
წარმოადგენდა. მაგრამ მის ცხოვრებაში ისეთი რალაც მოხდა,
რომ იგი გასხვიოსნდა.

ერთხელ ვალმიკმა ერთი ოსტატი შეიპყრო, რომელმაც
ჰკითხა: „რას მიპირებო“.

ვალმიკმა უპასუხა: „ისე გაგძარცვავ, რომ თითზე გადასახ-
ვევს არაფერს დაგიტოვებ“.

„მე ბედნიერი ვიქნებოდი, შენ რომ ეს შეგეძლოს, უთხრა ოსტატმა, – რაღაც მანუხებს სულის სიღრმეში. მომპარე ის, ჰქენი სიკეთე!“

ვალმიკმა ვერაფერი გაიგო, მაგრამ მაინც უპასუხა: „რაში მაინტერესებს, სულს რა გინრიალებს. მე შენი ნივთები მჭირდება“.

„ნივთები რაში დაგეხმარება? რატომ მძარცვავ?“ – შეეკითხა ოსტატი.

„ჩემი ოჯახის, დედაჩემის, ცოლ-შვილის გულისათვის, – მიუგო ვალმიკმა, – მე რომ არავინ ვძარცვო, ისინი შიმშილით დამეხოცებიან. არადა, ჩემი ხელობა კაცთა კვლა და ძარცვაა“.

მაშინ ოსტატმა უთხრა: „ხეზე მიმაბი, რომ ვერ გავიქცე, შენ კი შინ დაბრუნდი და დედაშენს და ცოლ-შვილს უთხარი, რომ მათი გულისათვის ცოდვას ჩადიხარ, ჰკითხე, მზად არიან თუ არა ისინი, რომ შენთან ერთად გაიყონ სასჯელი ღვთის სამსჯავროზე?“

ვალმიკი თავის სიცოცხლეში პირველად ჩაფიქრდა და ოსტატს უთხრა: „შესაძლოა, შენ მართალი ხარ, ნავალ და ვიკითხავ“.

ვალმიკმა ცოლს ჰკითხა ამის შესახებ. ცოლმა კი უპასუხა: „რატომ უნდა გავიყო სასჯელი შენთან ერთად? მე ცუდი არაფერი ჩამიდენია. შენ ნამოქმედარზე შენვე უნდა აგო პასუხი“... დედამისმა დაამატა: „მე დედა ვარ შენი და მოვალე ხარ დამაპურო. მე არ ვიცი, როგორ შოულობ პურს, ამაზე პასუხისმგებელი შენ ხარ“...

არავინ იყო მზად, გაეყო მისი დანაშაული. ვალმიკი ოსტატთან დაბრუნდა, მის წინაშე მუხლებზე დაეცა და უთხრა: „ახლა

მომეცი შესაძლებლობა, სულს რომ გიფორიაქებს, ის მოგპარო, რამეთუ მივხვდი, რომ მარტო ვარ და რაც არ უნდა ვაკეთო, პასუხი მხოლოდ მე უნდა ვაგო ამაზე. მე ხელს ვიღებ ძველ საქმიანობაზე!”

მსგავსი ამბავი შეემთხვა ბუდასაც. საზოგადოებაზე განანყენებულმა ერთმა შეშლილმა მკვლელმა აღთქმა დადო, რომ ათას კაცს მოუღებდა ბოლოს. მას სისრულეში მოჰყავდა თავისი სიტყვები. ყოველ მოკლულს ცალ თითს აჭრიდა და თითებისგან ყელსაბამი გაიკეთა. მას ანგულიმანა „კაცი თითების ყელსაბამით“ – უწოდეს.

ანგულიმანამ 999 კაცი იმსხვერპლა. შეშინებული ხალხი ცხვირს აღარ ყოფდა გარეთ და ყველა ცდილობდა, მკვლელს არ გადაჰყროდა. ამიტომ ანგულიმანას გაუჭირდა ბოლო მსხვერპლის პოვნა, რომ აღთქმა აღესრულებინა.

იმ დროს ბუდა ტყეში წასასვლელად ემზადებოდა. იქაურმა მცხოვრებლებმა გააფრთხილეს მოსალოდნელი საფრთხის შესახებ და ურჩიეს, სხვა გზით წასულიყო.

„არა, ზუსტად ტყე უნდა გავიარო, თუ მე არ წავედი, სხვა ვინ წავა? ის კი დადარაჯებულია და იმედი აქვს, რომ ვიღაც გაივლის ტყეში“.

ანგულიმანასი მეფესაც ეშინოდა და ხალხსაც. კანონმაც ვერაფერი გაანყო მკვლელთან. მაგრამ ბუდამ თქვა: „ისიც ადამიანია, მე მას ვჭირდები და უნდა გავრისკო – ან ის მომკლავს, ან მე მოვკლავ“.

ბუდა წავიდა ტყეში, უახლოესი მოწაფეებიც კი ჩამორჩნენ უკან, რადგან ეს ძალიან საშიში იყო. ბუდა მარტო მივიდა იმ

მთამდე, რომლის ქიმზეც ანგულიმანა ჩამომჯდარიყო და მსხვერპლს ელოდებოდა.

ანგულიმანამ ბუდა თანაგრძნობით აათვალიერ-ჩაათვალიერა, რადგან გაიფიქრა: „ვგონებ, ამ უდანაშაულო კაცმა არც კი იცის, რომ აქ ვზივარ. ამ გზით ხომ აღარავინ და-დის“. თანაც ბუდას იმდენად უდანაშაულო და მშვენიერი გამო-მეტყველება ჰქონდა, რომ ანგულიანამაც კი იფიქრა: „როგორ მოვკლა ეს კაცი? მას შევეშვები და სხვა ვინმეს ვიპოვი...“ „დაბ-რუნდი უკან! ნაბიჯსაც ნუ გადმოდგა წინ, – დაუყვირა ბუდას, – მე ანგულიმანას მეძახიან, 999 კაცი მოვკალი და ერთის თითილა მჭირდება ყელსაბამისათვის. ერთი კაციც უნდა მოვკლა, რომ აღთქმა ავასრულო, თვით დედაჩემიც რომ მოვიდეს, არ დავინ-დობ, მე არაფერი მნამს, ჩემთვის სულერთია, ვინა ხართ. შესაძ-ლოა, კარგი ბერი ან უდიდესი წმინდანიც კი ბრძანდები, მაგრამ არ მომიახლოვდე, ჩემთვის სულერთია! მე ერთი თითილა მჭირ-დება, შენი თითი კი არაფრით ჩამოუვარდება სხვისას. ასე რომ, ნაბიჯიც არ გადმოდგა ჩემსკენ, თორემ მოგკლავ!..“

მაგრამ ბუდა მაინც მკვლელისაკენ მიიწვედა. მაშინ ანგუ-ლიმანამ იფიქრა, ეს კაცი ან ყრუა, ან გიჟიო და ისევ – დაუყვი-რა: „გაჩერდი, არ გაინძრე!“

ბუდამ უთხრა: „მე დიდი ხნის წინ გავჩერდი, უკვე არ ვმოძ-რაობ. ეს შენ მოძრაობ, ანგულიანა, ჩემი ყველა მოძრაობა შეჩე-რებულია, რადგან შეჩერებულია ყველა გზნება, მის გარეშე კი როგორ მოხდება მოძრაობა. ეს შენ მოძრაობ და გეუბნები, რომ შესდგე!“

ანგულიმანამ სიცილი დაიწყო და ბუდას უთხრა: „შენ მარ-თლა გაგიჟებულხარ. ვზივარ და მეუბნები, მოძრაობო. თავად კი

მოდინხარ და უკვე გაჩერებული ვარო, მეუბნები, შენ ან გიჟი ხარ, ან მე ვერ ვხვდები, რას ნარმოადგენ”.

ბუდა მიუახლოვდა და მიუგო: „გავიგე, რომ კიდევ ერთი თითი გჭირდება. ამქვეყნად ჩემს მიზანს უკვე მივალნიე და ახლა ჩემი სხეული გამოუსადეგარია. როცა მოვკვდები, ხალხი ჩემს სხეულს დასწავს, შენ კი შეგიძლია იგი გამოიყენო. მომაჭერი თავი და თითი. ეს ჩემი სხეულისათვის ბოლო შესაძლებლობაა, რომ გამოიყენონ რამენაირად, ხალხი ხომ დანწავს მას”.

ანგულიმანამ უთხრა: „რას ამბობ? მე ვიფიქრე, რომ შენ გიჟი ხარ. ნუ ცდილობ, იეშმაკო. მე ხომ საშიში კაცი ვარ და მართლა შემიძლია ბოლო მოგილო”.

„სანამ მომკლავ, – სთხოვა ბუდამ, – ბოლო სურვილი შემისრულე, – მოსჭერი ამ ხეს ტოტი”. ანგულიანამ ხეს ტოტი ჩამოათალა. „კიდევ ერთს გთხოვ – ახლა ეს ტოტი მიაბი ხეს უკანვე”. – უთხრა ბუდამ.

„ახლა კი დავრწმუნდი, რომ მართლა გიჟი ხარ, მიუგო ანგულიმანამ, შემიძლია ხეს ტოტი მოვაჭრა, მაგრამ უკანვე როგორ მივაბამ?”.

მაშინ ბუდამ გაიცინა და უთხრა: „თუ მხოლოდ დანგრევა შეგიძლია და აშენება არ ძალგის, მაშინ რატომ ანგრევ? ბავშვებსაც ხომ შეუძლიათ დანგრევა? ამას გამბედაობა არ სჭირდება. ეს ბავშვსაც შეუძლია მოჭრას, მაგრამ ტოტის ხეზე მიბმა მხოლოდ ოსტატს ძალუძს. და თუ შენ ესეც კი არ შეგიძლია, როგორ ფიქრობ, განა შეგიძლია ადამიანს თავი მოკვეთო”.

ანგულიანამ თვალეზი დახუჭა. დაეცა ბუდას ფეხებთან და უთხრა: „ნამიყვანე მეც შენი გზით” და ამ დროს გასხივოსნდა კიდევ.

მეორე დღეს ის უკვე ბჰიკჰუ, ბუდას მდაბიო იყო და ქალაქში მათხოვრობდა. შეშინებული ხალხი შინ შეიმალა. „მერე რა, რომ მათხოვარი გახდა. შეიძლება მაგისი ნდობა? ის ხომ ძალიან სა-შიშია!“ – ფიქრობდნენ ისინი. ანგულიანას არავინ არაფერს სწყალობდა, რამეთუ ვერ გაერისკათ. ხალხი აივნებიდან იყურებოდა და შემდეგ ქვის სროლა დაუნყეს. თითქმის ყველა ოჯახში იყო მისი მსხვერპლი და ხალხს. შურისძიება მოსწყურდა.

ანგულიმანა გასისხლიანებული დაეცა ქუჩაში. ნასროლმა ქვებმა მთელი სხეული დაუსერა. მას ბუდა მიუახლოვდა მონაფეებთან ერთად და ჰკითხა: „**როგორ გრძნობ თავს?**“.

ანგულიანამ თვალი გაახილა და მიუგო: „**მე მადლობელი ვარ შენი! მათ შეუძლიათ მოკლან ჩემი სხეული, მაგრამ არ შესწევთ ძალა, შემეხონ მე. ახლა მივხვდი, რას ვაკეთებდი მთელი ცხოვრება და არ მესმოდა იგი**“.

ბუდამ ანგულიმანა ბრახმანად აღიარა.

გასხივოსნება შეიძლება ერთ წამში მოხდეს, თუკი ადამიანს ენერგია გააჩნია. უენერგიოდ ძალიან ძნელია. იოგას მთელი სისტემა, ტანტრის მთელი დინამიკა დიდი ენერგიის დაგროვებაში მდგომარეობს. მხოლოდ ჭარბი ენერგიის დროს შეგიძლიათ გახდეთ კარგი ან ცუდი.

იესოს თქმით, მწყემსის „...ერთ ცხვარს გზა აებნა და ეს იყო ყველაზე დიდი დანაკლისი...“

მხოლოდ უდიდესებსა და უკეთესებს ებნევათ გზა. ცოდვილები მსოფლიოში ყველანი მშვენიერი ხალხი არიან, რომლებიც, რასაკვირველია, არასწორად მოქმედებენ! მათ წმინდანად ქცევა შეუძლიათ ნებისმიერ მომენტში, წმინდანიც და ცოდვილიც ორივე მშვენიერი ადამიანები არიან, ხოლო ის, ვინც მათ

შუაში დგას, მახინჯია! იმპოტენცია ერთადერთი სიმახინჯეა, რომლის დროსაც არ გაგაჩნიათ ენერჯია და ხდებით უსულო საგანი.

რატომ არ უნდა სთესდეთ სიკეთეს? რატომ უნდა აგებნეთ გზა? აქ შემდეგი საიდუმლოა დაფარული: ზრდის პროცესი ისეთია, რომ დასაწყისში თქვენ „ეგოს“ უნდა მიაღწიოთ. თუ არ დაეუფლებით კრისტალურ „ეგოს“, ვერასდროს შესძლებთ უარის თქმას. როგორ აიღებთ ხელს იმაზე, რაც არ გაგაჩნიათ?

მდიდარ ადამიანს სიმდიდრის გაღება შეუძლია, მაგრამ რა უნდა გააკეთოს მდაბიომ? მას დასარიგებელი და გასაცემი არაფერი გააჩნია. დიდ მეცნიერს შეუძლია, სხვებს თავისი ინტელექტი გაუნანილოს. თუ განათლებული ხართ, სხვებიც შეგიძლიათ გაანათლით, მაგრამ უმეცრების შემთხვევაში ვერაფერს შესძლებთ.

სოკრატეს შეეძლო ეთქვა: „მე არაფერი არ ვიცი!“ მაგრამ ეს საიდუმლოს მეორე ნაწილია, სოკრატემ ბევრი ცოდნა დააგროვა და მაშინ მიხვდა, რომ ყოველნაირი ცოდნა გამოუსადეგარია. ინტელექტი უნდა გაინვრთნას, საჭიროა ცოდნის მიღება, შემდეგ „ეგოს“ კრისტალიზაცია უნდა მოხდეს. ეს ცხოვრების პირველი ნაწილია. როცა ფლობთ, მაშინ შეგიძლიათ გაილოთ.

წარმოიდგინეთ მათხოვარი და ბუდა ქუჩაში. ორივე მდაბიოა, მაგრამ ერთმანეთისგან აბსოლუტურად განსხვავდებიან. ბუდა საკუთარი ნებით არის მდაბიო და მისთვის ეს თავისუფლებაა. ბუდა მიხვდა, რომ ცხოვრებისეული გატაცებები უსარგებლოა და ამქვეყნიური მეფობა ილუზიაა.

ბუდამ უკვე დაასრულა სვლის წრე, სხვა მეფეები კი ჯერ კიდევ შუა გზაზე არიან.

მდაბიო მათხოვარი, რომელიც არასოდეს ყოფილა მდიდარი, აგრეთვე გზაზე დგას. იგი უბრალო მდაბიოა, რამეთუ არ იცის სიმდიდრის გემო. როგორ შეუძლია გასცეს სიმდიდრე ან უარი თქვას დასაკმაყოფილებელ სურვილებზე? მას არავითარი გამოცდილება არ გააჩნია. იგი ვერ იტყვის, რომ სასახლე გამოუსადეგარია ან მშვენიერი ქალი არაფრად არ ღირს, რამეთუ მისთვის სასახლეც უცხოა და მშვენიერი ქალიც. მხოლოდ გამოცდილება გაძლევთ განდგომის გასაღებს. მის გარეშე თქვენ შეგიძლიათ, დაიმშვიდოთ თავი და გონებაში ჩაიბეჭდოთ, რომ ყოველივე წარმავალია. სწორედ ასე იქცევა სულიერად ან მატერიალურად ლატაკი ბევრი ადამიანი.

თუ არ გყოლიათ თვალწარმტაცი ცოლი და ამბობთ, რომ არაფერს ნიშნავს თქვენთვის მოხდენილი ქალი, თუნდაც მისი მშვენიერი სხეული, რომ სილამაზეც საბოლოოდ სიკვდილის ლუკმაა, გულის სიღრმეში მაინც ასეთ ცოლს ნატრობთ. ეს სურვილი გამოცდილების მიღებასთან ერთად გაგიქრებათ. სხვაგვარად კი თქვენი ასეთი ფიქრი მხოლოდ საკუთარი თავის დამშვიდებაა. ღარიბი თავს იმშვიდებს განცხრომით ყოფნის უსარგებლობით, მაგრამ გულში იგი სიმდიდრეს ესწრაფვის, სიზმარში ფლობს ძვირფას სასახლეებს და იმპერატორობა ეზმანება, მაგრამ დღისით, როცა ქუჩაში მათხოვრობს, ამბობს, რომ არ წუხს სიღარიბისა და უილაჯობის გამო.

ნამდვილი ადამიანისათვის ცხოვრების პირველი ნაწილი საკუთარი „ეგოს“ ჩამოყალიბებაა, ხოლო მეორე ნაწილი, როცა წრე იკვრება, – ხელი აიღოს მასზე.

ბავშვი იზრდება მხოლოდ მაშინ, როცა ეწინააღმდეგება მშობლებს, როცა ებრძვის და შორდება მათ და აყალიბებს საკუ-

თარ „ეგოს“, ხოლო თუ მშობლებს ებლაუჭება და მათ მიჰყვება, ვერასოდეს გახდება დამოუკიდებელი ინდივიდი. მას გზა უნდა აებნეს, რამეთუ ცხოვრების აზრი სწორედ ეს გახლავთ. იგი დამოუკიდებელი უნდა გახდეს, უტკივილებოდ კი ამას ვერ მიაღწევს.

ცხოვრება ერთგვარი რკალია: თუ გრძნობთ თქვენს რაობას, შეგიძლიათ ბრძოლა, თუ იბრძვით, თქვენი პიროვნება იზრდება და როდესაც აღწევთ ზღვარს, შეიგრძნობთ, რომ თქვენ არსებობთ!

ბავშვი მონიფულობისას ხდება დამოუკიდებელი და ამის გამო ებნევა გზა. ცოდვილი ეძებს დამოუკიდებლობას საზოგადოებაში, ოჯახში. მაგრამ იგი არასწორით ეძებს. წმინდანი კი დამოუკიდებლობას ჭეშმარიტი გზით ეძიებს. არასწორ გზაზე სიარული ყოველთვის უფრო ადვილია. წმინდანი რომ გახდეთ, ცოდვილის გზა უნდა გქონდეთ გავლილი, სხვანაირად თქვენი წმინდანობა უფერული და უსიცოცხლო იქნება. თქვენი სინმინდე პატარა რუს დაემსგავსება და არა მთის მჩქეფარე მდინარეს.

„...ერთ ცხვარს გზა აებნა და ეს იყო ყველაზე დიდი დანაკლისი...“ რამდენადაც ვიცი, სიტყვა „უდიდესი“ მეცხვარეებში „საუკეთესოს“ უტოლდება, რადგან ყველაზე დიდი ცხვარი იძლევა მეტ მატყლსა და ცხიმს, და უფრო ძვირადაც ფასობს. საუკეთესო კი გზააბნეულს ნიშნავს. ეს გარკვეული სიმბოლიკაა.

მწყემსმა ოთხმოცდაცხრამეტი ცხვარი იმიტომ მიატოვა, რომ ეს ცხვრები უჩინონი იყვნენ და ჩირის ფასი ჰქონდათ.

იესოს ეს სიმბოლიკა – მწყემსი და ცხვარი – იმაზე მიგვითითებს, რომ საშუალო გონების ადამიანთა ბრბო ცხვრის ფარას ჰგავს.

თურმე ერთი მასწავლებელი მეცხვარის შვილს შეეკითხა: „ღობის შიგნით ათი ცხვარი რომ იყოს და ერთი ღობეზე გადახტეს, რამდენი ცხვარი დარჩება?“

ბიჭმა უპასუხა: „არც ერთი!“

მასწავლებელი გაუბრაზდა: „მე არითმეტიკული ამოცანა მოგეცი, სწორად მიპასუხე“.

ბიჭმა ისევ მიუგო: **„თქვენ შესაძლოა, არითმეტიკა იცით, მაგრამ მე ცხვრის ბუნება გამეგება. ამ შემთხვევაში არც ერთი ცხვარი არ დარჩება ღობის მიღმა“.**

ეს მართლაც ასე მოხდებოდა, ვინაიდან ცხვრებს კოლექტიური გონება აქვთ, მიდიან როგორც ბრბო, საითაც წავა ერთი, დანარჩენებიც მას მიჰყვებიან.

მწყემსმა დატოვა ოთხმოცდაცხრამეტი ცხვარი და ერთი გზააბნეულის მოსაძებნად წავიდა. იესო ყოველთვის ამბობს, რომ ღმერთი მუდამ დაეძებს არა საშუალო გონების ადამიანს, რამეთუ ეს უკანასკნელი ხშირად სწორ გზაზეა, ასე რომ, მისი ძებნის საჭიროება არ არსებობს, მას არ შესწევს იმის ძალა, რომ გზას ასცდეს. აი, რატომ დატოვა მწყემსმა ოთხმოცდაცხრამეტი ცხვარი ტყეში ღამით და გზააბნეულის მოსაძებნად წავიდა. იმიტომ, რომ ეს ერთი გზააბნეული იქცა ინდივიდად და, დანარჩენ ოთხმოცდაცხრამეტისაგან განსხვავებით, მხოლოდ მან მიაღწია საკუთარ „ეგოს“.

თქვენ ჯერ კიდევ ბრბო ხართ, ნუთუ უკვე მიაღწიეთ საკუთარ „ეგოს“ კრისტალიზაციას? თუ ეს ასეა, მაშინ ღმერთი გე-

ძებთ, რადგან თქვენ ფასეული პიროვნება ხართ და თქვენი მოძებნა საჭიროა. უკვე გაიარეთ ნახევარი გზა და ახლა ღვთის საშუალებით შესაძლებელია მეორე ნახევრის დაძლევა. თქვენ დამოუკიდებლად შეგიძლიათ მიაღწიოთ პირველ ნახევარს, მეორე ნახევარი კი ღვთაებრივის დახმარებით დასრულდება. როდესაც „ეგო“ გაგაჩნიათ, თქვენ უკვე გააკეთეთ თქვენი გასაკეთებელი და ამიტომ ღმერთი გეძებთ, თქვენ ინდივიდი გახდით და თუ ახლა ინდივიდუალურობას დაკარგავთ, უნივერსალური გახდებით.

ინდივიდუალურობამდე თქვენ, უბრალოდ, ბრბო ხართ, შემდეგ აღწევთ ინდივიდუალურობას და ხდებით გზააბნეულნი და სრულყოფილდება თქვენი „ეგო“. ახლა თუ დაკარგავთ „ეგოს“, თქვენ გამთლიანდებით.

მაგრამ თქვენ ამჟამად ვერ გამთლიანდებით. თქვენ ჯერ არ დაგიმსახურებიათ „ეგო“. თქვენ მხოლოდ ბრბოს რიგითი ნომერი გაგაჩნიათ. 1, 2... ან სხვა რომელიმე. როდესაც ჯარისკაცი ილუპება, ამბობენ და წერენ: ამა და ამ ნაწილის ესა და ეს ჯარისკაცი გამოესალმაო წუთისოფელს... ნომრის შევსება კი შეიძლება. როდესაც დაილუპება №1, მას სხვა ნომერი შეცვლის და ახლა ის გახდება №1. არმიაში ცხვრები არიან. არმია ჭიანჭველის ბუდის მსგავსი დასრულებული საზოგადოება და ბრბოა.

თუ გინდათ რაიმე შეიტყოთ ბრბოს გონების შესახებ, შეხედეთ არმიას. იქ იმგვარად ხდება თქვენი სრული დისციპლინირება, რომ მთელ დამოუკიდებლობას ჰკარგავთ. ბრძანება ბრძანებაა და არ არის საჭირო, ამ ბრძანებაზე იფიქროთ, თუ გიბრძანებენ, ბრუნდებით მარჯვნივ... არმიული ბრძანებები და ყოფა ნელ-ნელა გიჯდებათ სისხლსა და ხორცში.

თურმე ერთი პოლკოვნიკის ცოლი ძალიან ბრაზობდა და ვერ აეტანა, რომ მისი მეუღლე მარცხენა მხარეზე წოლის დროს ძილში საშინლად ხვრინავდა. ხოლო მარჯვენა მხარეს წოლისას ყველაფერი ნორმალურად იყო. ქალმა რჩევისათვის ფსიქონალიტიკოსს მიაკითხა, რომელმაც უთხრა, რომ მარტივი გამოსავალი არსებობს. როცა ხვრინვას დაიწყებს, მარჯვენა მხარეს გადააბრუნეთ მეუღლეო.

ქალმა მიუგო: „იგი მეტად მძიმეა და თანაც ბრაზდება, როცა ვანჯღრევ და ვალვიძებ. არადა, ეს ღამის განმავლობაში იმდენჯერ ხდება, რომ მთელი ღამე გადის“.

ფსიქონალიტიკოსმა ურჩია: „ნუ ნუხხართ, შეჯანჯღარება არ არის საჭირო. ყურში ჩასჩურჩულეთ მხოლოდ: „მარჯვნისაკენ!“ და გვერდს მაშინვე იცვლის“.

ამან მართლა იმოქმედა! ბრძანება ბრძანებაა და აღიქმება ღრმა არაცნობიერშიც.

საზოგადოება არსებობს, როგორც ბრბო. თქვენ შეგიძლიათ დაუყოვნებლივ აქციოთ იგი არმიად. აი, რატომ მიაღწია ჰიტლერმა წარმატებას მთელი გერმანიის სამხედრო ბანაკად გადაქცევისას. საზოგადოება საზღვარზე ცხოვრობს, ცოტაოდენი დისციპლინა და იგი სამხედრო ბანაკად იქცევა. აქ ადგილი არა აქვს ინდივიდუალურობას, რადგან ის საჭირო არ არის. თქვენ ვერ შესძლებთ თვითდამკვიდრებას. საზოგადოება ფარას ჰგავს და ცხვარივით აზროვნებს.

გაქვთ თუ არა საკუთარი ცნობიერება? თუ უბრალოდ ცხოვრობთ, როგორც საზოგადოების ნაწილი, რომელშიც დაიბადეთ? თქვენ ხართ ინდუსი, ქრისტიანი, მუსლიმანი, ბუდისტი ან ვაინი, მაგრამ ხართ კი ადამიანი? თქვენ არ შეგიძლიათ ამ კით-

ხვაზე დადებითი პასუხის გაცემა იმიტომ, რომ ადამიანს არა აქვს საზოგადოება. სოკრატე, იესო და ბუდა ადამიანია, მაგრამ, – არა თქვენ! თქვენ საზოგადოებას ეკუთვნით, ადამიანი კი არასოდეს არ არის ვილაციის ან რალაციის კუთვნილება.

აი, რას ამბობს იესო: „საუკეთესო გზაა ბნეულები არიან“. და ერთხელ საუკეთესოს გზა აებნა. მწყემსმაც იქამდე ძებნა, სანამ არ იპოვა ის.

თქვენ ვევედრებით ღმერთს, მაგრამ ეს მაშინ ხდება, როცა იგი არ გეძებთ. აი, რატომ კარგავთ მას. გახდით თვითმყოფადნი და ღმერთი თვითონ მოგძებნით. არ არის საჭირო ღვთის ძიება. თქვენ არ იცით მისი ადგილ-სამყოფელი, გაგონილი გაქვთ მხოლოდ უაზრო სიტყვები და თეორიები, მაგრამ ეს ვერ დაგეხმარებათ.

ერთი მღვდელი უცხო ქალაქში ჩავიდა, ტაქსის მძღოლები გაფიცულები იყვნენ, მღვდელი კი აუცილებლად ერთ-ერთ ეკლესიაში უნდა მისულიყო საქადაგებლად. ერთმა ყმანვილმა ასწავლა მას ეკლესიის გზა და გაუძღვა კიდეც იქამდე.

როცა ეკლესია გამოჩნდა, მღვდელმა მადლობა გადაუხადა ბიჭს და უთხრა: „დიდი მადლობა, რომ დამეხმარე. შენ არა მარტო გზა მიჩვენე, აქამდე მომყევი კიდეც. თუ გინდა იცოდე, სად არის ღმერთი, ამ საღამოს მოდი ჩემს ქადაგებაზე. მე ვისაუბრებ ღვთაებრივის მიგნების გზაზე“.

ბიჭმა ჩაიცინა და მიუგო: „შენ ეკლესიის გზაც კი არ იცი და ღვთისაკენ მიმავალი გზისა რა გეცოდინება? მე არ მოვალ!“

მეც გეუბნებით, რომ ეკლესიის გზის ცოდნა ვერას გიშველით. თქვენ ყველამ იცით ეკლესიის გზა. ეს არაფერს ნიშნავს, რამეთუ ეკლესია არ არის ღვთის ადგილ-სამყოფელი და არც

არასოდეს ყოფილა. თქვენ ვერ იპოვით ღმერთს, რადგან არ იცნობთ. ის კი გიცნობთ და შეუძლია მოგძებნოთ, იესო გვასწავლის, რომ ნებისმიერ ადამიანს არ ძალუძს ღვთაებრივამდე მი აღწიოს, მაგრამ ღმერთს შეუძლია ნებისმიერ კაცთან მისვლა და მოვა კიდევ თქვენთან, თუ მზად ხართ.

ასე რომ, მთავარია არა ღვთის ძიება, არამედ მომზადება მასთან შესახვედრად. მზადყოფნის პირველი პირობა არის ის, რომ პიროვნება შეიქმნათ, „აგებნეთ გზა“, ამბობდეთ, რადგან მხოლოდ მაშინ ჩასწვდებით თქვენს პირად „მეს“. მთავარია გამოეყოთ ბრბოს, ასცდეთ გზას, რაც საზოგადოების განსაზღვრული შეხედულებების საზღვრებს გარეთ გასვლას გულისხმობს, რამეთუ ამ საზღვრების მიღმა იწყება შეუცნობელი და თვალუწვდენელი ღვთიური სამყარო.

საზოგადოება მხოლოდ მინდორია უღრან ტყეში. ის არარეალურია, მთელი მისი კანონები თქვენივე შექმნილია, ადამიანის მოგონილია ყოველივე, რასაც თქვენ სათნოებას ან ცოდვას უწოდებთ.

სინამდვილეში თქვენ არ იცით, რა არის სათნოება. ლათინურ ორიგინალში ამ სიტყვას მშვენიერი მნიშვნელობა აქვს, ნიშნავს „ძლიერს“ და „ვაჟკაცურს“ და არა „კარგს“.

იყავით ძლიერნი, დაიმკვიდრეთ საკუთარი თავი, დაიცავით საკუთარი აზრი, ნუ ემსხვერპლებით ბრბოს! ისწავლეთ ფიქრი და თვითმყოფადი გახდით! მიჰყევით თქვენს უკაცრიელ გზას და ცხვარს ნუ ემსგავსებით!

ოთხმოცდაცხრამეტი ცხვრის დატოვება ღამით შეიძლება, რადგან ისინი ისე ეტმასნებიან ერთმანეთს, რომ არ დაიფანტებიან და მათი პოვნა ნებისმიერ მომენტში შეიძლება. ფარა არ

არის მთავარი. მთავარია ის საუკეთესო ცხვარი, რომელსაც გზა აებნა. მასში არის ძალა, მას არ ეშინია თავდამსხმელების.

შეუპოვრობა პირველი ნაბიჯია მზადყოფნისაკენ! „ეგოც“ ასევე პირველ ნაბიჯად უნდა ჩავთვალოთ. ეს პარადოქსალურად გამოიყურება. ფიქრობთ, რომ მე გიჟი ვარ, რადგან თვლით, რომ საჭიროა თავმდაბლობა. მე გეუბნებით: არა! თავდაპირველად საჭიროა „ეგო“, სხვაგვარად თქვენი თავმდაბლობა ყალბი და ფარისევლური იქნება. მახვილივით ბასრი „ეგო“ გაგრძობინებთ ყოფის სიცხადეს და მიმართულებას, შემდეგში კი შესძლებთ მის უკუგდებას. როცა „ეგო“ გაგაჩნიათ, მისი უკუგდებაც შეგიძლიათ. ამის შემდეგ კი მოდის თავმდაბლობა, რომელიც არ არის სუსტი პიროვნების, ლატაკის თავმდაბლობა. ეს თავმდაბლობა ძლიერებას მოაქვს.

„...მან მიატოვა ოთხმოცდაცხრამეტი ცხვარი და ეძებდა იმ ერთს.. სანამ არ იპოვა...“

ღაიმახსოვრეთ – ღმერთი თავად მოვა თქვენთან. გახდით ღირსეულნი და იგი გიპოვით, მან უნდა გაგიხსნათ გზა წინ. იმ დროს, როცა სადღაც ვიღაც იწყებს კრისტალიზებას, მთელი ღვთაებრივი ენერგია მიემართება მისკენ. ღმერთს ძალუძს თქვენამდე გასხივოსნებულ ადამიანად, ოსტატად ან გურუდ მოსვლა. იგი მრავალნაირი გზით მოგაგნებთ. მაგრამ არ აქვს მნიშვნელობა, როგორ მოგიახლოვდებათ. იგი თავად იზრუნებს ამაზე. ჯერ მიაღწიეთ „ეგო“ კრისტალიზაციას, იყავით მზად, გახდით პიროვნება და მაშინ შესაძლოა, თქვენც გახდეთ უნივერსალური!

დაქანცულმა ცხვარს უთხრა: „მე შენ დანარჩენ ოთხმოცდაცხრამეტზე მეტად მიყვარხარ...“

ის, ვინც ამბოხი მოაწყო, ღმერთს უყვარს. ქურუმები ამას ვერ იჯერებენ, მაგრამ ეს ჭეშმარიტებაა. იესო, ბუდა, მაჰავირი გზააბნეული ცხვრები არიან. ბრბო მოძრაობს უფერულად, მაშინ როცა იესოს, ბუდასა და მაჰავირისკენ ღმერთი მოისწრაფვის.

ეს მოხდა ბოდხის ხის ქვეშ, სადაც სრულიად მარტო იჯდა ბუდა, რომელმაც საზოგადოებასთან, კულტურასთან, რელიგიასთან და საერთოდ, ამ ქვეყნიერებასთან დამაკავშირებელი ყველა ძაფი განყვიტა. ის მარტო იყო; მაშინ ღმერთმა მისკენ მიმართა მთელი ენერჯია ყველა მხრიდან, რამეთუ ის ყველგანაა და ბუდა თავად იქცა ღმერთად. არადა, ის უარყოფდა ღვთის არსებობას, ეს იყო მისი მხრიდან გზიდან გადახვევის გამოვლინება. ბუდა ამბობდა: „არ არსებობს არავითარი ღმერთი, მე ღვთის არა მწამს“. იმასაც უმატებდა, რომ არც საზოგადოება არსებობს და არც რელიგია. ბუდა უარყოფდა ვედებს*, კასტურ დაყოფასა და ინდუისტური აზროვნების მთელ სისტემას. იგი ამბობდა: „მე არა ვარ ინდუისტი, არ ვეკუთვნი არანაირ საზოგადოებას და არანაირი თეორიისა არა მწამს მანამ, სანამ არ ჩავწვდები ჭეშმარიტებას!“

ბუდამ უარყო ყოველივე, ყველასთან განყვიტა კავშირი და დადგა წუთი, როცა დარჩა სრულიად მარტო, მარტოსულ კუნძულად.

25 ასეული წლის წინათ ბოდხის ხის ქვეშ მჯდარი ამ მარტოსული ადამიანისკენ, ამ გზასაცდენილ ცხვრისკენ ყოველი მხრიდან გაემართა ღმერთი.

და დაღლილმა უთხრა ცხვარს: „მე შენ მიყვარხარ მეტად, ვიდრე დანარჩენი!“...

იგივე უთხრა ღმერთმა იესოსაც. ასე იყო ყოველთვის – ეს ფუნდამენტური კანონია. ღმერთი ეძებს ადამიანს და არა ადამიანი – ღმერთს. ადამიანი კი მის შესახვედრად უნდა ემზადებოდეს – უნდა იამბოხოს, გამოვიდეს საზოგადოებიდან, იყოს უშიშარი, განწყვიტოს ყველა ურთიერთობა და ყველა ჯაჭვი ამ სამყაროსთან, იყოს მარტოსული და ისე იცხოვროს, თითქოს ის არის სამყაროს ცენტრი, მაშინ ღმერთი გამოემართება თქვენსკენ და თქვენი „ეგო“ გაქრება, ვითარცა მცირე კუნძული აქაფებულ ოკეანეში.

დასაწყისში უნდა უარყოთ საზოგადოება და თქვენი „ეგო“ გახდება მარტოსული, რამეთუ იგი მხოლოდ საზოგადოებაში არსებობს. ეს საზოგადოება გეხმარებათ თქვენ, იარსებოთ როგორც „ეგო“.

თუ უკუაგდებთ საზოგადოებას, უფრო მეტად უკუიგდება საფუძველი. როდესაც არ არის „შენ“, „მე“ არ ძალუძს არსებობა. ბოლოს და ბოლოს „მეც“ ქრება. თავდაპირველად უკუგდეთ „შენ“ და „მე“ გახდება ცენტრიებული, მშვენიერი, ძლიერი და ის შთაინთქმება. ეს იქნება ღვთაებრივი გამოვლინება.

იესო ამ შეგონების გამო გააკრეს ჯვარზე. იგი ხალხს ამბოხებდა, ურჩევდა გატკეპნილი გზიდან გადახვევას და ამბობდა, რომ ღმერთს უყვარს გზააცდენილი, მემამბოხე, ცოდვილი ადამიანები. იუდეველებს ამის ატანა არ შეეძლოთ. იესო დროულად უნდა გაეჩუმებინათ, რამეთუ მისი ქადაგება ძირს უთხრიდა იმდროინდელ საზოგადოებას. იესოს მიერ შექმნილ სიტუაციაში ეკლესია დაეცემოდა და აღარც ქურუმნი იქნებოდნენ საჭირონი.

იგი იყო ბრბოს წინააღმდეგი და ბრბო კი ქრისტეს მტრად თვლიდა. „ცხვრებს” რომ უბიძგოთ გზიდან გადავიდნენ, უფრო მჭიდროდ შეჯგუფდებიან. თუ თქვენსას მაინც შეეცდებით და გზიდან გადახვევას ასწავლით, შურს იძიებენ, გაგთელავენ, იტყვიან: „გეყოფა! ჩვენ ბრბო ვართ, ჩვენ ყოველთვის სხვებთან ერთად ვარსებობთ, ჩვენთვის სხვისი არსებობა საჭირო და აუცილებელი”.

თუ არ იქნება მეორე ადამიანი, რა მოხდება? თქვენი იდენტურობა გაქრება.

ამაშია პრობლემა: სწორ გზაზე მიმავალნი ქმნიან ყველა რელიგიას. ჭეშმარიტ რელიგიას კი მხოლოდ ერთი გზააბნეული ეზიარება.

იყავით გამბედავები! გასცდით საზოგადოებას, მინდორს, შეაბიჯეთ აუთვისებელ გარემოში! ცხოვრება იქ არის და მხოლოდ იქ გაიზრდებით. იქ შესაძლებელია იტანჯო, რამეთუ არ არსებობს ზრდა ტანჯვის გარეშე. იქ შეიძლება ჯვარს ეცვათ, მაგრამ არ არსებობს აღდგომა ჯვარცმის გარეშე. საზოგადოებას შეუძლია შურისძიება, შეეგუეთ ამას, ეს არის ზღვარი, რომელთან მისვლაც გარდაუვალია, რადგან როცა გზააბნეული ცხვარი უკან ბრუნდება, დანარჩენი ოთხმოცდაცხრამეტი იტყვის: „იგი ცოდვილია, მისი ადგილი არ არის ჩვენს შორის!” და მათ არ შესწევთ უნარი, გაიგონ, რომ მწყემსს ეს ცხვარი თავისი მხრებით მოჰყავს, გახარებულს, რამეთუ დაკარგული იპოვა!

იესო ამბობს, რომ მწყემსი შინ დაბრუნდება და ნადიმს მოაწყობს, რომ ცხვარს გზა აებნა და ბოლოს იპოვა. იესო ამბობს, რომ, როდესაც ცოდვილი სამოთხეში შედის, იქ ზეიმობენ, რადგან დაკარგული ცხვარი დაბრუნდა!

1974 წლის 26 აგვისტო
პუნა, ინდოეთი

საუბარი მეშვიდე

მეშვიდე შეგონება

იესომ თქვა: – ღვთის საუფლო ვაჭარსა გავს,
რომელიც ძალიან მდიდარი იყო და ერთხელ მარგალიტს
წააწყდა. ვაჭარი კეთილგონიერი იყო, მან შველაფერი გა-
ყიდა და ხანაცვლოდ მარგალიტი შეიძინა. ეძიებთ კი
თქვენ უზადო, უხრწნელ ხაუნჯეს, რომელსაც ვერც
ჩრჩილი შეჭამს და ვერც მატლი დახრავს?

(თომა, 80)

თქვენ თუ გარესამყაროს გასცქერით, ვერ ამჩნევთ მის ერთიანობას. ამას მხოლოდ საკუთარ არსში ჩახედვით შენიშნავთ. თუ ისწრაფვით გარესამყაროსაკენ, შეგიძლია ბევრს მიაღწიოთ, მაგრამ ერთიანობას დაკარგავო. არადა, სწორედ ეს ერთიანობა არის ცენტრი. მისი დაკარგვა ყველაფრის დაკარგვას ნიშნავს. თუ ადამიანი საკუთარ არსს არ ჩასწვდება, ის ვერაფერს მიაღწევს. შინაგანი სამყარო ისეთი უკიდევანოა, რომ გარე სამყარო ვერ იქნება საკმარისი მის შესავსებად, ხოლო თუ არ უღრმავდებით საკუთარი ყოფიერების აზრს, ყველა შენაძენი მხოლოდ გაგალარიბებთ.

ეს ასეც ხდება: რაც უფრო მეტი სიმდიდრე გაგაჩნიათ, იმდენად ღარიბად გრძნობთ თავს, რადგან მაშინ საკუთარ სიმდიდრეს გარესამყაროს სიმდიდრეს ადარებთ. ამ დროს საკუთარი

სიმდიდრე ყოველთვის მწირად მოგეჩვენებათ. აქედან მოდის მდიდარი კაცის პარადოქსი: რაც უფრო მდიდარია, უფრო მეტისკენ მიისწრაფვის, უფრო უმძლავრდება გამდიდრების სურვილი, რამეთუ შინაგანი სიცარიელის შევსება მატერიალური სიმდიდრით შეუძლებელია. შინაგან სიცარიელეს მხოლოდ საკუთარ არსში წვდომითა და მისი შეცნობით შესძლებთ.

თქვენ კარგად ხედავთ, რომ გარესამყარო მრავალფეროვანია, რომ იგი არ არის ერთიანი. არადა, სწორედ ერთიანობა არის მიზანი. ერთიანი თქვენშია, ამიტომაც მას კარგავთ მაშინვე, როგორც კი მის ძებნას იწყებთ თქვენს გარეთ.

გონებაში გიტრიალებთ ასეთი ფიქრი: „მიაღწიე ამა და ამას და ყველაფერი მოწესრიგდება“. როდესაც სასურველს მიაღწევო, ახლა სხვა ფიქრი გიტაცებთ, რომ სხვა წარმატება მოიპოვოთ. თქვენივე გონება გეუბნებათ, რომ „თუ წარმატებისათვის არ მიგიღწევიათ, გამოდის, რომ საკმარისად არ გიბეჯითიათ. თუ ვერ მოასწარით, ეს იმას ნიშნავს, საკმარისი სისწრაფით არ გარბოდით“. და თქვენც თუ მიაყურადებთ საკუთარი ტვინის ლოგიკას, რომელიც მხოლოდ თქვენთვისაა ლოგიკური, გააგრძელებთ სირბილს. მირბიხართ, მირბიხართ და საბოლოოდ მხოლოდ სიკვდილი გელოდებათ, სხვა არაფერი.

მრავლობითობა სიკვდილის საუფლოა, ხოლო ერთიანობა – უკვდავების.

გარეგანი ობიექტი კი არ უნდა ეძებოთ, არამედ საკუთარი შინაგანი სამყარო.

თუ საბოლოოდ არ განყვეტთ გარე სამყაროსთან კავშირს, ეს არ მოხდება, თუკი დაგრჩათ ამქვეყნიურ ცხოვრებაში თუნდაც უმნიშვნელო წარმატების მოპოვების სურვილი, თქვენ ისე-

ვე ინრიალებთ. მხოლოდ საბოლოო წარუმატებლობის შემდეგ დაინყება მოგზაურობა. რაც უფრო ადრე გეწვევათ წარუმატებლობა ამქვეყნიურ ცხოვრებაში, მით უკეთესი იქნება, რადგან იგი შინაგანი სამყაროსკენ გადადგმულ პირველ ნაბიჯად იქცევა.

სანამ იესოს ნათქვამს განვიხილავდეთ, ზოგიერთ საკითხში უნდა გავერკვეთ. ვინ არის ბრძენი? ის, ვინც მზად არის, მიატოვოს ყველაფერი ერთიანის გულისათვის და ვინ არის სულელი? ვინც საკუთარი თავი მიატოვა და მატერიალურ დოვლათს დაეუფლა, ვინც გასცა ძვირფასი და სახლი გამოუსადეგარი ხარახურით აავსო.

როდესაც ადამიანი მდიდრდება, მას სურს ძველ მეგობრებთან, მეზობლებთან, ახლობლებთან მივიდეს და აჩვენოს მათ, რას მიაღწია.

მოლა ნასრედინის ერთი გამდიდრებული მეგობარიც დედაქალაქიდან მშობლიურ პატარა სოფელში გაემგზავრა ნათესავ-ახლობლების მოსანახულებლად. სადგურში მოლა ნასრედინს შეხვდა და უთხრა: „უკვე გაიგე? მე ჩემსას მაინც მივაღწიე. ახლა ძალიან მდიდარი ვარ. მაქვს ხუთასოთახიანი მშვენიერი სასახლე“.

მოლა ნასრედინმა მიუგო: „მე რამდენიმე კაცი ვიცი, რომლებიც ხუთასოთახიან სასახლეებს ფლობენ“.

მეგობარმა უთხრა: „მე მაქვს გოლფის ორი სათამაშო მოედანი, სამი საცურაო აუზი და უზარმაზარი ორანჟერეები“.

ნასრედინმა უპასუხა: „მე ვიცი ერთი მშვენიერი ყმანვილი, რომელიც ქალაქში ცხოვრობს, მას ორი კორტი და სამი აუზი გააჩნია“.

„შინ?“ – ჰკითხა მდიდარმა.

ნასრედინმა მიუგო: „მომისმინე, შენ შესაძლოა, ბევრი ფული გაქვს, მაგრამ არც მე ვცხოვრობ ცუდად. მყავს ვირები, ცხენები, ღორები, კამეჩები, ძროხები და ქათმები“.

ამ საუბარს მესამე კაციც ესწრებოდა, რომელმაც გადაიხარხარა და ნასრედინს უთხრა: „სხვებსაც რომ ჰყავთ ვირები და ქათმები...“

ნასრედინმა შეაწყვეტინა და ჰკითხა: „შინ?“

რასაც არ უნდა ფლობდეთ – გოლფის სათამაშო მოედანს, საცურაო აუზს, ხუთასოთახიან სასახლეს, შინაურ ცხოველებსა თუ ფრინველებს, არაფერი არ გაგამდიდრებთ, რამეთუ მათ მხოლოდ გარეგანი სახე აქვთ, სინამდვილეში კი სახლიც ცარიელდება და თქვენც. ეს ნივთები გარეგან სამყაროს ეკუთვნის, თქვენს შიგნით კი სიღარიბეა.

მატერიალურად ღარიბმა შეიძლება გაიუმჯობესოს მდგომარეობა, მაგრამ შინაგანი სიღარიბის შეგრძნებისას თქვენ მხოლოდ უაზრობასა და არარაობას განიცდით. საკუთარ თავს ეკითხებით: „რატომ ვარსებობ?“ „რატომ ვცხოვრობ?“ „სად მიმიყვანს ეს ყველაფერი?“

ყოველ დილით წასასვლელად ემზადებით, მაგრამ მისასვლელი არსადაა. საღამოთი კი ხედავთ, რომ ვერაფერს მიაღწიეთ, შემდეგი დღეებიც ერთმანეთს ჰგვანან, ეს დროის უაზროდ გაყვანაა, სულის სიღრმეში კი კვლავ სიცარიელეს გრძნობთ.

გარეგანი ნივთების საშუალებით თქვენ შეგიძლიათ სხვათა მოტყუება, მაგრამ არა საკუთარი თავის. ნივთების მოსაპოვებლად კი დიდი ენერგია იხარჯება და ზოგი სიცოცხლის ფასადაც ჯდება.

თქვენ არც თუ ისე დიდი ხნის სიცოცხლე დაგრჩათ, სიკვდილი შორიახლოს დაიარება. აგროვებთ ნივთებს და შინაგანად იფიტებით. მაშინ გეუფლებათ შიში, ფიქრობთ: „რისი მიღწევა მინდოდა და რას მივალწიე? რა დავმართე ჩემს ცხოვრებას?“

უკან დაბრუნება არ შეგიძლიათ, ვერ დაიბრუნებთ დაკარგულ დროს. უკან დასაბრუნებელი გზა არ არსებობს. ველარაფერს შეცვლით, მხოლოდ იფიქრებთ: „დამნაშავე ვარ, დავინწყებ თავიდან“. ეს კი შეუძლებელია, ასაკის მომატებასთან ერთად სევდაც გჯახნით. ამ სევდას სიბერე კი არ იწვევს, არამედ – თქვენი სინანული წარსულზე. გვიან ფიქრობთ, რა დამართეთ საკუთარ თავს – გაგაჩნიათ სახლი, მიაღწიეთ წარმატებას, ხართ მდიდარი, ავტორიტეტით სარგებლობთ, მაგრამ რას ფიქრობთ თქვენ თვითონ საკუთარ თავზე? თქვენ გრძნობთ ტკივილს, ტანჯვას გაფლანგული ცხოვრებისა და დაკარგული დროის გამო. სიკვდილი გიახლოვდებათ და მალე დატოვებთ ცარიელ-ტარიელნი ამ სამყაროს. ეს სიცარიელე არის შინაგანი, რომელსაც ამქვეყნაური მონაპოვრებით ვერ შეავსებთ, სიცარიელის ამოვსებაში მხოლოდ საკუთარი თავის შეცნობა და მოპოვება დაგეხმარებათ. აქედან გამომდინარეობს ქრისტეს მტკიცებაც, რომ აქლემიც კი გაძვრება ნემსის ყუნწში, მაგრამ მდიდარი ადამიანი ვერ გაივლის სამოთხის კარებში.

რატომ? რა არა აქვს წესრიგში მდიდარს? გარეგნულად ყველაფერი რიგზეა; მაგრამ ვინც ამქვეყნიური სიცოცხლე მატერიალური ნივთების შეგროვებაზე გაფლანგა, ვერ შეძლებს ღვთის საუფლოში შესვლას. იქ შევა მხოლოდ ის, ვინც თავის თავის შინაგან არსს მოიპოვებს.

მდიდარი ძალიან გაფლანგული და დანგრეულია, იმით, რასაც მიაღწია ცხოვრებაში, ის ვერ შესძლებს სამოთხეში შესვლას. იგი არასოდეს ფლობდა საკუთარ თავს. ასეა, შეიძლება იყოს იმპერატორი, მაგრამ მაინც ღარიბი, რადგან ჯერ არ გიპოვიათ საკუთარი თავი.

მატერიალური სიმდიდრის დაგროვებას ღრმა ფესვები აქვს. ჭეშმარიტება ასე ნათელია, თქვენ კი თქვენ საქმიანობას განაგრძობთ. არავინ უსმენთ იესოს ან ბუდას, მაგრამ კიდევაც რომ უსმენდეთ, კიდევაც რომ გეგონოთ, რომ გესმით მათი, მაინც არასოდეს მიჰყვებით მათ გზას.

ამგვარად, იესოს ან ბუდას უარყოფით თქვენ საკუთარ გზას მიჰყვებით. ზოგჯერ ამ გზაზე გიჩნდებათ ეჭვი, მაგრამ იგი არაფერს ცვლის. თქვენ საკუთარ გზას უბრუნდებით. არსებობს, ალბათ, რაღაც ძალიან ფესვგადგმული, რისი შერყევა და ამოძირკვა არც ბუდას ძალუძს და არც იესოს.

სად არის ამის ფესვები?

ჩვენ სხვათა თვალში ვარსებობთ, სხვათა აზრების იდენტიურნი ვართ. მათი თვალეხი სარკეა. საკუთარ თავს სხვისი თვალთ ვუყურებთ. სწორედ აქაა წინააღმდეგობა. სხვებს არ შეუძლიათ ჩვენი შინაგანი არსის დანახვა, რამეთუ იგი არანაირ სარკეში არ აირეკლება. სარკეში მხოლოდ გარეგნულ მხარეს შეუძლია არეკვლა. თუნდაც რომ საუკეთესო სარკის წინ დადგეთ, მასში აირეკლება თქვენი არსების მხოლოდ ფიზიკური ნაწილი. არც ერთ თვალში არ ჩანს შინაგანი არსის ანარეკლი.

ასე რომ, სხვათა თვალში აირეკლება თქვენი სიმდიდრე, მიღწევები, ტანსაცმელი. როდესაც ხედავთ, რომ სხვები თქვენზე ფიქრობენ, ღარიბიო, რაც იმას ნიშნავს, რომ არ გაცვიათ

მდიდრულად და ლამაზად, არ გაქვთ კარგი სახლი და ავტომობილი, იწყებთ ამ საგნებისაკენ სწრაფვას. ნივთებს მხოლოდ იმიტომ იძენთ, რომ სხვის თვალში მდიდარი გამოჩნდეთ. როცა ამას მიაღწევთ, სხვის თვალში აირეკლება თქვენი სიმდიდრე, ძალაუფლება და პრესტიჟი. თქვენ ამ ანარეკლის იდენტიური ბრძანდებით, მაგრამ გახსოვდეთ, რომ სხვამ არ იცის, რა ხდება თქვენს სულში. მედიტაცია საჭიროა, რადგან იგი გულისხმობს თვალების დახუჭვას, რათა საკუთარ ანარეკლს არ უყუროთ სხვის თვალეში და ჩახედოთ შინაგან არსს, თორემ მთელი დღე სხვებით ხართ დაკავებული.

ლამით სიზმარშიც კი სხვაზე ფიქრობო. სხვებთან ერთად მუდმივი ცხოვრება პრობლემაა. იბადებით და კვდებით საზოგადოებაში, მთელი თქვენი ყოფიერება შედგება საზოგადოებრიობისაგან, საზოგადოება კი თვალეზია, რომლებიც ყველგანაა. ეს თვალეზი, რასაც არ უნდა ირეკლავდნენ, ყოველთვის გხიბლავენ თქვენ. თუ ყველა ამბობს, რომ კარგი ადამიანი ხართ, თქვენც კარგად გრძნობთ თავს. თუ საწინააღმდეგოს ამბობენ, თავს ავად გრძნობთ. თქვენი იდენტიურობა სხვაზეა დამოკიდებული. იცხოვრეთ სხვებთან ერთად, მაგრამ მათ თავს ნუ დააუძღურებინებთ! ისწრაფეთ მარტოობისაკენ!

ყოველდღე ერთი საათით მაინც დახუჭეთ თვალეზი. ეს იმას ნიშნავს, რომ ამ დროს თქვენში საზოგადოება ვერ შემოაღწევს. არსებობთ მხოლოდ თქვენ! შეგიძლიათ უშუალოდ უცქიროთ საკუთარ თავს, პირისპირ დადგეთ მის წინაშე. წელიწადში ერთხელ მაინც რამდენიმე დღით გაემგზავრეთ მთაში, უდაბნოში ან სხვა უდაბურ ადგილას და უყურეთ საკუთარ თავს. დაინახეთ საკუთარი თავი ისეთი, როგორიც ხართ, თორემ სხვებთან ერ-

თად გამუდმებითი ცხოვრება ჰიპნოზს წარმოშობს. ეს არის მიზეზი იმისა, რომ სხვები გავლენას ახდენენ და გზიბლავენ თქვენ. სინამდვილეში თქვენთვის მნიშვნელოვანია არა მდიდრული ცხოვრება, არამედ ის, რომ სხვებზე მოახდინოთ მდიდარი კაცის შთაბეჭდილება. ეს ორი სრულიად განსხვავებული მხარეა. სხვაზე შთაბეჭდილებას ახდენს ის, რასაც ფლობთ ამ ცხოვრებაში, თქვენით კი არავინ იხიბლება. თუ შეხვდებით ძონძებში შემოსილ ალექსანდრე დიდს, ქუჩა-ქუჩა რომ მათხოვრობს, ვერ იცნობთ, ხოლო მდაბიო რომ ნახოთ ალექსანდრესავით მეფის ტახტზე. მჯდომი, მაშინვე დავარდებით მის ფეხებთან.

ერთხელ დიდი ურდუ პოეტი ჰალიბი იმპერატორთან იყო სადილად მიწვეული. მის გარდა სადილზე ხუთასამდე კაცი დაპატიჟეს, ჰალიბი ღარიბი იყო. პოეტისათვის ძალზე ძნელია, იყოს სხვის თვალში მდიდარი.

მეგობრებმა ურჩიეს: „ჰალიბ, შეგიძლია ინათხოვრო ტანსაცმელი, ფეხსაცმელი და კარგი ქოლგა. შენი ქოლგა დაძველდა, ტანსაცმელი გაგიცვდა, ფეხსაცმელშიც წყალი შეგდის და მაინცდამაინც კარგად ვერ გამოიყურები!“

ჰალიბმა უპასუხა: „მე რომ რამე ვინათხოვრო, თავს ვეღარ ვიგრძნობ კარგად, – მე ხომ არასოდეს არავისთვის არაფერი მითხოვია, ვცხოვრობდი საკუთარი სახსრებით, ახლა კი რაღაც სადილის გამო ცხოვრების წესი რომ შევიცვალო, ვერ იქნება სასიამოვნო!“

იგი იმპერატორს თავისი სამოსით ეწვია. მცველს რომ მოსაწვევი ბარათი უჩვენა, მცველმა გაიცინა და უთხრა: „სად მოიპარე ეს? მოუსვი აქედან, სანამ არ დამიპატიმრებინარ!“

ჰალითმა მიუგო მცველს: „მე ხომ მომინვიეს! წადი და ჰკითხე იმპერატორს!“

მცველმა უპასუხა: „ყველა მათხოვარს ჰგონია, რომ ისიც მინვიეს. შენ პირველი არა ხარ. შენამდე ბევრმა დააკაკუნა ამ კარზე. წადი ახლა აქედან, აქ ნუ დგახარ, მალე სტუმრები მოვლენ!“.

ჰალიბი გაბრუნდა, მისმა მეგობრებმა გაითვალისწინეს, რომ ასე მოხდებოდა და ძალიბს წინასწარ ნაშოვნი ახალი ტანსაცმელი ჩააცვეს. მცველმა ახლა თავი დაუკრა ჰალიბს და მობრძანდითო, – მიმართა.

ჰალიბი ცნობილი პოეტი იყო, იმპერატორს უყვარდა მისი ლექსები და სადილზე მის გვერდით დასვეს. ლხინი რომ დაიწყო, ჰალიბმა თავისი ხალათი ჩადო ერთ-ერთ კერძში და ამბობდა: **„ჭამე, ხალათო! სინამდვილეში ხომ შენ შემოგვიშვეს ამ სასახლეში და არა მე!“**. იმპერატორი გაოცდა: „რას აკეთებ, ჰალიბ? ხომ არ გაგიჟდი?“

ჰალიბმა უპასუხა: „ამ ხალათის გარეშე აქ არ შემომიშვეს. ამ ხალათის დამსახურებაა, მე რომ აქ ვზივარ“. ასე ემართება ყველას: სხვები ცნობენ თქვენს ხალათს და არა თავად თქვენ, ამიტომაც მოსავთ საკუთარ თავს.

მედიტაცია გეხმარებათ სხვისი თვალისგან დაისვენოთ. დაივიწყეთ სხვები! ცოტა ხნით ჩაიხედეთ საკუთარ სულში და იგრძნობთ შინაგან ტკივილსა და ტანჯვას. იგრძნობთ სიცარიელეს. მაშინ კი გარდაისახებით: თქვენ დაიწყებთ შინაგანი სიმდიდრის, განძის ძებნას, რომელიც თქვენშია და არა თქვენს გარეთ.

ბევრი – ეს არის გარეგნული სიმდიდრე, ხოლო ერთი – შინაგანი საგანძური. ბევრი – ეს არის გარეგანი განზომილებები და მიმართულებები, ერთი ნერტილი კი შინაგანი მიზანია.

იესომ თქვა: „ღვთის საუფლო ვაჭარსა ჰგავს, რომელიც ძალიან მდიდარი იყო და ერთხელ მარგალიტს წააწყდა. ვაჭარი კეთილგონიერი იყო, მან ყველაფერი გაყიდა და სანაცვლოდ მარგალიტი შეიძინა...”

ერთი კაცი მართლაც გაემგზავრა შორეულ ქვეყანაში ფულის საშოვნელად. მან იქ დიდძალი სიმდიდრე დააგროვა, მაგრამ ბოლო დროს ნახა ერთი მარგალიტი, რომელშიც მთელი შეძენილი სიმდიდრე გადაცვალა. შინ რომ ბრუნდებოდა, მისი გემი ძლიერ ღელვაში მოჰყვა და ჩაიძირა, ხოლო ეს კაცი გადარჩა და თავისი განძით დაბრუნდა შინ.

ეს ისტორია აქვს მხედველობაში იესოს: იმ კაცმა დიდძალი სიმდიდრით ერთი მარგალიტი იყიდა, მაგრამ როდესაც გემი ჩაიძირა, არაფერი დაუკარგავს. ერთის გადარჩენა შეიძლება, ბევრისა – არა. როცა სიკვდილი მოდის და თქვენი გემი იძირება, თუ ერთი მარგალიტი გაქვთ, შესძლებთ მის გადარჩენას, მაგრამ თუ დიდი განძი გაგაჩნიათ, ყველაფერი წყალში ჩაგეყრებათ.

„...ვაჭარი იყო კეთილგონიერი...”

ის იყო ბრძენი, რადგან სისულელეა, გაყიდო ერთი და იყიდო ბევრი, ხოლო სიბრძნე იმაში მდგომარეობს, რომ ბევრი გაყიდო და ერთი ღირებული შეიძინო. მარგალიტი შინაგანი ერთიანობის სიმბოლოა.

„...ეძიებთ კი თქვენ უზადო, უხრწნელ საუნჯეს, რომელსაც ვერც ჩრჩილი შეჭამს, და ვერც მატლი დახრავს?”

მაშ, იყავით იმ ვაჭარივით კეთილგონიერნი და ბრძენნი. ამ-
ქვეყნიურს ბოლოს ყველაფერს დაკარგავთ. სინამდვილეში
თქვენ არაფერს ფლობთ ამქვეყნად. როცა ამ სამყაროში აღარ
იქნებით, იმ ნივთებს ხომ სხვა დაეუფლება? თქვენი ქონება სიზ-
მარივით წარმავალია: არის და უკვე აღარ არის.

ერთხელ მეფე იბრაჰიმს ღამით სასახლის სახურავიდან
ხმაური შემოესმა. იქ ვილაც დადიოდა.

„ვინ არის?“ – იკითხა იბრაჰიმმა.

ვილაცამ უპასუხა: „ნუ ღელავ, აქლემი დამეკარგა და ვეძებ“.
სასახლის თავზე აქლემი დაიკარგა!

იბრაჰიმმა გაიცინა და ასძახა: „გიჟი ხომ არა ხარ, ჩამოდი
მანდედან, აქლემს სახურავზე რა უნდა. შინ წადი!“

მაგრამ მთელი ღამე მეფე ფიქრობდა: „იქნებ ის კაცი სულაც
არ იყო გიჟი და რაღაც სიმბოლურს მეუბნებოდა. იქნებ დიდი
მისტიკოსი იყო, ისეთი ხმა ჰქონდა, მასში იმდენი თანაგრძნობა
და სიჩუმე იგრძნობოდა, ხმა ისეთი მუსიკალური და ჰარმო-
ნიული ჰქონდა, რომ შეუძლებელია გიჟი ყოფილიყო. როცა მით-
ხრა: „აქლემს ვეძებო“, თოთქოს რაღაცაზე მიმანიშნა. ხვალ დი-
ლით უნდა მოვძებნო და ვნახო, ვინ არის – ნამდვილი გიჟი იყო
თუ „ღვთის გიჟი“. სახურავზე თავისი სიგიჟის გამო ავიდა თუ
ჩემთვის ღვთის დანაბარები უნდოდა გადმოეცაო“.

მთელი ღამე ვერ მოისვენა მეფემ. დილით კარის მსახურებს
დაავალა იმ კაცის მოძებნა, რომელსაც მუსიკალური და ჰარმო-
ნიული ხმა ჰქონდა. მთელი ქვეყანა გადაჩხრიკეს, მაგრამ იგი
ვერსად იპოვნეს, ვინაიდან ძნელია კაცის პოვნა ხმის ტემბრის
მოხედვით. შუადღით სასახლის კართან ხმაური ატყდა. მოსუ-

ლიყო ერთი დერვიში* და მცველს ეუბნებოდა: „შემომიშვი, რამდენიმე დღე მინდა ამ ფუნდუკში გავატარო“.

მცველმა უპასუხა: „ეს არც ფუნდუკია და არც ფარდული. სადა გაქვს თვალები, მეფის სასახლეს ვერ ამჩნევ“?

დერვიშმა მიუგო: „არა! მე კარგად ვიცი, რომ ეს ფუნდუკია. მოგზაურები მოდიან აქ, ცოტა ხნით რჩებიან და მიდიან. აქ არავინ ცხოვრობს. შემომიშვი და თვითონ მოველაპარაკები მეფეს, რომელიც, როგორც ჩანს, ბრიყვია“.

ამ სიტყვებმა მეფის ყურამდე მიაღწია და განრისხდა. მან თავისთან დაიბარა დერვიში.

დერვიშმა უთხრა: „მისმინე! მე ერთხელ უკვე ვიყავი აქ, მაგრამ მაშინ ტახტზე სხვა ვილაც იჯდა. ისიც შენსავით ბრიყვი იყო და ეს ფუნდუკი სასახლე ეგონა“.

მეფემ მიუგო: „ვილაც სულელი ხარ. ის მამაჩემი იყო, რომელიც მოკვდა“.

დერვიშმა უთხრა: „გეუბნები, რომ მე კვლავ მოვალ აქ, მაგრამ შენ უკვე აღარ იქნები და შენი ვაჟი იჯდება ტახტზე. ისიც მეტყვის, რომ ეს მისი სასახლეა. რა მეფის რეზიდენციაა ეს? ადამიანები მოდიან და მიდიან. ამას მე ფუნდუკს ვუნოდებ.“

მეფეს ეცნო ეს ხმა. „შენ ის უგნური ხომ არა ხარ, სასახლის სახურავზე აქლემს რომ დაეძებდი?“ – ჰკითხა მას.

დერვიშმა მიუგო: „დიახ, მე უგნური ვარ ისევე, როგორც შენ. თუკი შენ აქ ეძებ ჭეშმარიტებას, ესე იგი, აქლემს ეძებ სახურავზე“.

მეფე ჩამოვიდა ტახტიდან და დერვიშს მიმართა: „შენ დარჩი ამ ფარდულში, მე კი წავალ. აქამდე მწამდა, რომ ეს ჩემი სასახ-

ლე იყო და თუკი ასე არ არის, მაშინ მე მივდივარ. უნდა ვეძიო სახლი, სანამ გვიან არ არის”.

იბრაჰიმი თვითონ იქცა მისტიკოსად. იგი ცხოვრობდა თავის სამეფოს დედაქალაქის გალავნის გარეთ. ახლა ეს სასახლე მისთვის ფუნდუკად იქცა. თუ ვინმე შეეკითხებოდა: „ქალაქში როგორ შევიდეთო“, ქალაქის მაგივრად იბრაჰიმი სასაფლაოსკენ უთითებდა.

გულმოსული ხალხი ეუბნებოდა: „ჩვენ ქალაქის შესასვლელს გეკითხებით, სასაფლაოზე რა გვინდა”.

იბრაჰიმი კი იცინოდა და ამბობდა: „გამოდის, რომ ჩვენ სხვადასხვაგვარად გვესმის ერთი და იგივე სიტყვა. დავსახლდებით თუ არა სასაფლაოზე, სამუდამოდ დავრჩებით იქ. იქ არის ნამდვილი ქალაქი, ნამდვილი სასახლე და რეზიდენცია, რომლის მისამართი არასოდეს იცვლება, რადგან ჩვენ იქ სამუდამოდ მივდივართ, თქვენ ნამდვილ ქალაქზე როდი მეკითხებით, რაც თქვენ გაინტერესებთ. იმ ადგილას მუდამ სიკვდილის რიგში დგანან. ვილაც დღეს მოკვდა. ვილაცას ხვალ მოუწევს გარდაცვალება. თითოეული მოკვდავი სიკვდილს ელოდება. და თქვენ ამას უწოდებთ ქალაქს? ჩემთვის ქალაქი სასაფლაოა, სადაც სიკვდილის გარდა არაფერი არსებობს”.

სიცოცხლე სიკვდილის მოლოდინია. როგორ შეიძლება სიცოცხლე იყოს წუთიერი და სიზმარს ჰგავდეს? სიცოცხლე მარადიული უნდა იყოს, მაგრამ თუ ეძიებთ მარადიულს, ვაჭრის მსგავსად, კეთილგონიერად უნდა მოიქცეთ, გაყიდეთ ყოველივე, რაც გაგაჩნიათ. გაყიდეთ საკუთარი „ეგო“ და იყიდეთ თქვენი შინაგანი არსის ერთადერთი მარგალიტი, რომელიც არ დაიკარგება, არც წაგართმევთ ვინმე, რამეთუ ეს მარგალიტი

ხართ თქვენ. მხოლოდ საკუთარი თავის დაუფლება შეგიძლიათ, სხვა არაფერი ძალგიძთ, ხოლო თუ ილუზიებში ცხოვრობთ, ეს სხვა საქმეა.

ილუზიაა თქვენი სახლ-კარიც, ოჯახიც და ქონებაც. ადრე, თუ გვიან ეს სიზმარი წყალს გაჰყვება. თქვენ მხოლოდ საკუთარი თავი უნდა გეკუთვნოდეთ, რადგან იგი ვერსად წაგივათ, არსი მუდმივია და მარადიული, იგი დროს არ ემორჩილება.

განსხვავება ამქვეყნიურ და რელიგიურ ძიებებს შორის შემდეგია: რელიგიური ძიება მუდმივის, მარადიულის ძიებაა, ამქვეყნიური კი – დროებითის ძიება. ეს ქვეყანა დროში არსებობს, რელიგია კი – დროის გარეშე. როცა თვალები დახუჭული გაქვთ და აზრები არ გაგაჩნიათ, დრო ქრება, დრო თქვენთვის აღარ არსებობს. როცა აზრი გიმოძრავებთ თავში, დროც არსებობს და საგნებიც.

თქვენ გარშემო დრო მეფობს, თქვენში კი მარადისობაა. აი, რატომ ამბობს ყველა რელიგიური ადამიანი, რომ, როცა დროზე ამალღდებით, როცა დროს თავს დააღწევთ, მაშინ შეიცნობთ საკუთარ თავს, მაშინ შეხვალთ სახლში.

ერთი კაცი ფაბრიკაში მუშაობდა. იგი ძალიან ღარიბი იყო და სამსახურში ვირით დადიოდა, მაგრამ ყოველთვის უგვიანდებოდა იქიდან შინ მისვლა. ცოლი ძალიან ბრაზობდა და კაცმა მას ერთხელ უთხრა: „შეეცადე, გაიგო ჩემი გაჭირვება. როცა სამუშაო ცვლა მთავრდება და ზარი ირეკება, ჩემი ვირი ისე მიეჩვია ამ ხმას, რომ 2-3 წუთითაც თუ დამაგვიანდა, შინ უჩემოდ გამორბის, ფაბრიკიდან გამოსული ველარ ვპოულობ სახედარს. ჰა, დიდი-დიდი, რამდენიმე წუთი მომიცადოს, თუ ამ დროს შე-

ვასტი ზურგზე, ხომ კარგი, თუ არა და ფეხით მიწვეს შინ დაბრუნება”.

კაცმა იფიქრა, რომ ამის თქმა უშველიდა და ჰკითხა ცოლს: „ხომ მიხვდი, რა გითხარი?”

ცოლმა მიუგო: „ყველაფერი ძალიან კარგად გავიგე. ვირმაც კი იცის, როდის არის შინ დაბრუნების დრო!”

თქვენ კი ჯერ ვერ გაგიგიათ, სად არის თქვენი სახლი და როდის უნდა დაბრუნდეთ იქ. დახეტილობთ და სხვების კარზე აკაკუნებთ. სულ დაგავინწყდათ სად არის თქვენი სახლი. ასე რომ, თუ შენუხებული ხართ, ამაში არაფერია უცნაური, თუ გრძნობთ ფორიაქს ყველგან და ყოველთვის, ამაში არაფერია გასაკვირი. თქვენ აგრძელებთ ხეტიალს დედამინის ერთი კუთხიდან მეორეში. საიდან მოდის ეს სიგიჟე?

ხალხი შრომობს და ფულს აგროვებს, რომ მსოფლიოს ამა თუ იმ კუთხეში იმოგზაუროს. რატომ? რას ეძებენ?

გამიგონია, ერთხელ ერთი თავგადასავლების მაძიებელი ამერიკელი საბერძნეთში ვულკანს პირდაპირ კრატერში ჩასცქეროდა. მას გიდისათვის უთქვამს: „ღმერთო ჩემო! როგორ ჰგავს ჯოჯოხეთსო!”

გიდს უპასუხია: „ოჰ, ამერიკელებო! თქვენ ყველგან ყოფილხართ! ჯოჯოხეთშიც კი იმოგზაურებთ, ამის საშუალება რომ გქონდეთ!”

მაგრამ რატომ არსებობს ასეთი მოუსვენრობა? რატომ არის ადამიანი შინაგანად მანანნალა? იმიტომ, რომ ადგილსამყოფელი დაკარგა და ეძებს. ძიების მიმართულება შეიძლება არასწორი იყოს, მაგრამ მოუსვენრობა მაინც იჩენს ხოლმე თავს. სადაც არ უნდა იყოს, ის არ არის თქვენი სახლ-კარი და სწორედ ესაა

პრობლემა. სახლ-კარის ძიებაში შეიძლება ჯოჯოხეთშიც კი გამგზავროთ, მაგრამ საკუთარი თავის გარდა ვერსად იპოვით. იგი ხომ თქვენშია!

სახედარმა კი იცის, როდის არის უკან დაბრუნების დრო. ეს დრო უკვე მოსულია, თქვენ საკმარისად ელოდეთ. ნუ ეძებთ მას თქვენს გარეთ. იქ თქვენ ბევრი რამ შეგხვდებათ, რასაც ინდუსები მაიას ეძახიან. „მაია“ ნიშნავს ბევრს, მრავალსა და უსასრულოს. თქვენ აგრძელებთ ძებნას. ეძებთ, ეძებთ და ამას ბოლო არ უჩანს. ეს ჯადოსნური სამყაროა!

ჯადოქრობა რჩება, თქვენ ძებნას განაგრძობთ, მაგრამ როგორც კი ახლოს მიდიხართ, ყველაფერი ცისარტყელასავით ქრება, შორიდან იგი მშვენიერი ჩანს და გხიბლავთ, შემოდის თქვენს ოცნებებში, გინდათ, რომ მუჭში მოიქციოთ ცისარტყელა, მაგრამ ის გისხლტებათ ხელიდან. როგორც კი დაენევით, აღმოჩნდება, რომ იქ არაფერია. ცისარტყელა ოცნება და ილუზიური რეალობა ყოფილა. ინდუსებმა ეს „მაიად“, ჯადოსნურ სამყაროდ მიიჩნიეს. სინამდვილეში კი არაფერი არ არსებობს და ყველაფერი მხოლოდ სურვილებისა და ოცნებების წყალობით გეჩვენებათ. თქვენვე ხართ შემოქმედი. მაგალითად, ავტომობილი. დედამინაზე ადამიანს რომ არ ეარსება, რა იქნებოდა ავტომობილის ფასი? ვის ეცლებოდა მისთვის?

მხოლოდ მაშინ, როცა არსებობს ადამიანი, ავტომობილიც ფასეულია. იგი თქვენი სურვილებიდან მოდის: თუ გსურთ რაღაც, იგი ფასეულია. რაც არ გინდათ, ფასს კარგავს. ფასეულობა ნივთში კი არ არის, თქვენს სურვილშია.

ეკონომიკის ძველი კანონი ასეთი იყო: როცა არსებობს მოთხოვნილება, მას მოჰყვება წარმოება და მოწოდება. ახლა კი

თქვენ სთავაზობთ და ამის შემდეგ ჩნდება მოთხოვნილება. შეიძლება ვიფიქროთ, რომ იესოს დროს ვინმე ავტომანქანაზე (იოცნებებდა? მაშინ ასეთი პრობლემა არ არსებობდა, რადგან არ არსებობდა თვითონ საგანი. ახლა მთელი საქმიანი სამყარო ახალი წინადადების შემუშავებაზეა დამყარებული. საქმიანი ადამიანები ჯერ შეიმუშავენ გეგმას, შემდეგ ქმნიან ნივთებს და რეკლამას უკეთებენ. მხოლოდ შემდეგ ჩნდება სურვილი და მოთხოვნილება. მერე თქვენ აქეთ-იქით აწყდებით და ხედავთ მიზანს, რომელიც დაკარგული გქონდათ. ახლა კი არსებობს მიზანი და ფიქრობთ, რომ თუ მას მიაღწევო, ყოველივე მიღწეული იქნება, მაგრამ ბიზნესმენები განუწყვეტლივ ქმნიან ახალ მოდელებს, ახალ მანქანებს, ახალ სახლებს, ახალ მიზნებს. ისინი მუდმივად გთავაზობენ გზებს, რომ იმოდროთ შიგნიდან გარეთ, არ გაძლევენ ამოსუნთქვის საშუალებას, რათა დაფიქრდეთ.

შესაძლოა, თქვენი ავტომობილი ნორმალურად მუშაობს, მაგრამ ბიზნესმენები რეკლამას უკეთებენ ავტომობილის ახალ მოდელს. ახლა უკვე გრცხვენიათ ძველი ტიპის ავტომანქანის მართვა. შეიძლება, ახალი მოდელი ძველზე უკეთესი არ არის, მაგრამ ახალი ავტომობილის ყიდვა საჭიროა, რადგან თქვენმა მეზობლებმა და ნაცნობებმა უკვე შეიძინეს იგი და ყველა ამაზე ლაპარაკობს.

ერთხელ ერთი ქალი მივიდა ქირურგთან და ოპერაციის გაკეთება სთხოვა.

„ხომ არ გაგიჟდით, რა ოპერაცია? თქვენ სრულიად ჯანმრთელი ხართ!“ – მიუგო ქირურგმა.

ქალმა უთხრა: „ძალიან მეუხერხულემა, როცა კლუბში მივდივარ, იქ ზოგი ბრმა ნაწლავის ამოკვეთაზე ჰყვება, ზოგს გლანდები ამოუჭრია; მხოლოდ მე ვგრძნობ თავს არანორმალურად, რადგან არაფერი მაქვს სალაპარაკო, გამიკეთეთ რამის ოპერაცია, რომ მეც ვილაპარაკო ჩემს ავადმყოფობაზე კლუბში!”

ხედავთ, ავადმყოფობაშიც კი შეჯიბრია! ყველაფერში წინ უნდა იყოს. მნიშვნელობა არა აქვს რაში, მაგრამ თქვენ უნდა იყოჩალოთ!

წვიმდა და მოსაცდელში შეფარებული სამი მგზავრი საუბრობდა. ერთმა თავისი ცოლით დაიტრაბახა: „მე ისეთი ცოლი ჰყავს, რომ ათი წლის წინათ დავქორწინდით და ძველებურად ყოველ საღამოს ისევ სადგურზე მხვდება, შინ რომ ვბრუნდები. ლამის გავგიჟდე!”

მეორემ თქვა: „ძალიან კარგად მესმის შენი, რადგან უკვე ოცი წელია ცოლი მყავს და ისიც ყოველთვის მოდის სადგურზე ჩემს შესახვედრად”.

„გაჯობეთ, – თქვა მესამემ, – ჩემი ცოლი უკვე ოცდაათი წელიწადია, რაც სადგურზე მხვდება, თანაც არც კი დავქორწინებულვართ. ყველას გაჯობეთ!”

ადამიანები სიცრუეში ეჯიბრებიან ერთმანეთს. თქვენ გასურთ პირველობა არავის დაუთმოთ ნებისმიერ საქმეში, თუკი იცვლება მოდა და ახალი ტანსაცმელი სულაც არ არის მიმზიდველი, მაინც გინდათ, ატაროთ. არავინ არ იმალება საკუთარ სახლში, ყოველი თქვენგანი ხომ სხვის კარზე აკაკუნებს.

კარგად დაიმახსოვრეთ – თქვენთვის არავინ არ არის მიზანი, საკუთარი „მეს“ გარდა. „თქვენ“ ხართ მიზანი და უნდა შეიცვინოთ საკუთარი თავი, არაფერ სხვას ფასი არა აქვს.

ამის შესახებ ამბობს იესო:

„ღვთის საუფლო ვაჭარს ჰგავს, რომელიც ძალიან მდიდარი იყო და ერთხელ მარგალიტს ნააწყდა. ვაჭარი კეთილგონიერი იყო, მან ყველაფერი გაყიდა და სანაცვლოდ მარგალიტი შეიძინა. ეძიებთ კი თქვენ უზადო, უხრწნელ საუნჯეს, რომელსაც ვერც ჩრჩილი შეჭამს და ვერც მატლი დახრავს?“

ეძიეთ უკვდავი და ფხიზლად დარჩით, ნუ დაკარგავთ დროს იმაზე, რაც ხრწნადია, ნუ ხარჯავთ საკუთარ სიცოცხლეს სამყაროს ცვალებად ნაწილზე.

თქვენ გარშემო ხილული სამყაროა, რომელშიც ყველაფერი ქრება და იხრწნება, მთაც კი იშლება ნელ-ნელა და აღიგვება პირისაგან მიწისა. კონტინენტებიც კი ქრებიან. ვედების დროს ჰიმალაი არ იყო, რადგან რიგვედა მის შესახებ არაფერს ამბობს.

შეუძლებელია, არ მოიხსენიოთ ჰიმალაი, როცა არსებობს. ვედებში კი უამრავი აღწერილობაა, ოღონდ მათში ერთხელაც კი არ არის ნახსენები ჰიმალაი. ამის საფუძველზე ლოკმანია ტილაკმა დაასკვნა, რომ ვედები შეიქმნა 75 ათასი წლის წინათ. ეს სიმართლეს ჰგავს. ვედები უფრო გვიან დაიწერა, მაგრამ არსებობდა ზეპირსიტყვიერად მრავალი ათასი წლის განმავლობაში. აი, რატომ არ მოიხსენიება მათში ჰიმალაი.

ახლა სწავლულები ამბობენ, რომ ჰიმალაი სამყაროს ყველაზე გვიანდელი დანამატია, ყველაზე მაღალია, მაგრამ ყველაზე ახალგაზრდაა. ჰიმალაი ჯერ კიდევ იზრდება და ყოველ წელს ემატება სიმაღლე. ვინთხია კი უძველესი მთაა დედამიწაზე. შე-

იძლება, ამიტომაცაა იგი ბრტყელი და მომაკვდავი მოხუცივით მოღუშული. ინდუსები მშვენიერ ისტორიას ჰყვებიან ვინდხიას შესახებ.

ერთი ბრძენი სამხრეთში წავიდა. მაშინ ძალიან ძნელი იყო ვინდხიას გადალახვა, არ არსებობდა სატრანსპორტო საშუალებები. მშვენიერი ისტორია კი იმას მოგვითხრობს, რომ, როდესაც ბრძენკაცი მიუახლოვდა მას, ვინთხია ძირს განერთხა, რათა მის ფეხებს შეხებოდა. ბრძენმა უთხრა: „მე მალე დავბრუნდები, ასევე დარჩი, რომ ადვილად გადავიარო შენზე“.

მთაც ამიტომ არის გაბრტყელებული, ბრძენი უკან აღარ დაბრუნებულა, სამხრეთში მიიცვალა, მაგრამ მშვენიერი თქმულება დარჩა: ვინდხია, დედამიწის უძველესი ნაწილი, გალეულია, როგორც მოხუცი.

გარესამყაროში არაფერია მარადიული. ჩახედეთ თქვენს შინაგან სამყაროს და ნახავთ, რომ თქვენი აზრებიც დროებითია – თუ ერთი წუთის წინ ვილაცაზე ბრაზობდით, ახლა ილიმებით და სიბრაზე გიცხრებათ. თქვენი აზრები ღრუბლებს ჰგვანან და გამუდმებით იცვლებიან.

ჩაატარეთ მედიტაციები ღრუბლებზე და დაინახავთ, რომ ისინი ფორმას იცვლიან და არასოდეს რჩებიან ერთსა და იმავე მდგომარეობაში.

თქვენს გონებაშიც იგივე ხდება: ღრუბელივით თქვენი აზრიც განუწყვეტილად იცვლება. სწორედ ეს არის მიზეზი იმისა, რომ ადამიანებს არ შეუძლიათ კონცენტრირება, რადგან კონცენტრაცია აზრის უცვლელობას ნიშნავს. თქვენს ერთ აზრს მეორე ცვლის, მეორეს – მესამე და ა. შ.

ამქვეყნად ყველაფერი იცვლება, მხოლოდ ზეცა რჩება უცვლელი. იგი უხრწნელია. თქვენივე ცა, ანუ „მე“ რჩება მარადიული. სწორედ ის არის მარგალიტი, იგი უფორმოა.

თუ შინაგან სამყაროში მიდიხართ ამ უფორმოებასთან შესახვედრად, თავდაპირველად იგი ცარიელი მოგეჩვენებათ, რადგან არ იცნობთ უფორმოებას. მაგრამ ნუ შეგეშინდებათ, ნუ დაფრთხებით, შეაბიჯეთ საკუთარ შინაგან სამყაროში. როდესაც იქ დაფუძნდებით, სიცარიელეც გაქრება. იგი უფორმოებად გადაიქცევა და თქვენ უკვე გექნებათ მარგალიტი – ერთიანობის სიმბოლო მრავალის ფასად. დღეისათვის კი თქვენ ერთიანის ფასად იძენთ მრავალს.

განუყოფელი – ეს არის მარგალიტი, მრავალი კი – უბრალოდ ყალბი ქვებია. ისინი ერთი შეხედვით ძვირფასი ქვები გეგონებათ, მაგრამ ასეთნი არ არიან და იცვლებიან. უცვლელობა და მარადიულობა ჭეშმარიტების კრიტერიუმებია. კარგად გახსოვდეთ ეს. რა არის ჭეშმარიტება? ის, რაც უხრწნადი და მარადიულია. რა არის ოცნება? ის, რაც იწყება და სადღაც მთავრდება, ის, რაც მარადიულად ვერ გაგრძელდება. ასე რომ, ეძებეთ ის მარგალიტი, რომელსაც ვერავინ წაგართმევთ, თვით სიკვდილიც კი. სიკვდილი სხეულს ჰკლავს, აზრები ქრება, მაგრამ თქვენ გაგრძელდებით და გაგრძელდებით დაუსრულებლად.

სიკვდილი მუდამ თქვენ გვერდით ხდება, მაგრამ არასდროს არ მოდის თქვენთან. ის ხდება თქვენ მეზობლად, პერიფერიაში, მაგრამ არასდროს არ ხდება ცენტრში. თქვენ არასოდეს მომკვდარხართ, თქვენ არ შეგიძლიათ სიკვდილი. მთები იშლებიან, ღრუბლები მოდიან და მიდიან, ცა კი კვლავინდებურად უცვლელი რჩება. თქვენც ზეცა ხართ. „მეს“ ბუნება სივრცეს ჰგავს: ცა-

რიელია, უსასრულოდ ცარიელი და უფორმო. მასში ყველაფერი
ხდება, მაგრამ არაფერი ემართება. აი, რას გულისხმობს იესო:

„...ეძიებთ კი თქვენ უზადო, უხრწნელ საუნჯეს,
რომელსაც ვერც ჩრჩილი შეჭამს და ვერც მატლი დახრავს?“

1974 წლის 27 აგვისტო

პუნა, ინდოეთი

საუბარი მერვე მერვე შეგონება

იესომ დაინახა ჩვილი ბავშვები

და თავის მონაფეებს უთხრა:

– ეს ჩვილი ბავშვები შევლენ ცათა ხასუფეველში!

მონაფეებმა კითხეს:

– თუ გავხდებით ისეთნი, როგორც ეს ბავშვები, შევალთ კი ჩვენ ხასუფეველში?

იესომ მიუგო:

– როდესაც ორს გადააქცევთ ერთად და როცა შინაგანს გადააქცევთ გარეგანად, ხოლო გარეგანს – შინაგანად, და ზემოთას – ქვემოთად. როდესაც ქალი და კაცი ერთნი გახდებიან ისე, რომ კაცი აღარ იქნება კაცი, ხოლო ქალი აღარ იქნება ქალი, მაშინ თქვენ შეხვალთ ცათა ხასუფეველში.

(თომა 27)

ეს იესოს ერთ-ერთი მნიშვნელოვანი შეგონებაა, რომელიც მაძიებელმა უნდა აითვისოს. თუმცა იგი შესაცნობად ურთულესია, მაგრამ თუ ამ შეგონებას ჩასწვდებით, მეტი არაფერი დაგჭირდებათ. თავდაპირველად უფრო მარტივ საკითხებში გავერკვეთ, შემდეგ კი გავცნოთ შეგონებას.

ადამიანი, რომელიც გონებით მოქმედებს, ვერ იქნება უცოდველი. მასში ვერც ღვთაებრივი გადმოვა და ვერც თვითონ ამაღლება ღმერთამდე. უცოდველობა კარი ღმერთში შესასვლელად. ადამიანის გონება კი ანგარიშიანი, მოქნილი და მოხერხებულია. სწორედ ამიტომ რჩებით ხელმოცარულნი და ხელიდან უშვებთ ცათა სასუფეველს. შეგიძლიათ მეფობას მიაღწიოთ თქვენი გონების საშუალებით ამქვეყნად, რადგან აქ შეგიძლიათ გამოიყენოთ თქვენი მოხერხებულობა და სიეშმაკე. თქვენ იღბლიანები, მარჯვეები და ანგარიშიანები უნდა იყოთ ამქვეყნის გზებზე, მაგრამ ღვთის საუფლოს კარი მოპირდაპირე მხარესაა.

იქ შესასვლელად არ გასჭრის თქვენი ანგარიშიანობა და სიეშმაკე. ტვინი საერთოდ გამოუსადეგარი ხდება, რამეთუ ის მხოლოდ გაიძვერობის, მოქნილობისა და ეშმაკობის მექანიზმი. მაშინ გული იქცევა თქვენი არსებობის წყაროდ. გული კი უცოდველია.

ასე რატომ გვინდა, რომ ჭკვიანები ვიყოთ? წარამარა რატომ ვიტყუებით? იმიტომ, რომ ეს ამ ცხოვრებაში ერთადერთი გზაა წარმატებისკენ. ამიტომ ის, ვინც ამქვეყნად წარმატებას აღწევს, ღვთის საუფლოში მარცხდება. თუ მზად ხართ ამქვეყნიური წარუმატებლობისა და გულისტკივილის გადასატანად, მაშინ თქვენ უკვე მზად ხართ ზეციურ სამყაროში შესასვლელად. როგორც კი შეიგნებთ, რომ ამ ცხოვრების წარმატება არაა თქვენთვის, თქვენი გონება მიმართულებას შეიცვლის და წარემართება შინაგანში. დაუყოვნებლად მოხდება გარდასახვა.

იესო დიდ მნიშვნელობას ანიჭებდა უცოდველობას. ხშირად ლაპარაკობდა ბავშვთა ხიბლზე, ყვავილთა უზადობაზე, ჩიტე-

ბის სიმშვენიერეზე. მაგრამ ასეთი სახის უცოდველობა უსარგებლოა, თქვენ ის უკვე დაკარგეთ, ამიტომ ნუ მოახდენთ მის იმიტირებას, ნუ შეეცდებით, გაიგოთ ის პირდაპირი მნიშვნელობით. ეს მხოლოდ სიმბოლოა.

თქვენთვის შეუძლებელია, რომ კვლავ ბავშვებად იქცეთ. ერთხელ თუ მიიღეთ გარკვეული ცოდნა, თავს ვეღარ დააღწევთ მას. შეგიძლიათ გადალახოთ ის, მაგრამ არა უკან სვლით, თქვენთვის უკან დასაბრუნებელი გზა არ არსებობს. შეგიძლიათ წახვიდეთ მხოლოდ წინ. როგორ შეიძლება დაკარგოთ ის, რაც იცით?

გახსოვდეთ – თქვენ შეგიძლიათ ითამაშოთ ბავშვის როლი და ეს იქნება იმიტაცია, ემმაკობა და ანგარება. იესომ თქვა: „**იყავით როგორიც არიან ბავშვები**“, – და თქვენ დაიწყეთ ამის პრაქტიკულად განხორციელება, მაგრამ იცოდეთ, ბავშვის როლს რომ თამაშობთ, ბავშვი არასოდეს თამაშობს. იგი უბრალოდ ბავშვია და არც კი იცის. სწორედ ამაშია მისი უცოდველობა, მაგრამ ის ვერ აცნობიერებს ამას. ხოლო თუ თამაშობთ, აცნობიერებთ კიდევ და მაშინ თქვენი ბავშვობა ყალბი და მოჩვენებითი იქნება. შეგიძლიათ განაგრძოთ თამაში, მაგრამ ხელახლა ვერავინ გაქცევთ ნამდვილ ბავშვად.

წმინდანი უბრუნდება ბავშვობას, მაგრამ ეს სულ სხვანაირად ხდება. წმინდანი ცდილობს გონებისგან განზე განდგომას, რადგან მისი უსარგებლობა ესმის. იგი შესანიშნავად გრძნობს ამ ცხოვრებაში იღბლიანი კაცის ყოფის სრულ უაზრობას და უარს ამბობს წარმატებების მოპოვების მგზნებარე სურვილზე, სხვათა დაჩაგვრაზე, სხვებთან შედარებით მნიშვნელოვან და დიდებულ პიროვნებად ყოფნის ფიქრზე, თავისი „ეგოს“

რეალიზების სურვილზე და ყოველივე ამას სრულიად უსარგებლოდ თვლის.

მთავარია ჭეშმარიტი ნვდომა და დაუყოვნებლივ გადადიხარ სხვა განზომილებაში, მაშინ ხელახლა მოდის ე. წ. მეორე ბავშვობა, ინდუსები ამ სტადიას „ორჯერ შობილს“, „დვიჯს“ უწოდებენ. თქვენ ხელახლა იბადებით, ოღონდ არა დედის საშოდან, არა ორი სხეულისაგან, ერთმანეთს რომ შეხვდნენ, არა ორობითობიდან, არამედ საკუთარი „მე“-დან.

ამაშია ქრისტეს ქალწულისაგან შობის აზრი. ეს არ უნდა გავიგოთ პირდაპირი მნიშვნელობით. ადამიანი ყველაფერს პირდაპირი მნიშვნელობით იგებს და ამიტომაც მარცხდება. ქალწულისაგან შობა ერთი მთლიანისაგან დაბადებას ნიშნავს. ქალწულის უმანკოება აბსოლუტურად სუფთაა, ის უხრწნელია, რამეთუ სხვა არ არის მასთან. როცა თქვენთვის არსებობს სხვა, თქვენ კარგავთ უმანკოებას. სხვისი შეცნობა და სხვისი ნდომა გიბღალავთ სინმინდეს. მხოლოდ მეორე დაბადება შეიძლება იყოს უმანკო. პირველ დაბადებაში სექსია გარეული, თუმცა სხვანაირად არც შეიძლება.

იესო დაიბადა ისევე, როგორც ნებისმიერი ადამიანი. ეს ასეც უნდა მომხდარიყო. ჩანასახში ქრისტე იგივე მდგომარეობაში იმყოფებოდა, როგორც თქვენ. ყვავილობის დროს კი ის სულ სხვაა იმიტომ, რომ მოხდა მეორედ დაბადება. დაიბადა ახალი ადამიანი. მარიამისაგან ნაშობი იესო აღარ არსებობს, შემდგომში მან თვითონვე შვა თავისი თავი.

ესეების ძველ სექტაში ამბობენ, რომ როდესაც ადამიანი ტრანსფორმაციას განიცდის, იგი საკუთარი თავის მამა ხდება. ამ ნათქვამის აზრი ასეთია: როდესაც ვამბობთ, რომ იესოს არ

ჰყავდა ხორციელი მამა, ეს იმას ნიშნავს, რომ იესო თავად იქცა საკუთარი თავის მამად. ეს აბსურდულად ჟღერს, მაგრამ ასეა, და აირატომ:

მეორე დაბადება უბინოა და თქვენ კვლავ უბინო ბავშვად იქცევით. ეს უმანკოება ბავშვურ უცოდველობაზე მაღლა დგას, რადგან ბავშვმა უნდა დაკარგოს თავისი სინმინდე, რაც ბუნებისგანაა ბოძებული და ბავშვის დამსახურება არ არის. ბავშვი იზრდება და თანდათან კარგავს პირველყოფილ უმანკოებას. ბრძენი კი უბინო რჩება და მისი უცოდველობის შერევა შეუძლებელია, რამეთუ ეს არის უმაღლესი წერტილი – ზრდის კრემჩენდო*. ამის იქით ზრდა არ არსებობს.

ბავშვმა უნდა დაკარგოს სინმინდე, უნდა შეიძინოს ცოდნა და გამოცდილება, ისწავლოს ცხოვრება, გახდეს ჭკვიანი და ყაირათიანი. თუ თქვენ მთლიანად შეგიპყრობთ ანგარიშიანობის მექანიზმი, მაშინ დარჩებით სექსიდან, დუალურობიდან შობილნი! და მაშინ ყოველთვის გექნებათ შინაგანი კონფლიქტი, ვინაიდან თქვენ ხართ ორი.

როდესაც თქვენ დედ-მამამ, ორმა სხეულმა დაგბადათ, თქვენ რჩებით ორი იმიტომ, რომ ორივე თქვენთანაა – კაცი მარტო კაცი არ არის, ის ქალიცაა, ქალი კი ქალთან ერთად კაციც არის, რამეთუ ორივე მათგანი ორი სხეულისგან იშვა. მათქვენი არსებობას განაგრძობს თქვენში, ისევე როგორც დედათქვენი, ვინაიდან ორივე შეხვდა ერთმანეთს თქვენს სხეულში და მათი ნაკადები შეერთდა. ამიტომ თქვენ ხართ ორი. თქვენშია ერთმანეთთან შეერთებული ორი ურთიერთსაწინააღმდეგო პოლუსი, რაც გძაბავთ და მუდმივად მიმდინარეობს შინაგანი კონფლიქტი. ვერასოდეს მიაღწევთ ასეთ მდგომარ-

რეობაში სიმშვიდესა და ბედნიერებას, თუნდაც რომ ეცადოთ, იპოვოთ ხერხები, ეს შეუძლებელია. თქვენ ხომ ორი ხართ. „რათა მდუმარებდეთ, აუცილებელია ერთიანობა, შესაბამისად თქვენ თავიდან უნდა დაიბადოთ“, – უთხრა იესომ ნიკოდიმს.

ნიკოდიმმა ჰკითხა: „რა უნდა გავაკეთო ამისათვის?“

„ჯერ თავიდან უნდა დაიბადოთ. მხოლოდ ამის შემდეგ შეიძლება რამე მოხდეს. ახლა კი, სანამ ასეთი ხართ, არაფერი მოხდება“, – მიუგო ქრისტემ.

მეც იმავეს გიმეორებთ – თქვენში არაფერი ხდება, სანამ ასეთი ხართ, როგორებიც ახლა. ვიდრე ხელახლა არ იშობთ თავს, ვიდრე საკუთარი თავის მამად არ იქცევით, ვიდრე თქვენი დუალურობა არ გაქრება და ერთიანი არ გახდებით, არაფრის გაკეთება არ შეიძლება!

თქვენში ერთმანეთს შეხვედრილი ქალისა და მამაკაცის სანყისები შეკრულ წრედ იქცევა. ეს სანყისები ქრება, ერთმანეთს ანეიტრალებს და წარმოიშობა ერთიანობა, რომელიც არის უბინობა.

აი, რას გულისხმობს იესო, როცა ამბობს: „იყავით, როგორც ბავშვები“. ნუ მიიღებთ ამ სიტყვებს პირდაპირი მნიშვნელობით. მაგრამ რას გულისხმობს, როცა ამბობს „როგორც ბავშვები“? – ბავშვი ჩასახვიდან რამდენიმე კვირის განმავლობაში უსქესოა. ჰკითხეთ ბიოლოგებს და ისინი გიპასუხებენ. ბავშვის ჩანასახში მამაკაცისა და ქალური სანყისები ჯერ არ გაყოფილა, მაგრამ წონასწორობა მალე ირღვევა, დომინირებული ხდება ან ქალი ან მამაკაცი, განისაზღვრება ბავშვის სქესიც.

სქესის შეცვლა შეიძლება, რადგან სქესი გარეგნული მხარეა და შინაგან არსს არ მიეკუთვნება. იგი სხეულის ჰორმონალური

და ფიზიოლოგიური მახასიათებელია. აი, რატომ შესწევს მედიცინას ძალა, რამდენიმე ინექციის საშუალებით ბავშვს სქესი შეუცვალოს, შინაგანი არსი სქესისაგან მთლად იმიჯნება.

დასაწყისში ბავშვი ერთიანია. შემდეგ ის იყოფა, მაგრამ სხეულს არც მამაკაცისა და არც ქალის არავითარი განსაკუთრებული თვისებები არ გააჩნია. ბავშვს ცნობიერების სიღრმეში ჯერ არ ესმის, რა არის სქესი და თვითონ რომელი სქესის წარმომადგენელია. გარკვეული პერიოდის შემდეგ კი შეგნებულ არსებად იქცევა და საკუთარ სქესზე უჩნდება წარმოდგენა. ბავშვი ერთიანობას კარგავს. ადამიანური არსება ქრება და ხდება იდენტიფიკაცია მამაკაცურ ან ქალურ სანჯისთან. ეს გრძელდება მთელი ცხოვრების განმავლობაში და, გამოდის, რომ თქვენ ვერასოდეს დაუბრუნდებით სანჯისს, რადგან წრე შეკრული არ არის.

ბრძენი კი უბრუნდება სანჯისს. წრე იკვრება. მისი გონებიდან პირველად ქრება სქესობრივი განსხვავება, შემდეგ სხეულიდან უკუაგდება სქესობრივ ნიშნებს და ვიდრე მოკვდებოდეს, კვლავ ერთიანი ხდება. ბავშვისგან განსხვავებით, აქ ყველაფერი პირიქითაა, ეს მეორე ბავშვობაა. ამ დროს თქვენი უმანკობა ბევრად უფრო ფასეულია. ბავშვის უმანკობა ღარიბია, თითქოს რაღაც აკლია, რამეთუ მასში არ არის გამოცდილება.

ბრძენის უმანკობა კი შეძენაა. მან ცხოვრების ყველა გზა შეიცნო. მან განვლო და განიცადა ყოველივე, რაც შეიძლება გამოსცადოს ადამიანმა. ადრე იგი სცოდავდა, არ გააჩნდა ზომიერების გრძნობა, არ იკლებდა სიამოვნებას. ყველანაირ უკიდურესობაში ვარდებოდა, მან ყველაფერი იგემა, რისი მოცემაც

ამ ცხოვრებას შეეძლო და ახლა განუდგა მას. მისი უმანკოება ძალიან მდიდარია, იგი გამოცდილებითაა აღსავსე. ბრძენმა შეიცნო ყველაფერი, რისი შეცნობაც შეიძლება და ვერაფერი შეუბღალავს საკუთარ სინძინდეს, რამეთუ ყველა ზეგავლენა უკან მოიტოვა. თქვენ თუ მიაღწიეთ ამ სტადიას – თავდაპირველად იყავით ბავშვი, ბოლოს კვლავ ბავშვად იქეციეთ – თქვენი ცხოვრება ერთ მთლიან წრედ შეიკვრება. სწორედ ეს არის სრულყოფილება. თუ არ დაბრუნებიხართ სანყისს, თქვენი ცხოვრება არ არის დასრულებული. დაუსრულებლობა ტანჯვაა და სიმწარე, რასაც ბუდამ „დუკხა“ უწოდა. თუ არა ხართ დასრულებულნი, ტანჯვას განიცდით, თუ წრედ შეიკართ, თქვენ სრულყოფილები ბრძანდებით.

ბრძენი სრულყოფილი კვდება. აღარ სჭირდება ხელმეორედ დაბადება, რადგან გამოცდილების სამყაროში დაბრუნება აღარ არის საჭირო. თქვენ კვდებით დაუსრულებლები, რის გამოც თქვენ ხელახლა უნდა დაიბადოთ, თქვენი არსება კვლავ დაჟინებით მიისწრაფვის სრულყოფილებისკენ და სანამ არ გახდებით დასრულებულნი, იძულებულნი იქნებით, კიდევ და კიდევ განიცადოთ დაბადება და სიკვდილი. სწორედ ამას უწოდებენ ინდუსები „სანსარას – სიკვდილისა და სიცოცხლის ბორბალს“. ბრძენი კი თვითონ ხდება წრე და აღარ სჭირდება ეს ბორბალი.

მაგრამ რა მოსდის ჩვეულებრივ გონებას? მაშინაც კი, როცა სხეული სუსტდება, სქესი რჩება ბოლომდე. გონება განაგრძობს მოქმედებას და საფუძველში კვლავ დუალიზმია. ამიტომ, ვიდრე სქესი არ გაქრება, არ იქნება ერთიანობა, „ბრაჰმა“. გახსოვდეთ – ადვაიტა, ბრაჰმა, ერთიანობა, ჰიპოთეზა, თეორია, დოქტრინა ან ფილოსოფიური მტკიცებანი კი არ არის, რომელთა შე-

სახებ შეიძლება კამათი, ეს სქესის ტრანსცენდენციაა*. ეს არის ძალიან ღრმა ბიოლოგიური ფენომენი, ეს ალქიმიაა, რადგან მთელ თქვენს სხეულს ტრანსფორმაცია სჭირდება.

ბაღში სკამზე სამი მოხუცი იჯდა. თავიანთ უბედურებაზე საუბრობდნენ, რადგან სხვა არაფერი ჰქონდათ სალაპარაკო.

ერთმა 73 წლის მოხუცმა თქვა: „ყურთ სულ უფრო და უფრო მაკლდება. ყურშიც რომ ჩამყვირონ, არ მესმის...“

78 წლისამ თქვა: „მე თვალთ დამაკლდა. ქერა და წითურს ველარ ვარჩევ ერთმანეთისაგან“.

ახლა ორივემ მესამე მოხუცს – ნასრედინს ჰკითხეს, შენ რა გჭირსო. 93 წლის ნასრედინმა მიუგო: „მე თქვენზე მეტად ვიტანჯები. გუშინ საღამოს ვისადილეთ და ცოტა დავლიეთ. შემდეგ ტახტზე მივწევი დასასვენებლად და ჩამეძინა. ნახევარ საათში გამეღვიძა და ცოლთან შევედი საძინებელში, ისიც დაწოლას აპირებდა და ვუთხარი: „მოდით ერთად დავწვეთ და ცოტა წავიაროთ?“ ცოლმა მიპასუხა: „როგორ! სულ რაღაც 20 წუთის წინ არ გავერთეთ?“ – და სევდამორეულმა ნასრედინმა დაამატა: „ჯენტლმენებო, ჩემი პრობლემა ისაა, რომ მესხიერება მლაღატობს“.

სქესი თქვენი ცხოვრების ბოლომდე, სიკვდილის საზღვრებამდე გდევთ. შესაძლოა, ვერც კი ამჩნევდეთ და ფიქრობდეთ მასზე, მაგრამ ადამიანის გონება ტრანსცენდენტური თუ არ გახდა, მომაკვდავის უკანასკნელი ფიქრიც სქესს დაუკავშირდება.

საღამოს, როცა იძინებთ, დაიმახსოვრეთ ძილის წინ ის, რაზეც ფიქრობდით. დილით გაგიკვირდებათ, რამეთუ დილით პირველად ის აზრი გაგიელვებთ თავში. ან პირიქით მოიქეცით

და იგივე შედეგს მიიღებთ, ვინაიდან ცხოვრება ციკლურია. პირველი იყო სექსი, ის იქნება უკანასკნელიც. თუ არ გადალახავთ მას, თქვენ მხოლოდ მსხვერპლი იქნებით და ვერ უპატრონებთ საკუთარ თავს.

თუ იცით, რა მოსდის მამაკაცს, სახრჩობელაზე რომ ჰკიდებენ? მას მაშინვე ეღვრება სპერმა. ის კვდება და სიკვდილამდე თესლს გამოჰყოფს. რატომ ხდება ასე?

სიცოცხლე ერთიანი წრეა. ის, რითაც შემოვიდა ადამიანი ამ ცხოვრებაში, იქცევა უკანასკნელად, რითაც ადამიანი ამ ცხოვრებიდან გადის.

ბრძენი არ იხშობს თავის თავში სექსს. ის გადააბიჯებს მას და მამაკაცური და ქალური ენერგია ერთიანდება (ჩახშობა არ არის ტრანსცენდენცია, გახსოვდეთ – თუ რომელიმე გრძნობას ეწინააღმდეგებით, ის მაინც თქვენშია). ბრძენი ახლა არც ქალია და არც კაცი. სწორედ მათ უწოდა იესომ „ღვთის საჭურისნი“.

ეს აქვთ ინდუსებს მხედველობაში, როდესაც შივას* არჰანარიშვარის სახით, ნახევრადკაცად და ნახევრადქალად გამოსახავენ. ინდუსები მას ყველაზე სრულყოფილ და უდიდეს ღმერთად – მაჰადევად თვლიან და თქვენ თუ გრძნობთ თავს ნახევარკაც-ნახევარქალად, ეს ორი ნახევარი წარმოქმნის წრეს და დუალურობა ერთიანობაში გადადის.

იესო ამ ერთიანობაზე, არდაჰანარიშვარზე, ნახევრადკაც-ნახევრადქალზე ლაპარაკობდა. როცა თქვენ აღარა ხართ არც ერთი და არც მეორე, მაშინ იწყება ახალი, მეორე ბავშვობა და თქვენ ორჯერ შობილი, დვიჯი ხართ. თქვენთვის უცოდველობის ახალი სამყარო იხსნება.

ახლა იგავს დავუბრუნდეთ. იესომ ჩვილი ბავშვები დაინახა და თავის მონაფეებს უთხრა:

„ეს ჩვილი ბავშვები შევლენ ცათა სასუფეველში“.

მონაფეებმა ჰკითხეს:

„თუ გავხდებით ისეთი, როგორც ეს ბავშვები, შევალთ კი ჩვენ სასუფეველში?“

მონაფეები ყოველთვის სცდებიან, ვინაიდან ისინი ყველა ნათქვამს პირდაპირ აღიქვამენ, ეჭიდებიან სიტყვებსა და სიმბოლოებს მაშინ, როცა იესოს სიმბოლოები არაკონკრეტული, არამდგრადი და არამკაფიოა. ისინი მიგვანიშნებენ, მაგრამ მათ არ ძალუძთ გვითხრას სათქმელი. ისინი ჰგვანან საჩვენებელ თითს, რომელიც მთვარეზე მიგვითითებს, მაგრამ მის შესახებ არ გვიამბობს არაფერს. მთვარე ჩვენ თვითონ უნდა დავინახოთ.

თუ იესო ამბობს: **„ეს ჩვილი ბავშვები შევლენ ცათა სასუფეველში“**, გვგონია, რომ თუ იმ ბავშვებს დავემსგავსებით, ჩვენ შეგვეძლება ცათა სასუფეველის მიღწევა.

მონაფეთა შეკითხვაზე იესო პასუხობს, რომ ეს ვერ უშველით.

იესომ უთხრა მათ:

„როდესაც ორს გადააქცევთ ერთად და როცა შინაგანს გადააქცევთ გარეგანად, ხოლო გარეგანს – შინაგანად, და ზემოთას – ქვემოთად, როდესაც ქალი და კაცი ერთნი გახდებიან ისე, რომ კაცი აღარ იქნება კაცი, ხოლო ქალი აღარ იქნება ქალი, მაშინ თქვენ შეხვალთ ცათა სასუფეველში“. შეეცადეთ, მის ყოველ სიტყვას ჩასწვდეთ. **„...როდესაც ორს გადააქცევთ ერთად...“**

ეს არის ძირითადი პრობლემა. ოდესმე თუ დაკვირვები-
ხართ, ხის სხივი როგორ ირეკლება შვიდფერ ლინზაში, მიხვდე-
ბით რა არის ცისარტყელა. წვიმიან ამინდში ჰაერი გაჟღენთი-
ლია ორთქლით და წვიმის წვეთებით, რომელიც პრიზმის თვისე-
ბებით ხასიათდება. ეს ის სხივი გადის მათში და შვიდ ფერად
გარდაიქმნება. მზის შუქი თეთრია, ქათქათა თეთრი, მაგრამ
პრიზმის საშუალებით ხდება მისი გაშვიდება. ჩვენი გონება
პრიზმის პრინციპს იყენებს – სამყარო ერთიანია, ყოფიერება
აბსოლუტური სითეთრეა, მაგრამ გონებაში გარდატეხა ხდება
თუ არა იგი ცისარტყელისებურად მრავალფეროვნდება და
იძენს მრავლობითობას. თუ ყურადღებით იქნებით, დაინახავთ
შვიდ იდეას ყოველ აზრობრივ კონცეფციაზე. გონება ყოველ
აზრს პრიზმასავით შვიდ ფერში წარმოგვიდგენს. ამიტომ შედ-
გება კვირაც შვიდი დღისაგან.

მაჰავირი ითვალისწინებს გონების ამ თვისებას და თავის
ლოგიკას შვიდ საფეხურად ჰყოფს, რასაც „ლოგიკის შვიდი ას-
პექტი“ ეწოდება. მაჰავირი ნებისმიერ შეკითხვაზე შვიდ პასუხს
გაძლევთ. ეს თქვენ გაბნევთ. ამ შვიდი პასუხის გამოა იგი
გაუგებარი, მაგრამ მაჰავირი აბსოლუტურად მართალია, რად-
გან ამბობს: **„თქვენ მეკითხებით გონების მეშვეობით, ე.ი. მეც
გონებით უნდა გიპასუხოთ, გონება კი ყოველთვის შვილად
ყოფს“**. და შვიდივე პასუხი ეწინააღმდეგება. ერთმანეთს, ჭეშმა-
რიტება კი ერთია.

როდესაც ამბობთ შვიდ სხვადასხვა რამეს, აუცილებლად
ვარდებით წინააღმდეგობაში. თუ ჰკითხავთ მაჰავირს, არსე-
ბობს თუ არა ღმერთი, ის გიპასუხებთ: „დიახ, ღმერთი არსე-
ბობს“. აგრეთვე: „არა, ღმერთი არ არის“, შემდეგ გეტყვით: „დი-

ახ და არ. ღმერთი არსებობს და არც არსებობს”, შემდეგ „არც დიახ და არც არა”... და ა. შ. შვიდ პასუხამდე.

გონება აზრებს ყოფს, როგორც პრიზმა. თუ იყურებით პრიზმაში, ყველაფერი შვიდი ხდება. თუ განსმქვალავად უხერთ რამეს, შვიდად გეჩვენებათ, ხოლო თუ, არც ისე დაკვირვები- ხართ, ორად. ჩვეულებრივი ადამიანი გიპასუხებთ, ღმერთზე რომ ჰკითხავთ, რომ ღმერთი არსებობს ან არ არსებობს. მაგრამ იგი კარგავს ხუთ პასუხს, რადგან საკმაოდ ყურადღებიანი არ არის.

სხვანაირად რომ ვთქვათ, გვაქვს შვიდი შესაძლებლობა და არა ორი; ორი მრავლობითის დასაწყისია, შვიდი კი – მრავლო- ბითის დასასრული.

იესომ თქვა: „**როცა ორს გადააქცევთ ერთად...**”

იესო უბრალო ხალხს ესაუბრება, მაჰავირი კი მცირერიცხო- ვან რჩეული, დიდ ლოგიკოსებსა და სქოლასტებს მიმართავს. ის ლაპარაკობდა 7-ის შესახებ, იესო – 2-ის შესახებ, მაგრამ იგივეს გულისხმობდა.

როგორ გაქრება ორი? რა უნდა გააკეთო? გონებით ვერა- ფერს შესძლებთ, რადგან თუ არის გონება, ორი რჩება. როგორ გაქრება ცისარტყელა? მოაშორეთ წვიმით გაჟღენთილი ჰაერი და ცისარტყელაც აღარ გამოჩნდება. ნუ იყურებით გონების პრიზმაში და მრავლობითის სამყარო გაქრება.

ნუ განიხილავთ გონებით. ბავშვები სამყაროს გონებრივი განსჯის გარეშე უყურებენ, რადგან გონების განვითარებას დრო სჭირდება. ჯერ ჩნდება სხეული, შემდეგ ყალიბდება გონე- ბა და ამისათვის რეალურად რამდენიმე წელია საჭირო. ახლად- დაბადებული ბავშვისათვის სამყარო ერთიანია.

ჟან პიაჟე* იკვლევდა ბავშვის გონებრივ განვითარებას და მრავალი საინტერესო რამ აღმოაჩინა: „ბავშვი თავიდან ვერ განასხვავებს ნივთებსა და საკუთარ სხეულს. ამიტომ მას შეუძლია ფეხი პირში ჩაიდოს და თითი მოწოვოს. ბავშვს აზრად არ მოსდის, რომ ეს საკუთარი თითია და მისი წოვა უსარგებლოა. მას თითი საწოვარა ჰგონია, ბავშვს შეუძლია დაინწყოს განავლის ჭამაც და ვერაფერს იგრძნობს, რამეთუ მისთვის არავითარი განსხვავება არ არსებობს...”

ამის გამო საუკუნეების მანძილზე ინდოეთში უამრავი ადამიანი ცდილობდა ბავშვის იმიტაცია მოეხდინა: ისინი ჭამდნენ საკუთარ განავალს. ბრიყვები კი პარამახანსას, ანუ „ჭეშმარიტებას მიღწეულ“ ადამიანებს უწოდებდნენ, ეს ხალხი უბრალოდ თამაშობდა ბავშვობანას, არაფერს ანსხვავებდა ერთმანეთისაგან, მაგრამ ქმნიდნენ საკუთარი „ეგოს“! სხვანაირად შეუძლებელია. ისინი ანსხვავებდნენ, მაგრამ საკუთარ თავს აიძულებდნენ არ განესხვავებინათ.

ამას არ აკეთებდნენ ბუდა, იესო, კრიშნა, მაგრამ ე. წ. პარამახანსებს დღესაც შეიძლება წააწყდეთ.

თუ თქვენ აიძულებთ საკუთარ თავს, არაფერი არ განასხვავოს ერთმანეთისგან, მაინც ხდება განსხვავება, რამეთუ გონება რჩება ცენტრად და სინამდვილეში არა ხართ უცოდველნი.

ბავშვს აზროვნება თანდათანობით უყალიბდება. საჭიროა გავიდეს რამდენიმე წელი, ვიდრე ბავშვი დაიწყებს გაყოფას. როცა იგი სხვა ბავშვებს ხელიდან სათამაშოს გამოსტაცებს, თქვენ ეუბნებით: „ნუ იქცევი ასე! ეს შენი სათამაშო არ არის!“ თქვენ ყოფთ ნივთებს კუთვნილების მიხედვით, რადგან გწამთ კერძო საკუთრება.

ბავშვისათვის სათამაშო სათამაშოა და სულ ერთია, ვის ეკუთვნის. მასში „შენი“ და „ჩემი“ ჯერ კიდევ არაა მკვეთრად გაყოფილი. იგი სრულიად ვერ განასხვავებს სიზმარსა და ცხადს. ბავშვი შეიძლება დილით ატირდეს იმის გამო, რომ სიზმარში მას მშვენიერი სათამაშო ჰქონდა: „სად გაქრა იგი?“ ის გულუბრყვილოა, ვინაიდან ჯერ ვერაფერს ასხვავებს.

ეს მე ბრძენთან უცოდვილობა მოდის მაშინ, როდესაც იგი აღარ ახდენს განსხვავებას. ისე კი არა, რომ ვერ ხედავდეს ამა თუ იმ ფერს, ნივთს, თვისებას თუ სხვა, არა ისე, რომ პურს ქვისგან ვერ არჩევდეს, არამედ, უბრალოდ, მისთვის გონება უკვე აღარაფერს ნიშნავს და გვერდით ნევს მას. ბრძენი ახლა ხედვით ცხოვრობს და არა გონებით. დარშანი ყურებას ნიშნავს და არა ფიქრს. ფილოსოფია მისი არასწორი თარგმანია, რადგან იგი აზროვნებას გულისხმობს, რაც სწორედ დარშანის საწინააღმდეგოა.

დარშანსა და ფილოსოფიას საერთო არაფერი გააჩნიათ. დარშანი ნიშნავს ხედვას, ფილოსოფია კი – აზროვნებას. ამასთან დარშანი ბავშვის თვალებით იყურება, როდესაც არაფრის გაყოფა და განსხვავება არ ხდება.

„...როდესაც შინაგანს გადააქცევთ გარეგანად...“ – რადგან „შინაგანი“ და „გარეგანი“ – ესეც დაყოფაა. როდესაც თქვენ უკუაგდებთ გარეგანს, შინაგანი ავტომატურად იხსნება. თუ არ არსებობს გარეგანი, არც შინაგანი იარსებებს. ეს შედარებითი მცნებებია: შინაგანი არსებობს მხოლოდ გარეგანის საწინააღმდეგოდ და პირიქით. როცა თქვენთვის არც „შინაგანი“ იქნება და არც „გარეგანი“, ერთიანი ხდებით. საწინააღმდეგო შემთხვევაში კი თქვენ გაყოფილი დარჩებით...

აი, რატომ ამბობენ ძენის ბერები, რომ თვით სამყაროა ღმერთი; რომ ჩვეულებრივი ცხოვრებაა რელიგია, რომ ყველაფერი მშვენიერია, როგორც არის, რომ არაფრის შეცვლა არ არის საჭირო, რადგან შეცვლის ნებისმიერი მცდელობა გაორებას ნარმოშობს; ის, რაც არის, თავისთავად შეიცვლება ახლით.

ძენის ბერთა თქმით, ეს სამყარო არის ღმერთი. იგი ვერ იქნება სადღაც, რადგან ეს „სადღაც“ გაორებას ნარმოშობს. ღმერთი არ არის შემქმნელი, თქვენ კი – ქმნილებები. თქვენი თვითონ ღმერთი და ჭეშმარიტი ღვთაება.

გონება ყოველთვის განასხვავებს ყველაფერს ერთმანეთისგან, და რაც უფრო მეტია თქვენში ეს დაყოფა, მით უფრო ჭკვიანებად ითვლებით. გონებას მისტიკოსები სულელებად მიაჩნია, რადგან მათ არ გააჩნიათ ზუსტი საზღვრები. აი, რატომ უწოდებენ რელიგიას „მისტიციზმს“, რაშიც გულისხმობენ არა მკაფიო რეალობას, არამედ რაღაც ბუნდოვან სიზმარს.

ლოგიკოსების აზრით, ძენის მისტიკოსი ბერები სულელები არიან, რადგან ისინი არ ყოფენ და არ განასხვავებენ. თქვენი გონება კი ყოველთვის გაყოფითაა დაკავებული, თქვენთვის საჭიროა იცოდეთ, რა რა არის! და ლოგიკოსების აზრით, ასეთი აზროვნებით უახლოვდებით რეალობას. მეცნიერებამ, ყოფდა რა ყველაფერს თანდათანობით, მიაღწია ატომამდე.

რელიგია ერთიანობას გაყოფით კი არა, შეერთებით აღწევს, საზღვრების მოშორებით და არა გავლებით. მეცნიერებამ აღმოაჩინა უმცირესი ნაწილაკი – ატომი, ხოლო რელიგიამ უსაზღვრო ერთიანობა მოიპოვა. მეცნიერება იყენებდა გონებას, რელიგია კი გონების კარნახს გამორიცხავდა. ამ დროს ქრება ყოველგვარი საზღვარი, ყოველი საგანი რაღაც ერთიანად იქცევა,

ხეები ცას შეერწყმიან, ცა – ხეებს, დედამინა ხვდება ცას, ცა ეშვება დედამინაზე.

თუ უფრო მეტად ჩაულრმავდებით ცხოვრებას, აღმოაჩინო, რომ მისტიკოსები მართალნი არიან, ყველა საზღვარი ადამიანის მიერაა შექმნილი. სინამდვილეში ისინი არ არსებობენ. მართალია, ეს საზღვრები ზოგიერთ შემთხვევაში გვეხმარება, მაგრამ უმეტესად ხელს გვიშლის.

შეეცადეთ, იპოვოთ გამყოფი საზღვარი – წინა კვირას უბედური იყავით. შეგიძლიათ, ზუსტად აღნიშნოთ დრო, როცა უბედურება გენვიათ? არა, თქვენ ამას ვერ შესძლებთ! თუ ჩაეძიებით, აღმოაჩინო, რომ ყოველივე ბუნდოვანია.

შემდეგ თქვენ გახდით ბედნიერი. დაიჭირეთ ის დრო, როცა სიხარული გესტუმრათ. შესაძლოა, თქვენ შეცდით, რადგან არ ხართ დარწმუნებული წარსულში, რადგან ახლახან იყავით უბედური, რამდენიმე ხნის შემდეგ კი ბედნიერად გრძნობთ თავს, რამეთუ გონებას არ ძალუძს ერთ მდგომარეობაში დარჩეს. თქვენ ვერ შეცვლით ამას. რომც მოინდომოთ უბედურად დარჩენა, ვერ შესძლებთ.

რას ნიშნავს ეს? ბედნიერება და უბედურება არ არის სხვადასხვა რამ. აი, რატომ არ შეგიძლიათ მათი გაყოფა. ბედნიერება და უბედურება ერთმანეთს ერწყმიან და მათი საზღვრები იშლება. შეიძლება იყოს ბედნიერები უბედურების გარეშე?

თუ სცდით ამას, სცდით შეუძლებელს. განაგდეთ ეს არი, ეს ძნელია, რადგან ბედნიერება და უბედურება უფრო პოეტური მცნებებია, ჯანმრთელობა და ავადმყოფობა კი – ფიზიოლოგიური. ზუსტად როდის გახდით ავად და როდის გამოჯანმრთელდით? ჯანმრთელობა გადადის ავადმყოფობაში, ავად-

მყოფობა – ჯანმრთელობაში, სიყვარული იქცევა სიძულვილად, სიძულვილი სიყვარულში გადაიზრდება, განრისხება იქცევა სიბრალულად, სიბრალული – განრისხებად. შესაძლოა, ამის მიხვედრა სასიამოვნო არ არის, მაგრამ მისტიკოსები მართაღს ფიქრობენ.

თქვენ იყავით ბავშვი. როდის გახდით ყმანვილი? თქვენ ხართ ახალგაზრდა. ოდესმე თქვენ მოხუცდებით. თვალყური ადევნეთ და ჩაინიშნეთ, როდის გენწევათ სიბერე. და თუ ამას ვერ გაიგებთ, შესძლებთ განასხვაოთ, ცოცხალი ხართ თუ უკვე გარდაიცვალეთ. სწავლულებმაც კი არ იციან, როდის გამოაცხადონ ადამიანი გარდაცვლილად. მაშინ, როცა ის აღარ სუნთქავს? მაგრამ არიან იოგები, რომლებმაც სამეცნიერო ლაბორატორიებში მოახდინეს დემონსტრირება, რომ შეუძლიათ არ ისუნთქონ ათი წუთის განმავლობაში. ამგვარად, სიკვდილის კრიტერიუმად არ გამოდგება სუნთქვის შეწყვეტა. შეიძლება კაცმა საბოლოოდ დაკარგოს სუნთქვის უნარი, მაგრამ ეს არ არის კრიტერიუმი, რადგან უკვე დაამტკიცეს, თუ როგორ შეიძლება არ ისუნთქო 10 წუთის განმავლობაში. ასეთი ადამიანი შეიძლება იყოს იოგი. მას იქნებ აღარ მოუნდეს უკან დაბრუნება, მაგრამ თქვენ არა გაქვთ უფლება გამოაცხადოთ, რომ ის მოკვდა.

ასე რომ, თქვენ შეგიძლიათ სიკვდილის კონსტანტაცია, მაგრამ ამის დასტური მიცვალებულმაც უნდა მოგვცეს. როდის მოკვდა ადამიანი სინამდვილეში? როდის წყდება მისი გულისცემა და ტვინის მოქმედება? ამჟამად ლაბორატორიებში მუშაობენ იმაზე, თუ როგორ იმოქმედოს ტვინმა უსხეულოდ. მეცნიერები ამტკიცებენ, რომ ასეთ ტვინს აქვს იგივე რიტმი – ილ-

ვიძებს, იძინებს, ფხიზლობს, ხანდახან იძლევა სიგნალს, რომ განრისხებულია, აფორიაქებული ან აღგზნებული, ზოგჯერ კი – წყნარდება. ასეთი ტვინი ვერ იქნება დარწმუნებული, რომ უსხეულოდ არსებობს, მაგრამ განა ის მკვდარია? ასეთი ტვინი ხომ ნორმალურად ფუნქციონირებს!

მეორე მსოფლიო ომის დროს რუსეთში ტარდებოდა ასეთი ექსპერიმენტი და ერთხელ ექვსი ადამიანი გადარჩა. არადა, ისინი უკვე მკვდრებად ჩათვალეს გულის უეცარი გაჩერების გამო, მაგრამ მათ გადაუსხეს სისხლი და გააცოცხლეს. რა მოხდა? უხეშად რომ ვთქვათ, ისინი შეაკეთეს. არსებობს კი რეალურად სიცოცხლისა და სიკვდილის საზღვარი? ისინი განუყოფელნი, ერთიანნი არიან.

მისტიკოსები ამბობენ, რომ გაყოფა კარგია უტილიტარული მიზნებით, მაგრამ რეალურობა განუყოფელია. როგორ უნდა შევიცნოთ ეს განუყოფელი რეალობა? უნდა მოვიშოროთ ის მექანიზმი, რომელიც ყოფს და ასხვავებს ერთმანეთს. აი, რა არის მედიტაცია. უყურეთ გონების გარეშე! იყავით შეგნებული გონების გარეშე!

დააკვირდით! მაგრამ აზრებს ნუ მისცემთ ნებას, დადგან ეკრანი თქვენსა და სამყაროს შორის, მაშინ მზე მთელი ძალით გამოანათებს და სამყაროც ერთიანი გახდება.

„...როდესაც კაცი და ქალი ერთნი გახდებიან, ისე, რომ კაცი აღარ იქნება კაცი, ხოლო ქალი აღარ იქნება ქალი, – მაშინ თქვენ შეხვალთ ცათა სასუფეველში”.

მამაკაცსა და ქალს შორის უდიდესი განსხვავებაა. შეიძლება, დაივიწყოთ რომელიმე პიროვნების სახელი, რელიგია, სახე,

მაგრამ არასოდეს დაგავინყდებათ მისი სქესი. ეს არის დიდი იმპულსი, რომელიც რჩება ჩვენს მეხსიერებაში გაყოფის დროს.

თქვენ 20 წლის წინ ვილაც გაიცანით. აღარაფერი გახსოვთ მის შესახებ, არც სახელი, არც სახე. მაგრამ აუცილებლად გემახსოვრებათ, კაცი იყო თუ ქალი, რადგან ეს იჭედება თქვენს გონებაში, ეს ტოვებს ღრმა კვალს, რადგან პირველი, რასაც ამჩნევთ და ბოლოს, რასაც ივინყებთ, არის სქესი.

შესაძლოა, თქვენ უყურადღებოდ იყოთ, მაგრამ როდესაც შეხედავთ პიროვნებას, პირველადვე მისი სქესი აღგებეჭდებათ გონებაში. თქვენ იმის მიხედვით იქცევით, ქალი დგას თქვენს წინაშე თუ კაცი.

დღეს ეს კარგად იციან მაღაზიის მფლობელებმა. ამიტომ გამყიდველ მამაკაცებს ქალებით ცვლიან. ეს ასეც უნდა იყოს – თუ მყიდველი კაცია, მაშინ უკეთესია გამყიდველი იყოს ქალი, რადგან მყიდველი უარს ვერ ეტყვის მას საქონლის შესყიდვაზე, როგორც მამაკაცს ეტყოდა. თქვენ ყიდულობთ ქალს და არა რომელიმე საქონელს!

ყველანაირი რეკლამა ასეა. დასაბუთებულად თუ დაუსაბუთებლად, დაკავშირებულია თუ არა რეკლამის საგანთან, რას ყიდულობთ, არ აქვს მნიშვნელობა – ავტომობილს, ქურქს, კოსტიუმს თუ სხვა რამეს, თქვენ მის გვერდით ღებულობთ შიშველ ქალს. თუ არ იყიდება ავტომობილი, იგი ქალის საშუალებით გაიყიდება, ყიდულობენ და საფასურს იხდიან სქესში, დანარჩენი ყველაფერი ზედაპირულია.

სულის სიღრმეში თქვენ ყველაფერს სექსს უდებთ საფუძვლად. იესო ამბობს, რომ თქვენ ვერ იქნებით უცოდველნი, თუ გექნებათ სექსის მოლოდინი, რადგან მაშინ იყოფით. თუ მამაკა-

ცი ხართ, ქალს ეძებთ, თუ ქალი, მაშინ – მამაკაცს. თქვენი შეფასება გარეგნული ნიშნით ხდება. ის ვერ გახდება შინაგანი. ვერ იმოძრავეთ სიღრმეში, ვერ იქნებით მედიტაციურნი. ქალი შეგაცბუნებთ, თუ წინააღმდეგობას გაუწევთ; თუ დახუჭავთ თვალებს, ის უფრო მშვენიერი გახდება.

როგორ უნდა გადააბიჯოთ ამ დუალურობას? ამისათვის ბევრი მეთოდი არსებობს. მათ შორის უმეტესობა ეუშმაკობაა. ამბობენ: „იფიქრე ყოველ ქალზე, როგორც დედაზე“, მაგრამ აქ არ არის დიდი სხვაობა, ეს ფანდია, „იფიქრე ყოველ ქალზე, როგორც დაზე“, – აქაც არ არის სხვაობა, რადგან ქალი ქალად რჩება, თქვენ კი – კაცად. სიღრმისეული ძიება გრძელდება და ეს ძიება იმდენად ბიოლოგიურია, რომ თქვენი ცნობიერების მიღმა მიმდინარეობს. დააკვირდით!

თქვენ ზიხართ ოთახში და შემოდის ქალი. დააკვირდით, რა გემართებათ. უცბად თქვენ სხვა ადამიანი ხდებით! თუ ის ლამაზია, უფრო მეტად იცვლებით. თქვენ აღარ ხართ, არის მხოლოდ მამაკაცის სასქესო ჰორმონები, ისინი იწყებენ მოქმედებას და თქვენ განზე გწევენ. თქვენი შეგნება იკარგება და მთვრალივით იქცევით.

ჩვენ დღემდე ვერ გვიპოვნია სექსზე ძლიერი ალკოჰოლი, უფრო ძლიერი ნარკოტიკი. რამეთუ ის დაუყოვნებლივ გიცვლით სახეს. თუ ხართ სექსუალურები, ყველაფერს სხვა სახე აქვს და სხვანაირი განათება, თქვენ სხვა განზომილებაში ცხოვრობთ.

როცა თქვენს ცხოვრებაში არ არის სექსი, ზედაპირულ ცხოვრებას უბრუნდებით და ყველაფრის კეთება გეზარებათ.

მაგრამ თუ თქვენს ცხოვრებაში კვლავ შემოდის ქალი ან მამაკაცი, მაშინვე რომანტიკა და პოეზია ჩნდება.

რა ხდება? ეს დუალურობა საშუალებას არ გაძლევთ, დაინახოთ რეალური სამყარო, რეალობა კი ღვთიურია. ეს არ არის არც ბედნიერება და არც უბედურება. რეალობა განზნეა მათგან. იგი არც აღგზნებაა და არც სიმშვიდე, არც შუქია და არც ჩრდილი, ის ყველაფრის გარეშეა.

როდესაც გაქრება ყოველგვარი გაორება, მაშინ გახდებით ღვთაებრივი. ინდუსები ამას „ანანდას“ უწოდებენ, რაც „გაორების გარეშე ყოფნას“ ნიშნავს. თქვენ ვერ იტყვით, რომ ბრძენი ბედნიერია, ბედნიერებას ხომ უბედურება მოსდევს. ვერც იმას იტყვით, რომ იგი უბედურია. ბრძენი აღსავსეა ნეტარებით, აღემატება დუალურობას. ბრძენი მინაზე მოძრაობს, მისთვის არც მთაა და არც დაბლობი, არც აღმართი და არც დაღმართი, რადგან „ზემოთ“ და „ქვემოთ“ არსებობს, როგორც დუალურობა. იესო ამბობს, რომ თუ ზემოთ და ქვემოთ არაფერი არ არის – არც აღმართი და არც დაღმართი, როცა არ არის ორი, მაშინ თქვენ ვერ ამოირჩევთ; მაშინ უბრალოდ იცხოვრებთ და ეს იქნება არსებობა ერთ დონეზე. აქ არ არის ტალღები, ოკეანე აბსოლუტურად მშვიდია. არაფერი მოძრაობს ზემოთ და ქვემოთ. ნებისმიერი ღელვა არსებობს დუალურობის გამო, სექსი კი დუალურობის საფუძველია.

თქვენ შეგიძლიათ ადვილად გათავისუფლდეთ ყველაფრისგან, მაგრამ მთავარია, სექსი მოიშოროთ თავიდან, ეს კი ძნელი საქმეა, რამეთუ იგი თქვენი სხეულის ყოველ უჯრედშია, თქვენი ყოფის ყოველ მომენტში, ვინაიდან თქვენ სექსუალური ქმნილე-

ბა ხართ. თქვენ ასეთი დაიბადეთ. აი, რატომ ამბობს იესო: „სანამ თავიდან არ დაიბადებით, ვერაფერი ვერ გიშველით!“.

და სანამ ხართ ისეთები, როგორნიც ხართ, თქვენ უბედურები იქნებით.

„...როდესაც ქალი და კაცი ერთნი იქნებიან ისე, რომ კაცი აღარ იქნება კაცი და ქალი აღარ იქნება ქალი, მაშინ თქვენ შეხვალთ ცათა სასუფეველში...“

მაშ, როგორ მოვიქცეთ? საჭიროა შინაგანი წრის შეკვრა. იესო არ მიგვითითებს, ზუსტად რა უნდა გავაკეთოთ, რადგან ამ საიდუმლოს თქმა აშკარად არ შეიძლება. ეს მხოლოდ მონაფეებმა უნდა გაიგონ, რადგან მხოლოდ სიტყვებით – „გახდით ერთიანი!“ ვერავინ მიაღწევს ერთიანობას. მხოლოდ იმის თქმით, რომ კაცი ქალად უნდა იქცეს და პირიქით, ვერავინ გამთლიანდება. იესოს ეს საიდუმლოდ უნდა შეენახა. მას მონაფეებისათვის უნდა მიეცა ამის გასაღები, რადგან უდიდესი საიდუმლოებები, რომლებსაც თქვენი ერთიანად ქცევის ძალა შესწევთ, ყველაფერთან ერთად საშიშიცაა. თუ შეცდებით, თქვენ ჭკუიდან შეიშლებით, ამაშია მთელი პრობლემა და შიში. ჩვეულებრივ, ახლანდელი სახით, თქვენ გაყოფილი არსება ხართ. თქვენი მამაკაცური ენერგია გარეთ ეძებს ქალურ ენერგიას, ან პირიქით. ეს არის ნორმალური ადამიანური არსებობა. მაგრამ თუ ერთიანი გახდებით, ამის ტრანსფორმაცია ხდება ისე, რომ თქვენი ენერგია საწინააღმდეგო სქესის ენერგიის ძებნას დაიწყებს არა გარეთ, არამედ თქვენს შიგნით. თქვენი კაცი ცდილობს თქვენშივე იპოვოს ქალი, რაც ძალიან საშიშია, რადგან ბუნება არ არის მზად ასეთი დარტყმისათვის.

ბუნებამ მოგცათ ბიძგი ქალთან ან მამაკაცთან შესახვედრად და იმის ცდა, რომ ეს მოხდეს თქვენ შიგნით, ბუნების სანინალმდეგოა. გასაღები დელიკატურად უნდა გამოიყენოთ: ეს შეიძლება მხოლოდ იმ ოსტატმა გააკეთოს, რომელმაც უკვე გაიარა გზა. აი, რატომ არ შეიძლება რელიგიის ღრმა საიდუმლოებათა წერილობით გადაცემა. მათი გადაცემა მხოლოდ ზიარებითაა შესაძლებელი.

მე თქვენ მოგცემთ რამდენიმე მინიშნებას, რამდენადაც ეს შესაძლებელია, მაგრამ კარგად დაიმახსოვრეთ – თუ გსურთ განახორციელოთ ეს საიდუმლოებანი, ფრთხილად იყავით და ნუ დაიბნევით, თორემ შესაძლოა საქმე ცუდად წავიდეს, მაშინ უმჯობესია, იყოთ ჩვეულებრივი ადამიანები, რადგან ბევრი რელიგიური ადამიანი გახდა შეშლილი.

აი, რაშია საქმე: თქვენ გაქვთ გასაღები, მაგრამ არ იცით, როგორ გამოიყენოთ, ამიტომ შესაძლოა, არასწორად მოარგოთ იგი კარს და საკეტი გაგიფუჭდეთ. საკეტის შეცვლა კი ძალიან გაგიჭირდებათ.

ამ მეთოდების განხორციელება მხოლოდ ოსტატის ხელმძღვანელობითაა შესაძლებელი. ოსტატი გამუდმებით უნდა ადევნებდეს თვალყურს თქვენს მდგომარეობას. მე თქვენ რამდენიმე რჩევას მოგცემთ იმიტომ, რომ მე აქ ვარ!

პირველი: როდესაც ქალთან ან მამაკაცთან სქესობრივ აქტს ასრულებთ, ეს არის საჭირო მომენტი, რათა შეხედოთ შინაგან ქალს ან მამაკაცს. ჩაატარეთ ეს აქტი თვალდახუჭულმა და აქციეთ ეს მედიტაციად. გარეთ მყოფი ქალი (მამაკაცი) ყოველთვის დაეხმარება შინაგან ქალს (მამაკაცს) გამოღვიძებაში. თანაც ამ პროცესში თქვენი შინაგანი ქალური და მამაკაცური

ენერგია პიკს აღწევს. ორგაზმი თქვენსა და შინაგან ქალს (მამაკაცს) შორის ხდება.

გაიცნობიერე, რომ თქვენში ენერგიები ხვდებიან ერთმანეთს. ამ დროს ორგაზმი მოედება მთელ სხეულს და არ შემოიფარგლება მხოლოდ სექსუალური ცენტრით. თუ სექსუალური ცენტრით შეიზღუდება, ის იქნება უბრალო მასტურბაცია და სხვა არაფერი. ორგაზმი ნიშნავს იმას, რომ მთელი სხეული, თქვენი ყოველი უჯრედი განიცდის პულსაციას ახალ ცხოვრებაში, ახალი ენერგიით, რადგან შეხვედრისას გამოიყოფა ძლიერი ენერგია. შეხვედრა ხდება შიგნით, მაგრამ თუ გარეთ იყურებით, თქვენ ყველაფერს დაკარგავთ.

გარეგანი ქალი (მამაკაცი) შინაგანის წარმომადგენელია მხოლოდ. როცა შეგიყვარდებათ ქალი (მამაკაცი), შეგიყვარდებათ მხოლოდ იმიტომ, რომ რალაცნაირად შეესაბამება შინაგანს. აი, რატომ არ შეგიძლიათ აღიაროთ, რატომ გიყვართ ეს ქალი (მამაკაცი).

თქვენ თქვენში ატარებთ ქალს (მამაკაცს). ნებისმიერი ქალი (მამაკაცი), რომელსაც თქვენს შინაგან ქალს (მამაკაცს) შეესატყვისება, შეგიყვარდებათ. ამ სიყვარულს თქვენ როდი ირჩევთ. ეს რალაც არაცნობიერია. ამ ქალში (მამაკაცში) თქვენ დაინახეთ გამობრწყინება და უეცრად გრძნობთ, რომ ის სწორედ ის არის, ვისაც ეძებდით.

სხვებისთვის ეს ქალი (მამაკაცი) არაფერს წარმოადგენს და არის ხალხი, რომ სძულთ იგი, ვერ ამჩნევენ მას და თქვენც დაგცინებენ, როგორ შეგიყვარდათო. მაგრამ ეს ქალი (მამაკაცი) რალაცნაირად, შეესაბამება შინაგანს. აი, რატომაა სიყვარული

ირაციონალური; იგი მოდის და თქვენ ვერაფერს ვერ მოუხერხებთ.

როდესაც ქალი (მამაკაცი) გიყვართ, შინაგანი ენერგია აღწევს პიკს და იქცევა კრემზინდოთ. ნუ იყურებით ამ დროს გარეთ, თორემ რაღაც მშვენიერსა და იდუმალს დაკარგავთ. თქვენ იქცევით წრედ. თქვენი მამაკაცური და ქალური სანყისები ერთმანეთს ხვდებიან, თქვენ იქცევით არაჰანარიშვარად. იმ წამში მთელი თქვენი სხეული თმის ღეროდან ფეხის ფრჩხილებამდე ვიბრაციას განიცდის. სხეულის ყოველ ნერვს ექნება ცოცხალი ვიბრაცია, რადგან ეს წრე მთელ სხეულზე ვრცელდება.

ეს არ არის სექსუალური, რაღაც უფრო მეტია. დააკვირდით ამას, დააკვირდით პიკის მიღწევას, შინაგანი ენერგიების შეხვედრას, შემდეგ დააკვირდით, როგორ იხევს უკან მოზღვავება და როგორ იწყება ქაოსი, როგორ ხდება კვლავ ენერგიების გაყოფა.

თუ რამდენჯერმე გაიმეორებთ ამ დაკვირვებას, მაშინვე მიხვდებით, რომ გარეგანი ქალი (მამაკაცი) არ არის აუცილებელი, რადგან ეს ხდება გარეგანის გარეშე. თქვენ შეგიძლიათ ეს ყველაფერი საკუთარი არსის სიღრმეში გადაიტანოთ, გარეგანი მხოლოდ სასხლეტი კაუჭია. ასეთი კაუჭის შექმნა შიგნითაც შეიძლება, მაგრამ ეს უნდა იყოს შინაგანი გამოცდილება.

ორგაზმის დროს გონება არ მუშაობს. არ არის არც ერთი აზრი, არც ერთი პრიზმა. თქვენ ხართ, მაგრამ აზრების გარეშე; თქვენ არსებობთ, მაგრამ გონების გარეშე!

ეს ხდება ისეთ უმოკლეს დროში, რომ შესაძლოა, დაკარგოთ იგი. ეს დროის იმდენად მცირე მონაკვეთია, რომ თუ გარეგანით

ხართ დაინტერესებული, ვერც შეამჩნევთ. თქვენ მას კარგავ-
დით მრავალი ცხოვრების განმავლობაში.

დახუჭეთ თვალები და შეხედეთ, რა ხდება შიგნით. უბრა-
ლოდ, უყურეთ! ეს ხდება მუდამ, როგორც იმ შემთხვევაში, რო-
ცა შინ ბრუნდებით მზიან ამინდში სეირნობის შემდეგ. შედი-
ხართ ოთახში და რადგან ბნელა, ვერაფერს ხედავთ, თვალი რომ
არა გაქვთ მიჩვეული სიბნელეს. დაუცადეთ, დაჯექით და უსიტ-
ყვოდ უყურეთ, ნელ-ნელა გაქრება სიბნელე და თქვენ შეიგ-
რძნობთ იმას, რასაც თვალი ეჩვევა.

გარეგანიდან შინაგანისკენ სვლა დიდი პრობლემაა მხოლოდ
იმიტომ, რომ თქვენი თვალები მიეჩვია გარეგანს, შინაგანი კი
თქვენთვის სიბნელითაა მოცული. ხოლო მაშინ, როცა მზად
ხართ, მომენტი გასულია. ამგვარად, მედიტაციები ჩაატარეთ
დახუჭული თვალებით და იცქირეთ შიგნით, რათა შეძლოთ შე-
ეჩვიოთ შინაგან სიბნელეს, ის არ არის სიბნელე. ის თქვენთვის
გამოიყურება სიბნელედ, რადგან თქვენ გარეგან შუქს მიაჩვიეთ
თვალი. მოდის და მოდის გაფანტული შუქი. იწყებთ რალაცების
გარჩევას და მალე საგნები იმდენად მკაფიო გახდება, რომ რო-
დესაც თვალს გაახელთ, აღმოაჩინთ, რომ ნისლი გარედანაა.

როგორც ამბობენ, არვინდმა თქვა: **„როდესაც პირველად
მივედი იმ შეგნებამდე, რომ შუქი არსებობს შიგნით, მაშინ შუქი,
გარეთ რომ იყო, სიბნელედ იქცა“**. გარეგანი ცხოვრება სიკ-
ვდილს დაემსგავსა, რადგან მოხდა რალაც უფრო დიდი, რალაც
თავდაპირველი.

უყურეთ, როგორ ჩნდება შინაგანი წრე. როგორ ერთდება
ორი ენერგია. ამ ერთიანობაში არ ურევია გონება და აზრი.
კვლავ გიჩნდებათ უნარი, დაინახოთ ის, რაც ხდება და ერთხე-

ლაც თქვენ გაიგებთ, რომ გარეგანის უარყოფა არ არის საჭირო, მაგრამ შესაძლებელია.

ქალი მშვენიერია, მამაკაციც მშვენიერია. სიყვარული საოცრებაა, მასში არ არის არაფერი ცუდი. იგი სალი და მრთელი გრძნობაა. რა საჭიროა სიყვარულის მოშორება, მაგრამ ეს შესაძლებელია და, თუ იშორებთ კიდევ, აღარ ხართ მასზე დამოკიდებული.

მაშინ შეგიძლიათ დაუშვათ, რომ ეს შიგნით მოხდეს. დგება მომენტი, როდესაც შინაგანი წრე სამუდამოდ შეკრული რჩება. გარეგანი მისგან გამოყოფილია, შინაგანს კი გაყოფა არ სჭირდება. თუ მოხდა შინაგანი ქორწინება, გაყრა აღარ ხდება.

როდესაც ეს წრე თქვენში მუდმივია, ეს არის არდჰანარიშვარი და ეს აქვს მხედველობაში იესოს, მონაფეებს რომ ეუბნება:

„...და როდესაც ქალი და კაცი გახდებიან ერთნი ისე, რომ კაცი აღარ იქნება კაცი, ხოლო ქალი აღარ იქნება ქალი, მაშინ შეხვალთ ცათა სასუფეველში...“

თქვენ მიაღწიეთ ცათა სასუფეველს, გახდით სრულყოფილნი, იქეცით განუყოფლად. ახლა თქვენ საკუთარი „მე“ გაქვთ, გაგაჩნიათ თავისუფლება და დამოუკიდებლობა. არაფერი აღარ გჭირდებათ, რამეთუ თქვენ ერთიანნი ხართ!

ვიდრე ეს წრე არ შეიკვრება, მუდამ დაგჭირდებათ რაღაც და სხვას დაექვემდებარებით, რათა მოთხოვნილება დაიკმაყოფილოთ. აი, რატომ გამოიყურება სექსი, როგორც ბორკილი, რამეთუ ამ შემთხვევაში სხვა გჭირდებათ. და თუ გრძნობთ, რომ არსებობს თქვენი სხვაზე დამოკიდებულება, ბრაზობთ. აქედან მოდის გაუთავებელი უთანხმოება შეყვარებულთა შორის. არა და, არავის არ სურს, სხვაზე იყოს დამოკიდებული, რადგან ეს

გარკვეული შეზღუდვაა. თუ თქვენ ვილაცაზე დამოკიდებული ხართ, მას თქვენზე დომინირების და თქვენი დაუფლების საშუალება უნდა მისცეთ, რადგან გეშინიათ!

ეს ორმხრივი შეთანხმებაა, მაგრამ არავის უყვარს, სხვა დომინირებდეს მასზე. აი, რატომაა სიყვარული ასეთი უბედურება და თუ გიყვართ ვინმე და მისი უკმაყოფილო ხართ, ბედნიერი როგორ იქნებით? ყველაზე მშვენიერი პიროვნებაც კი მახინჯდება.

მოლა ნასრედინი მეგობრებთან ერთად იჯდა ოთახში. როცა მოლას ცოლი შემოვიდა, მეგობარმა ნასრედინს ჰკითხა: „დარწმუნებული ვარ, რომ ეს შენი ყველაზე ლამაზი ცოლია!“.

ნასრედინმა უპასუხა: „ეს ჩემი ერთადერთი ცოლია!“.

ასეთი სევდა ყოველთვის ახლავს შეყვარებულ ადამიანს, რადგან არც ერთ ქალს არ ძალუძს კაცის შინაგანი სიცარიელის შევსება. ყოველთვის გექნებათ უკმარისობის გრძნობა, რამეთუ ვერც ერთი ადამიანი ვერ იქნება ზუსტად ისეთი, თქვენი შინაგანი არსება რომ თხოულობს.

აქ არის აგრეთვე დროის პრობლემა: შეხვედრა ხდება ხანმოკლე გაელვებაში და მას გაყოფა მოსდევს.

შინაგანი ერთიანობის მიღწევის გარეშე თქვენ ერთი უბედურებიდან მეორეზე გადახვალთ, ამ ტანჯული ცხოვრებიდან – მეორე ცხოვრებაში, ერთი ადამიანიდან – მეორისაკენ და ა.შ. შესაძლოა, ცვლილებამ ჩაგინერგოთ იმედი, მაგრამ ყველაფერი, რაც ხდება, უიმედოა.

როდესაც წრე შეიკვრება, თქვენ კვლავ გახდებით ერთიანი, უცოდველი, როგორც ბავშვი და უფრო უცოდველიც, ვიდრე

ბავშვი, უფრო მეტად უცოდველი, ვიდრე შეიძლება იყოს ნებისმიერი ბავშვი, თქვენ გახდებით ბრძენი!

იესოს ამ სიტყვებზე ჩაატარეთ მედიტაციები და სცადეთ ის, რასაც მე გეუბნებით. მაგრამ მაცნობეთ ყველაფერი, რა მოხდება, რადგან პატარა შეცდომაც რომ დაუშვათ და თუ თქვენში ორი ენერგია არასწორად შეხვდა ერთმანეთს, თქვენ ჭკუიდან შეიშლებით! ამაშია ბრძენად გახდომის საშიშროება: თუ დაეცემით, დაეცემით უფსკრულში. თქვენ გაგიჟდებით. თუ მიაღწევთ, მიაღწევთ მწვერვალს. თქვენ გახდებით ბრძენი. ეს ყოველთვის ასეა. თუ ვილაცას სურს, ავიდეს მწვერვალზე, გამბედაობა უნდა ეყოს, რადგან თუ ჩამოვარდება, უფსკრულში ჩაეცემა. მწვერვალებს ხომ ყოველთვის უფსკრულებიც ახლავს.

ამგვარად, გახსოვდეთ – საჭიროა განონასწორებული ძალისხმევა და კიდევ ბევრი რამ. თუ გსურთ, იმუშაოთ ამაზე, დაგეხმარებით, მაგრამ ეს შეიძლება მხოლოდ პირისპირ გაკეთდეს. აი, რატომ საუბრობს იესო მიზანზე, მაგრამ არასოდეს არ ახსენებს მეთოდს. მეთოდი პირადად ეძლევა ადამიანს და იგი ზიარებაა.

1974 წლის 28 აგვისტო

პუნა, ინდოეთი

საუბარი მეცხრე

მეცხრე შეგონება

იესომ თქვა:

– შენი ძმის თვალში ბენვს ხედავ, საკუთარ თვალში კი დირესაც ვერ ამჩნევ. როდესაც დირეს ამოიღებ საკუთარი თვალიდან, მაშინ ნათლად დაინახავ როგორ ამოიღო ბენვი შენი ძმის თვალიდან.

(თომა, 34)

საკუთარი თავის შეცნობა რთულია იმიტომ, რომ თქვენ შიში გეუფლებათ. თითოეული თქვენაგანი გაქცევას ცდილობს. თუ გეშინიათ, მაშინ რაც არ უნდა გააკეთოთ, ვერაფერს მიაღწევთ. შესაძლოა, ფიქრობთ, რომ გინდათ შეიცნოთ საკუთარი თავი, მაგრამ თუ ეს გაუცნობიერებელი შიში არსებობს, მუდამ დამალვას ეცდებით.

ერთი მხრივ, თქვენ ცდილობთ, შეიცნოთ საკუთარი თავი, მეორე მხრივ კი ყოველგვარ წინააღმდეგობას ქმნით, რათა ეს არ მოხდეს.

შეიძლება გონებით გინდათ კიდევ საკუთარი თავის შეცნობა, მაგრამ არაცნობიერად თქვენ თავს არიდებთ ამ პროცესს. უპირველესად, საჭიროა გამოარკვიოთ, რატომ გეშინიათ საკუთარი თავის და გააცნობიეროთ შიში.

აი, თქვენი შიშის ერთ-ერთი მიზეზი: თუ თქვენ მართლაც შეაღწევთ საკუთარ არსში, მაშინ ის სახე, რომელიც ამქვეყნად შექმენით, შეიძლება ყალბი აღმოჩნდეს. მაშინ მთელი თქვენი წარსული ცხოვრება მნიშვნელობას კარგავს და მოჩვენებითი აღმოჩნდება. არა და თქვენ ხომ ამისათვის ცოცხლობთ, მას მთელი ენერჯია დაახარჯეთ და ახლა იმის აღიარება, რომ წარსულში ქალბად ცხოვრობდით, მეტად მტკივნეული იქნება.

თუ ყოველივე, რითაც ცხოვრობდით, ფსევდოცხოვრება იყო, თუ არასოდეს გყვარებიათ და მხოლოდ გინდოდათ, რომ გყვარებოდათ, როგორ შესძლებთ საკუთარ თავთან შეხვედრას? მაშინ ხომ მიხვდებით, რომ თქვენ არა მარტო სიყვარულზე აცხადებთ პრეტენზიას, არამედ – ბედნიერებაზეც იმით, რომ გიყვართ. თავს იტყუებთ და ახლა, როცა უკან იყურებით, გეშინიათ. ფიქრობდით, თითქოს უნიკალური იყავით, განსაკუთრებული, „რჩეული“ (ასე იქცევა ნებისმიერი ადამიანი) და რა აღმოჩნდა? თქვენ საკუთარი არაფერი გაგაჩნიათ. მაშ, რას დაეფუძნება თქვენი „ეგო“? იგი ირღვევა, ამიტომ გეშინიათ საკუთარ თავთან შეხვედრისა და არ იხედებით საკუთარ სულში. შეგიძლიათ იოცნებოთ საკუთარ თავზე, შეთხზათ ათასგვარი სახე, რაც ძალიან ადვილია, მაგრამ ძნელია და მძიმე, ნამდვილად ვინმე იყოთ. ადამიანები, მათ შორის თქვენც, ყოველთვის აკეთებთ მდარე არჩევანს და გიძნელდებათ საკუთარი თავის შეცნობა.

ერთ სახლში დილის 4 საათზე ტელეფონმა დარეკა, პატრონი გამძვინვარებული წამოდგა ლოგინიდან და ყურმილში ჩასძახა: „რა გნებავთ?“

უცნობმა უპასუხა: „არაფერი!“

სახლის პატრონი უფრო გაბრაზდა და დაუყვირა: „მაშ, რატომ რეკავ ამ შუალამისას?“

„იმიტომ, რომ ახლა დარეკვა უფრო ადვილია,“ – მიუგო უცნობმა.

თუ იაფად მოგცემენ, თვით „არაფერსაც“ კი იყიდით. ასე იქცევით მთელი ცხოვრება. საკუთარი თავის უნიკალურ და რჩეულ არსებად ჩათვლა ადვილია, მაგრამ ნამდვილი უნიკალურობა – ძალიან ძნელი. მრავალი ადამიანი მთელი ცხოვრება ამისთვის იბრძვის. შეცდომებით სავსე მრავალი ცხოვრების გავლა გჭირდებათ უნიკალურობის მისაღწევად. იმის დაჯერება, რომ რჩეულთა შორის რჩეული ხართ, ადვილია და ამისთვის ხელის განძრევაც არ არის საჭირო. თქვენ გნამთ იაფფასიანი საგნების. აი, საიდან მოდის თქვენი შიში.

გეშინიათ, ჩაიხედოთ საკუთარ არსში, რამეთუ კარგად იცით, რომ ყოველივე ის, რადაც თავი წარმოგიდგენიათ, არ არსებობს. სხვამ ვინ იცის ეს თქვენზე უკეთ? თუ ფიქრობთ, რომ მშვენიერი ბრძანდებით, მაშინ არ შეგიძლიათ სარკეში ჩახედვა, როცა ეს სილამაზე მხოლოდ იდეაა. თქვენ კარგად იცით ეს და სარკეში ჩახედვის მაგივრად, ყველა სარკეს ლენავთ. როდესაც მახინჯი იცქირება სარკეში, ფიქრობს, რომ ეს სარკე ცუდად ირეკლავს გამოსახულებას და ძალიან მტკივნეულია მისთვის იმის დაჯერება, რომ მახინჯია.

საკუთარ თვალში თქვენ რაღაცას წარმოადგენთ. ნებისმიერ ადამიანს კი შეუძლია იფიქროს, რომ თქვენ არაფერს არ წარმოადგენთ. შეშლილიც კი ფიქრობს, რომ მთელი მსოფლიო შეშლილია.

ერთხელ მოლა ნასრედინმა ერთ ფერმაში მიიღბინა და ფერმერს ჰკითხა: „აქ შეშლილი ხომ არ მოსულა?“

ფერმერმა უთხრა: „როგორ გამოიყურება ის გიჟი?“

ნასრედინმა აღწერა შეშლილის გარეგნობა: „მისი სიმაღლე 6 ფუტი* და 4 დიუმია*, ძალიან მსუქანია და 45 ფუნტს* იწონის“. დაბნეულმა ფერმერმა ჰკითხა: „თუ მართლა ამ სიმაღლისაა და თანაც ძალიან მსუქანი, როგორ იწონის მხოლოდ 45 ფუნტს?“

ნასრედინმა გაიცინა და უთხრა: „ნუ სულელობ, განა არ გითხარი, რომ ის გიჟი აფრენს?“

სხვა ადამიანი ყოველთვის არასწორია და გიჟი, ამგვარად, თქვენ იცავთ თქვენს ე. წ. ჯანმრთელობას. ეს არის თავდაცვა. მას კი, ვისაც არ ძალუძს საკუთარ თავს შეხედოს, ბრმაა, რადგან ეშინია არა მხოლოდ იმისა, რომ საკუთარ თავს შეხედოს. მთავარია ის, რომ მას საერთოდ ეშინია, ვინმეს შეხედოს. როცა თქვენ სხვას უყურებთ, ამ უკანასკნელს შეუძლია რაღაც დაინახოს თქვენში. სხვის თვალებში საკუთარ ანარეკლს ხედავთ, თქვენ ამისაც გეშინიათ და ქმნით ფიქციას საკუთარი თავის შესახებ, მერე ფიქციას – სხვებზე. გამუდმებით ცხოვრობთ სიზმრების სამყაროში და სულ ეს არის.

შემდეგ კი კითხულობთ, თუ როგორ უნდა გახდეთ ნეტარნი. თქვენი კომპარი ბუნებრივია – რასაც უნდა აკეთებდეთ, მხოლოდ კომპარი გამოვა იქიდან. თქვენ კი გაინტერესებთ, როგორ უნდა მოიპოვოთ სიმშვიდე. ფიქციით ვერავინ ვერ დამშვიდდება. სიმშვიდე მხოლოდ ფაქტითაა შესაძლებელი. როგორი ძნელიც არ უნდა იყოს ამის გაგება, მხოლოდ ფაქტი მოგიხსნით დაძაბულობას და მიგიყვანთ ჭეშმარიტებამდე. თუ ფაქტიურობას უარყოფთ, მაშინ თქვენთვის არ იარსებებს ჭეშმარიტება.

ერთხელ ექიმი მივიდა ავადმყოფის სანახავად. ქალი ძალიან მძიმედ იყო. ექიმი მასთან შევიდა და მალევე გამოვიდა მეორე ოთახში, სადაც ავადმყოფის ქმარი უცდიდა, ექიმმა მას ბურღი სთხოვა. ქმარი შეცბუნდა, ბურღი რად უნდაო. ექიმი ისევ შევიდა ავადმყოფთან და როცა გამოვიდა, ავადმყოფის ქმარს ჩაქუჩი და სატეხი მოსთხოვა. ეს კი მეტისმეტი იყო. აღელვებულმა ქმარმა თავი ველარ შეიკავა და ჰკითხა: „რა ჭირს ჩემს ცოლს?“

ექიმმა უთხრა: „ჯერ ვერ გეტყვით. ჩემოდანი ვერ გამიხსნია და ამისათვის გთხოვთ ბურღი და ჩაქუჩი“.

და მეც გეუბნებით, რომ თქვენ ჯერ კიდევ ჩემოდნის გაღებაზე წვალობთ. თქვენ არც მისი გახსნა შეგიძლიათ და არც გინდათ, რომ გახსნათ. ბურღები და ჩაქუჩები, რომლებსაც თან დაატარებთ, ყალბი საშუალებებია და ჩემოდანს ვერ გახსნის. თქვენ არც კი გინდათ ჩემოდნის გახსნა, რადგან როდესაც მას გახსნით, მერე რაღას იზამთ?

მაშინ საჭიროა პაციენტს დიაგნოზი დაუსვათ, პაციენტი კი თქვენ თავად ხართ და თქვენთვის საჭირო შეიქნება, საკუთარ თავს შეხედოთ. ამიტომ ყველას ყურადღება ჩემოდანზე აქვს გადატანილი. შეიძლება იყოს პოეტი, მხატვარი ან მუსიკოსი, მაგრამ თქვენი ყოველგვარი საქმიანობა გარეგანით დაკავების მცდელობაა.

აი, რატომ არავინ არ არის მზად, მარტო დარჩეს საკუთარ თავთან თუნდაც ერთი წამით. ეს საშიშია, ვინაიდან, თუ მარტო ხართ, მაშინ შესაძლოა, რამე გაიგოთ საკუთარ თავზე. მარტო რომ დარჩებით, რას იზამთ? ამ დროს საკუთარ თავთან იქნებით და შესაძლოა, რეალობამ ამოხეტქოს.

ამიტომ თითოეული თქვენგანი ცდილობს მთელი დღე-ღამის განმავლობაში რამეთი იყოს დაკავებული. თუ რაღაცას საქმიანობთ, ცოტა ბედნიერად გამოიყურებით, წინააღმდეგ შემთხვევაში უბედურები ხართ. ფსიქოლოგები ამბობენ, რომ თუ ადამიანი დიდხანს იქნება უსაქმოდ, გაგიჟდება. რატომ? იმიტომ, რომ თქვენ უკვე შეშლილები ხართ და თქვენი საქმიანობა ამ ფაქტს ნიღბავს.

რადგანაც ძნელია უყუროთ საკუთარ თავს, მიმოიხედეთ ირგვლივ. შეხედეთ ადამიანებს. მაგალითად, როცა ადამიანი გამუდმებით ფულზე ფიქრობს, თავის გონებას ფულთან ათანაბრებს და ამით ცდილობს საკუთარ თავს გაექცეს. როცა იგი მოაგროვებს ფულს, ზარალში ვარდება, რადგან იმ წუთშივე იწყებს უფრო მეტ სიმდიდრეზე ფიქრს. სხვაგვარად იგი დაკმაყოფილდებოდა ქონებით, მაგრამ თვით როკფელერი და ფორდიც უფრო მეტი სიმდიდრის მოხვეჭაზე ფიქრობენ.

როდესაც ფულს იღებთ, მაშინვე უფრო მეტი გინდათ, მთავარი მოტივაცია ფული კი არა, საქმიანობის გაგრძელებაა. თუ არა ხართ დასაქმებული, თავს მთლად კარგად ვერ გრძნობთ და მოუსვენრობა გემატებათ. „რა ვაკეთო?“ – ფიქრობთ და თუ საქმე ვერ გამოიხატეთ, ერთხელ წაკითხულ გაზეთს ან წიგნს რამდენჯერმე გადაიკითხავთ. უსაქმოდ დარჩენილები რაღაც უსარგებლო საქმეს მაინც მოკიდებთ ხელს, რადგანაც არ შეგიძლიათ მშვიდად ყოფნა. სწორედ ამიტომ ამტკიცებს ყველა ოსტატი, რომ თუ შეგიძლიათ რამდენიმე საათის განმავლობაში უსაქმოდ ისხდეთ, მალე გასხივოსნდებით.

გონების თავისუფალ მდგომარეობაში ყოფნა მედიტაციაა, ხოლო დაკავებულ მდგომარეობაში – ამქვეყნიურობა, ანუ სან-

სარა. არა აქვს მნიშვნელობა, რას საქმიანობთ – კომერციას ენვეით თუ პოლიტიკით ხართ გატაცებულნი. საზოგადოებას ემსახურებით თუ რევოლუციას. არ არსებობს არანაირი განსხვავება. თქვენ რომ მარტო დატოვოთ ბელადი, ის გაგიჟდება. თუ წაართმევთ მოქმედების საშუალებას, მისთვის შეუძლებელი იქნება არსებობა, მისი ჯანმრთელობა შეირყევა. ის თქვენი-თაა ჯანმრთელი. მთელ ენერჯიას შრომაში ხარჯავთ, იღლებით და მერე ძილი გესაჭიროებათ.

მოხუცები ცოტა ჭკუასუსტებად და ექსცენტრიკებულებად გამოიყურებიან, რამეთუ მათ არა აქვთ საქმე. მათი სიბერე არაფერ შუაშია – უბრალოდ, ახლა მათ აღარ იციან, რა გააკეთონ და აღარ არიან საჭირონი.

შეიძლება, ადამიანი ქვეყნის პრეზიდენტი ან პრემიერ-მინისტრი იყოს და დაუღალავად საქმიანობდეს, მაგრამ გაუშვით იგი პენსიაზე და ნახავთ, რაც მოხდება. იგი მაშინვე მოდუნდება, მისი გონება აფორიაქდება, რადგან აღარ ეკითხებიან რჩევას, არ ინტერესდებიან მისი პიროვნებით, ფსიქოლოგები ამბობენ, რომ პენსიონერი ადამიანები ათი წლით იმაზე ადრე კვდებიან, ვიდრე მოკვდებოდნენ, რაიმე საქმით რომ ყოფილიყვნენ დაკავებულნი. რა ხდება? რატომ არის საკუთარ თავთან დარჩენა ასე ძნელი? თქვენ ხომ ყოველთვის ფიქრობთ, რომ სხვები თქვენთან ურთიერთობაში კარგად გრძნობენ თავს, თქვენი მეუღლეც ბედნიერია თქვენთან ცხოვრებით, თვითონ თქვენ კი არასოდეს ყოფილხართ ბედნიერი საკუთარ თავთან ურთიერთობაში. თუ ისეთი მოსაბეზრებელი პიროვნება ხართ, რომ თვითონ მოგბეზრდათ საკუთარი თავი, როგორ შეიძლება,

რომ სხვამ აგიტანოთ? ისინი თქვენ სხვადასხვა მიზეზების გამო გიტანენ და არა იმიტომ, რომ თქვენ საყვარელი ადამიანი ხართ!

ისინი თქვენ გიკავშირდებიან, იმიტომ, რომ რაღაც საქმე გამონახონ. ქმარი ცოლისთვის საქმიანობის გარკვეული ობიექტია და პირიქით, ეს ორმხრივი ეშმაკობაა, რამეთუ ატყუებენ და ეხმარებიან ერთმანეთს საქმის გამონახვაში.

თქვენ არ შეგიძლიათ საკუთარი თავის ცქერა. არ შეგიძლიათ თვითრეალიზაციამდე მისვლა. თქვენ არ იცით სიმართლე საკუთარი თავის შესახებ, თავი მნიშვნელოვან პიროვნებად მოგაქვთ. ამის მიზეზი ყალბი იდენტიფიკაციაა. რა დაემართება სამყაროს, თქვენ თუ არ იქნებით? ქვეყნად მეტი სიმშვიდე იქნება, ცოტა ნაკლები უბედურება და მეტი არაფერი, რამეთუ გაქრება კიდევ ერთი მოუსვენარი პიროვნება, რომელიც სხვებშიც მოუსვენრობას ბადებდა. მაგრამ იმისთვის, რომ გაძლოთ, საჭიროა ყველა ეს ფიქცია.

ნაპოლეონმა ცხოვრების ბოლო წლები პატიმრობაში გაატარა. ის წმინდა ელენეს პატარა კუნძულზე გამოამწყვდიეს. ნაპოლეონი, წინათ თუ უდიდესი ადამიანი იყო, ახლა მისი ბედის ბორბალი უკულმა დატრიალდა და აღარაფერს წარმოადგენდა, მაგრამ იგი არაფრად აგდებდა თავის პატიმრობას და განაგრძობდა ძველ ფიქციას. მას არ გაუხდია ტანსაცმელი 6 წლის განმავლობაში, რადგან იმპერატორის საკადრის სამოსს არავინ ჩააცმევდა. ძველი ტანსაცმელი გახუნდა, დაიძინდა და გაჭუჭყიანდა, მაგრამ ნაპოლეონი სამოსს მაინც არ იცვლიდა. ციხის ექიმმა უთხრა: „იქნებ ტანსაცმელი გამოიცვალათ? თქვენი სამოსი აღარ ვარგა, ჩვენ უკეთეს და სუფთა ტანსაცმელს მოგცემთ“.

ნაპოლეონმა მიუგო: „ეს იმპერატორის სამოსია. შესაძლოა, ჭუჭყიანია, მაგრამ ჩვეულებრივ სამოსში არ გავცვლი“! ნაპოლეონი ისე დადიოდა, თითქოს ისევ იმპერატორი იყო, განაგრძობდა ბრძანებების გაცემას, წერდა წერილებს და ყველგან თან დაატარებდა საწერ მოწყობილობას. პატიმრის გონება იმპერატორის გონებად დარჩა.

შემდეგ ნაპოლეონი ავად გახდა. მისი თანმხლები ექიმი თავის დღიურში წერდა: „ვგრძნობ, რომ იგი ნამდვილად არ არის ავად. ახლა ავადმყოფობა საქმედ ექცა. ხან მუცელს იტკივებს, ხან თავს, ხან კი – ფეხებს...“

ექიმი ფიქრობდა, რომ ყველაფერი რიგზე იყო და სხეულით ჯანმრთელმა ნაპოლეონმა აღარ იცოდა, რა ეკეთებინა. ახლა ერთადერთ საქმედ საკუთარ სხეულზე ზრუნვა გაიხადა.

სხვათა შორის, ავადმყოფობას ბევრი ადამიანი იხდის საქმედ. თუ რალაცით დაკავებული იქნებით, არ დაგჭირდებათ საკუთარი თავის ყურება. სხვაგვარად რა დაემართებოდა ნაპოლეონს? მას რომ საკუთარი თავი შეეცნო, შეამჩნევდა, რომ გლახაკად იქცა, ეს კი მეტისმეტი იქნებოდა. ნაპოლეონი იმპერატორად მოკვდა. სიკვდილის წინ გასცა ბრძანება, როგორ უნდა მიეგოთ მისთვის საბოლოო პატივი, იზრუნა უმნიშვნელო დეტალებზეც კი. ნაპოლეონს მაშინ იქ ვერავინ მიაგებდა პატივს, რამეთუ ეს არავის აინტერესებდა. მაგრამ მან გასცა ბრძანება და ალბათ იგი მშვიდად გარდაიცვალა იმ იმედით, რომ სიკვდილის შემდეგ პატივს მიაგებდნენ, როგორც იმპერატორს.

ნაპოლეონი იმპერატორი იყო და მას გარკვეულ დროს ხალხი უჭერდა მხარს. ნაპოლეონი დარჩა იგივე, ოღონდ შემდეგ მხარდაჭერა გაქრა. ამის გაგება ძნელია. არის ფაქტები, რომ-

ლებშიც საზოგადოება გემხრობათ და არის ფიქციები, რომელშიც არავინ გიჭერთ მხარს. ამაშია ჯანმრთელსა და გიჟს შორის განსხვავება. ჯანმრთელია ის, ვის ფიქციასაც საზოგადოება ემხრობა, ხოლო გიჟის ფიქციას არავინ უჭერს მხარს, იგი მარტოა და ფსიქიატრიულ საავადმყოფოში უნდა მოთავსდეს.

მაგრამ სინამდვილეში მხარდაჭერა არაფერს ნიშნავს, თუ ფიქციისათვის გიდგანან მხარში. საკუთარ თავს თუ კარგად შეხედავთ, იგრძნობთ, რომ თქვენ არაფერს წარმოადგენთ, ფეხქვეშ მინა გეცლებათ და უფსკრულში იჩეხებით.

უკეთესია, არ დაინახოთ ეს და ოცნებებში დარჩეთ, რაც დაგეხმარებათ ჯანმრთელობის შენარჩუნებაში. თქვენ არ შეგიძლიათ, შეხედოთ არა მარტო საკუთარ თავს, არამედ სხვასაც, რადგან ისიც თქვენ გგავთ. თქვენ ქენით ფიქციებს სხვების შესახებ. სიძულვილის დახმარებით ქმნით ფიქციებს, თითქოს სხვა ადამიანი არის ეშმაკი; სიყვარულის დახმარებით ქენით ფიქციას, რომ სხვა პიროვნება ანგელოზია ან ღმერთი. თქვენი აღქმა არ არის უშუალო. ცხოვრობთ თქვენსავე მიერ შექმნილ მანიაში, ილუზიებში. ასე რომ, რასაც არ უნდა აკეთებდეთ, ყველაფერი გაზვიადებულია; თუ ვინმე გძულთ, მას ეშმაკად თვლით, თუ ვინმე გიყვართ – ანგელოზად.

თქვენ აზვიადებთ. თუ ხედავთ ცუდს, ახდენთ მის ტრანსფორმაციას უკიდურეს ბოროტებაში, თუ კარგს ხედავთ, უკიდურეს სიკეთედ, ღმერთად აქცევს. მაგრამ ძნელია, მისდით ამ ფიქციებს, ამიტომაც გამუდმებით იცვლებით. თქვენს წარმოდგენაში რატომ აზვიადებთ ყველაფერს? რატომ ვერ ხედავთ ნათლად იმას, რაც არის? იმიტომ, რომ გეშინიათ. თქვენ ღრუბლიანი ამინდი გჭირდებათ, რათა ყველაფერი ნისლში მიიჩქმ-

ლოს. არ გსურთ, იცნობდეთ საკუთარ თავს. ისინი კი, ვინც შე-
იცნო თავი თვისი, დაჟინებით მოითხოვენ – შეიცანით თავი
თქვენი! ისევე, როგორც ბუდას, ქრისტესა და სოკრატეს, ასევე
ყველა რელიგიის მოთხოვნა საკუთარი თავის შეცნობაა.

თქვენ კი განამტკიცებთ საკუთარი თავის არცოდნას. მე
ვხვდები მრავალ ადამიანს, რომლებიც თამაშობენ, თითქოს იც-
ნობენ საკუთარ თავს და მათ არ სურთ გაიგონ, რომ ეს თამაშია.
ახლა მათ სურთ, შექმნან ახალი რელიგიური ფიქცია და მოდიან,
რათა მათ დავეხმარო, მეუბნებიან, რომ შეიცნეს და გაიგეს ესა
თუ ის და მავედრებელი თვალებით მიყურებენ.

მე ვეუბნები: „დიახ, თქვენ ეს განიცადეთ!“ ისინი გრძნობენ
მხარდაჭერას და ბედნიერები ბრუნდებიან უკან. თუ უარყოფი-
თად ვპასუხობ, უბედურნი ხდებიან და აღარასოდეს მოდიან
ჩემთან. ეძებენ სხვა ავტორიტეტებს. რაში გჭირდებათ მონმე?
თუ შეიცანით რამე, შეიცანით. არ არის საჭირო არანაირი ავტო-
რიტეტი, რადგან გამოცდილება თავისთავად აშკარაა. თუ
შეიცანით საკუთარი თავი, რაში გჭირდებათ, რომ სხვებმა მო-
გინონონ და დაგიმონმონ? მთელი მსოფლიოც რომ ამბობდეს,
რომ ეს ტყუილია, ეს არაფერს ნიშნავს. არ არის საჭირო არა-
ნაირი დადგენილება. თქვენ იცით, რომ ეს მოხდა.

თუ ბრმას თვალი აეხილა, არავის მოუხმობს მონმედ, რათა
აცნობოს, რომ უკვე ხედავს, ის ხედავს და ეს სრულიად საკმა-
რისია. მაგრამ თუ ბრმა ოცნებობს თვალის ახელვაზე, მაშინ
სჭირდება მას ვინმე ავტორიტეტი, რათა დაუმონმოს ფაქტი,
რომ ეს სიმართლეა.

ადამიანები სულიერადაც თამაშობენ. სანამ არ მოიხსნით
ნიღბებს და ფხიზლად არ შეხედავთ იმ ფაქტს, რომ საჭიროა

ფიქციების უკუგდება და მძიმე სინამდვილის ისეთად დანახვა, როგორც არის, არაფრის გაკეთება არ შეიძლება, რადგან ეს კარია. და თუ არავინ არ გიჭერთ მხარს, მაშინ თქვენ თავად უდგახართ თქვენს თავს მხარში, მაშინ აღარ ელაპარაკებით სხვებს, რადგან ისინი ვერ გაიგებენ.

რამდენიმე თვის წინ ჩემთან ერთი კაცი მოვიდა და მითხრა: „თქვენ შეგიძლიათ გაიგოთ, არავის არ ესმის ჩემი, მე ღვთისაგან ყოველ ღამე ეპისტოლეს ვღებულობ“.

მან თან მოიყოლა დიდი ტომი – აბსოლუტური სისულელე! მაგრამ ის ფიქრობდა, რომ ღვთისაგან იღებდა ეპისტოლეს. ის ფიქრობდა, რომ ეს არის უკანასკნელი ყურანი; რომ ჰუპამედის დროიდან აღარავის მიუღია ასეთი ეპისტოლე და ახლა ყურანი მოძველდა. ეს რომ მუსლიმანებს გაეგოთ, მოკლავდნენ მას, რადგან მათ სხვა ფიქციისა სწამთ, ეს კაცი კი ამის დანგრევას ცდილობდა. იგი საოცრად ნერვიულობდა და ცახცახებდა, მიყურებდა და ელოდა, რას ვეტყოდი, რადგან ყველა დასცინოდა და გიჟს ეძახდა.

ის ცდილობდა ჩემს მოსყიდვას და მეუბნებოდა: „ვიცი, რომ თქვენ რეალიზებული ადამიანი ხართ“. მთხოვდა, რომ დამედასტურებინა მისი სიმართლე.

მე კი ვუპასუხე: „ღმერთი თუ ეპისტოლეს გიგზავნით, ეს საკმარისია და აღარ გჭირდებათ ჩემთან მოსვლა“.

მაშინ ის ცოტა დაეჭვდა, დაიბნა და მითხრა: „ვინ იცის, იქნებ ეს ჩემი გონების ოინებია“. ეს მან კარგად იცოდა. თუ აწყობთ ოინებს, გულის კუნჭულში თქვენ ეს იცით, მაგრამ ცდილობთ ფაქტს გაექცეთ.

მე მას ვუთხარი, რომ რასაც ის ფიქრობდა, სიგიჟე იყო! მას შემდეგ ის კაცი ჩემთან აღარ მოსულა. მე ახლა აღარ ვარ რეალიზებული ადამიანი! მე რომ იმ კაცის ნათქვამი დამედასტურებინა, ნავიდოდა და ჩემზე იტყოდა, რეალიზებულიაო.

თუ ვცნობ ფიქციას, მაშინ შეგიძლიათ დაეხმაროთ ჩემს ფიქციას, მიმდინარეობს ორმხრივი თამაში და იგი იმდენად გაკმაყოფილებთ, რომ არ გსურთ თამაშის შეწყვეტა. მაგრამ მას ჩრდილივით დაჰყვება დაუკმაყოფილებლობა. ეს ურთიერთდაკავშირებულია, რადგან ყოველივე ფიქციაა.

მდაბიომ, რომელიც ფიქრობს, რომ იმპერატორია, იცის, რომ მდაბიოა. ეს არის პრობლემა. ის ფიქრობს, რომ იმპერატორია და პრეტენზიას აცხადებს იმპერატორის ნოდებაზე, სულის სიღრმეში კი გრძნობს თავის მდაბიურობას.

თქვენ რაღაცას ფიქრობთ საკუთარ თავზე და იცით, რომ ეს არ არის სიმართლე. თქვენ არასოდეს არ გყვარებით, პრეტენზია გქონდათ მხოლოდ. მთელი თქვენი ცხოვრება პრეტენზიებს აცხადებდით და ახლა ძნელია, აღიაროთ, რომ მთელი თქვენი ცხოვრება მხოლოდ ფიქცია იყო. თუ ძირფესვიანად არ შეიცვლებით, რომც შეწყვიტოთ ფიქციებით ცხოვრება, ეს არაფერს მოგცემთ. ეს დროის უბრალო ფლანგვაა. ბოლოს ყველა იმედგაცრუება მაინც ამოხეთქავს. აი, რატომაა სიკვდილი ასე ძნელი. სიკვდილში საშიში არაფერია. ეს ერთ-ერთი უმშვენიერესი მოვლენაა სამყაროში. თქვენ უბრალოდ იძინებთ! თითოეული თქვენგანი იძინებს. თესლი აღმოცენდება და ხედ იქცევა, შემდეგ კვლავ ჩნდება თესლი და ნიადაგში ხვდება, შემდეგ კვლავ აღმოცენდება. ნებისმიერი აქტივობის შემდეგ საჭიროა დასვენება. ეს ასეც უნდა იყოს, რათა წარმოიშვას ახალი სიცოცხლე.

სიკვდილში არაფერია ცუდი და საშიში, მაგრამ თითოეულ თქვენგანს რატომ ეშინია ასე ძალიან სიკვდილის?

იმიტომ, რომ სიკვდილის მომენტში თქვენი ყველა ფიქცია გაქრება და დაინახავთ, რომ ცხოვრება გაგიფლანგავთ. რატომ ამბობენ, რომ სიკვდილის მომენტში ადამიანი მთელ თავის ცხოვრებას ხედავს? მართლაც ასე ხდება. სიკვდილის წინ ადამიანმა უნდა დაინახოს განვლილი ცხოვრება, რადგანაც მომავალი აღარ არსებობს და მას აღარ შეუძლია ფიქციების შექმნა. ფიქციისთვის აუცილებელია მომავალი, რადგან ფიქციები არსებობს იმედებში და ხვალინდელი დღისათვისაა განკუთვნილი.

სიკვდილი ამტკიცებს, რომ ხვალინდელი დღე არ არსებობს, რომ აღარ არის მომავალი, რაღაზე უნდა იოცნებოთ? რაში გამოიყენებთ ფიქციას? წასასვლელი არსად გაქვთ! უცაბედად აღმოჩნდებით ფაქტზე მიჯაჭვულნი. მთელი ცხოვრება ქმნით სამომავლოდ ფიქციებს. ახლა მომავალი აღარ არის. იძულებული ხდებით, იცქიროთ წარსულში. სიკვდილის მომენტში თქვენ უნდა უყუროთ საკუთარ თავს, სხვა გზა არ არის. მაშინ თქვენ იტანჯებით ფუჭად დაკარგული ცხოვრების გამო.

ამ მტანჯველმა გრძნობამ თუ სიცოცხლეშივე შეგანუხათ, გახდებით მორწმუნე. რელიგიურია ის ადამიანი, ვინც სიცოცხლეშივე დაინახა თავისი წარსული და გაიგო მისი ფიქტიურობა; ვინც იხედებოდა თავის სულში. თუ იყურებით საკუთარ არსში, ცვლილება აბსოლუტურად გარდაუვალია, რადგან, თუ ფიქცია გააზრებულია, როგორც ფიქცია, ის გაქრება. რათა გასძლოთ, ფიქცია უნდა დაიცვათ ისე, როგორც ფაქტი. ტყუილიც კი ისე უნდა გაიაზროთ, როგორც სიმართლე. იმ წუთში, როდესაც მიხ-

ვდებით, რომ ეს ტყუილია და ამას შეიგნებთ, იგი გაქრება და მას ველარ მოეჭიდებით.

მეოცნებე ადამიანს უნდა სჯეროდეს, რომ მისი ოცნება მართლა ოცნება კი არა, რეალობაა. როცა შეიგნებთ, რომ ოცნება მხოლოდ ოცნება არის და არა რეალობა, ის მაშინვე გაქრება, მაგრამ ამის არცოდნაზე იხარჯება მთელი თქვენი ძალა. თქვენ გვერდს უვლით ცოდნას. აი, როცა მარტო ხართ, რატომ არ გეუფლებათ სიმშვიდე. ჰიმალაის მთებშიც კი რადიომიმღები მიგაქვთ თან და იქ ყოფნის დროსაც ოჯახი და მეგობრები თქვენს მესხიერებაში არიან აქტიურად.

თქვენ შვებულებას იღებთ, მაგრამ სინამდვილეში არსად არ მიდიხართ. თქვენ თქვენი ატმოსფერო მიგაქვთ ზღვის სანაპიროზე ან მთაში და კვლავ ამ უაზრობით ხართ გარემოცულნი.

ერთხელ ზღვაზე უბედური შემთხვევა მოხდა და გემი ჩაიძირა. მგზავრებიდან მხოლოდ ერთი კაცი გადარჩა და მიაღწია უკაცრიელ კუნძულს. იგი ხუთი წელი ცხოვრობდა აქ და ელოდებოდა ამვლელ ან ჩამვლელ გემს, რომელიც არსად ჩანდა. აიშენა პატარა ქოხი და გამუდმებით ფიქრობდა იმ სამყაროზე, რომელსაც მონყდა. კუნძულის სიჩუმეს ვერა და ვერ შეეჩვია. კუნძულის უკაცრიელობა იყო ამ კაცისთვის ერთადერთი პრობლემა. სხვა ყველაფერი კუნძულზე იდეალური გახლდათ. მშვენიერ ბუნებაში შეეძლო ადამიანს განცხრომით დაესვენა და ხის გემრიელი ნაყოფი ეჭამა. ეს კაცი ადრე ყოველთვის ასეთ ადგილზე ოცნებობდა და უეცრად მოხვდა კიდეც, მაგრამ კუნძული მისთვის აუტანელი აღმოჩნდა. კაცმა ბოლოს მაინც მოძებნა გამოსავალი. იგი პროფესიით არქიტექტორი იყო და პატარა მოდელების შენება დაიწყო, რათა უსაქმოდ არ მჯდარიყო. ააშენა

პატარა სახლები და ქუჩას სახელიც დაარქვა. ააგო აგრეთვე ორი ეკლესია. მის ქუჩას პატარა მაღაზიებიც ამშვენებდა. ერთი სიტყვით, არქიტექტორმა კუნძულზე მთელი ქალაქი შექმნა.

ხუთი წლის შემდეგ კუნძულს გემი მიუახლოვდა და როცა ლუზა ჩაუშვა, კაცი ბედნიერი იყო. ნაპირთან ნავი მიცურავდა, საითაც არქიტექტორი ფრთაშესხმული გაიქცა, მაგრამ დაბნეული გაჩერდა ნაპირთან ახლოს. ნავიდან გადმოვიდა კაცი, რომელსაც გაზეთების დიდი შეკვრა მოჰქონდა თან. არქიტექტორმა ჰკითხა: „რატომ მოგაქვთ გაზეთები?“

ნაპირზე გადმოსული გემის კაპიტანი აღმოჩნდა, რომელმაც უთხრა: **„ჯერ გადაიკითხე გაზეთები, გაიგე, რა ხდება მსოფლოში და მერე გვითხარი, გსურთ თუ არა გადაგარჩინოთ?“**

კუნძულის მობინადრე გაზეთები წყალში გადაყარა და უთხრა: **„ეს რა სისულელეა!.. მაგრამ სანამ ნავში ჩავსხდებოდეთ, მინდა ჩემი ქალაქი გაჩვენოთ“.**

როდესაც მეორე ეკლესიაც დაინახა, კაპიტანი გაოცდა და ჰკითხა: „გასაგებია, რომ ერთი ეკლესია ააგეთ, მაგრამ რა საჭირო იყო მეორის აგება?“

არქიტექტორმა უპასუხა: **„ეს ჩემი ეკლესიაა, აქ მე დავდივარ, იმ ეკლესიაში კი ფეხს არ ვადგამ“.**

თქვენ გჭირდებათ ორი ეკლესია, ორი რელიგიაც კი, რადგან გონება გაორებულია. თავის აგებულ მეორე ეკლესიაში არქიტექტორი იმიტომ არ დადიოდა, რომ ნამდვილ სალოცავად არ თვლიდა.

ის იყო მარტო, მაგრამ შექმნა მთელი სამყარო. მგზნებარედ სურდა უკანვე, ამ სამყაროში დაბრუნება. ის არ იყო მზად გაზე-

თების წასაკითხად და სწორად მოიქცა, რადგან რომ გაეგო საგაზეთო ამბები, უკან დაბრუნების სურვილი გაუქრებოდა.

ჩაიხედეთ გაზეთებში! გაიგეთ რა ხდება მსოფლიოში! ღირს კი იქ ცხოვრება? მაგრამ თქვენ ისე კითხულობთ, რომ ვერ ხედავთ. უბრალოდ, ძილ-ბურანში იმყოფებით. არ გესმით, რა ხდება დუნიაზე და არც ის იცით, ადამიანი ადამიანს როგორ ექცევა, რომ ასეთი სისასტიკე და სიბრიყვე ნებისმიერი აზრის, ყოველივე მშვენიერის, ჭეშმარიტებისა და კარგის მონამვლა უაზრობამდე მიდის. მოგწონთ აქ ცხოვრება, მაგრამ თუ კარგად დაინახავთ, გაგიჭირდებათ ამ სამყაროში ყოფნა. აი, რატომ გირჩევნიათ, კი არ ხედავდეთ, არამედ მოძრაობდეთ, როგორც ჰიპნოზში.

საკუთარ თავს რომ არ უცქიროთ, გამოიგონეთ იესოს შეგონების საწინააღმდეგო ტექნიკა – როცა სხვაში სიცუდეს დაინახავთ, მაშინ შესძლებთ დაასკვნათ, რომ თვითონ თქვენ კარგი ადამიანი ხართ. ორი გზა არსებობს იმისთვის, რომ ადამიანი კარგი იყოს. უბრალოდ, იყოს კარგი, მაგრამ ეს ძნელი გზაა და შედარებითი სიკარგე. საჭიროა დაამტკიცოთ, რომ სხვა ცუდია. არ არის საჭირო, თქვენ იყოთ კარგი, მხოლოდ დაამტკიცეთ, რომ სხვა ცუდია.

ასე ადგენთ გამუდმებით, რომ სხვა ქურდი, მკვლელი და, საერთოდ, ბოროტმოქმედია, ხოლო როდესაც დაამტკიცებთ, რომ ყველა ცუდია, აღმოჩნდება, რომ თქვენ კარგი ხართ. ეს შედარებითი ფენომენია – არ არის საჭირო, შეცვალოთ თქვენი თავი, მხოლოდ დაამტკიცეთ, რომ სხვა ცუდი ადამიანია. ამაზე ადვილი კი არაფერია. შეგიძლიათ, გააზვიადოთ სხვისი სიცუდე და ვერავინ დაგიშლით ამას. გაზვიადებული ბოროტების გვერდით

თქვენ ხომ უცოდველნი გამოიყურებით. აი, რატომაა, თუ ვინმეზე ამბობენ, რომ ცუდი კაცია, გჯერათ ამის და უფრო მეტიც, თქვენ ამბობთ: „მე ყოველთვის ვიცოდი, რომ ეს ასე იყო“.

მაგრამ თუ ერთი ადამიანი თქვენთან მეორეს შეაქებს, თქვენ ეკამათებით და ნათქვამის დასაბუთებას სთხოვთ. მილიონობით ადამიანი იძახის: „ჩვენ ვინამებთ ღმერთს, მაგრამ ჯერ დაგვისაბუთეთ, რომ იგი არსებობს“. მაგრამ ჯერ არავის დაუნერია მოთხოვნა, დასაბუთებულყო ეშმაკის არსებობა. თქვენ უკვე იცით, რომ ეშმაკი ყველგანაა, ხოლო ღმერთი დაიკარგა და აქ არ არის. რატომ საჭიროებს დასაბუთებას კარგი, ცუდი კი – არა? დააკვირდით ამ ტენდენციას და ჩასწვდებით ადამიანის გონების ერთ საიდუმლოს. სულის სიღრმეში თითოეული ეძებს გზას, როგორ გახდეს კარგი, მაგრამ ეს ძნელია. მაშ, როგორ უნდა მოიქცეთ? დაამტკიცეთ, რომ სხვა ცუდია – „თქვენ ჩემზე უარესი ხართ. ასე რომ, საბოლოოდ მე ცოტათი უკეთესი ვარ თქვენზე!“

იესო ამბობს: **„შენი ძმის თვალში ბენვს ხედავ, საკუთარ თვალში კი დირესაც ვერ ამჩნევ. როდესაც დირეს ამოიღებ საკუთარი თვალიდან, მაშინ ნათლად დაინახავ როგორ ამოიღო შენი ძმის თვალიდან ბენვი.“**

თქვენ სხვას უცქერთ, როგორც სიბნელეს. ამან შეიძლება ილუზია ჩაგინერგოთ, რომ თქვენ ხართ სინათლე, მაგრამ ჭეშმარიტი ნათელი ვერ მოგეცემათ. და თუ თქვენ ცდილობთ სხვის განათებას, რადგან ფიქრობთ რომ იგი სიბნელეშია, ეს კიდევ უფრო აუარესებს ყოველივეს, ვინაიდან უსამართლობას შეურაცხყოფა ემატება, ჯერ ერთი, იმიტომ, რომ სიბნელე

თქვენ მიერ არის პროვოცირებული, მეორეც, თვითონ თქვენ არა ხართ სინათლე. ასე რომ, სხვის განათებას ვერ შესძლებთ.

ამიტომ ადამიანები, რომლებიც საზოგადოების გარდაქმნას ცდილობენ, მავნებლები არიან. ვინც სხვის შეცვლას ცდილობს, ყოველთვის საშიშია და ფაქიზი ხარისხის მკვლელი. ამ დანაშაულზე მათ ვერ მისცემთ პასუხისგებაში – ისინი პირდაპირ კი არ გკლავენ, არამედ გასახიჩრებენ, გკუნავენ თქვენი კეთილდღეობისთვის” და თქვენ კი ვერაფერს უარყოფითს ვერ იტყვით მასზე. ეს ე. წ. წმინდანები ცდილობენ გაფანტონ სიბნელე, რომელიც თქვენი არ არის და არც შეიძლება იყოს. ისინი თქვენში ჯოჯოხეთს ხედავენ, რადგან ეს ერთადერთი გზაა მათთვის, რათა საკუთარი თავი სამოთხეს ამსგავსონ.

მოლა ნასრედინი გარდაიცვალა. სამოთხის კარი წმიდა პეტრემ გაუღო და ჰკითხა: „კი მაგრამ, დღეს მე არავის არ ველოდები. ჩემს სიაში არავინ არ წერია. გაცეცხლებული ვარ, როგორ მოხვდი აქ? ხმამაღლა და დამარცვლით მითხარი შენი სახელი, რომ შევამოწმო“.

მოლამ ხმამაღლა უთხრა თავისი სახელი; „ნასრედინი“. წმიდა პეტრემ შეამოწმა სიები, მაგრამ იმ დღეს არავინ არ უნდა მისულიყო სამოთხეში და მოლას მიმართა: „შენ დღეს აქ არ უნდა მოსულიყავი, მხოლოდ 10 წლის შემდეგ გელოდებიან. მითხარი, ვინ იყო შენი ექიმი?“

ექიმებს შეუძლიათ დროზე ადრე გამოგასაღმონ სიცოცხლეს, სიკეთის მთესველებსაც შეუძლიათ იმაზე ადრე მოგკლან, ვიდრე ეს საჭიროა. სიკეთის მთესველნი ყოველთვის საშიშნი არიან, მაგრამ თქვენ ყველა, მეტად თუ ნაკლებად, კეთილი ადამიანები ხართ. თითოეულს სურს სხვისი შეცვლა, რადგან

სხვა მათ თვალში ცუდია. თითოეულს სურს მსოფლიოს გადასხვაფერება და ამით განსხვავდებიან პოლიტიკური და რელიგიური გონებები ერთმანეთისგან.

პოლიტიკური გონების ადამიანი მთელ მსოფლიოს ცუდად მონყობილად თვლის, საკუთარი თავი კი კარგი ჰგონია. რელიგიური ადამიანი საპირისპიროს აკეთებს. იგი ფიქრობს: „**მე რომ ცუდი ვარ, ამიტომ არის მსოფლიო ცუდი, რადგან მე ვთესავ მასში ბოროტებას. მე უნდა შევიცვალო, რომ მსოფლიოც გადასხვაფერდეს**”.

პოლიტიკოსი იწყებს მსოფლიოთი და ვერ აღწევს მიზანს. მისი წამალი უფრო მეტ ავადმყოფობას აჩენს, ვიდრე წინათ იყო. მისი ძალისხმევის შედეგად მეტი უბედურება ჩნდება. რელიგიური ადამიანი კი თვითონ იცვლება, რაც ჭეშმარიტად ერთადერთი შესაძლებლობაა.

თქვენ მხოლოდ საკუთარი თავის შეცვლა შეგიძლიათ და როცა გარდაიქმნებით, შეიცვლება მთელი მსოფლიო, რადგან თქვენ მისი ცოცხალი ნაწილი ხართ. ახლა თქვენი უმაღლესი ენერჯიაა. ბუღა, უბრალოდ, ხის ბოდხის ხის ქვეშ, სამყარო კი გარდაისახება და იგი არასოდეს იქნება ისეთი, როგორც ბუღამდე იყო.

იესო ჯვარს აცვეს და იმ დღიდან ისტორია შეიცვალა. იგი აღარასოდეს იქნება ისეთი, როგორც ქრისტემდე იყო. ამიტომ, წელთაღრიცხვას ქრისტედან რომ ვიწყებთ, იესომდე სულ სხვა კაცობრიობა იყო, მის მერე კი სხვა მოვიდა. ესაა ცოცხალი ფენომენი. როდესაც ქრისტეს ცნობიერება შემოდის, საერთო ცნობიერებაც იზრდება. მასში გამოკრთება ახალი სხივი, რელიგიური ადამიანი, უბრალოდ, გარდაქმნის საკუთარ თავს. ეს

მხოლოდ მაშინ ხდება შესაძლებელი, თუ თქვენ ხედავთ. უნდა მიატოვოთ ფიქციები, რაშიც იმის შეგნება დაგეხმარებათ, რომ თქვენ არავის და არაფერს არ წარმოადგენთ.

ცოდნა რევოლუციაა, მაგრამ არა ის ცოდნა, რომელსაც ლეზულობით გონების საშუალებით, არამედ ის ცოდნა, რომელიც მოდის მაშინ, როდესაც საკუთარ თავს ეჯახებით. თვითშეგნება გარდამსახველი ძალაა. როცა იგებთ, იმავე მომენტში იცვლებით. ცოდნა თავისთავად გარდამქმნელია. იგი მეთოდი არ არის, იგი არ ნიშნავს სწავლას, მნიშვნელობის გაგებას. იგი თავისთავად სასრულია.

მე „ცოდნაში“ თვითშემეცნებას – „თავისთავად ცოდნას“ – ვგულისხმობ. ყველა სხვა დანარჩენი ცოდნა, მხოლოდ მნიშვნელობების შესწავლაა. ამ შემთხვევაში ჯერ ცდილობთ შეისწავლოთ როგორ გარდაიქმნათ და შემდეგ იწყებთ მოქმედებას, ხოლო თვითშემეცნების დროს თქვენ იცით და ეს ცოდნა გცვლით. მოიშორეთ ფიქრები! მოიკრიბეთ გამბედაობა, რათა შეიცნოთ საკუთარი თავი. განაგდეთ შიში და ნუ შეეცდებით საკუთარი თავიდან გაქცევას!

იესო ამბობს: „...როდესაც დირეს ამოიღებთ საკუთარი თვალიდან, მაშინ ნათლად დაინახავთ...”

დირე თქვენს თვალში – თქვენი ფიქციებია. ისინი ნისლად და ღრუბლებად მოძრაობენ თვალებში და ასუსტებენ თქვენს მხედველობას. მიზანი უნდა გახდეს სინათლე, თვალის ნათელი, რათა პირდაპირ შეგეძლოთ ყურება და ფაქტებში ღრმად შეღწევა, მის გარშემო პროექციების შექმნის გარეშე. მაგრამ ეს ძალიან ძნელია, რამეთუ თქვენ მექანიკურად, ავტომატურად მოქმედებთ. როდესაც ხედავთ ყვავილს, გონებაში იწყებთ ფიქრს,

რომ ასეთი მშვენიერი ყვავილი არასოდეს გინახავთ. ჩნდება ნა-სესხები პოეზია, ყვავილის სიმკვეთრე კი იკარგება. თქვენ შე-გეძლოთ ყვავილი სახელწოდების გარეშე შეგემჩნიათ. აუცილე-ბელია სახელწოდება? თუ ბოტანიკურად შეგიძლიათ ყვავილის დახასიათება, უფრო გალამაზდება? ბოტანიკოსმა იცის ყვავი-ლის შესახებ, პოეტმა იცის ყვავილი. ბოტანიკოსი უმეცარია, მან ბევრი „ზე“ და „შესახებ“ იცის, პოეტი კი ხედავს.

სანსკრიტულად „განმჭვრეტელი“ და „პოეტი“ ერთი და იგი-ვე სიტყვით ითქმის. ამბობენ, რომ თუ კაცი ნამდვილი პოეტია, ის განმსჭვრეტელიცაა და პოეტიცაა, თუ განმსჭვრეტელია.

თუ არის სიცხადე, ცხოვრება პოეზიად იქცევა. რა საჭიროა სიტყვები? სილამაზე სიტყვის გარეშე უნდა შეიგრძნოთ. ყვავი-ლი ისე უნდა დაყნოსოთ, რომ არ დაასახელოთ – ვარდია თუ ყვამინი. ნუთუ აუცილებელია სიტყვებით გამოხატოთ ყვავი-ლის სიმშვენიერე? არ შეგიძლიათ დაინახოთ და შეიგრძნოთ სი-ლამაზე სიტყვების გარეშე?

თქვენ შთააგონებთ საკუთარ თავს, რომ ყვავილი მართლა ლამაზია და მის გარშემო შემდეგ ქმნით სილამაზეს. ყვავილი მხოლოდ ეკრანია და მასზე მშვენიერებას აპროექტებთ. სინამ-დვილეში თქვენ ვერ ხედავთ ყვავილს!

უცქირეთ ყვავილს და ნუ იტყვით ნურაფერს, აქციეთ ცქერა მედიტაციად! მსმენია, რომ უდიდესი ჩინელი მისტიკოსი ლაო ძი ყოველ დილით სეირნობდა. მას თან დაჰყვებოდა მეზობელი, რომელმაც იცოდა, რომ ლაო ძი დუმბილში იმყოფებოდა და წლე-ბის განმავლობაში, გასეირნებისას მისთვის ერთი სიტყვა არ უთქვამს. ერთხელ მეზობელს სტუმარი ეწვია, რომელმაც მოისურვა ლაო ძისთან ერთად სეირნობა. მასპინძელმა უთხრა:

„ჩუმად იყავი, ლაო ძის სურს სამყაროსთან უშუალო ცხოვრება. ნურაფერს ეტყვი“.

ისინი გარეთ გამოვიდნენ და დაახლოებით ერთ საათს ისე-ირნეს. დილა ხასხასა და მშვენიერი იყო. ბუნება იღვიძებდა. სტუმარს დაავინყდა გაფრთხილება და ჩვეულებისამებრ თქვა: „რა მშვენიერია!“ ლაო ძინ მას ისე შეხედა, თითქოს ამ უკანასკნელს ცოდვა ჩაედინოს. შინ დაბრუნებისას ლაო ძიმ მეზობელს უთხრა: „ნულარასოდეს მოხვალ ჩემთან და ნურც სხვას მოიყვან. შენი სტუმარი, როგორც ჩანს, ლაპარაკის მოყვარულია. დილა მშვიდი და საოცრად მშვენიერი გათენდა, მაგრამ შენი სტუმრის სიტყვებმა ყველაფერი გააფუჭა“.

„რა მშვენიერია!“ – ისე გაისმა, თითქოს ქვა ჩავარდა გუბურაში და წყალი აამღვრია. ჩაატარეთ მედიტაციები ბუნების წინააღმდეგ, ხესთან, ვარსკვლავებთან, მდინარის და ზღვის ნაპირას. ჩაატარეთ მედიტაციები ბაზარში, ხალხთა თავყრილობის ადგილებში და ნურაფერს იტყვი. ნუ განსჯით, ნუ ისარგებლებთ სიტყვებით, მხოლოდ იცქირეთ! თუ შესძლებთ, განწმინდოთ თქვენი ალქმა, თუ მიაღწევთ ხედვის სინათლეს, ყველაფერი მიღწეული იქნება. მაშინ თქვენ დაინახავთ საკუთარ თავს!

საკუთარი თავის შეცნობა ხდება ნათელი, სუფთა და არა სხვადასხვა ინფორმაციით დატვირთული გონებით. ეს მხოლოდ უსიტყვო გონებითაა შესაძლებელი, ცნობიერება ყოველთვის ადგილზეა, მაგრამ თქვენ გონების სინათლე გაკლიათ, რათა აღიქვათ. თქვენ გჭირდებათ სარკის მსგავსი გონება და არეკვლა შესაძლებელი გახდება.

მხოლოდ მაშინ შესძლებთ დაეხმაროთ მეზობელს, მაგრამ უფრო ადრე – არასოდეს. ასე რომ, ნუ ურჩევთ ნურაფერს ნურა-

ვის! თქვენი რჩევები საშიშია, ვინაიდან არ იცით, რას სჩადიხართ. ნურასოდეს შეეცდებით საკუთარი შვილის გარდაქმნასაც კი. არავის სჭირდება თქვენი მცდელობანი. ისინი საშიშია.

სანამ თვითონ არ გარდაისახებით, ნუ ჩაერევით სხვის ცხოვრებაში. თუ სავსე ხართ სინათლით, შეგიძლიათ დაეხმაროთ სხვას, მაგრამ მაშინ არ დაგჭირდებათ, საკუთარ თავს ძალა დაატანოთ. დახმარება ისე მოდის თქვენგან, როგორც შუქი ლამპრიდან, როგორც სურნელი ყვავილიდან, თქვენ დაემსგავსებით მთვარეს, რომელიც გაბადრულია ღამით – მთვარე ძალდაუტანებლად, უბრალოდ ანათებს.

ვილაცამ ძინის ოსტატ ბასიოს სთხოვა: „შენ საუბრობ, მაგრამ ამასთანავე უარყოფ სიტყვებს. განგვიმარტე ეს“.

ბასიომ უპასუხა: „ლაპარაკობენ სხვები, მე ვყვავილობ“.

როცა ძალდატანება არ ხდება, მაშინ თქვენ ყვავილობთ. ბასიო საუბრობს, ბუდაც ძალდაუტანებლად ამბობს სათქმელს. ბუდას ლაპარაკი ბუნებრივი მოვლენაა, ეს თავისთავად ხდება, ხოლო თქვენს საუბარში სხვა ძალები ებმება: გინდათ სხვაზე შთაბეჭდილება მოახდინოთ, მართოთ სხვები, იბატონოთ მათზე, თავი მცოდნედ მოგაქვთ, აკმაყოფილებს საკუთარ „ეგოს“ და ერთი სიტყვით, კი არ ყვავილობთ, – თამაშობთ.

თქვენი ლაპარაკი დიდ პოლიტიკურ თამაშს ჰგავს თავისი სტრატეგიითა და ტაქტიკით. მაგრამ ბასიო რომ საუბრობს, იგი ყვავილობს. თუ ვინმე უსმენს მის საუბარს, ისიც სარგებლობს ამ ყვავილობით, მაგრამ ეს არ არის ბასიოს მიზანი. ეს თავისთავად ხდება, როგორც ყვავილის გაფურჩქვნა მიწდორში. ყვავილი თქვენთვის არ ყვავის. ახლოს რომ ჩაუვლით, სურნელს იგრძნობთ და დატკბებით, მაგრამ თქვენთვის არასოდეს არ ყვა-

ვის. იგი უბრალოდ ყვავის. ბუდა და იესო ყვავილობენ და მთელი მსოფლიო ნახულობს ამაში სარგებელს. თქვენ კი ცდილობთ, სხვას არგოთ, მაგრამ უშედეგოდ. სამყარო უკეთესი იქნებოდა, უფრო ნაკლები ადამიანი რომ ცდილობდეს მის შეცვლასა და გარდასახვას. ყველა რევოლუცია ბოროტებაა და ყველა რეფორმას დიდ გაუგებრობამდე მივყავართ.

ერთხელ დ. ჰ. ლოურენსმა კაცობრიობას შესთავაზა ასი წლით შეეჩერებინათ ყველანაირი გარდაქმნა, დაეხურათ ყოველგვარი სასწავლებელი და ეცხოვრათ პრიმიტიულად. ეს მშვენიერი აზრი იყო, მაშინ კაცობრიობა დაიბრუნებდა სიცოცხლესა და ენერგიას, ხოლო ადამიანები – აზრის სინათლეს.

სიტყვები გაბუნდოვდნენ, დამძიმდნენ და მათ თქვენ ჩიხში შეჰყავხართ. იმდენი ცოდნა გაქვთ დაგროვილი, რომ ცაში აფრენა აღარ შეგიძლიათ, ისე დამძიმდით, რომ ფრთებს თავისუფლად ვეღარ შლით. ჩაჭიდებიხართ რაღაც უფასურ საგნებს, რომლებიც საბოლოოდ საპყრობილედ და ბორკილად გექცევათ. ეს ნივთები საშიშია თქვენთვის. ყოველგვარი სიტყვა, თეორია და მოძღვრება გაფორიაქებთ. მათ გამო ვერ აღწევთ აზრის სინათლეს.

უკუაგდეთ ყველა შეგონება და განსჯა. შეხედეთ ცხოვრებას ბავშვის თვალებით, მხოლოდ შეხედეთ და ეს ახლებურ აღქმას შეგაძლებინებთ.

ეს ახლებური აღქმაა ის, რის შესახებაც ამბობს იესო; **„როდესაც დირეს ამოიღებ საკუთარი თვალიდან, მაშინ ნათლად დაინახავ, როგორ ამოიღო ბენჯი შენი მის თვალიდან...”**

მხოლოდ ეს გიშველით. თუ შესძლებთ, იქცეთ სინათლედ საკუთარი თავისთვის, სხვასაც გაუნათებთ გზას. ეს ყვავილობაა

და ყველას მოუტანს სარგებლობას. თქვენ თავად იქნებით ნე-
ტარება!

*1974 წლის 29 აგვისტო
პუნა, ინდოეთი*

საუბარი მეათე

მეათე შეგონება

იესომ თქვა:

– ადამიანს არ ძალუძს ერთდროულად ორი ცხენის მოთოკვა და ორი შვილდის მოზიდვა. ადამიანს არ შეუძლია, ორ ბატონს ემსახუროს, რამეთუ, თუ ერთს მიაგებს პატივს, გაანაწყენებს მეორეს.

(თომა, 52)

თითოეულმა უკვე მოიპოვა ორი ცხენი, თითოეულმა უკვე მოზიდა ორი და მეტი მშვილდი ერთდროულად – აი, საიდან მოდის ტანჯვა; აი, რატომ შფოთავთ გამუდმებით. თქვენ ორ ცხენზე გინდათ შეჯდომა, რაც შეუძლებელია, ცხენები სხვადასხვა მხარეს მიეჭნებიან და თქვენ არც ერთ მხარეს არ შეგიძლიათ წასვლა.

თქვენ შეგიძლიათ ერთი ცხენის ჭენებით მიაღწიოთ რამეს, ორი ცხენის ერთდროულად ჭენება კი ვერ ხერხდება. ისინი ენინალმდეგებიან ერთმანეთს და თქვენ ვერსად ვერ მიდიხართ. სულის სიღრმეში ენამებით, სიცოცხლე გისხლტებათ ხელიდან, სულ უფრო ცოტა დრო გრჩებათ, სიკვდილი ახლოვდება, თქვენ კი ვერაფერს მიაღწიეთ. თქვენ ჰგავხართ ტბორს, რომელსაც წვიმა აღარ ავსებს და შრება. აღარ გაგაჩნიათ არანაირი მიზანი.

რატომ ხდება ასე? იმიტომ, რომ შეუძლებლის შეძლებას ცდილობთ. შეეცადეთ, ჩასწვდეთ თქვენი გონების ფუნქციას და იესოს ნათქვამსაც მიხვდებით. თქვენ გსურთ ღარიბივით თავისუფალი იყოთ, ვინაიდან მხოლოდ ღარიბი კაცია თავისუფალი, არაფერი აქვს დასაცავი. მას ვერ გაქურდავთ, ვერაფერს წაართმევთ, რამეთუ არაფერი გააჩნია და არც არაფრის ეშინია. ამ უქონლობით იგი სიმშვიდეშია. მას არც მტრები ჰყავს და არც მეტოქეობს ვინმეს, მაგრამ მას ვერაფერში გაეჯიბრებით.

თქვენ გსურთ იყოთ ღარიბივით თავისუფალი, მაგრამ ამავე დროს მდიდარივით, იმპერატორივით უსაფრთხოდ. მდიდარი კაცი თავს საიმედოდ გრძნობს. მან გარეგნულად ყველაფერი მოაწყო და სიკვდილისგან დაიცვა თავი. მისი მოკვლა არც თუ ისე ადვილია. ამიტომ გსურთ ღარიბის თავისუფლება და მდიდრის უსაფრთხოება. თქვენ ორი ცხენის შეკაზმვა და გაჭენება გსურთ ერთდროულად, ამიტომაც შეუძლებელია რამეს მიაღწიო!

თქვენ გიყვართ ვილაც, მაგრამ გსურთ, რომ მთლიანად ფლობდეთ როგორც ნივთს, გავიწყდებათ კი, რომ ნივთის სიყვარული შეუძლებელია – იგი უსულოა და ვერ გიპასუხებთ. ნამდვილ პიროვნებას ვერასოდეს დაეპატრონებით, რადგან იგი ვერცხლისწყალივითაა. რაც უფრო მეტად ცდილობთ ხელის მოჭერას, მით მეტად გისხლტებათ. იყო პიროვნება, ნიშნავს იყო თავისუფალი. თუ შესძლებთ მის დაუფლებას, იგი პიროვნება აღარ იქნება და აღარც გეყვარებათ.

თქვენ ორი ცხენის მოთოკვას ცდილობთ. გსურთ, გვერდით გყავდეთ პიროვნება, რომელიც უსულო ნივთივით დაგემორჩილება. ეს შეუძლებელია, რამეთუ ადამიანი თავისუფალი და ყო-

ველგვარი გავლენისგან შეუბოჭავი უნდა იყოს. თუ თქვენ გვერდით ნამდვილი პიროვნება აღმოჩნდება, თქვენ დაინყებთ მასზე გაბატონებას, გაანადგურებთ მას. თუ არ აუმხედრდება თქვენს ამგვარ ქმედებას, მაშინ ადრე თუ გვიან ის უსულო ნივთად იქცევა. ხშირად ცოლი დეკორატიულ ნივთად გამოიყურება, ქმარი – უბრალო ზედამხედველად, სიყვარული კი ქრება და ასე ხდება თითქმის ყველანაირ ურთიერთობაში.

თქვენ ეჭვიანობთ. ეჭვი წინასწარმეტყველურ ძალას გაძლევთ და გიცავთ. ვერავინ შესძლებს ადვილად მოტყუებას. მაგრამ ეჭვი შიშს ბადებს, რომელიც სულის სიღრმეში გაშფოთებთ. ეჭვი ბადებს გაორებას: „ეს თუ ის“. ეჭვი გულისხმობს კითხვას: „ყოფნა თუ არყოფნა?“ ამის გადანყვეტა კი შეუძლებელია. საუკეთესო გადანყვეტილებას იღებს თქვენი გონების ის ნაწილი, რომელიც უმრავლესობად იქცა, მაგრამ უმცირესობა, რომელიც არცთუ მცირეა და რადგან არასოდეს არ ირჩევთ ამ მცირე ნაწილს, ეს უმცირესობა ეცდება, მოძებნოს სიტუაცია, რომელშიც შეძლებს მიგითითოთ, რომ თქვენი არჩევანი არასწორია. თქვენი გონების უმცირესი ნაწილი მეამბოხეა და ამიტომ გეუფლებათ განუწყვეტელი მღელვარება. ეს არის სულიერი ავადმყოფობა, რაც ეჭვებიდან გამომდინარეობს.

ეჭვიანი ადამიანი ეშმაკი და ჭკვიანია, მას იოლად ვერ მოატყუებთ. იგი უფრო მორგებულია ამქვეყნიურ ცხოვრებას, მაგრამ იგი ავადაა. ეს არის ნაკლი. სარგებელიც არის: მას ვერ მოატყუებთ, მაგრამ სარგებლობის საფასური დიდია. ის ყოველთვის აღელვებული და მშფოთვარეა. უჭირს გადანყვეტილების მიღება და თუ ღებულობს, ესაა გადანყვეტილება უმრავლესო-

ბისა უმცირესობის წინააღმდეგ. იგი გაყოფილია და მასში ყოველთვის შინაგანი კონფლიქტია.

თქვენ გსურთ მორწმუნე იყოთ, რადგან რწმენა გაძლევთ ჯანმრთელობას, ჯანმრთელობა კი – ბედნიერებას. აღარ ღელავთ, ხართ უშფოთველი, განუყოფელი და ერთიანი. რწმენა გაძლევთ ჯანმრთელობას, მაგრამ მაშინ ადვილია თქვენი წყენინება, ყველა მოგატყუებთ. მაშინ განსაცდელში ხართ, რადგან თქვენს გარშემო არის ხალხი, რომლებიც ისურვებდნენ თქვენს გამოყენებას. მაგრამ ისინი ამას შეძლებენ მხოლოდ მაშინ, თუ მორწმუნე ხართ. თუ ეჭვი გეპარებათ, ისინი ვერ მოახერხებენ თქვენს ექსპლოატაციას.

და აი, თქვენც ცდილობთ ორი ცხენის – ეჭვისა და რწმენის მოთოკვას. ეჭიდებით შეუძლებელს, გამუდმებით შფოთავთ და ეწამებით. ამ ორი ცხენის მოთოკვაში, ალბათ, გამოესალმებით კიდევ სიცოცხლეს. თქვენ კვდებით იქამდე, სანამ მიაღწევდეთ, სანამ ყვავილობა დაიწყება, სანამ გაიგებთ, რა არის და რას ნიშნავს ცხოვრება, ყოფიერება გაქრება თქვენთვის.

იესომ თქვა: **„შეუძლებელია ორი ცხენის მოთოკვა ერთდროულად...”**

მაგრამ თითოეული ადამიანი შეუძლებლის გაკეთებას ცდილობს. აი, რატომაა ყოველი მათგანი განსაცდელში და მე გეუბნებით, რომ ეს ხდება ნებისმიერი მიმართულებით. ამიტომ არსებობს არა ორი, არამედ მილიონობით ცხენი. თქვენ ყოველწამს წინააღმდეგობაში ვარდებით, რატომ ხდება ასე? ამის მიზეზი ისაა, რომ ასე ზრდიან ბავშვებს. მთავარია, თუ როგორ შემოაბიჯებს ბავშვი უგუნური ადამიანებით სავსე სამყაროში. ეს ადამიანები ქმნიან წინააღმდეგობებს, გინერგავენ ურიერთსა-

წინააღმდეგო აზრებს. მაგალითად, თქვენ გასწავლეს: „გიყვარდეთ მთელი კაცობრიობა, ეძმეთ ყველას, შეიყვარეთ მოყვასი, როგორც საკუთარი თავი“. და იქვე გზრდიან და გიბიძგებენ სხვასთან სამეტოქეოდ და გულჩათხრობილობისკენ.

თქვენი მეტოქე თქვენი მტერია და არა მოყვარე. იგი უნდა დაამარცხოთ, დაიპყროთ და გაანადგუროთ. თქვენ დაუნდობელნი უნდა იყოთ, სხვაგვარად სხვები გაგანადგურებენ. თქვენ ვერ შესძლებთ სიყვარულს, უნდა გძულდეთ, უნდა იყოთ ეჭვიანი, ბოროტი, ბრძოლისა და გამარჯვებისთვის უნდა ემზადოთ. ეს მძიმე ბრძოლაა და თუ სუსტი გული გაქვთ, ამ ბრძოლას წააგებთ. ამგვარად, ცდილობთ, იყოთ ძლიერნი, სასტიკნი და აგრესიულნი. სანამ სხვა დაგესხმებოდეთ თავს, თქვენ მოასწროთ მასზე თავდასხმა და დაამარცხოთ იგი, სხვაგვარად წააგებთ, რადგან მილიონობით ადამიანი ეჯიბრება ერთმანეთს იმავე ნივთებისათვის. მარტო თქვენ არა ხართ. აბა, როგორ შესძლებთ მოყვასი შეიყვაროთ, რომელიც თქვენი მეტოქეა? ეს შეუძლებელია! მაგრამ თქვენ ორივე მოძღვრებას ხართ ნაზიარები – თქვენ გასწავლეს, რომ „პატიოსნება საუკეთესო პოლიტიკაა“ და რომ „საქმე საქმეა“.

ორივე მოძღვრებას თქვენ ერთად გასწავლიან, ორივე ცხენს ერთად გაძლევენ. ბავშვმა კი არ იცის ამქვეყნიური გზები და ვერ გრძნობს ამ წინააღმდეგობას, რადგან მისი გონება მოუმწიფებელია.

იესო და ბუდა საჭირონი არიან, რათა წინააღმდეგობა იგრძნოთ. ბავშვმა არ იცის ამქვეყნიური გზები. მისი მასწავლებლები არიან მამა, დედა, ოჯახის წევრები, ყველა, ვინც მას უყვარს. როგორ შეიძლება ბავშვმა იფიქროს, რომ მისი ახლობლე-

ბი მასში წინააღმდეგობას ქმნიან. ისინი ხომ მისი კეთილისმყოფელები არიან, მათშია სიცოცხლისა და ენერჯის წყარო და ასე იზრდება ბავშვი. დედასაც და მამასაც უყვარს შვილი, მაგრამ საქმე იმაშია, რომ ისინიც არასწორად არიან აღზრდილნი და არ იციან, რა ქნან, გამოსავალს მხოლოდ იმაში ხედავენ, რომ გაიმეორონ ის, რაც მშობლებისგან ისწავლეს და შვილებსაც იგივე ჩაუწერონ. ეს ავადმყოფობა, რასაც ტრადიციაც შეგიძლიათ უწოდოთ, თაობიდან თაობას გადაეცემა.

მთელი საზოგადოება დღითი დღე ნევროსტენული ხდება. ბავშვი კი ისეთი უცოდველია, რომ მისი დაყენება წინააღმდეგობრივ გზაზე ადვილია. ამ დროისათვის, როცა იგი შეიგნებს ამ წინააღმდეგობას, ძალიან გვიან იქნება. გამოდის, რომ მთელი თქვენი სიცოცხლე დაკარგულია და ვერასოდეს გაიგებთ, რომ ერთდროულად ორი ცხენის მოთოკვას ცდილობდით. შეეცადეთ, იპოვოთ ეს წინააღმდეგობები თქვენს ცხოვრებაში. ისინი თქვენში მრავლადაა, რამეთუ თქვენ ქაოსი ხართ!

ხალხი მთხოვს, რომ ისინი ვაზიარო იმ სამყაროს, სადაც ჭეშმარიტი მდუმარება და სიჩუმე სუფევს. ვუყურებ მათ და ვხვდები, რომ ეს თითქმის შეუძლებელია. სიჩუმე შესაძლებელია მხოლოდ მაშინ, როცა ყველა წინააღმდეგობა უკუგდებულა. ამისათვის საჭიროა დიდი ძალისხმევა, გამჭრიახი გონება, სიმწიფე და გაგება. თქვენ ეს არ გაგაჩნიათ და ფიქრობთ, რომ მხოლოდ მანტრების* განმეორებით გახდებით მდუმარე? ეს რომ ადვილი იყოს, ყველა მდუმარე გახდებოდა. თქვენ ფიქრობთ, რომ საკმარისია რამდენჯერმე თქვათ „რამ, რამ, რამ“ და გახდებით მდუმარე. ეს მანტრა კიდევ ერთ ცხენად იქცევა, ეს

არის და ეს. იგი კიდევ უფრო მეტ არევ-დარევას გამოიწვევს. თუ დაუმატებთ კიდევ ერთ ცხენს, უფრო მეტ დომხალს მიიღებთ.

შეხედეთ ე. ნ. რელიგიურ ადამიანს – ის უფრო გახლართულია ქსელში, ვიდრე ერისკაცნი, რადგან გაჩნდა კიდევ ერთი ცხენი. „ბაზრის“ სამყაროს ადამიანს შეიძლება ბევრი ცხენი ჰყავდეს, მაგრამ ყველა ამქვეყნიურია. ე.ნ. რელიგიურ ადამიანს ამქვეყნიური ცხენებიც ჰყავს და ის ცხენებიც, რომლებიც ამ სამყაროს არ ეკუთვნის.

მორწმუნემ მოიგონა სხვა სამყარო, ღმერთი, ღვთის საუფლო და განაგრძობს ამქვეყნად ყოფნას. ის უფრო მეტად იხლარობა. მის არსებაში თანდათან ძლიერდება შინაგანი კონფლიქტი. მორწმუნე არ არის ერთიანი. მისი ყველა ნაწილი კიდევ უფრო იყოფა. აი, ეს არის ნევროზი.

თქვენ არასწორად გაგზარდეს, მაგრამ ახლა არაფრის შეცვლა აღარ შეიძლება, რადგან უკვე აღზრდილნი ხართ. უკან გზა მოჭრილია. ამიტომ უნდა შეიგნოთ ეს და უკუაგდოთ შეგნების გზით. თუ ამაზე უარს იტყვით იმის გამო, რომ მე ვამბობ ასე, მაშინ თქვენ დაამატებთ კიდევ ერთ ცხენს. თუ უკუაგდებთ იმიტომ, რომ ყველაფერი გაიგეთ, თუ გაგების წყალობით იტყვით, მაშინ ძველი ცხენებიც გათავისუფლდებიან, რადგან ისინი შეძლებენ მოძრაობას და მიზნის მიღწევას. იგივეს შესძლებთ თქვენც. მარტო თქვენ ხომ არ გიჭირთ, თქვენი ცხენებიც დიდ გასაჭირში არიან, თქვენს გამო მათ არსად წასვლა არ შეუძლიათ.

შეიბრალებთ საკუთარი თავი და ცხენებიც! ამას თქვენ თვითონ უნდა ჩასწვდეთ და არა ჩემი, ან ბუდას, ან იესოს სწავლების საშუალებით. მათ შეუძლიათ გზა მიგასწავლონ, მაგრამ თუ ისე

გაჰყვებით ამ გზას, რომ ვერაფერს გაიგებთ, ვერასოდეს მიაღწევთ მიზანს.

ახლა შეეცადეთ, ჩასწვდეთ იესოს ნათქვამს:

**„ადამიანს არ შეუძლია ერთდროულად
ორი ცხენის მოთოკვა
და ორი მშვილდის მოზიდვა.**

**ადამიანს არ ძალუძს, ორ ბატონს ემსახუროს,
რამეთუ თუ ერთს მიაგებს პატივს,
გაანაწყენებს მეორეს”.**

რატომაა ეს შეუძლებელი? და რა არის შეუძლებლობა? შეუძლებლობა არ არის რაღაც ძალიან ძნელი, არა! რაც უნდა ძნელი იყოს რაღაც, ის არ არის შეუძლებელი. თქვენ მას შეგიძლიათ მიაღწიოთ, შეუძლებლობა კი ნიშნავს, რომ მიღწევა შეუძლებელია, რაც არ უნდა აკეთოთ, რადგან მისი გაკეთების საშუალება არ არის.

როდესაც იესო ამბობს: „შეუძლებელია”, გულისხმობს სწორედ შეუძლებელს და არა ძალიან ძნელს. თქვენ ცდილობთ, შეუძლებელი გააკეთოთ, რა მოხდება? რა მოგივიათ თქვენ, ვინც მთელ ძალას ხარჯავთ, რათა შეუძლებელი მოახდინოთ? თქვენ დაინგრევით! ამის გაკეთების შესაძლებლობა არ არსებობს, მაგრამ აკეთებთ რა ამას, თქვენ ანგრევთ საკუთარ ცხოვრებას. შეხედეთ ადამიანებს, რომლებიც ყოყმანობენ. გინახავთ ეჭვიანი კაცი, რომელსაც რწმენა არა აქვს? თუ ნახავთ ადამიანს, რომელიც მხოლოდ ეჭვიანობს, დაინახავთ, რომ მას არ შეუძლია სიცოცხლე. საგიჟეთში ნახავთ ხალხს, ყველაფერში ეჭვი რომ ეპარებოდათ. მათ ზოგჯერ განძრევაც კი არ შეუძლიათ, რადგან ეჭვი ეპარებათ უბრალო მოქმედებაშიც.

მე ვიცნობდი ერთ კაცს, რომელიც იმდენად იყო ეჭვებით სავსე, რომ მისი სახლიდან რამდენიმე იარდით დაშორებულ ბაზარშიც ვერ მიდიოდა. რამდენჯერაც გამოვიდოდა სახლიდან, იმდენჯერ უკან ბრუნდებოდა, რათა საკეტი შეემონმებინა. ბავშვები დავცინოდით საბრალოს. გამოვიდოდა თუ არა ქუჩაში, ვეკითხებოდით: „კარი ღია ხომ არ დაგრჩა?“ ის ბრაზობდა და უკანვე ბრუნდებოდა საკეტის შესამონმებლად. მარტოხელა იყო, არავინ ჰყავდა და მაინც ასე ეშინოდა. იგი ნამდვილი სკეპტიკოსი იყო.

თუ ყველაფერზე ყოყმანობთ და ეჭვიანობთ, თქვენი ადგილი საგიჟეთშია. თქვენ იქნებით ადამიანის ტიპი, რომელიც ნაწილებადაა დაშლილი. თუ ამას რწმენას ამჯობინებთ, აბსოლუტურად დაბრმავდებით. მაშინ ვისაც სად მოუნდება, იქ წაგიყვანთ, აღარ გექნებათ საკუთარი გონება და სიფხიზლე. ზუსტად ასეთი ხალხი ეხვია ირგვლივ ჰიტლერს. მათ სწამდათ და ამ რწმენის გამო დაკარგეს საკუთარი თავი.

თქვენ ცდილობთ, თავი დააღწიოთ ორივე უკიდურესობას, მიაღწიოთ შეუძლებელს. ერთ უკიდურესობას თქვენთვის ნევროზი მოაქვს, მეორეს – სიბრმავე. მარტივი გონების ადამიანი გაიფიქრებს, რომ სჯობს კომპრომისზე წასვლა, რომ უკეთესია ნახევრად ეჭვები და ნახევრად რწმენა, მაგრამ მაშინ ორ ცხენს ერთდროულად თოკავ.

შესაძლებელია ცხოვრება ეჭვისა და რწმენის გარეშე? შესაძლებელია! სინამდვილეში ეს ზრდის ერთადერთი გზაა – ეჭვისა და რწმენის გარეშე ცხოვრება, ცხოვრება უბრალოდ, თვითნებურად და შეგნებით. ეს კი არის, რასაც სინამდვილეში რწმენა წარმოადგენს. თქვენ გნამთ სიცოცხლე ეჭვებისა და

რწმენის გარეშე, იმის მიუხედავად, თუ სად წაგიყვანთ ცხოვრების მდინარება. თქვენ, უბრალოდ, უცოდველად მოძრაობთ.

ეჭვებით შეპყრობილი ადამიანი ვერ იმოქმედებს ისე, რამე რომ არ გააფუჭოს. სანამ ნაბიჯს გადადგამდეს, იგი ზოგჯერ იმდენს ფიქრობს, რომ წინააღმდეგობები ქრება. აი, რატომ ვერ აღწევენ ბევრს მოაზროვნეები – მათ არ ძალუძთ იმოქმედონ. ისინი მხოლოდ გონებას ეყრდნობიან, ვინაიდან ვიდრე რალაცას მოიმოქმედებენ, გადანყვეტილება უნდა მიიღონ, რაც უჭირთ. აბა, როგორღა იმოქმედებენ? მაშინ უმჯობესია დაიცადონ და არ იმოქმედონ. მაგრამ ცხოვრება მიდის. მეორე შემთხვევაში, მორწმუნე, ბრმა ხდებით. მაშინ ნებისმიერ პოლიტიკოსს, შეშლილს, პაპს ან ქურუმს შეუძლია თქვენი მართვა. მაგრამ ისინი თავადაც ბრმები არიან, ხოლო როდესაც ბრმა მიუძღვის ბრმას, ეს კატასტროფით მთავრდება. როგორ მოვიქცეო? – გონება გვკარნახობს: „წავიდეთ კომპრომისზე“.

სწავლულმა ბ. ფ. სკინერმა საყურადღებო ექსპერიმენტი ჩაატარა: თეთრ თავგებს ორი-სამი დღის განმავლობაში არ აჭმევდა. თავგებს ისე მოშივდათ, რომ მზად იყვნენ ნებისმიერი რალაც შეეჭამათ. სკინერმა ისინი ამაღლებულ ადგილზე დასვა, როლის ძირში ორი ერთნაირი ფერისა და ზომის ყუთი მოათავსა. ორივე ყუთში საკვები იყო. თავგები ან ერთ ყუთში უნდა ჩამხტარიყვნენ, ან მეორეში.

თავდაპირველად თეთრი თავგი დაუფიქრებლად ხტებოდა. მარჯვენა ყუთში ჩახტომის შემთხვევაში იგი ელექტროშოკს იღებდა. ამავე ყუთში მოთავსებული იყო მახე, რომლის საშუალებით თავგი ცარიელ სივრცეში ხვდებოდა და საკვებამდე ვერ აღწევდა. მარცხენა ყუთში კი თავგს შეეძლო თავისუფლად

მიელნია საკვებამდე. ორი-სამი დღის განმავლობაში თავი არჩევანს აკეთებდა, შემდეგ კი ხტებოდა მარცხენა ყუთში და მარჯვენა ყუთს თავს არიდებდა.

შემდეგ სკინერმა ყუთებს ადგილი შეუცვალა. თავი ხტებოდა მარცხენა ყუთში და ლებულობდა ელექტროშოკს. მან არ იცოდა, როგორ მოქცეულიყო, „ცაბცაბებდა და ეჭვებს შეეპყრო. თეთრი თავგების ბედს იზიარებენ ფილოსოფოსებიც. ისინი ეჭვებით შეპყრობილნი ფიქრობენ, რომელი მხარე აირჩიონ – მარჯვენა თუ მარცხენა. ვინ იცის? შემდეგ თავი კვლავ ეჩვეოდა. მაშინ სკინერი ისევ ანაცვლებდა ქუთებს. თავი ისე იბნეოდა, რომ ხან ერთ ყუთს უყურებდა, ხან მეორეს და არც ერთში არ ხტებოდა. შემდეგ კი ისე იქცეოდა, როგორც თქვენ მოიქცეოდით. ხტებოდა ყუთებს შორის, სადაც არ იყო საკვები. რამდენიმე კვირის შემდეგ თავს ეშლებოდა ნერვული სისტემა.

სწორედ ასე მოგდით თქვენც. იბნევით, არ იცით რა გააკეთოთ და ერთადერთი აზრი მოგდით თავში – თუ არჩევანის გაკეთება ძნელია, მაშინ უმჯობესია კომპრომისზე წასვლა, ანუ შუაში ჩახტომა. მართალია, იქ არ არის ელექტროშოკი, მაგრამ იქ არც საკვებია.

ფუჭია ცხოვრება თუ შუაში ხტებით. თეთრ თავს ორივე ყუთში ჩახტომის შესაძლებლობა რომ ჰქონოდა, ასეც მოიქცეოდა.

ანალოგიური არჩევანი დგას თქვენი გონების წინაშე: ორი ცხენის მოთოკვა ერთდროულად ან ორ ყუთს შორის ჩახტომა. საჭიროა გამჭრიახობა და გონების სიმახვილე, რათა პროლემის არსს ჩასწვდეთ, სხვა არჩევანი არ არსებობს.

მე არ გაძლევთ რჩევას, არც იესო გირჩევთ რამეს, რადგან პრობლემების გაგება თავისთავად მის გადანყვეტასაც ნიშნავს. ნუთუ არ შეიძლება, იცხოვროთ რწმენისა და ეჭვის გარეშე? ნუთუ შეუძლებელია ცხოვრება უკომპრომისოდ? კომპრომისი ხომ შხამია და მთელ თქვენს ცხოვრებას წინააღმდეგობებით ავსებს. და თუ არის წინააღმდეგობა, თქვენ გაორდებით, დანაწევრდებით და საბოლოოდ შიზოფრენიამდე მიხვალთ.

თუ აირჩევთ ერთს და უარყოფთ მეორეს, მაშინ უარყოფთ იმ სარგებელსაც, რომელიც ამ მეორეს გააჩნია. ყოყმანი გიცავთ ექსპლოატაციისაგან, რწმენა კი თავდაჯერებულობას გმატებთ. თუ ირჩევთ ორივეს, ერთდროულად ორი ცხენის მოთოკვას ცდილობთ. თუ მიდიხართ კომპრომისზე, საკუთარ არსებაში გაორებას იწვევთ და იქცევით ბრბოდ. მაშ, როგორ უნდა მოიქცეთ? ჩასწვდით პრობლემას, მოეშვით ორი ცხენის დევნას და არც კომპრომისზე ნახვიდეთ.

მაშინ დაიწყება სხვაგვარი ცხოვრება, თქვენი აზროვნება სხვა ხარისხში გადავა. მაგრამ რატომ არ აკეთებთ ამას? იმიტომ, რომ ასეთ აზროვნებას ფხიზელი გონება და შეგნება სჭირდება. მაშინ აღარ დაგჭირდებათ სხვაში დაეჭვება. სიფხიზლე დაგიცავთ სხვათა ექსპლუატაციისაგან.

თქვენ ვერ მოატყუებთ ფხიზელ ადამიანს, რადგან მისი მზე-რა გამხელთ და თუ საშუალებას გაძლევთ, ექსპლოატაცია გაუნოთ მას, ეს იმიტომ კი არა, რომ აჯობეთ ან მოატყუეთ იგი, არამედ იმიტომ, რომ ის თავაზიანია და ამის ნება მოგცათ. შეუძლებელია, ფხიზელი ადამიანი მოატყუოთ, ვინაიდან ის თავიდან ფეხებამდე გიცნობთ და მხოლოდ თანაგრძნობის გამო გატყუებინებთ თავს. საბოლოოდ მაინც ვერ მოატყუებთ.

ეს სიფხიზლე ერთი შეხედვით, ძნელი მისაღწევია. აი, რატომ ირჩევთ შეუძლებელს. მაგრამ შეუძლებლის მიღწევა წარმოუდგენელია, თქვენ მხოლოდ საკუთარი თავის დარწმუნება შეგიძლიათ, რომ ეს შესაძლებელია, მაგრამ ეს არც მომხდარა და არც მოხდება. თქვენ აირჩიეთ შეუძლებელი იმიტომ, რომ ის გეადვილებათ.

კომპრომისი ყოველთვის ადვილი ჩანს. როგორც კი რთულ მდგომარეობაში აღმოჩნდებით, კომპრომისზე მიდინართ, მაგრამ ეს არაფერს გშველით, რადგან ის იმ წინააღმდეგობებს გულისხმობს, რომლებიც თქვენში არსებობს. ეს წინააღმდეგობები გადახვთ და გაორებთ, გაორებული ადამიანი კი ვერასოდეს იქნება ბედნიერი.

აი, რას გულისხმობს იესო, მაგრამ ქრისტიანებმა ვერ გაიგეს მისი ნათქვამი. მათ მთლიანად დაკარგეს იესო, რამეთუ გონება ინტერპრეტაციას ახდენს. მაინც რის ინტერპრეტაციას? „ამოირჩიეთ ორიდან ერთი ცხენი – ან ეს სამყარო, ან – ის. ნუ შეეცდებით ორი ცხენის მოთოკვას. ეს შეუძლებელია. თქვენ ერთი ცხენი უნდა ამოირჩიოთ“. აი, იესოს ამ შეგონების როგორი ინტერპრეტაცია მოახდინეს ქრისტიანებმა.

ერთხელ, ღამით მოლა ნასრედინის ცოლს მოშივდა. საჭმელი უკვე გათავებოდათ და ქალმა მხოლოდ ძაღლის ორცხობილა იპოვა. გასინჯა და ძალიან ეგემრიელა. ნასრედინს უთხრა, რომ მთელი ყუთი ძაღლის ორცხობილა ეყიდა.

დილით ნასრედინმა შეუკვეთა დიდი რაოდენობით ორცხობილა. გამყიდველმა ჰკითხა: „შენ ხომ პატარა ძაღლი გყავს? ამდენი ორცხობილა რაში გჭირდება?“

ნასრედინმა უპასუხა: „ცოლისთვის მინდა“.

გამყიდველმა უთხრა: „უნდა გაგაფრთხილო, რომ ეს ძალ-
ლის საჭმელი ადამიანისათვის მომწამვლელია და შენი ცოლი
თუ შეჭამს, მოკვდება“.

ექვესი თვის შემდეგ ნასრედინის ცოლი მართლაც მოკვდა. ეს
რომ გამყიდველმა გაიგო, ნასრედინს უთხრა: „აკი გაგაფრთხი-
ლე, რომ ორცხობილა მავნებელია“.

**„ჩემი ცოლი ძალის ორცხობილას არ მოუკლავს, იგი მანქა-
ნამ გაიტანა“** – უთხრა მოლამ.

თქვენი გონება საკუთარ დასკვნებს ებლაუჭება, რადგან
დასკვნებთან ერთად თვითდაჯერებულობასაც კარგავდა. ამი-
ტომ ყოველგვარ სიტუაციაში ეჭიდებით დასკვნებს, რაც
თქვენს „ეგოს“ ნიადაგს უქმნის და გონება გინმტკიცდებათ.

ერთხელ ნასრედინი სეირნობდა. მას ხელში გრძელი ჯოხი
ეჭირა. ნაცნობმა შენიშნა და უთხრა: „რატომ არ ნააჭრი ამ ჯოხს
ერთ ბოლოს“?

„ეს საქმეს არ უშველის. ჯოხს მეორე ბოლო აქვს გრძელი“, –
უპასუხა ნასრედინმა.

თქვენმა მსჯელობამ შეიძლება თვითმკვლევობამდე მიგიყ-
ვანოთ. თქვენ ფიქრობთ, რომ მსჯელობთ, სინამდვილეში კი
თავს იტყუებთ. მაგრამ არ გსურთ საკუთარი „ეგოს“ ნიადაგი
დაკარგოთ. გინდათ, იყოთ თვითდაჯერებულნი და დარწმუნე-
ბულნი საკუთარ დასკვნებში. გონებიდან წამოსული დაჯერე-
ბულობა კი ყალბია, რამეთუ სინამდვილეში გონებას არ შეუძ-
ლია თქვენი დარწმუნება, რადგან ის სიცრუეს ეყრდნობა და
მისგან ჭეშმარიტებას ვერ მიიღებთ. გონება მხოლოდ აზრები
და მოჩვენებებია. მასში სუბსტანციური არაფერი არ არის. თავს

კარგად გრძნობთ მხოლოდ იმიტომ, რომ გონება გონიერ დასაბუთებას თამაშობს.

ქრისტიანები ყველაფერს კარგავენ. ისინი ფიქრობენ, თითქოს იესო ამბობდეს: „აირჩიეთ!“ ქრისტეს კი ეს არასოდეს უთქვამს. იგი არჩევანს უარყოფს. თუ ირჩევთ, თქვენი გონება ძლიერია და ურყევი და არჩევანის პროცესში უფრო ძლიერდება. მაგრამ საკითხი ასე არ დგას. არჩევანის შემთხვევაში არ შეიძლება სრულყოფილნი იყოთ, ვინაიდან რომელიმე მხარე უნდა უარყოთ. თუ რწმენას ირჩევთ, ეჭვი უნდა უარყოთ. რას უზამთ ეჭვებს? მათ ღრმად აქვთ ფესვები გადგმული. თქვენ მხოლოდ თვალის დახუჭვა შეგიძლიათ და ეჭვების ქვეცნობიერებაში მომწყვდევთ, თუმცა ეჭვი მაინც იარსებებს, გამოლრდნის თქვენს გონებას და აღრე თუ გვიან მაინც ამოტივტივდება. როგორ მოიშორებთ ეჭვს? მას თუ აირჩევთ, რწმენას რას უზამთ? ის ხომ თქვენი ნაწილია. ასე რომ, მოხდება კომპრომისი და თქვენში სხვადასხვა მოსაზრებანი აირევა. ეს იქნება არა სინთეზი, არამედ კომპრომისი.

იესო წინააღმდეგობების უკუგდებას გულისხმობს, მას მხედველობაში აქვს: „არ აირჩიო!“

დააკვირდით მას ფრაზას: „...თუ ერთს მიაგებს პატივს, მეორეს გაანაწყენებს...“ თუ ირჩევდით ერთს, პატივიც ერთსათვის უნდა მიგეგოთ, მეორე ნაწილი კი შურს იძიებს და ამბობს.

მეცნიერება დამოკიდებულია და მთლიანად აგებულია ეჭვებზე. დაკვირვებისხარტ მეცნიერებს? ლაბორატორიის გარეთ ისინი მიმნდობნი არიან, ვერ ნახავთ სწავლულზე მეტად მორწმუნე კაცს. მათი მოტყუება ძალზე ადვილია, რამეთუ მათი იჭ-

ვნეული ნაწილი ლაბორატორიაში რჩება, მორწმუნე მხარე კი – ლაბორატორიის გარეთ. ისინი ძალიან უბრალო ადამიანები არიან, მაგრამ ლაბორატორიებში ძალიან ფრთხილები და ეჭვიანები არიან. თქვენ ადვილად მოატყუებთ მეცნიერს.

ე. ნ. რელიგიური ადამიანის მოტყუება კი არ არის ადვილი. ტაძარში ისინი ღრმად მორწმუნენი არიან, ტაძრის გარეს კი ძალიან ფრთხილნი. ტაძრის გარეთ მათ ვერ მოატყუებთ, ტაძარში კი შესაძლებელია მათი ექსპლუატირება, რამეთუ იქ ძალიან უბრალონი არიან, მათი ეჭვნეული „მე“ გარე სამყაროში იმყოფება და იმიტომ. ისინი კარგი ბიზნესმენები არიან, აგროვებენ დანაზოგსა და ექსპლუატაციას უწევენ მთელ მსოფლიოს.

მეცნიერი ვერ იქნება კარგი ბიზნესმენი და პოლიტიკოსი. ეს შეუძლებელია, რადგან მათი ეჭვით შეპყრობილი „მე“ მთავრდება ლაბორატორიაში, მის გარეთ კი მორწმუნე „მე“ მოქმედებს. შინ მეცნიერი სრულიად განსხვავდება ლაბორატორიაში მყოფი მეცნიერ-მკვლევრისგან. თქვენ ალბათ ბევრი გსმენიათ მათი გონების გაფანტულობისა და დაბნეულობის შესახებ. ეს მართალია, რადგან მეცნიერები თავის ყურადღებას ლაბორატორიაში იყენებენ, გარეთ კი უყურადღებოდ იქცევიან, მათ ორმაგი ცხოვრება აქვთ.

ერთხელ ალბერტ აინშტაინი* მეგობარს ესტუმრა. მათ ისაუბრეს, იბაასეს, მაგრამ ვინაიდან აინშტაინი სიტყვაძუნნი იყო, მეგობარი დაიღალა. დაბნელდა. მალე ლამის 11 საათი სრულდებოდა. მეგობარს უკვე სურდა, აინშტაინი შინ წასულიყო, მაგრამ უზრდელობა იქნებოდა სახელგანთქმული ადამიანისათვის ამის თქმა. მეგობარმა სიტყვა გადაუკრა: „უკვე 12-ის ნახევარია“. მაგრამ აინშტაინი იჯდა და ამთქნარებდა. მერე მეგობარმა

კვლავ გადაუკრა სიტყვა: „მე მგონი, რული მოგეკიდათ, ისე ამ-
თქნარებთ“.

აინშტაინმა მიუგო: „დიახ, ძალიან შეძინება, მაგრამ გელო-
დები, როდის ნახვალო“.

მეგობარმა უთხრა: „რას ამბობ? შენ ხომ ჩემს სახლში ხარ“.

აინშტაინი წამოდგა და მიუგო: „მაპატიე! ჩემს სახლში მეგო-
ნა თავი და სულ ვფიქრობდი, მალე წასულიყავი“.

მეცნიერი სრულყოფილი პიროვნებაა ლაბორატორიაში, ვი-
ნაიდან ყურადღებითაა აღსავსე. ლაბორატორიის გარეთ კი იგი
სულ სხვაგვარი, მთლად სანინაალმდეგო ადამიანია.

აი, რატომ ხედავთ წინააღმდეგობებს ე. წ. რელიგიური ადა-
მიანის ცხოვრებაში. ტაძარში ისინი ისეთი უცოდველები ჩანან,
რომ თვალში ცრემლი ერევათ და ტირიან. მაგრამ თქვენ, აღ-
ბათ, ვერ წარმოიდგენთ, რა სახე ექნება იმავე ადამიანს მასთან
მალაზიაში ან სამსახურში თუ მიხვალთ. ემოციური და მორწმუ-
ნე „მე“ მთავრდება ტაძარში, მეჩეთსა თუ ეკლესიაში. იქიდან გა-
მოსული კი სკეპტიკურია და მეცნიერზე მეტად ყოყმანობს ამა
თუ იმ საკითხში.

აი, ასე ვცხოვრობთ ორმაგი ცხოვრებით. ეს კომპრომისია.
იესო არ გეუბნებათ, რომ ერთი ამოირჩიოთ მეორის ხარჯზე,
თუ თქვენ ასე იქცევით, მეორე ნაწილი განაწყენდება და შურს
იძიებს. ეს ყველაფერი კი ცხოვრებას ართულებს. რაც უფრო
მეტად ცდილობთ ერთი ნაწილით ცხოვრებას, მით უფრო მეტად
ჩაშლის მეორე ნაწილი თქვენს წამოწყებასა და საქმეებს. ეს
ისევ და ისევ მეორდება. მაშ, როგორ უნდა მოიქცეთ?

არჩევანი არ არის გამოსავალი, მთავარია, თქვენი არსების მთელ წინააღმდეგობრიობას ჩასწვდეთ. ნუ ამოირჩევთ, ნუ უარყოფთ ერთ ნაწილს მეორის ხარჯზე.

მედალს ორი მხარე აქვს. შესაძლოა, თქვენ არ მოგწონთ მედლის რომელიმე მხარე, მაგრამ მედალი უნდა გქონდეთ და გამოიყენოთ. თუ გსურთ ერთი ნაწილი, მეორეც უნდა აიტანოთ. ამ შემთხვევაში გექნებათ მთლიანი მედალი. თქვენ მხოლოდ შეგიძლიათ დამალოთ მედლის ის მხარე, რომელიც არ მოგწონთ, მოსაწონი კი გამოაჩინოთ. სულ ეს არის, რაც შეგიძლიათ მოიმოქმედოთ.

აი, როგორაა მონყობილი ცნობიერი და ქვეცნობიერი. ცნობიერი არის ის ცხენი, რომელიც მოგწონთ, ქვეცნობიერი კი – ის, რომელიც არ მოგწონთ. ცნობიერია ის, რაც აირჩიეთ, ქვეცნობიერი კი – ის, რაც უარყავით. ეს ორი ეკლესიაა – ერთი, რომელშიც ლოცულობთ და მეორე, რომელშიც არც შეგიხედავთ. სხვაა ბუდას მსგავსი ადამიანი. მასში ცნობიერი და ქვეცნობიერი გამქრალია, ვინაიდან ის არც ერთ ნაწილს ირჩევს, არც მეორეს. მთლიანი მედალია აგდებული. მხოლოდ მთლიანი მედლის აგდებაა შესაძლებელი. ნახევარი მხარის აგდებას ვერ მოახერხებთ!

ეჭვი და რწმენა – ეს ერთი მედლის ორი საპირისპირო მხარეა და განუყოფლად არიან დაკავშირებული ერთმანეთთან. ისინი ერთი მთლიანი პოლუსებია, როგორც დადებითი და უარყოფითი მუხტი, როგორც ქალი და მამაკაცი, ცივი და ცხელი. გამოიყურებიან როგორც წინააღმდეგობები, მაგრამ ისინი ერთი მოვლენის პოლუსები არიან.

ვერ მოიშორებთ დადებით ელექტრომუხტს, თუ უარყოფითი ისევ გაგაჩნიათ. არ შეგიძლიათ ერთის დატოვება და მეორის მოცილება და თუ ცდილობთ, მაშინ თქვენი არსება იყოფა – უკუგდებული რეპრესირებული ნაწილი იქცევა ქვეცნობიერად, ხოლო მიღებული ნაწილი – ცნობიერად. ახლა მათ შორის გარდაუვალია გამუდმებული ბრძოლა.

გამოდის, რომ თქვენ ჯერ კიდევ ორი ცხენის ერთდროულად მოთოკვას ცდილობთ. რჩება ერთადერთი გზა – შეგნებით მოიცილოთ საკითხი მთლიანად. აი, რაში მდგომარეობს საიდუმლო. ნუ უკუაგდებთ, რადგან კვლავ არჩევანის შესაძლებლობა რჩება. ეს საკმაოდ რთული საკითხია! თქვენ შეგიძლიათ უკუაგდოთ, ე.ი. აირჩიოთ არაუკუგდების ხარჯზე, მაგრამ შედეგად ისევ ორი ცხენი შეგრჩებათ ხელთ. ეს უნდა გაიგოთ! უკუგდება არ გამოდგება საშუალებად, ის შედეგია. არსი შეგნებაშია!

გაიგეთ! მთელი უმეცრება იმისა, თუ როგორ ექცევით საკუთარ თავს, რის ნებას რთავთ, რა წინააღმდეგობებს აგროვებთ. დაინახეთ ეს ყველაფერი მთლიანად. ნუ იქნებით „მომხრე“ ან „მონინააღმდეგე“. ნუ განსჯით და ნურც გაამართლებთ. შეხედეთ, დააკვირდით საკუთარ თავს ისეთს, როგორიც ხართ. ნუ ჩამალავთ, ნუ გაასამართლებო, ნუ იქნებით შემფასებელი. მხოლოდ მაყურებელი და მიუკერძოებელი, მონმე იყავით!

მთლიანობაში დაინახეთ, ვინ ხართ და რას წარმოადგენთ. დააკვირდით, რა არის თქვენში არეული, მხოლოდ პირდაპირ დაინახეთ, სინამდვილეში როგორც არის და უეცრად შეიგნებთ ყველაფერს, რაც თვითონ იქცევა უკუგდებად. ეს იმას ჰგავს, კედელში გასვლას რომ ცდილობდეთ და უეცრად აღმოაჩინოთ,

რომ კედელს კარი არ აქვს. კიდევ დაგჭირდებათ უკუაგდოთ ძალდატანება? თქვენ არც მომხრე იქნებით და არც მოწინააღმდეგე. უბრალოდ, გესმით, რომ ძალდატანება აბსოლუტურად უსარგებლოა.

აი, რა აზრია გადმოცემული იესოს ნათქვამში – უბრალოდ იყავით მაყურებელი, არაფერს ირჩევთ და არც ძალდატანება გჭირდებათ.

სადაც შეგნებაა, იქ არ არის ძალდატანება და რაც ძალდატანებას არ მოითხოვს, ყოველთვის მშვენიერი და მთლიანია. სადაც ძალდატანებაა, იქ არის სიმახინჯეც, რადგან ის ყოველთვის ნაწილია და არაა მთლიანი. ძალდატანების დროს სულის სიღრმეში გრძნობთ, რომ რაღაცას ებრძვით. რატომ იბრძვით? იმიტომ, რომ რასაც ეწინააღმდეგებით, ის თქვენთვის ამავე დროს მნიშვნელოვანია.

თქვენთვის მტერიცა და მოყვარეც, – ორივე მნიშვნელოვანია, მხოლოდ ურთიერთსაწინააღმდეგო მიმართებით. გიფიქრიათ ოდესმე, რომ როცა თქვენი მტერი კვდება, თქვენშიც რაღაც წყვეტს არსებობას? მარტო მეგობრის სიკვდილი კი არა, მტრის აღსასრულიც გაღონებთ. თქვენ აღარ შეგიძლიათ დარჩეთ იგივედ.

ასეც მოხდა ინდოეთში – მუჰამედ ალი ჯინა და მაჰატმა განდი გამუდმებით ებრძოდნენ ერთმანეთს. ამბობენ, რომ როდესაც განდი მოკლეს, ჯინამ თქვა: „მე ძალიან ავად ვარ. ჩემშიც რაღაც მოკვდა“.

ეს ასეც არის. ამიერიდან ვის წინააღმდეგ უნდა ებრძოლა ალი ჯინას? თუ მტერი განყდა, „ეგოც“ ქრება. თქვენ მეგობრებისა და მტრების ერთობლიობა და წინააღმდეგობრიობა ხართ.

მხოლოდ ის არის მთლიანი, ვისაც არც მტერი ჰყავს და არც მეგობარი; ვინც არ ირჩევს და უპირატესობას არ ანიჭებს რომელიმეს; ვინც შეგნებულად უბრალოდ ცხოვრობს გაელვებიდან გაელვებამდე; ვინც პირდაპირ ლებულობს ყველაფერს, რასაც ცხოვრება იძლევა. იგი მოგზაურობს და არ არის მეზობელი. თუ ეს შეიგნეთ, იესოს სიტყვებსაც ადვილად ჩასწვდებით.

**„ადამიანს არ ძალუძს ორი ცხენის მოთოკვა
და ორი მშვილდის მოზიდვა ერთდროულად.
ადამიანს არ ძალუძს, ორ ბატონს ემსახუროს,
რამეთუ ერთს თუ მიაგებს პატივს,
მეორეს გაანაწყენებს...”**

ჩვეულებრივ, ეს ასე შეიძლება გავიგოთ: „ამოირჩიე ერთი ბატონი, ნუ ამოირჩევ ორს, მაგრამ თუ არჩევანს აკეთებთ, მთლიანობას კარგავთ. მთავარი ის არ არის, რომ ორ ოსტატს შორის ერთ-ერთი ამოირჩიოთ, რადგან მაინც მონად დარჩებით. მხოლოდ არჩევნის უქონლობა მოგანიჭებთ თავისუფლებას, ამ დროს ძალდატანება თავისთავად გმორდებათ და თქვენ თვითონ ხდებით ოსტატი”.

ინდოეთში სანიასინს ვუწოდებთ „სვამს”, რაც ნიშნავს თავისი თავის ოსტატს, რომელმაც უკვე უკუაგდო არჩევანი და აღარ ცნობს ბატონს. ასეთ პიროვნებას ეგოისტური გაგება არ ექნება. თუ ირჩევთ ურთიერსაწინააღმდეგოდან რომელიმეს, თქვენ ხდებით მსხვერპლი და წინააღმდეგობებში გაორებული რჩებით.

სანიასინი ამ ცხოვრებას არც ეწინააღმდეგება და არც ემხრობა. იგი საერთოდ არ არის არანაირ წინააღმდეგობაში. ის, უბრალოდ, არსებობს მეგობრებისა და მტრების გარეშე.

ძენის ერთი ბერი დილით ადრე მარტოდმარტო იდგა მთის წვერზე მდუმარედ. იქვე ახლოს სასეირნოდ გამოსულმა სამმა კაცმა ჩაიარა. მათ ბერი რომ დაინახეს, სამივეს სხვადასხვა აზრმა გაუელვა თავში.

ერთმა თქვა: „მე ვიცნობ ამ ბერს, ოდესღაც მან ძროხა დაკარგა და ამ სიმაღლიდან ეძებს მას“.

მეორემ აღნიშნა: „მისი დგომის ფორმის მიხედვით თუ ვიმსჯელებთ, სულაც არა ჰგავს რამის მძებნელ ადამიანს. ვფიქრობ, მეგობარს ელოდება, რომელიც სეირნობისას ჩამორჩა მას“.

მესამემ კი განაცხადა: „მიზეზი არც ეს უნდა იყოს. როცა კაცი ვინმეს ელოდება, ზოგჯერ მაინც იხედება უკან, რათა ნახოს მოდის თუ არა იგი. ეს ბერი კი საერთოდ არ ინძრევა, არც უკან იყურება. ის არავის არ ელოდება. ჩემი აზრით, იგი ლოცულობს ან მედიტაციაშია...“

მათი აზრები იმდენად განსხვავებული იყო, რომ აღელვებულებმა გადაწყვიტეს, თვით ბერისთვის ეკითხათ მისი მთაზე დგომის მიზეზი. მთის წვერზე ასვლა არ იყო იოლი საქმე, მაგრამ შეუწყვნენ გზას. როცა მწვერვალამდე მიაღწიეს, პირველმა კაცმა ჰკითხა ბერს: „ვიცი, რომ თქვენ ოდესღაც ძროხა დაკარგეთ. ახლა მას ეძებთ?“

ბერმა თვალი გაახილა და უპასუხა: „მე არაფერი გამაჩნია, ამიტომ ვერაფერს დავკარგავდი, არც ძროხის კვალს ვათვალიერებ აქედან და საერთოდ, არაფერს არ ვეძებ“.

მეორემ უთხრა: „მაშ, ჩემი აზრი ყოფილა მართალი. თქვენ მეგობარს ელოდებით, რომელიც სეირნობისას ჩამოგრჩათ“. ბერმა მიუგო: „მე არც მტერი მყავს და არც მეგობარი. როგორ

შეიძლება, ვინმეს ველოდებოდე? მე მარტოდმარტო ვარ და ამიტომ არავინ არ ჩამორჩენია”.

მაშინ მესამემ თქვა: „მე ვყოფილვარ მართალი. ჩემი აზრით, თქვენ ლოცულობთ ან მედიტაციას ატარებთ”.

ბერმა გაიცინა და უთხრა: „შენ ყველაზე ბრიყვი ყოფილხარ, რადგან მე არავის ვიცნობ. ჰოდა, ვისზე ვილოცებ? ამავე დროს, არ გამაჩნია რაიმე მისალნევი ობიექტი, როგორ შემიძლია, მედიტაციები ჩავატარო?”

მაშინ სამივემ ერთდროულად ჰკითხა: „მაშ, რას აკეთებთ?”

ბერმა უპასუხა: „უბრალოდ ვდგავარ. არაფერს არ ვაკეთებ”.

სწორედ ეს არის მედიტაცია: უბრალოდ ყოფნა! თქვენ ხართ თავისუფალი. თავისუფალი მეგობრებისგან და მტრებისგან, ამქვეყნიერებისგან და იმქვეყნიერებისგანაც, მატერიისგანაც და სულისგანაც. თავისუფალი ხართ ყოველგვარი დაუფლებისგან, ყველა არჩევანისა და ყველა გაყოფისგან. მაშინ თქვენთვის შეუძლებელი მოცილებულია და თქვენ ხდებით ბუნებრივი, ხდებით დაო. დინებას მიჰყვებით.

როდესაც ყოველგვარი ძალდატანება ქრება, შფოთვისაც ელება ბოლო და აღარ იტანჯებით, ხოლო ტანჯვის დამთავრებასთან ერთად გეუფლებათ ნეტარება. თქვენ სიცარიელე უნდა შექმნათ. კარი უნდა გააღოთ. ხის სხივები თავისით შემოვა თქვენში და აგავსებთ. ისეთნი, როგორც ამჟამად ხართ, მშფოთვარენი, ორი ცხენის მოთოკვითა და ორი მშვილდის მოზიდვით გაორებული და მოქანცულები, თქვენ ხართ შიზოფრენიულები და ავადმყოფები, თქვენ ორჭოფობთ ან, უკეთეს შემ-

თხვევაში, მიდიხართ კომპრომისზე და ხდებით „ნორმალური“ ნევროსტენიკები.

ასეთი პიროვნება როგორღაც უმკლავდება საკუთარ სამუშაოს, მისი ნევროზი არ მჟღავნდება. იგი ახერხებს მოქალაქეობრიობის დადგენილ ნორმებში ყოფნას, მაგრამ ასეთ პიროვნებას ღირებულება არ გააჩნია! თუნდაც სამაგალითო მოქალაქე იყოთ, თქვენ ვერ განიცდით ვერანაირ ექსტაზს. თქვენ დადარდნიანდებით და რასაც არ უნდა მიაღწიოთ ამ ცხოვრებაში, სანაცვლოდ უფრო მეტ სევდას მიიღებთ. შეხედეთ წარჩინებულ ადამიანებს, ნახავთ, რომ ისინი უფრო სევდიანები არიან, რადგან მათი იმედები დაკარგულია, ვიდრე ისინი, ვისაც არც ფული გააჩნიათ და არც წარმატებისათვის მიუღწევიათ.

ერთხელ დანაღვლიანებულ მოლა ნასრედინს ბაზარში მეგობარი შეხვდა, რომელმაც ჰკითხა: „რა მოხდა? რატომ ხარ დაღვრემილი?“

ნასრედინმა უპასუხა: „ნუ მკითხავ, ისეთი სევდა მანვალებს და ისე ვარ დათრგუნული, რომ შეიძლება, ავტირდე კიდეც“... მეგობარი ჩააცვივდა: „რაშია საქმე? ბევრი განსაცდელი გადაგიტანია ცხოვრებაში, მაგრამ ასეთი დარდიანი არასოდეს მინახავხარ. რა მოხდა?“

„ორი კვირის წინათ ბიძა გარდამეცვალა და ასი ათასი რუპია დამიტოვა,“ – უპასუხა ნასრედინმა.

მეგობარმა გაიკვირვა: „ნასრედინ, შენ რა, გაგიჟდი? ბიძამ ამდენი ფული რომ დაგიტოვა, უნდა გიხაროდეს“.

ნასრედინმა მიუგო: „კი, ეს ასეა, მაგრამ გასულ კვირას მეორე ბიძაც გარდამეცვალა, რომელმაც ორასი ათასი რუპია დამიტოვა“.

მეგობარმა უთხრა: „მაშინ მართლა მთლად შეშლილხარ ჭკუიდან. შენ უბედნიერესი და უმდიდრესი კაცი ყოფილხარ ამ ქალაქში, ცხვირ-პირი კი ჩამოგტირის“.

„კი, ეს ყველაფერი კარგად ვიცი, – უთხრა ნასრედინმა, – მაგრამ მე აღარა მყვანან ბიძები და ამან დამამწუხრა“.

აი, რა ხდება, როცა ადამიანი წარმატებას აღწევს. როგორც კი აღარ გყავს ბიძები, მაშინვე უეცრად ქრება იმედიც. გასაჭირში მყოფი კაცი იმედს არ კარგავს, რადგან ჯერ კიდევ არსებობს დახმარების შესაძლებლობა, ჯერ კიდევ არიან ბიძები. მეტი წარმატება მეტი ფორიაქია. წარმატება თქვენს ნევროზს წარმოაჩენს და თქვენს შიზოფრენიას გამოამჟღავნებს.

აი, რატომაა ამერიკაში ყველაზე მეტი შიზოფრენიით დაავადებული და გიჟი რომ გვხვდება. შეერთებულმა შტატებმა ხომ უდიდეს წარმატებებს მიაღწია ამა თუ იმ სფეროში.

ღარიბ და ჩამორჩენილ ქვეყნებში კი გიჟები ცოტანი არიან. ხალხს კიდევ შეუძლიათ, იქონიონ იმედი. ხოლო, როდესაც ჯერ კიდევ შემორჩენილი გაქვთ იმედი, თქვენ გარბიხართ. როცა მიზანი მიღწეულია, ჩერდებით და დგება წუთი, როცა საკუთარ თავს უნდა შეხედოთ, უნდა გაიაზროთ, რა მომართული მანქანა შექმენით თქვენში და უეცრად იშლებით ჭკუიდან. თქვენ უკვე შეშლილნი ხართ, მაგრამ ეს მხოლოდ მაშინ ვლინდება, როცა წარმატებას აღწევთ. უკვე აღარაფერი გრჩებათ საოცნებო და თქვენ საკუთარ თავს ეჯახებით.

თქვენთვის, როგორც ახლა ხართ, ნეტარება შეუძლებელია. მხოლოდ მისი იმედი შეგიძლიათ იქონიოთ და აიტანოთ ყოველგვარი ტკივილი და ტანჯვა, რომელსაც საკუთარ თავს აყენებთ.

ნეტარება შესაძლებელია. ნეტარნი გახდნენ იესო და ბუდა. თქვენც გაქვთ ამის შესაძლებლობა, მაგრამ ამისთვის შეუძლებელი უნდა მიატოვოთ. იფიქრეთ ბუნებრივსა და შესაძლებელზე. ნუ იფიქრებთ რთულსა და შეუძლებელზე. „ეგო“ ყოველთვის იმის კეთებას გაიძულებთ, რაც შეუძლებელია. ეს ჩავარდნაა და ასეც უნდა იყოს. „ეგოს“ უყვარს შეუძლებელთან შეჭიდება და თქვენ ამ დროს თავს „პიროვნებად“ გრძნობთ. როცა შეუძლებელი მიზნის პირდაპირ დგებით, მებრძოლნი ხდებით. რელიგია კი უბრალოა, მსუბუქი და ბუნებრივი. იგი საერთოდ არ არის ცხენით რბოლა! რელიგია დილის გასეირნებაა, არა რაიმე განსაკუთრებულის კეთება, არა სადმე წასვლა, არამედ უბრალოდ სეირნობა და ტკბობა ამომავალი მზით, ჩიტების ჭიკჭიკით და სუფთა ჰაერით. იგი ტკბობაა საკუთარი ყოფიერებით!

1974 წლის 30 აგვისტო

პუნა, იჯდოეთი

საუბარი მეთერთმეტე

მეთერთმეტე შეგონება

იესომ თქვა:

– მაღალ მთაზე აშენებული და გამაგრებული ქალაქი არ დაეცემა და არც დაიმალება.

(თომა, 37)

იესომ თქვა:

– რასაც მოისმენთ საკუთარი ყურით, გულისყურით იქადაგეთ საკუთარი სახლის სახურავიდან, რადგან ანთებულ ლამპარს არავინ დგამს ჭურჭლის ქვეშ, არამედ – სალამპრეზე ისე, რომ მომსვლელსაც და წამსვლელსაც უნათებდეს.

(თომა, 38)

იესომ თქვა:

– ბრმას თუ ბრმა მიუძღვის, ორივე ორმოში ჩავარდება.

(თომა, 39)

მთელი კაცობრიობის პრობლემა წარმავალსა და მარადიულს შორის არჩევანში მდგომარეობს. თუ ირჩევთ, წუთიერს, სახლს ქვიშაზე იშენებთ. თუ მარადიულს ირჩევთ, თქვენ რაღაცას უკვე მიაღწიეთ და ის მუდამ გაგრძელდება. მასზე მცირე

აღარ დაგაკმაყოფილებთ, პირიქით, იგი უფრო დაგამშევთ და მოგაწყურებთ.

ეს იმის მსგავსია, ვინმემ ცხიმი რომ შეაგდოს ცეცხლში იმ იმედით, რომ უკანვე გამოიღებს. ცხიმი ცეცხლის სანვავად იქცევა. ცეცხლი ძლიერდება და ცხიმს შთანთქავს. ნუთიერი მოთხოვნილებები, როგორც ცხიმი ცეცხლს, ისევე აძლიერებს თქვენს სურვილებს და ალაგზნებს თქვენს გონებას. ნუთიერი ვნებები თქვენი ტვინის საკვებია, მაგრამ თქვენი საბოლოო დაკმაყოფილება და დარწყულება მხოლოდ მარადიულს ძალუძს. სხვა გზა არ არსებობს.

მე გეუბნებით: „**თუ ირჩევთ მარადიულს, მხოლოდ მაშინ იშენებთ სახლს კლდოვანი მთის წვერზე, რომელიც სახლის საფუძველს გაამაგრებს და თქვენი ძალისხმევა უქმად არ დაიკარგება**“. მარადიულის არჩევა არ ხდება. თუ არჩევანს აკეთებთ, ირჩევთ ნუთიერს, რადგან არჩევანი ნუთიერია. მაშ, რა მაქვს მხედველობაში, როცა მოგიწოდებთ მარადიულის არჩევას? მე შემდეგ ვგულისხმობ: თუ შეგიძლიათ გაიგოთ ნუთიერის უნაყოფობა, რომ მეორე ნუთში მოგწყურდებათ და ის ვერ მოგიკლავთ წყურვილს, ნუთიერი უსარგებლო ხდება. თქვენ უბრალოდ ხვდებით მის უაზრობას, იგი თავისით უკუიგდება და რჩება მარადიული, მარადიულის არჩევა არასოდეს არ ხდება.

ნუთიერის გაქრობის შემთხვევაში თქვენს ცხოვრებაში შემოდის მარადიული, მაგრამ ამისათვის ნუთიერი აბსოლუტურად უნაყოფო და უაზრო უნდა გახდეს. თქვენი ნარუმატებლობა ნუთიერთან ყოვლისმომცველი უნდა იყოს.

„ნეტარ არიან უიღბლონი ამქვეყნიურ ცხოვრებაში“. ეს ნეტარება აუცილებლად უნდა მიემატოს იესოს სხვა ნეტარებათა რიგს.

იყავით უიღბლონი მიწიერ ცხოვრებაში! თქვენ კი პირდაპირ ამის საწინააღმდეგოს აკეთებთ, ცდილობთ წარმატების მიღწევას. ამქვეყნიურ ცხოვრებაში მიღწეული წარმატება იქნება ყველაზე ჭეშმარიტი წარუმატებლობა, რადგან თქვენ დარჩებით წუთიერთან. ამქვეყნიურ ცხოვრებაში ჯერ არავის მოუპოვებია ჭეშმარიტი წარმატება, რამეთუ წუთიერთ ვერაფერს შეწვდება კაცი. როგორ შეიძლება წარმატების მოპოვება წუთიერთ, რომელიც ქრება? როგორ ააშენებთ სახლს იმაზე, რაც თვალის დახამხამებაში მიდის, რაც წყვეტს არსებობას? იმ დროს, როცა სახლი მზადაა, წამი გასულია.

აი, რატომ გემსხვრევათ ყოველ წუთში იმედები, მაგრამ ისევ თავიდან იწყებთ. თქვენ ვერც გრძნობთ ამას. არ იჩინთ სიფხიზლეს საკუთარი მოქმედებისადმი და გამოდის, რომ არაფერი გისწავლიათ განვლილი ცხოვრებისგან, არანაირი გამოცდილება არ მიგიღიათ და ისევ უვიცი რჩებით.

შესაძლოა, ძალიან განათლებული ბრძანდებით და იცით, როგორ უნდა ააშენოთ სახლი. შესაძლოა, ხართ ინჟინერი ან არქიტექტორი, მაგრამ არ გაგიზიარებიათ სხვათა გამოცდილება იმის თაობაზე, რომ ქვიშაზე შეუძლებელია სახლის აშენება. ეს არის პირველი, რასაც იესო ამბობს.

მისი თქმით: **„მაღალ მთაზე აშენებული და გამაგრებული ქალაქი არ დაეცემა და არც დაიფარება“**.

ამ სიტყვებში ბევრი რამ არის ჩაქსოვილი.

პირველი – „მაღალ მთაზე აშენებული ქალაქი.“ თქვენ ყოველთვის ბარში საქმიანობთ. ბარი და მთა სიმბოლოებია და პირველ „ბნელ ღამეს“, მეორე „უფრო გონიერს, უფრო შეგნებულს“ ნიშნავს, რამეთუ რაც უფრო მაღალი შეგნება გაქვთ, მით უფრო ზემოთ ადიხართ.

როდესაც თქვენ სრული შეგნება გააჩნიათ, ევერესტზე იმყოფებით. აი, რატომ ამბობენ ინდუსები, რომ შივა ყველაზე მაღალ მთაზე, გაურიშანკარზე ცხოვრობს – შივა უმაღლესი ცნობიერება და სრულყოფილი გონებაა. მხოლოდ სრულყოფილი გონება ცხოვრობს გაურიშანკარზე.

როდესაც უგონოდ ხართ, თქვენ ბნელ ხეობაში იმყოფებით. თქვენი ღამე და ძილი ხეობაა. ეს არსებობის ყველაზე დაბალი წერტილია. როდესაც იწყებთ შეცნობას, ეს მწვერვალისკენ მოძრაობის დასაწყისია. კიბის ყველაზე ქვედა საფეხურზე მინერალებია, რომელთაც სრულიად არ გააჩნიათ გონი, მაგრამ არ არიან უსულონი. ისინი იბადებიან, იზრდებიან, ბერდებიან და კვდებიან. გადიან ყველა იმ ფაზას, რომელსაც გადის ადამიანი, მაგრამ მათ არ გააჩნიათ შეგნება.

ზოგჯერ თქვენ იმ მინერალებივით და ქვებივით ხართ როდესაც გძინავთ, რა განსხვავებაა თქვენ შორის? თუ არ გააჩნიათ შეგნების ნაპერწკალი, რითი განსხვავდებით ქვისაგან? თქვენ დაეცით!

ძილის დროს თქვენ იმყოფებით ხეობაში. „ცოდვილია“ ის, ვინც საღათას ძილშია. „წმიდანი“ კი ის არის, ვინც ძილშიც ფხიზლადაა. კრიშნა არჯუნას ეუბნება: **„როდესაც ყველას სძინავს, იგი მაშინაც კი ფხიზლობს. როცა თითოეული ოცნებობს, იოგი მაშინაც ფხიზელია“**. იოგი არასოდეს მიეცემა ძილს მთე-

ლი არსებით. მასში ყოველთვის ფხიზლობს მაკონტროლებელი ნერტილი. ძილში თქვენ დაბლობში დააბიჯებთ, ხოლო შეგნებულნი მთის ბილიკს მიუყვებით.

როცა თქვენი არსების არც ერთ ნერტილს არ სძინავს და თქვენში არ რჩება არაცნობიერი ნაწილი, მაშინ მთელი თქვენი ცნობიერება განათდება, თქვენ აღივსებით სინათლით და ეს უმაღლესი პიკი იქნება.

ასეთი სიმბოლური მნიშვნელობა აქვს სიტყვებს: **„მაღალ მთაზე აშენებული ქალაქი...“**

თქვენ ქალაქებსა და სახლებს ხეობაში აშენებთ. თვით ჩვეულებრივი ძილიც კი არ გაკმაყოფილებთ და ეძებთ ნარკოტიკებს, რათა უფრო ღრმად დაიძინოთ, ეძებთ ჰიპნოზის სხვადასხვა მეთოდს, რომ საკუთარი ცნობიერება უფრო გათიშოთ, ვინაიდან შეცნობის პროცესი მტკივნეულია და მტანჯველი. რატომ უნდა იყოს ასე? იესო და ბუდა ხომ ამბობენ, რომ ეს უდიდესი ნეტარებაა? თქვენთვის კი მტკივნეულია. რატომ?

იმიტომ, რომ თქვენი არსების მხოლოდ ერთი პროცენტი გახდა შეგნებული, 99% კი მძინარე რჩება. თქვენი ერთი პროცენტი, ხედავს რა გარშემო ქაოსს, იტანჯება; ხედავს, რომ დანარჩენი 99% სიგიჟის მდგომარეობაშია და ტკივილს განიცდის. იწყებს ალკოჰოლის, ნარკოტიკის, მარიხუანას ან რაღაც მსგავსის, სექსის, მუსიკის, მანტრის ძებნას, რომ მათი საშუალებით ავტოჰიპნოზი გამოიწვიოს. მერე ერთი პროცენტიც მთლიანის ნაწილი ხდება. მაშინ აღარ ნუხხართ, რამეთუ თქვენში აღარ არის ფხიზელი და შეგნებული ნაწილი, ვინც იცის და ხედავს. ყოველგვარი პრობლემაც ქრება.

ეს ყველაფერი სირაქლემის ლოგიკას ნააგავს. სირაქლემა რაიმე საფრთხის მოახლოებისას თავს ქვიშაში მალავს. ის ფიქრობს, თუ ვერაფერს ვერ დაინახავს, ე. ი. საფრთხე არც არსებობს. სირაქლემასავით აზროვნებენ ათეისტებიც. ისინი ამბობენ: „თუ ჩვენ ვერ ვხედავთ ღმერთს, როგორ შეიძლება ღმერთი არსებობდეს?“. თქვენთვის რაღაც არსებობს მხოლოდ იმ შემთხვევაში, თუ თვალით აღიქვამთ.

ქვიშაში თავის წაყოფისას სირაქლემას ყოველგვარი შიში უქრება, მაგრამ მტერი არ ცნობს თქვენს ლოგიკას. როცა თვალები დახუჭული გაქვთ, მტრის ხელში თქვენ სათამაშოდ იქცევით, რასაც თავიდანვე უნყობთ ხელს. შეგეძლოთ გაქცეულიყავით, მაგრამ ჩერდებით, რადგან ფიქრობთ, რომ მტერი აღარ არსებობს. შეიძლება ნუთიერად ბედნიერებიც იყოთ მაშინ, ამას რომ გაიფიქრებთ. ამიტომ იბინდავთ ნარკოტიკებით გონებასა და თქვენთვის აღარც მტერი არსებობს, აღარც იტანჯებით და აღარც პრობლემები განუხებთ, ნუხილისთვის ხომ ფხიზელი და შეგნებული ყოფნაა საჭირო. როცა თქვენი არსება მთლიანად შეგნებული გახდება, მაშინ მოვა ნეტარება, რადგან შეწყდება შინაგანი კონფლიქტი. ბუდა მართალია. თქვენი მხრივ, თქვენც მართალი ხართ, რამეთუ გამოცდილებამ გასწავლათ, რომ ცხოვრება წინააღმდეგობითაა სავსე. სიფხიზლეს ბევრი პრობლემა მოაქვს. ასე რომ, უკეთესია ხანგრძლივად ბურანში ყოფნა, რაც მთელი სიცოცხლე გრძელდება.

აი, რატომ იყენებთ სახლს არა მთის წვერზე, არამედ ხეობაში. ამისთვის კიდევ ერთი მიზეზი არსებობს. ჩვენ ჩვენს ქალაქს ვაშენებთ ისე, ისეთ წარმავალ, ნუთიერ და დროებით მდგომარეობაზე, რომ ვიდრე შენებას დავასრულებდეთ, უკვე ინგრევა

და ბოლოს ხელთ ნანგრევები გვრჩება. რატომ? თქვენ მხოლოდ იმის დანახვა შეგიძლიათ, რაც ყველაზე ახლოსაა. ხედავთ მხოლოდ ნუთიერ გაელვებას და ის ქრება. მას მოჰყვება მეორე და ასე შემდეგ. თქვენ ხედავთ ამ წარმავალ გაელვებას. თქვენ არ შეგიძლიათ მთლიანობის დანახვა. ასეთი ხედვისათვის სრულყოფილი გონებაა საჭირო. მისით შეგიძლიათ მთელი ცხოვრების, მთელი სამყაროს დანახვა.

ჯაინებს ეს აქვთ მხედველობაში, როცა ამბობენ, რომ გასხივოსნებულ მაჰავირს წარსულის, აწმყოსა და მომავლის ერთად დანახვა შეეძლო. გასხივოსნებული ადამიანი შეიცნობს ყოფიერების მთლიანობას და მხოლოდ ასეთ შემთხვევაში აშენდება გამაგრებული ქალაქი.

თქვენ არ იცით, რა ხდება მეორე ნაშში. რასაც არ უნდა აკეთებდეთ, შემდეგ გაელვებას შეუძლია მისი დანგრევა. თქვენი საქმიანობა ნუთიერზეა დამოკიდებული და არა მთლიანობაზე. მთლიანობა უარყოფს ნუთიერს, რადგან მისი თვალსაწიერიდან ეს უკანასკნელი უაზრობაა.

ერთ ჩინელ ოსტატს ამერიკელი მოწაფე ჰყავდა. როცა მოწაფე სამშობლოში ბრუნდებოდა, ოსტატმა მას მოჩუქურთმებული ხის პატარა ზარდახშა აჩუქა და უთხრა: „მომეცი ალექმა, რომ ყოველთვის შეასრულებ ერთ პირობას, იმ შემთხვევაშიც კი, სხვას რომ გადასცე ეს ზარდახშა, პირობა მაინც უნდა სრულდებოდეს.

მეც ვასრულებდი ამ პირობას. ეს უძველესი ნივთია და თაობიდან თაობას გადაეცემა”.

მოწაფე ყოველგვარი პირობის შესრულებაზე დათანხმდა. ოსტატმა უთხრა: „პირობა მარტივია – ზარდახშა პირით ყოველ-

თვის აღმოსავლეთისაკენ უნდა იდგეს. ასე სრულდებოდა ყოველთვის და შენც პატივი ეცი ამ ტრადიციას”.

როცა შინ დაბრუნებულმა მონაფემ ზარდახშა პირით აღმოსავლეთისაკენ დადგა, მიხვდა, რომ ძნელი პირობა ჰქონდა შესასრულებელი. სასტუმრო ოთახში საერთო მონყობილობა არ ეხამებოდა აღმოსავლეთისკენ მიტრიალებულ ზარდახშას, ამიტომ მონაფეს სასტუმრო ოთახში ყველაფერი უნდა შეეცვალა. ასეც მოიქცა, შემდეგ კი ულამაზო გახდა მთელი სახლი. მონაფეს მთელი ბინის გადაკეთება დასჭირდა. ამის შემდეგ შეუსაბამო გამოჩნდა ბალი. მონაფემ ოსტატს მისწერა: „ეს ზარდახშა საშიშია! მე მთელი სამყაროს გადაკეთება მომიწევს. ახლა თუ ბალს შევცვლი, შემდეგ საჭირო გახდება მეზობლებთან ყველაფრის შეცვლა და ა. შ...” მონაფე მგძნობიარე ადამიანი იყო და ამიტომ წინასწარ დაინახა შემდგომი სირთულეები.

თუ წუთიერ გრძნობაზე აგებთ ცხოვრებას, მთლიანობაში რთულ მდგომარეობაში აყენებთ საკუთარ თავს, რადგან წუთიერი არასოდეს გამოიღევა და არასოდეს იქნება ჰარმონიული. მასში ესა თუ ის მონაკვეთი ყოველთვის არასრულყოფილი იქნება. მთლიანობა უნდა დაინახოთ მანამდე, სანამ ქალაქის შენებას დაიწყებთ. მხოლოდ მთლიანობაში იქნება თქვენი ცხოვრება ჰარმონიული, ის იქცევა მელოდიად. სხვაგვარად ყოველთვის გაუცხოვებული და ექსცენტრული დარჩებით.

„ექსცენტრული“ ცენტრის გარეთ მყოფს, ცენტრდაკარგულს ნიშნავს. რატომაა ყოველი ადამიანი ექსცენტრული? ცენტრის გარეთ, ფოკუსის გარეთ ცხოვრებასთან ნაბიჯშეუწყობელი? იმიტომ, რომ თითოეული ცდილობს ცხოვრება წუთიერის შესატყვისად მოაწყოს, წუთი კი მთელი არ არის, წუთი

ფრაგმენტია, მარადისობის პატარა და ტრივიალური ფრაგმენტი. როგორ შეეგუებით მარადისობას, თუ ცხოვრებას ნუთიერის შესაბამისად აშენებთ?

აი, რატომ ამბობს იესო: ააშენეთ და მოაწყეთ ცხოვრება მთლიანობის, მარადიულისა და არა ნუთიერის შესაბამისად.

„მაღალ მთაზე აშენებული და გამაგრებული ქალაქი არ დაეცემა და არც დაიმალება“.

თქვენი ქალაქი კი ყოველთვის ნანგრევებში იქნება. ეს ასეა! არ არის საჭირო, ამის შესახებ იესოს ჰკითხოთ. უბრალოდ, შეხედეთ საკუთარ ცხოვრებას. თქვენ მასში მხოლოდ ნანგრევებს აღმოაჩენთ. ეს თვითონ თქვენა ხართ დანგრეული ქალაქი. აი, რა შედეგი მოაქვს ნუთიერის არჩევას. უყურეთ მარადიულს დროის შეგრძნების გარეშე!

როგორ შეიძლება მოიპოვოთ ასეთი ხედვა? რაც უფრო მაღალია თქვენი შეგნება, მით უფრო მეტის დანახვა შეგიძლიათ და პირიქით, რაც უფრო დაბალია შეგნება, უფრო სუსტია ხედვა. გადით ქუჩაში, დადექით რომელიმე ხესთან და გაიხედეთ პირდაპირ. დაინახავთ ქუჩის უახლოეს კუთხეს, შემდეგ – მოსახვევს და ხედვა წყდება. ადით ხეზე და იქიდან გახედეთ არემარეს. ხედვის შესაძლებლობა გაიზრდება. გადმოიხედეთ თვითმფრინავიდან, ჩიტის ფრენის სიმაღლიდან მთელი ქალაქი ხელისგულზე გადაგეშლება. რაც უფრო ზემოთ ახვალთ, თქვენი ხედვის არეალი უფრო გაიზრდება.

შემეცნების კიბეს გააჩნია საფეხურები. თუ თქვენ იმყოფებით საკუთარი შემეცნების მწვერვალზე, გადმოიხედეთ იქიდან და თქვენ წინაშე მარადიულობა გადაიშლება. დაკვირვებისხართ ისეთ შემთხვევას, როცა ხის ქვეშ დგახართ, გასცქერით აღმო-

სავლეთს და ვერაფერს ხედავთ? ვილაც ხის კენწეროზე ზის და გეუბნებათ: „მე ვხედავ, რომ შორიახლოს ხარებს აბამენ“. თქვენ პასუხობთ: „სად არის ხარები?“ ხარების შებმა თქვენთვის მომავალშია, ხის კენწეროზე მჯდარისათვის კი – ანმყოში.

ნუ იფიქრებთ, რომ ანმყო ყველასთვის ერთია. თქვენი ანმყო თქვენთვის არის შემოფარგლული და იგი ვერ იქნება ჩემი ანმყო. ჩემი ანმყო ჩემთვისაა შემოფარგლული და თქვენთვის ვერ იქნება. ის დამოკიდებულია შემეცნების კიბის საფეხურზე.

იესოსთვის ყოველთვის ანმყოა, რადგან მისთვის არ არსებობს მომავალი. ბუდასთვისაც ყოველთვის ანმყოა, მისთვის არც წარსული არსებობს და არც მომავალი, რამეთუ სრულყოფილი ხედვა გააჩნია. შემეცნების უმაღლესი პიკიდან ყველაფერი მოჩანს. არაფერი არ არის წარსულსა და მომავალში – ყველაფერი აქ არის და ყველაფერი ახლა არის!

მომავალი თქვენი შეზღუდული ხედვის გამო არსებობს. ის, რაც უკვე გამოვიდა თვალთახედვიდან, წარსულად იქცა. ის, რაც ჯერ არ შემოსულა თქვენს თვალთახედვაში, მომავალია, მაგრამ თავისთავად ყველაფერი მარადიულია.

დრო თქვენი გამოგონებაა, რადგან ხეობაში ცხოვრობთ. კაცობრიობის ყველა ტრადიციული მოძღვრება ამტკიცებს, რომ როცა ექსტაზში, ღრმა მედიტაციაში შედიხართ, დროის შეგრძნება ქრება. რა იგულისხმება ამაში? ის, რომ დროის დაყოფა წარსულად, ანმყოდ და მომავლად ქრება, არის არსებობა, მაგრამ გაყოფის გარეშე, დროის გარეშე.

ნუ აგებთ ქალაქს წუთიერზე, თორემ მუდამ დაგენგრევათ, რადგან ანმყო ხელიდან გისხლტებათ და წარსულად იქცევა. რატომ ვამბობ, თითქოს ქალაქი მანამ დაინგრევა, ვიდრე აშენდე-

ბოდეს? იმიტომ, რომ შენების დროს გაელვება უკვე წარსულად იქცევა და ხელიდან გისხლტებათ. იგი უკვე დაკარგულია. დედამინა გამუდმებით მოძრაობს თქვენს ფეხქვეშ.

„მაღალ მთაზე აშენებული და გამაგრებული ქალაქი...“

რატომ იყენებს იესო სიტყვა „გამაგრებულს?“ ასეთები, როგორებიც ხეობაში იმყოფებით, მუდამ შიშსა და საფრთხეში ხართ. ხეობა სავსეა მოჩვენებებით, აჩრდილებით, მტრებითა და სიძულვილით.

გიამბობთ ერთ იგავს. ოთახის ბუზმა სუპერმარკეტში გაიფრინა. ერთ-ერთ ვიტრინაში ინსექტიციდები იყო გამოფენილი. ბუზმა დიდი წითელი ასოებით დაწერილი რეკლამა წაიკითხა: „ახალი აეროზოლი. იძლევა ბუნების სწრაფი განადგურების გარანტიას“. ბუზი გაფრინდა და გულში იმეორებდა: „მსოფლიოში ძალიან ბევრი სიძულვილია“.

თქვენ ხეობის სამყაროში ცხოვრობთ. იქ ყველაფერი იმის გარანტიას იძლევა, რომ მალე მოკვდებით. თქვენ სიკვდილის ხეობაში ცხოვრობთ და იქ მხოლოდ სიკვდილია გარანტირებული.

დაკვირვებხართ, რომ ცხოვრებაში, სიკვდილის გარდა, არაფერში არ ხართ დარწმუნებულნი?

თქვენს ცხოვრებაში ბევრი რამ შეიძლება მოხდეს, მაგრამ ერთადერთი, რისი გარანტიაც გაქვთ, ეს არის სიკვდილი. ყველაზე მეტი, რაც ამ დაბლობში შეიძლება იცოდეთ, არის ის, რომ მოკვდებით. ეს ნამდვილად ასეა! დანარჩენი რამ შეიძლება მოხდეს, შეიძლება არც მოხდეს. დანარჩენი არაზუსტია.

რა არის ის ცხოვრება, რომელშიც მხოლოდ სიკვდილია გარანტირებული? მაგრამ ასეა, ვინაიდან ბნელში მხოლოდ სიკვ-

ვდილს შეუძლია არსებობა. გაუცნობიერებლობა გზაა სიკვდილისაკენ. თუ სურვილი გაქვთ, იყოთ შეუგნებელი, ე.ი. გსურთ სიკვდილი, თქვენში ღრმად გაუდგამს ფესვი სიკვდილისაკენ მისწრაფებას, თორემ სხვა შემთხვევაში დაუყოვნებლივ მწვერვალებისაკენ გაემურებოდით.

ფროიდი სიცოცხლის ბოლო წლებში წააწყდა ერთ მეტად სიღრმისეულ გამოვლინებას, რომელსაც „ტანატოსი“ (სწრაფვა სიკვდილისაკენ) უწოდა. იგი მთელი ცხოვრება ფიქრობდა „ლიბიდოზე“ – თეორიაზე, რომელიც ამტკიცებდა, რომ ადამიანის არსებობა სიცოცხლისაკენ სწრაფვაა. მაგრამ, რაც უფრო მეტად უღრმავდებოდა ამ თეორიას, უფრო მეტად ეუფლებოდა დაუკმაყოფილებლობის გრძნობა. რაც უფრო მეტად ესმოდა, რა იყო სიცოცხლისკენ სწრაფვა, უკეთ ხვდებოდა, რომ სულის სიღრმეში ეს სიკვდილისკენ სწრაფვა იყო. ფროიდს ძალიან უჭირდა, რადგან ის იყო სწორხაზოვანი, ცალმხრივი მოაზროვნე, ლოგიკოსი და არისტოტელეს მიმდევარი. ძალიან წინააღმდეგობრივი ჩანდა ის, რომ „ლიბიდოს“ სიცოცხლის წყურვილის უკან სიკვდილისაკენ სწრაფვა – „ტანატოსი“ იდგა. ფროიდი ამის გამო გულგატეხილი იყო, მაგრამ სწორედ ამის შესახებ ლაპარაკობდნენ იესო და ბუდა, რომ იმდენად უსარგებლოა თქვენი ყოფა, იმდენად ამაოა და იმედგაცრუებით სავსე მთელი თქვენი ცხოვრება, რომ მხოლოდ სიკვდილს ისურვებდით.

როგორც კი შეუგნებლები ხდებით, მაშინვე სიკვდილის სურვილი გიჩნდებათ, რადგან უგონობა დროებითი სიკვდილია. ძილის გარეშე რამდენიმე დღესაც კი ვერ გაძლებთ, რადგან ძილიც დროებითი სიკვდილის სახეობაა. ძილი ძალიან გჭირდე-

ბათ. ყოველდღე 8 საათით თუ არ მოკვდებით, მომდევნო დღის გასავლელად უძღური შეიქმნებით, რადგან მთელი თქვენი ცხოვრება ისეთი განამანია, რომ არსებობა სულაც არ არის თქვენთვის ნეტარება, მოჩვენებითაც კი არ გესახებათ ნეტარებად. ამიტომ რაშიც იხარჯებით, თავს იქ გრძნობთ ნეტარად. თუ პოლიტიკურ მოძრაობაში მონაწილეობთ, თუ შესძლებთ, გახდეთ ნაციისტი და ბრბოში დაიკარგოთ, თავს კარგად იგრძნობთ, ვინაიდან ეს სიკვდილია, თქვენ აღარა ხართ და არსებობს ბრბო.

აი, რატომ მიაღწევნენ ხოლმე დიქტატორები დიდ წარმატებას იმიტომ, რომ თქვენ გაქვთ სურვილი – მოკვდეთ. თვით მე-20 საუკუნეშიც კი დიქტატორები წარმატებას აღწევნენ იმის გამო, რომ ადვილი სიკვდილის შანსს გაძლევენ. აი, რატომ მიმდინარეობს ომები. სისხლისღვრა მანამდის იქნება, სანამ არ შეიცვლებით.

ადამიანები არ გარდასახავენ საკუთარ თავს. თქვენი სურვილიდან, რომ მოკვდეთ, გამომდინარეობს ომი. თქვენ გსურთ სხვისი მოკვლა და გინდათ, რომ თქვენც მოგკლან. ცხოვრება ისეთი მძიმე ტვირთია, რომ თქვენს მდგომარეობაში ერთადერთი გადაწყვეტილებაა თვითმკვლელობა. თუ აქამდე არ ჩაგიდენიათ ეს, არა მგონია იმის გამო იყოს, რომ სიცოცხლე ჭეშმარიტად გიყვართ, არა! უბრალოდ გეშინიათ! თქვენ არ გიყვართ სიცოცხლე, ვინაიდან ვისაც სიცოცხლე სწყურია, ის ყოველთვის სიმაღლეებს ესწრაფვის. რაც უფრო მაღალია პიკი, მით უფრო სრულყოფილია სიცოცხლე.

აი, რას გულისხმობს იესო, როცა ამბობს: **„მოდით ჩემთან და მე მოგცემთ სიცოცხლის წყაროს. მე თავად ვარ სიცოცხლე, დიადი სიცოცხლე. მოდით ჩემთან!“**

მაგრამ იესოსთან მისვლა ძალიან ძნელია, რადგან თქვენ ხომ უამრავი რამ ჩაიდინეთ ხეობაში, ცხოვრების ბნელ გზაზე და თქვენ ისე გეშინიათ სიცოცხლის, რომ ცდილობთ ძალიან სიცოცხლისუნარიანი არ იყოთ, თქვენ არსებობთ ცხოვრების მინიმუმით, არსებობთ როგორც ავტომატი, ყველაფერს მექანიკურ ნივთებად აქცევთ, რათა არ მოგიწიოთ მათზე ზრუნვა.

ომი და ძალადობა გრძელდება. ხალხი კვლავ ღვრის ერთმანეთის სისხლს. საყოველთაო ძალისხმევა იხარჯება იმ საშუალებების შექმნაზე, რომლებიც საყოველთაო თვითმკვლელობის იარაღად გადაიქცევა და ბოლოს და ბოლოს, ჩვენ მივაგენით ამას კიდევ. ეს არის წყალბადის ბომბი. რატომ მუშაობენ მეცნიერები გამანადგურებელი საშუალებების შექმნაზე?

ადამიანის ყველაზე დიდი სურვილია, რამენაირად მოკვდეს. ეს არ ხდება შეგნებულად, ვინაიდან შეგნებული მხოლოდ მაშინ ხდება, როცა ინყებთ საკუთარი თავის გარდასახვას. ხშირად გითქვამთ კიდევ: „უკეთესი იქნებოდა, ამ ქვეყანას რომ არ მოვლენოდით“.

ბერძენი ფილოსოფოსი ფილონი ამბობდა: „პირველი ნეტარებაა – საერთოდ არ დაიბადო, მეორე ნეტარებაა – რაც შეიძლება მალე მოკვდე“ და ამტკიცებდა, რომ არსებობს ეს ორადორი ნეტარება – პირველი, სულაც არ დაიბადო, მაგრამ ასეთი ბედნიერი არავინ არ არის. თითოეული ჩვენგანი უკვე დაიბადა; მხოლოდ მეორე ნეტარებაა ხელმისაწვდომი – რაც შეიძლება მალე მოკვდეს ადამიანი.

თვითონ ფილონმა 97 წელი იცოცხლა. მას ერთხელ ჰკითხეს: „რატომ არ მოიკალი თავი?“ მან მიუგო: „მე ვიტან ცხოვრებას,

რათა სხვებს გავაგებინო, რომ ერთადერთი გამოსავალი არის სიკვდილი”.

თვითმკვლელობა ღრმად ფესვგადგმული ინსტინქტია. როგორც კი გრძნობთ, რომ ცუდი რამ ხდება, თვითმკვლელობის ჩადენის სურვილი გებადებათ, გინდათ საკუთარი თავის განადგურება. რელიგიურია ის ადამიანი, ვინც ფხიზელი გახდა; ვინც ხედავს, რომ სიკვდილის სურვილი ღრმადაა დაფარული. საკუთარ სულში მეტი სინათლე უნდა შეიტანოთ, რათა იმ კუთხეს მიაგნოთ, სადაც სიკვდილი იმალება, რომელიც გამუდმებით გლრღნით. თქვენ უცებ კი არა, ათეული წლების განმავლობაში კვდებით. ის სიკვდილი სიცოცხლის დასასრულს არ მოდის. დაბადებისთანავე იწყება. ყოველი ამოსუნთქვა, ყოველი წამი სხვა არაფერია, თუ არა მუდმივი კვდომა. ის მთავრდება ათეული წლების შემდეგ, ვინაიდან ძალიან ძნელი პროცესია. მაგრამ თქვენ კვდებით და სულის სიღრმეში ელოდებით აღსასრულს – რაც უფრო მალე მოხდება, უკეთესია. თავი თუ არ მოიკალი, ეს იმის გამო, რომ ძალიან გეშინიათ შემდგომ რა მოხდება. ამიტომაც იძულებით იტანთ ცხოვრებას. კი არ ტკბებით სიცოცხლით, როგორც ღვთისაგან ბოძებული სიკეთით, არამედ უბრალოდ, იტანთ მას და უძლებთ, „მატარებლის“ მოლოდინში.

ერთხელ თომას ედისონი* მეგობრებთან ერთად სადილზე მიიწვიეს. ედისონი სიტყვაძუნწი იყო და საზოგადოებაში ყოველთვის ღელავდა. თავის ლაბორატორიაში მარტო მუშაობდა, მკვლევარი იყო და ყოველთვის აღიზიანებდა ადამიანთა გარემოცვა. სადილზე ბევრი ადამიანი იყო მოწვეული. ყველა ისე გაერთო ჭამითა და კამათით, რომ თომას ედისონმა გაპარვა გადწყვიტა.

ადგა და ნავიდა კარისკენ. სწორედ აქ შეაჩერა ის ერთ-ერთმა სტუმარმა და ჰკითხა: „მისტერ ედისონ, რაზე მუშაობთ ახლა?“

მან უპასუხა: „გამოსავალზე“.

ყველა გამოსავალს ეძებს და ამაშიც სიფხიზლე გამოიჩინეთ!

რატომ არ შეგიძლიათ, დატკბეთ ღვთისაგან ნაბოძები სიცოცხლით? თქვენ არ დაგიმსახურებიათ, არაფერი არ გაგიკეთებიათ, რათა ის მოგეპოვებინათ. სიცოცხლე ღვთის საჩუქარია.

რატომ არ გინდათ იყოთ ნეტარნი, მადლიერნი და დატკბეთ სიცოცხლით? შეგეძლოთ ცხოვრება მათრობელ ცეკვად გექციათ. აბა, რაშია პრობლემა? საქმე იმაშია, რომ ნეტარებით ტკბობა მხოლოდ მაღალი შეგნების ადამიანს ძალუძს. ხოლო ტანჯვისთვის სულაც არ არის საჭირო შეგნება. ტკივილის შესაგრძნობად საჭიროა მეტი სიბნელე, ნაკლები შეგნება; საჭიროა ღამე და არა დღე. მაგრამ რათა ნეტარება განიცადოთ, საჭიროა მეტი სიფხიზლე. თუ მწუხარე წმინდანს დაინახავთ, იცოდეთ, რომ ის არ არის ნამდვილი წმინდანი, ვინაიდან შეგნება ნეტარებასა და შინაგან ღიმილს ბადებს. შეგნება ამსგავსებს მოზრდილ ადამიანს ბავშვს. ასეთ პიროვნებას შეუძლია პეპლებს სდიოს და ბავშვივით წვრილმანებით გაიხაროს ისე, რომ ყოველივე საჩუქრად მიიღოს.

ნეტარი ადამიანისთვის ყველაფერი ღვთის ნაბოძებად იქცევა და იგი ყოველი წამის მადლობელია. მადლობელია იმის, რომ სუნთქავს. თუ წააწყდებით მწუხარე წმინდანს, იცოდეთ, რომ რაღაც არ არის წესრიგში – ის ძველებურად ხეობაში ცხოვ-

რობს და არ ისწრაფვის მწვერვალებისკენ, სხვაგვარად ის სინათლეს უნდა ასხივებდეს, ბრწყინავდეს და ბავშვურად ტკბებოდეს. უშფოთველი, უშიშარი და მტკიცე შეგნების უნდა იყოს.

რატომ გაძლიერებთ და განმტკიცებთ შეგნება? იმიტომ, რომ რაც უფრო შეგნებულები ხართ, უკეთესად იცით, რომ არ მოკვდებით, რომ სიკვდილი არ არსებობს. სიკვდილი მხოლოდ ბნელ ხეობაშია და თუ მტკიცენი ხართ სიკვდილის წინაშე, მაშინ ჭეშმარიტად ძლიერნი ხართ. რაც უფრო მაღალია თქვენი შეგნება, უფრო ზუსტად იცით, რომ ღვთიური და მარადიულია თქვენი არსებობა. ამჟამად თქვენ არ იცით, ვინა ხართ. ეს არის უმეცრების ხეობა, იქ მხოლოდ სიკვდილია, სხვა არაფერი და შიშით ცახცახებთ.

საკუთარ სულში შიშის მეტს ვერაფერს ნახავთ, ვინაიდან თქვენ გარშემო მხოლოდ სიკვდილია. ეს ბუნებრივია, რომ თქვენს სულში შიშია დაბუდებული. თუ მწვერვალებს ესწრაფვით, თქვენში სიყვარული გამეფდება. ხოლო გარშემო მარადისობა. არ იქნება შიში, რადგან შეუძლებელია თქვენი დანგრევა – თქვენ შეურყეველი ხართ და არასოდეს მოკვდებით. თქვენ მიალწნეთ უკვდავებას. ეს არის ის სიმაგრე, რის შესახებაც იესო ლაპარაკობს. მაგრამ გახსოვდეთ, უმაღლესის მიღწევა საფუძვლის გამაგრებით შეიძლება.

პარადოქსია, რომ ხეობაში ყოველთვის ძირს ეცემით, მწვერვალზე კი – არასოდეს. მაგრამ ვხედავთ, რომ ადამიანები ვარდებიან მწვერვალებიდან. ერთნი ბარად სეირნობენ, სხვანი მწვერვალიდან ცვივიან. ასე ხდება ცხოვრებაში! შინაგან სამყაროში კი მწვერვალიდან არავინ ვარდება, შინაგან მწვერვალზე ასულს ვერავინ წაგართმევთ იმას, რაც თქვენში აღზარდეთ.

იქიდან აღარასოდეს ჩამოვარდებით. ამის გარეშე კი თქვენი მითი დაჩრდილულია.

მწვერვალებიდან ცვივიან ადამიანები, მაგრამ თვით ეს მწვერვალები ხეობაშია. ისინი არაა ნამდვილი მწვერვალები. თუ დიდება გაქვთ, დარწმუნებული ბრძანდებოდეთ, რომ ადრე თუ გვიან სახელი გაგიტყდებათ. თუ ტახტზე ზიხართ, ადრე თუ გვიან იქიდან ჩამოგაგდებენ. ყოველივე ამქვეყნიური წარმავალია, მხოლოდ შინაგან სამყაროში მიღწეული იქნება მარადიული. მისი წართმევა შეუძლებელია. ცოდნა ვერსად გაგექცევთ. შეიძენთ რა ამას, ის თქვენს ნაწილად იქცევა. მას თქვენ ვერ დაეუფლებით. ის შემოვიდა თქვენს არსში, გახდა თქვენი ნაწილი. თქვენ უკვე აღარ შეგიძლიათ მისი არცოდნა. როგორც კი მიხვდებით, რომ უკვდავი ხართ, როგორღა შესძლებთ ამის არცოდნას? თქვენ ეს უკვე მთელი თქვენი შეგნებით და არსით იცით, ეს იქნება ჭეშმარიტი ცოდნა, ხოლო ის, რაც შეიძლება გაიზნეს, მეხსიერებაა მხოლოდ. რაც შეიძლება დაგავიწყდეთ, ის მხოლოდ მეხსიერებაა.

ცოდნის დავიწყება არ შეგიძლიათ. იგი თქვენს ნაწილად იქცა, თავად თქვენს არსად და არ გჭირდებათ მისი გახსენება. თქვენ მხოლოდ ის უნდა დაიმახსოვროთ, რაც თქვენს ნაწილს არ წარმოადგენს.

„მაღალ მთაზე აშენებული და გამაგრებული ქალაქი არ დაეცემა და არც დაიფარება...”

ეს ქალაქი მარადჟამს ნათელი იქნება. არ არსებობს მისი დაფარვის საშუალება. როგორ დამალავთ ქრისტეს? როგორ შესძლებთ ბუდას დამალვას? ეს შეუძლებელია. ეს ისეთი უცნაური

მოვლენაა, მათი არსებობა იმდენად შელწევადია, რომ მაინც მოხდება ზემოქმედება.

შეგიძლიათ ჯვარს აცვათ იესო, მაგრამ მას ვერ უგულვებელყოფთ. ისინი, ვინც ეს ჩაიდინა, კვლავაც იტანჯებიან ამ ჯვარცმის გამო. მოკლეს უბრალო ხუროს შვილი. თანაც კანონის შესაბამისად. ამაში თითქოს არაფერია მნიშვნელოვანი, – ასე უნდა ეფიქრათ იუდეველებს. მაგრამ მათი თაობები ორი ათასი წლის განმავლობაში ნუხან ამის გამო. ისინი ბევრჯერ დაისაჯნენ ერთი ადამიანის გამო. ეს თითქოს ალოგიკურია და იუდეველებიც თავს იმართლებენ. თავისებურად ისინი მართლები არიან. ქრისტეს ჯვარზე გამკვრელნი ხომ რა ხანია გარდაიცვალნენ, მაგრამ იესოსნაირი პიროვნებები არ მოქმედებენ დროში. იესო აქ არის და ჯვარცმაც სამუდამოდ რჩება – ეს არ არის წარსული, ვინაიდან იესო არასოდეს არის წარსულში. ახლა ეს ფაქტია. იგი ჯვარს აცვეს.

იუდეველებს შეუძლიათ იფიქრონ: „ეს წარსულში მოხდა და ისინი, ვინც იესო ჯვარს აცვეს, აღარ არიან, ჩვენ მათი შთამომავლები ვართ, მაგრამ პირადად ჩვენ ცუდი არაფერი გაგვიკეთებია”. და მაინც, იესოს ჯვარცმა მარადიული ფაქტია. მისი გადატანა წარსულში შეუძლებელია. ეს გულში ჭრილობად რჩება.

ამ ოცი ასწლეულის განმავლობაში იესოს გულისთვის მილიონობით იუდეველი გამოასალმეს წუთისოფელს. ერთი ადამიანის გულისთვის მილიონი კაცი? ეს უსამართლოდ მოგეჩვენებათ, მაგრამ თქვენ არ იცნობთ ამ ადამიანს. მისი ფასი მეტია, ვიდრე მილიონობით ადამიანისა. იმ დღეს, როცა ხუროს შვილი ჯვარს აცვეს, მათ საშინელ ცეცხლთან დაიწყეს თამაში. იესოს ჯვარცმის შესახებ არ არსებობს არც ერთი იუდეური ჩანაწერი,

რამეთუ ცდილობდნენ ყველაფრის მიჩქმალვას, მაგრამ იესოს ჯვარცმის დაფარვა შეუძლებელია. იუდეველები ცდილობდნენ თვალი მოეხუჭათ მზისათვის და ამიტომ იტანჯებოდნენ. ყველა უბედურება იქიდან მოდის, რომ მათ იესო გაყიდეს. იესო იუდეველი იყო და ბოლომდე იუდეველად დარჩა. იგი არასოდეს ყოფილა ქრისტიანი.

იუდეაში მას ათასწლეულების მანძილზე ელოდნენ. წინასწარმეტყველები ამბობდნენ, რომ მოვიდოდა ხალხის მხსნელი. ხალხიც ლოცულობდა და მოუთმენლად ელოდა, მაგრამ როცა იესო გამოჩნდა, მათ უარყვეს იგი! როცა მოვიდა და კარზე დააკაკუნა, ხალხმა უპასუხა, რომ ის არ იყო, ვისაც მათ პირდებოდნენ. რატომ?

გონებისთვის ლოდინი ადვილია, ვინაიდან მას შეუძლია ჰქონდეს იმედი, სურვილები, შეუძლია იოცნებოს, მაგრამ როდესაც კარზე ღმერთი გიკაკუნებთ, გახსოვდეთ, რომ თქვენც ასევე უარყოფთ მას, თუნდაც მასზე ლოცულობდეთ. რატომ უარყოფთ? იმიტომ, რომ სახლში მხოლოდ ერთის არსებობაა შესაძლებელი. თუ ღმერთი შემოვა სახლში, თქვენ უნდა გაქრეთ. აი, რაშია პრობლემა.

მოლოდინში თქვენი „ეგო“ არსებობს. იუდეველები ძალიან ეგოისტურად ელოდნენ მესიას, რომელიც მათში უნდა დაბადებულიყო. ისინი რჩეულ უმცირესობას წარმოადგენდნენ. ღმერთმა აირჩია იუდეა და ძე ღვთისა ებრაულ ოჯახში უნდა დაბადებულიყო. ამით იუდეველთა „ეგო“ დაკმაყოფილდა, მაგრამ როდესაც ქრისტე გამოჩნდა, მიუკაკუნა მათ კარზე და უთხრა: „მოვედი, რომ თქვენი იმედები განვახორციელო“, იუდეველებმა: „არა, შენ არა ხარ ის რჩეული! და თუ გაბედავ ამის თქმას, მოგ-

კლავთ!” ეს ადამიანური პრობლემაა, თუ არსებობს იესო, მაშინ თქვენ უნდა გაქრეთ, განზავდეთ მასში და დანებდეთ. „ეგოსათვის” სასიამოვნოა იმაზე ფიქრი, რომ რჩეული ერის შვილია და მათთან მოდის მესია. „ეგოს” ძალუძს ლოდინი, მაგრამ როცა აღთქმული ადამიანი გამოჩნდება, ძნელდება მისი მიღება.

იუდეველებმა მოკლეს იესო და ამის შესახებ ჩანაწერებიც კი არ დატოვეს. სურდათ, ეს დაევიწყებინათ, რათა კვლავ ჰქონოდათ იმედი და დღემდე არ კარგავენ იმედს, რომ მესია მოევლინებათ. ის არ მოვა, მაგრამ რომც გამოჩნდეს, გეუბნებით, რომ ისევ ჯვარს აცვამენ. მათ მთის წვერზე აშენებული ქალაქის იგნორირება სცადეს და დაზარალდნენ, ცდილობდნენ დაემალათ მზე და ჭემმარიტება.

იუდეველებმა ჭემმარიტება აცვეს ჯვარს. მაგრამ ჭემმარიტების ჯვარზე გაკვრა შეუძლებელია, რამეთუ ჭემმარიტება მარადიული და უკვდავია. ვინაიდან იუდეველებმა ეს არ შეიგნეს, ძალიან დაზარალდნენ. სულის სიღრმეში მათ ისევ ანუხებთ ეს დიდი დანაშაული, რომელიც საკუთარი ჩრდილივით დაჰყვებათ. იუდეველებმა თვითონ კარგად იციან, რომ უდიდესი ცოდვა ჩაიდინეს: მათ უარყვეს ღმერთი, როცა კარზე მიუკაკუნათ. ქრისტე ვერ გაამართლებს თქვენს მოლოდინს, თუ მოვა, ის უცხო იქნება, ვინაიდან თუ გაგიმართლათ, ღმერთი აღარ იქნება.

ღმერთი ყოველთვის უცხოა და უცნობი. იგი ვერ მოვა ნაცნობი ფორმით. ღმერთი მუდამ იდუმალეებით მოცული რჩება. იგი არ ექვემდებარება ფორმულებს, რამეთუ სიცოცხლე იდუმალეებაში ცხოვრობს!

იესომ თქვა: „**რასაც მოისმენთ საკუთარი ყურით, გულისყურით იქადაგეთ საკუთარი სახლის სახურავიდან,**

რადგან ანთებულ ლამპარს ჭურჭლის ქვეშ კი არ დგამენ, არამედ – სალამპრეზე, ისე, რომ მომსვლელსაც და წამსვლელსაც უნათებდეს...”

იესომ უთხრა თავის მოწაფეებს: „რასაც მოისმენთ, წადით და იქადაგეთ თქვენი სახურავიდან, რათა სხვებსაც შეძლონ მისი გაგება”...

ანთებულ ლამპარს არავინ დგამს დაფარულ ადგილას. იესო ამბობს: წადით და აცნობეთ ყველას სასიამოვნო ამბები. წადით და იქადაგეთ, რომ იდუმალმა თქვენს კარზე დააკაკუნა. წადით და იქადაგეთ ერდოებიდან, რათა ხალხმა მოგისმინოთ. მოვიდნენ და სიმშვიდე მოიპოვონ. ნუ შეუშინდებით ამას!

ეს ძალიან რთული საქმეა და არც იესოს მოწაფეებისათვის უნდა ყოფილიყო ადვილი. სხვებისთვის იმის თქმა, რომ ძე ღვთისა უკვე მოვიდა, ძალიან ძნელია. ხალხი ხომ სიცილს დააყრის. იტყვიან, გაგიჟებულაო. არ დაიჯერებენ, რომ იესო ქრისტეა. იფიქრებენ, რომ ჭკუიდან შეიშალეთ, თქვენ ფსიქონალიზი გჭირდებათ, უნდა მიმართოთ ექიმს, სვათ წამლები, დაისვენოთ და მოდუნდეთ! თუ ასე ფიქრობთ, ყველაფერი წესრიგში ვერ გაქვთ!

ადამიანს გაუძნელდება იმის თქმა, რომ ვიღაც რეალიზებული გახდა. რატომ? იმიტომ, რომ თუ ვიღაც ჭეშმარიტებას ეზიარა, ეს მძიმე დალს ასვამს და თქვენთვის დიდ ტკივილად იქცევა. თქვენც ხომ შეგეძლოთ ასეთი გამხდარიყავით, მაგრამ ხელიდან გაუშვით შესაძლებლობა. თქვენი „ეგო” შეურაცხყოფილია – „იესო ღვთის ძე?”

და უფრო ადვილია იმის უარყოფა, ვიდრე საკუთარი თავის შეცვლა და თავადაც ღვთის ძედ გახდომა, რადგან „არას” თქმა

ამქვეყნად ყველაზე ადვილია. ამისათვის არაფრის გაკეთება არ არის საჭირო. ამბობთ „არას“ და მორჩა! თუ ამბობთ „დიახ“, ყველაფერი მხოლოდ იწყება. „არა“ ყოველთვის დასასრულია, „დიახ“ – ყოველთვის დასაწყისი.

თუ ამბობთ: „დიახ, იესო ძე ღვთისაა“, მაშინ უნდა გარდასახოთ საკუთარი თავი, რომ თქვენი პასუხი გაამართლოთ. თუ ამბობთ „არა“, პრობლემა გადანყვეტილია. მაშინ, ვინც არ უნდა იყოთ და სადაც არ უნდა იმყოფებოდეთ – ბნელში, ხეობასა თუ სიკვდილში, მსუბუქად ხართ. იესოს გამოჩენა გაფორიაქებთ. ბუდა შემოდის თქვენში და იწყება ღელვა. და თქვენ მათზე შურს იძიებთ. თუ ერთმა ადამიანმა შესძლო, მიეღწია ასეთი სიმალღებისათვის, როგორ მოხდა, რომ თქვენ ეს დაკარგეთ? უკეთესია იმის თქმა, რომ სიმაღლე არ არსებობს და არავის მიუღწევია მისთვის, მაშინ თქვენ მშვიდად ხართ საკუთარ სიბნელეში.

იესო და ბუდა ძალიან გძაბავთ. ისინი ძირფესვიანად გგლეჯენ თქვენ ხეობებიდან, ძილში მყოფთ გაჯანჯლარებენ და გეუბნებიან: „იმოქმედეთ! არ გაჩერდეთ!“

იესო ერთ-ერთ შეგონებაში ამბობს: **„ეს სამყარო ხილია! იმოძრავეთ! აქ არ არის სახლის ასაშენებელი ადგილი, გადაკვეთეთ ის, ნუ დარჩებით აქ! არავინ არ აშენებს სახლს ხიდზე“**. ეს ქვეყნიერება ხილია და თქვენი სახლი მასზე დგას. შეიძლება, ეს არ მოგწონთ. თქვენ ხომ მთელი ცხოვრება აშენებდით ამ სახლს, ახლა კი მოდის ვიღაც მოხეტიალე და გეუბნებათ, რომ ეს ხილია.

ასე რომ, უკეთესია არ ჩაიხედოთ ქვემოთ, არ უყუროთ მდინარეს. რატომაა ეს ხიდი? იესო ან მისი მსგავსი ადამიანები არასოდეს იყენებენ უბრალოდ სიტყვებს ღრმა აზრის გარეშე. ხი-

დია იმიტომ, რომ ის მდინარეზეა აგებული, რომელიც მუდამ მიედინება. ჰერაკლიტემ* თქვა: „ორჯერ ერთსა და იმავე მდინარეში შესვლა შეუძლებელია“. ეს იმიტომ, რომ მეორედ თუ შეხვალთ მდინარეში, ის წყალი უკვე წასული იქნება, ადგილზე კი სხვა წყალი დაგხვდებათ, თუმცა, ერთი შეხედვით, მდინარე იგივე მოგეჩვენებათ.

მდინარე ცვლილებას ნიშნავს. იგი მუდმივად მიედინება. რატომ უწოდა იესომ ამ სამყაროს ხიდი? იმიტომ, რომ თქვენი სახლი დროის მდინარეზეა აგებული – ყოველივე მოძრაობს და მიდის ამ ხიდიდან. აქ არ არის სახლის ასაშენებელი ადგილი. მაგრამ თუ ვინმე მოდის და გეუბნებათ ამას მაშინ, როცა 50 წლის განმავლობაში აშენებდით სახლს და ახლა თითქმის მზადაა?.. გახსოვდეთ, ის თითქმის მზადაა ყოველთვის, მაგრამ არასოდეს არ არის მთლიანად დასრულებული. მისი ბუნებიდან გამომდინარე, ეს შეუძლებელია.

როდესაც თქვენი შრომა დასასრულს უახლოვდება, ემზადებით დაისვენოთ ყველა საზრუნავისა და დაძაბულობისაგან, რომელიც სახლის მშენებლობას ახლავს. მესია კი მოდის და გეუბნებათ: **„სახლი მდინარეზეა აშენებული!“** იმის ნაცვლად, რომ დაუფეროთ ამ კაცს და ქვემოთ ჩაიხედოთ, პასუხობთ: „ნადი, შე ბრიყვო!“ თუ იგი დაჟინებით გაგიმეორებთ, რომ ეს სამყარო ხიდი, თქვენ მას ჯვარს აცვამთ.

სოკრატე მონამლეს, რადგან ათენელები მის გამო თავს უხერხულად გრძნობდნენ. სოკრატე ბევრ წარჩინებულს აჩერებდა და მათი მოხერხებული ტყუილის დამანგრეველ შეკითხვებს სვამდა, იგი მოსაბეზრებელი გახდა! ხეობაში ყოველთვის მოსაბეზრებელია ბუდაც. სოკრატემ უამრავი შიში და ტანჯვა

შექმნა, ათენელები ველარ იძინებდნენ, ნორმალურად ვერ მუშაობდნენ იმის გამო, რომ სოკრატე მათში ეჭვს თესავდა. ის ამბობდა: „რას აკეთებთ, ხალხო, ეს ხომ მდინარეზე გადებული ხილია. აქ, ამ ბაზრობაზე აშენებთ სახლს? ეძებთ მარადიული ჭეშმარიტება“. სოკრატე მათთვის მომაბეზრებელი გახდა. ამიტომაც მოუსწრაფეს სიცოცხლე.

იესო მოწაფეებს ეუბნება: „ნადით და საკუთარი სახლის სახურავიდან იქადაგეთ“... რატომ სახურავიდან? იმიტომ, რომ გაიგონ. ადამიანებს მაშინაც კი არ ესმით, როცა ისმენენ. ისინი სადღაც სხვაგან არიან. მაშინაც კი ყვინთავენ, როდესაც თავს გიქნევენ. ისინი, უბრალოდ, დაილაღნენ. მათ შეუძლიათ ამის მოთმენა, მაგრამ არასოდეს ტკბებიან ჭეშმარიტებით. ჭეშმარიტება ხომ ყოველთვის უხერხულობას გიქმნით. ეს ასეც უნდა იყოს, რადგან თქვენ სიცრუის ხეობაში ცხოვრობთ.

მთელი თქვენი ცხოვრება სიცრუეა. თქვენ ატყუებთ საკუთარ თავს, ცრუობდით სხვასთან და, საერთოდ, ყველაფერი ტყუილად აქციეთ. ახლა კი მოდის ვიღაც და სიმართლეს გეუბნებათ. ის ამბობს, რომ თქვენ ავადა ხართ და თავი ჯანმრთელი გგონიათ. თქვენ კი ფიქრობთ, რომ თქვენ გარშემო ყველაფერი წესრიგშია, რომ ეს ადამიანი ავის მომასწავებელია და თუ მოუსმენთ, მართლაც ავადმყოფად იქცევით.

იესოს სურს ფხიზელ ადამიანად გაქციოთ, რომელიც სიმართლეს შეიცნობს. მას სურს, დაანგროს თქვენი მოჩვენებითი სასახლეები, რომლებიც სათამაშო ბანქოთია აგებული.

იესო ამბობს: **„რასაც მოისმენთ საკუთარი ყურით, გულისყურით იქადაგებთ საკუთარი სახლის სახურავიდან, რადგან ანთებულ ლამპარს ჭურჭლის ქვეშ არ დგამენ...“**

ნუ იქნებით გაუბედავი, ნუ გეშინიათ! სინათლე აქაა, ნუ და-
მაღავთ მას:

**„...არამედ სალაპრეზე ისე, რომ
მომსვლელსაც და წამსვლელსაც უნათებდეს”.**

ეს ყოველთვის პრობლემა იყო.

ბუდა, მაჰავირი, ლაო ძი, იესო, მუჰამედი, ზარატუსტრა*
მუდამ დაჟინებით ითხოვდნენ, რომ მოწაფეებს ევლოთ და სხვე-
ბისთვის ეცნობებინათ მათი ქადაგება, ვინაიდან ხელსაყრელი
შემთხვევა ყოველთვის არ იქნება. იესო არ დარჩება მუდამ აქ,
ფიზიკურ სხეულში და თუ თქვენ ფიზიკურად აქ მყოფის არ გეს-
მით, როგორ გაიგებთ მის ნათქვამს, როცა ის არ არის ხორცშეს-
ხმული?

თუ მისი ფიზიკურად აქ ყოფნა არ იქცევა თქვენთვის გა-
მოცხადებად, როგორ შეიძლება იქცეს ის გამოცხადებად მაშინ,
როცა მარადისობაში გაუჩინარდა?

ძალიან იშვიათად გასხვივოსნდება ვინმე. ძალიან იშვიათად
ქრება ვილაცის სიბნელე. ეს იშვიათი მოვლენაა. აი, რატომ ჩქა-
რობს იესო. მან კარგად იცის, რომ დედამიწაზე ცოტა დრო აქვს,
სულ 33 წელი. 30 წლის იესო გასხვივოსნდა, ხოლო 33 წლის ასაკ-
ში მარადისობაში გადავიდა. იგი ძალიან ჩქარობდა, იცოდა, რომ
ჯვარს აცვამდნენ და მოწაფეებს ეუბნებოდა: „წადით და იმდენი
ადამიანი გახადეთ შეგნებული და ფხიზელი, რამდენიც შესაძ-
ლებელი იქნება. ახლა კარი ღიაა, მათ შეუძლიათ ღვთის საუფ-
ლოში შემოსვლა”. მაგრამ მოწაფეები ყოველთვის ორჭოფობ-
დნენ, მათ ქადაგება მას შემდეგ დაიწყეს, როცა იესო აღარ იყო
დედამიწაზე, რადგან იესოს გაქრობის შემდეგ მიხვდნენ, რაც
მოხდა მათ ცხოვრებაში. ეს ყოველთვის ასეა. როცა იესო აქ

არის, თქვენ ეჩვევით სინათლეს, რომელიც თვითონ იესოა; როცა ის ქრება, ბნელდება და მაშინ ხვდებით, რომ სინათლე დაკარგეთ და იწყებთ ქადაგებას სახურავიდან.

ეკლესია მთელ მსოფლიოში ქადაგებს, რომ იესო სინათლეა. მაგრამ ახლა ეს დიდად ვერ გიშველით, რადგან კარს ვეღარ პოულობთ. ახლა იესო უხილავია. მას შეუძლია დაგეხმაროთ, მაგრამ თუ ხილულ სინათლეს ვერ ხედავთ, უხილავ იესოს როგორ დაინახავთ? ცხვირწინ გაღებულ კარში თუ არ შეგიძლიათ შესვლა, როგორ შეაბიჯებთ უხილავ კარში? ძნელია! მაგრამ მონაფეები თავად გახდნენ ფხიზელნი. როცა სინათლე გაქრა, დაიწყეს მოთქმა და ტირილი, მხოლოდ მაშინ ჩასწვდნენ ჭეშმარიტებას, რამეთუ ცოდნასთან მისასვლელად კონტრასტია საჭირო. როდესაც სიკვდილის ჟამი დგება, მაშინ იგებთ, რომ ცოცხალი ხართ. უახლოვდებით, აცნობიერებთ, რა იყო თქვენი ცხოვრება და როგორ გაფლანგეთ იგი. ამბობენ, მხოლოდ სიკვდილის წინ იგებენო ადამიანები იმას, რომ ცხოვრობდნენ, სხვაგვარად კი ისინი სიცოცხლეს ფლანგავენ.

იესომ თქვა: **„ბრმას თუ ბრმა მიუძღვის, ორივე ორმოში ჩავარდება...”**

ასე რომ, ნუ იქნებით გაუბედავნი. წადით და გააგებინეთ ხალხს, რომ აქ არის ადამიანი, რომელიც ხედავს სამყაროს. სხვაგვარად მათ გზა აებნევათ, ვინაიდან წინამძღოლი ესაჭიროებათ. თუ ვერ იპოვით ბუდას ან იესოს, მაშინ სხვას გაჰყვებით უკან, ვინაიდან თქვენთვის აუცილებელია რომელიმე მოწინავე. ეს იმიტომ, რომ არ იცით, საით წახვიდეთ და საჭიროა, ვინმეს გაჰყვით.

თუ ვერ მიიღებთ ჭეშმარიტ საკვებს, დაინყებთ მდარე საკვების მიღებას, ვინაიდან შიმშილი მუდამ არსებობს. ძალიან ადვილია უსინათლოს პოვნა, რადგან თვითონ უსინათლონი ხართ. თქვენ გესმით მისი ენა. ადვილია, გაჰყვეთ უსინათლოს, რადგან ორივე სიბნელის ერთსა და იმავე სამყაროს მიეკუთვნებით. გამცილებით ადვილია, გჯეროდეთ უსინათლო ადამიანის, გჯეროდეთ, რომ ის ოსტატია, ვიდრე იმ ადამიანისა, რომელიც არ არის ბრმა. ის სხვა ენაზე ლაპარაკობს, სხვა სამყაროზე გესაუბრებათ და მას უცხოდ თვლით. ადვილია, მიჰყვეთ ცრუ ოსტატს, ვინაიდან თქვენც ასეთივე ხართ. და თქვენსა და ოსტატს შორის არის რაღაც მსგავსება. მაგრამ „თუ ბრმა ბრმას მიუძღვის, ორივე ორმოში ჩავარდება...“ მოლა ნასრედინი მოკვდა. მისმა ორმა მონაფემ ამის გამო თვითმკვლელობით დაასრულა სიცოცხლე. რა უნდა ექნათ მათ ოსტატის გარეშე? მოლა მიუძღოდა მათ, მონაფეებიც მისდევდნენ მის კვალს და სამივემ ერთად დააკაკუნა იმ ქვეყნის მშვენიერ კარზე. ნასრედინმა თქვა: „შეხედეთ, ეს არის ის, რასაც შეგპირდით, მე მუდამ ვასრულებ დაპირებას. ჩვენ სამოთხეში მოვხვდით“.

გამცილებელმა ისინი მშვენიერ სასახლეში შეიყვანა და უთხრა: „ამიერიდან აქ იცხოვრებთ, რაც არ უნდა მოგინდეთ, მთხოვეთ და თქვენი სურვილი დაუყოვნებლივ შესრულდება“.

მოლამ მონაფეებს ისევ გაუმეორა: „ხედავთ, რაც გითხარით, შეგისრულეთ“.

შვიდი დღე ცხოვრობდნენ იქ აღფრთოვანებულები, რადგან მათი ყველა სურვილი დაუყოვნებლივ სრულდებოდა. მეშვიდე დღეს იმედი გაუცრუვდათ. როცა რაღაც ძალიან იოლად გეძლევათ, ვერ ტკბებით ამით, ხოლო როცა რაღაცას ღებულობთ ისე

სწრაფად, რომ სურვილსა და შესრულებას შორის შუალედი არ არის, ყველაფერი მოგბეზრდებათ. აი, რატომ ბეზრდებათ მდიდრებს ასე ყველაფერი. ღარიბს შეუძლია ზოგჯერ იცეკვოს კიდეც, მაგრამ მდიდარს – არასოდეს. შეხედეთ მეფეებს. ისინი უსიცოცხლონი არიან. მათ ყველაფერი ბეზრდებათ იმიტომ, რომ ყველაფერზე ხელი მიუწვდებათ. ეს დიდი პრობლემაა, უფრო დიდი, ვიდრე უქონლობა ან უკმარისობა.

მოლა ნასრედინი და მისი ორი მოწაფე შვიდი დღის განმავლობაში ტკბებოდნენ მშვენიერი ქალებით, ძვირფასი ღვინოებით, საუკეთესო საჭმლითა და ძვირფასი ტანსაცმლით. ცხოვრობდნენ იმპერატორებივით. მაგრამ მერე? მეშვიდე დღეს მოლამ სთხოვა თავიანთ მეგზურს: „გვინდა ქვემოთ ჩავიხედოთ, მიწაზე. გვინდა ფანჯარა, რომ დავინახოთ, იქ რა ხდება“.

მეგზურმა ჰკითხა: „რაში გჭირდებათ?“

მოლამ უთხრა: „რათა კვლავ გაგვიჩნდეს ინტერესი და სურვილები გაგვიღვიძოს“.

მეგზურმა გააღო ფანჯარა და ისინი ქვემოთ გადაახედა. მათ დაინახეს ხალხი; დაინახეს, როგორ იბრძვიან ისინი მთელი ცხოვრება და რა ცოტას აღწევენ. ამ კონტრასტის გამო ნასრედინსა და მის მოწაფეებს ისევ მოშივდათ. მომდევნო კვირაში კვლავ ნეტარებდნენ, მაგრამ ისევ მობეზრდათ ყველაფერი. ახლა ძველი ნამალი აღარ გამოდგებოდა. ისევ მიწიერი სამყაროს დანახვა ველარ უშველიდა. ამ ყველაფრის აღქმა მათთვის უკვე ძნელი იყო და ნასრედინმა მეგზურს უთხრა: „ახლა კიდე ერთი უგუნური სურვილი მაქვს. გვინდა, რომ ჯოჯოხეთის კარი გაგვიღოს. ჩავიხედავთ იქ და ისევ დაგვიბრუნდება სურვილი. მაგრამ ერთი საშიშროება არსებობს, ამის შემდეგ რაღას ვიზამთ?“

მეგზურმა გაიცინა და უთხრა: „როგორ ფიქრობთ, აბა, ახლა სადა ხართ?“

ისინი ჯოჯოხეთში იყვნენ!

თუ ყველა სურვილი აგისრულდებათ, ჯოჯოხეთში აღმოჩნდებით, რადგან თქვენთვის უცხოა უშფოთველობის ნეტარება. თქვენ მხოლოდ ბრძოლა იცით, აი, რატომ ამბობენ პოეტები, რომ ნეტარება განშორებაშია და არა შეხვედრაში; ნეტარება დაკარგვაშია და არა აღსრულებაში, და მართალნიც არიან, თუ თქვენზეა ლაპარაკი. როცა ყველაფერი შესრულებულია, რაღას გააკეთებთ? მაშინ მიხვდებით, რომ ჯოჯოხეთში იმყოფებით. თუნდაც სამოთხეს მიაღწიოთ, იგი ჯოჯოხეთად გადაგექცევათ, რადგან სიბრმავე ვერასოდეს მიაღწევს სამოთხეს. სინამდვილეში სამოთხე ის ადგილი კი არ არის, რომელსაც შეიძლება მიაღწიოთ. ეს არის გონების მდგომარეობა და არა გეოგრაფიული ცნება. იგი თქვენშია. თქვენშივე არსებობს ჯოჯოხეთიცა და სამოთხეც. მაგრამ თუ ბრმას მიჰყვებით, როგორ აგიყვანთ იგი მწვერვალზე? ის ხეობაში მიგიყვანთ. თქვენ გჭირდებათ წინამძღოლი – აღიარეთ ეს. გინდათ, რომ წინ სხვა მიგიძღოდეთ, რადგან ამ დროს პასუხისმგებლობა მას დაეკისრება. სჯობს გყავდეთ ბრმა ლიდერი, ვიდრე თვითონ იღებდეთ საკუთარ თავზე პასუხისმგებლობას. ასეა მოწყობილი თქვენი გონება. ამიტომ ქრისტე ამბობს: **„იარეთ და აცნობეთ ადამიანებს, რომ ოსტატი აქ არის!“**

იესო მოგვევლინა, ეს იშვიათი შანსია და უამრავი შესაძლებლობაა, რომ დაკარგოთ ეს ხელსაყრელი შემთხვევა. გაიქეციოთ და მაგრად ჩასჭიდეთ ხელი ამ ადამიანს, რადგან სამოთხის კარი

იშვიათად არის ღია. ეს მაშინ ხდება, როცა ადამიანს ნათელი ეფინება.

გაბრწყინებული ადამიანი სამოთხის კარია. მისი საშუალებით შეგიძლიათ ჩასწვდეთ ჭეშმარიტებას.

ოსტატი განა ის არის, ვინც გასწავლით, არამედ ის, ვინც გაფხიზლებთ. ოსტატი არ არის ის ადამიანი, ვისაც თქვენთვის ინფორმაცია აქვს. იგი თავად თქვენს არსებაში გამოაკრთობს ნათელს. სწორედ ეს გახდა პრობლემა – იესო რომ გაჩუმებულიყო, მას არავინ გააკრავდა ჯვარზე, მაგრამ იგი ჩქარობდა, დაიწყო მთელ ქვეყანაზე სიარული და ქადაგება, მაგრამ ვერავინ გაუგო მას.

ეს ასეც უნდა მომხდარიყო, რადგან ორ განსხვავებულ განზომილებას შორის კავშირი შეუძლებელია. ის ლაპარაკობდა ღვთის საუფლოზე, ხალხი კი ფიქრობდა, რომ ამქვეყნიურ სამეფოზე საუბრობდა. მან თქვა: „მე ვარ მეუფე!“ ხალხი კი ფიქრობდა, რომ მას ამქვეყნიური მეფობა სურდა. იესო ამბობდა: „ვინც მშვიდია, დაიმკვიდრებს დედამიწას“. მას სულ სხვა რაღაც ჰქონდა მხედველობაში, ხალხს კი ეგონა, რომ თითქოს მოწაფეებს ეუბნებოდა: „მიწას მიიღებთ მემკვიდრეობითო.“ პოლიტიკოსები შეშინდნენ, რადგან „მეფე“, „სამეფო“, „მიწის მემკვიდრეობით მიღება“ პოლიტიკური ტერმინებია. ქურუმებიც შეშინდნენ, ვინაიდან რასაც იესო ლაპარაკობდა, მათ კანონებს არ შეესაბამებოდა. სიყვარული ყოველთვის კანონგარეშეა. იგი არასოდეს ემორჩილება კანონებს, იგი თვითონაა უმაღლესი კანონი. როდესაც გიყვართ, ყველაფერი წესრიგშია, რადგან სიყვარული ვერ მოიმოქმედებს ცუდს. მისთვის არ არსებობს მითითებები და წესები. ისინი არსებობენ იმიტომ, რომ თქვენ არ შე-

გიძლიათ სიყვარული, აი, რატომ არის ამდენი წესი, რათა არ შეგეძლოთ სხვისი გაბრაზება, ან სხვამ ვერ შეძლოს თქვენი გაბრაზება. მაგრამ თუ გიყვართ, რატომ უნდა გააბრაზოთ? – წესები ქრება.

იესო უმაღლეს კანონზე – სიყვარულზე ლაპარაკობს. მაშინ შეშინდნენ ქურუმები, მოსამართლეები, იფიქრეს, რომ ქვეყანაში ქაოსი და ანარქია შეიქმნებოდა. ქრისტე ჯვარს აცვეს, ვინაიდან შფოთს თესავდა. ეს აღარ უნდა განმეორდეს, რადგან უკვე მოხდა წარსულში. ამიტომ ახლა, ათასწლეულების შემდეგ, ბუდას, მაჰავირის, ზარატუსტრას, იესოსა და მუჰამედის გამოცდილებით, უფრო ფხიზელი უნდა გავხდეთ..

მაგრამ არა! ყველაფერი ძველებურადაა! თითქოს ადამიანს არაფერი უსწავლია – კაცთა სიბრიყვე უკიდურესად მჟღავნდება. ადამიანი ამტკიცებს თავის უმეცრებასა და თითოეულს, ვინც კი შეეცდება მის აღმოფხვრას, მტრად ლეზულობს. მეგობრები მტრად გეჩვენებათ, მტრები – მეგობრებად. ვისაც წინამძღოლობა შეუძლია, შემცდენლებად გეჩვენებათ, ხოლო ბრმები ლიდერები გგონიათ.

თავდაპირველად საჭიროა, გაიგოთ, რომ გამძლოლი გესაჭიროებათ. ეს მშვენიერია, რადგან ძიებისაკენ სწრაფვას გვიჩვენებს. მაგრამ ნუ აჩქარდებით და ყველა შემხვედრს ნუ გაჰყვებით. როგორ გადაწყვეტთ? რა კრიტერიუმები არსებობს? ის მაძიებლისთვის ერთ-ერთი ყველაზე რთული პრობლემაა – როგორ გადაწყვიტოს, ვინ არის იესო და ვინ – უსინათლო. ამ შემთხვევაში თავდაჯერებულობა შეუძლებელი ჩანს, მაგრამ რწმენის გაელვება შესაძლებელია.

სულ თავიდან თქვენ ვერ იქნებით დარწმუნებულნი. საგან-
თა ბუნება ასეთია – როგორ გადანყვეტს ბრმა, აქვს თუ არა
სხვას თვალები? ან რომ ეს დაიჯეროს, თვითონაც უნდა ხედავ-
დეს, მაშინ კი ამის საჭიროება აღარ იქნება. როდესაც ბუდად იქ-
ცევით, აღარ არის საჭირო, ბუდას სცნობდეთ. როდესაც იესოს
მსგავსი ხდებით, აღარ იქნება საჭირო იცნობდეთ იესოს და მის
კვალზე იაროთ. ეს პარადოქსია.

თქვენ უსინათლონი ხართ და უნდა ამოიჩიოთ, როგორ გა-
დანყვეტთ? სიტყვის საშუალებით? მაშინ მოგატყუებენ, რად-
გან სწავლულები, პანდიტები და ქურუმები ძალიან ჭკვიანები
არიან, როცა ლაპარაკობენ. მათ ვერავინ აჯობებს ლაპარაკში.
ამ საქმიანობას დიდი ხანია ეწევიან. იესო მათთან ღარიბად გა-
მოჩნდებოდა თავისი საუბრებით. იუდეველთა მღვდელმთავარი
ადვილად მოუგებდა მას სიტყვას. ეს არ იქნებოდა დიდი პრობ-
ლემა. კაბირის ან ბუდას სიტყვაში დაჯაბნა ადვილია არგუმენ-
ტებისა და ლოგიკის დახმარებით, მაგრამ სიტყვებით ვერ გან-
სჯით, მოგატყუებენ! ნუ ისარგებლებთ ამ კრიტიკიუმით.

იესოს განსჯა მხოლოდ მისი ყოფის მიხედვით შეიძლება –
იყავით მის გვერდით, ნუ შეეცდებით მის მოსმენას; შეეცადეთ,
გაიგოთ, ვინ არის იგი. აი, გასაღები: იყავით მის გვერდით! ინ-
დუსები ამას „სატსანგას“ (ჭეშმარიტების გვერდით ყოფნას)
უწოდებენ. ნუ გამართავთ ინტელექტუალურ კამათს, მხოლოდ
შინაგანად მოუსმინეთ და იგრძენით, თუ ვინ არის იგი. მთავა-
რია, ვიბრირებულნი იყოთ, იყვავილოთ და სურნელება აფრქვი-
ოთ.

თუ იესოს გვერდით მდუმარედ დგომას შესძლებთ, ჩასწვდებ-
ით მის მოქმედებასაც და ეს მდუმარება გაგხდით ნეტარს, სიყ-

ვარულით აგავსებთ და განგსჭვალავთ თანაგრძნობით. ეს არის კრიტიერიუმი. თუ გვერდში პანდიტს ან მეცნიერს ამოუდგებით, მაშინ მხოლოდ სევდით აღივსებით, რადგან ჰანდიტიც და მეცნიერიც ისეთივე უბედურები არიან, როგორიც თქვენ. თუ მათ სიტყვებს მოუსმენთ, დიდებულად მოგეჩვენებათ. ხოლო თუ მათ ყოფას, ვიბრაციასა და ცხოვრების მაჯისცემას შეიგრძნობთ, მაშინ ისინი ძალიან უბედურად მოგეჩვენებათ. ამიტომაც იქცნენ ისინი მოლაპარაკე ადამიანებად, რათა თავიანთი უბედურება დამალონ. აი, რატომ კამათობენ და საუბრობენ სხვადასხვა თეორიასა და სისტემაზე. იმიტომ, რომ არ იციან.

ადამიანი, როდესაც იცის, არასოდეს კამათობს. იგი, უბრალოდ გაცნობებთ და უბრალოდ გეუბნებათ რამეს. დააკვირდით იესოს შეგონებებს. იესო არ კამათობს, არც ასაბუთებს, იგი მხოლოდ გამცნობთ:

„მაღალ მთაზე აშენებული და გამაგრებული ქალაქი არ დაეცემა და არც დაიმალება...“

არგუმენტი არ არის. იგი უბრალოდ მოგითხრობთ:

„რასაც გაიგონებთ საკუთარი ყურით, გულისყურით იქადაგეთ საკუთარი სახლის სახურავიდან, რადგან ანთებულ ლამპარს არავინ დგამს ჭურჭლის ქვეშ. არამედ სალამპრეზე, ისე, რომ მომსვლელსაც და წამსვლელსაც უნათებდეს...“

არგუმენტები არ არის! არ არსებობს რამის დამტკიცების მცდელობა. იესო უბრალოდ აცხადებს ამას.

იგი ამბობს:

**„ბრმას თუ ბრმა მიუძღვის,
ორივე ორმოში ჩავარდება“ ...**

ეს ფაქტის უბრალო განცხადებაა! შესაძლოა, მეცნიერებმა ეს საკითხი უფრო დამაჯერებლად განგიმარტოთ, მაგრამ მაშინ თქვენ მოტყუვდებით.

თუ შეგხვდათ ოსტატი, მიაყურადეთ მის არსებობას. დაეუფლეთ მისი ყოფიერების სმენის ხელოვნებას; იყავით მის გვერდით და გულთ შეიგრძენით ის. უეცრად იგრძნობთ, რომ რაღაც ხდება თქვენში. თქვენ ძირეულად იცვლებით. თქვენ აღარ ხართ იგივე. თქვენი სივრცე ივსება უხილავი სინათლით, თითქოს ერთ წამში გადაადგდეთ ტვირთი, თითქოს ფრთები გამოგესხათ და ფრენა შეგიძლიათ. ეს კი გამოცდილებაა, რაც გაპოვინებთ ჭეშმარიტ პიროვნებას, ადამიანის თვალებით, რომელსაც თქვენი გაძლოლა შეუძლია.

სად მიგიყვანთ იგი? საკუთარ თავთან! მეცნიერი მიგიყვანთ კიდევ რაღაცასთან, სადღაც იქ, ცაში, სადღაც სამომავლო მიზანთან. გაბრწყინებული ადამიანი კი არსად არ გაგიძღვებათ თქვენივე საკუთარი თავის გარდა, რადგან მიზანი თქვენშია, თვითონ თქვენ ხართ ერთადერთი მიზანი!

ბრმა მიგიყვანთ გარეგან მიზანთან და თქვენ ორმოში აღმოჩნდებით. კვლავაც ბრმა ლიდერი, კვლავ ორმო... როცა იესო „ორმოს“ ახსენებს, „საშოს“ გულისხმობს. როდესაც ბრმას ბრმა მიუძღვის, ორივე საშოში ვარდება. ეს არის ორმო. ისინი ხელახლა დაიბადებიან იმავე უბედური ცხოვრებით. ახალი ფორმით და იწყება იგივე ტანჯვა. სუბსტანციონალური არაფერი არ შეიცვლება, ისტორია იგივე რჩება, შეიცვლება მხოლოდ გარეგნული ფორმები, თქვენ კვლავ ჯოჯოხეთსა და უბედურებაში ხართ, საშო ორმოა.

როდესაც ჭეშმარიტებას ნაზიარები ადამიანი მიგიძღვით
წინ, არასოდეს ჩავარდებით ორმოში. მაშინ ახალ განზომილება-
ში დაიბადებით, ამქვეყნად ხელმეორედ დაბადება არ ღირს. აქე-
დან გაქრებით და გაჩნდებით „სადღაც“. ეს „სადღაც“ არის
ღმერთი! ეს „სადღაც“ არის ნირვანა!

1974 წლის 31 აგვისტო

პუნა, ინდოეთი

საუბარი მეთორმეტე

მეთორმეტე შეგონება

იესომ უთხრა მონაფეებს:

– ჰქმენით მსგავსი ჩემი და მითხარით, ვის ვგავარ მე“.

სიმონ-პეტრემ უპასუხა:

– „შენ მართალ ანგელოზს ჰგავხარ“.

მათემ თქვა:

– „შენ ყოვლისმცოდნე ბრძენს ჰგავხარ“.

თომამ მიუგო:

– „უფალო ბაგენი ჩემი ვერა ჰხმობენ მსგავსებას შენ-სას“.

მაშინ თქვა იესომ:

– „მე არა ვარ უფალი შენი, რადგან შენ მთვრალი ხარ მჩქეფარე ნყაროთი, მე რომ გავზომე“ და მოჰკიდა ხელი მას, გაიყვანა და სამი სიტყვა უთხრა. როცა თომა მობრუნდა, მონაფეები შეეკითხნენ: „რა გითხრა იესომ?“

თომამ უპასუხა:

– „ერთი სიტყვა რომ ვთქვა მისი ნათქვამიდან, თქვენ ქვებს აიღებთ და ჩამქოლავთ, და ცეცხლი გამოვა ქვებიდან და დაგწვავთ თქვენ...“

(თომა, 14)

თუკი ბუდას ან იესოს მსგავსი ადამიანი გამოჩნდა, თქვენ ყველა ხერხით შეეცდებით მისგან გაქცევას, რადგან ის თქვენთვის სიკვდილის ტოლფასია. რა თქმა უნდა, ამ გაქცევის გასამართლებლად გონივრულ მოსაზრებებს გამოჩნრეკთ, საკუთარ თავსაც დაუმტკიცებთ, რომ „ეს ადამიანი ქრისტე არ არის, იგი არც გასხივოსნებულია“, მოუძებნით რაიმე ნაკლს, ამით შვებას იგრძნობთ და მოერიდებით ასეთ პიროვნებას.

მასთან შეხვედრა საშიშია, რამეთუ მას თქვენში ყველაფრის დანახვა ძალუძს. თქვენ გამჭვირვალე ხდებით მისთვის, ვერ დაიმალებით, ვერც შეინილებით. მის წინაშე გადაშლილი წიგნით იქნებით, თქვენ კი მთელი ცხოვრება იმალებოდით, ცდილობდით, სიყალბესა და სიცრუეში გეცხოვრათ.

ბუდას ან იესოს მსგავსი პიროვნება კი ყველაფერს დაუფარავად ხედავს. მის წინაშე ფოთოლივით თრთით. ის სიმართლესთან მიგიყვანთ, მასთან ვერ აიფარებთ ნიღაბს და ეს კატასტროფა იქნება თქვენთვის. ამიტომ, რომ იესოსთან მიახლოვებას მხოლოდ ის შეძლებს, ვინც მამაცია და გამბედავი. ეს იმას ნიშნავს, რომ მზად ხართ უფსკრულში გადასაშვებად და საკუთარი თავის დასაკარგავად.

გაურკვეველობაში, უცნობლობის საფრთხისას, ოკეანეში, მეორე ნაპირი რომ არა ჩანს, უდიდესი გამბედაობაა საჭირო, ქრისტეს რომ გაჰყვეთ. სწორედ ამაშია პრობლემა – ძალიან ცოტას ძალუძს კვალდაკვალ სდიოს ქრისტეს. ვინც გარბის, მასაც დაკარგავს და საკუთარი ცხოვრების აზრსაც, რადგან სადღაც სიღრმეში, როდესაც ცდილობთ იესოს გაექცეთ, საკუთარ სიმართლეს გაურბიხართ. ის სხვა არაფერია, თუ არა მომავალი. თქვენ თესლი ხართ, ის კი ხეა და ყვავილობს. იგი თქვენი მომა-

ვალი და თქვენი შესაძლებლობაა. მას რომ გაურბიხართ, უკანასკნელ შესაძლებლობას კარგავთ.

მაგრამ იმათ შორისაც, ვინც ქრისტესთან ახლოს მივიდა, ყველას როდი მოუწევს მასთან უსათუო შეხვედრა. ვინც გარბოდა, გაიქცა და მორჩა, მაგრამ ვინც მას მიუახლოვდა, ახლოს იცხოვრებს მასთან, სულ მის გვერდით იქნება, მაგრამ მაინც მოერიდება იესოს, რადგან არასწორი მიზეზებით აღმოჩნდება მასთან. ამიტომ ათასებიდან მხოლოდ მცირედნი ამოარჩევენ ქრისტეს და არც მათ შორის იქნება ყველა ჭეშმარიტ მიზეზთა გამო. ვინც არასწორი მიზეზით აღმოჩნდა, დაკარგავს მას.

თქვენ შეიძლება გასხვიოსნებულთან მცდარი მიზეზით მოხვდეთ. რატომ მიდიხართ მოძღვართან? რა არის თქვენი ნამდვილი მიზეზი? ეძებთ თუ არა ჭეშმარიტებას? ადამიანი იშვიათად ეძებს ჭეშმარიტებას! თქვენ შეიძლება ბედნიერებას ეძებდეთ და არა ჭეშმარიტებას. ბედნიერები მაშინ გახდებით, ჭეშმარიტებას თუ მიაღწევთ, მაგრამ თუ თავიდან ბედნიერებას ეძებთ, ვერ მიაღწევთ ჭეშმარიტებას, რადგან ბედნიერება თანამდევია. მისი მიღწევა მხოლოდ ჭეშმარიტების გავლით შეიძლება, სხვა გზა არ არსებობს! ბედნიერება ჩრდილია და ჭეშმარიტებასთან ერთად მოდის! თუ ბედნიერებას ეძებთ, შეუძლებელი იქნება მისი მიღწევა და ჭეშმარიტებასაც დაკარგავთ.

ასი მაძიებლიდან ოთხმოცდაცხრამეტი ბედნიერებას ეძებს. ბედნიერება არ შეიძლება მიზანი იყოს, იგი თავისთავად მოდის. არ არის მასზე ზრუნვა! თქვენ ხეებზე ზრუნავთ, ისინი კი ყვავიან. არ არის საჭირო, პირდაპირ ყვავილებს ელტვოდეთ. ასე რომ მოიქცეთ, თქვენ ყვავილებს დაკარგავთ, მაგრამ ხეს თუ უვლით, ყვავილები თავის დროზე გაიშლება.

ოდესღაც თქვენ იყავით ბედნიერი. ძნელია ისეთი ადამიანის მონახვა, რამდენიმე წამის მანძილზე მაინც რომ არ ყოფილიყოს ბედნიერი. რადგან ბედნიერების თუნდაც წამიერი განცდის გარეშე თქვენ არ დაუწყებთ ძებნას. თუ არ გიგრძვნიათ ბედნიერება, როგორ ან რატომ დაუწყებთ ძებნას და რატომ დაისახავთ მას მიზნად? თქვენთვის ბედნიერება წამიერი გაელვება ყოფილა, მერე კი ისევ სიბნელეში აღმოჩენილხართ. გაელვება, შემდეგ კი ისევ ტანჯვა. მხოლოდ ერთი წამით თენდება, მერე ისევ შუალამეა. თქვენ განიცადეთ ის, მაგრამ არ შესულხართ მასში. შეეცადეთ, შეხვიდეთ მასში. როცა ბედნიერებას განიცდით, აღმოჩნდება, რომ სულაც არ ელტვოდით მას. ესაა პირველი და უმთავრესი რამ ბედნიერების შესახებ. იგი მაშინ მოდის, როცა სულ სხვა რამეს ეძებთ. გაგონილი გექნებათ არქიმედეს ამბავი: ის მეცნიერულ ჭეშმარიტებას ეძებდა, მუშაობდა, დღე და ღამე ექსპერიმენტებს ატარებდა, თავი დაივიწყა, მერე კი, სრულიად მოულოდნელად, აბაზანაში რომ ბანაობდა, ჭეშმარიტება უცებ გაცხადდა და წყაროსავით ამოხეთქა, არქიმედე შიშველი იყო, მაგრამ დაივიწყა ეს.

როდესაც ბედნიერი ხართ, თავი გავიწყდებათ. თუ თავდავიწყება არ შეგიძლიათ, ბედნიერი არ იქნებით. ბედნიერება თქვენს აქ არყოფნას ნიშნავს. არქიმედეს პრობლემა გადაწყდა და გაქრა დაძაბულობაც. ის ქუჩაში გამოვარდა: „ევრიკა, ევრიკაო!“ – ყვიროდა. ხალხს ეგონა, რომ გაგიჟდა, რისი ეჭვიც მათ ადრეც ჰქონდათ, ახლა კი მათი ეჭვი დადასტურდა.

მაგრამ ეს საბოლოო ჭეშმარიტება არ ყოფილა. ეს ჩვეულებრივი პრობლემა იყო. ერთხელ აღმოჩენილი მეცნიერული ჭეშმარიტება ხომ ჩვეულებრივი და საყოველთაო ხდება. მაგრამ არ-

ქიმედე აღმოჩენის ჟამს იმდენად ბედნიერი იყო, რომ თავი დაივიწყა.

თუკი ბედნიერი ხართ, გახსოვდეთ, რომ თქვენ ბედნიერებას კი არა, სხვა რამეს ეძებდით. უშუალოდ, თუ ბედნიერებას ეძებდით, იგი სამუდამოდ დაკარგულია თქვენთვის. ის თანამდევია პროდუქტია. თქვენ იმ რაღაც სხვას, რასაც ეძებდით, იპოვით და აღმოჩენა იმდენად აგავსებთ, რომ დაძაბულობა გაგიქრებათ. თქვენ სულიერ წონასწორობას მოიპოვებთ და იგრძნობთ, ბედნიერებით ხართ სავსე.

ბედნიერებას თუ ეძებთ, როგორღა დაკარგავთ საკუთარ თავს? მძებნელის „ეგო“ ყოველთვის რჩება. თქვენ ათვლის წერტილი ხართ კვლავინდებურად. სადაც ბედნიერებაა, იქ თქვენ აღარ ხართ. გაიხსენეთ, როდის ყოფილხართ ბედნიერი – იმ დროს თქვენ ხომ არ არსებობდით! ეს შეიძლება სიყვარულის ჟამს მომხდარიყო. შეიძლება რაიმეს აღმოჩენისას ან თუნდაც ბანქოს თამაშის დროს, მაგრამ თქვენ სრულიად გამქრალი იქნებოდით, მერე კი უცებ აღმაფრენა გიგრძნობიათ! ბედნიერების უშუალოდ ძებნა კი საშიშია. რადგან თქვენ მას დაკარგავთ.

თუკი ბედნიერების ძებნაში ოსტატთან მიხვალთ, მის გვერდით არასწორი მიზეზებით აღმოჩნდებით, ოსტატთან ფიზიკურად ახლოს იქნებით, სულიერად კი შორს აღმოჩნდებით. თქვენ დაბრმავდებით და ვერ იცნობთ ბუდას ან იესოს. ეს შეუძლებელი იქნება, რადგან თვალეზე არასწორი მიზანი გექნებათ აფარებული.

შეიძლება არც კი ეძებდით ბედნიერებას და უფრო მდაბალი მიზნები გამოძრავებდათ. შესაძლოა ოსტატთან ძალის, რომელიმე სიდჰის* ან მეტად ეგოისტური მდგომარეობის შესაძენა-

დაც აღმოჩნდეთ. ამ შემთხვევაში მთლიანად დაკარგავთ მას. კიდევ უფრო უღირსი მიზნებიც არსებობს და რამდენადაც მდაბალია მიზანი, მეტია ბედნიერების დაკარგვის შესაძლებლობა, რადგან ამ დროს უფრო მეტად ბრმავდებით, უფრო მეტს კარგავთ და უფრო დაბლა აღმოჩნდებით. იესო კი მწვერვალზეა და მანძილიც იზრდება თქვენს შორის.

ბევრი გაექცევა იესოს, მაგრამ იმათ შორის, ვინც მას მიუახლოვდა, ქრისტეს გვერდით მხოლოდ ის აღმოჩნდება, ვისაც მისვლის ნამდვილი მიზეზი ჰქონდა. ნამდვილი მიზეზი ჭეშმარიტებაა, თქვენ კი არასოდეს ეძებთ მას.

ჭეშმარიტება ისეთი გაშიშვლებული, ისეთი მშრალი ჩანს, რომ შესაძლოა, არც ჩათვალთ საჭიროდ მისი მოძებნა. ბედნიერება უფრო მნიშვნელოვნად მიგაჩნიათ და როდესაც გეუბნებით: „ეძიეთ ჭეშმარიტება, ბედნიერება მისი თანამდევი პროდუქტია“, – შესაძლოა, დამიჯეროთ და ჭეშმარიტების ძიება დაიწყოთ, რადგან ბედნიერება მიღწეული იქნება. მაგრამ თქვენ ისევ ბედნიერების ძებნაში იქნებით, საძიებელი კი ჭეშმარიტება უნდა იყოს. შეიძლება ჭეშმარიტებას დაუწყოთ ძიება, თქვენს გონებას კი მიზანში ისევ ბედნიერება ექნება ამოღებული, რაც არასწორია.

მხოლოდ მაშინ შესძლებთ იესოსთან, ბუდასთან და ზარატუსტრასთან მიახლოვებას, როცა ჭეშმარიტებას ნამდვილად ეძებთ. სხვაგვარად ვერასდროს მიხვალთ ახლოს. ნებისმიერი სხვა მიზეზით მხოლოდ ფიზიკურად იქნებით ახლოს, სულიერად კი ძალიან შორს აღმოჩნდებით, თქვენს შორის უზარმაზარი სივრცე აღმოჩნდება.

იესომ მოწაფეებს უთხრა:

**„ჰქმენით მსგავსი ჩემი და
მითხარით, ვის ვგავარ მე...”**

რატომ შეეკითხა იესო მონაფეებს ამას? ნუთუ არ იცის, თვითონ ვინ არის? მას, თავისი მონაფეების მეშვეობით სურს საკუთარი ვინაობის გაგება? დიახ, რადგან მონაფეთა ნათქვამი წარმოაჩენს მასთან მათი ყოფნის ნამდვილ მიზეზს. თქვენ თქვენი სურვილების გათვალისწინებით ქმნით ოსტატის ხატებას. იესოსთან ავადმყოფობის გამო თუ ხართ, მაშინ ის თქვენთვის მკურნალია.

თქვენ საკუთარ სურვილებს გამოხატავთ. ძალას თუ ეძებთ, იესო ყოვლისშემძლე, ყველაზე ძლიერი იქნება. უკვდავებას თუ ეძებთ და სიკვდილის გეშინიათ, თქვენი სურვილები იესოს ხატებაზე აირეკლება.

რატომ ჰკითხა იესომ მონაფეებს თავისი ვინაობის შესახებ მხოლოდ იმიტომ, რომ გაეგო, რას გამოხატავენ ისინი. თუ გამოხატავთ რაიმეს, უთუოდ დაკარგავთ, რადგან იესოს ან ბუდას გასაგებად გამოუხატავი თვალებია საჭირო. თქვენ ფაქტი უნდა დაინახოთ. იესო ფაქტია. ყველაზე ცოცხალი ფაქტი, რომელიც შეიძლება მსოფლიოში არსებობდეს. შეხედეთ მას უშუალოდ, პირდაპირ, ნუ შექმნით იესოსგან ეკრანს, თორემ რასაც დაინახავთ, მხოლოდ თქვენი სურვილების ანარეკლი იქნება.

იესომ უთხრა მონაფეებს:

„ჰქმენით მსგავსი ჩემი და მითხარით, ვის ვგავარ მე”...

სიმონ-პეტრემ უპასუხა:

„შენ მართალ ანგელოზს ჰგავხარ”...

სიმონ-პეტრე მორალისტი და პურიტანელი უნდა ყოფილიყო. იგი, ალბათ, დამნაშავეა, რადგან ის, რასაც სხვებზე ლაპა-

რაკობთ, არაფერს ამბობს მათზე. მხოლოდ თქვენს თვისებებზე მიუთითებს. რაზედაც არ უნდა მსჯელობდეთ, სხვაზე კი არა, მხოლოდ საკუთარ თავზე ილაპარაკებთ. იესო ისევ და ისევ იმეორებს: „არა განიკითხოთ“, რადგან ყველა მსჯელობას არასწორი გზით მიჰყავხართ. ილაპარაკეთ ყოველთვის საკუთარ თავზე.

ქურდს თქვენ ცოდვილ ადამიანად თვლით, რატომ? იმიტომ, რომ ასე ძლიერ მიჯაჭვიხართ კერძო საკუთრებას. თქვენი სიტყვა არაფერს ამბობს ქურდზე, მხოლოდ თქვენს კერძო მესაკუთრულ სანყისზე მიუთითებს.

ერთი ინგლისელი გარდაიცვალა და ჯოჯოხეთში მოხვდა. ეშმაკმა ჰკითხა: „რომელ ჯოჯოხეთს ირჩევდი? აქ ჯოჯოხეთის ყველა ნაირსახეობა გვაქვს: ინგლისური, გერმანული, ჩინური, რუსული, ინდური...“

ინგლისელმა უპასუხა: „რა თქმა უნდა, ინდურს ვირჩევ...“

ეშმაკი გაოგნდა: „თქვენ ინგლისელს ჰგავხართ, რატომ ირჩევთ ინდურს?“

ინგლისელმა უპასუხა: „მე ინგლისელი კი ვარ, მაგრამ ვყოფილვარ ინდოეთში და კარგად ვიცი, რომ ინდურ ჯოჯოხეთში გათბობა არ მუშაობს“.

თქვენი გონება გამოცდილებას აგროვებს. რაც არ უნდა ილაპარაკოთ სამოთხეზე, ჯოჯოხეთზე ან თუნდაც სხვა ადამიანზე, მხოლოდ თქვენი გამოცდილებიდან გამომდინარე ისაუბრებთ, თქვენვე აირეკლებით თქვენი ნათქვამის ყველა სიტყვაში.

სიმონ-პეტრემ თქვა: „შენ მართალ ანგელოზს ჰგავხარ...“

ამით მან ორი რამ თქვა – პირველი „მართალი“ – ნიშნავს იმას, რომ მას ყოველთვის ეშინოდა სიცრუის, ცოდვისა და უზნეობის, ამიტომაც იყო ქრისტესთან ერთად.

დაიმახსოვრეთ ერთი რამ – წინააღმდეგობები ყოველთვის იზიდავს ერთმანეთს. თუ მამაკაცი ხართ, ქალი გიზიდავთ და ეს უბედურებაა. ქალი თქვენი წინააღმდეგობაა და სწორედ ამიტომაც მიმზიდველი. მაგრამ მასთან ცხოვრება რთული იქნება, რადგან იგი თქვენი წინააღმდეგობაა. აი, როგორ მოდის უთანხმოება ქორწინებაში, რადგან ქალი ყველაფერში თქვენ გიპირისპირდებათ. მისი ლოგიკა სრულიად განსხვავდება თქვენი ლოგიკისაგან. მამაკაცი ვერასოდეს გაუგებს ქალს, რადგან ჰგონია, რომ ქალიც მისი ლოგიკით აზროვნებს. ქალი კი გამჭრიახია და საგნებს უშუალოდ უყურებს.

ერთხელ მოლა ნასრედინი სრულიად კანონიერ ფაქტზე დაიჭირეს. სასამართლო პროცესის მსვლელობისას მან დაინახა, რომ თორმეტივე ნაფიცი მსაჯული ქალი იყო, მაშინ მოლამ მოსამართლეს მიმართა: „მე ვაღიარებ ჩემს დანაშაულს! შინ ერთი ქალისთვის ვერ მომიტყუებია, აქ კი თორმეტია. მომისაჯეთ, რაც მეკუთვნის.“

ყველა ქმარმა იცის, რა ძნელია ცოლის მოტყუება. რაც არ უნდა დაგეგმოთ, ყველაფერი ჩაგეშლებათ. შინ რომ ბრუნდებით, ცოლმა თქვენი ყველა ნაბიჯი იცის.

ქალი ვერასოდეს გაუგებს მამაკაცს, ესეც იმის მიზეზია, ასე რომ იზიდავენ ერთმანეთს. რადგან მხოლოდ საიდუმლოს შეუძლია მიიზიდოს. მაგრამ იცხოვროთ იმასთან, ვისაც ვერ გაუგებთ, უბედურების ტოლფასია. ამას კი ბრძოლამდე მიჰყავხართ. სადაც სიყვარულია, მუდმივი ბრძოლა მიმდინარეობს.

თქვენ ყოველთვის საპირისპირო გიზიდავთ. შეხედეთ ინდოელ ჯაინებს. ისინი ყველაზე მდიდარი ხალხია მსოფლიოში. სიმდიდრე კი სიხარბის გარეშე არ არსებობს. ჯაინები ხარბები არიან, მაგრამ პატივს სცემენ წმინდანებს, რომელთაც ყველაფერზე უარი თქვეს. ჯაინები თავიანთ წმინდანებს ტანსაცმლის ტარების ნებასაც კი არ აძლევენ. ნამდვილი დაგამბარი – ჯაინების წმინდანი – შიშველი უნდა იყოს. ის მხოლოდ თავის სხეულს ფლობს და მეტს არაფერს, თავისი საკვები ხელით უნდა ატაროს. მას დღეში ორჯერ ჭამის ნებაც კი არ აქვს. მას მინაზე სძინავს და სწორედ ამიტომ ეძახიან დაგამბარს, ცაა მისი ერთადერთი ჭერიცა და სამოსიც. მაგრამ რატომ ხდება ასე?

მუჰამედი მსოფლიოს შესახებ ლაპარაკობდა. „ისლამი“ მსოფლიოს ნიშნავს. მაგრამ დააკვირდით მაჰმადიანებს, ისინი ყველაზე დაუნდობელი ხალხია მსოფლიოში.

რატომ მიიზიდა ისინი მუჰამედმა და მისმა მსოფლიო რელიგიამ? საპირისპირო საპირისპიროს ყოველთვის იზიდავს, რადგან ის სექსის ძირითადი მოდელია და ეს ყველგან თან გდევთ, სულერთია, რასაც არ უნდა აკეთებდეთ.

სიმონ-პეტრემ უთხრა იესოს: **„შენ მართალ ანგელოზს ჰგავხარ...“**

სიმონ-პეტრე თავის უზნეობაში უნდა ყოფილიყო დამნაშავე. იესო მას თავისი ანგელოზობით იზიდავდა. იგი სუფთა და უდანაშაულო იყო, არასოდეს ჩაუდენია ცოდვა. აი, რატომ ამტკიცებენ ქრისტიანები, რომ იესო უბინო დედისგან იშვა. ეს კი აბსურდია. რატომ ამბობენ, რომ მარიამი ქალწული იყო? იმიტომ რომ რომ სექსი ამორალურად ეჩვენებათ.

და თუ თქვენ ამორალური გზით დაიბადეთ, როგორღა შესძლებთ გახდეთ სრულიად მორალურნი? ეს შეუძლებელია! თუკი თვით სათავეა მონამლული, როგორღა შეიძლება მორალური იყო? თქვენ შეიძლება ეცადოთ, მაგრამ ვერასდროს აღწევთ სრულყოფილებას. ამორალურობა სანყისშივე უნდა აღიკვეთოს. ამიტომ ამტკიცებენ, რომ იესო ქალწულმა შვა.

არავინ არ შობილა ქალწულისაგან. ეს აბსოლუტურად მცდარი მტკიცებაა. ასეთი რამ შეუძლებელია! მაგრამ, მიუხედავად ამისა, ქრისტიანები დამოკიდებულები არიან ამ საკითხზე და თუკი ბოლოსდაბოლოს დამტკიცდა, რომ იესოს მამა ჰყავდა, უმაღლესი უარყოფენ მას: „თუ ქრისტე ჩვენნაირი, ამორალური და ცოდვის გზით არის დაბადებული, რაღა განსხვავებაა ჩვენ შორის?“

სიმონ-პეტრეს პასუხში შემდეგი სიტყვა „ანგელოზია.“

ანგელოზი აბსოლუტური სრულყოფილების, სისუფთავისა და უცოდველობის სიმბოლოა. ეს სიმონ-პეტრეს გარკვეულ თვისებებზე მიუთითებს. ის კი საყრდენი ქვაკუთხედი გახდა, რომელზეც მთელი ქრისტიანული ეკლესია დამკვიდრდა. ამგვარად, ეკლესია მუდამ დაკავებულია მორალურისა და ამორალურის განსაზღვრით. მთელი ეკლესია მორალური გახდა და არა რელიგიური, სიმონ-პეტრეა ამის მთავარი მიზეზი. როდესაც თქვენ ზედმეტად ფიქრობთ იმაზე, რა არის კარგი და რა – ცუდი, უკვე დამნაშავე ხდებით. ცხოვრებამ კი არ იცის ეს, რამეთუ ერთდროულად მოედინება ორივე მიმართულებით. ცხოვრება მდინარეა, თუ იგი ადიდდა, როგორს უწოდებთ მას? მორალურს თუ ამორალურს? ათასობით გლეხი დაიხრჩო, ათასობით ადამიანი უსახლკაროდ დარჩა. რას უწოდებთ მდინარეს წყალდი-

დობის დროს? ცუდს? არა თქვენ არ იხმართ ამ სიტყვას, რადგან იცით, რომ მდინარემ არ უწყის, რა არის ცუდი და რა არის კარგი. ღმერთი კი ისევ არსებობს მდინარეში, როგორც თქვენში. ხე იქ დაეცა, სადაც ბერი მედიტაციას ატარებდა, რას უწოდებთ ხეს? – ცოდვილს თუ მკვლელს? აიძულებთ თუ არა სასამართლოს წინაშე წარდგეს? – არა, თქვენ უბრალოდ იტყვით: „ეს ხეა და ჩვენი მორალი, ცოდვა და არცოდვა მას არ მიესადაგება“.

მორალი ადამიანმა შექმნა. ღმერთი ამორალურად გვეჩვენებს. არსებობაც მთლიანად ამორალურია. ამორალურობა არც ერთს ნიშნავს, არც – მეორეს და არც – ორივეს ერთად. იესოსთან მორალისტური დამოკიდებულებით თუ მიდიხართ, უსათუოდ დაკარგავთ მას. წმინდა სიმონ-პეტრემ მთლიანად დაკარგა იესო – იგი მორალურ ადამიანს ეძებდა, წმინდანს ელტვოდა და არა ბრძენს.

ამით განსხვავდება წმინდანი და ბრძენი ერთმანეთისგან. ბრძენი ცხოვრებასავით ამორალურია. იგი შეერწყა ცხოვრებას და არ აზროვნებს საპირისპირო ტერმინებით. წმინდანი კი მართალს ირჩევს და არასწორს უარყოფს. იგი სანახევროდ ცხოვრობს. წმინდანი არ არის რელიგიური. რელიგიური ადამიანი კი ცხოვრებას ისე ღებულობს, როგორც არის. იგი არაფერს უარყოფს, ვინაიდან რასაც არ უნდა უარყოფდეს, ეს ღვთის უარყოფა იქნება. ასეთ შემთხვევაში ცდილობთ დაამტკიცოთ, რომ ღმერთზე უკეთესი ხართ.

შეხედეთ, სექსი ღმერთმა შექმნა. სხვას ვის შეეძლო ამის გაკეთება? თქვენ კი უარყოფთ მას. თქვენ შეგიძლიათ წმინდანი გახდეთ, მაგრამ თქვენი სინამდვილე მხოლოდ მორალური იქნება და არა – რელიგიური. ინდუსები კარგად მიხვდნენ ამას. ვედ-

ბის ხანაში თუ დავბრუნდებით, დავინახავთ, რომ რიშები ჩვეულებრივად ცხოვრობდნენ, ცოლ-შვილი ჰყავდათ და საოჯახო მეურნეობას ეწეოდნენ. ისინი ცხოვრებას არ განუდგნენ. ეს მერე ჯაინებმა და ბუდისტებმა მოიმოქმედეს. რიშებს ესმოდათ, რომ ცხოვრება მთლიანობაში უნდა იყოს მიღებული. არაფრის უარყოფა არ შეიძლება. აი, რას ნიშნავს თეიზმი, ვინც ცხოვრებას „დიახ“ ეუბნება, არასოდეს არ ამბობს „არას“.

წმინდა პეტრეს შეედლო კარგი ქურუმი ან წმინდანი გამხდარიყო, მაგრამ ვერასოდეს ვერ იქნებოდა ბრძენი. მას საკუთარი კონცეფციები ჰქონდა და ამიტომ მოვიდა იესოსთან. რა უნდა ქნათ, როცა უამრავი მორალური კონცეფცია გაქვთ? თქვენ ასამართლებთ საკუთარ თავს, რადგანაც არსებობს ისეთი საგნები, რომელთა სიტყვებით უარყოფა შეუძლებელია. მამაკაცი ყოველთვის გატაცებულია ქალით, ქალი მშვენიერია და სურვილიც არსებობს. სურვილი ღვთის საჩუქარია და სხეულის ყველა უჯრედში იმყოფება. მეცნიერები ამტკიცებენ, რომ სხეულში 70 მილიონი უჯრედია და ყოველი უჯრედი სექსუალური არსებაა. მთელი თქვენი სხეული სექსუალური მოვლენაა.

სადაც არ უნდა იყოთ და რასაც არ უნდა აკეთებდეთ, სილამაზე ყოველთვის მიიპყრობს თქვენს ყურადღებას – დაკვირვებისხართ, რა ლამაზია ყვავილი ან ჩიტო, დილაადრიან რომ გალობს? იცით თუ არა, რომ ეს სექსუალური გამოწვევაა? ხის სექსუალური უჯრედები პეპლებს, ფუტკრებს ან სხვა მწერებს გადააქვთ სხვა ხეებზე. ყვავილი ამ მწერების მისაზიდი იღეთია.

მამასადამე, იქ, სადაც სილამაზეა, სექსიც არის! მთელი ცხოვრება სექსუალური ფენომენია. რა შეგიძლიათ გააკეთოთ? შეგიძლიათ სექსი გამორიცხოთ. ეს თქვენი ნებაა, მაგრამ შემ-

დეგ თავს დამნაშავედ იგრძნობთ, რადგან სულის სიღრმეში და-
ითრგუნებით. თქვენში შინაგანად ყველაფერი წესრიგში არ იქ-
ნება.

თქვენ ვერ იქნებით ბედნიერი დანაშაულის შეგრძნებით, სა-
დაც არ უნდა ნახვიდეთ, ვერ შესძლებთ სიცილს, ვერ იცეკვებით,
ვერ იმოძრავებთ ექსტაზში, რადგან ყოველთვის შეგეშინდებათ
დათრგუნული ნაწილის, თქვენი სიფხიზლის მოღუწების შემ-
თხვევაში, ის ყოველთვის ეცდება ამოტივტივებას. დათრგუნუ-
ლი თქვენი საკუთარი ცხოვრების გუშაგი ხდებით და არა პატ-
რონი. ველარ ტკბებით ცხოვრებით და თქვენთვის ყველაფერი
მახინჯდება, რადგან გამუდმებული კონფლიქტი არსებობს.
თქვენი ენერგია შინაგან ბრძოლაზე იხარჯება. ის, ვინც რაიმე
სახით თრგუნავს საკუთარ არსებას, სხვას ყოველთვის განკიც-
ხავს და ეს ასეც უნდა იყოს.

ძალიან ძნელია მორალისტთან ცხოვრება, რადგან მისი მზე-
რაც კი ყოველთვის გკიცხავთ. იგი ყველაფერს გამოხსნის, რაც
თქვენ სიამოვნებას განიჭებთ.

მაჰატმა განდის აშრამში თქვენ არ გაგასინჯებდნენ საჭ-
მელს. ასკადი – უგემურობა – პრინციპი იყო, რომელსაც არ ლა-
ლატობდნენ. ჭამა შეიძლებოდა, გემოს შეგრძნება კი დაუშვებე-
ლი იყო. რატომ? იმიტომ, რომ გემოს შეგრძნება სიამოვნებაა,
წმინდანები კი სიამოვნების წინააღმდეგნი არიან. თქვენ ვერ ნა-
ხავთ მომღიმარ ან გაცინებულ წმინდანს. წმინდანი სევდიანია,
ყოველთვის ამტყუნებს სხვებსაც და საკუთარ თავსაც. მისი
ცხოვრება ავადმყოფობაა. წმინდანი არ შეიძლება ბედნიერი
იყოს.

სიმონ-პეტრე სიმბოლურია. იგი ეუბნება ქრისტეს: „**შენ მართალ ანგელოზს ჰგავხარ...**” და ამ სიტყვებში შემდეგს გულისხმობს: მე იმიტომ მოვედი შენთან, რომ სუფთა ხარ, ქალწულისგან დაიბადე, არასდროს გყოლია ცოლი, არასდროს დამტკბარხარ ცხოვრებით და ანგელოზად მეჩვენები.

მათემ უთხრა იესოს: „**შენ ყოვლისმცოდნე ბრძენს ჰგავხარ...**”

მათე არ ეძებს მორალს. მას მეცნიერული ცოდნა უფრო აინტერესებს, იესო კი მცოდნე ადამიანს ჰგავს. ამიტომ მათე ფიქრობს, მიიღოს მისგან ცხოვრების საიდუმლოების რაღაც გასაღები. მათე ცოდნას ეძიებს.

მაგრამ, როდესაც მიხვალთ იესოსთან ან მის მსგავს ადამიანთან, ნუ მიხვალთ ცოდნის საძიებლად. იესო ბრძენს ჰგავს. რასაც უნდა ამბობდეს, მისი ნათქვამი ყოველთვის ზუსტი იქნება, ჭეშმარიტებად აჟღერდება და ღრმა აზრით განიმსჭვალება, მაგრამ თქვენ მეტ ყურადღებას მის სიტყვებს მიაპყრობთ და არა მის არსს.

მათე პანდიტი და სწავლულია. იგი თეორიებს, პრინციპებს, სისტემებსა და ფილოსოფიას ეძებს. ასეთი გონებით ნუ მიხვალთ იესოსთან, თორემ დაკარგავთ მას, რადგან იესო სწავლული არ არის, ის ყოფიერების ადამიანია. ცოდნა ზედაპირული და ნასესხებია. იესო კი ცოცხალია, აბსოლუტურად ცოცხალი! მას არაფერი აქვს სხვისგან ნასესხები. მას შეუძლია გაგიზიაროთ თავისი ყოფიერება, თქვენ კი ბრიყვები იქნებით, მხოლოდ მის სიტყვებს თუ მოისმენთ.

სიტყვების გაგება წიგნებიდანაც შეიძლება. ამისთვის სულაც არ არის აუცილებელი იესოსთან წასვლა. ბიბლიოთეკაში

უფრო მეტ ცოდნას მიიღებთ, რომელიც საუკუნეების მანძილზეა დაგროვილი.

თქვენ მიდიხართ იმ ადამიანთან, ვისაც შეუძლია დაგარწყლოთ. თქვენ კი თან მხოლოდ სიტყვები მიგაქვთ. თქვენ იმპერატორთან მიდიხართ და იგი გეუბნებათ: „**მთხოვე და მოგეცემა**“, თქვენ პურის ნატეხს ითხოვთ და ისეთი ბედნიერი გგონიათ თავი, თითქოს მთელი იმპერია თქვენს ფერხთით იყოს გართბმული. საჭიროა მხოლოდ თქმა, თქვენ კი სიტყვები მიგაქვთ, თეორიებს სწავლობთ და თეოლოგი ხდებით. მათე ქრისტიანული თეოლოგიის საფუძველია.

ეკლესია გამუდმებით ახსენებს პეტრეს, რომელიც ქრისტიანული მორალის, ანტისექსუალურობის საფუძველი გახდა და მათეს – თეორიისა და თეოლოგიის შემქმნელს. ეკლესია დღემდე ატარებს მათ სახელებს. ქრისტიანობა ამ ორ საფუძველშია ჩართული და არა ქრისტეში, მორალში – რა არის ცუდი და რა არა, და თეოლოგიაში – მეცნიერებაში ღვთის შესახებ.

თეოლოგია ღვთის შესახებ თეორიაა, მაგრამ როგორ შეიძლება ღვთის შესახებ თეორია არსებობდეს? ღმერთი არც თეორიაა და არც ჰიპოთეზა, რომლის დამტკიცება ან უარყოფა შეიძლებოდა. შეუძლებელია მის შესახებ კამათი. იესოსთან მათეს შეეძლო ღმერთს შეხვედროდა, მაგრამ ცოდნის ძებნამ წინააღმდეგობა შეუქმნა. არ არის საჭირო იესოსთან ცოდნა ეძიოთ. მას ყოფიერების შეგრძნება უნდა შესთხოვოთ, მაგრამ ცოდნა ადვილი დასაგროვებელია. თქვენ, უბრალოდ, სიტყვებს ისმენთ და ამით აღწევთ მიზანს. ამ დროს სულაც არ არის აუცილებელი გარდასახვა. მაგრამ იესოს თუ ყოფიერებას სთხოვთ, უნდა დადუმდეთ, ღრმა მედიტაციაში უნდა შეხვიდეთ, ჩუმ დამ-

სწრედ უნდა იქცეს. მხოლოდ მაშინ შეძლებს იესო თქვენთვის თავისი ყოფიერების გაზიარებას. მათემ უთხრა იესოს: „**შენ ყოვლისმცოდნე ბრძენს ჰგავხარ...**”

იესო ბრძენი არ არის, ის თვით სიბრძნეა. შესაძლებელია, ბრძენი გახდეთ, მაგრამ არ იყოთ გასხივოსნებული. კონფუციც* ბრძენი იყო, მაგრამ გასხივოსნებული არ ყოფილა. მანუც ბრძენი იყო, მაგრამ არც ის ასხივებდა ნათელს. ბუდა გასხივოსნებულია, ლაო ძიც გასხივოსნებულია. მათი სიბრძნე სხვა წყაროებიდან მოდის. ისინი სიცოცხლის არსს ჩასწვდნენ და შეიცნეს. მათი ცოდნა ინტელექტიდან კი არა, ყოფიერებიდან მოდის. აი, რატომ უწოდებენ იესოს ყოფიერების ადამიანს და არა სწავლულს.

სიბრძნის დაუფლება გამოცდილებითაც შეიძლება. ყველა მოხუცი ბრძენი ხდება. სულელიც ბრძენდება, რადგანაც ამბობენ, რომ საკუთარ სიბრძნეს თუ გაუჯიუტდებით, საბრძნეს დაეუფლებით. მხოლოდ ცხოვრებას ძალუძს სიბრძნე მოგანიჭოთ. მხოლოდ მთელი ცხოვრების გავლით, შეცდომებით, გზის აბნევითა და დაბრუნებით დაბრძენდებით.

აქედან გამომდინარე, იესო ბრძენი არ არის, იგი მოხუცი არ ყოფილა. სინამდვილეში მას არც ცხოვრებისეული გამოცდილება ჰქონდა. მაგრამ მან ისეთი რამ იცოდა, რაც ცხოვრების საფუძველს შეადგენდა. ის არ მოძრაობს სიცოცხლის ხის ტოტებზე, მან ფესვებს მიაღწია. იესოში სიცოცხლის არსი იდო, ხოლო მათემ დაკარგა ის. მათემ და პეტრემ იესოს სიტყვები ჩაინერეს და თეორიები შექმნეს. სინამდვილეში სიცოცხლეშივე დაკარგეს იესო.

თომა მონაფეებს შორის ყველაზე ახლოსაა იესოსთან, მაგრამ მისი გამონათქვამები არ არის ბიბლიაში შეტანილი, რადგან იესო და მისი უახლოესი მონაფეები გამორიცხული უნდა იყვნენ – ისინი საშიშნი არიან.

თომამ უთხრა იესოს: „უფალო, ბაგენი ჩემნი ვერ ხმოვენ მსგავსებას შენსას...“ ე. ი. ამის თქმა შეუძლებელია. შენში ისე ბევრია და შენც ისე ბევრი ხარ, ისეთი აღვსილი და აღუვსებელი ხარ, ჩემი ბაგენი უძლურნი არიან ამის გამოსახატავად. არაფრის თქმა არ შემიძლია. სიტყვები არაფერია. შენ არ შეიძლება ვინმეს ჰგავდე. შეუდარებელი ხარ და რაც არ უნდა ვთქვა, არასწორი იქნება, რადგან საკმარისი არ აღმოჩნდება. სიტყვები განსაზღვრულია, შენ კი განუსაზღვრელი...

თომა ქრისტესთან ყველაზე ახლოს მივიდა, მაგრამ მაინც შორს დარჩა, რადგან მათ შორის გარკვეული მანძილი არსებობდა.

მსგავს ამბავს ბოდჰიდჰარმაზეც* ჰყვებიან, რომელმაც ცხრა წელიწადი ჩინეთში დაჰყო. იგი ხალხს ასწავლიდა, ბევრი დაუახლოვდა მას. წასვლის წინ სთხოვა მონაფეებს, რამე ეთქვათ დჰარმის, ჭეშმარიტების შესახებ. მასაც თითქმის ისეთივე პასუხი გასცეს, როგორც იესოს უპასუხეს პეტრემ, მათემ და თომამ. მაგრამ ბოდჰიდჰარმას იესოზე მეტად გაუღიმა ბედმა, ვინაიდან მას მეოთხე მონაფე აღმოაჩნდა, რომელმაც გაჩუმება არჩია. მას ისიც არ უთქვამს: „მე არ შემიძლია თქმა.“ თუკი ამბობთ: მე არ შემიძლია თქმა... უკვე ამბობთ რაღაცას! მეოთხე მონაფე საერთოდ გაჩუმდა! იგი ძალიან სევდიანი იყო, მუხლებზე იდგა ოსტატთან. ბოდჰიდჰარმა უთხრა მას: „პირველ მონა-

ფეს ჩემი ძვლები აქვს, მეორეს – ხორცი, მესამეს – სისხლი, შენ კი ჩემი არსი ხარ!”

მეოთხე მოწაფეს ბოდჰიდჰარმასთვის იმდენიც კი არ უთქვამს, რამდენიც თომამ იესოს უთხრა. იგი მოძღვართან ყველაზე ახლოს მივიდა და მისი არსი გახდა.

იესო არ აღმოჩნდა ბოდჰიდჰარმასავით ილბლიანი, რასაც თავისი მიზეზები ჰქონდა – სხვა კლიმატი იყო და სიტუაციაც სრულიად განსხვავებული. ჩინეთი ლაო ძის იცნობდა. იუდეველები კი არასოდეს იცნობდენ ლაო ძის მსგავს ადამიანს. ლაო ძიმ ჩინეთში ბუდას თესლს აღმოსაცენებლად ნოყიერი ნიადაგი მოუმზადა. ბოდჰიდჰარმას ეს ნიადაგი მზად დახვდა, რომელიც ლაო ძის და ჩჟუან ძის* მიერ იყო მოვლილი. ბოდჰიდჰარმას მოტანილი თესლი მშვენივრად აღმოცენდა ამ ნიადაგში.

იესოს ბედმა არ გაუღიმა. მას ნიადაგი არ დაუხვდა მზად. იუდეველებს ჰყავდათ წინასწარმეტყველნი, მაგრამ ლაო ძისა და ჩჟუან ძის მსგავსნი არ ჰყოლიათ. იუდეაში იყვნენ წმინდანები. მათი რელიგიის საფუძველი ათი მცნება იყო. ასე რომ, არაფერი არ ჩნდება მიზეზის გარეშე, არაფერი არ არსებობს ხანგრძლივი ტრადიციის გარეშე.

სიმონ-პეტრეს შემთხვევა ერთადერთი როდია. მას ხანგრძლივი ისტორია უნდა უძლოდეს წინ. მოსეა ის ყველაზე ღრმა მიზეზი და ფესვი, რომლისგანაც სიმონ-პეტრე აღმოცენდა. ათი. მცნება მსოფლიოს ცხოვრების მორალური მიმართულებაა. მაგრამ იუდეაში არ იყო ლაო ძის მსგავსი პიროვნება. რომელსაც შეეძლო ეთქვა: **„ყველა განზრახვა ყალბია. იმ დროს, როდესაც თქვენ ამბობთ: „ეს კარგია!“ და „ეს ცუდია!“ თქვენ ყოფთ ცხოვრებას და კლავთ მას“**. ლაო ძი მთლიანობას ღებუ-

ლობდა და არა გაყოფას. ბოდჰიდჰარმა იღბლიანი იყო და ეს არის მიზეზი, მეოთხე მონაფეც რომ ჰყავდა.

ყველაზე მეტი, რაც იუდეურ კულტურაში შეიძლება არსებობდეს, ეს თომას სახეა. შეხედეთ თომას ფენომენს, გაიგეთ და ჩასწვდით რაზე მეტყველებს ის. ეს არის უმთავრესი პრობლემა. არიან ადამიანები, რომლებიც ამბობენ: „ღმერთზე არაფრის თქმა არ შეიძლება“, მაგრამ მათ უკვე თქვეს რაღაც. ზუსტი თუ ხართ, შეცდომას დაუშვებთ. თუ ასუსტებთ, რომ არაფერი არ უნდა ითქვას, მაშინ თვით ესეც არ უნდა იყოს ნათქვამი. თქვენ უნდა დადუმდეთ! წინააღმდეგ შემთხვევაში დოგმას ქმნით, ერთი მხრივ, ამბობთ, რომ არაფრის თქმა არ შეიძლება, მაგრამ ამის თქმა თუ შეიძლება, რატომაა დაუშვებელი კიდევ რამდენიმე სიტყვა დაუმატოთ?

რაშია პრობლემა? ამის მტკიცება თუ შეიძლება, მაშინ უფრო მეტის მტკიცებაც დასაშვებია, აი, რატომ ჩუმდება ბუდა. ის იმასაც არ იტყვის, რომ „ღმერთზე არაფრის თქმა არ შეიძლება...“ იგი ამდენსაც არ იტყვის. ღმერთზე თუ შეეკითხებით, სხვა რამის შესახებ დაინწყებს საუბარს ან ვერ გაიგებს, თითქოს არც გიკითხავთ. ბუდა იმასაც არ იტყვის, რომ შეუძლებელია რამის თქმა, რადგანაც ეს აბსურდია. რატომ ლაპარაკობთ ამის შესახებ?

თქვენ უარყოფითაც მიუთითებთ. მხოლოდ დადებითი პასუხი როდია მტკიცება. საანინააღმდეგო თქმითაც ადასტურებთ რაღაცას. როცა ამბობთ: „ღმერთს არა აქვს ფორმა“. რას გულისხმობთ? იცნობთ მას? ან ისე კარგად იცით, რომ ამას ამბობთ? თუ ასე კარგად იცით, მაშინ ღმერთს აქვს ფორმა. მაგა-

ლითად, თქვენ ამბობთ, რომ ეს ოკეანე არ შეიძლება გაიზომოს – იგი ისეთი ღრმაა, რომ შეუძლებელია მისი გაზომვა.

ასეთ შემთხვევაში ორი შესაძლებლობა არსებობს. თქვენ ან გაზომეთ, რადგან მხოლოდ მაშინ შეგიძლიათ ამტკიცოთ, რომ შეუძლებელია ოკეანის გაზომვა, ან უბრალოდ არ გიცდიათ ეს. სხვაგვარად როგორ შეგიძლიათ ასე განაცხადოთ? სიღრმე ხომ იზომება. თუკი ღრმაა, ე. ი. ყოველთვის გაიზომება.

როცა ამბობთ: „ღმერთს ფორმა არა აქვს“, მისულხართ იმ საზღვრამდე და დაგინახავთ ეს უფორმოება? თუკი მისულხართ, ეს უკვე ნიშნავს, რომ ღმერთს აქვს ფორმა. ხოლო თუ არ მისულხართ, მით უმეტეს, ნუ ლაპარაკობთ, რომ უფორმოა, რადგან სავსებით შესაძლებელია, ღმერთს ფორმა ჰქონდეს. მხოლოდ საზღვრამდე მისულს შეგიძლიათ ეს იცოდეთ. ამიტომ ის, ვინც ღმერთს შეჯახებია, დაცემულა მის წინაშე. ის არაფერს ამბობს, ამასაც კი, რადგან ეს წინააღმდეგობაა.

ჩვენი საუკუნის ერთ-ერთმა ყველაზე გამჭრიახმა ლოგიკოსმა ვიტგენ-შტეინმა მშვენიერი სენტენცია დაწერა. მას თავის წიგნში „ლოგიკურ-ფილოსოფიური ტრაქტატი“ ბევრი საუკეთესო მტკიცება მოჰყავს. იგი წერს: „არაფერი არ უნდა ითქვას იმის შესახებ, რის შესახებაც არაფერი არ შეიძლება ითქვას. საგანზე არაფრის თქმა თუ არ შეიძლება, მოდელი უნდა გაჩუმდეს!“

თომა ყველაზე ახლოს მივიდა იესოსთან, მაგრამ მათ შორის მანძილი მაინც დარჩა. თომა მაინც შეეცადა ეთქვა და გამოეხატა გამოუხატავი.

თომამ უთხრა იესოს: „უფალო, ბაგენი ჩემნი ვერა ჰხმობენ მსგავსებას შენსას“.

იესომ მიუგო: „**მე არა ვარ შენი უფალი, რადგან შენ მთვრალი ხარ მჩქეფარე წყაროთი მე რომ გავზომე...**”

თუკი გესმით, მხოლოდ ამ შემთხვევაში შეგიძლიათ იყოთ მონაფე, მხოლოდ ამ დროს შეგიძლიათ ტაძარში შესვლა, როცა გესმით, მაშინ არის შესაძლებელი ოსტატის არსში შესვლა.

იესომ თქვა: „**მე არა ვარ შენი უფალი...**”

მან ეს სამივეს უთხრა. თომა საუკეთესო მონაფეა, მაგრამ ისიც არასრულყოფილი რჩება. იგი მხოლოდ სხვებთან შედარებითაა უკეთესი. თომა იესოსთან ყველაზე ახლოს მივიდა, მაგრამ მას ძველებურად სჯერა სიტყვის, რადგან ცდილობს გამოხატოს ის, რისი გამოხატვაც შეუძლებელია.

„**...რადგან შენ მთვრალი ხარ მჩქეფარე წყაროთი, მე რომ გავზომე...**”

აქ იესო ღრმა ჭეშმარიტებას ამბობს: „თქვენ სამივე გონებიდან, „მოჩუხჩუხე წყაროდან” გამომდინარე მეტყველებთ. თქვენ კვლავ გონებით ლაპარაკობთ: პირველს – მორალისტური გონება გააჩნია, მეორეს – თეოლოგიური, მესამეს – მისტიკური. თუ გონების კარნახით ლაპარაკობთ, მე არა ვარ თქვენი უფალი, რადგან მთელი გულისყური იმაზე უნდა გქონდეთ გამახვილებული, როგორ უარყოთ გონება!”

აი, რას ითხოვს ოსტატი – უარყავით გონება! თქვენ კი იღეთ თებს ატარებთ, ოსტატის შესახებ იმ გონებიდან გამომდინარე საუბრობთ, რომლის უარყოფასაც იგი ითხოვს. აი, რატომ ვამბობ, რომ ბოდჰიდჰარა ქრისტიანზე უფრო იღბლიანი აღმოჩნდა. მას მოსწავლე ჰყავდა, რომელიც ჭეშმარიტად გაჩუმიდა. იყვნენ სხვა, უფრო იღბლიანი ოსტატებიც. ერთ-ერთი მათგანია რინდაი. მან იგივე კითხვა დასვა, რადგან ეს სინამდვილეში ერთი და

იგივე ისტორიაა, რომელიც მარადიულად მეორდება. ბუდა და მისი მოწაფეები, იესო და მისი მოწაფეები, ბოდჰიდჰარმა და მისი მოწაფეები – ამბავი ერთია, არ იცვლება, რადგან ურთიერთობაც უცვლელია და მოვლენაც.

რინძაი კიდევ უფრო ბედნიერი აღმოჩნდა, როცა მან მოწაფეს ჭეშმარიტების შესახებ ჰკითხა, როგორ გგონიათ, რა ქნა მოწაფემ? მან ოსტატს დაარტყა, რინძაის კი გაეცინა და თქვა: „მართალი ხარ, შენ კარგად მოიქეცი, რადგან არ შეიძლება არაფრის შეკითხვა. ყველა კითხვა არასწორია!“

და ის ყველაზე ილბლიანი ოსტატი იყო! როგორ შეიძლება, უპასუხო შეკითხვას, როცა თვით შეკითხვა არასწორია. ის მოწაფე, რომელმაც რინძაის გაარტყა, თავისთვის ფიქრობდა: „ოსტატო, ნუ ხარ სულელი, ნუ თამაშობ ჩემთან. შენ ცდილობ ჩიხში ჩემს მომწყვდევას. პასუხი რომ გაგცე, არასწორად მოვიქცევი, მაგრამ თავის არიდებაც უმართებულო იქნება. რომ გიპასუხო, მართალი არ ვიქნები, რადგან ჭეშმარიტების სიტყვით გამოსატყა შეუძლებელია. მაგრამ რომ არ გიპასუხო, ესეც უზრდელობა იქნება...“ და ამიტომ გაარტყა ოსტატს. რიჰას გაეცინა და უთხრა: „სწორია! როდესაც მოწაფეს შეუძლია ოსტატს ხელი დაარტყას, ის თავად ხდება ოსტატი. ახლა წადი და სხვებს ასწავლე!“

იესომ თქვა: **„მე არა ვარ უფალი შენი, შენ თვრალი ხარ მჩქეფარე წყაროთი, მე რომ გავზომე...“**

თქვენ ლოთებად რჩებით და ისევ გონების უგუნურობა გათრობთ! გონება ყოველგვარი უგუნურობის საწყისი და ეკვივალენტურია. შესაძლოა, არ ხართ ძალიან უგუნური, არ დულხართ, არ ორთქლდებით, ამიტომ არავინ არ დააპირებს თქვენს

საგიჟეთში მოთავსებას. თქვენი უგუნურობა საშუალო დონისაა. თქვენ შრომისუნარიანი უგუნური ხართ. შეიძლება მუშაობდეთ, მოქმედებდეთ, მაგრამ საკუთარ თავში უგუნურობას ინარჩუნებდეთ. ადამიანი მაშინ იშორებს უგუნურობას, როცა გონებას ტოვებს... აი, რატომ გინოდებთ იესო მთვრალეებს.

ნუ მიიტანთ ოსტატთან გონებას, თორემ ვერ მიუახლოვდებით და სატსანგს* ვერ მიაღწევთ, მთვრალი იქნებით საკუთარი გონებით და ოსტატის გვერდით იფიქრებთ და ილაპარაკებთ. თქვენი გონება ზღუდეს აღმართავს და იესო ველარ გადმოაბიჯებს მას.

...და მოჰკიდა ხელი თომას, გაიყვანა მოშორებით და სამი სიტყვა უთხრა.

როცა თომა მობრუნდა, მონაფეები შეეკითხნენ:

„რა გითხრა იესო?“

იესო საუკეთესოს უნდა დაუკავშირდეს, მაგრამ საუკეთესო არ არსებობს. თომა მხოლოდ რჩეული იყო. იესომ გაიყვანა ის და სამი სიტყვა უთხრა. უკან დაბრუნებულს ამხანაგებმა ჰკითხეს: „რა გითხრა იესომ?“ მონაფეები კვლავ იესოს სიტყვებით არიან დაინტერესებული და არა მისი არსით. ისინი ისევ ცოდნასა და სიტყვებს ეძებენ და ყოფიერებას უარყოფენ.

თომამ უპასუხა: **„ერთი სიტყვაა რომ ვთქვა მისი ნათქვამიდან,**

თქვენ ქვებს აიღებთ და ჩამქოლავთ,

და ცეცხლი გამოვა ქვებიდან და

დაგწვავთ თქვენ...”

ყველაფერი ეს იღუმალებითაა მოცული. ის სამი სიტყვა არ ჩანერილა, არც თომას უთქვამს დანარჩენი მონაფეებისათვის.

მაგრამ მან მითითება მაინც მიიღო, რადგან მზად თუ არ ხართ, მხოლოდ ქარაგმით შეიძლება თქმა. თუ ჭეშმარიტი მკვლევარი ხართ, ქარაგმითაც მიხვდებით საიდუმლოს. არ შეიძლება საიდუმლოს პირდაპირ თქმა. თქვენ მზად უნდა იყოთ მისთვის. რაც უფრო მეტად ხართ მომზადებული, უფრო ცხადად ჩასწვდებით საიდუმლოს.

იესო გადაკრული სიტყვით გაგებინებთ, ამიტომ თავიდან ქარაგმა ამოხსენით.

იესომ თომას სამი სიტყვა უთხრა. თომა კი ამბობს: „...ერთიც რომ ვთქვა...“ რას გულისხმობს იგი?

ყოველი ადამიანი სიცრუეში ცხოვრობს, ვინაიდან სიცრუე ხელსაყრელი და მოსახერხებელია. ჭეშმარიტება კი – მძიმეა და უნუგეშო. სიცრუე დაღმართს ჰგავს, თქვენ მსუბუქი ცეკვა-ცეკვით ეშვებით მასზე. ჭეშმარიტება კი რთული და ციცაბო აღმართია. მასზე ასვლის დროს სუნთქვა გეკვრებათ, სიცრუე თავდაც შეგიძლიათ მოიგონოთ და შეთხზათ, თქვენ საკუთარი ტყუილიც გაკმაყოფილებთ, მაგრამ სიმართლეს ვერ შეთხზავთ.

ტყუილის გამოგონება იოლია და ეს სიცრუე დაგაკმაყოფილებთ, სიმართლეს კი იძულებული ხდებით, რომ შეეგუოთ, სიმართლით რომ დაკმაყოფილდეთ, უნდა შეიცვალოთ. ტყუილი ყოველთვის თქვენთან არის და არ გენინააღმდეგებათ, სიმართლე კი უცვლელია, მართალი თუ გინდათ იყოთ, თვითონ უნდა გადასხვაფერდეთ. სამართლის შეთხზვა შეუძლებელია. ის არსებობს. მისი აღმოჩენა შეიძლება მხოლოდ. აი, რატომ არის ადამიანი სიცრუეში ჩაფლული.

ყველა ქვეყანას საკუთარი ტყუილი გააჩნია. ყველა ეროვნებას, ყველა რელიგიას, ეკლესიას, ტაძარს, გურუღვარას საკუთარი სიცრუე აქვს შექმნილი, რაც ძალიან მოსახერხებელია და სიმართლისაგან გიცავთ, ამიტომაც, რომ სიმართლის დამცველს ქვებს უშენთ. ის თუ მართალია, თქვენი ცხოვრებაა ყალბი. ეს კი თქვენთვის მიუღებელია, თქვენ ხომ ამის გამო იცხოვრეთ. ყველაფერი, რაც გაქვთ, თქვენი ოცნებებია, ხოლო რასაც მიაღწევთ – თქვენი ტყუილი. ამ დროს კი ვილაც მოდის და სიმართლეს გეუბნებათ. ამრიგად, მხოლოდ ორი გამოსავალი გაქვთ – ან მთლიანად უნდა განადგურდეთ, ან ქვები უნდა დაუშინოთ სიმართლის მთქმელს. სიმართლის მთქმელის ჩაქოლვით თქვენ უფრო ჩაეფლობით სიცრუეში.

ფსიქოლოგები მივიდნენ იმ დასკვნამდე, რომ ადამიანს არ შეუძლია ტყუილის გარეშე ცხოვრება და რამდენადაც საუბარია ადამიანთა უმრავლესობაზე, ისინი მართალნი არიან, ფროიდი, იუნგი და ადლერი, ადამიანის ცნობიერების ეს სამი უდიდესი მკვლევარი, ამ საკითხში აბსოლუტურად ეთანხმებიან ერთმანეთს – ადამიანმა უნდა იცრუოს, ეს მისი უმთავრესი მოთხოვნილებაა. იგი საკვებიცაა და უფრო მნიშვნელოვანიც კი. უსაკვებოდ სამ თვეს გაძლებთ, ტყუილის გარეშე კი სამ წამსაც ვერ იცოცხლებთ, რამეთუ ტყუილით სუნთქავთ!

ვინმე მხარს თუ უჭერს თქვენს ტყუილს და სიმართლეს ამსგავსებს, თქვენ ეთაყვანებით მას, სიკვდილის გეშინიათ და სულის უკვდავებისა გჯერათ! თქვენთვის ეს სიცრუეა – თქვენ ხომ სულის ანბანსაც კი არ გასცნობიხართ. არ იცით, არსებობს თუ არა ის, მაგრამ მისი უკვდავებისა მაინც გჯერათ. როცა ვინმე

ამტკიცებს და ასაბუთებს სულის უკვდავებას, პატივისცემით ეპყრობით მას და მცოდნე კაცს უწოდებთ.

მაგრამ ამ ადამიანმა ხომ მხოლოდ მხარი დაუჭირა თქვენს ტყუილს. თქვენ კი, როგორც იყავით, ისეთივე დარჩით. არ იცით, რა არის სული და არც გინდათ იცოდეთ. სიცრუე გეხმარებათ ცხოვრებაში, სიკვდილი აღარ შეგაშინებთ, რადგან იგი არ არსებობს. სული უკვდავია.

აქედან წარმოიშვა ძალიან უცნაური მოვლენა – ინდოელები ყველაზე მხდალი ხალხია მსოფლიოში. სხვაგვარად როგორ შეიძლება აიხსნას ინდოეთის დამონება ამდენი საუკუნის მანძილზე? ამასთან, იგი მცირერიცხოვანმა ინგლისმა დაიმონა, რომლის მთელი მოსახლეობის რაოდენობა ინდოეთის ნებისმიერი პროვინციის მოსახლეობაზე გაცილებით ნაკლებია. ორმოცდაათი კრორი (500 მილიონი) დაიპყრო სამმა კრორმა (30 მილიონი) ეს ალოგიკური ჩანს, მაგრამ ვინც არ უნდა მისულიყო – მონღოლები, თურქები, ინგლისელები თუ სხვა – ინდოეთი ყველას დანებდებოდა. რითი აიხსნება ასეთი სიმხდალე? ეს არის „საკუთარი თავის“ მცოდნე ხალხი? ისინი გაიძახიან, რომ სანყისი ცოდნა აქვთ და იციან, რომ სული უკვდავია?! თუ ეს ასეა, როგორღა შეიძლება მშიშარა იყოს? სული თუ უკვდავია, თქვენზე მამაცი ვერავინ იქნება, რადგან არავინ არ მოკვდება, თქვენც ხომ უკვდავები იქნებით. მაგრამ სული უკვდავია და მიუხედავად ამისა, ინდოელები ყველაზე მშიშარა ხალხია მსოფლიოში. სინამდვილეში კი თავიანთ შიშს ისინი სულის უკვდავების ფილოსოფიაში მალავენ.

შეიძლება ბუდამ და იაჯნავალკიამ იცოდნენ, მაგრამ ამ ცოდნის გადმოცემა შეუძლებელია. თვითშემეცნება ინდივი-

დუალურია. ადამიანმა იცის და როდესაც კვდება, მისი ცოდნაც ქრება. ცოდნა თავიდან უნდა იქნეს აღმოჩენილი და ამიტომ მისი საკუთრებად ქცევა შეუძლებელია.

ინდოეთი მხდალი ქვეყანაა, მაგრამ მას მშვენიერი თეორია აქვს. ინდოელებს სიკვდილის ეშინიათ. ევერესტს უცხოელები იპყრობენ, ინდოელები კი თავს არ ინუხებენ ამაზე ფიქრით. ყოველი მათგანი იტყვის: „რა სისულელეებს სჩადიხართ? რას მიიღებთ, იქ რომ ახვალთ? რატომ იგდებთ თავს საფრთხეში?“

ინდოელებს ხიფათის ყოველთვის ეშინოდათ. თუ ხიფათია მოსალოდნელი, ისინი ადგილიდანაც კი არ დაიძვრებიან, და ამ ხალხს ჰგონია, რომ სულის უკვდავება იცის? არა, ეს სიცრუეა! იმ გაგებით კი არა, რომ სიმართლეს არ შეესაბამება, უბრალოდ, ეს თქვენი სიცრუეა და მისი საშუალებით იცავთ თქვენს სიმხდალეს!

ინდოეთი მოვლენაა! მიმოიხედეთ და მსოფლიოში ვერ ნახავთ ასეთ ხარბ და ძუნწ ხალხს. ინდოელები სხვებს მატერიალისტებს ეძახიან, თვითონ კი ასეთნი არიან. ინდოელი ფულისთვის ცხოვრობს და მისთვის წარმოუდგენელია, ვინმეს რამე მისცეს. ყველაფერს ებლაუჭება, სხვებს მატერიალისტებს ეძახის, საკუთარ თავს კი „სპირიტუალისტს“ უწოდებს. მაგრამ ეს ცოცხალი ტყუილია, თანაც იმდენჯერ განმეორებული, რომ სიმართლედ გვეჩვენება.

თითოეული თავის საკუთარ ტყუილს თხზავს. არსებობს საყოველთაოდ აღიარებული ტყუილი. მერე კერძო ტყუილს იგონებთ და მასში ეფლობით. იგი ბევრის უფლებას გაძლევთ. შეიძლება მხდალი იყოს და თავი მამაცი გეგონოთ და ისე მოიქცეთ, მამაცს რომ შეეფერება. ეს ნაწილობრივ გეხმარებათ კიდევ,

რადგან თუ მხდალი ხართ და ამას აღიარებთ, ცხოვრებაში ვე-
ლარ იმოქმედებთ.

ამიტომ ამბობენ ფსიქოლოგები, ტყუილის გარეშე ადამიანი
ვერ იცხოვრებს. მხდალიც მოძრაობს ცხოვრებაში. ეს თითქმის
ყოველთვის ასეა – ვინც არ უნდა იყოს, საკუთარი არსის საპი-
რისპირო ტყუილს იგონებთ და ამის მერე თამაშობთ საკუთარ
როლს, რომ სხვებმაც დაინახონ და თქვენც ირწმუნოთ. ამ დროს
გამბედავი ხდებით. შეიძლება ხიფათსაც ეძებდეთ მაშინ, როცა
ამის არავითარი აუცილებლობა არ არსებობს, მხოლოდ იმი-
ტომ, რომ სხვებსაც და საკუთარ თავსაც დაუმტკიცოთ, რომ
მხდალი არ ბრძანდებით. სულის სიღრმეში კი ისევ გეშინიათ სა-
კუთრი სიმხდალის.

ხარბმა თუ დათმო ყველაფერი, ტანსაცმელზეც უარი თქვა
და სახლიც მიატოვა, მხოლოდ იმიტომ, რომ თვითონვე ირწმუ-
ნოს, რომ ხარბი არ არის. მაგრამ ეს ვერაფერს უშველის, რად-
გან სიცრუეა. შემოდარცვითა და სახლის მიტოვებით ვერ
მოიცილებთ სიხარბეს, რადგან ის თქვენს არსშია და თქვენი ნა-
წილია. თქვენ შეეცდებით საკუთარი სიხარბე თამაშით დაფა-
როთ და საპირისპირო უკიდურესობისკენ ლტოლვით შენიღ-
ბოთ.

ადამიანი სიხარბისა და განდგომის გარეშეც გაძლებს, თუ
თამაში არ დასჭირდა. იგი შიშის გარეშეც იარსებებს და ეგრეთ
წოდებული სიმამაცის გარეშეც. საკუთარ არსს ჩანვდომილი
ადამიანი არც ერთ უკიდურესობაში არ ჩავარდება. იგი განო-
ნასწორებულია.

ბუდა რომ მიდიოდეს გზაზე და გველი დაინახოს, როგორ
გგონიათ, რას იზამს? ის უბრალოდ გადახტება გზიდან! რას

უნოდებთ ამას? სიმამაცეს თუ სიმხდალეს? ბუდა, უბრალოდ, მგრძნობიარე და შეგნებული ადამიანია. თქვენ ის პიროვნება მოგეწონებოდათ, რომელიც გველს მიუახლოვდებოდა და არ იზრუნებდა მოსალოდნელ საფრთხეზე. გველმა შეიძლება უკბინოს მას. თქვენ ასეთი პიროვნება მამაცი გგონიათ, ის კი ბრიყვია და სულის სიღრმეში მხდალი. გზაზე იმიტომ დარჩება, რომ თავისი შიში დამალოს.

ბუდაზე კი იფიქრებთ, რომ მშიშარაა, რაც არასწორია. გზიდან გადასვლა უბრალოდ კეთილგონიერებაა.

შეგნებული ადამიანი არასდროს არ მოძრაობს საპირისპიროსკენ. რაც არ უნდა ხდებოდეს, როგორც არ უნდა ვითარდებოდეს მოვლენები, იგი ყოველთვის ფხიზლად იქნება. ის არც გამბედავია და არც მხდალი. თქვენ ან მამაცი ხართ, ან მხდალი. გარკვეულ პირობებში მშიშარასაც შეუძლია გმირობა ჩაიდინოს, გამბედავმა კი ილაჩროს.

შეხედეთ პრობლემას: ყველაზე გამბედავიც კი მშიშრად გარდაისახება. შინ დაბრუნებისას ნაპოლეონიც კი გაუბედავია ჟოზეფინას წინაშე. რატომ ხდება, რომ გარეთ მამაც მამაკაცს შინ თავისი საცოდავი ცოლისა ეშინია?

მარტო თქვენ კი არა, ყველა ქმარი ცოლის მონაა! ეს შეიძლება გაზვიადებულად მოგეჩვენოთ, მაგრამ ყოველი ქმარი ცოლის მონა უნდა იყოს. სახლის გარეთ იგი მამაცია, შინ კი სურს ამ სიმამაცისგან დასვენება. წარმოიდგინეთ, შინაც რომ არ ისვენებდეს, სადღა მოიხსნას მან ეს დაძაბულობა? სახლის გარეთ ომია, გამუდმებული ომი მშვიდობის დროსაც კი, მთელი დღე მისთვის შერკინებაა. შინ როცა ბრუნდება, დასვენება უნდა. შეუძლებელია 24 საათი მამაცი იყოთ. დაიმახსოვრეთ: არავის შე-

უძლია 24 საათი ერთსა და იმავე როლში ყოფნა. 24 საათი მხოლოდ სიფხიზლეს შესაძლებელი.

რას აკეთებდა თქვენი ცოლი მთელი დღე? ის არავის ერკინებოდა, იჯდა შინ და ისვენებდა. მას ერთხელაც არ ჰქონია შემთხვევა, გამოევლინა თავისი გამბედაობა. ისიც გადაიღალა სიმხდალით, მხოლოდ ცოლად ყოფნით. შინ რომ ბრუნდებოდა, იგი აჩენს თავის გამბედაობას.

ლომების ერთ მომთვინიერებელ, საკმაოდ მამაც კაცს ძალიან ეშინოდა თავისი ტანმორჩილი ცოლისა და შინ დაგვიანება უბედურება იყო მისთვის. ერთ საღამოს მან დაივიწყა ყველაფერი, მეგობრებთან ერთად დალია და მხოლოდ შუალამისას გაახსენდა სახლი და ცოლი. შინ ველარ დაბრუნდებოდა, სადმე უნდა დამალულიყო, მაგრამ ვერაფერი ნახა. ქალაქი პატარა აყო და რომელ სასტუმროშიც არ უნდა დაბინავებულიყო, ცოლი ყველგან მიაგნებდა. ბოლოს ზოოპარკში, სადაც მომთვინიერებლად მუშაობდა, ლომის გალიაში შევიდა. გალიის გასაღები თან ჰქონდა. ამ გალიაში ექვსი მძვინვარე ლომი იყო. მას კი უშფოთველად ეძინა და ბალიშად ლომის ზურგი გამოეყენებინა.

მისმა ცოლმა მთელი ქალაქი შემოიარა. ვერსად რომ ვერ მიაგნო ქმარს, ბოლოს ზოოპარკში შევიდა და ნახა, რომ მისი ქმარი ლომების გალიაში ხვრინავდა. ცოლმა გისოსებიდან ქოლგა დაჰკრა მძინარეს და დაუყვირა: გამოდი გარეთ, მშიშარავ, მე შენ გიჩვენებ ოინს!”

ეს გარდაუვლად მოხდება – ერთ უკიდურესობას თუ ირჩევთ, მეორეც თან მოჰყვება. ერთ ამბავში შეიძლება გამბედავი იყო, მეორეში – მხდალი. მამაკაცისათვის ერთი გზა არსებობს, ცოლის მონობას რომ გაექცეს. შინ ქალის ფუნქციებს ის უნდა

ასრულებდეს, ხოლო ცოლი მსახურობდეს. მაშინ ის მონა აღარ იქნება, რადგან აღარც ქმარი იქნება. სინამდვილეში ის ცოლია, ცოლი კი – ქმარი.

ყველა უკიდურესობა საკუთარ თავში საპირისპიროს ატარებს და თქვენ ეს საიდუმლო უნდა გამოამჟღავნოთ, წინააღმდეგ შემთხვევაში ის ძალიან დაგამძიმებთ და ცხოვრება გაგიჭირდებათ. მხოლოდ შეგნებული ყოფნა, რასაც ბუდისტები „პრაჯნას“ უწოდებენ. განონასწორებული მდგომარეობიდან გამომდინარე მედიტაცია გადუნებთ. ცნობიერების ეს მდგომარეობა კატის მდგომარეობას ჰგავს. მაშინაც კი, როცა სძინავს, ფხიზლობს. გარეშე მცირე ხმაურიც საკმარისია, რომ დასვენებული წამოხტეს. განონასწორებული ადამიანის გონება ძილშიც ფხიზლადაა. მისთვის არ არის საჭირო მოდუნება, რადგანაც არც დაძაბულობა ყოფილა. ის არც მხდალია და არც მამაცი. მან ერთიც გაიგო და მეორეც და გამოვიდა უკიდურესობიდან. ადამიანი სიცრუეშია ჩაფლული. მან ასე უნდა იცხოვროს, რადგან მთლიანად არ ღებულობს საკუთარ არსს. მან მხოლოდ ნაწილი მიიღო. რა უყოს დანარჩენს? მან რაღაც ტყუილი უნდა მოიგონოს, რათა მიჩქმალოს იგი.

თომამ უთხრა მათ: **„ერთი სიტყვაც რომ ვთქვა მისი ნათქვამიდან, თქვენ აიღებთ ქვებს და ჩამქოლავთ...“**

ჭეშმარიტებას ყოველთვის ასე ხვდებიან. ძნელია ჭეშმარიტების დაცვა. ისინი, ვინც გისმენთ, თქვენს მტრებად იქცევიან და ჩაგქოლავენ. ისინი სინამდვილეში თქვენ კი არ გეწინააღმდეგებიან, არამედ თავს იცავენ და საკუთარ ტყუილს ფარავენ.

თომას სიტყვით, მოწაფეები ქვებს ჭეშმარიტებას ესვრიან, ხოლო ქვებიდან ცეცხლი გამოვა და დასვამთ მათ...

თქვენ ვერ შესძლებთ ჭეშმარიტების ჯვარზე გაკვრას. იუდეველებმა, იესო კი არა, საკუთარი თავი აცვეს ჯვარს. მას შემდეგ გიზგიზებს ცეცხლი და ისინი გაურბიან ამ ცეცხლს, რომელიც თან სდევთ.

მაშინ, როცა ჭეშმარიტებას ქვას უშენთ, ბოლოს და ბოლოს, თვითონვე მოგხვდებათ ეს ქვა და თვითონვე დაინვებით. ასეთია იუდეველთა მთელი ისტორია. ოცი საუკუნის მანძილზე ისინი იწვებიან. მე კი არ ვამართლებ მათ, ვინც წვავს, არა! მე არც ჰიტლერის მომხრე ვარ და არც სხვა დიქტატორის, იუდეველებს რომ დევნიან. ისინი, რა თქმა უნდა, არასწორად იქცევიან. იუდეველები საკუთარ არსში ატარებენ იარას და თვითონვე ქმნიან საკუთარ ჰიტლერებს.

ძალიან ძნელია ამ სურვილის გაგება. დამნაშავე იმას ეძებს, ვინც მას დასჯის. როცა მას არ სჯიან, მაშინ უჭირს ცხოვრება, ხოლო დასჯაში შვებას პოულობს. დაჰკვირვებიხართ ბავშვებს? თქვენ თუ არ სჯით მათ, თვითონვე სჯიან საკუთარ თავს და ეს მათ შვებას ანიჭებთ. ბავშვმა ცუდი რამ ჩაიდინა და აინტერესებს, გაიგეს თუ არა ამის შესახებ მშობლებმა. იგი მოლოდინშია. თუკი გაიგეს, მშობლებს შეუძლიათ სცემონ და მაშინ იგი შვებას იგრძნობს. ბავშვი ცუდად მოიქცა, სამაგიეროდ კი დაისაჯა. მაგრამ თუ ვერავინ გაიგო მისი საქციელი, თვითონ წავა სადმე კუთხეში და საკუთარ თავს გატყეპს. მხოლოდ ასე მოიპოვებს შვებას.

აი, რა მოსდით ადამიანებს, რომლებიც სიმკაცრეში ცხოვრობენ. მათ რაღაც ცუდი ჩაიდინეს – მართლა ცუდად მოიქცნენ თუ არა, ამას მნიშვნელობა არ აქვს, ისინი ასე თვლიან და თავს ისჯიან. თქვენ გგონიათ, რომ ისინი ასკეტიზმში ცხოვრობენ და

წმინდანები არიან? ისინი მხოლოდ დამნაშავე ხალხია, თავს რომ ისჯიან. მათ რაღაც ცუდი გააკეთეს და ცდილობენ, წონასწორობა აღადგინონ. მათ შეიძლება იმარხულონ, ლოყები ჩამოიხოკონ, ცოცხლად დაიწვან თავი, მაგრამ ისინი მხოლოდ დამნაშავე ბავშვები არიან, მოუმწიფებელი, რომლებიც თავს ისჯიან. მათ სურთ ღმერთს უთხრან: „მე უკვე დავსაჯე საკუთარი თავი, ახლა შენ აღარ დაგჭირდება ჩემი დასჯა!“

აი, როგორ იქცევიან იუდეველები. ეს ერთ-ერთი ყველაზე ღრმა კომპლექსია ადამიანის სულში. ებრაელები თავიანთ ჰიტლერს ეძებენ ყოველთვის, იმ ადამიანს, ვინც მათ გაანადგურებს და მაშინ იგრძნობენ შვებას. როცა არავინ ფიქრობს მათზე, ისინი განსაცდელში გრძნობენ თავს – მათ დანაშაული სდევს თან.

როდესაც ჭეშმარიტებას ქოლავთ, ასეთი რამ აუცილებლად მოხდება. ამდენი დევნისა და განსაცდელის მიუხედავად, ებრაელებმა მაინც ვერ გააცნობიერეს თავიანთი ცუდი საქციელი. იესო ისევ მიუღებელია მათთვის და ისე იქცევიან, თითქოს მას არც უარსებია არასოდეს, იგი კვლავინდებურად არ არის მათი ნაწილი და მე გეუბნებით, ისინი სანამ არ აღიარებენ იესოს, განსაცდელში დარჩებიან. ამ განსაცდელს კი თვითონვე ქმნიან. ისინი დამნაშავენი არიან და ძალიან მძიმეა მათი დანაშაული.

წარმოგიდგენიათ თუ არა ბუდას, იესოს ან კრიშნას ჯვარცმაზე უფრო მძიმე დანაშაული? იესოს, რომელსაც გაჰყვნენ და თაყვანის სცენ, რომელსაც დღესაც მილიონობით მიმდევარი ჰყავს, იუდეველებმა არ მიიღეს. იესო, რომელიც მათ მფეთქავ გულად უნდა ქცეულიყო, ისევ იუდეველებმა მოკლეს.

ინდუსები შედარებით ადვილად იხსნიან თავს დანაშაულისგან – მათ ხომ არასოდეს მოუკლავთ ბუდა, რომელიც იესოზე

საშიში იყო. მან ძირფესვიანად ამოთხარა მთელი ინდუიზმი. იესო ამბობდა: „**მოვედი არა ტრადიციების დასამსხვრევად, არამედ იმიტომ, რომ ისინი შევასრულო**“. ბუდამ კი პირდაპირ განაცხადა, რომ ყველა ვედა მონაჩმახია და მათ ძირფესვიანად ამოსაგლეჯად მოვიდა. მაგრამ ინდუსებს ხელიც არ დაუკარებიათ მისთვის. აი, ამიტომ შეეძლოთ მათ დანაშაულთა შეგრძნების გარეშე ცხოვრება. ინდუსები ჭკვიანი და ფრთხილი ხალხი იყვნენ. მათ ბუდა ავატარადაც* კი აღიარეს, რომელიც ნაწილობრივ ცდებოდა და მეტი არაფერი. მათ ის არსებულ ტრადიციაში შეიყვანეს. ინდუსები ამბობენ: „ის ჩვენი მეთავე ავატარაა“-ო და მის შესახებ ისტორია შექმნეს. არ არსებობს ინდოელებზე ფრთხილი და ჭკვიანი ერი, თუმცა ეს კანონზომიერიცაა. ისინი ხომ ყველაზე ძველი დაბრძენებული ხალხია. ცხოვრების გამოცდილებამ მათ ბევრი რამ ასწავლა.

მათ ბუდა ჯვარზე რომ გაეკრათ, ვერასოდეს ვერ გათავისუფლდებოდნენ მისგან. ბუდა ხომ კვალდაკვალ მოგყვებათ. ასე რომ, ნუ აცვამთ მას ჯვარს. ყურადღებას ნუ მიაქცევთ, მაგრამ რომც არ მიაქციოთ ყურადღება, თქვენ შიგნით რაღაც მაინც განაგრძნობს უკან მოხედვას. ადამიანი აქ არის, ასე რომ, მისი მიღება უკეთესი იქნება და ინდუსებმა ასე ორაზროვნად მიიღეს ბუდა. ეს სიფრთხილეა!

მათ ასეთი ისტორია მოიგონეს: ღმერთმა ჯოჯოხეთი და სამოთხე შექმნა, მაგრამ მილიონობით წლების განმავლობაში არავინ არ ხვდებოდა ჯოჯოხეთში, რადგან არავინ არ სცოდავდა. ყველა მორწმუნე მართალი იყო, სამოთხის კარი ყველასთვის იყო ღია. მაშინ ეშმაკი ღმერთან მივიდა და შესჩივლა:

„რისთვის შეჰქმენ ჯოჯობეთი? არავინ არ მიდის იქ და მეც დავილაღე ამდენი ლოდინით...”

ღმერთმა მიუგო: „მოითმინე, ქვეყნად მე გამოვგზავნი ერთ ადამიანს – გაუტამა ბუდას, რომელიც შფოთსა და არეულობას შეიტანს ხალხში, რაც უზნეობას გამოიწვევს და ჯოჯობეთსაც მოაკითხავენ...”

და ამის შემდეგ ჯოჯობეთი პირამდე აივსო ცოდვილთა სულელებით. მაგრამ ინდოელებმა ბუდა მიიღეს, როგორც ღვთის მიერ გამოგზავნილი ავატარა და ძალიან შეუმჩნევლად აარიდეს თავი. მათ არასოდეს არ ჩაუდენიათ დანაშაული.

იუდეველები კი დამნაშავედ დარჩნენ. მათ უბედურება თან სდევთ, მაგრამ ძველებურად არ აღიარებენ იესოს. იესო კი იუდეველად დაიბადა, იუდეაშივე მოკვდა. იუდეველთა შორის არავინ ყოფილა მისი ტოლი, თუმცა მათ უამრავი სახელგანთქმული ადამიანი ჰყავთ. იუდეველები დიდი პოტენციის ხალხია. ფროიდი, მარქსი, აინშტაინი და სხვები იუდეველები იყვნენ. მათ იუდეველთა შორის უდიდესი გამორიცხეს. ისინი როგორც კი აღიარებენ იესოს, მაშინვე შვებას იგრძნობენ. მათი იარა გამთელდება. ისინი ჯანსაღი და სრულყოფილი იქნებიან და ჰიტლერების საჭიროებაც მოისპობა. დღეს კი ებრაელები თვითონ ქმნიან თავიანთ ჰიტლერს, – ამას რომ გეუბნებით, დაიმახსოვრეთ. მაშინ, როცა დანაშაულის გრძნობა განუხებთ, თავადვე იქმნით დამსჯელს. თქვენ სასჯელს ეძებთ, რაც გაგათავისუფლებთ სინდისის ქენჯნისაგან და შვებას მოგიტანთ. ნუ იგრძნობთ თავს დამნაშავედ, თორემ სულ მუდამ სასჯელის ძებნაში იქნებით.

იგემეთ ცხოვრება თავისი მრავალფეროვნებით, მიიღეთ ცხოვრება ისეთი სახით, როგორც არის და იყავით მაღლიერი. აღივსეთ ღრმა მაღლიერებით – აი, როგორ ცხოვრობს რელიგიური ადამიანი, ხოლო, როდესაც მთლიანად მიიღებთ და აღიარებთ ცხოვრებას, თქვენ განმრთელდებით, გაქრება ყოველნაირი დაყოფა, დიდი მდუმარება დასახლდება თქვენში, აღივსებით უცხო გრძნობით, რადგან მრთელს უცნობი მოგიკაკუნებთ კარზე.

1974 წლის 1 სექტემბერი

პუნა, ინდოეთი

საუბარი მეცამეტე

მეცამეტე შეგონება

იესომ თქვა:

– „თუ მეგზურნი თქვენი გეტყვიან: გაიხედეთ, სასუფეველი ზეცაშია, მაშინ ფრთოსანი ცისა დაგასწრებენ თქვენ; თუ გეტყვიან: ის ზღვაშია, თევზნი წყლისა მოგასწრებენ თქვენ, მაგრამ სასუფეველი თქვენშია და ის თქვენს გარეთაა“.

(თომა, 2)

იესომ თქვა:

– „თუ შეიცნობთ საკუთარ თავს, შეცნობილნი იქნებით, მაშინ გაიგებთ, რომ თქვენ შვილები ხართ ზეციური მამისა, მაგრამ თუ ვერ შეიცანით საკუთარი თავი, მაშინ ღატაკნი ხართ და თქვენ თვითონ ხართ სიღატაკე“.

(თომა, 3)

ღვთის სასუფეველი ყოველთვის სადღაც, დროსა და სივრცეში არსებობს, მაგრამ ამასთანავე კიდევ სადღაც, თუმცა არა აქ და არა ახლა. რატომ ხდება ასე?

– ეს ყველაფერი ადამიანის გონებიდან გამომდინარეობს. ადამიანის გონება აწმყოში ქრება, მომავალში მომავლის მოლოდინითა და იმედით არსებობს. იგი სურვილებით ცოცხლობს, რადგან სურვილს დრო უნდა და ადამიანის გონება ვერ იარსე-

ბებს დროის გარეშე. თუ მოულოდნელად გააცნობიერებთ, რომ დრო გაქრა და ხვალინდელი დღე არ დადგება, როგორ გგონიათ, რა დაემართება თქვენს სურვილს? ისინიც დროსთან ერთად გაქრება.

დრო ფიზიკური კი არა, ფსიქოლოგიური მოვლენაა. დროს გონების ფუნქციონირება ბადებს. იესო დროის გარეშე არსებობს, თქვენ კი დროში ცხოვრობთ. ყველა ბუდა – იესო კი ბუდაა – ამტკიცებდა: **„იყავით სურვილების გარეშე! მხოლოდ ამ შემთხვევაში შესძლებთ სამოთხეში შესვლას...”** მაგრამ აუღელვებელი რომ იყოთ, აქ და ახლა უნდა არსებობდეთ, მაშინ აღარ იქნება მომავალში მოძრაობა, შეწყდება ყველა სხვა მოძრაობაც ნებისმიერი მიმართულებით, რადგან სურვილი ხიდი იყო.

გამიგონია, რომ ერთ-ერთ ეკლესიაში ღვთის სასუფეველის სადიდებელი ჰიმნის შესრულებისას მქადაგებელმა თქვა: „სასუფეველში ოქროს ქუჩებია და ზურმუხტის მდინარე მიედინება.” მან სხვა ბევრი რამ დაამატა საქებარი და ბოლოს შეეკითხა მრევლს: „ვის სურს იქ მოხვედრა?”

ერთი კაცის გარდა ყველამ ასწია ხელი, მქადაგებელი დაფიქრდა, ეს მოხუცი რატომ არ წევსო ხელს. იგი ხომ სიკვდილს იყო მიახლოვებული და მას თითქოს პირველს უნდა გამოეთქვა სამოთხეში მოხვედრის სურვილი. მაშინ მქადაგებელმა შეცვალა ტაქტიკა და ჯოჯოხეთის სურათი დახატა. წვალების, ტკივილის, სამახინჯის, ცეცხლისა და წამების აღწერით. დასასრულს კი ისევ მოუწოდა მრევლს: „ვის სურს ახლა ცათა სასუფეველში მოხვედეს?” კვლავ იმ მოხუცის გარდა ყველამ ასწია ხელი. მქადაგებელი შეცბა და ჰკითხა მოხუცს: „იქნებ შენ არ გესმის ჩემი? ყურთ ხომ არ გაკლია? არ გინდა სასუფეველში მოხვედე?”

მოხუცმა უპასუხა: „რა თქმა უნდა, მინდა, მაგრამ შენ ისე ლაპარაკობ, თითქოს ეს ახლა იყოს საჭირო, საერთოდ მინდა.“ მაგრამ პირდაპირ თუკი გეუბნებიან, რომ ცათა სასუფეველი აქ არის და ახლა, თქვენ მზად არ აღმოჩნდებით. ბევრი რამ უნდა გააკეთოთ, ვიდრე ცათა სასუფეველში შესვლას იფიქრებდეთ. ამისათვის დროა საჭირო. თქვენ ქურუმი უფრო განყოფილ, ვიდრე ბუდა ან იესო, რამეთუ ეს უკანასკნელნი დროის გარეშე არსებობენ. იესო არ განებებთ ოცნებებს, დროსა და მომავალს და ამბობს, რომ ხვალინდელი დღე არ არსებობს.

თქვენ იცით, რომ ახლანდელ პერიოდში არაფერია თქვენი ფასი და როგორიც ახლა ხართ, არ ღებულობთ საკუთარ თავს. მაშ, ღმერთი როგორღა მიგიღებთ? საკუთარ თავს დამნაშავედ თვლით და როგორ გაიხსნება თქვენთვის ღვთის სასუფეველის კარი?

თუ ეს კარი ახლა ღიაა და მასში შესასვლელად გეპატიჟებიან, თქვენ არ გეყოფათ გამბედაობა, სასუფეველის კარიბჭეში შეაბიჯოთ. გარდასახვისთვის გარკვეული დრო დაგჭირდებათ. თქვენ წმინდანი უნდა გახდეთ, რომ ღმერთმა შეგიყვაროთ.

ასეთია ბევრი სურვილი და თითოეული მათგანის ასრულებას დრო უნდა.

მსოფლიოს მთელი მორალი, რომლის ფორმაა განსხვავებული, იდუმალი არსი კი საერთოა, გამუდმებით გასამართლებთ – თქვენ ცუდი ხართ, უნდა გამოსწორდეთ. ასე რომ, ვინმემ თუ გითხრათ, რომ სასუფეველის კარი ღიაა, უსათუოდ უხერხულობას იგრძნობთ, იმ წუთას ვერ შესძლებთ მასში შესვლას, მაგრამ თუ გეტყვიან, რომ იგი მომავალშია, მაშინ აღმოჩნდება, რომ დრო გაქვთ და შვებას იგრძნობთ, რადგან მოასწრებთ გარდა-

სახვას – შექმნით ხატებას, იდეალს და მიჰბაძავთ მას. ერთ მშვენიერ დღეს კი წმინდანი გახდებით. ხოლო თუ რამეს სამომავლოდ გადადებთ, გონება უცვლელი რჩება.

ცვლილება კი არა, იდეალია საჭირო, ნახტომი კი არა, დროა აუცილებელი, მაშინ შეგეძლება სამომავლოდ რამის გადადება, რაც იმის საფუძველია, რომ უცვლელად დარჩეთ. სახლი თუ ინვის, მაშინვე გარეთ გამოვარდებით ისე, რომ არაფერს იკითხავთ. არ დაინწყებთ გამყოლის ძებნას.

სადმე კარი აღმოჩნდება!

მოგზაურობა იმ ადგილიდან იწყება, სადაც ამჟამად იმყოფებით და თქვენ არ დაფიქრდებით: „ვარ თუ არა იმდენად ძვირფასი, რომ გადარჩენის ღირსი ვიყო? მაქვს თუ არა რაიმე ღირებულება?“ არა, არც ერთი ასეთი შეკითხვა თქვენ არ გაგიჩნდებათ.

ფილოსოფია იმ მშვიდი მდგომარეობისთვის არის გამიზნული, როცა კითხვის მიცემისა და პასუხის მიღების, გადადების შესაძლებლობა გაქვთ. მაგრამ, როცა საფრთხეა მოსალოდნელი, თქვენ ყოველნაირ ფილოსოფიას იცვლით. დაკვირვებინართ თუ არა, რომ საშიშროების ჟამს გონებას უგულვებლყოფთ, თქვენ საერთოდ არ ფიქრობთ, არ იცდით განსჯისთვის – სახლს ცეცხლი უკიდია და თქვენ თავს შველით! მერე შეგიძლიათ ხის ქვეშ დაჯდეთ და იფიქროთ მომხდარის შესახებ. მაგრამ საშიშროების ჟამს, როცა სიკვდილი გემუქრებათ, დრო აღარ არსებობს, თქვენ ფიქრისთვის არ იცდით, რამეთუ მხოლოდ მოქმედებას ძალუძს თქვენი გადარჩენა, დრო – გადადებაა, თქვენ კი სხვადასხვა მიზეზის გამო მოგწონთ გადადება.

ერთ-ერთი ასეთი მიზეზი ის არის, რომ კიდევ ბევრი სურვილი გრჩებათ აუსრულებელი. თქვენ არ დამტკბარხართ ამ ქვეყნით ბოლომდე. ისევ განუხებთ შიმშილი და წყურვილი და ეს იმიტომ კი არ ხდება, რომ დრო არ არის საკმარისი. არა, თქვენ აქ მთელი წარსულის განმავლობაში ყოფილხართ, მთელი წარსული კი მარადიულობაა, მას არა აქვს საწყისი, თქვენ აქ მარად იყავით, ყველანაირი ხერხით იმოქმედეთ და ყველანაირი სურვილი გამოიცვალეთ, მაგრამ მაინც მშვიერ-მწყურვალნი დარჩით.

გგონიათ, რომ მეტი დროა საჭირო? უფრო მეტი, ვიდრე გქონდათ? მეტი დრო კი არა, თქვენივე სურვილის ბუნება და აუსრულებლობა უნდა შეიცნოთ, რამეთუ თვით მარადისობაშიც კი სურვილი აუსრულებელი რჩება. იგი ისევ და ისევ გებადებათ და რაც უფრო მეტად ცდილობთ დააკმაყოფილოთ, მით უფრო იზრდება. თქვენ, უბრალოდ, კვებავთ სურვილს, როდესაც ფიქრობთ, რომ მას აკმაყოფილებთ. გგონიათ, სექსით აკმაყოფილებთ თქვენს სექსუალურ ჟინს? არა, ამ დროს მხოლოდ ვნებას კვებავთ. ხვალ თქვენი სურვილი უფრო ხარბი, უფრო ავხორცი გახდება და დღითი დღე უფრო გახელდება.

როცა სურვილს ახორციელებთ, უფრო მეტად გზიანობთ. თქვენ კვებავთ მას, მაგრამ ვერ კმაყოფილდებით. დააკვირდით ყველაზე ჩვეულებრივს – საკვების მიღების სურვილს. შესაძლებელია თუ არა, სამუდამოდ გაგიქრეთ შიმშილი საჭმლის დახმარებით? ფიქრობთ თუ არა, რომ წყურვილი სამუდამოდ გაგიქრებათ? არა, სურვილის ბუნება სულ სხვაგვარია. იგი მეორდება და თქვენც უფრო მეტად გაჯადოებთ. გუშინ რაღაცას აკეთებდით, დღესაც რაღაცას აკეთებთ, ხვალ ისევ ამ რაღაცის გაკეთება

გსურთ. თქვენ იმეორებთ სურვილს და რამდანჯერაც იმეორებთ, იმდენჯერ ეფლობით მასში.

მრავალი მილიონი ცხოვრების განმავლობაში თქვენ უამრავი სურვილი გქონიათ. დაბადებულიც ისე ხართ, როგორც გინდოდათ. ის, ვისაც სურს სექსუალურ ცხოვრებას ძალღივით ენეოდეს, ძალღად დაიბადება, ღორივით ხარბი – ღორად გაჩნდება და თავის სურვილებსაც დააკმაყოფილებს. თქვენ ყოველნაირი სახით დაბადებულხართ, რადგან მარად არსებობდით, როგორც ხე, ფრინველი და ცხოველი.

აი, რას ეძახიან ინდოელები „იონს“. ისინი ამბობენ, რომ მილიონი საშოდან დაბადებულნი ხართ, თქვენს სურვილს უამრავი ფორმა მიუღია და ყველა შესაძლებელი ვარიანტი აქვს გამოყენებული. მეტი აღარაფერი მოხდება. არც არაფერი ხდება, რადგან თვით სურვილი დაუკმაყოფილებელია.

ამას თუ მიხვდებით, მომავალი აღარ იქნება საჭირო, თქვენ აქ და ახლა დარჩებით, ხოლო მომავლის უგულველყოფასთან ერთად სურვილიც გაქრება.

თქვენ მრავალი ხერხით გიცდიათ გარდასახვა. წინა ცხოვრებები არ გახსოვთ, მაგრამ ეს ცხოვრება ხომ იცით. ოდნავ მაინც თუ შეიცვალეთ? ან იქნებ, როგორც იყავით, ისეთივე დარჩით? რამე მუტაცია თუ მოხდა თქვენში? ჯერ თუ არ მომხდარა, რის საფუძველზე შეგიძლიათ იფიქროთ, რომ მომავალში მოხდება? ხოლო ძველებურად, წამდაუნუმ გადადებით თუ განაგრძნობთ ცხოვრებას, მუტაცია არასოდეს არ მოხდება, რადგან გონება არ მოგცემთ გარდასახვის საშუალებას, რამეთუ გადადება მისი შენიღბული ილეთია და ეს ყველამ უნდა გაიგოს.

რატომ დებთ რამეს სამომავლოდ? იმიტომ, რომ ახლა, დაუყოვნებლივ არ გინდათ ამის გაკეთება. ლოგიკურად თამაშობთ და ამბობთ, რომ: „ძნელია ამის დაუყოვნებლავ გაკეთება, მაგრამ ხვალ უფრო ადვილი იქნება.“ ყოველი ხვალ დღევანდელი დღედ იქცევა და თქვენ იმავეს გაიმეორებთ.

ასეთი საშუალებით თქვენი გონება შვებას იგრძნობს, ხვალე კი არ დგება. რამის გადადება არ არის გზა გარდასახვისაკენ. ამ წუთამდე ისევ და ისევ ცდებით. ყოველი დანყების წინ უცვლელი რჩებით, გაიგეთ, რომ გარდასახვა ახლავა შესაძლებელი, რადგან მისთვის საჭირო არ არის ძალისხმევა. იგი გამოფხიზლებაა. ეს არ არის საკუთარ თავზე შემოქმედების თემა. ისეთი, როგორც ხართ, უკვე სრულყოფილად გამოიყურებით და მხოლოდ გამოფხიზლებაა საჭირო, რომ დაინახოთ. დატოვეთ თქვენი ოცნებები და სიზმრები, გაახილეთ თვალი და დაუკვირდით ფაქტს, რომელიც გარდაგსახავთ! უეცრად თქვენი წარსული გაქრება!

საკმარისია, მომავალი მოიცილოთ, რომ წარსულიც დაუყოვნებლივ გაქრება. ეს ცხოვრების ერთ-ერთი ფუნდამენტალური კანონია და მდინარეზე ხიდის მშენებლობას ჰგავს. იმისათვის, ხიდმა რომ იარსებოს, ორი ნაპირია საჭირო. ერთი თუ ჩაიქცა, ვეღარც მეორე დაიჭერს ხიდს. წარსული და მომავალი – ორი ნაპირია, რომელთა შორის თქვენ სურვილის ხიდს სდებთ და განუწყველტივ სადღაც მიდიხართ.

ახლოს თუ ხართ მიზანთან, გონება გკარნახობთ: „სწრაფად იმოძრავე!“ აი, რატომაა ახლა ყველაზე მოდური სიჩქარე და გონებაც სიჩქარისკენ გიბიძგებთ.

ამ ლოგიკით ჩვენ მთვარეს მივალწიეთ, მაგრამ, ამასთან ერთად, ვერავითარ მიზანს ვერ შევწვდით. სიჩქარე სულ იზრდება. ადრე თუ გვიან სინათლის სიჩქარით ვიმოდრავებთ. რაც უფრო მეტია სიჩქარე, უფრო ადვილია გზის დაკარგვა და უფრო ძნელია სახლის მიგნება. ამჟამად ვერ შესძლებთ შორს წასვლას, რადგან რამდენად მაღალია სიჩქარე, იმდენად ძნელდება შინ დაბრუნება.

აი, რატომ გახდა თითქმის შეუძლებელი ამ სიჩქარის საუკუნეში თვითშემეცნება. ბუდამაც და იესომაც თვითრეალიზება ადვილად შეძლეს. ისინი მაშინ ცხოვრობდნენ, როცა უცხო იყო სიჩქარე. ისინი, უბრალოდ, სეირნობდნენ. გადაადგილების ყველაზე სწრაფი საშუალება მაშინ ურემი იყო, რისი გასწრება ფეხით მოსიარულესაც შეეძლო. ისინი მინაზე სეირნობდნენ, ჩვენ ცაში დავფრინავთ, კოსმოსში შევიჭერთ და რაც უფრო სწრაფად ვიმოდრაობთ, მით უფრო გვიძნელდება სახლის მიგნება.

ერთხელ ორმა მათხოვარმა ქუჩაში მოტოციკლი იპოვა. მძღოლს გასაღების ამოღება დავინწყებოდა. მოტოციკლი სამთვლიანი იყო. ერთი ეტლში ჩაჯდა, მეორემ დაქოქა და მეზობელი ქალაქისკენ გასწიეს.

თხუთმეტი წუთის შემდეგ საჭესთან მჯდომმა თავის ამხანაგს შეხედა. ამ უკანასკნელს სახე ისე გაფითრებოდა, თითქოს შეშლილი ან მომაკვდავი იყო. „რა მოგივიდა?“ – ჰკითხა მას, „დაამუხრუჭე! ეტლს ფსკერი არ ჰქონია და მთელი გზა ეტლში კი არ ვიჯექი, მოვრბოდი.“

სურვილსაც არა აქვს ფსკერი, თქვენ კვდებით, რადგან მთელი გზა მორბოდით. ამიტომ შეუძლებელია სურვილის

მთლიანად დაკმაყოფილება. თუკი ქოთნის წყლით ავსებას ცდილობთ, მას კი ძირი არა აქვს, რას შესძლებთ?

ყველა ქურუმი სწორედ თქვენს სისუსტეს იყენებს, მაგრამ იესო ქურუმი არ არის. თქვენ ვერ მონახავთ ისეთ პიროვნებას, იესოსთან ანტიქურუმი რომ იყოს. ჭეშმარიტად მორწმუნე არასოდეს არ არის ქურუმი, რადგან ქურუმი ადამიანის სისუსტეს იყენებს, იგი ცბიერია და კარგად იცის ეს სუსტი მხარე. თქვენი სისუსტე კი ისაა, რომ მომავალში იყურებით და გადადებთ ხოლმე – სადღაც, როგორღაც შეხვალთ ცათა სასუფეველში, მაგრამ ეს ახლა არ მოხდება, რადგან ბევრი სხვა მნიშვნელოვანი საქმეა გასაკეთებელი და უამრავი სურვილი – აუსრულებელი. ღმერთს ყოველთვის ბოლო ადგილი უჭირავს თქვენს სიაში, რომელიც უსასრულოა, ღმერთი თქვენთვის ბოლოა.

ახლა იესოს ამ სიტყვებს დაუკვირდით:

„თუ მეგზურნი თქვენი გეტყვიან: გაიხედეთ, ღვთის სასუფეველი ზეცაშია...“ ღვთის საუფლო მოცილებულია აქაურობას და ძალიან შორსაა. **„...მაშინ ფრთოსანნი ცისა დაგასწრებენ თქვენ...“**

ფრთოსნები თქვენზე ადრე მიაღწევენ სასუფეველს, თქვენ მათ ჩამორჩებით. ქრისტე ხუმრობს: მაშინ ნუ გექნებათ იმედი, რადგან სასუფეველს ფრინველები თქვენზე ადრე მიაღწევენო.

„...თუ გეტყვიან, რომ ის ზღვაშია, თევზნი წყლისანი მოგასწრებენ თქვენ...“

და ისინი თქვენზე ადრე მიაღწევენ, თქვენ კი დაკარგავთ სასუფეველს. ვის გულისხმობს იესო? ქურუმებს, რომლებიც რელიგიის მტრები არიან, მაგრამ გამნკარგულელებლნი კი გახდნენ.

ისინი ყველგან განაგებენ და იესოს მსგავს პიროვნებებს არ აძლევენ ტაძარში შესვლის უფლებას.

დოსტოევსკის რომანში „ძმები კარამაზოვები“ შესანიშნავი ამბავია მოთხრობილი. ჯვარცმიდან 18 საუკუნის შემდეგ იესომ გაიფიქრა: „ახლა კიდევ ერთხელ უნდა ვენვიო დედამიწას, იგი ახლა მზად იქნება ჩემს მისაღებად. ამჯერად აღარ უარმყოფენ, როგორც წინათ. მაშინ ხომ არც ერთი ქრისტიანი არ ყოფილა და მეც უცხო ვიყავი. ახლა დედამიწაზე მილიონობით ეკლესიაა და ქურუმებიც ჩემს სიტყვას ქადაგებენ, ხალხი მიმიღებს და მალიარებს. ყველა კარი ღია იქნება ჩემთვის. დრო დადგა, არ უნდა მივსულვიყავი ადრე, მაშინ არასწორი დრო იყო!“

და ქრისტე მეორედ მოვიდა, რა თქმა უნდა, კვირა დილით, რადგან სხვა დღეს ძნელია სხვა სარწმუნეობის მიმდევრისგან განასხვავო ქრისტიანი. ყველა ერთნაირია, მხოლოდ კვირა დღეს შეიძლება ამის დადგენა, რადგან ეს სარწმუნეობის დღეა და სრულებით არ არის დაკავშირებული ცხოვრებასთან. ის მხოლოდ რიტუალი და ფორმალობაა, რომლის შესრულება უგულოდაც შეიძლება. იესო იმ სოფელს ეწვია, სადაც 18 საუკუნის წინ მიდიოდა – ბეთლემს. ბაზრის მოედანზე დადგა წინათგრძნობით აღსავსე. ხალხი უყურებდა მას და ვერავინ ვერ სცნობდა, შედიოდნენ და გამოდიოდნენ ეკლესიიდან. შემდეგ იესოს რამდენიმე კაცი შემოერთყა გარს და უთხრეს: „შენ იესოს ჰგავხარ, კარგად თამაშობ და კარგი მსახიობი ხარ“.

იესომ უპასუხა: „მე მსახიობი კი არა, ნამდვილი იესო ვარ!“

მაშინ ხალხმა სიცილი დაიწყო და უთხრეს: „ნამდვილი იესო თუ ხარ, თავს უშველე, სანამ ქურუმები არ გამოსულან ეკლესიიდან, თორემ უბედურება არ აგცდება“. პატარა ბავშვებმა

ქვების სროლა დაუწყეს, ხალხი კი მასხრად იგდებდა: „ნამდვილი იესო, იუდეის მეფე მოსულა. ეს ის არის, ჯვარს რომ აცვეს. ის აღსდგა!“

ხალხი დასცინოდა. იესო კი ნალვლიანი იდგა, რადგან ის თავის ქვეყანაში იმყოფებოდა. ეს ხალხი იუდეველები კი არა, ქრისტიანები, მისი მიმდევრები იყვნენ, მაგრამ მათ ვერ იცნეს იგი. იესო მაინც არ კარგავდა იმედს და მოთმინებით ელოდა: „ბოლოს და ბოლოს, ჩემი ქურუმი მიცნობს, თორემ ეს ხალხი ბრიყვია და უმეცარი“.

მერე ქურუმიც მოვიდა. ხალხმა მხოლოდ მისი პატივისცემით შეწყვიტა დაცივნა და ქურუმს თავი მოწინებით დაუხარეს, იესომ გულში გაიფიქრა: „ჩემდამი უბრალო პატივისცემაც არ გამოუხატავთ, ქურუმს კი როგორ ხვდებიან. თუმცა ეს კარგი ნიშანია, ის ხომ ჩემს სიტყვას ქადაგებს და მისი დახმარებით მეც შემიცნობენ, რადგან ბრმანი არიან და დანახვა არ ძალუძთ“. მაგრამ ქურუმმა შეხედა მას და შესძახა: „დაიჩოქე, შე არამზადავ!“ რას სჩადიხართ? ჩვენს ღმერთს შეურაცყოფთ?”

იესომ უთხრა: „როგორ, შენც ვერ მიცანი?“

ქურუმმა ქეჩოში ჩაავლო ხელი და მიუგო: „მშვენივრად გიცანი, წამოდი ჩემთან!“ ეკლესიაში წაიყვანა და საკანში ჩაამწყვდია. იესო საოცრად დაიბნა: „რა მოხდა? კიდევ ხომ არ მაცვამს ჯვარს ჩემი ხალხი?“

ღამით სანთლით ხელში ქურუმმა იესოს კარი გაუღო და დაიხარა, იესოს ფეხებს შეეხო და უთხრა: „მე ბაზრის მოედანზეც გიცანი, მაგრამ ვერაფერი ვერ ვთქვი, რადგან შენ ძველი სიმშვიდის აღმამფოთებელი ხარ. როგორც იქნა, ჩვენთან ყველაფერი მოწესრიგდა, ახლა კი შენ ისევ ააჯანყებ ხალხს. ქრის-

ტიანობა დედამიწის ნახევარზე გავრცელდა, მეორე ნახევარსაც დაიკავეს ადრე თუ გვიან. შენ იქ დაგველოდე მხოლოდ, არ გინდა აქ გამოჩინა! უშენოდ ჩვენ ყველაფერს კარგად ვართმევთ თავს. აქ რომ იყავი, ერთი კაციც ვერ მოაქციე რწმენაზე, ჩვენ კი ყველაფერი მოვახერხეთ. შენ მადლიერი უნდა იყო ჩვენი... ჩვენ მხოლოდ მაშინ შეგვიძლია შეგიცნოთ, როცა მარტო დავრჩებით შენს პირისპირ, სხვების თანდასწრებით ეს ვერ მოხდება, რადგან ქურუმებს და ეკლესიას ეწინააღმდეგები, მაგრამ თუ მაინც მოითხოვ შენსას, თავიდან მოგვიწევს შენი ჯვარცმა. ჩვენ მაშინ გეთაყვანებით, აქ რომ არა ხარ. რისი გაკეთებაც არ უნდა ისურვო, ჩვენ ვიქნებით შენი წარმომადგენლები და ჩვენი მეშვეობით განახორციელებ ყველაფერს. მაგრამ ხალხთან შენი ურთიერთობა დაუშვებელია, რამეთუ ძალიან საშიში ხარ!”

ამ ქურუმმა ერთი უმთავრესი ჭეშმარიტება დაადგინა – შეუძლებელია, ქურუმი რელიგიური იყოს! ის თუ ბუდას ქურუმი, ბუდას მონინაალმდეგე იქნება. იგი ბუდას სიტყვებს გეტყვით და გაგაცრუებთ, ხოლო თუ ბუდა მოვიდა, ქურუმი თქვენსა და მას შორის ჩადგება და ერთმანეთთან მიახლოებაში ხელს შეგიშლით, რადგან ბუდაცა და იესოც მემამოხენი არიან, ისინი ვერ იქნებიან კონფორმისტები, მათ რევოლუციის მოხდენა შეუძლიათ და არა „ისტებლიშმენტის“ შექმნა. როცა იესო გეუბნებათ: „თუ მეგზურნი თქვენნი გეტყვიან...” ქურუმებზე მიგითითებთ, რომლებიც თქვენ გიმტკიცებენ, რომ ცათა სასუფეველი კიდევ სადღაც არის.

ინდოეთი ქურუმთა უძველესი ქვეყანაა. სხვაგან არსად არ არის ამდენი ქურუმი. ისინი აქ კასტად ჩამოყალიბდნენ. ბრამინები ქურუმები არიან, ისინი მთლიანად გაემიჯნენ საზოგად-

დოებას, ყველაფერი საიდუმლოდ აქციეს. მათი ენაც კი გაუგებარია სხვებისთვის. მათი მეთოდის მიხედვით ყველა ვერ იღებს განათლებას. ხალხი თუ განათლდა, მათი ჩანაწერების ნაკითხვა შესძლო, ძნელი იქნება ჭეშმარიტების დამალვა. მხოლოდ ქურუმებს აქვთ ცოდნის იდუმალ საკურთხეველთან მიახლოების უფლება. ათასწლეულების მანძილზე ამ ქვეყანას ბრამინები მართავდნენ. თავიდან ისინი ამბობდნენ, რომ ღმერთი ჰიმალაიშია, რადგან ჰიმალაი მიუწვდომელი იყო. მაგრამ ხალხმა დალაშქრა ჰიმალაი და ღმერთი იქ ვერ აღმოაჩინა. მაშინ ბრამინებმა თქვეს, რომ ეს ადგილი ღმერთის ის ადგილსამყოფელი კი არ იყო, რომელზედაც ლაპარაკობდნენ, არამედ ჰიმალაის ასლი, ზეცაში რომ არსებობს. ღმერთს ანარეკლში ვერ მოძებნით, – ამტკიცებენ ისინი, ჭეშმარიტი ჰიმალაი სხვა სამყაროში არსებობსო.

შემდეგ მათმა ღმერთებმა პლანეტებზე გადაინაცვლეს – მთვარეზე, მზეზე. როცა ადამიანმა მთვარეზე შედგა ფეხი, ინდუსები და ჯაინები აღელდნენ და ძალიან შეშფოთდნენ. ამის შესახებ დასავლეთში არ იციან. მათთვის უცნობია, რა მნიშვნელობას ანიჭებდნენ ინდოეთში მთვარეს.

ერთი ძალიან განათლებული ქურუმი შეუდგა იმის მტკიცებას, რომ ადამიანს მთვარეზე ფეხი არ დაუდგამს, რომ მთვარეზე გაფრენა ყალბი იყო. რატომ უარყოფდა იგი ამას? ადამიანმა მთვარეს თუ მიაღწია და ღმერთი იქ ვერ აღმოაჩინა, მათ კიდევ უფრო შორს მოუწევდათ ღვთის სამყოფელის გადატანა.

ახლა, სადაც არ უნდა დაასახელოთ ღვთის ადგილსამყოფელი, ადამიანი ყოველთვის მიაღწევს ამ ალაგს, წინათ კი ზეცა მიუწვდომელი იყო, ზღვა კი – ჩაუღწეველი. არსებობს პრიმი-

ტიული რელიგიები, რომლებიც ამტკიცებენ, რომ ღმერთი ზღვაში ცხოვრობს ან ცაში ბინადრობს. მაგრამ ყველა ქურუმისთვის ერთი რამ არის უცვლელი – აქ ღმერთი არ არის, აქ რომ იყოს, მაშინ ქურუმები რაღა საჭირო იქნებიან?

ქურუმი შუამავლის როლში გამოდის. ის ღვთის წარმომადგენელია. თუ ღმერთი აქ არსებობს, მაშინ უშუალოდ მას შეგიძლიათ მიმართოთ და ქურუმიც არ იქნება საჭირო, მაგრამ ღმერთი შორსაა, მისი ხმა ვერ მოგწვდებათ და ქურუმიც სწორედ აქ წარმოაჩენს თავის აუცილებლობას, რადგან ღმერთი მას თავის ნებას ამცნობს, ის კი თქვენ გიხსნით. სწორედ ამ ახსნაშია მისი ძალა. ქურუმმა გასაღები იცის, თქვენ კი უმეცარნი ხართ. ის წინ გაგიძღვებათ, თქვენი მასწავლებელი იქნება, თქვენ კი – მისი მიმდევრები.

დედამინის ზურგზე ყველაზე ეშმაკური პროფესია – ქურუმობაა იმიტომ, რომ ქურუმი კაცის გულს იოლად ეუფლება. იმ ადამიანს, რომელიც ღმერთს, სინმინდესა და ჭეშმარიტებას ეძებს, თავის მონად ხდის.

თუ ფულის მძებნელი კაცია თქვენი ზემოქმედების არეში მოქცეული, თქვენს შორის დიდი განსხვავება არ იქნება, ისიც ხომ ეძებს. ხოლო თუ ჭეშმარიტების მაძიებელს უწევთ ექსპლოატაციას, ეს უკვე ვერაგობა და ყველაზე დიდი ბოროტებაა! შეიძლება, ქურუმები ფიქრობდნენ, ამბობდნენ და ამტკიცებდნენ კიდევ, რომ ღვთის წარმომადგენლები არიან, მაგრამ ეს ასე არ არის. ისინი მხოლოდ ეშმაკის წარმომადგენლები არიან, მაგრამ მათ მიიღეს თავიანთი თანამდებობა.

იესო ამბობს: „თუ მეგზურნი თქვენნი გეტყვიან – გაიხედეთ, ღვთის სასუფეველი ზეცაშია, – ნუ მოუსმენთ მათ, თორემ თქვენ სამუდამოდ დაკარგავთ სასუფეველს...”

„სასუფეველი თქვენშია...” ის კიდევ სადღაც კი არა, იქ არის, სადაც ამჟამად იმყოფებით „...და იგი თქვენ გარეთაა...” ის თქვენშია და თქვენ გარეთ – თქვენშია, როგორც ცენტრი და თქვენ გარეთ, როგორც პერიფერია.

რაზე ლაპარაკობს იესო? „შიგნით” და „გარეთ” – ეს მთელი სამყაროა. ღმერთი – მთელი სამყარო და არსებობაა. ისეთი, როგორიც არის. იგი ღვთიურია. ღმერთი თავის ქმნილებებში განხორციელდა.

ის არ ემსგავსება მხატვარს, რომელიც ხატვისას სურათიდან განყენებულია. ის იმ მოცეკვავეს ჰგავს, ცეკვასთან რომ შერწყმულია. თქვენ ვერ გაყოფთ ცეკვასა და მოცეკვავეს, ვერც – მხატვარსა და ნახატს, ვერც პოეტსა და პოეზიას გააცალკევებთ ერთმანეთისაგან. აი, რატომ ეძახიან ინდუსები თავიანთ შივა ნატარანჯს ღიად მოცეკვავეს. გაყოფა არ არსებობს, ის თვით ცეკვაა.

ცეკვის გაგება თუ შეგიძლიათ, მოცეკვავესაც გაუგებთ. ეს სამყარო თუ გიყვართ, ღმერთიც გიყვართ, ღმერთი დაფარულია, რადგან თქვენ არ ხართ გახსნილი, თორემ ის აღმოჩენილი საიდუმლოა. ის ყველგანაა, ყველაფერში, შიგნით და გარეთ. სასუფეველი თქვენშია და თქვენ გარეთ.

„...თუ შეიცნობთ საკუთარ თავს, შეცნობილნი იქნებით.

მაშინ გაიგებთ, რომ თქვენ შვილები ხართ ზეციური მამისა, მაგრამ თუ ვერ შეიცანით საკუთარი თავი, მაშინ ლატაკნი ხართ და თქვენ თვითონ ხართ სილატაკე...”

– მისმინეთ! ღვთის სასუფეველი თქვენშია, თუ ამას შეიცნობთ, მაშინ ყველა ტაძარი ზედმეტია, რადგან თვითონ ხართ ტაძარი, თქვენ ხართ ეკლესია! მაშინ ვატიკანიც უსარგებლოა, რომიც ტვირთია, არ არის აუცილებელი არც მექა*, არც მედინა*, არც ქაში* და არც გირნარი*. თქვენ ხართ ტაძარი, ღვთის ცოცხალი ტაძარი! ღმერთი თქვენშია!

მაშ, რიღასთვის არის საჭირო ქურუმი, როგორც შუამავალი? ქურუმობა მთლიანად კარგავს აზრს. ის არსებობს თქვენში, ისეთებში, როგორებიც ხართ და ყოველთვის არსებობდა თქვენში.

ვილაცამ ჰკითხა რინდაის: „ბუდა რომ გავხდე, რა გავაკეთოთ ამისათვის?“

რინდაიმ მიუგო: **„თუ ეძებ, დაკარგავ. შენ უკვე ბუდა ხარ!“**

ეს აბსურდია. ბუდა ეძებს, მთელი ძალისხმევით ცდილობს, რომ ბუდა გახდეს. თქვენ ვერ ნახავთ ღმერთს, რადგანაც იგი სადღაც კი არა, თქვენშია. ქურუმები კი გეუბნებიან: „შეხედეთ! იქ, ღრუბლებს მიღმა, ზეცაშია ღმერთი! მასთან მიღწევა ძნელია, ამიტომ ქურუმი გჭირდებათ, რომელიც მოგეხმარებათ!“

იესო ძირს უთხრის ყველა ეკლესიის, ტაძრის, ქურუმის, გადამცემის საფუძველს. ის ამბობს: **„ღმერთი თქვენშია!“** მაგრამ, ამასთან ერთად ძალიან იშვიათ და შესანიშნავ რამესაც წარმოთქვამს: **„და თქვენს გარეთ არის!“**

არსებობს რელიგიის სამი ტიპი: ერთი ამტკიცებს, რომ ღმერთი თქვენ გარეთაა. ინდუსები და მუსულმანები ამას ქადაგებენ. მეორე ტიპის მიხედვით, ღმერთი თქვენშია. ჯაინები და ბუდისტები ამბობენ, რომ თქვენ ხართ ღმერთი, მაგრამ იმ აზრს უარყოფენ, რომ ღმერთი თქვენ გარეთაც არის. იესო კი ამბობს,

რომ ღმერთი თქვენშია და თქვენ გარეთ. ეს უდიდესი სინთეზია და ის არ ირჩევს უკიდურესობებს.

ერთი უკიდურესობა იმაში მდგომარეობს, რომ ღმერთი თქვენ გარეთაა. აი, რატომ იქნებიან წინააღმდეგნი მუსლიმანები, თუკი ეტყვი: „მე ღმერთი ვარ“, ისინი მოგკლავენ, ეს ხომ ერთ-ერთი უბოროტესი განცხადება და მკრეხელობა, წმინდა-თანმინდის შეურაცხყოფაა. მანსური იმიტომ მოკლეს, რომ ექსტაზში შესულმა განაცხადა „ანალ ხავ, ანალ ბრანასმი, მე ღმერთი ვარ“. ეს ღვთის გამობაა, მუსლიმანები ვერ იტანენ ამას, რადგან ღმერთი ადამიანის გარეთაა. ყველაზე დიდი, რისი მიღწევაც შეიძლება, ეს მიახლოებაა, მაგრამ ღმერთი ვერასოდეს გახდება.

როგორ შეიძლება, ქმნილება შემქმნელი გახდეს? ქმნილება ქმნილებად რჩება, შემქმნელი – შემქმნელად. მათი წარმოდგენით, უპატივცემულობაა იმის განცხადება, რომ „მე ღმერთი ვარ“. ეს ღვთის გამობაა და, ამდენად, არ არის რელიგიური.

საპირისპირო პოლუსზე ჯაინიზმია. ისინი ამბობენ, რომ, ღმერთი თქვენშია, თქვენი სული უზენაესი ღმერთია. სხვა ღმერთი არ არსებობს. ისინი მეორე უკიდურესობაში ვარდებიან და არც ერთ ღმერთს არ ეთაყვანებიან. თაყვანისცემას მათთვის აზრი აქვს დაკარგული, ისინი ვერ ლოცულობენ. ვის მიმართ უნდა ილოცონ? და ლოცვა, ასეთი შესანიშნავი რამ, უაზრო გახდა.

შეხედეთ მუსლიმანს ლოცვის დროს. ის მშვენიერია და ლოცვა ძალუძს, რადგან ღმერთი იქ არის. ვერაფერი შეედრება მუსლიმანურ ლოცვას, რაც უმანკო ჩანს და დათმობი, მაგრამ

ამავე დროს – საშიში. თუკი განაცხადებთ, რომ ღმერთი ხართ, სწორედ ის ადამიანი მოგკლავთ, ვინც ლოცულობდა.

ჯაინებს არ შეუძლიათ ლოცვა და თაყვანისცემა. მათთვის ეს განზომილებები უბრალოდ გამქრალია. მათ მხოლოდ მედიტაცია შეუძლიათ. მედიტაცია დაშვებულია, რადგან ღმერთი თქვენ შიგნითაა. თვალები უნდა დახუჭოთ და მედიტაციას მიეცეთ.

იესო სინთეზის მწვერვალს აღწევს. ის ჭეშმარიტებათა შორის უდიადესს აცხადებს, რომ ღმერთი თქვენშია და თქვენ გარეთ. ლოცვაც დასაშვებია და მედიტაციაც. ექსტაზში შესულნი შეიძლება მღეროდეთ იმის შესახებ, რაც თქვენ გარეთაა და დუმდეთ იმაზე, რაც თქვენშია. არ არის საჭირო ლოცვისა და მედიტაციის უარყოფა, მედიტაციის მსგავსი არაფერი არსებობს მუსლიმანურ ტრადიციაში. ის ვერც იარსებებს, მხოლოდ ლოცვა შეიძლება. მაგრამ არც ჯაინიზმში არსებობს ლოცვა, მხოლოდ მედიტაციაა მიღებული და ორივენი უკიდურესობას ელტვიან.

იესო განონასწორებული რჩება. ის ამბობს, რომ ღმერთი და ცათა სასუფეველი თქვენშია და თქვენ გარეთ.

„...თუ შეიცნობთ საკუთარ თავს, შეცნობილნი იქნებით.“

ეს სინთეზია. საკუთარი თავი თუ შეიცანით, ჯაინების აზრით, ყველაფერი იცით. მეტი წასასვლელი არსად გაქვთ. მუსლიმანების აზრით, საკუთარ თავს ვერ უგებთ. ისინი ამბობენ, რომ შეგიძლიათ ღმერთს ჩასწვდეთ და მისი სილამაზით აღივსოთ. თვითშემეცნების არავითარი შესაძლებლობა არ არსებობს, რადგან თვითშემეცნება ღმერთად გაგხდით. მხოლოდ ღმერთმა იცის საკუთარი თავი. მისმა ქმნილებამ კი არა, ადამი-

ანმა შეიძლება იცოდეს ღმერთი და მეტი არაფერი. ადამიანი შეიძლება ღვთის სილამაზემ აღავსოს და საკუთარ თავს უფლება მისცეს, რომ იცხოვროს და განიმსჭვალოს მისი ღვთიური ძალით, მაგრამ თვითშემეცნება შეუძლებელია.

ჯაინები კი ამბობენ, რომ მხოლოდ თვითშემეცნებაა შესაძლებელი. საკუთარი თავი თუ შეიცანით, ყველაფერი იცით, რისი გაგებაც შეიძლება.

მაგრამ იესო ამბობს: „...თუ შეიცნობთ საკუთარ თავს, შეცნობილი იქნებით...”

ეს ფრაზა ძალიან შენიღბულია. რას გულისხმობს იგი, როდესაც ამბობს: „...მაშინ თქვენც შეცნობილნი იქნებით?..” საკუთარი თავი თუ შეიცანით, მთელი არსებობა შეგიცნობთ. მხოლოდ თქვენ კი არ დაინახავთ მთელ არსებობას, არამედ ისიც გიპასუხებთ, რადგან ღმერთი თქვენშიც არის და თქვენ გარეთაც.

როდესაც ვინმე საკუთარ თავს შეიცნობს, ის მხოლოდ თვითშემეცნება კი არ არის, არამედ მთელმა არსებობამ შეგიცნოთ. თქვენს თვითშემეცნებაში შეცნობილი ხართ. ღმერთი ყოველი ყვავილიდან, ყოველი ფოთლიდან, ყოველი ქვიდან გიყურებთ და თქვენ არ განიცდით მარტოობას თვითშემეცნებაში. მარტოსული მანამდე ხართ, სანამ საკუთარ თავს შეიცნობთ. თქვენი შემეცნება ერთადერთი აქტი როდია, ეს არ არის მხოლოდ შესრულებული პარტია, ეს სიმფონიაა. თქვენ თუ იცით, ყველაფერმა იცის თქვენ შესახებ. როცა საკუთარ თავს შეიცნობთ, ხეც სხვანაირი იქნება, ქვაც, ჩიტიც კი სხვაგვარად მოგეჩვენებათ.

რატომ? იმიტომ, რომ ერთი და იგივე არსებობს თქვენში და თქვენს გარეთ. საკუთარ თავს რომ შეიცნობთ, მთელი არსებობა შეგიცნობთ და იხეირებს. ეს ასე უნდა იყოს, თქვენ ხომ არსებობის ნაწილი ხართ. მთელმა არსებამ უნდა იდლესასწაულოს თქვენი უკიდურესი ცოდნა, რადგან ნაწილი მცოდნე გახდა, ბუდად იქცა, ქრისტე შეიქმნა. ნაწილის მეშვეობით მთელმა არსებობამ მწვერვალს, ფორტისიმოს მიაღწია. მთელი არსებობა ბედნიერი იქნება, სულ სხვაგვარად გაიფურჩქნება და იყვავილებს. თქვენ შეცნობილი იქნებით!

თქვენ არ აღმოჩნდებით მარტო საკუთარ თვითშემეცნებაში – ეს მთლიანობის დლესასწაული იქნება. ეს ყველაზე მშვენიერი რამ არის, რაზედაც იესო ლაპარაკობდა. არსებობა ზეიმობს თქვენს თვითშემეცნებას, მთლიანობა ნეტარებს, რადგან მისი ნაწილი აყვავდა და თავისი აღასრულა.

„...თუ შეიცნობთ საკუთარ თავს, მაშინ შეცნობილნი იქნებით...”

არსებობს დაუოკებელი სწრაფვა, იყოთ შეცნობილნი და იგი უფრო დიდია, ვიდრე ლტოლვა თვითშემეცნებისკენ. თქვენ გინდათ, შეცნობილი რომ იყოთ, ღრმად გასურთ, რომ თითოეულმა შეგიცნოთ. ის შეიძლება არასწორად წარიმართოს, მაგრამ ამ სურვილს თავისი თესლი აქვს – ძალიან მნიშვნელოვანი საწყისი. ის გკარნახობთ, რომ ვერ აღივსებით, სანამ მთელი არსებობა არ შეგიცნობთ და თქვენთან ერთად ბედნიერი არ იქნება.

თქვენ სიყვარულს იძლევით და ამასთანავე, გასურთ საყვარელიც იყოთ. პასუხი აუცილებელია, სხვაგვარად მთელი ქვეყნიერება მდუმარე დარჩება, თითქოს არაფერი მომხდარიყოს, მხოლოდ თქვენ გეცოდინებათ, რომ ადამიანი ქრისტე გახდა,

ქვეყნიერება კი უყურადღებო და სრულიად დაუინტერესებელი დარჩა.

მთელმა არსებობამ უნდა გაიგოს, რადგან თქვენ უცხო არა ხართ ამ არსებობაში. ის ოჯახია და მასში ყველაფერი ურთიერთანაა დაკავშირებული. ერთი რომ გასხვივოსნებულია, მისი ნათელი ყველას გულს უვსებს, ყველგან მხიარულება და ზეიმი დაისადგურებს.

აი, რატომ ამბობს იესო: „თუ შეიცნობთ საკუთარ თავს, შეცნობილნი იქნებით...“

რაზე ლაპარაკობენ ქრისტიანები? სწორედ საპირისპიროს შესახებ. ისინი ამბობენ: „იესო ქრისტე – ღვთისაგან დაბადებული ერთადერთი ძეა“. მთელი მათი დოგმა ამ „ერთადერთის“ გარშემოა თავმოყრილი, ვინაიდან ყველა ღვთის ძე რომ იყოს, ქრისტეში რაღა იქნება განსაკუთრებული? რაშია მისი განუმეორებლობა? რა საჭიროა იესოს თაყვანისცემა? მხოლოდ იმიტომ, რომ განსაკუთრებული გახადონ იესო, მაგრამ ავინყდებათ, რომ იესოს წინააღმდეგ მიდიან.

იესო ამბობს: „თუ შეიცნობთ საკუთარ თავს, შეცნობილნი იქნებით, მაშინ გაიგებთ, რომ თქვენ შვილები ხართ ზეციური მამისა...“

აქ ქრისტე ორი საკითხის შესახებ გვესაუბრება: პირველი – ყველაფერი, რაც ამ სამყაროში არსებობს, ძეა მთელის და ეს ასეც უნდა იყოს. თქვენ მასში და მისი მეშვეობით ხართ შობილი. მთელი არსებობა უფრო დედობრივია თქვენთვის, ვიდრე მამობრივი, მაგრამ ეს რთული გასაგებია, რადგან იუდეველები მამაკაცურ შოვინისტებად დარჩნენ.

არსებობს მამაკაცურად შოვინისტი ქვეყნები, ერებიც კი. გერმანელები თავის ქვეყანას „ფათერლანდს“ (მამულს) უწოდებენ. გერმანელები საშიში ხალხია. რატომ „ფათერლანდი?“ და მისი „ეგო“? რატომაა ღმერთი მამა? რატომ არ შეიძლება დედა იყოს? დედა თითქოს უფრო შესაფერისია, რადგან მამა მისნაირ როლს ვერ ითამაშებს. მამა თავისუფალია. მისი სამუშაო შეიძლება უბრალო, შპრიციტაც შესრულდეს.

მთელი შემოქმედება დედის მეშვეობით სრულდება – იგი თავისი სხეულით ატარებს შვილს ცხრა თვის მანძილზე, მისი სისხლი და არსი გადაეცემა ბავშვს. თქვენ ისევე არსებობთ სამყაროში, როგორც დედის საშოში. არსებობს ხალხი, რომელიც ღვთის აღმნიშვნელ სიტყვად „დედას“ იყენებენ. შეუძლებელია აბსოლუტურად ზუსტი იყო, რადგან ღმერთი დედაცაა და მამაც. იგი ორივე საწყისს აერთიანებს. ღმერთი ქალიც არის და კაციც, როგორც არდჰანარიშვარი.

ამას გარკვეული მნიშვნელობა გააჩნია. იესოსათვის ძნელი იყო იმის თქმა, რომ ღმერთი დედაა. მას ვერავინ ვერ გაუგებდა. მისი აუდიტორია იუდეველებისგან შედგებოდა, რომელთაც მკაცრი და ძალიან შურისმაძიებელი ღმერთი სწამდათ. დედა არასოდეს არ იძიებს შურს, ყველაფერს პატიებს და არასდროს არ ითხოვს მორჩილებას, მამა კი მორჩილებას ითხოვს. ამიტომაც მოდის ათი მცნება მამისაგან და არა დედისაგან.

სიტყვა „მცნება“ (ბრძანება) თავისთავად არასწორია. ისეთი შთაბეჭდილება იქმნება, თითქოს გენერალი გასცემდეს ამ ბრძანებებს დიდ სამხედრო ბანაკში. ამ შემთხვევაში თქვენი მორჩილება საკუთარ პასუხისმგებლობასა და რისკზე არ იქნება დაფუძნებული.

იესო შესაფერისი ენით სარგებლობს, მაგრამ მე ვიცი, რომ იგი უპირატესობას „დედას“ მიანიჭებდა. დედა უფრო დიდია, ვიდრე მამა. დედა ცენტრშია, მამა – პერიფერიაში, ხოლო ღმერთი ორივეა. დაიმახსოვრეთ, რომ ის მდებდრიცაა და მამრიც.

„...მაშინ გაიგებთ, რომ თქვენ შვილები ხართ ზეციური მამისა...”

თითოეული ჩვენგანი ღვთის შვილია. ლოგიკოსების, სოციალისტებისა და ფსიქოლოგების აზრის მიუხედავად, ეს ანტროპომორფიზმი* არ არის. მეტწილად ღმერთზე, როგორც დედაზე ან მამაზე ფიქრისას და საკუთარი თავის, როგორც ღვთის ძის, გააზრებისას, თქვენ ადამიანური ურთიერთობები კოსმიურზე გადაგაქვთ, ყველა კოსმიურ მოვლენას ოჯახურ საქმედ აქცევთ და ადამიანური ტერმინებით მსჯელობთ.

სოციოლოგები და ფსიქოლოგები, რომლებიც თვლიან რომ ეს ანტროპოცენტრიზმია, რომ ადამიანი საკუთარ თავს, როგორც ცენტრს, ისე აღიქვამს და საკუთარი ტერმინები და გრძნობები ყველაფერზე გადააქვს. ამტკიცებენ, რომ ამგვარი ანტროპომორფიზმი არასწორია. ისინი იმას ვერ მიხვდნენ, რომ ეს მხოლოდ გვეჩვენება ანტროპომორფიზმად და ასეც უნდა იყოს, რადგან რასაც არ უნდა ამბობდეს ადამიანი, ყველაფერი ადამიანური იქნება. ობიექტური ჭეშმარიტებაც იმ ადამიანის ელფერს ღებულობს, რომელიც მას ამტკიცებს, ობიექტური ვერ იარსებებს სუბიექტურის გარეშე.

თვით მეცნიერული ჭეშმარიტებაც არ არის ობიექტური, რადგან ადამიანი აღმოჩენას რომ შეძლებს, თავად აღმოჩნდება მასში ჩართული. ობიექტურ ჭეშმარიტებასთან მისვლა შეუძლებელია, ვინაიდან მცოდნე ყოველთვის საკუთარ ელფერს შემა-

ტებს ამ ჭეშმარიტებას. ყოველნაირი ცოდნა პიროვნულია და თუკი ვინმე ამტკიცებს რამეს, ეს უთუოდ ადამიანური მტკიცება იქნება და თავისთავად არ არის საჭირო ბოდიშის მოხდა, ეს თავისთავად მშვენიერია.

როდესაც იესო ამბობს, რომ ყველა ჩვენგანი ღვთის შვილია, აქ მხოლოდ ანალოგია და სიმბოლო უნდა ვეძებოთ. რას გულისხმობს ის ამ სიტყვებში? იგი ამბობს, რომ შემომქმედსა და ქმნილებას შორის მექანიკური კი არა, ორგანული ურთიერთკავშირია. ეს არა ჰგავს მექანიკოსსა და მის მიერ შექმნილ მანქანას შორის დამოკიდებულებას. ის მამა არ არის და განდგომილი არ რჩება. ამაში მდგომარეობს უმთავრესი საკითხი: შეუძლებელია ღმერთი განდგომილი იყოს, იგი მამათქვენივითაა, რომელიც თქვენი ერთგულია, ცხოვრობს თქვენით, მუშაობს, ზრუნავს თქვენზე, უყვარხართ, გეძებთ და ყველანაირი ხერხით ნეტარ სამყაროს გიქმნით.

იესო რომ ამბობს, ღმერთი მამააო, ამ ყველაფერს გულისხმობს – სამყარო ზრუნავს თქვენზე, გეხმარებათ. მხოლოდ თქვენ კი არ ეძებთ ღმერთს, ისიც გეძებთ. სამყარო არც მკვდარია, არც – განდგომილი, სამყარო მოსიყვარულე გულით გეპყრობათ. თუ ტირით, ისიც ტირის, თუ გეცინებათ – ისიც იცინის, თუ გტკივთ, ყოფიერებასაც სტკივთ, ბედნიერი თუ ხართ, ყოფიერებაც იზიარებს თქვენს ბედნიერებას. თქვენსა და ყოფიერებას შორის ღრმა კავშირია და განსაკუთრებული დამოკიდებულება, როგორც მამასა და შვილს შორის. მაშინაც კი, როცა მამა კვდება, იმედი აქვს, რომ შვილში განაგრძნობს არსებობას. ის შვილში რჩება, რომელიც მის ახალ ვარიანტად იქცევა. სწორედ ამით აიხსნება ამ სიტყვების მნიშვნელობა. შვილი მამის

აღორძინებაა და ამიტომ იმეორებს იესო ისევ და ისევ, რომ ის და მამამის ერთიანი არიან. იესო გულისხმობს, რომ შვილი მამას წარმოადგენს. ისინი გაერთიანებული არიან, მაგრამ არც ორნი არიან და არც ერთნი. აქ უბრალოდ ორგანული ურთიერთობაა. თქვენ არ უნდა განიცდიდეთ მარტოობას.

ამჟამად მთელი მსოფლიო მარტოობს. თითოეული უცხოა თავის გარშემო და განსაცდელში გრძნობს თავს. ჩემთან ხალხი მოდის და მეკითხება: „როგორ დავამყაროთ ურთიერთობა?“ რა მოხდა? ეს ძალიან ახალი კითხვაა. სულ რაღაც ორი ასწლეულის წინ არავინ ეძიებდა ამას. ახლა კი ადამიანთა ურთიერთობა პრობლემად იქცა, რაც ლოგიკური შედეგია, თუ მთლიანობას ვერ უკავშირდებით, ვერც ვინმესთან დაამყარებთ ურთიერთობას, თქვენი ნამდვილი ურთიერთობა შესაძლებელია მას შემდეგ, რაც დაამყარებთ ურთიერთობას სამყაროსთან, რადგან აქედან იწყება ყველაფერი, როდესაც ქრება რელიგია, შეწყდება ურთიერთობანიც.

არარელიგიური ადამიანი ყოველთვის განიცდის სიძნელებს. ახლობლებს შორის დამოკიდებულებაში, ცოლი იქნება ეს, და, ძმა თუ შვილები. წარმოუდგენელია ახლობლებს შორის ურთიერთობა, რადგან მათ შორის საფუძველი გაქრა. თქვენ განაცხადეთ: „ღმერთი აღარ არსებობს, ღმერთი მოკვდა“ და მთელი სამყარო უცხო გახდა თქვენთვის, თქვენ განდგომილები და სამყაროსგან მოკვეთილები აღმოჩნდით, ახლა უფრო მძაფრად გრძნობთ თქვენს სიმარტოვეს. მეცნიერისა და იესოს მსგავსი რელიგიური ადამიანის სამყაროები სრულიად განსხვავებულია.

მეცნიერული სამყარო შემთხვევითია. თქვენსა და სამყაროს შორის კავშირი განწყვეტილია ამ დროს, თქვენ შემთხვევით

ხართ დაბადებულნი და რომც არ არსებობდეთ, სამყარო ვერ იგრძნობს უთქვენობას და რომ გაქრებით, არც მაშინ ინალვლებს თქვენზე.

მეცნიერის სამყარო მკვდარია, თუ მკვდარ სამყაროში იარსებებთ, როგორ დაამყარებთ ურთიერთობებს? ასეთ შემთხვევაში უსულო საგანთა გარემოცვაში აღმოჩნდებით. თქვენ გარშემო ყველაფერი შემთხვევითი იქნება. მოგინევთ ნაწილობრივ სრულყოფა, მაგრამ ორგანული კავშირი მაინც არ დამყარდება. მარტო იარსებებთ და ისევ მარტო ზიდავთ თქვენს ტვირთს. ეს ყველაფერი იმ ბავშვის მდგომარეობას ჰგავს, მამას ხელი რომ გაუშვა და გზა აებნა.

მამას ჩაჭიდებული ბავშვი იმპერატორივით სეირნობდა და არაფრის არ ეშინოდა. თანაც მამა ყველაფერზე პასუხობდა. ბავშვს არაფერი არ ჰქონდა საზრუნავი და ცხოვრება მისთვის ნეტარება იყო. მაგრამ როცა ბავშვს გზა აებნა, ყველაფერი ცივი, უცხო და მტრული მოეჩვენა. გაუჩნდა სიკვდილის შიში, არადა, ცოტა ხნის წინ ბავშვსა და მთელ სამყაროს შორის უშუალო კავშირი იყო, რადგან მის გვერდით მამა იყო. ახლა კი ბავშვი ტირის და შველას ითხოვს, შეშფოთებულია და განსაცდელშია. სწორედ ასეთია თანამედროვე ადამიანის მდგომარეობაც – თქვენ სამუდამოდ დაკარგეთ უნარი – აღიქვათ სამყარო, როგორც დედა ან მამა. სულაც არ არის გასაკვირი, რომ გარშემო ყველა ნევროსტენიკი გახდა.

ის ბავშვიც ნევროსტენიკი გახდება, არანორმალური გაიზრდება და გულში ჭრილობა ექნება, რომელიც შემდგომში მის ურთიერთობებს დაანგრევს. ის ვერსად ვერ იგრძნობს თავს ისე, როგორც საკუთარ სახლში.

შეხედეთ თქვენს ხელს, არ შეგიძლიათ მასში კოსმიური ხელი შეიგრძნოთ? მაშინ რთულ მდგომარეობაში აღმოჩნდებით. აი, რას ამბობს იესო; ღმერთი მამაა, მთელი სამყარო ზრუნავს თქვენზე, სხვაგვარად რატომ მოგცემდნენ ცხოვრების საშუალებას? მთელი სამყარო ყველა შესაძლებელი ხერხით გეხმარებათ, სწორედ მან მიგიყვანათ ცნობიერებამდე, ახლა კი ცდილობს, საბოლოო სიმაღლეზე აგიყვანოთ. გასხვივოსნების უკანასკნელ მწვერვალს მიგაღწევიანოთ, რომც დაიკარგოთ, ის გამოგედევნებათ. იგრძნობთ თქვენს ხელში ხელს და უეცრად მთელი პრესპექტივა შეიცვლება.

იესო ამბობს, რომ ღვთის ძე თითოეული ადამიანია და არა მხოლოდ თვითონ, მაგრამ რომ თითოეული ღვთის ძე იყოს, მაშინ ქრისტიანობა ვერ იარსებებს – იესოში აღარაფერი იქნება ორიგინალური. ეს ყალბი პოზიციაა. ღვთის ძე თითოეული ადამიანია, მაგრამ იესო უნიკალური რჩება, რადგან ის მიხვდა ამას, თქვენ კი ძიებაში ხართ.

უნიკალურობა გაცნობიერების არსიდან მომდინარეობს. ინდუსები ყოველთვის ამბობდნენ, რომ განსხვავება გასხვივოსნებულსა და უმეცარს შორის არსში კი არა, ცოდნაში მდგომარეობს. ეს იმას ჰგავს, თქვენ გვერდით ვიღაცას რომ ეძინოს, თქვენ კი ფხიზლობდეთ. არსი ერთი იქნება, მაგრამ ვისაც სძინავს, ის სიზმარშია, თქვენ კი – არა.

შეანჯღრიეთ და გამოალვიძეთ იგი, რომ თქვენსავით იფხიზლოს და ზმანებები გაუქრეს. იესომ გამოიღვიძა, თქვენ კი ისევ გძინავთ, მხოლოდ ამაშია განსხვავება. ამ მხრივ იესო უნიკალური და არა თავისი არსით. ის თვითონ ამბობს: „**თქვენ ძენი ხართ ცოცხალი მამისა...**“ და მეორე მტკიცება ის არის, რომ მამა

„ცოცხალია“, მამა, ხომ, ჩვეულებრივ, სიკვდილისაკენ მოძრაობს. მისი ფიზიკური ნაწილი კვდება, ბიოლოგიური ნაწილი ავადდება, მაგრამ კოსმოსური ერთიანობა ყოველთვის იცოცხლებს. ის მარადიულია.

რამდენიმე ათწლეულის წინ ნიცემ განაცხადა, რომ ღმერთი მოკვდა. ეს შეუძლებელია, სამყარო არ მოკვდება. ხოლო ღმერთი პიროვნება არ არის. ღმერთს არა აქვს ფორმა და სხეულის ფორმა და სხეული კვდება. ღმერთი ყველაფერია. ღმერთში ვიბადებით და ვკვდებით, ჩვენ ვღებულობთ ფორმას და ფორმა კვდება, მაგრამ ერთიანობა მარადიულია.

ერთიანობა არასოდეს კვდება. ერთიანი თვით ცხოვრებაა, ასე რომ, მკვდარ სამყაროში კი არა, ცოცხალ ღმერთში ცხოვრობთ, რომელიც თქვენი დედაცაა და მამაც. ურთიერთობები ღრმა და ორგანულია. თქვენდამი არ არიან გულგრილნი, ვიღაც ისე გადაევენებთ თვალყურს.

ეს გრძნობა თქვენ ფესვებს გადგმევიანებთ და თავს უცხოდ აღარ გრძნობთ. აღარ იქნებით გარეშე პირი, თქვენ შინაური ხართ და ეს თქვენი სახლია.

„...მაგრამ თუ ვერ შეიცანით თავი თქვენი, – მაშინ თქვენ ლატაკნი ხართ...”

ერთადერთი სიღარიბე საკუთარი თავის არცოდნაა, სხვა სიღარიბე არ არსებობს. შესაძლებელია, არ იყოთ მდიდარი, არ გქონდეთ სასახლე, არ ბრძანებლობდეთ იმპერიას, მაგრამ ეს ყველაფერი სულაც არ არის ჭეშმარიტი სიმდიდრე. ერთადერთი ჭეშმარიტი მონაპოვარი – თვითშემეცნებაა, რადგან შეუძლებელია მისი დანგრევა.

იესო ამბობს: „...მაგრამ თუ ვერ შეიცანით თავი თქვენი, მაშინ ლატაკნი ხართ და თქვენ თვითონ ხართ სილატაკე...”

თქვენ საკუთარი თავის არცოდნით ხართ ღარიბი. ცოცხალი ღვთის შვილებს უდიდესი შესაძლებლობა მოგეცათ, მაგრამ არ ხართ ამაში დარწმუნებულნი და მათხოვრობას განაგრძნობთ.

ყველა სურვილი მათხოვრობაა. ამბობენ, რომ სურვილები თუ ცხენებად იქცა, მათხოვრები – მოჯირითეებად იქცევიან. მაგრამ ყველა სურვილი თუ ცხენია და მათხოვრები – მოჯირითეები, მაშინ ყველა თქვენგანი მოჯირითეა. შეხედეთ თქვენს ცხენებს! ისინი ხომ თქვენი სურვილებია, რომლებიც თქვენშია, მაგრამ შიგნით არასოდეს არ იყურებით.

ერთხელაც, როდესაც ჩაიხედავთ საკუთარ არსში, სიმდიდრეს აღმოაჩენთ. ეს იქნება მარადიული, უღევი და უხვი სიმდიდრე და ერთხელაც, როცა შიგნით ჩაიხედავთ, მთელი ყოფიერება შეიტყობს იმპერატორობას, მთელი ყოფიერება შეიტყობს, ვინცა ხართ – თქვენ ერთიანის შვილები ხართ, მაშინ ეს მათხოვრობაც შეწყდება და თქვენ პირველად გამდიდრდებით.

ერთხელ ერთი დიადი იმპერატორი თავისი ვაჟის საქციელმა აღაშფოთა. მისმა მხოლოდშობილმა ვაჟმა ისე განარისხა იგი, რომ იმპერიიდან გააძევა. იმპერატორის ვაჟმა კი არც არაფერი იცოდა და არც ხელენიფებოდა რამე, რადგან იგი არც შრომას მიაჩვიეს და არც სხვა ცხოვრებისეულ რამეს.

იმპერატორის ვაჟს მუსიკა უყვარდა და ხშირად სიტარაზე უკრავდა. ეს ერთადერთი რამ იყო, რისი გაკეთებაც შეეძლო.

გაძევებულმა უფლისწულმა მათხოვრობა დაიწყო. სიტარაზე უკრავდა და მოწყალებას ითხოვდა. როცა იმპერატორი იმპერატორობას დაკარგავს, მათხოვრობის გარდა არაფერი ხელე-

ნიფება. ეს იმაზე მიუთითებს, რომ სულის სიღრმეში ყველა იმპერატორი მათხოვარია. ამას მხოლოდ მათი იმპერიების გამო ვერ ვხედავთ. იმპერიებს თუ ართმევენ მათ, ისინი ღატაკდებიან და მათხოვრობის გარდა სხვა არაფერი ძალუძთ.

გაძვეებული უფლისწული ათი წლის განმავლობაში მათხოვრობდა და სრულიად დაავიწყდა, რომ დიადი იმპერატორის შვილი იყო. იგი მთლიანად გაღატაკდა და მეხსიერებაც კი გაუქრა. მეხსიერება ხომ ცუდია, რადგან კომმარსა ჰგავს – თქვენ რაღაცის დავინწყებას ცდილობთ, მეხსიერების მეშვეობით კი გონებაში შეიძლება უამრავი უბედურება დაგიბრუნდეთ. ავიღოთ ეს შედარება: „მე – იმპერატორის შვილი, ვმათხოვრობ!“ მაშინ მათხოვრობა ძალიან მტკივნეული ხდება, ამიტომ უფლისწულმა მოიშორა ეს აზრი და ყველაფერი დაივიწყა. შემდეგ მის სანახავად ვეზირი გაემგზავრა. შვილს რომ სრულებით დავინწყებოდა, ვისი მემკვიდრე იყო და მთლიანად გაიგივებულიყო მათხოვართან, მასში მაინც დარჩებოდა ისეთი რამ, რაც მისი მათხოვრობის ნაწილს კი არა, არსების ნაწილს შეადგენდა. უფლისწულის სიარულში, წყალობის გაღების თხოვნაში მაინც იგრძნობოდა იმპერატორი. იგი ისე მათხოვრობდა, თითქოს მისი ვალი ჰქონდათ, ისე იყურებოდა, თითქოს მის მათხოვრობაში გარშემო ყველას მიუძღოდა ბრალი. მისი სიარული მეფური იყო, ტანსაცმელი დაუღპა, მაგრამ მაინც პრინციის ტანსაცმლად რჩებოდა.

ის გაუპარსავი და ჭუჭყიანი დაიარებოდა, მაგრამ ჭუჭყის ქვეშ მშვენიერი სახე იმალებოდა და მისი თვალები ისევ მეფის თვალებად რჩებოდა. ცნობიერებაში მან დაივიწყა თავისი უფ-

ლისწულობა, მაგრამ არაცნობიერად ისევ იმპერატორის შვილი იყო და დიდი მამის მემკვიდრე.

ვეზირმა იცნო უფლისწული, როცა ქუჩაში გადააწყდა. ხის ქვეშ რამდენიმე კაცი ბანქოს თამაშობდა. შუადღე იდგა და ძალიან ცხელოდა. უფლისწული ფეხშიშველი მათხოვრობდა, მძიმედ სუნთქავდა და გამვლელ-გამომვლელს რამდენიმე პაისს სთხოვდა, ორი დღის მშვიდი ვარო. ვეზირმა მათხოვარში უფლისწული შეიცნო და ეტლი გააჩერა. გადმოვიდა და მის ფეხებს ეამბორა. „რაშია საქმე?“ – ჰკითხა მათხოვარმა.

ვეზირმა უთხრა: „იმპერატორი თავისთან გიხმობს, მან ყველაფერი გაპატია“. მისი მათხოვრობა თვალისდახამხამებაში გაქრა. მან ძველებურად ყველაფერი შეიცნო. იგი ჭუჭყიანი იმავე ტანსაცმელში დარჩა, მაგრამ ახლა ბრძანებებს იძლეოდა. ვეზირს უთხრა: „ნადი ბაზარში, მიყიდე სამოსი და კარგი აბანო მომიმზადე“. იგი ეტლში ავიდა და მოითხოვა, ქალაქის საუკეთესო სასტუმროში წაეყვანათ, ვეზირი კი ფეხით გაჰყვა ეტლს.

ეს სუფიური ამბავია. თქვენც ასეთსავე მდგომარეობაში ხართ. როცა თქვენი მამა გიცნობთ, თქვენი მათხოვრობაც დამთავრდება. არაფერი მოგივათ, რადგან ყოველთვის ერთი და იგივე იყავით, უბრალოდ, გაიგივება იყო არასწორი და გონების ზედაპირულ ფენებში თქვენ ვიღაც სხვა გახდით, საკუთარი არსების სიღრმეში კი ღვთის შვილად რჩებით.

მაგრამ ეს მხოლოდ მაშინ მოხდება, თუკი საკუთარი თავის შეცნობას შესძლებთ. მაშინ მთელი სამყარო შეგიცნობთ, ხოლო იესო ამბობს: „...მაგრამ თუ საკუთარი თავი არ შეიცანით, მაშინ ლატაკნი ხართ და თქვენ თვითონ ხართ სილატაკე...“

1974 წლის 2 სექტემბერი
პუნა, ინდოეთი

საუბარი მეთოთხმეტე

მეთოთხმეტე შეგონება

იესომ თქვა:

– „ნეტარია ადამიანი, რომელიც იტანჯა, ის იპოვის ცხოვრებას“.

იესომ თქვა:

– „შეხედეთ ცოცხალთ, სანამ ცოცხალი ხართ, რომ არ მოკვდეთ და საძებნელი არ გაგიხდეთ ის და დანახვის უნარი არ გაგიქრეთ.“ იესომ და მისმა მოწაფეებმა იუდეისაკენ მომავალი სამარიტიანელი შენიშნეს კრავით ხელში.

იესომ ჰკითხა მოწაფეებს:

– „რისთვის მიჰყავს კრავი?“

მოწაფეებმა მიუგეს:

– „რათა დაკლას და შეჭამოს“.

იესომ უთხრა მათ:

– „სანამ კრავი ცოცხალია, ვერ შეჭამს, მაგრამ თუ დაკლავს, თავადაც გვამი გახდება“.

მოწაფეებმა თქვეს:

– „თუ არ დაკლა, როგორ შეჭამს?“

იესომ მიუგო მათ:

– „თქვენ თვითონ ეძიეთ ადგილი სიმშვიდეში, რომ არ გახდეთ გვამები და არ იქნეთ შეჭმულნი“.

(თომა, 64)

იესომ თქვა:

– „**ორნი იწვებიან სანოლში,
ერთი მოკვდება, მეორე იცოცხლებს**”.

(თომა, 65)

უძველესი დროიდან მოყოლებული, ადამიანი დაეძებს პასუხს შეკითხვაზე: „რატომ არის ცხოვრებაში ამდენი ტანჯვა? „ღმერთი თუ მამაა, რატომ წვალობს ადამიანი ამდენს? ღმერთი თუ თანაგრძნობა და სიყვარულია, რატომ იტანჯება ადამიანი? ჯერაც არავის უპასუხია დამაკმაყოფილებლად ამ შეკითხვაზე. მაგრამ იესოსი თუ გესმით, პასუხსაც გაიგებთ. ადამიანი იმიტომ იტანჯება, რომ მომნიჭებისთვის სხვა გზა არ არსებობს, მხოლოდ ტანჯვის გავლით შეიძლება გახდეს ადამიანი შეგნებული. შეგნება კი გასაღებია. დააკვირდით საკუთარ ცხოვრებას – სიმშვიდეში, კომფორტში თუ ხართ და ბედნიერებას განიცდიდით, თქვენი შეგნება დაკარგულია. ამ შემთხვევაში, როგორც მოჯადოებულ სიზმარში, ისე ცხოვრობთ, მოძრაობთ და აკეთებთ რაღაცას, მაგრამ როგორც მთვარეული.

აი, რატომ ხდება ასე – როცა არ იტანჯებით, თქვენი ცხოვრებიდან რელიგიაც ქრება. თქვენ არასოდეს წახვალთ ტაძარში, თქვენთვის ეს აზრს მოკლებული იქნება. შემდეგ ლოცვასაც შეწყვეტთ. რატომ?

როცა იტანჯებით, ტაძარში მიდიხართ. თვალებს ღმერთს მიაპყრობთ, გულს ლოცვით აღივსებთ. ტანჯვაში არის ისეთი რამ, რაც უფრო შეგნებულს გაგხდით, გაგარკვევთ, ვინ ხართ

და საიდან მოდიხართ. ტანჯვისას თქვენი ცნობიერება ინტენ-სიურია.

არაფერი არ შეიძლება ამქვეყნად უაზრო იყოს. ეს კოსმოსია და არა ქაოსი. თქვენ შეიძლება უძლური იყოთ ამის გასაგებად, რადგან მხოლოდ ფრაგმენტები იცით, მთლიანი კი უცნობია. თქვენი ცხოვრებისეული გამოცდილება რომანიდან ამოხეულ ფურცელს ჰგავს – რომ ნაიკითხოთ, აზრს ვერ გამოიტანთ, რადგან ის მხოლოდ მცირე ფრაგმენტია, მთელი ისტორია კი არ იცით.

როდესაც მთლიანად ჩასწვდებით რომანის შინაარსს, ამო-ხეული ფურცელიც გასაგები გახდება თქვენთვის. აზრი რაღა-შია? ეს, მთლიანობასთან მიმართებით, ფრაგმენტის დამოკიდე-ბულებაა მთელთან. ქუჩაში მოლაყბე უგნური უაზროა, რატომ? იმიტომ, რომ მის ლაყბობას ვერაფერს დაუკავშირებთ, მისი ლა-პარაკი ფრაგმენტია და არ არის დიდი მთლიანობის ნაწილი. იგივე სიტყვები სხვა ადამიანმა შეიძლება გამოიყენოს, ზუსტად იგივე სიტყვები, მაგრამ ვინმეს მიმართ თქვას და ამიტომ ეს სიტყვები აზრიანი აღმოჩნდება. სიტყვებიც და წინადადებებიც ხომ უცვლელია, მაგრამ, მიუხედავად ამისა, ერთის შესახებ გაიძახით, რომ იგი უგუნურია, მეორეს კი აზრიანს უწოდებთ. რატომ? იმიტომ, რომ მსმენელი არსებობს. ფრაგმენტი ფრაგ-მენტული კი არ არის, დიდი მთლიანობის ნაწილია და მის აზრს ატარებს.

მოაჭერით პიკასოს სურათს ნაწილი. მას არ ექნება აზრი, რადგან მხოლოდ ფრაგმენტია. მკვდარი ფრაგმენტი შეაერთეთ სურათთან და უცებ აზრიც გაჩნდება, რადგან მთლიანის ნაწი-ლი შეიქმნა. როდესაც ერთიანის ნაწილი ხართ, მაშინ აზრით

ხართ სავსე. თუ თანამედროვე ადამიანი გამუდმებით გრძნობს, რომ მისი ცხოვრება უაზროა, მხოლოდ იმიტომ, რომ ან უარყოფს ან ივიწყებს ღმერთს.

ღვთის გარეშე ადამიანი არასოდეს იქნება აზრიანი, რადგან ღმერთი ერთიანს, მთელს ნიშნავს, ადამიანი კი – ფრაგმენტს. თქვენ მხოლოდ ლექსის სტრიქონი ხართ, ცალკე – უბრალოდ სისულელე იქნებით. აზრი მთელ პოემასთან ერთად იზადება, რადგან იგი დანარჩენთან ურთიერთკავშირში მდგომარეობს. დაიმახსოვრეთ ეს!

მე ბერტრან რასელის ერთი სიზმარი გამახსენდა. რასელი ათეისტი იყო და არასოდეს უნამია ღმერთი, არასოდეს გაუგონია ის აზრი, რომელიც მთელს შეიცავდა. ერთხელ დაესიზმრა, რომ ღამით კარზე კაკუნი შემოესმა. სიზმარში ადგა და კარი გააღო. მან ზღურბლზე მდგარი მოხუცი ღმერთი დაინახა.

რასელი საკუთარ თვალებს არ უჯერებდა, მას ხომ ღმერთის არ სწამდა, ამის შესახებ სიზმარშიც ახსოვდა, მაგრამ მოხუცი ყველასგან დავიწყებული და მიტოვებული ჩანდა, დახეული სამოსი ეცვა, სახე და ტანი ჭუჭყით მოსვროდა. ის ისე არათანამედროვედ გამოიყურებოდა, როგორც სიძველისაგან ჩამუქებული სურათი, რომელზეც ძნელად თუ გაარჩევთ რამეს.

რასელს მოხუცის სიბრალოე აღეძრა. უბრალოდ მიესალმა მას და შეიპატიჟა ოთახში, მეგობრულად დაარტყა მხარზე ხელი და უთხრა: „ნუ ინალვლებთ!“ მერე კი გამოეღვიძა და ყველაფერი გაქრა.

ასეთია თანამედროვე ადამიანისა და მისი გონების მდგომარეობა. ღმერთი არათანამედროვეა. თქვენ ან მისი წინააღმდეგი ხართ, ან უფრო მეტი, გებრალებათ. სიბრალოელის გამო შეიძ-

ლება მისი დამშვიდება სცადოთ, მაგრამ თქვენთვის მას სხვა არავითარი მნიშვნელობა არ აქვს. უბრალოდ, იგი ძველი სურათი იქნება და უსარგებლო ძველმანი. ღმერთი ან მკვდარია, ან სასიკვდილო სარეცელსაა მიჯაჭვული.

მაგრამ მთელი თუ არ არსებობს, ფრაგმენტს როგორ შეიძლება აზრი ჰქონდეს?

მთელი თუ მოძველდა, ნაწილი როგორ იქნება ახალი? ხე თუ გახმა, მისი ფოთლებიც ხმება.

ღმერთი თუ მკვდარია, ადამიანს არ შეუძლია სიცოცხლე და უკურნებელი სენითაა შეპყრობილი, რადგან მთელის გარეშე აზრს არის მოკლებული. ბედნიერი რომ გგონიათ თავი, ეს ბედნიერების გაელვებაა და არა ნამდვილი ბედნიერება. როცა მშვიდად ხართ და არაფერი არ განუხებთ, მაშინ ფიქრობთ, რომ მთლიანი ხართ. ეს შეცდომაა. როდესაც იტანჯებით, უბრალოდ ხვდებით, რომ ის არა ხართ, როგორიც შეგეძლოთ ყოფილიყავით. რაღაც არასწორია, ფეხსაცმელი გიჭერთ, რაღაც ცუდად არის და გარკვეული ცვლილებაა საჭირო. ასეთი ტანჯვის მეოხებით გრძნობთ, რომ საჭიროა, ააღორძინოთ საკუთარი თავი. ისეთები, როგორებიც ახლა ხართ, იტანჯებით; მაშასადამე, რაღაც უნდა გაკეთდეს.

იესო ამბობს: **„ნეტარია ადამიანი, რომელიც იტანჯა, ის იბოვის ცხოვრებას...”**

ეს ნათქვამი, ერთი შეხედვით, აბსურდული და პარადოქსული ჩანს. ჩვენ ყოველთვის იმას ვეძახდით ნეტარს, ვისაც წამება არ განუცდია. მაგრამ ერთი კაცი მაინც თუ გინახავთ, რომელსაც ტანჯვა არ განუცდია? თუ გინახავთ, უსათუოდ აღმოაჩენდით, რომ ის სრულიად მოუმნიფებელი და ბავშვურია, ყოველ-

გვარ სიმდიდრეს მოკლებული, ზედაპირული და შეუგნებელია, ერთი სიტყვით, იგი იდიოტია. თქვენ ვერასოდეს იტყვით, რომ ეს კაცი ნეტარია.

მხოლოდ ის, ვისაც არასოდეს უცდია ცხოვრება, ვინც გაურბოდა მას, შეძლებს ტანჯვის თავიდან აცილებას. აი, რატომ იბადებიან ძალიან მდიდარ ოჯახებში მხოლოდ იდიოტები, – იმიტომ, რომ საკმარისზე მეტად არიან დაცულნი. ხოლო საკმარისზე მეტად თუ იცავთ ვინმეს, ეს სიკვდილისგან კი არა, ცხოვრებისგან დაცვა იქნება. ვინმეს სიკვდილისგან დაცვა თუ გინდათ, ცხოვრებისგან უნდა დაიცვათ, რამეთუ ცხოვრება სიკვდილისკენ მიდის.

ასე რომ, ნუ იცხოვრებთ, სიკვდილისა ნუ გეშინიათ. ეს უბრალო ლოგიკაა – ნუ იქნებით ცოცხალნი და სიკვდილისაც ნუ შეგეშინდებათ. განაგდეთ ყველა განზომილება, რომელშიც ცხოვრება არსებობს. მაშინ, უბრალოდ, მცენარესავით იარსებებთ.

იესოს არ შეუძლია მცენარესავით არსებობას ნეტარება უწოდოს, პირიქით, ეს ყველაზე დიდი უბედურებაა, რამეთუ ასეთ მდგომარეობაში ადამიანი ვერასოდეს მიაღწევს შეგნებასა და სრულყოფილებას, ვერ ავა ცნობიერების უმაღლეს საფეხურზე, რომელიც მხოლოდ მაშინ შემოდის ადამიანის არსებობაში, როცა მათ მიაღწევს.

ტანჯვა გამოწვევაა. როცა იტანჯებით, გამოწვევა გაქვთ მიღებული და მაშინ პრობლემაც არსებობს. ხოლო პრობლემას რომ შეეჯახებით, მხოლოდ მაშინ იზრდებით. მეტი საშიშროებისას ზრდაც მეტია. გარშემო ყველაფერი თუ უსაფრთხოა, ჩათვალეთ, რომ უკვე საფლავში წევხართ, რომ ცოცხალი აღარა

ხართ. ცხოვრება საფრთხეში არსებობს, იგი ყოველთვის დაკარგვის შესაძლებლობაშია. მაგრამ ის, ვინც დაკარგულია, შეძლებს უკან დაბრუნებას; ვინც წააგო, შეიძლება მიაღწიოს თავისას.

ნაპოლეონი დამარცხდა და მშვენიერი სენტენცია ჩაიწერა დღიურში: „მხოლოდ ბრძოლა ნავაგე, მხოლოდ შეტაკებაში დამარცხდი და არა ომში“. ომის მოგება თუ გინდათ, ბევრი ბრძოლა უნდა დათმოთ. ბრძოლის წაგების თუ გეშინიათ, არასოდეს არ წამოიწყებთ ომს.

რამეს თუ წააგებთ, ეს საბოლოო დამარცხება როდი იქნება, მისი გადალახვა შესაძლებელია. შემდგომში აღარ დაუშვებთ იმავე შეცდომას, აღარ მოიქცევით ისევე წინდაუხედავად, შემდგომში ამას აღარ გაიმეორებთ და აღარც დაიტანჯებით.

ბრძენი სწორედ იმდენს წვალბობს, რამდენსაც არაბრძენი, მაგრამ ყოველთვის სხვადასხვაგვარად. ბრძენი იმდენსავე შეცდომას უშვებს, რამდენსაც – სულელი, ზოგჯერ შეიძლება მასზე მეტი შეცდომაც დაუშვას, მაგრამ ის ერთსა და იმავე შეცდომას ორჯერ არ იმეორებს. ეს ერთადერთი განსხვავებაა – რაოდენობა შეიძლება დიდი იყოს, მაგრამ ხარისხია სხვადასხვა. იდიოტს შეიძლება არაფერი შეეშალოს, რადგან არაფერს აკეთებს, თქვენ მხოლოდ მაშინ ცდებით, როცა რამეს აკეთებთ.

თქვენ დაიკარგებით, თუ ეძებთ და იკვლევთ. გზაზე თუ არ მიდიხართ და უბრალოდ შინ ზიხართ, როგორღა დაიკარგებით? არაფერს თუ არ აკეთებთ, შეცდომას როგორღა დაუშვებთ? ადგილიდან თუ არ დაიძვრებით, დაღუპებით, მცენარესავით დაჭკნებით და მოკვდებით.

შეცდომების ნურასდროს ნუ შეგეშინდებათ. დაიმახსოვრეთ მხოლოდ, რომ არ არის აუცილებელი ერთი და იმავე შეცდომის ორჯერ გამეორება. მაშინ იმეორებენ, თუ კი პირველი შეცდომის შემდეგ ჭკუა ვერ ისწავლეს. ხალხი მთელი ცხოვრების მანძილზე ერთსა და იმავე შეცდომას უშვებს, ისინი წრიულად მოძრაობენ.

აი, რატომ დაარქვეს ინდუისტებმა ამ ქვეყანას „სანსარა“, რაც „ბორბალს“ ნიშნავს. თქვენ ხომ შეცდომებს თავიდან იმეორებთ. მდგომარეობა შეიძლება შეიცვალოს, მაგრამ შეცდომები იგივე რჩება. რაზე მიუთითებს ეს? ეს იმის მანიშნებელია, რომ არ ფხიზლობთ, სხვაგვარად არ გაიმეორებდით შეცდომას. არავინ არ სწავლობს შეცდომების გარეშე. როდესაც ცდებით, უნდა ეწამოთ. ტანჯვის გარეშე სწავლა შეუძლებელია. ინდუსები ამბობენ, რომ კიდევ და კიდევ უნდა დაიბადოთ, რადგან ჯერ არ გაზრდილხართ. მხოლოდ გაზრდილი პიროვნება გადის ამ სამყაროს გარეთ. ის, ვინც არ გაიზარდა, ისევ ორმოში უნდა ჩავარდეს. ასეთმა ადამიანებმა უნდა ისწავლონ, სწავლის პროცესი კი მეტად რთულია, რომლის დროს არავითარი შეღავათი არ არსებობს. ეს მძიმე გზა – ტანჯვაა.

არ დაიცვათ თავი ტანჯვისგან, პირიქით, რამდენადაც შესაძლებელია, იმდენად იტანჯეთ! გამოიწვიეთ, შეეჯახეთ მას და იტანჯეთ! ამ გზით თქვენ გაიზრდებით. შეეცადეთ, აჯობოთ ტკივილს, გახვიდეთ მის საზღვრებს გარეთ, ნუ გეშინიათ! შიშის დროს თქვენ კვდებით, აი, რატომ ამბობს იესო: „ნეტარია ადამიანი, რომელიც იტანჯა, ის იპოვის ცხოვრებას...”

ვინც იტანჯება, უფრო ფრთხილი ხდება, სიფრთხილე კი სიცოცხლის ტაძრის გასაღებია. რაც უფრო ფრთხილი ხართ, უფრო მეტად აცნობიერებთ ყველაფერს.

რითი განსხვავდებით თქვენ და ხე? ხე არაცნობიერია. ქვა და კლდე ხეზე უფრო დაბლა საფეხურზეა. თქვენ თუ გაუცნობიერებელი ხართ და იტანჯებით, რითი განსხვავდებით იმ უსულო საგნებისგან?

ყველაზე მნიშვნელოვანი და მთავარი, რაც ადამიანად გხდით, ჯერ არ მომხდარა. ადამიანობას ცნობიერება განიჭებთ. როდესაც რამეს აცნობიერებთ, თქვენ აღარ იტანჯებით, ტანჯვა ცნობიერებასთან ერთად მიდის. მაგრამ უფრო და უფრო ცნობიერი თუ ხდებით, ტანჯვა ქრება. საკუთარ გამოცდილებას თქვენი გონება აცნობიერებს. თქვენს სხეულს მაშინ აღიქვამთ, როდესაც რაღაც გტკივთ.

ტანჯვა სანსკრიტულად „ვედანად“ გამოითქმის. ამ სიტყვას ორი მნიშვნელობა აქვს – „ცოდნა“ და „ტანჯვა“. „ვედანასა“ და „ვედას“ ერთი ძირი აქვთ. „ვედა“ ცოდნის წყაროს ნიშნავს. ისინი, ვინც „ვედანა“ წარმოთქვებს პირველად, მიხვდნენ, რომ ტანჯვა ცოდნაა და ამიტომ გამოიყენეს ეს სიტყვა ორი მნიშვნელობით.

თუ იტანჯებით, თქვენი ცნობიერება იზრდება. კუჭის არსებობას მაშინ გრძნობთ, როცა გტკივთ. ამიტომ მედიცინა, კერძოდ, „აჯურვედა“, ჯანმრთელობას „უსხეულობას“ უწოდებს. საკუთარი სხეული თუ არ გახსოვთ, ჯანმრთელი ხართ; თუკი იცით საკუთარი სხეული და გრძნობთ მას, რაღაც გტკივთ; რადგან ცოდნა მაშინ ჩნდება, როცა რაღაც ჩვეული მიმართებით არ მიდის.

მძლოლი თუ ბრძანდებით, მაშინვე გაიგებთ ძრავაში ოდნავ ხმაურს, როცა რამე მოიშალება. როდესაც რაღაც რიგზე არ არის, მხოლოდ მაშინ იწყებთ გაცნობიერებას, ხოლო ჭეშმარიტად ცნობიერი თუ ხდებით, არ ჩაუღრმავდებით არასწორს; პირიქით, თქვენი ცნობიერება გაიზრდება. ამ შემთხვევაში სხვა რაღაც ხდება. თქვენ აცნობიერებთ ტკივილსა და ტანჯვას, მაგრამ გრძნობთ, რომ ეს თქვენში კი არა, თქვენ გარშემოა. თქვენს ცენტრში ცნობიერებაა, პერიფერიაში – ტანჯვა. ის თითქოს სხვას ეკუთვნის და არ გაიგივდებით მასთან. მაშინ თავის ტკივილი არ იქნება მტკივნეული, ის სხეულის ტკივილი იქნება და თქვენ უბრალოდ გააცნობიერებთ. სხეული ობიექტი ხდება, თქვენ კი სუბიექტი, თქვენ შორის განსხვავება წარმოიქმნება.

ცნობიერებაში ყველა ხიდი დანგრეულია და განსხვავებაც ცხადია. შეიძლება, შეიგრძნოთ საკუთარი სხეულის ტანჯვა, მაგრამ გაიგივება აღარ მოხდება. ტანჯვას ცნობიერებასთან მიყვავართ, ცნობიერება კი გაიგივებას ანადგურებს და სწორედ ეს არის ცხოვრების გასაღები.

**„ნეტარია ადამიანი, რომელიც იტანჯა,
ის იპოვის ცხოვრებას...”**

ჯვარცმული იესო საბოლოო ტანჯვის სიმბოლოა. იგი აბსოლუტური ტანჯვის მწვერვალის გამოსახულებაა. იესო სიცოცხლის ბოლო მომენტში ჩვეულებრივად კი არ იტანჯებოდა, მძიმედ ენამებოდა ფსიქოლოგიურად. იესომ უცებ გაიფიქრა: „ღმერთს ხომ არ დავავინყდი? ცუდი არაფერი გამიკეთებია და ჯვარს უნდა მაცვან? რისთვის არის ეს საჭირო? რატომ მანამებენ?” ამ დროს ყველა საფუძველი შეირყა, რწმენაც საეჭვო გახდა. ტკივილი ისე ძლიერი, ისეთი ყოვლისმომცველი იყო! ისინი,

ვისთვისაც იღვწოდა, ვისაც ემსახურებოდა და კურნავდა, ბოლოს უღებდნენ მას.

მე ყოველთვის ვამბობ, რომ ამ მომენტამდე ის იესო იყო, ამის შემდეგ კი ქრისტე გახდა. ამ დროს სრული გარდასახვა მოხდა – იესო გაქრა და გაჩნდა ქრისტე!

რა მოხდა? იესომ ნამების დამთავრებისთანავე მიმართა ღმერთს: „არა, დაე, იყოს ნება შენი!“ ღმერთმა მიიღო ის. „რატომ?“ – არ მიღებას ნიშნავდა, რადგან იესოს ღალადი ეჭვზე მიუთითებდა. ახლა ის მიხვდა ამას და მიმართა ღმერთს: „მე ვლებულობ და მე ვხვდები, იყოს ნება შენი და არა ჩემი, რადგან ჩემი ნება არასწორი იქნება!“

და მაშინ იესომ შვება იგრძნო, სიკვდილის ჟამს სიკვდილი მიიღო და ამ დროს იგი მარადიულად განათდა – მიაგნო გასაღებს. აი, რატომ ამბობს იესო:

**„ნეტარია ადამიანი, რომელიც იტანჯი,
ის იპოვის ცხოვრებას...“**

როცა იტანჯებით, ნუ დრტვინავთ. იტანჯეთ და ტანჯვა ყველა შესაძლებელი კუთხიდან შეაფასეთ. აქციეთ ის მედიტაცია და შეხედეთ, რა ხდება – ენერგია, რომელიც ავადმყოფობაზე იხარჯებოდა, რომელიც ტანჯვას ქმნიდა, გარდაისახება და იქცევა თქვენს ცნობიერებად. ესე იგი, თქვენში ორი კი არა, ერთი ენერგიაა. შეგიძლიათ ეს ენერგია სექსად აქციოთ ან სიყვარულად გარდასახოთ, ხოლო უფრო მაღალ ხარისხში ცნობიერებად აქციოთ. ენერგია უცვლელი რჩება.

ტანჯვის დროს გარკვეულ ენერგიას ხარჯავთ. როდესაც ენამებით, გამოფხიზლდით, დახუჭეთ თვალები და ტანჯვას მიაყურადეთ. სულიერი, ფიზიკური თუ ეგზისტენციალური

ტანჯვა მედიტაციად აქციეთ და დააკვირდით, როგორც ობიექტს. თქვენ ამ დროს განცალკევდებით და თქვენი ენერგია აღარ დაიხარჯება ტანჯვაზე. ხიდი დანგრეულია. ნებისმიერი გაიგივებისას ენერგია იქით მიედინება.

შეიძლება არაფერი იცოდეთ ამის შესახებ, მაგრამ საშუალება გაქვთ, უბრალო ცდა ჩაატაროთ. დაჯექით შეყვარებული ქალის გვერდით და გაიგივდით მასთან, ისე, თითქოს ეს ქალი იყოთ, ხოლო ქალს შესაძლებლობა მიეცით, იგრძნოს, რომ ის თქვენ ხართ. დაელოდეთ და გაიგივდით. უეცრად ორივე ერთად ენერგეტიკულ დარტყმას იგრძნობთ და რაღაც ენერგია ერთიდან მეორეს გადაეცემა. შეყვარებულებმა ის, როგორც ელექტრომოკი, ისე უნდა აღიქვან, თითქოს ენერგია ერთი სხეულიდან მეორეში გადაიღვარა და მიზანს მიაღწია.

როდესაც ვინმესთან გაიგივდებით, ხიდი წარმოიშობა და ამ ხილით ენერგია მიმოიქცევა. ბიოლოგები ამტკიცებენ, რომ დედა უბრალო საკვებით კი არა, ენერგიით აპურებს ბავშვს, რძე მხოლოდ ფიზიკური ნაწილია, მათ მრავალი ცდა ჩაატარეს. ბავშვი იზრდება, მას კვებავენ და საუკეთესოდ ინახავენ, მაგრამ არ უყვართ და არ იკრავენ გულში. ”

რძეს ბავშვი მექანიკური ხელსაწყოდან იღებს, მას ვიტამინებს აძლევენ, ინექციებს უკეთებენ, მაგრამ ბავშვი აღარ იზრდება, მას გადახრები აქვს განვითარებაში.

ომის დროს გერმანიაში მრავალი დაობლებული თოთო ბავშვი მოათავსეს საავადმყოფოებში. ბავშვები იღუპებოდნენ, თუმცა ყველა ზრუნავდა მათ გადასარჩენად, ყველა აუცილებელი პირობა სრულდებოდა და, მეცნიერული თვალსაზრისით, ბავშვები სრულიად ჯანმრთელები იყვნენ. მაშ, რატომ იღუპე-

ბოდნენ? ერთმა ფსიქოანალიტიკოსმა დააასკვნა, რომ მათ დედის მკერდი სჭირდებოდათ და დედის ალერსი.

ყველაფერი ჯერ კიდევ საჭმელი არ არის. იესო ამბობს: „არა მხოლოდ პურით ცოცხლობს ადამიანი...“ აუცილებელია კიდევ რაღაც შინაგანი, უხილავი საკვები და ფსიქოანალიტიკოსის მითითებით, ვინც არ უნდა შესულიყო ოთახში, მოვლელი იქნებოდა, ექიმი თუ მსახური, ყველას სულ ცოტა ხუთი წუთი მაინც გაეტარებინა ბავშვებთან და მოფერებოდა მათ. ბავშვებიც აღარ იხოცებოდნენ.

დედა ბავშვს რომ ეხვევა, ენერგია იღვრება. ეს ენერგია უხილავია, ჩვენ მას სიყვარულსა და სითბოს ვეძახით, რაღაც გადადის დედიდან შვილზე და პირიქით. აი, რატომ ხდება ქალი ასეთი მშვენიერი, დედობას რომ მიაღწევს. მას სრულყოფილება და კდემამოსილება ემატება. დედა-შვილი ერთმანეთთან ურთიერთობით არიან ბედნიერნი.

არ არსებობს სხვა ამაზე უფრო ახლო ურთიერთობა, ბავშვი ხომ დედის სისხლიდან და ხორციდან მოდის და მისი არსის გაგრძელებაა.

ცხრა თვის განმავლობაში ბავშვი დედის ნაწილი იყო, მასთან ორგანულად შერწყმული და გაერთიანებული, დედის სიცოცხლე მისი სიცოცხლე იყო, დედის სიკვდილი მისი სიკვდილი იქნებოდა. ეს ურთიერთობა არც შემდგომში წყდება. ენერგია გადაეცემა ერთიდან მეორეს.

ტანჯვის დროს თქვენ ცნობიერი ხდებით, ხიდი ინგრევა და ენერგია აღარ გადადის ტანჯვაზე. ტანჯვა ისევ და ისევ გართმევთ ძალ-ღონეს, რადგან იგი თქვენი შვილია. თქვენ თვითონ დაბადეთ ის, თქვენ ხართ მისი მიზეზი, მერე კი კვებავთ და ტან-

ჯვაც იზრდება. ნუხდებით, უძლურდებით და მთელი თქვენი ყურადღება ტანჯვისკენაა მიპყრობილი.

ერთხელ ბაზარში ორი ხანშიშესული ქალი შეხვდა ერთმანეთს. ერთმა ჰკითხა მეორეს, თავს როგორ გრძნობდა, რადგან თვითონ ავადმყოფად თვლიდა თავს. არსებობენ ქალები, სულ რომ ავადმყოფობენ, მუდამ რალაც სტკივათ, მაგრამ ეს ავადმყოფობაზე გაცილებით ღრმაა, ამას ნევროზი ჰქვია. ავადმყოფობა მათი „ეგოს“ ნაწილია.

ქალმა, რომელიც ცუდად გრძნობდა თავს და ავადმყოფობაზე ლაპარაკობდა, დაიწყო: „ძალიან ავად ვარ, არასოდეს ვყოფილვარ ასე ავად. ართრიტი მანუხებს, თავი მტკივა, კუჭიც გულს მინუხებს, ფეხებიც დამისვდა...”

მეორემ თქვა: „ნადით მაშინ ექიმთან”.

„მაშინვე წავალ, როცა ცოტა უკეთ ვიგრძნობ თავს”, – მიუგო პირველმა.

ეს ყოველთვის ასეა – ექიმთან მაშინ მიდიხართ, თავს უკეთ რომ გრძნობთ, თუმცა კარგად როცა ხართ, ექიმთან არ მიდიხართ, რადგან აღარ არის აუცილებლობა. ექიმს მაშინ უნდა მიაკითხოთ, როცა იტანჯებით. ილოცეთ ტანჯვის დროს, დაიწყეთ მედიტირება. თუ დროულად არ დაიწყებთ მედიტირებას, ნეტარ წამს გაუშვებთ ხელიდან. გახდით ფხიზელი და ყველაფერი გააცნობიერეთ, ნუ გაუშვებთ ხელიდან შემთხვევას. ეს ნეტარებაა!

მთელი თქვენი ტანჯვა გამოიყენეთ მედიტირებისთვის და უმაღლესი ხარისხით და აღმოაჩინეთ, ტანჯვა რომ ქრება, რალაც ენერგია თქვენს შიგნით იწყებს დინებას. ეს ენერგია უკვე აღარ კვებავს ტანჯვას, რაც შეიძლება ალოგიკურად მოგეჩვენოთ,

მაგრამ ამაში მსოფლიოს ყველა მისტიკოსი ეთანხმება ერთმანეთს. თქვენ კვებავთ თქვენს ტანჯვას და ამასთან ერთად, ძალიან დახვეწილი ხერხით ტკბებით. თვითონ არ გინდათ, კარგად რომ იყოთ. ამაშიც არის რაღაც.

ბუდა და ზარატუსტრა სულ ამოდ ლაპარაკობდნენ, თქვენ არ უსმენდით მათ, ისინი ამბობდნენ, რომ უკიდურესი ნეტარების შესაძლებლობაც არსებობს, თქვენ უსმენთ მათ და ამბობთ, რომ ოდესმე მოკიდებთ ამას ხელს, კარგად რომ შეიგრძნობთ თავს, მაგრამ ბედნიერი რომ ხართ, მეტი აღარაფერი გინდათ.

აი, რატომ იმეორებს ბუდა ასე დაბეჯითებით: **„მთელი ცხოვრება დუკხა და ტანჯვაა, ნუ დაელოდებით! ახლანდელი ცხოვრებით არ შეიძლება ბედნიერები იყოთ. გაიღვიძეთ და გარშემო მიმოიხედეთ. ის, რასაც თქვენ ცხოვრებას ეძახით, ტანჯვაა!“**

ხალხი ფიქრობს, რომ ბუდა პესიმიზტია. ის კი არ არის ასეთი, მან მხოლოდ ხაზი გაუსვა რაღაცას, თქვენ კი იმდენად ხართ მიჯაჭვულნი საკუთარ ტანჯვას, რომ ამას ვერ ხვდებით. რაშია საქმე? ადრეული ბავშვობიდან რაღაც არასწორად წარიმართა თქვენს ცხოვრებაში. ბავშვი ავად რომ ხდება, უფრო მეტი ყურადღებით ეპყრობიან. ეს არასწორ ასოციაციას ბადებს: მთელი ოჯახი ბავშვს თავს დასტრიალებს და იგი ყველაზე მნიშვნელოვან პიროვნებად მიაჩნიათ. არავინ ზრუნავს ბავშვზე, როცა ის კარგადაა. ამ ილეთს თუ შეისწავლით, მაშინ ავადმყოფობისას განსაკუთრებულ მოპყრობას მოითხოვთ – ყველამ ყურადღება უნდა მოგაქციოთ, ხოლო უყურადღებოდ თუ დაგტოვებენ, შეგიძლიათ მათ დანაშაული აგრძნობინოთ და ვერავინ გისაყვი-

დურებთ, რომ თვითონ ხართ საკუთარ ავადმყოფობაში დამნაშავე.

ავადმყოფ ბავშვს ჭკუას ვერ დაარიგებთ, რადგან ავადმყოფობა მის საქციელთან არავითარ კავშირში არ არის. მაგრამ ავადმყოფობის 90% თვით ავადმყოფის შემოქმედებაა, რაც ყურადღების მიპყრობის სურვილითაა გამონვეული.

ბავშვი იოლად ითვისებს ამ ილეთს, რადგან მისი უმთავრესი პრობლემა უსუსურობაა. მაგრამ ავად რომ ხდება, ბავშვი ძლიერია, დანარჩენები კი უძლურდებიან. ის ადვილად მიდის ამის შეგნებამდე.

ბავშვი ძალიან მგრძნობიარეა იმის მიმართ, რასაც იგებს. როცა ადამიანი უსიამოვნებას განიცდის ცხოვრებაში, ავად ხდება და თვითონვე ქმნის თავის ავადმყოფობას.

ფსიქოლოგები გვთავაზობენ – ბავშვი რომ ავადმყოფობს, იზრუნეთ მასზე, მაგრამ ზედმეტად ნუ გაანებივრებთ ყურადღებით. ის მხოლოდ სამედიცინო მეთვალყურეობას საჭიროებს და არა ფსიქოლოგიურს. ნუ შეუქმნით მას ასოციაციას, თითქოს ავადმყოფობას ფასი ჰქონდეს, თორემ მთელი ცხოვრების მანძილზე, როგორც კი ცუდად იგრძნობს თავს, ავად გახდება.

ტანჯვის 90% იმიტომ არსებობს, რომ ის, რაც სასიამოვნოდ გეჩვენებათ, ყოველთვის ტანჯვას და ავადმყოფობას უკავშირებთ.

მოიშორეთ ეს ასოციაციები! თქვენს ნაცვლად ვერავინ გააკეთებს ამას. ტანჯვა მხოლოდ და მხოლოდ თქვენი ენერჯის ხარჯვაა. ნუ შეერწყმით მას, ნუ იფიქრებთ, თითქოს რამე ფასი ჰქონდეს. ერთადერთი ხერხი, რომლითაც ტანჯვისთვის საფა-

სურის გადახდა შეიძლება – ეს ცნობიერებაა. დარჩით ცნობიერნი!

ნუ ილაპარაკებთ საკუთარ ტანჯვაზე. იტანჯეთ, მაგრამ არაფერი თქვათ ამის შესახებ. ავადმყოფობასა და ტანჯვაზე თუ ილაპარაკებთ, სხვები, მხოლოდ იმიტომ, რომ არ განწყენი-
ნონ, იძულებულნი იქნებიან აგიტანონ, თორემ გაქცევასა და თავის დაღწევაზე იფიქრებენ. არავის აინტერესებს თქვენი ლაპარაკი, ყველას თავისი სატანჯველიც საკმარისად აქვს! ვის ანუხებს თქვენი ტანჯვა? ნუ დრტვინავთ, რადგან ამ დროს განცდას, სიბრალულსა და თანაგრძნობას ითხოვთ. ნუ ჰყიდით თქვენს ტანჯვას, უკან წაიღეთ თქვენი შესატანი. საკუთარ ტანჯვას ნუ დაანახვებთ სხვას, მაშინ ის ტაპასჩარად იქცევა და ასკეტიზმის დონეს მიაღწევს.

მაგრამ შეხედეთ თქვენს წმინდანებს – ტაპასჩარის, ასკეტიზმის წესებით თუ ცხოვრობენ, ამას სახალხოდ აკეთებენ. მე კიდევ ვამბობ – ტანჯვა თქვენს პირად საქმედ აქციეთ, მხოლოდ მაშინ გახდება ის ასკეტიზმი. წმინდანები გაგიჟებული ბავშვები არიან. ამაში მათ მეტი ჩადეს, ვიდრე თქვენ – ისინი დამოკიდებულები არიან თავიანთ ტანჯვაზე. რამდენ ხანსაც გააგრძელებენ მარხვას, იმდენ ხანს შეძლებენ ქვეყნის ან მთელი მსოფლიოს ყურადღების მიპყრობას.

თქვენი წმინდანები იღეთების დიდი ოსტატები არიან, ტანჯვას ისინი სხვებზე საბატონოდ იყენებენ, მაგრამ ეს ის არის, რასაც ყველა აკეთებს. მათ მხოლოდ უმაღლეს ნერტილამდე აიყვანეს ეს. ნუ გააკეთებთ ამას, ნუ შეეცდებით მსხვერპლად შეწირვას – ეს უსარგებლოა! უკუაგდეთ ტანჯვა და იმდენად პიროვნული გახადეთ, რომ ვერავინ მიხვდეს მის არსებობას. მერე

კი მედიტირება დაიწყეთ ამაზე, ნუ მოიცდით, შიგნით დაიგროვებთ, მერე კი დახუჭეთ თვალები და მედიტაცია დაიწყეთ.

მაშინ ხიდი დაინგრევა. ეს ტექნიკაა ტანჯვისათვის, გამოიყენეთ ტანჯვა, როგორც მეთოდი.

აი, რას გულისხმობს იესო, როცა ამბობს:

„ნეტარია ადამიანი, რომელიც იტანჯა, ის იპოვის ცხოვრებას...“

ტანჯვა სიკვდილს ეკუთვნის, ცნობიერება სიცოცხლეს. დაანგრეთ ხიდი და მიხვდებით, რომ თქვენში და თქვენ გარშემო რაღაც კვდება. ის სიკვდილის კუთვნილებაა, თქვენში არსებული ცნობიერება კი არ კვდება, ის უკვდავია, ის სიცოცხლეს ეკუთვნის. აი, რატომ გვაძლევს ტანჯვა სიცოცხლის გასაღებს.

იესო ამბობს: **„შეხედეთ ცოცხალს, სანამ ცოცხალი ხართ, რომ არ მოკვდეთ და საძებნელი არ გაგიხდეთ ის და დანახვის უნარი არ გაგიქრეთ“.**

თქვენში ის არის, ვინც ცოცხალია და ისიც, ვინც უკვე მოკვდა. თქვენში ორი სამყარო არსებობს – მორალისა და სულის სამყაროები, თქვენ კი საზღვარზე ხართ. თქვენში ორი სამეფოა – სიკვდილისა და სიცოცხლის, რომელთა შორისაც თქვენ იმყოფებით.

თუ მეტ ყურადღებას იმას უთმობთ, რაც სიკვდილის კუთვნილებაა, ყოველთვის ტანჯული და შიშით აღვსილი დარჩებით, ხოლო თუ თქვენი ფიქრი სიცოცხლეზეა გადატანილი, შიში გაგიქრებათ.

იესო ამბობს: **„შეხედეთ ცოცხალს, სანამ ცოცხალი ხართ“.** ნუ დაკარგავთ, რადგან სიკვდილის ჟამს ძალიან გაძნელდება ცოცხლის ყურება.

თუ მთელი თქვენი ცხოვრება სიკვდილის სამეფოსადმი იჩენდით ყურადღებას, მაშინ ძნელი და თითქმის შეუძლებელი იქნება სიცოცხლის სამეფოს შეხედოთ. მაშინ, როცა მკვდარი ხართ ან კვდებით, როგორ შესძლებთ მეორე მხარეს შემობრუნებას?

ამისათვის საჭიროა უკვდავების სამყაროსკენ გამუდმებული მოძრაობა. სანამ ცოცხლობთ, უყურეთ ცოცხალს. როცა სიჩუმის წამი გაქვთ, დახუჭეთ თვალები და შიგნით ჩაიხედეთ. კისერი სიკვდილის ჟამს გაგიშეშდებათ. თქვენ მოინდომებთ მარადიული სიცოცხლის ნახვას, მაგრამ უუნარო აღმოჩნდებით, რამდენადაც ვერ შესძლებთ ამ მხარეს შემობრუნებას.

„...რომ არ მოკვდეთ და საძებნელი არ გაგიხდეთ ის და არ გაგიქრეთ დანახვის უნარი...”

ის იქ არის, თქვენ შიგნით, მაგრამ თქვენ გაშეშდით და ვერ გიგრძენიათ. გარეშესთან ყოველნაირი კავშირი უნდა დაანგრიოთ. სულ არ არის აუცილებელი ტყეში გაქცევა, ეს არ არის გამოსავალი. 24 საათი საკმაოდ დროა იმისთვის, რომ შიგნით ჩაიხედოთ. ნუ დაკარგავთ უქმად ამ დროს! როცა თავისუფალ დროს გამონახავთ, ერთი წამით მაინც დახუჭეთ თვალები და შიგნით შეხედეთ ცოცხალს! არცთუ ისე დიდი პრაქტიკაა საჭირო, რომ დაინახოთ და შინაგანი წყვილიათვის განეწყოთ. ამჟამად იქ სიბნელეა, რადგან თქვენ გარეშე სიბნელეს შეაჩვიეთ თვალი. შინაგანი სინათლისთვის რომ განეწყობით, აღმოაჩენთ, რომ ეს წყვილი კი არა, გაფანტული სინათლეა, ძალიან წყნარი, დამამშვიდებელი და ალერსიანი. ის არ არის ინტენსიური, უფრო ბინდბუნდია.

ეს იმას ჰგავს, მზე რომ არ ამოსულა, ღამე კი თითქოს და-
ლეულია. ეს ის არის, ინდუსები ბრაჰმა მუჰარტას რომ ეძახიან.
რატომ უწოდებენ ბრაჰმა მუჰარტას ღმერთის მომენტს? შიგ-
ნით რომ მიაპყრობთ მზერას, გარეთ სინათლე ქრება, შინაგანი
წყვილი კი ჯერ არ გაფანტულა. ადამიანი უნდა განეწყოს,
მხოლოდ მაშინ გაიფანტება სიბნელე ბოლომდე. ეს ბინდუ-
ნია, სანდჰიაკალა, მომენტი, როცა არც სინათლეა და არც სიბ-
ნელე. ამას ჰქვია ბრაჰმა მუჰარტა, ანუ ღვთიური მომენტი.

განეწყვეთ, უყურეთ, ელოდეთ, დააკვირდით. მალე თქვენი
თვალები მიეჩვევა და თქვენ დანახვის უნარს შეიძენთ. არ არსე-
ბობს ინტენსიური სინათლე, აქ მხოლოდ გაბნეული სინათლეა,
რომლის წყარო მზე არ არის. ეს თქვენი ბუნებრივი სინათლეა,
შინაგანი აურა, – ის იქ არის. თავისუფალ დროს გამოიყენეთ
იგი, მაშინ კიდევ აღმოაჩენთ შესაძლებლობებს. დაძინებისას
ჩაიხედეთ შიგნით, დღე დამთავრდა, სიკვდილის სამყარო აღარ
არსებობს, თქვენ ისვენებთ. დილით პირველად რომ გააცნო-
ბიერებთ, ძილი რომ წასულია, არ არის საჭირო სანოლიდან
ცხოვრებაში გადახტომა.

ეს ძალიან კარგი შესაძლებლობებია. საღამოობით თქვენ
იღლებით ამ ქვეყნისაგან, მოგბეზრდებათ იგი და მზად ხართ,
სხვა რამეს შეხედოთ. დილით დასვენებული ხართ და დასვენება
გეხმარებათ, საკუთარ არსში ჩაიხედოთ. აი, რის შესახებ ამბობს
იესო:

**„...შეხედეთ ცოცხალს, სანამ ცოცხალი ხართ,
რომ არ მოკვდეთ და საძებნელი არ გაგიხდეთ ის
და დანახვის უნარი არ გაგიქრეთ...”**

ის თქვენში იქნება, მაგრამ მთელი ცხოვრების განმავლობაში, არასწორი პრაქტიკის გამო, თქვენ ვერ შესძლებთ მის დანახვას.

„...იუდეისკენ მომავალი სამარიტიანელი
შენიშნეს კრავით ხელში.“

იესომ ჰკითხა მოწაფეებს: „რისთვის მიჰყავს კრავი?“

მოწაფეებმა მიუგეს: „რათა დაკლას და შეჭამოს“.

იესომ უთხრა მათ: „სანამ კრავი ცოცხალია, ვერ შეჭამს, მაგრამ თუ დაკლავს, თავადაც გვამი გახდება“.

მოწაფეებმა თქვეს: „თუ არ დაკლა, როგორ შეჭამს?“

იესომ მიუგო მათ: „თქვენ თვითონ ეძიეთ ადგილი სიმშვიდეში, რომ არ გახდეთ გვამები და არ იქნეთ შეჭმულნი.“

თქვენი სხეული ფრინველების საძიძგნი ხდება. იგი საკვებია და მეტი არაფერი. საჭმელს თუ არ იღებთ, სხეული გაქრობას იწყებს. მარხვისას ყოველდღე ორ-ორ ფუნტს იკლებთ? სხეული საკვების თანამდევი პროდუქტია, მაგრამ სიკვდილის შემდეგ რა მოსდის მას? გარე სამყარო სხეულს საკვებად იყენებს. მას ან მიწაში მატლები შეჭამენ, ან მიწის ზემოთ ფრინველები დაძიძგნიან. სწორედ ეს ბადებს თქვენში შიშს და წინათგრძნობებით გავსებთ, თქვენ ხომ „შეჭმული იქნებით“. ამის გამო მსოფლიოს ყველა ხალხი ცდილობს ისეთი ხერხი გამონახოს, რომელიც სიკვდილის შემდეგ დაიცავს მათ სხეულს შეჭმისგან, მაგრამ ისინი ბრყვები არიან!

ინდუისტები მხოლოდ იმიტომ წვავენ გარდაცვლილთა გვამებს, რომ არ შეჭამონ. მუსლიმანები მკვდარ სხეულს კუბოში ათავსებენ და მხოლოდ იმიტომ მარხავენ, რომ დაიცვან განადგურებისგან. ქრისტიანებიც იმავეს აკეთებენ. მხოლოდ ზორო-

ასტრისტებს აქვთ განსხვავებული წესი. ისინი ტოვებენ გვამებს ცხოველებისა და ფრინველების საკვებად. ამ მხრივ ისინი ყველაზე ბუნებრივი და მეცნიერულნი არიან. ისინი თვლიან, რომ საკვები არ უნდა განადგურდეს მთელი ცხოვრების მანძილზე. თქვენ ცხოველური და მცენარეული საკვებით საზრდოობთ, 200 ფუნტამდე აღწევთ, მერე კი ანადგურებთ და წვავთ თქვენს სხეულს. ეს ცუდია. თქვენ უმადურობას იჩენთ ბუნების მიმართ. თქვენ უნდა დაუბრუნოთ მას საკვები!

რატომ გგონიათ, რომ დანვა და ცეცხლში გვამის ჩაგდება უკეთესია, ვიდრე ცხოველებისათვის და ფრინველებისათვის საკვებად დატოვება? ცხოველის ან ფრინველის კუჭშიც ხომ ცეცხლი ანთია? ეს ბუნებრივი ცეცხლია და ბოლოს და ბოლოს, თქვენი სხეულით ვინმე შიმშილს დაიოკებს.

ამ საკითხში მხოლოდ ზოროასტრისტები დარჩნენ ტრადიციის მიმდევრებად. მაგრამ ახლა მათაც დაიწყეს წუხილი, რადგან, სხვების აზრით, ისინი გაუგონარ სისასტიკეს სჩადიან. მაგრამ გვამის დანვა და მიწაში ჩამარხვა განა სისასტიკე არ არის? ინდუისტები, მაჰმადიანები და ქრისტიანები ნაკლებად ეკოლოგიურნი არიან.

იესო ამბობს, რომ თუ თქვენ შინაგანის, ცოცხალის, ცნობიერის არ გესმით, მაშინ შეჭმულნი იქნებით და მეტი არაფერი. მთელი თქვენი ცხოვრება ამაო იყო. მთელი თქვენი ცხოვრება ჭამაა, იმისთვის, რომ იმუშაოთ. მუშაობთ იმიტომ, რომ ჭამოთ, ბოლოს კი თქვენც გჭამენ. სულ ეს არის თავი და ბოლო – იდიოტის მიერ მონათხრობი, მძვინვარებით სავსე, მაგრამ არაფერის მთქმელი ზღაპარი”.

მთელი ცხოვრება – საკვებისათვის ბრძოლაა. მერე კი თავად ხდებით ვილაცის საქმელი. რა აზრია ამაში?

იესო ამბობს: მანამდე, სანამ მოკვდებით და შეგჭამენ, გაიგეთ, რომ თქვენ არა ხართ საქმელი, რომ საქმლის მეშვეობით არ ხართ შექმნილი, მაშინ გექნებათ საშუალება კიდევ მეტი გაიგოთ.

ყველა რელიგია მარხვაზე ლაპარაკობს. რატომ? იმიტომ, რომ მარხვისას ცნობიერება უფრო ინტენსიური ხდება და აღარ აიგივებს ადამიანის ცხოვრებას საქმელთან. სინამდვილეში საქმელი ანგრევს ცნობიერებას და ჭამაზე უარს რომ ამბობთ, უფრო ცნობიერი ხდებით. საქმელი გარკვეულწილად ძილის სახეობაა. იგი შხამია და ზედმეტს თუ ჭამთ, უფრო ინამლებით. საქმელი ალკოჰოლივითაა, გათრობთ და ძილს გრევთ. თუ მარხულობთ, ნახავთ, რომ გაგიჭირდებათ დაძინება. ნუ გგონიათ, რომ ეს შიშილის გამო ხდება. არა, ამ დროს ცნობიერება იზრდება.

დიდმარხვას თუ შეინახავთ, მაშინ მესამე, მეოთხე ან მეხუთე დღეს შიმშილი გაგიქრებათ, რადგან სხეული სულ სამიხუთი დღის განმავლობაში ითხოვს საკვებს. სხეულს ორგვარი ორგანიზაცია გააჩნია, რაც უსაფრთხოების მიზნითაა გამოწვეული. ყოველდღე უნდა ჭამოთ, სხეულს ყოველდღიური პორცია უნდა გადასცეთ, ხოლო საკვების მოწოდებას რამდენიმე დღით თუ შეწყვეტთ, მაშინ სხეული დაგროვილ ცხიმს გამოიყენებს.

ნებისმიერი ჯანმრთელი ადამიანი ცხიმს სამი თვით მაინც იმარაგებს. ეს რეზერვუარია. როდესაც სხეული ხვდება, რომ საქმელს აღარ აძლევთ, ის იყენებს საკუთარ რეზერვუარს და

ცნობიერება ამაში აღარ ერთვება. თქვენ აღარ გჭირდებათ საკვების შოვნა და მუშაობა, არ იღლებით. სხეულისთვის საჭმლის მიცემის დროს მთელი ენერგია გესაჭიროებათ და ამიტომაც, ჭამის მერე რომ გეძინებათ. – ენერგია, ცნობიერებაზე რომ მუშაობდა, კუჭზე გადადის, იმისათვის, რომ მომწელებელი ძალის სახით იმუშაოს. ამიტომ ხალხი, ვინც ძალიან ბევრს ჭამს, კარგად ვერ მედიტირებს. ეს შეუძლებელია! მათ შეიძლება ღრმად ეძინოთ, მაგრამ არ იყვნენ ცნობიერნი, ვერ შეძლონ ცხადად გაცნობიერება. ისინი საკვები არიან და ამიტომ შეჭმულნი იქნებიან. მთელი მათი ცხოვრება ხომ კვების ციკლია.

ყველა რელიგიამ აღიარა, რომ მარხვისას ცნობიერება იზრდება, რადგან, როცა არაფერია გამოსაწოვი, ენერგიაც თავისუფლდება! არაფერია მისაღები და მოსაშორებელი, ყველა სამუშაო ჩერდება. სხეულის ფაბრიკაზე სამუშაოები წყდება. მაშინ მთელი ენერგია, რომელიც მიიღეთ, ცნობიერებად იქცევა. აი, რატომ არ გეძინებათ მარხვისას და თუ 20, 30 ან 40 დღე მარხულობთ, თქვენ ძილის ახალი ფორმა გაგიჩნდებათ – სხეული დაიძინებს, თქვენ კი იფხიზლებთ.

ამის შესახებ ეუბნება სწორედ კრიშნა არჯუნას: **„როდესაც სხვებს სძინავთ, იოგები ფხიზლობენ“**. იმავს შესახებ ამბობს ბუდა: **„მაშინაც კი, როდესაც მძინავს, არ მძინავს, მხოლოდ ჩემი სხეული იძინებს“**. აი, რატომ არ ინძრეოდა მაჰავირი ძილის დროს. იგი არასოდეს იცვლიდა გვერდს, რადგან ფხიზლობდა: **„გვერდიდან გვერდზე გადაბრუნება ცუდია, ქვეშაგებზე შეიძლება მწერები დაცოცავნო“**. მას იატაკზე ან ხის ქვეშ ეძინა – **„ხოლო თუკი ვტრიალებ ლოგინში, სიბნელეში შეიძლება რამე ძალადობა მოხდეს, თუნდაც უნებლიე და ამის თავიდან აცილე-**

ბა შეიძლება...” ამიტომ იგი სულ იმ მდგომარეობაში რჩებოდა, რომელშიც იძინებდა, ხელსაც კი არ ანძრევდა. ამის გაკეთება მხოლოდ იმ შემთხვევაშია შესაძლებელი, როდესაც ძილშიც ფხიზლობთ, სხვაგვარად, მოძრაობთ და არ იცით ამის შესახებ.

ცნობიერი თუ ხდებით, საკუთარ თავში სხვა განზომილებებსაც აღმოაჩენთ. ხილული სიკვდილს ეკუთვნის, უხილავი – უკვდავებას.

იესო ამბობს: **„თქვენ თვითონ ეძიეთ ადგილი სიმშვიდეში...”** ეძიეთ დუმილი, სიმშვიდე, უდრტვინველობა, წონასწორობა, მხოლოდ ასე გააცნობიერებთ ცოცხალს, სხვაგვარად გვამებად იქცევით...

იესომ თქვა: **„...ორნი ინვებიან საწოლში, ერთი მოკვდება, მეორე იცოცხლებს”.**

იგივე სიტყვები უპანიშადებშიც* არსებობს. იქ მონათხრობი ამბის მიხედვით, ორი ჩიტი ხეზე იჯდა, ერთი – ქვედა ტოტზე, მეორე – ზედაზე. დაბლა მჯდომი ჩიტი ფიქრებშია გართული, ლელავს, დაძაბულია, ხტის აქეთ-იქით; მაღლა მჯდომი ჩიტი კი მშვიდად არის, თითქოს ყველა სურვილი ასრულებული ჰქონდეს, ის უბრალოდ ზის ტოტზე, ტკბება და ქვემოთ მჯდარ ჩიტს უთვალთვალებს.

ეს თქვენში არსებული ორი განზომილებაა. თავად ხე ხართ და ქვედა ტოტზე მჯდომი ჩიტივით შფოთავთ. ეს თქვენი სხეულია, ხორციელი მოთხოვნილებები და სურვილები. ზედა ტოტზე მჯდარი ჩიტი მხოლოდ მონშეა და უთვალთვალებს იმ სულებს ჩიტს, რომელიც ტანჯვაში, წუხილში, რისხვასა და სექსშია; ყველაფერში, რაც გადახდენია, ათქვეფილა და ტოტიდან

ტოტზე ხტის. თქვენც, თუ მთლიანად დამკვირვებლად იქცევით, მაშინ ერთიანი გახდებით. თქვენ იქცევით ხედ!

იგივეს იესო სხვა სიმბოლოს მეშვეობით ლაპარაკობს:

„...ორნი ინვებიან საწოლში...”

თქვენ ხართ საწოლი, რომელზედაც ორნი წვანან:

„ერთი მოკვდება, მეორე იცოცხლებს...”

საქმე იმაშია, რომელს დაეთმობა ყურადღება, საით იმოძრა-
ვებთ, ვისკენ წარიმართება ენერგია. ვინ გახდება თქვენი მიზანი?

ჩვეულებრივ, იმას უთმობთ ყურადღებას, რომელიც კვდება. ის არის თქვენი მიზანი, აი, რატომ წუხხართ ყოველთვის. იმიტომ, რომ სახლს ქვიშაზე აშენებთ, ის კი აშენებამდე ჩამოიქცევა. ყოველთვის კანკალებთ იმიტომ, რომ წყალზე წერთ – ნაწერი მანამ გაქრება, სანამ წერას მორჩებით. თქვენი წუხილი სიკვდილის სამეფოსთან ერთგულებითაა გამოწვეული და ამიტომ ვერ ხედავთ სიცოცხლეს.

და ნებისმიერ საწოლზე ორს სძინავს. მეორე, უბრალოდ, მონმეა. მეტი ყურადღება დაუთმეთ მას, უფრო ხშირად მიმართეთ. აი, რას ნიშნავს მოქცევა, ის სრულებით არ არის ინდუისტის ქრისტიანად ან ქრისტიანის ინდუისტად გარდაქმნის მცდელობა. ეს სისულელეა, რამეთუ, ისინი, უბრალოდ, ეტიკეტებს იცვლიან. არაფერი არ იცვლება, რადგან შინაგანად ადამიანი იგივე რჩება და მისი ყალიბი უცვლელია.

მოქცევა სიკვდილის სამეფოდან სიცოცხლისკენ ყურადღების გადატანას ნიშნავს, ეს შემობრუნებაა. გაერთიანდით მონმესთან, თავი დაკარგეთ მასში და მის შემეცნებაში, და მაშინ გაიგებთ, რომ ის, რაც უნდა მოკვდეს, მოკვდება. ეს უბედურე-

ბას არ მოიგანს, არ შექმნის პრობლემას; უბრალოდ, გეცოდინებათ, რომ არ კვდებით და შიშიც გაქრება.

იესო ამბობს: „**ორნი ინვებიან საწოლში, ერთი მოკვდება, მეორე იცოცხლებს**”.

და ეს საკმარისია თქვენთვის – განსაცდელში თუ გინდათ დარჩენა, ცოცხალს ნურასოდეს დაუთმობთ ყურადღებას. სამუდამოდ თუ გინდათ განსაცდელში ყოფნა, პერიფერიაში დარჩით, ნუ ჩაიხედავთ საკუთარ არსში. მაგრამ სიმშვიდე, უშფოთველი მარადიულობა და ჭეშმარიტება თუ გინდათ, სამოთხის კარიბჭე ღიაა თქვენთვის – ჩაიხედეთ შიგნით, ეს ძალიან ნატიფია. თქვენ შეიძლება მატერია დაინახოთ, მაგრამ სულს ვერ შენიშნავთ, მისი დანახვა შეუძლებელია.

თქვენ დაინახავთ ხილული სად მთავრდება, მაგრამ უხილავს ვერ შენიშნავთ. მაშ, რა უნდა ქნათ? უბრალოდ, ხილულის საზღვარზე უნდა დარჩეთ და არ შეხედოთ ხილულს. მისი საპირისპირო მიმართულებით უნდა იცქიროთ. უხილავი გამუდმებით შეიგრძნობა. ეს გრძნობაა, შეუძლებელია მისი დანახვა. შეიძლება, მხოლოდ შეიგრძნოთ. ის ნიავევით არის, მოქრის. გრძნობთ, მაგრამ ვერ ხედავთ. იგი ცის მსგავსია, იქ არის, მაგრამ ვერავინ იტყვის, კერძოდ, სად. თქვენ ვერ აღნიშნავთ მას და ვერ შეეხებით.

დარჩით ხილულის საზღვარზე და იყურეთ საპირისპირო მიმართულებით. აი, რაში მდგომარეობს მთელი მედიტაცია. დახუჭეთ თვალები, დატოვეთ სხეული. დაივიწყეთ ყველა ხორციელი საქმე და სიკვდილის ქვეყანა, ყველაფრისგან გათავისუფლდით. თავიდან შიგნით ქაოსის, აქა-იქ მიმოფანტული აზრების, ვნებებისა და ოცნებების მეტს ვერაფერს შეიგრძნობთ

და იმ დასკვნამდე თუ მიხვალთ, რომ ამაში არაფერი ღირებული არ არის, უსათუოდ დაკარგავთ. თავიდან თქვენს თვალებს მხოლოდ ამის დანახვა შეუძლიათ, მათ აწყობა სჭირდება. უბრალოდ, დარჩით იქ და მცურავ ოცნებებს უყურეთ. თქვენი ოცნებები ღრუბლებს ჰგვანან, მაგრამ ორ ღრუბელს შორის სილურჯეს ხედავთ. ორ ოცნებას, ორ აზრს შორის ზოგჯერ ცაც გამოკრთება, ოღონდ ნუ იჩქარებთ.

აი, რატომ ამბობენ, რომ, როცა ჩქარობთ, კარგავთ. ძენში არსებობს ასეთი გამონათქვამი: „ნელა იჩქარე!“ ეს მართალია! იჩქარეთ, რადგან ყოველ წამს კვდომას განაგრძობთ. მაგრამ შიგნით ზედმეტად თუ აჩქარდებით, დაკარგავთ; რადგან ნაადრევ დასკვნებს გააკეთებთ ჯერ კიდევ მანამდე, სანამ თქვენი თვალები საგნების გარჩევას შეძლებს. ნელა იჩქარეთ!

უბრალოდ, დაიცადეთ! დასხედით და დაიცადეთ! უხილავის ახალი სამყარო კიდევ და კიდევ მოვა და უფრო ცხადი გახდება. თქვენ მიეჩვევით მას და შესძლებთ ჰარმონიის, მელოდიისა და საჩუმის გაგებას. ის მუდამ იქ არის, მაგრამ ისეთი ჩუმია, რომ მის მოსასმენად გავარჯიშებული სმენაა საჭირო. ის არა ჰგავს ხმაურს, იგი ღუმილივითაა.

შიგნით არ არსებობს დრო და სივრცე. ხოლო ის, რაც ცნობილია თქვენთვის, ან დროში იმყოფება, ან სივრცეში. საგნები სივრცეშია, მოვლენები – დროში. ახლა ფიზიკოსები ამტკიცებენ, რომ დრო სივრცის მხოლოდ და მხოლოდ მეოთხე განზომილებაა.

თქვენ მხოლოდ დრო და სივრცე იცით და მოვლენებისა და საგნების სამყარო. თქვენ არ იცნობთ „მეს“ სამყაროს, რომელიც სივრცითა და დროით არ განისაზღვრება. ეს სრულიად

სხვა სამყაროა, დროისა და სივრცის გარეშე. ნუ იქნებით მოუთმენელნი. მოუთმენლობა ყველაზე დიდი ბარიერია. მხოლოდ შემდეგი ნაბიჯით შესძლებთ უკვდავების სამყაროში შესვლას.

მოუთმენელი თუ ხართ, ეს შეიძლება უამრავი სიცოცხლის მანძილზეც არ მოხდეს, რადგან მოუთმენლობა არ მოგცემთ იმის საშუალებას, რომ აღივსოთ იმით, რაზედაც იესო ლაპარაკობდა – სიმშვიდით. კიდევ რომ გქონდეთ რაიმეს იმედი, ეს უკვე აღელვება იქნება. თუ იფიქრებთ, რომ რაღაც არაჩვეულებრივი ხდება, არაფერი არ მოხდება. თუკი გასხივოსნებას ელოდებით, დაკარგავთ მას. ნუ გექნებათ იმედი! ყველა მოლოდინი სიკვდილის სამეფოს, დროისა და სივრცის კუთვნილებაა.

არავითარი მიზანი არ ეკუთვნის შინაგანს. არ არსებობს იქით მიმავალი გზა, უსაზღვრო მოთმინების გარდა. იესომ თქვა: დააკვირდით და იყავით მომთმენი და ერთხელაც გასხივოსნდებით. ერთხელ, როცა მზად იქნებით, მართლა გასხივოსნდებით. წყვდიადი გაიფანტება, აღივსებით სიცოცხლით, რომელიც არასდროს კვდება.

*1974 წლის 3 სექტემბერი
პუნა, ინდოეთი*

საუბარი მეთხუთმეტე

მეთხუთმეტე შეგონება

იესომ თქვა:

– „მე ვარ ნათელი ყოველთა ზედა,
მე ვარ ყოველი და ყოველი გამოვიდა ჩემგან,
და ყოველი მოვიდა ჩემამდე,
გაჩეხეთ ხის ნაფოტი და მასში ვიქნები,
ასწიეთ ქვა და ქვის ქვეშ მიპოვით...“

(თომა, 81)

იესო ესეების უძველეს სკოლაში იყო განსწავლული. ესეების სწავლა კი ნამდვილი ვედანტაა. აი, რატომ არ გააჩნიათ ქრისტიანებს არავითარი ჩანაწერი იმის შესახებ, თუ რას საქმიანობდა იესო 30 წლის ასაკამდე. მათ რამდენიმე ჩანაწერი აქვთ მის ბავშვობისა და 30-დან 33 წლამდე მოღვაწეობის შესახებ. ზოგიერთი რამ ქრისტიანებმა უდავოდ იციან. იესოს მოვლენა შემთხვევითობა როდია, ეს ხანგრძლივი მომზადებაა.

ამ ოცდაათი წლის განმავლობაში იესოს განუწყვეტილვ ამზადებდნენ, ჯერ ეგვიპტეში გაგზავნეს, შემდეგ – ინდოეთში. ეგვიპტეში მან საიდუმლო მეთოდებით ერთ-ერთი უძველესი ტრადიცია შეისწავლა. ინდოეთში ჩასწავდა ბუდას, ვედების, უპანიშადების მოძღვრებას. ეს უცნობი მოვლენაა. რადგან ამ სკოლებში იესო უცნობი მოსწავლე იყო, და ქრისტიანებმაც შეგნებულად უნდა უკუაგდონ ეს ჩანაწერები. მათ არ მოეწონე-

ბოდათ, რომ ღვთის შვილი ვინმეს მოწაფე ყოფილიყო, არც ის იდგა მოეწონებოდათ, რომ იესო მომზადებული, ნასწავლი, ნავარჯიშები იყო. ისინი ამ იდეას მკრეხელობად ჩათვლიდნენ.

ქრისტიანები ფიქრობდნენ, რომ ღვთის შვილი სრულიად მომზადებული მოვიდა, მაგრამ არავინ არ მოდის სრულიად მომზადებული. ვინმე თუ ასეთია, მას მოსვლა არ შეუძლია. ამქვეყნად ყოველთვის არასრულყოფილები ჩნდებით. სრულყოფილება, უბრალოდ, ქრება ამ ქვეყნიდან. სრულყოფილება ამ ქვეყნის არ არის.

თუკი ვინმე სრულყოფილია, მთელი მისი ცხოვრება ვერტიკალურ განზომილებაში გადადის. თქვენ ჰორიზონტალური მიმართულებით განიცდით პროგრესს „ა“-დან „ბ“-მდე, „ბ“-დან „გ“-მდე და ა. შ. „ჰ“-მდე, ჰორიზონტალურად, სწორხაზოვნად, წარსულიდან – აწმყოში, აწმყოდან – მომავალში. ეს არასრულყოფილი გზაა. მდინარის მსგავსად, იგი მთიდან ბარში ჰორიზონტალურად მოედინება და ყოველთვის ერთ დონეზე რჩება.

სრულყოფილება ვერტიკალურად მოძრაობს, ის „ა“-დან „ბ“-სკენ კი არა, „ა“-დან ზევით-ზევით ადის. მათთვის, ვინც ჰორიზონტალურ ხაზზე ცხოვრობს, სრულყოფილება უბრალოდ ქრება, ის არ არის ის, რადგან ისინი მას ან წარსულში ან მომავალში ეძებენ. მათ შეიძლება წინ იყურონ, მაგრამ ვერც იქ აღმოაჩინენ მას, ვისაც ეძებენ. ის აწმყოშიც არ არის, რადგან ვერტიკალური პროგრესიის ახალი ხაზი უკვე დაწყებულია. ის სულ მალე და მალე ადის, მარადიულობაში მოძრაობს და არა დროში.

მარადიულობა ვერტიკალურია, მას არა აქვს მომავალი. ხაზზე თუ მოძრაობთ, მაშინ მომავალი იარსებებს. „ა“-დან „ბ“-

კენ თუ მოძრაობთ, მაშინ „ბ“ მომავალში იქნება. „ბ“ რომ ანმყო ხდება, „ა“ წარსულში გადადის, „გ“ კი მომავლად იქცევა. თქვენ ყოველთვის წარსულსა და მომავალს შორის იმყოფებით. თქვენი ანმყო მხოლოდ გარდამავალი ფაზაა, „ბ“-დან „გ“-ში გადადის, „გ“-დან „დ“-ში ყველაფერი წარსულში რჩება.

და თქვენი ანმყო ამ ხაზის მონაკვეთი და მცირე ფრაგმენტია. იმ დროისათვის, როცა ამას გააცნობიერებთ, ის წარსულის კუთვნილება გახდება. სული, რომელიც სრულყოფილი ხდება, სხვა განზომილებებში მოძრაობს. „ა“-დან „ა“-სკენ, „ა“-დან „ა“-სკენ და ეს მარადიულობაა. ამჟამად ის მარადიულობაში სუფევს. აი, რატომ ქრება ამ ქვეყნიდან.

ამ ქვეყანაში შესასვლელად არასრულყოფილი უნდა იყოთ. ძველ ნაწერებში ნათქვამია, რომ როდესაც ადამიანი სრულყოფილებას უახლოვდება, ეს კი საკმაოდ ხშირად ხდება, მან რაღაც არასრულყოფილი უნდა დატოვოს. ამბობენ, რომ რამაკრიშნა ზედმეტად ეტრფოდა საჭმელს, მთელი დღე საჭმელზე ფიქრობდა. მას შეეძლო თავის მონაფესთან ესაუბრა, მაგრამ როგორც კი შემთხვევა მიეცემოდა, სამზარეულოსკენ გარბოდა და ცოლს ეკითხებოდა: „რა მოამზადე დღეს?“ მისი ცოლი უხერხულად პასუხობდა: „პარახამსა დევა, შენ არ შეგფერის ეს!“ ის კი იცინოდა.

ერთხელ ცოლმა უთხრა: „შენი მონაფეებიც კი დაგცინიან გაუმაძღრობის გამო...“

რამაკრიშნა იმდენად ეტრფოდა საჭმელს, რომ როცა ცოლი ლანგარს შემოიტანდა, უმალ დახედავდა, რათა გაეგო, რა ენყო ზედ.

მას ყველაფრის დავინყება შეეძლო – ვედანტის, ბრაჰმის და ეს ყველას უხერხულობის გრძნობას უქმნიდა. იქ ისეთი ხალხი იყო, რომელთაც ვერ წარმოედგინათ, რომ გათავისუფლებულ ადამიანს შეეძლო ასეთი ტრფიალი გამოემყლავენებინა საჭმლისადმი. ერთხელ ცოლმა ჰკითხა, თუ რატომ იყო ასეთი ჭამის მოყვარული. რამაკრიშნამ უთხრა: „იმ დღიდან, როცა მე აღარ შევჭამ, გადათვალე სამი დღე და იცოდე, რომ იმ დღეს გარდავიცვლები, მაშინ, როცა გავჩერდები, ნიშანი იქნება იმისა, რომ აქ მხოლოდ სამი დღე დავრჩები...”

მისმა ცოლმა და მონაფეებმა გაიცინეს და ვერ მიხვდნენ რამაკრიშნას სიტყვების აზრს, მაგრამ ყველაფერი ზუსტად ისე მოხდა, როგორც მან განსაზღვრა. ერთხელ, როდესაც ის ლოგინში იწვა და ისვენებდა, ცოლი შემოვიდა. რამაკრიშნა შებრუნდა. თუმცა, როგორც წესი, წამოიწეოდა ხოლმე იმის დასანახად, თუ რა მოიგანეს. მის ცოლს კი ახსოვდა ქმრის ნათქვამი, იმის შესახებ, რომ მხოლოდ სამ დღეს იცოცხლებდა იმის შემდეგ, რაც საჭმლისადმი გულგრილობას გამოამყლავენებდა. მან ვეღარ დაიჭირა ლანგარი, ხელიდან გაუვარდა და ტირილი დაიწყო.

რამაკრიშნამ უთხრა: „თქვენ თვითონ გინდოდათ, ასე რომ მომხდარიყო, ახლა თავს ნულარ შეინუხებთ ამის გამო. კიდევ სამი დღე ვიქნები აქ” და მესამე დღეს მართლაც გარდაიცვალა.

სიკვდილის წინ მან თქვა: „**საჭმელს ისე ვებლაუჭებოდი, როგორც საკუთარი თავის არასრულყოფილ ნაწილს იმისათვის, რომ აქ დარჩენა და თქვენი სამსახური შემძლებოდა**”.

ასე ბევრი ოსტატი მოქცეულა. იმ წამს, მთლიან სრულყოფილებას რომ აღწევენ, რომელიმე არასრულყოფილებას ებ-

ლაუჭებიან, აქ რომ შეძლონ დარჩენა. სხვაგვარად ეს ნაპირი მათი აღარ იქნება. ყველა ბაგირი თუ განყდა, მათი ნავი მოპირდაპირე მხარეს გაცურავს. აქ აღარ დარჩება. ამიტომ მათ ერთი ბაგირი უნდა დატოვონ, რაღაც ურთიერთობა რომ შეინარჩუნონ, ამოირჩიონ საკუთარ თავში რომელიმე სისუსტე და არ მისცენ მას გაქრობის საშუალება.

წრე არ შეიკვრება, განყვეტილს დატოვებენ და მათ სწორედ ამის გამო შეუძლიათ, აქ დარჩნენ, აი, რატომაა, რომ ღრმად მცოდნე ინდუისტებმა, ბუდისტებმა და ჯაინებმა მშვენივრად იციან, რომ ამქვეყნის სრულყოფილება არ არსებობს. მაშინ, როცა წრე იკვრება, სრულყოფილება ქრება ამ ქვეყნიდან. შეუძლებელია მისი დანახვა, რამეთუ ის აღარ არის თქვენს სიბრტყეში. იგი ზემოთ ადის, სადაც თქვენ ვერ აღწევთ.

მაგრამ იმისათვის, რომ თქვან – იესო დაბადების ჟამს უკვე სრულყოფილი იყო, ქრისტიანები ყველა ჩანანერს უარყოფენ. იესო კი ისეთივე მაძიებელი იყო, როგორც თქვენ; იგი ისეთივე მდოგვის მარცვალი იყო, როგორც თქვენ. ის ხედ იქცა, უდიდეს ხედ და მილიონობით სულიერი ფრინველი იბუდებს მასზე. ის, უპირველესად, თქვენნაირი მდოგვის მარცვალი იყო. გახსოვდეთ, რომ მაჰავარიც, ბუდაც და კრიშნაც არასრულყოფილი დაიბადნენ. სრულყოფილება არ იბადება, სრულყოფილი თუ ხართ, მაშინ წარმოუდგენელია სულთა გადასახლება.

იესოს მოგზაურობა ეგვიპტესა და ინდოეთში, ეგვიპტის საიდუმლო საზოგადოებებში სწავლამ, შემდეგ ბუდისტურმა სკოლებმა და ინდურმა ვედანტამ სრულიად უცხო გახადა იგი იუდეველთათვის. რატომ არ აღიარეს იუდეველებმა იესო?

მან რაღაც უცხო, არა ამქვეყნიური მოიტანა, ისეთი საიდუმლო აღმოაჩინა, ერს რომ არ ეკუთვნოდა. ამიტომ აცვეს იგი ჯვარს.

ინდუისტებმა მიიღეს ბუდა, რადგან მას რაც არ უნდა ეთქვა, არაფერი იქნებოდა მათთვის უცხო. ბუდას შეეძლო – შენინაალმდეგებოდა ინდუიზმს, მაგრამ მხოლოდ ზედაპირულად. თავის ნინაალმდეგობებშიც იგი ინდუიზმის ღრმა ჭეშმარიტებებს ამტკიცებდა. მას შეეძლო ეთქვა, რომ ისთებლიშმენტი სწორი არ იყო, იმის თქმაც შეეძლო, რომ ორგანიზაციაა არასწორი და რომ ყველა მიმდევარი ცდება; მაგრამ ის ვერ ეტყოდა ინდუისტებს, რომ ისინი მთავარში ცდებიან; მას რაც არ უნდა ეთქვა, ინდუისტები გაუგებდნენ ბუდას. ის არ ყოფილა მათთვის უცხო.

მაჰავირიც რევოლუციონერი იყო, მაგრამ ინდუსად რჩებოდა. ბუდაც ყოველთვის ინდუსი იყო, ის შეიძლება მემამბოხე ყოფილიყო, მაგრამ ინდოეთს ეკუთვნოდა და სერიოზულად არავის აღელვებდა.

მაგრამ იესო უცხო იყო. როგორ მოხდა, რომ იგი იუდეას არ ეკუთვნოდა? ქრისტიანები ვერ პასუხობენ ამ შეკითხვას. საიდან მოიტანა იესომ თავისი ქადაგება? ეგვიპტიდან და ინდოეთიდან. ინდოეთი ყველა რელიგიის სათავე იყო, თვით იმ რელიგიების სათავეც, რომლებიც ინდუიზმს უპირისპირდებოდნენ. რატომ მოხდა ასე?

ინდოეთი უძველესი ცივილიზაციის ქვეყანაა. ინდოელებისთვის არ არსებობს უცნობი საიდუმლოებები, მათ ყველაფერი იციან, ყველაფერი აღმოაჩინეს, დაასრულეს მოგზაურობა. ამიტომ რელიგიაში თუ რაიმე შვენიერი არსებობს, შეგიძლიათ დარწმუნებული იყოთ, რომ ეს ინდური სათავიდან გამოვიდა

ისევე, როგორც ბერძნული გონებიდან მოდის მეცნიერება. მეცნიერება ზუსტად ბერძნული ლოგიკური აზროვნებიდან განვითარდა, მისტიციზმი კი ინდოეთიდან მოდის.

მსოფლიოში მხოლოდ ორნაირი გონება არსებობს – ბერძნული და ინდური. ბერძნული გონება თუ გაქვთ საფუძვლად, ინდურის გაგებას ვერ შეძლებთ. ინდური გონება აბსურდად მოგეჩვენებათ, რაც არ უნდა თქვან, ყველაფერს დაუმტკიცებლად ჩათვლით. არისტოტელე ინდოეთისათვის სრულიად უცხო იქნებოდა, რადგან მხოლოდ ლოგიკურობის, კონკრეტულად დაყოფისა და განსხვავებისა სჯერა. ის წინააღმდეგობების კანონს აღიარებს და შეუძლებლად თვლის, რომ ურთიერთსაწინააღმდეგო საგნები ერთში თანაარსებობდნენ – არ შეიძლება, რომ „ა“ იმავე დროს არა „ა“-ც იყოს. ეს დაუშვებელია! ადამიანს არ შეუძლია, ერთდროულად ცოცხალიც იყოს და მკვდარიც. როგორც ჩანს, ეს მართალია.

ინდუისტებს წინააღმდეგობების სჯერათ, ისინი თვლიან, რომ ადამიანი ერთდროულად ცოცხალიც არის და მკვდარიც; რომ სიკვდილი და სიცოცხლე ერთმანეთს არ გამოირიცხავს და მათი განცალკავება შეუძლებელია. ბერძნული გონება მათემატიკურია, ინდური – მისტიკური, ისევე, როგორც მზე ამოდის აღმოსავლეთით, ხოლო ინდოეთი მთელი აღმოსავლეთის გულია. მისტიციზმიც ინდოეთიდან გავრცელდა მსოფლიოში. ამ გამონათქვამის გასაგებად უპანიშადებს უნდა მიმართოთ, იქ იმალება მისი ძირი.

ამას თქვენ ვერც ძველ აღთქმაში ნახავთ და ვერც სხვა სასულიერო ნაწარმოებებში. აი, რატომ არ სჯერათ იუდეველებს, რომ იესოს შეეძლო ამის თქმა.

იესო ისევ და ისევ იმეორებს: „**მე მოვედი არა იმიტომ, რომ ძველი წერილების მოთხოვნები დავარღვიოთ, არამედ შევასრულოთ ისინი**”.

მაგრამ რომელ ან რა წერილებს გულისხმობს? ამის შესახებ ის არაფერს ამბობდა. იესო ძველი აღთქმის შესასრულებლად თუ მოვიდა, მაშინ მისი მტკიცება არასწორია, რადგან თითქმის ყოველთვის ეწინააღმდეგება ძველ აღთქმას, რაც შურისძიებაზეა აგებული. ძველ აღთქმაში მამალმერთი შურისმაძიებლადაა გამოყვანილი. მასში ჩადებულია შიში. თქვენ ღვთის მოშიში უნდა იყოთ, იესო კი ამბობს, რომ **„ღმერთი თვითონ სიყვარულია!”**

შეუძლებელია სიყვარულის გეშინოდეთ, როცა **„ღმერთი თვითონ სიყვარულია!”** ხოლო თუ გეშინიათ, როგორღა გეყვარებათ? შიში წამლავს და კლავს სიყვარულს. როგორ შეიძლება, გიყვარდეთ ის, ვინც შიშს ბადებს თქვენში? შიშმა შეიძლება სიძულვილი დაბადოს, მაგრამ ვერასოდეს შექმნის სიყვარულს.

მაშასადამე, ძველი აღთქმის მიხედვით მორწმუნე ღვთის მოშიშია, ხოლო ახალი აღთქმის მიხედვით – ღვთის მოყვარული. სიყვარული და შიში სრულიად განსხვავებული განზომილებებია. იესო ამბობს: **„ნათქვამია „თვალი თვალისა წილ”, მე კი გეუბნებით – ვინმემ თუ დაგარტყათ ერთ ლოყაზე, მეორეც მიუშვირეთ**“. ეს მთლიანად ეწინააღმდეგება იუდეურ წარმოდგენას. ასეთ რამეს ვერ წააწყდებით მათ წმინდა წერილებში. ასე რომ, როდესაც ქრისტე ამბობს: „**მე მოვედი, რომ აღვასრულო წერილები**”, საკითხავია, რა წერილებს გულისხმობს.

იესო ინდოეთში რომ ყოფილიყო და იგივე ეთქვა, მას გაუგებდნენ, რადგან უპანიშადები, დჰამაპადა, ბუდას გამო-ნათქვამები სიყვარულსა და თანაგრძნობაზეა აგებული და იესო

სწორედ ამას აღასრულებდა. იუდეური წერილები კი შიშსა და დანაშაულზეა დაფუძნებული. აი, რატომაა, რომ რაც არ უნდა ეთქვა იესოს, იუდეველებს კარგად ესმოდათ, რომ ის მათი წერილების მოთხოვნების შესასრულებლად არ მოვიდოდა. თქვენ ვერ ნახავთ ძველ აღთქმაში ამის მსგავს გამონათქვამს.

**„მე ვარ ნათელი ყოველთა ზედა,
მე ვარ ყოველი და ყოველი გამოვიდა ჩემგან,
და ყოველი მოვიდა ჩემამდე,
გაჩეხეთ ხის ნაფოტი და მასში ვიქნები,
ასწიეთ ქვა და ქვის ქვეშ მიპოვით...”**

ამის მსგავსი ათასობით გამონათქვამის ნახვა შეიძლება უპანიშადებში, გიტაში, ბუდას ქადაგებაში, მაგრამ ვერავითარ პარალელს ვერ გაავლებთ ძველ აღთქმასთან. მაშ, რა წერილების შესასრულებლად მოვიდა იესო? ის რაღაც სხვა წერილებს, სხვა ტრადიციებს მიეღობოდა. მისი გამონათქვამი მთლიანად ემთხვევა ვედანტას. შეეცადეთ, გაიგოთ ვედანტის უმთავრესი აზრი და იესოს გამონათქვამსაც ჩასწვდებით.

იესო იუდეაში დაიბადა, ცხოვრობდა როგორც იუდეველი, მოკვდა იუდეველად, მაგრამ ეს ყველაფერი იყო ფიზიკურად. სხვა მხრივ, იესო ნამდვილი ინდუსი იყო და თქვენ ვერ ნახავთ იესოზე უფრო ჭეშმარიტ ინდუსს, რადგან უპანიშადების რელიგიის საფუძველი მისი საფუძველია. მან მთელი თავისი სტრუქტურა ამ ნიადაგზე ჩამოაყალიბა.

იუდეველები ამბობენ: „ღმერთი შემოქმედი, სამყარო ქმნილებაა, ხოლო ქმნილება არასოდეს არ იქნება შემოქმედი, როგორ შეიძლება სურათი მხატვარი გახდეს? როგორ შეიძლება პოემა პოეტად იქცეს? ეს შეუძლებელია! ადამიანი ქმნილებაა,

ღმერთი – შემოქმედი და ეს დისტანცია არასდროს არ იქნება დაძლეული. ყოველთვის დარჩება შუალედი, თქვენ შეიძლება მიუახლოვდეთ ღმერთს, მაგრამ ვერასოდეს ვერ გახდებით ღმერთი”.

ეს იუდეური აზრის საფუძველია და მაჰმადიანებმაც ეს აზრი მათგან გადაიღეს. თავიანთი გონებითა და აზროვნების კულტურით მუსლიმანები იესოზე მეტად არიან იუდეველები. მუჰამედი უფრო ახლოა მოსესთან, ვიდრე – იესო. მუჰამედს ბევრი არაფერი უსწავლია ინდუსებისგან. ვედანტა ამბობს: „ღმერთი ქმნილებაა, ღმერთი და ქმნილებები ერთმანეთისგან არაფრით არ განსხვავდება. ღმერთი სამყაროს არ ქმნის პოეტის მსგავსად, რომელიც იგონებს და თხზავს პოემას. იგი მოცეკვავეს უფრო ჰგავს, რომელთანაც ცეკვაა გაერთიანებული – მოცეკვავე თუ გაჩერდა, ცეკვაც გაქრება, ხოლო ცეკვა თუ შეწყდა, ის მოცეკვავე აღარ იქნება. სამყარო არ არის ღვთისაგან გამოყოფილი. ისინი შერწყმულია ერთმანეთთან. სამყარო გარკვეული დროის განმავლობაში არ წარმოშობილა, ის ყოველ წამს იქმნება, რადგან ის ღვთის არსებობაა. ისევე, როგორც დადისხართ, გიყვართ და მღერით, ღმერთიც ყოველ წამს ქმნის და თითოეული ქმნილება მისი ცეკვა და მისი მოძრაობაა”.

აი, რატომ შეუძლიათ უპანიშადებს თქვან: „აჰამ ბრამიასმი”. მათ, ვინც ეს საიდუმლო შეიცნო, შეუძლია თქვას: „მე ღმერთი ვარ!” და არავინ არ ჩათვლის ამას მკრეხელობად. ეს ჭეშმარიტებაა!

იუდეველები ვერასოდეს ვერ იტყვიან: „მე ღმერთი ვარ!” რადგან ეს ღვთისგმობაა. წარმოუდგენელია ამ განცხადებაზე უმსგავსესი რამ. თქვენ ცდილობთ ღმერთი გახდეთ? ქმნილება

ცდილობს ღმერთად გახდომას? მონა ამტკიცებს, რომ ის ბატონია? ეს ეგოიზმია! ის, რაც ვედანტისთვის ნმინდა რელიგიაა, იუდეველებისა და მუსლიმანებისათვის ეგოიზმია. ვედანტა ამბობს, რომ ეს „ეგო“ არ არის, რადგან ის გრძნობა, რასაც „მე ღმერთი ვარ!“ ჰქვია, მხოლოდ მაშინ შეიძლება არსებობდეს, როცა პირადი „მე“ სრულიად გამქრალია. როდესაც თქვენ აღარ ხართ, მაშინ სახლი თავისუფალია და ნავი – ცარიელი, მაშინ თქვენ უეცრად ყველაფერს შეიცნობთ და ყველაფერი გახდებით. თუკი დაუშვებთ, რომ „თქვენ“ არსებობთ, როგორღა იფიქრებთ, რომ თქვენ ყველაფერი ხართ? თუკი „თქვენ“ არსებობთ, მაშინ თქვენში საზღვარიც იარსებებს, პიროვნებაც და ეს მტკიცება ყალბი აღმოჩნდება. როდესაც „მე“ ქრება, როცა „ეგო“ აღარ არსებობს, მხოლოდ მაშინ იგრძნობთ, რომ ყველაფერი ხართ. იესოს გამონათქვამები უპანიშადებიდან მომდინარეობს.

პირველი, რაც უნდა დაიმახსოვროთ: შემქმნელი და ქმნილება განუყოფელია და ერთიანი. მეორე – ჩვეულებრივი მათემატიკა ამტკიცებს, რომ ნაწილი ვერასოდეს გაუტოლდება მთელს. მექანიზმებში ეს ასეა, ხელი რომ მოიჭრათ, თქვენი ხელი და თქვენ ერთიანი აღარ იქნებით. ნაწილი არ შეიძლება მთელი გახდეს, ეს ჩვეულებრივი ლოგიკაა. და თუკი სამყარო მექანიკურია, მაშინ ეს სიმართლეა.

მაგრამ ვედანტა ამბობს, რომ ყოფიერება ორგანულია და არა მექანიკური. ორგანულ ერთიანობაში სხვა მათემატიკა მოქმედებს. ნაწილი მთელია. სწორედ ამის საფუძველზე შეიძლება ადამიანმა განაცხადოს: „მე ღმერთი ვარ, რადგან მხოლოდ ნაწილი ვარ. ღმერთი კი ყველაფერია!“ მაგრამ როგორ შეიძლება ნაწილი მთელი იყოს? ეს ხომ უდიდესი სისულელეა! ჩემსა და

ყოფიერებას შორის თუ მექანიკური დამოკიდებულებაა, მაშინ ეს შეუძლებელია, მაგრამ ორგანული ერთიანობა თუა, მაშინ დასაშვებია.

თქვენ არ არსებობთ, როგორც საკუთარ თავში არსებული ცალკეული წარმონაქმნი, არა! არ არსებობთ, როგორც კუნძული. თქვენ ტალღა ხართ ოკეანეში და ორგანულად უკავშირდებით ამავე ოკეანეს. ოკეანე მოძრაობს და „ღელავს“ თქვენით. წარმოუდგენელია თქვენი არსებობა მის გარეთ, ხოლო ღრმად თუ ჩასწვდებით, მიხვდებით, რომ ვერც ოკეანე იარსებებს თქვენს გარეშე, – თქვენ ურთიერთდაკავშირებულნი ხართ. შეიძლება თქვათ, რომ ოკეანე ყველა ტალღაში არსებობს და ის სხვა არაფერია, თუ არა ყველა ტალღის ერთობლიობა. შეუძლებელია ტალღა მოაცილოთ ოკეანეს. შეუძლებელია ოკეანის დანახვა. მხოლოდ ტალღას თუ დაინახავთ. ასე რომ, ისინიც ერთმანეთთან ორგანულად არიან დაკავშირებულნი.

ვედანტა ამბობს, რომ ქმნილება ორგანულადაა გაერთიანებული შემქმნელთან, სამყარო ვერ იარსებებს ღვთის გარეშე. ამის გაგება იუდეველებსა და მუსლიმანებსაც ძალუძოთ, მაგრამ ინდუისტები, კიდევ ამატებენ მეორე ნაწილს: ღმერთსაც არ შეუძლია სამყაროს გარეშე არსებობა, რაც იუდეველთათვის ღვთის გამოზაა.

ღიახ, ღმერთი სამყაროს გარეშე ვერ იარსებებს. ის თუ შემქმნელია და მისი თვისება შემოქმედება თუ არის, მაშ, როგორ იარსებებს სამყაროს გარეშე? არაფერი თუ არ გაქვთ შექმნილი, როგორ იქნებით შემოქმედი? სამყარო ღმერთზეა დამოკიდებული, ღმერთი კი – სამყაროზე. არსებობს ღრმა სიყვარულზე დაფუძნებული ურთიერთობა – ისინი დამოკიდებულნი არიან ერთ-

თმანეთზე, ავსებენ ერთმანეთს, ისინი ერთიანი სხეულია. მათ ერთმანეთს ვერ დააცილებთ. ესე იგი, ჭეშმარიტი ნათლის მხილველი ის არის, ვინც შემეცნების იმ დონემდე ავიდა, რომ შეუძლია განაცხადოს: „აჰამ ბრალასში ანალ ჰაკ, მე ღმერთი ვარ!“ ის იმასაც ამბობს: **„თქვენ ყველგან მიპოვით, სადაც არ უნდა ნახვიდეთ, ყველგან მე მნახავთ, შეიძლება ფორმა იყოს სხვაგვარი, მაგრამ მე იქ ვიქნები!“**

აი, რის შესახებ ლაპარაკობს იესო: **„...გაჩეხეთ ხის ნაფოტი და მე მასში ვიქნები...“**

როგორ შეიძლება იქ იესო იყოს? თქვენ ვერ ნახავთ ფორმას, ვერ ნახავთ იოსებისა და მარიამის ძეს, ვერც დურგლის შვილს, თუკი ხის ნაფოტს გახლერთ. მაშ, რას იპოვით იქ? იქ ყოფიერება იქნება, ხოლო იესო ამბობს: მე ყოფიერება ვარ, შეიძლება, მხოლოდ ჩემი ფორმა შეიცვალოს, მაგრამ მე – არასოდესო.

„...ასწიეთ ქვა და ქვის ქვეშ მიპოვით...“

ეს სუფთა ვედანტა და ორგანული ერთიანობაა. აი, რატომ არიან ინდუსები ერთადერთნი მთელ მსოფლიოში, ვინც ტაძრებზე არ ზრუნავს. ტაძრის დაარსება მათ ნებისმიერ ადგილას შეუძლიათ – მოათავსებენ ხის ქვეშ ქვას, სულ ერთია, რანაირიც არ უნდა იყოს ის, თუნდაც დაუმუშავებელი, წითლად შეღებილი და ღმერთიც იქ იქნება. ამის შემდეგ ღმერთს სცემენ თაყვანს. ნებისმიერი ხე, მდინარე და მთა გამოდგება ამისთვის, რამეთუ

„გაჩეხეთ ხის ნაფოტი და მასში ვიქნები,

ასწიეთ ქვა და ქვის ქვეშ მიპოვით.“

მაშ, რაღა საჭიროა წუხილი?

მხოლოდ ინდუსები ითავისუფლებენ თავს თავიანთი ღმერთებისაგან. ისინი ღმერთს ორი-სამი კვირით ქმნიან, ეთაყვანენ-

ბიან, მერე ოკეანესთან მიდიან და თავიდან იცილებენ. თქვენ ვერ წარმოიდგენთ, რომ მაჰმადიანი ან იუდეველი ღმერთს თავიდან იშორებდეს. რას აკეთებთ? ღმერთს ოკეანეში ისვრით? ერეტიკოსი ხართ? გაგიჟდით?

მხოლოდ ინდუსებს შეუძლიათ ამის გაკეთება. მათი წარმოდგენით, ოკეანეც ღმერთია, და როცა ამოიწურება ღვთის დანიშნულება, უნდა გათავისუფლდეთ მისგან, ის ხომ ყველგან და ყველაფერშია. ეს არის „ყოფიერება“. უნდა გავიგოთ, რომ „ყოფიერება“ ღმერთია.

როდესაც ხე ყვავილობს, ღმერთი ყვავილობს; თესლი რომ აღმოცენდება, ღმერთი აღმოცენდება; მდინარე რომ მოედინება, ეს ღმერთი მოედინება. ღმერთი პიროვნება არ არის, ეს რომ ასე იყოს, მაშინ პრობლემა წარმოიშობოდა. იუდეველთა წარმოდგენის მიხედვით ღმერთი ხომ პიროვნებაა, ღმერთი კი სუფთა ყოფიერებაა და თავისთავად არსებული არსებობა. ის ყველაფერშია, მაგრამ შეუძლებელია მისი ნახვა რომელიმე კერძო საგანში. მას არ გააჩნია საცხოვრებელი, თქვენ ვერ მიხვალთ და ვერ დაუკაკუნებთ კარზე. მას არა აქვს მისამართი, ბარათი რომ მისწეროთ. ის არსად არ არის, რადგან ყველგანაა. თქვენ ვერ მიუთითებთ ისეთ ადგილს, სადაც ღმერთი შეიძლება იმყოფებოდეს, ვერ იტყვით, რომ ღმერთი აქ არის, რადგან ეს არასწორი იქნება.

მხოლოდ იმის ჩვენება შეიძლება, რასაც ფორმა აქვს და სხვა საგნებისაგან განსხვავებული ნიშნები გააჩნია. რასაც ფორმა არა აქვს და ყველაფერშია გავრცელებული, როგორ ამოიცნობა? იუდეველებს კი ძალიან პიროვნული ღვთის კონცეფცია აქვთ. ხოლო იქ, სადაც პიროვნებაა, „ეგოც“ არის. იუდეველთა

ღმერთი ძალიან ეგოისტურია, მას თუ არ გაუგონებთ, ჯოჯოხეთში მარადიული ტანჯვა გელით.

ეს ძალიან სერიოზული ამბავია. ღმერთი დიქტატორის ძალაუფლებას იძენს, მთელი ყოფიერება კი მონობად იქცევა. ასეთ შემთხვევაში თავისუფალი აღარ იქნება ხვედრი, ის მხოლოდ ღვთის თვისებად რჩება, ხოლო თქვენი დისციპლინა მონობა იქნება.

იესო სრულიად საპირისპიროს ამბობს: ღმერთი კი არა, ენერჯიაა თვით სიცოცხლის ძალა, რასაც ბერგსონი „ცხოვრებისეულ სწრაფვას“ უწოდებს. ღმერთი ყოფიერებაა, ხოლო როდესაც ღმერთი არსებობს, სხვა ვერაფერი ვერ იქნება. ამაშია მთელი ის სირთულე, რისთვისაც იესო ჯვარს აცვეს. მას მხოლოდ რომ ეთქვა: „მე ღვთის ძე ვარ!“ იუდეველებს კიდევ შეეძლოთ მისი პატიება, მაგრამ იესო უფრო მეტს აცხადებდა.

ამ გამონათქვაში იგი ამბობს:

„მე ვარ ნათელი ყოველთა ზედა...“

ის არ ამბობს, რომ ძეა, იგი აცხადებს, რომ მამაა – **„მე ღმერთი ვარ და არა ძე მისი...“**

**„...და ყოველი გამოვიდა ჩემგან,
და ყოველი მოვიდა ჩემამდე,
გაჩეხეთ ხის ნაფოტი და მასში ვიქნები,
ასწიეთ ქვა და ქვის ქვეშ მიპოვით...“**

შვილსაც კი შეიძლება ეპატიოს, მაგრამ განსხვავება მაინც რჩება. მამა სანყისია, შვილი – პროდუქტი. შეიძლება მათ შორის სიახლოვე არსებობდეს, მაგრამ შვილი – შვილად დარჩება, მამა – მამად. ამიტომ შვილი მამას უნდა ემორჩილებოდეს. ეს არ არის მონისა და პატრონის ურთიერთობა. ეს მამისა და შვილის

დამოკიდებულებაა, უფრო ახლობლური, მაგრამ მაინც ურთიერთდამოკიდებულება. ისინი მაინც ორნი არიან.

ეს გამონათქვამი არ წერია ბიბლიაში, არც შეიძლება, რომ ეწეროს. ამის გაცხადება იესოს მხოლოდ თავისი მონაფეხისათვის შეეძლო – ამის გაგების უნარი მხოლოდ მათ ჰქონდათ, ვინც ახლოს იყვნენ მასთან. ბაზრის მოედანზე იესო ამბობს: „მე ღვთის ძე ვარ!“ ხოლო მონაფეხებს ეუბნება: „მე თვით ვარ ღმერთი!“ მე ვარ ყველაფრის სანყისი, ალფა და ომეგა, ყველაფერი ჩემიდან გამოდის და ყველაფერი ჩემამდე აღწევს.

სუფთა ვედანტაა და მის უკეთ გასაგებად გიტასა და უპანიშადებს უნდა მიმართოთ. ეს ის არის, რასაც კრიშნა ეუბნება არჯუნას: **„მე ყველაფერი ვარ, ყველაფრის სანყისი, ყველაფერი ჩემგან მოდის და ჩემშივე იკარგება. მოიცილე შენი „ეგო“ და დაემხე ჩემს ფერხით“**. იესოს სიტყვები კრიშნას სიტყვებივით ჟღერს.

არსებობს ერთი მშვენიერი ტრადიცია. მე არ ვიცი, რამდენად შეიძლება მისი მტკიცება, მაგრამ ტრადიცია მშვენიერია და ამდენად დამტკიცებას არ საჭიროებს. სიტყვა „ქრისტე“, უბრალოდ, ფორმაა სიტყვა „კრიშნასი“. ეს შესაძლებელია. ბენგალიაში „კრიშნას“ კვლავინდებურად „კრისტოს“ უწოდებენ, რადგან „კრიშნა“ პიროვნების სახელი კი არა, სრულყოფილების მიღწევის აღნიშვნაა. ასევეა ბუდაც. ეს არ არის სახელი, ეს გასხვივოსნებულის სრულყოფილების მიღწევის აღმნიშვნელი სიტყვაა. სიტყვა „ბუდას“ გამოღვიძებულს უწოდებენ. რას ნიშნავს „კრიშნა“? ეს მისი წოდებაა, ვინც მსოფლიო ცენტრი გახდა – „კრიშნა“ მაგნიტურ ცენტრს ნიშნავს, რომელიც იზიდავს და

მთელი ყოფიერების ცენტრია. ასეთივე მნიშვნელობა აქვს „ქრისტეს“.

მარიამმა თავის ვაჟს იესო დაარქვა. „ქრისტე“ მაშინ დაემატა, როცა იგი მსოფლიო ცენტრი გახდა, ამ გამონათქვამში იგი ამბობს: **„მე ცენტრი ვარ, ყველაფერი ჩემგან გამომდინარეობს და ყველაფერი ჩემთან ბრუნდება. თუ მშორდებით, მაშინ უნდა მოაღწიოთ ჩემამდე“**. სრულიად დასაშვებია, „ქრისტე“ რომ, უბრალოდ. „კრიშნას“ ფორმა, იყოს. ეს ფრიად მრავალმნიშვნელოვანია, რადგან კრიშნას განცხადება „გიტაში“ და იესოს გამონათქვამი ზუსტად ერთნაირია.

მესამე, რაც ვედანტიდან უნდა გაიგოთ, იმაში მდგომარეობს, რომ ისეთად გღებულობთ, როგორიც ხართ, რადგან უარყოფა, თვით ღმერთის უარყოფა იქნება. უარყოფა იმის მანიშნებელია, რომ რაღაცა გასაკეთებელია, რომ ისეთები, როგორიც ხართ, უვარგისები ხართ და რაღაც უნდა მოიკვეთოთ. ისეთები, როგორიც ხართ, მიუღებელნი და არასასურველები ხართ. უნდა გამოიცვალოთ, მხოლოდ მაშინ იქნებით მისაღები.

ვედანტა ამბობს, რომ ისეთი სახით ხართ მისაღები, როგორიც ხართ.

არაფრის ქმედება არ არის საჭირო, რადგან თვით ქმედების იდეა იყო თქვენი უბედურების მიზეზი. ქმედების იდეა ყოველთვის თქვენი უბედურების მიზეზია, რადგან რასაც არ უნდა აკეთებდეთ, მაინც ქვეყნად მოგიყვანთ. აი, რას ეძახიან ინდუისტები „კარმას“. „კარმა“ ცუდის ქმედებას როდი ნიშნავს, იგი უბრალოდ ქმედებას შეესატყვისება. ამქვეყნად იმის გამო იმყოფებით, რომ ძალიან დიდ ყურადღებას უთმობთ ამა თუ იმ ქმედებას. ნუ დაუთმობთ ქმედებას ამდენ ყურადღებას, ყოფიერებას

მიაქციეთ მეტი ყურადღება, ნუ იფიქრებთ, რომ უნდა იმოქმედოთ, იფიქრეო, უბრალოდ, ვინა ხართ. ვედანტა ამორალურია, ის არ ზრუნავს მორალსა და ამორალურზე. მისთვის უცხოა ათი მცნება. ვედანტა არავითარ მითითებებს არ გაძლევთ და არ ლაპარაკობს აუცილებლობის ტერმინოლოგიით. ის ამბობს, რომ თქვენნაირები არსებობენ, რომ კარგები, მშვენიერები და ჭეშმარიტები ხართ. პრობლემა იმაში კი არ არის, რომ სხვები უარგყოფენ, პრობლემა იმაში მდგომარეობს, რომ თვითონვე უარყოფთ საკუთარ თავს.

ხოლო საკუთარ თავს თუ უარყოფთ, მანკიერ წრეში აღმოჩნდებით, მაშინ შეეცდებით, უკეთესი გახდეთ, მაგრამ არაფერი გაუმჯობესდება, რადგან თქვენ თავად ღმერთი ხართ. მაშინ თქვენ უბედური იქნებით, რადგან შეუძლებელია იმაზე უკეთესის გახდომა, ვიდრე ხართ. თქვენ უკვე ღვთიური ხართ და როგორ შეიძლება ღვთიურის სრულყოფა? და თუ თქვენ ღვთიურის გაუმჯობესებას ცდილობთ, ერთი ცხოვრებიდან მეორეში გადახვალთ, გამუდმებული გაუმჯობესების მცდელობით, სინამდვილეში კი არავითარი გაუმჯობესება არ ხდება, თქვენ უცვლელი რჩებით.

ეს ადგილზე სირბილს ჰგავს – თქვენ იხრჩობით, სული გეხუთებათ, ასეთ დიდ საქმეს აკეთებთ, გგონიათ, რომ უფრო სწრაფად მირბიხართ, რალაცას აღწევს, ამ დროს კი ადგილზე მირბიხართ. მთელი თქვენი ცხოვრება ადგილზე სირბილია. არსად არ აღმოჩნდებით, რადგან წასასვლელი არსად არ გაქვთ. ვერ გაუმჯობესდებით, რადგან ეს შეუძლებელია. ვერ გააუმჯობესებთ იმ ზღვრულს, რომელიც თქვენშია. ამის „იქით“ არ არსებობს, ამაზე „უკეთესი“ არ მოიპოვება.

ვედანტა ამბობს, რომ თქვენ ღვთიური ხართ. ამის გაგებაა საჭირო და არა ქმედება. თქვენ საკუთარ არსში უნდა ჩაიხედოთ და გაიგოთ, ვინ ხართ. პრობლემა ის კი არ არის, რომ ცუდი ხართ, არამედ ის, რომ საკუთარ თავს არ უყურებთ. პრობლემა გაგებაშია და არა ქმედებაში. პრობლემა სწორ პერსპექტივაშია, საიდანაც თავს დაინახავთ.

ერთხელ ფსიქიატრის კაბინეტში ერთი მამაკაცი შემოვარდა და თქვა: „ექიმო, დამეხმარეთ, მეტი აღარ შემიძლია. მეხსიერება მლალატობს. იმასაც ვეღარ ვიხსენებ, გუშინ რას ვაკეთებდი, დღეს დილით რას ვლაპარაკობდი. მომეხმარეთ! ჭკუიდან ხომ არ შევიშალე?“

ფსიქიატრმა ჰკითხა: „როდის დაიწყო ეს ყველაფერი?“

მამაკაცი დაიბნა: „რას მეკითხებით?“ მას უკვე დავიწყებოდა ყველაფერი.

პრობლემა ის არის, რომ საკუთარი თავი დაივიწყეთ.

რასაც არ უნდა აკეთებდეთ, ამით კარმას ქმნით, კარმა კი წრე და ბორბალია. ერთ კარმას მეორისკენ მივყავართ, „ა“-ს „ბ“-კენ, „ბ“-ს კი „გ“-კენ. თქვენ ბორბლის ერთი ნაწილიდან მეორეს ესწრაფვით. კარმა არასოდეს მიგიყვანთ გათავისუფლებამდე, რამეთუ უკვე თავისუფალი ხართ. ჩემთან ხალხი მოდის და მე იძულებული ვარ, ისინი დავასაქმო, რადგან სხვაგვარად ვერ მიხვდებიან, რომ უკვე გათავისუფლებულები არიან. მათ ვეუბნები, რომ სხვადასხვანაირად იმოქმედონ, იმიტომ, რომ დავღალო; რათა ერთხელაც ისე დაიქანცონ, რომ მოვიდნენ ჩემთან და მითხრან, რომ აღარაფრის გაკეთება აღარ სურთ.

მხოლოდ მაშინ შემიძლია მათ ვუთხრა, რომ არაფრის გაკეთება არ არის საჭირო. მაგრამ თქვენ, ახალმოსულებს, ბევრი

გაქვთ გასაკეთებელი, რომ გითხრათ არაფრის გაკეთება არ არის-მეთქი საჭირო, წახვალთ და ვინმე სხვასთან აღმოჩნდებით, რომელიც გეტყვით, რა უნდა აკეთოთ. არაფრის გაკეთება არ არის საჭირო! ისეთები, როგორიც ხართ, უკვე ღვთიურებად ითვლებით. ეს ვედანტაა. ეს არ არის ზნეობა, ეს სუფთა რელიგიაა. აი, რატომაა მსოფლიოში ასე ცოტა ვედანტი, შეუძლებელია ისინი ბევრნი იყვნენ. აი, რატომ არ გახდა ვედანტა მსოფლიო რელიგია ქრისტიანობისა და ისლამის მსგავსად.

ეს შეუძლებელია, რადგან თქვენ ღრმა მოთხოვნილება გაქვთ, რამე აკეთოთ და თუკი ვინმე ამბობს: „არაფრის გაკეთება არ არის საჭირო. თქვენ უკვე ბრაჰმა ხართ, უკვე ღვთიურები ხართ“, არ მოუსმენთ მას. ის სისულელეებს რომავს – თქვენ ხომ არ ღებულობთ საკუთარ თავს და უარყოფთ მას. თქვენ მიზანს გინდათ მიაღწიოთ. რატომ ხდება ასე ადამიანის გონებაში?

ეს ჯერ კიდევ ბავშვობისას ხდება. ყველა ჩვენთაგანს ერთნაირი ბავშვობა ჰქონდა. მხოლოდ ტრივიალურ ამბებშია განსხვავება. სინამდვილეში ბავშვობას ერთი უმთავრესი ელემენტი აქვს, რომელიც მთელ ამ პრობლემას ქმნის. საქმე იმაშია, რომ არც ერთი ბავშვი ისეთად არ აღიქმება, როგორიც არის. როგორც კი იგი იბადება, მაშინვე მთელი საზოგადოება – მშობლები, დედა, მამა, ახლობლები, ყველა მის გადასხვაფერებას ცდილობს; უფრო მშვენიერს, უფრო ზნეობრივს ხდის და ყოველმხრივ აუმჯობესებს მას. ისეთნი, როგორიც ხართ, ცუდები ხართ. ამიტომ რაღაც უნდა გაკეთდეს, რომ მიგიღონ და გალიარონ.

და ბავშვიც ისევ და ისევ გრძნობს, რომ მიუღებელია. კარგს თუ აკეთებს, მაშინ აღიარებენ, რომელიმე წესს თუ ეწინააღმდე-

გება – კიცხავენ და სჯიან. თუკი ის მოგყვებათ და გემორჩილებათ, აღიარებთ ბავშვს; მაგრამ თუ გაუგონარია, უბრაზდებით და სიძულვილს ამჟღავნებთ მის მიმართ. ბავშვი ერთ რამეს სწავლობს. საკითხი ქმედებაშია და არა ყოფიერებაში. მოიქეცი წესიერად და ყველა შეგიყვარებს; სხვანაირად კი უარყოფენ და შეგიძულებენ.

თქვენ არა ხართ მთავარი. გააკეთეთ რამე სწორად და ქვეყანა მოგესალმებათ. გააკეთებთ არასწორად და ყველა კარს მოგიხურავს.

ბავშვი ხვდება, რომ ამქვეყნად არსებობისთვის ყოველთვის წესიერად უნდა მოიქცეს. ეს კი საკუთარი თავის ღრმა უარყოფას ბადებს, რადგან არასწორი საქმეები მაინც ხდება, ხოლო ცარიელი ლაპარაკით მათ ვერ უკუაგდებთ. ისინი იარსებებენ და ბავშვს დამნაშავის გრძნობა უჩნდება. იგი საკუთარ თავს უარყოფს. ის ამბობს: „მე ცუდი ბავშვი ვარ“. მაგრამ საგნები, რომლებსაც არასწორს ვუწოდებთ, ბუნებრივია. ასე რომ, ბავშვს არ შეუძლია მათი მოშორება.

ყველა ბიჭი და გოგონა ეთამაშება თავის სასქესო ორგანოს. ეს მათთვის სასიამოვნოა, აკმაყოფილებთ და მათი სხეული ნეტარებასაც განიცდის, მაგრამ ამას ბავშვს უშლიან და ისიც იბნევა. რა გააკეთოს მან? ბავშვს მოსწონს სასქესო ორგანოს ხელით შეხება, მაგრამ ამას რომ აკეთებს, იგი ცუდი ბავშვია. ბავშვს ჰგონია, რომ მარტო თვითონ აკეთებს ამას და დამნაშავედ გრძნობს თავს.

ეს ღრმა პრობლემაა. ბავშვს არ უნდა ჭამა, რადგან თვითონ უკეთ იცის, შია თუ არა, მაგრამ თქვენ სამედიცინო რუტინას

მიჰყვებით, – ექიმმა ხომ გითხრათ, რომ ბავშვი ყოველ სამ საათში ერთხელ უნდა დააპუროთ.

შეხედეთ იმ ბავშვებს, ძალით რომ აჭმევენ. ისინი უარზე არიან, პირს არ აღებენ, ლუკმას არ ყლაპავენ, რადგან კარგად იციან თავიანთი მოთხოვნილება. მათ არ შიათ და მორჩა, თქვენ კი ჭამას აძალებთ, ხოლო როცა შიათ და ტირიან, საჭმელს არ აძლევთ, რადგან ამის დრო არ არის. ვინ იღებს გადაწყვეტილებას? ბავშვი თუ თქვენ?

თუ გადაწყვეტილებას თქვენ იღებთ, მაშინ ბავშვს დამნაშავეს გრძნობა უჩნდება, რადგან ფიქრობს, რომ რალაცას არასწორად აკეთებს.

წმინდა ავგუსტინეს უთქვამს: „ღმერთო, შემინყალე, რადგან არასდროს არ ვაკეთებდი იმას, რაც კარგია, ყოველთვის ვაკეთებდი იმას, რაც ცუდია“. ეს ნებისმიერი ბავშვის ლოცვაა. თქვენ იღებთ გადაწყვეტილებას და ამით დანაშაულს ჩადიხართ – ბავშვი არ გრძნობს შიმშილს, თქვენ კი საჭმელს აძალებთ.

ბავშვმა არ იცის, როგორ მოიქცეს, რადგან მის სხეულს ნებისყოფა არა აქვს, მით უმეტეს, რომ ამ ფენომენის წინაშე იგი უძლურია. ბავშვს არ ეძინება, ბაღში უნდა თამაში, თქვენ კი ძილს აძალებთ. რას მოიმოქმედებთ, დაძინება რომ გიბრძანონ მაშინ, როცა არ გეძინებათ? თვალების დახუჭვა შეიძლება, მაგრამ დედ-მამა რომ გავა ოთახიდან, ბავშვი საკუთარ თავთან მარტო რჩება. როგორ შეასრულოს ბრძანება? როგორ გახდეს კარგი?

ცოდვა ისევ და ისევ მეორდება და ბავშვიც იწამლება. როცა ის თამაშობს, ცუდად იქცევა, რადგან ხმაურობს და განუხებთ. როცა ჩუმად ზის კუთხეში, ისევ რალაც არასწორია. ავად ხომ

არა ხართ, ეკითხებით. ბავშვი ყოველთვის იმიტომ იქცევა არასწორად, რომ ის უძლურია, თქვენ კი ძლიერი ხართ. ბავშვი დათრგუნულია, ყველაფერ ცუდს უარყოფს და ძალისძალად ეჩვენება იმას, რაზედაც ფიქრობენ, რომ კარგია. ის ნიღაბს იკეთებს და მთელი ცხოვრების მანძილზე ღრმა ქვეცნობიერებაში ჭრილობებს ატარებს. ამიტომ არ გჯერათ ჩემი, როცა გეუბნებით: „ისეთი, როგორიც ხართ, ღმერთი ხართ“. თქვენ კარგიც არა ხართ, როგორ შეიძლება, ღმერთი რომ იყო? ღმერთი უკიდურეს სიკეთეს ნიშნავს, თქვენ კი ყოველდღიურ ყოფაშიც არა ხართ კეთილი და როგორ იქნებით ღმერთი? თქვენ რომელიმე სხვა მასწავლებელთან ნახვალთ, რომელიც დაგადანაშაულებთ და გეტყვით, რომ დამნაშავე და ცოდვილი ხართ.

მაშინ კი დამშვიდდებით. ის მართალი იქნება, რადგან იმას გეტყვით, რასაც მანამდე თავად გრძნობდით. აი, რატომ ეთავანებით იმ ხალხს, ვინც გადანაშაულებთ და ისე გიყურებთ, როგორც ბინძურ და მახინჯ მატლებს, ხოლო თუ ე. წ. წმინდანის გარშემო უამრავ მიმდევარს ხედავთ, ყოველთვის მოუნახავთ ამას მიზეზს. ის ყველას ადანაშაულებს და ეუბნება: „თქვენ ცოდვილები ხართ და თუ არ დამიჯერებთ, ჯოჯოხეთში მოხვდებით“. ამ წმინდანს აბსოლუტურად მართალი ჰგონია თავი და გეთანხმებათ თქვენი დანაშაულის შეგრძნობაში. ასე რომ, როდესაც გადანაშაულებენ, თავს კარგად გრძნობთ, რაც სისულელეა და აბსურდი!

თქვენ შემფოთლებით, ვინმემ რომ გითხრათ. „თქვენ კარგი ხართ, ვინც არ უნდა იყოთ, მე გალიარებთ ისეთს, როგორიც ხართ. თქვენში ღვთიურმა ეს გზა აირჩია. ის ასეთი სახის არსებობს თქვენში, მე ვალიარებ თქვენს სექსს, რისხვას, სიძულ-

ვილს, ეჭვიანობას; გაღიარებთ მთლიანობაში, რადგან მხოლოდ ამ მთლიანობის მიღებით შეიძლება ერთიანის მიღწევა და ეს ერთიანი სჯობნის ეჭვიანობას, რისხვას, სექსსა და სიხარბეს”. არავის არ ძალუძს სიხარბის გარდასახვა – ის ერთიანი უნდა გახდეს, მხოლოდ მაშინ მოხდება გარდასახვა.

აი, რატომ იყო შეუძლებელი იესოს პატიება – იუდეველები ხომ დანაშაულის უდიდესი შემქმნელები არიან. მთელი კაცობრიობაც ამ გზით მიდის, მაგრამ იუდეველებს ვერავინ შეედრება. მათი წარმოდგენით, ადამიანთა მოდგმა იმიტომ არსებობს, რომ ადამმა და ევამ პირველი ცოდვა ჩაიდინეს და თქვენც ამ ცოდვის საშუალებით დაიბადეთ. ადამიანი ცოდვის გზით იბადება და ცოდვა რჩება ფუძემდებელ კონცეფციად.

როგორ აღიარონ, რომ ღმერთი ხართ? ღმერთთან ახლოს ყოფნა მხოლოდ მონანიებასა და თვითგარდასახვაში შეგიძლიათ; მაშინ, როდესაც ცდილობთ უკეთესად გახდომას, ამ ერთადერთი პირობით მიგიღებთ მამაღმერთი. მაგრამ ისეთებს, როგორიც ხართ, არ გაღიარებენ და ღმერთსაც დაშორდებით.

რაში მდგომარეობს ადამისა და ევას ცოდვა? ურჩობაში. მაგრამ რატომაა ღმერთი ასე შეპყრობილი დამორჩილებით? იმიტომ, რომ ეს ყველა მამის თვისებაა. ღმერთი კი სხვა არაფერია, თუ არა კოსმიური მამა. ნუთუ არ შეუძლია ღმერთს თავის ბავშვებთან ითამაშოს, რომლებიც ასე ტკბებიან საკუთარი თავით? რა გააკეთეს მათ ასეთი ცუდი? უბრალოდ, ხიდან ერთი ვაშლი შეჭამეს, რაც აკრძალული ჰქონდათ.

ღმერთი ეგოისტად გამოიყურება. „ეგო” ხომ ყოველთვის დამორჩილებითაა შეპყრობილი, მაგრამ ღმერთს არავითარი „ე-

გო” არ გააჩნია. ის ვერ მოითხოვს მორჩილებას! როგორც ჩანს, ეს ამბავი ქურუმთა შეთხზულია.

და აი, თქვენ დანაშაულს გრძნობთ – ცოდვის გზით იშვით, დაბადებიდანვე ცოდვილნი ხართ. ერთადერთი, რაც დაგრჩენიათ, საკუთარი თავის გაუმჯობესება და წინადაცვეთაა, რომ როგორმე გალიარონ. ვედანტა კი ამბობს, რომ თქვენ ცოდვილი არა ხართ, შეიძლება უმეცარი იყოთ, მაგრამ ცოდვილი – არასოდეს. ეს სრულიად სხვა პოზიციაა. ღმერთი კი არ არის თქვენს წინააღმდეგ, ეს თქვენ შეგიძლიათ, მის წინააღმდეგ რომ იყოთ; მაგრამ მიუხედავად ამისა, ის არ იძიებს თქვენზე შურს. ინდუისტები გეტყვიან, რომ თქვენი უბედურების მიზეზი ცნობიერების კი არა, უმეცრების ხის ნაყოფის ჭამაა. ადამიანი შეიძლება უმეცარი იყოს, ის არის კიდევ ასეთი, რადგან საკუთარ არსს ვერ აცნობიერებს. ამ შემთხვევაში ყველაფერი არასწორად წავა, მაგრამ ეს სულაც არ არის ცოდვა.

მაშასადამე, რელიგია მეტი სინათლის, მეტი ცოდნისა და შეგნების მოტანას ნიშნავს, მაგრამ არა მორალისა და სათნოების მეშვეობით, სათნოება მხოლოდ თანამდევი პროდუქტია. როცა ცნობიერნი ხართ, სათნოებაც მოდის, ის ჩრდილივითაა. როცა უმეცარნი ხართ, ცოდვა მოგყვებათ, რადგან უმეცრება სხვაგან ვერსად ვერ მიგიყვანთ. მისი მეშვეობით თქვენ შეცდომებს უშვებთ, რაც ცოდვის ტოლფასია.

ეს იმას ნიშნავს, რომ ორს მივუმატოთ ორი ხუთს უდრიდეს, მაგრამ ეს ხომ ცოდვა არ არის! ვინმეს თუ ჰგონია, რომ $2+2=5$, ამის გულისთვის მარადიული ტანჯვა ხომ არ უნდა ირგუნოს ჯოჯოხეთში? ეს უბრალოდ შეცდომაა და არა ცოდვა. ამ ადა-

მიანის განსწავლაა საჭირო, მან უბრალო მათემატიკა არ იცის და მეტი არაფერი.

ვედანტა ამბობს, რომ თქვენ არაცნობიერნი და საკუთარი თავის უცოდინარნი ხართ. ცნობიერნი თუ გახდებით, უკვე ღმერთი ხართ, არ არსებობს ღმერთი თქვენს მეტი, მაგრამ ეს ეგოისტური მტკიცება როდია, რადგან ეს მხოლოდ მაშინ მოხდება, როცა „მე“, როგორც ცენტრი, გაქრება და თქვენ „ყველაფერი“ გახდებით.

იესო ამბობს: **„მე ვარ ნათელი ყოველთა ზედა,
მე ვარ ყოველი და ყოველი გამოვიდა ჩემგან,
და ყოველი მოვიდა ჩემამდე.
გაჩეხეთ ხის ნაფოტიდა მასში ვიქნები,
ასწიეთ ქვა და ქვის ქვეშ იპოვით...”**

ეს ერთ-ერთი ყველაზე პოეტური გამონათქვამია. მე იმის თქმა მინდა, რომ იესოსნაირი ადამიანი პოეტს ჰგავს, ვიდრე ფილოსოფოსს, თეოლოგს ან მათემატიკოსს. ის პოეტს უფრო ჰგავს და მის პოეზიას თუ დაჰკარგავთ, მთლიანად დაჰკარგავთ მის გამონათქვამს. როდესაც პოეტი ლაპარაკობს, თქვენ შეიძლება აპატიოთ რაიმე და თქვათ, რომ ეს პოეზიაა, მაგრამ წმინდანი თუ ამტკიცებს რამეს, უფრო სერიოზულად აღიქვამთ, რადგან მეტია დადებული სასწორზე.

იესო პოეტია. ვინც ზღვარს მიაღწევს, ყველა პოეტია. მათემატიკის ენა უფრო ღარიბია, მას არ ძალუძს ბევრის გამოხატვა. ის უკიდურესად ზუსტია და ამის გამო – ღარიბი. პოეზია კი არ არის ზუსტი და არც განსაზღვრულია. აი, რატომ შეიძლება მისი მეშვეობით მეტის თქმა. მაგრამ პოეტთან ურთიერთობისას ყოველთვის უნდა გახსოვდეთ, რომ ის იდუმალზე ლაპარაკობს.

ინდუისტებს არასოდეს მოუკლავთ არც ერთი გასხვიოსნე-ბული. რატომ? იმიტომ, რომ მათ ყველა გამონათქვამს პოეზიასავით ღებულობდნენ, რომელიც ანალიზს არ საჭიროებს. იესოსთან რომ მიხვიდეთ და უთხრათ: „შენ ამბობ, რომ მთელი ხარ, დაგვიმტკიცე, რომ მართლს ამბობ. უბრძანე მზეს, ჩავიდეს და მთვარე ამოვიდეს. მხოლოდ მაშინ დაგვიჯერებთო“, – ამით თქვენ საკუთარ სისულელეს გამოამჟღავნებთ. არ შეიძლება პოეტური გამონათქვამის პირდაპირ გაგება, რამეთუ ის მეცნიერულ მტკიცებას არა ჰგავს.

ამის გამო ქრისტიანები გამუდმებით ცდილობენ დაამტკიცონ, რომ იესო სასწაულებს ახდენდა – ქვა პურად აქცია, მკვდარი გააცოცხლა, ბრმას თვალის სინათლე დაუბრუნა, კეთროვანი განკურნა და ა. შ. რა საჭიროა საოცრებებზე ყურადღების ასეთი გამახვილება? ჩვენ ხომ არასოდეს არ დავინტერესებულვართ ბუდათი, როგორც სასწაულმოქმედით.

თუკი დაამტკიცებენ, რომ იესო სასწაულებს არ ახდენდა, მაშინ ათვლის წერტილიც გაქრება და მასთან ერთად – ქრისტიანობაც, რაც იესოზე კი არა, მის სასწაულებზეა დამოკიდებული. სწორედ სასწაულები ამტკიცებენ, რომ იესო ღვთის შვილია.

არც ერთ სასწაულს არ შეუძლია არაფრის დამტკიცება. სინამდვილეში ეს სასწაული მხოლოდ იმათ უმეცრებაზე მიუთითებს, ვისზედაც შთაბეჭდილებას ახდენს. რამდენადაც ვიცი, იესოს ამის მსგავსი არასოდეს არაფერი ჩაუდენია. თქვენს დასარწმუნებლად სასწაული რომ მოეხდინა, ეს მისი მხრიდან სისულელე იქნებოდა. ის სასწაულები, მის გარშემო რომ ხდებოდა, უფრო მნიშვნელოვანი იყო, ვიდრე თქვენ წარმოგიდგენიათ.

დიახ, ბრმებს თვალის სინათლე უბრუნდებათ, მაგრამ ეს სულაც არ იყო დაკავშირებული მხედველობით ორგანოებთან. ამას უფრო ღრმა, სულიერ სიბრმავესთან აქვს კავშირი. დიახ იესომ მკვდრები გააცოცხლა, მაგრამ სხეულზე კი არ არის აქ ლაპარაკი, არამედ თქვენზე – თქვენ ფიქრობთ, რომ ცოცხლობთ, მაგრამ ეს ასე არ არის. ხრწნადი არსებობიდან იესომ მკვდრები სიცოცხლეში დააბრუნა და ეს ჭეშმარიტად უდიდესი სასწაულია, ხოლო გვამის გაცოცხლება მედიცინის დახმარებითაც შეიძლება მოხდეს. ცნობილია ასეთი ფაქტებიც.

საბჭოთა რუსეთში მეორე მსოფლიო ომის დროს ექვსი კაცი გაუცოცხლებიათ. სამი ახლაც ჯანმრთელად გრძნობს თავს. ხოლო მედიცინას ეს თუ ძალუძს, რისთვისაა თქვენი ქრისტე სასწაულმოქმედი? მაშასადამე, მას შეუძლია იყოს კარგი ექიმი, მეცნიერი, მაგრამ არა გასხივოსნებული.

თვალის მკურნალობა შესაძლებელია. ადრე თუ გვიან ბრმას დაუბრუნებენ თვალის სინათლეს. მთავარი სხეული არ არის. იესო ახდენდა სასწაულებს, მაგრამ ეს სასწაულები სულიერი იყო და შინაგან არსს სწვდებოდა. თქვენ ბრმა ხართ, რადგან საკუთარი თავის დანახვა არ შეგიძლიათ. თქვენივე თვალებით საკუთარ თავს ვერ ხედავთ!

იესო ხალხს თვალს უხელდა, ის შინაგან სამყაროში იყურებოდა და ჭეშმარიტ მხედველობას ანიჭებდა ადამიანებს. მას არასოდეს არ გადაუქცევია ქვა პურად, ეს სისულელეა, მაგრამ მიმდევრები სასწაულებს ეძებდნენ, რადგან გასხივოსნებას თუ ვერ დაინახავდნენ, ვერ შენიშნავდნენ „ქრისტესაც“. ის მათთვის უჩინარი იყო, მათ მხოლოდ ქვის პურად გადაქცევის დანახვა შეეძლოთ.

ქრისტეს მიმდევრებს მხოლოდ ამქვეყნიური სწამთ და მატერიაზე უხილავი ზემოქმედება მათთვის უტყუარი მტკიცებაა. აი, რატომ არის, გასხივოსნებულზე უფრო მეტად ჯადოქრებს რომ ელტვიან, მათ, ვისაც ილეთების გაკეთება შეუძლიათ, ხოლო ყველა ილეთი უსარგებლოა და ჯადოქრები თავიანთი უმეცრების გარდა არაფერს ამტკიცებენ. უფრო სწორად, ისინი ამტკიცებენ, რომ სხვა გაიძვერაა და ექსპლუატაციას გინევთ.

იესო გაიძვერა არ არის, შეუძლებელია ასეთი უმანკო ადამიანი ფლიდი და ჯადოქარი იყოს. იგი არც სასწაულმოქმედი. მას არ აინტერესებდა უმეცრების ექსპლოატაცია და გარდა ამისა, წარმოიდგინეთ, მართლა რომ გაეკეთებინა ეს ყველაფერი.

ერთ ქალს საზღვარგარეთ ვისკი გადაჰქონდა. როდესაც საბაჟოზე ჰკითხეს, რა ჰქონდა ჩანთაში, ქალმა უპასუხა, რომ წმინდა წყალი მიჰქონდა. მორიგე მეზაჟე დაეჭვდა და თქვა: „მე ვნახავ, რადგან ისინი, ვისაც წმინდა წყალი გადააქვთ, ყოველთვის ეჭვს იწვევენ“. „წყლის“ თქმაც ხომ საკმარისი იყო, რაღა საჭიროა „წმინდა?“ მეზაჟემ გასინჯა და ნახა, რომ ვისკი იყო, ქალმა უთხრა: „ღმერთო! კიდევ ერთხელ გვანახე შენი სასწაული“.

იესო ვისკს წყლად აქცევდა? მკვდრებს აცოცხლებდა? ლაზარე წამოდგა კუბოდან? ხეიბარ ხალხს ანიჭებდა სიარულის უნარს, ბრძმებს – თვალის სინათლეს, კეთროვანებს – ჯანმრთელობას? ეს სასწაულები მართლა რომ მომხდარიყო, იუდეველები უეჭველად ირწმუნებდნენ, რომ იესო ღვთის ძე იყო, რადგან მატერიალისტები იყვნენ, მაგრამ, ამის მიუხედავად, ყურადღების ღირსადაც არ გახადეს იგი. შეუძლებელია კვალში არ გაჰყვე

ასეთ ადამიანს, რომელიც სასწაულებს ახდენს – გარშემო ხომ ყველა ავადა და განსაცდელშია, ეს ადამიანი კი აუცილებლად განკურნავს ავადმყოფს, ქვას პურად აქცევს – მას ყველაფერი შეუძლია.

ასეთ კაცს მთელი იუდეა გაჰყვებოდა, მაგრამ იუდეველთა შორის არავინ აღმოჩნდა მისი მიმდევარი – იგი ჯვარს აცვეს. რაშია საქმე? იმაში, რომ სასწაულები ხდებოდა, მაგრამ ისინი უხილავი რჩებოდა. მათი აღქმა მხოლოდ ახლობლებს შეეძლოთ. სასწაულები კი ნამდვილად ხდებოდა. ლაზარე ისეთივე მკვდარი იყო, როგორც თქვენ. მე რომ გაგაცოცხლოთ, ამ მოვლენას მარტო ჩვენ შევიტყობო. სხვა ვერავინ ვერ შეამჩნევს, ამას არც რადიოთი და არც ტელევიზიით არ გამოაცხადებენ.

თქვენს არსში თუ გაგაცოცხლებთ, ამას მხოლოდ თქვენთვის და ჩემთვის ექნება მნიშვნელობა და სხვა არავისთვის. სხვას ვერც დაუმტკიცებთ ამას. რამეთუ ეს მოვლენა უხილავია. ამიტომ იყო ასე, სასწაულები ხდებოდა, მაგრამ იესოს მოწაფეები ვერ ამტკიცებდნენ ამას, რადგან უხილავ ფენომენტან ჰქონდათ საქმე. და მოწაფეებმაც ხალხში დაიწყეს სიარული, ისინი ჰყვებოდნენ, რომ სასწაულები ნახეს, რომ „მათ, ვინც ბრმა იყო თვალი აეხილათ; ვინც მკვდარი იყო გაცოცხლდა“. სწორედ ამან მოიტანა უბედურება, რადგან იუდეველებმა წამოაყენეს შემდეგი მოთხოვნა: „ჩვენც დაგვანახე! ეს კაცი თუ ნამდვილად ღვთის ძეა, გავიგოთ, მართლა ახდენს სასწაულებს თუ არა, დაგვანებეთ მისი ჯვარცმა და ერთად ვნახოთ, რა მოხდება, სხვისი გაცოცხლება თუ შეუძლია, თვითონაც აღდგება მკვდრეთით. უკვდავების საიდუმლო თუ იცის და ასეთი მკურნალი თუ არის, ჯვარს ვაცვათ და საკუთარ თავს უმკურნალოს“.

სწორედ მონაფეების ამ სისულელის გამო, იმიტომ, რომ ამ სასწაულებზე დაიწყეს ლაპარაკი, რომლებიც შინაგან ფენომენს წარმოადგენდა, იესო მთელი ქვეყნისთვის დაკვირვების ობიექტად იქცა. ის ყალბ, არაჭეშმარიტ მესიად გამოიყურებოდა. ხალხი სასწაულს ელოდა, მაგრამ არაფერი არ მომხდარა. იესო ისევე მოკვდა, როგორც ორი ბოროტმოქმედი; ისევე, როგორც ჩვეულებრივი ადამიანი. არც ნათელი გადმოსულა ციდან და არც მინისძვრა მომხდარა. ღვთის ძე ჯვარს აცვეს, ღმერთი კი დუმდა.

ამიტომ იუდეურ ჩანაწერებში არაფერი მოიპოვება იესოს შესახებ. მათთვის იგი ყალბი იყო, რადგან ჯვარცმისას არაფერი დაუმტკიცებია. ჯვარცმა კი გამოცდა იყო, იმის გაცხადება, იყო თუ არა იესო ღვთის შვილი. მაგრამ მათ, ვისაც დანახვა შეეძლოთ, უდიდესი საოცრების მონმეები შეიქმნენ. ქრისტიანებს ეს გამოეპარათ, ხოლო იუდეველებმა პირველი სასწაული ვერ შენიშნეს, ისინი რაღაც გარეგან ეფექტს მოელოდნენ, რაც არ მომხდარა და ამიტომაც დაივიწყეს იესო. იგი თვითმარქვიად დარჩა.

ქრისტიანებს ის შინაგანი გამოეპარათ, რომელიც ჯვარცმისას მოხდა, ხალხის მხოლოდ მცირე ნაწილმა შესძლო ამის დანახვა. მათ, ვინც საკუთარ თავს ხედავდა, დაინახეს, რაც ჯვარცმისას მოხდა – იესო ეწამა და მაინც სიყვარულით აღსავსე დარჩა. სწორედ ის იყო სასწაული, რომ იესო მათთვის ლოცულობდა, ვინც ის ჯვარს აცვა. ეს უდიდესი სასწაულია, რომელიც დედამინაზე შეიძლება მოხდეს.

„მამაო, შეუწდე მათ, რამეთუ არ უწყიან, რას სჩადიან...“ – ეს იყო იესოს უკანასკნელი სიტყვები. ეს ჯვარცმისას მომხდარი

უდიდესი სასწაულია. მთელი სხეული იტანჯება, კვდება და მაინც სიყვარულით არის აღსავსე. ამ შემთხვევაში იესოს რისხვა სრულიად გასაგები იქნებოდა, მაგრამ მან დაამტკიცა, რომ ღვთის ძე იყო, რამეთუ მისი თანაგრძნობა კვლავინდებურად სუფთა და უმნიკვლო დარჩა.

თქვენ არ შეგიძლიათ მოგენამლათ ეს თანაგრძნობა, ვერ შეწყვეტდით ამ ლოცვას, ვერ გატეხდით იესოს გულს. ის ტანჯვისა და განსაცდელის ჟამსაც არ უარგყოფდათ.

სასწაულები მოხდა, მაგრამ ეს ის სასწაულები არ ყოფილა, რომელთა დანახვა თვალთ შეიძლება, მათ მხოლოდ გულით თუ იგრძნობთ. იესო არ ყოფილა ჯადოქარი. მართლა ჯადოქარი რომ ყოფილიყო და ქვის პურად გადაქცევა ეცადა, ან კეთროვანი განეკურნა, მისი პიროვნება არ ეღირებოდა და არც მე ვიზრუნებდი მასზე. მაგრამ შეეცადეთ, გაიგოთ – შინაგანი სიბრძნე თუ არსებობს, შინაგანი კეთრიც იარსებებს.

თქვენ მახინჯები ხართ და ეს სიმახინჯე თვითონვე შექმენით, რადგან დაიტანჯეთ დანაშაულით, აღივსეო შიშით, ეჭვითა და შფოთვით... ეს კეთრია. ის მალღვივით ხრავს თქვენ შინაგან სამყაროს. შიგნით ჭრილობა გაქვთ. იესო კურნავდა, მაგრამ ეს შინაგანი სამუშაოა. ეს მასწავლებელსა და მონაფეს შორის ხდებოდა. სხვა არაფერი არ იცის ამის შესახებ და მონაფეც გვიან იგებს ხოლმე ამას. მასწავლებელი თავიდანვე აცნობიერებს, რომ ჭრილობა იკურნება, მონაფეს კი ამისთვის დრო სჭირდება. ჩვეულებრივ, ის დიდი ხნის განმავლობაში ფიქრობს, რომ ჭრილობა ისევ არსებობს, მაგრამ სხვას არ შეუძლია ამის დანახვა.

იესო ამბობს: „მე ყველაფერი ვარ“. თქვენც ყველაფერი ხართ, ყველაფრის საწყისი და დასასრული. იესო, უბრალოდ,

თქვენი წარმომადგენელია. ის არაფერს ამბობს საკუთარ თავზე, მხოლოდ თქვენზე ლაპარაკობს, ისიც ნაწილობრივ. იგი ამბობს: „მე ყველაფერი ვარ!“

რას გულისხმობს? იმას, რომ თქვენც შეგიძლიათ გახდეთ ყველაფერი, რომ უკვე ხართ ყველაფერი, მაგრამ ვერ შეგიცნიათ ეს.

თქვენი უბედურება იმაშია, რომ არ შეგიძლიათ გაიხსენოთ, ვინ ხართ. თვითგახსენებაა საჭირო, მეტი არაფერი. უფრო შეგნებული უნდა გახდეთ, თქვენი ცნობიერება მწვერვალზე უნდა აიყვანოთ, რომლიდანაც დანახვას შესძლებთ. ამ მომენტში გასხივოსნდებით – არც ერთი კუთხე არ დარჩება ბნელი, თქვენი არსი მთლიანად განათდება. მაშინ შეიცნობთ იესოს, შეიცნობთ ბუდას, კრიშნას და მაშინ მეც მიმიხვდებით, რადგან მთელი მონაპოვარი ის არის, რომ შეგაძლებინოთ შეცნობა – ვინ ხართ.

დაიმახსოვრეთ ეს სიტყვები და ააჟღერეთ თქვენს გულებში, რადგან ამ სიტყვების მეშვეობით თქვენი თესლი გაღვივდება.

*1974 წლის 4 სექტემბერი
პუნა, ინდოეთი*

საუბარი მეთექვსმეტე

მეთექვსმეტე შეგონება

იესომ თქვა:

– „ის, ვინც ახლოა ჩემთან, ახლოა ცეცხლთან და ის ვინც დამშორდა, შორსაა სასუფევლისაგან“.

(თომა, 86)

იესომ თქვა:

– „მოდით ჩემთან, რამეთუ მსუბუქია უღელი ჩემი და მეუფება ჩემი – იოლი.“

(თომა, 94)

იესომ თქვა:

– „ის, ვინც დარწყულდება ჩემს ბაგეთაგან, გახდება ჩემნაირი, და მე შევიქმნები მსგავსი მისი, და დაფარულნი გაცხადდება მისთვის“.

(თომა, 112)

ადამიანი მონად იბადება და მთელს ცხოვრებას მონობაში ატარებს. ის სურვილის, ვნების, გონების ან სხეულის მონაა. ადამიანი მონობას დაბადებიდან სიკვდილამდე ებრძვის, რელიგიის არსი კი თავისუფლებაში მდგომარეობს. რელიგია თავისუფლებაა, გათავისუფლება ნებისმიერი სახის მონობიდან, მაგრამ, მიუხედავად ამისა, ადამიანი მაინც განაგრძობს თამაშს საკუთარ თავთან და თავს იტყუებს, რადგან ეს იოლია.

იყო მთლიანად თავისუფალი, ძალიან ძნელია. ამისათვის შინაგანი კრისტალიზაციაა საჭირო და აუცილებელია შინაგანი ცენტრი. ახლა კი თქვენში არც ცენტრია და არც კრისტალიზებული არსება. თქვენ, უბრალოდ, ქაოსი ხართ, ნაკრები და არა პიროვნება. თქვენში ზოგჯერ რაღაც სურვილი იმარჯვებს და ის ხდება ამ ნაკრების ხელმძღვანელი, მაგრამ, სულ მალე ახალი სურვილი გეუფლებათ და ძველი ტოვებს ასპარეზს.

თქვენ ნებისმიერ სურვილთან აიგივებთ თავს და ამბობთ: „მე ის ვარ“. როდესაც ტახტზე სექსია, სექსი ხდება; რისხვა როცაა, რისხვასთან იგივდებით, სიყვარული თუ არის, სიყვარულად გარდაისახებით და ამავე დროს არ გახსოვთ ის ვითარება, რომ არასოდეს არ იქნებით სექსი, არც მრისხანება და არც სიყვარული. თქვენ ამით ცხოვრობთ, მაგრამ თქვენი სურვილები იცვლებიან და ყველა სურვილთან აიგივებთ საკუთარ თავს.

ეს გაიგივება მონობის ძირეული მიზეზია და სანამ ის იარსებებს, თქვენ ვერ გათავისუფლდებით. თავისუფლება სხეულთან, გონებასთან და გულთან გაიგივების გაქრობას ნიშნავს. მონა ის ადამიანია, რომელიც გამუდმებით ტირის და მოთქვამს დაუკმაყოფილებელ ვნებებზე. ახლადდაბადებული ბავშვი მაშინვე ტირის და ეს ჩვეულება ცხოვრების ბოლომდე მიჰყვება.

ბავშვს რძე უნდა და ტირის, თქვენ შეიძლება იტიროთ სახლის, ავტომობილის ან სხვა რამის გამო, მაგრამ ტირილი გრძელდება და როცა კვდებით, მაშინ წყდება, მთელი თქვენი ცხოვრება ხანგრძლივი ტირილია. აი, რატომ არსებობს ამდენი წამება. რელიგია გათავისუფლების გასაღებს გაძლევთ, მაგრამ თქვენ მონა ხართ, მონობაში კი სიცოცხლე მოსახერხებელი და კომფორტულია. ამიტომ, ცრუ რელიგიას რომ ქმნით, რომე-

ლიც თავისუფლებას კი არ განიჭებთ, არამედ მონობის ახალ უღელს გადგამთ. ქრისტიანობა, ბუდიზმი, ინდუიზმი და ისლამი სხვა არაფერია, თუ არა პატიმრობის სხვადასხვა სახე.

იესო, მუჰამედი, კრიშნა, ბუდა თავისუფლებაა, ხოლო ქრისტიანობა, ინდუიზმი, ისლამი, ბუდიზმი ყოველთვის ტყუიან. და აი, ახალი სახე მონობისა: თქვენ არა მხოლოდ საკუთარი ვნებების, აზრების, გრძნობებისა და ინსტინქტების მონა ხართ, არამედ ქურუმების მონაც ხდებით, ცრუ რელიგიიდან უფრო ძლიერი მონობა იბადება, თქვენში კი არაფერი არ იცვლება.

მოლა ნასრედინი მევალებმა გაანამეს. მან სხვადასხვა კაცისგან დიდძალი ფული ისესხა, მაგრამ ვალი ველარ გაისტუმრა. მოლამ რჩევისთვის თავის ვექილს მიმართა, რომელმაც, როგორც ყველა ადვოკატს სჩვევია, ასეთი დარიგება მისცა: „თავი მოიძვდარუნე და კუბოში ჩაწევი. დაე, ყველამ გაიგოს შენი სიკვდილი, მერე კი გაიქეცი ამ ქალაქიდან. მევალებს ეცოდინებათ, რომ შენ მოკვდი და აღარ მოგძებნიან“.

მართლაც, ნასრედინმა ყალბი დაკრძალვა მოაწყო, კუბოში ჩაწვა. მთელი ქალაქი მოვიდა მასთან გამოსამშვიდობებლად. პირველი კრედიტორი ნაღვლიანი ხმით დაემშვიდობა, ასევე მეორე, მესამე... მაგრამ მაგრამ მეცხრემ პისტოლეტი დააძრო და იყვირა: „ნასრედინ, ხომ მკვდარი ხარ, მაგრამ ჯავრის საყრელად მაინც გესვრი“.

ნასრედინი კუბოდან წამოხტა: „მოიცადე, შენს ვალს ვაბრუნებ“.

თქვენ ვერ ითამაშებთ სიკვდილთან, ვერ მოატყუებთ და ვერ გააბრიყვებთ მას. როგორ შეიძლება ყალბად იცხოვროთ, როცა სიკვდილიც არ შეგიძლიათ ყალბი? საკუთარ თავს უფრო და

უფრო მეტ პრობლემას უქმნით და ყველაფერი უფრო გაურკვეველი ხდება.

რაც უფრო ცდილობთ პრობლემის გადაწყვეტას, უფრო ავადდებით, რადგან გულში იცით, რომ ეს სიყალბეა. თქვენ ტაძარში დადიხართ, ერთხელ მაინც თუ ყოფილხართ ტაძარში? ეს ცრუ რელიგიაა, რომელიც მხოლოდ იმისთვის არსებობს, რომ სხვებს დაანახოს თქვენი რელიგიურობა, მაგრამ ეს ხომ არ გშველით! ტაძარშიც მონობა დაგხვდებათ. რიტუალიც მონობაა, ქურუმიც ექსპლუატაციას გინევთ, რადგან იცის თქვენი სისუსტე.

ჩვენ რელიგიასთან ვთამაშობთ და თვითონვე ვიბოჭავთ საკუთარ თავს. აი, რატომაა იესოსა და კრიშნას მსგავსი ადამიანი საშიში, ის არ განებებთ ცრუ ცხოვრებით ცხოვრებას, ის ჭეშმარიტებას გაძლევთ. აი, რატომ ამბობს იესო:

„ის, ვინც ახლოა ჩემთან, ახლოა ცეცხლთან...”

რას ნიშნავს ცეცხლი? ცეცხლში თქვენგან აღარაფერი დარჩება. ბრბო, თქვენში რომ არის, თქვენი უბედურებისა და განცდის მიზეზი, კრისტალიზებულ ცენტრში უნდა გაქრეს.

ცეცხლი ალქიმიური ტერმინია. ყველაფერმა, რაც კრისტალიზაციას საჭიროებს, ცეცხლში უნდა გაიაროს. ოქროსაგან თუ გინდათ რამის გაკეთება, ცეცხლში უნდა გამოადნოთ. იგი თავიდან თხევადი უნდა გახდეს, მერე გაიწმინდება და სუფთა ოქრო გამოვა, შემდეგ კი ჩამოასხამთ საჭირო ფორმით.

მონაფემაც იგივე უნდა გაიაროს – ოსტატი ხომ ცეცხლია და თქვენ თხევადი უნდა გახდეთ, რომ ყველაფერი ცუდი დაიწვას, რის შემდეგაც გაკრისტალდებით.

ოსტატი თავიდან ცეცხლია, შემდეგ კი მისგან უსასრულო სიგრილე მოდის; მაგრამ თავდაპირველად მწველია და გაფრთხობთ. ადვილია, ქურუმთან მიხვიდეთ, რადგან ის ისეთივე ყალბია, როგორიც თქვენ. არავითარი საშიშროება არ არსებობს და თქვენ ეს მოგეხსნებათ. ადვილია რიტუალის შესრულება, რადგან იცით, რომ ის სიცრუეა. მაგრამ იესოსთან მისვლაა ძნელი. თქვენ ცეცხლს უახლოვდებით და რაც უფრო ახლოს ხართ, უფრო მეტად გრძნობთ, რომ იწვით.

მონაფე მართლა ახლოს მიდის, გამბედაობას იკრებს და ოსტატს უფრო და უფრო უახლოვდება. ის გაივლის ცეცხლში, მაგრამ ცეცხლში გავლის შემდეგ იგი უკვე სხვანაირია. უბრალო ლითონი კეთილშობილი გახდა. რკინა ოქროდ იქცა და ეს ტრანსფორმაცია იყო.

როცა მე ტრანსფორმაციაზე ვსაუბრობ, ვგულისხმობ, რომ მას წარსული არა აქვს. წარსულში ხანგრძლივობა თუ არსებობს, მაშინ გარდასახვა არ იქნება. თქვენ, ჩვეულებრივ, სწორედ ამას აკეთებთ ხოლმე. საკუთარ თავს ნაწილობრივ ცვლით, ეს ჭრელი საბანია და არა რევოლუცია. ამიტომ თქვენ არ გარდაისახებით. სადღაც ნაწილობრივ შეიცვლებით, მაგრამ ძირითადი კვლავინდებურად რჩება, რაც ისეთი ძლევამოსილია, რომ ახალი, რასაც გააკეთებთ, დიდხანს ვერ დარჩება. ადრე თუ გვიან ძირითადი შთანთქავს მას და ის ისევ ძველ სახეს დაიბრუნებს.

თქვენ აუმჯობესებთ საკუთარ თავს, მაგრამ ეს ვერ მიგიყვანთ რელიგიამდე, რამეთუ რელიგია გაუმჯობესება არ არის. თქვენ ავადმყოფობა, სნეულება ხართ და ამ სნეულებას აუმჯო-

ბესებთ? თქვენ სიმახინჯეს ალამაზებთ, მაგრამ ავადმყოფობა მაინც რჩება.

გარდასახვას წარსულში არა აქვს ხანგრძლივობა. თქვენ მთლიანად იკარგებით და რაღაც ახალი იბადება, სწორედ ახალ დაბადებასა და აღორძინებაზე გესაუბრებათ იესო. ძველი მიდის, ახალი მოდის. ეს ახალი ძველიდან როდი მომდინარეობს. ის სრულიად განსხვავებულია. აი, რატომაა ეს ახლად დაბადება და არა ძველი, რაც სახეშეცვლილი განაგრძობს არსებობას. ძველი არარაობაში გაქრა. გაჩნდა ახალი, რაც უნინ არ იყო. ეს საბოლოო გათიშვაა, ძველი განშორებულია, მოდის ახალი და მათ შორის მიზეზობრივი კავშირი არ არსებობს.

ამის გაგება გაგიძნელდებათ, რადგან მეცნიერული განათლება თქვენს გონებას მიზეზობრიობით დაბავს. ჩვენ ვფიქრობთ, რომ ყველაფერს თავისი მიზეზი აქვს. ბუდაც და იესოც განპირობებულნი არიან თავიანთი წარსულით, არა! თუ ასე ფიქრობთ, ყველაფერს დაკარგავთ. წარსული უკვე აღარ არის. ბუდა სულ სხვაა, იგი უნინ არ არსებობდა. იყო გაუტამა სიდჰარტჰა, მაგრამ არა ბუდა. ძველი არარაობაში გაქრა, ახალი არაფრიდან მოვიდა.

ახალი ძველიდან არ ჩნდება, ის ძველის ადგილს იკავებს. ძველი უნდა გაქრეს, ახალი კი იპოვის ცარიელ ადგილს გულში და დაივანებს იქ. ეს ჩაბნელებულ, დაგმანულ ოთახს ჰგავს, დარბების გახსნისას ნათლით რომ აივსება. ამ დროს ხომ ვერ ვიტყვით, რომ ნათელი ბნელისაგან იშვა? განა შეიძლება სიბნელემ სინათლით იცვალოს სახე? არა, უბრალოდ ბნელი წავიდა და ნათელი შემოვიდა.

და ამ ნათელს არაფერი აქვს საერთო სიბნელესთან. ის არ შობილა მისგან და სულ სხვაა. ის კართან იცდიდა, კარი გაიღო და ნათელიც შემოიჭრა, საჭიროა მხოლოდ კარის გაღება. როცა მედიტირებთ და ლოცულობთ, თქვენ კარებს აღებთ. ძველი – სიბნელე ქრება და ნათელი იკავებს მის ადგილს და ამ ნათელს არაფერი აკავშირებს წარსულ სიბნელესთან. ისინი სხვადასხვა განზომილებებია.

შეეცადეთ, ჩასწვდეთ ამას, რამეთუ ეს ის სასწაულია, რომელსაც ყოველთვის იძლევა რელიგია. მეცნიერება ვერ იგებს ამას, რადგან იგი ცვალებადობისა და დროის ტერმინებით სარგებლობს, რელიგია კი – დისკრეტულობის, ტრანსფორმაციისა და მუტაციის ცნებებით. არ შეიძლება თანდათან გახდეთ იესო ან ბუდა, რადგან თქვენი „მე“ ბარიერია, რომელიც მთლიანად უნდა დაიწვას. თქვენ უნდა მოკვდეთ და როცა ქრისტე შემოვა თქვენში, თქვენ იქ აღარ იქნებით და იგრძნობთ, რომ წარსული სიზმარი იყო, რომ თქვენ არ იყავით და მაშინ სურვილებთან გაიგივება გაქრება.

იესო ცეცხლს ჰგავს. თუ მას უახლოვდებით, სიკვდილისთვისაც უნდა იყოთ მზად, რადგან იესო თქვენს სიკვდილს ნიშნავს. აღორძინება და განახლება შესაძლებელია მხოლოდ თქვენი სიკვდილის შემთხვევაში, თუ სიკვდილის გეშინიათ, გაექცევით იესოს, არ მიუახლოვდებით მას, ეს საშიშია. იგი უფსკრულს ჰგავს, თქვენ აცახცახდებით და გადაეშვებით.

იესომ თქვა: **„ის, ვინც ჩემთან ახლოა, ახლოა ცეცხლთან...”**

სიკვდილის გვერდით ძველი ქრება, უბრალო მეტალი დნება და იქვე იესო ნიშანდობლივ სიტყვას ამბობს. თუ გაუძლებთ

იესოს ცეცხლის მხურვალეობას, მაშინ შესაძლებელი გახდება განახლება.

„ის, ვინც ახლოა ჩემთან, ახლოა ცეცხლთან და ის, ვინც დაშორდა, შორსაა სასუფეველისაგან...”

თუ მონაფე გაივლის ოსტატის ცეცხლში, მის წინაშე ახალი სამყარო გადაიშლება, ეს იქნება ღვთის სასუფეველი, უკვდავების საუფლო და ჭეშმარიტი სიცოცხლე.

თუ იესოსგან გარბიხართ, ჩვენ გაურბიხართ ცათა სასუფეველს. პრობლემა ის არის, რომ ხან შორდებით და ხან უახლოვდებით ოსტატს. როცა სასუფეველი გიზიდავთ, ახლო მიდიხართ მასთან, მაგრამ მაშინ ცეცხლის მხურვალეობას გრძნობთ და გაქცევას ცდილობთ. ერთხელაც თუ აღმოჩნდებით გასხივოსნებული ადამიანის გვერდით, ეს მთელი ცხოვრების პრობლემად გექცევით, რადგან არ გეცოდინებათ, გაექცეთ, თუ მის გვერდით დარჩეთ. როცა შორს ხართ, იმაზე ფიქრობთ, როგორ მიუახლოვდეთ მას, შორს ხომ მცხუნვარებას ვერ გრძნობთ.

თქვენ ცდილობთ მიაღწიოთ აღთქმულ მხარეს, რადგან ეს თქვენი შესაძლებლობის სრულ რეალიზებას ნიშნავს, ამის გარეშე კი ვერ შობთ და დასაბამსაც ვერ მისცემთ ვერაფერს. უამისოდ უსარგებლოდ, უაზრობად და კომმარად გექცევით სიცოცხლე. თქვენი გზა არსაით იქნება. თქვენ ერთ ადგილზე მორბენალს დაემსგავსებით. ტყუილად რომ ირჯება. მხოლოდ აღთქმულ მხარეში გაიფურჩქნებით და იყვავილებთ.

ეს კი მხოლოდ იმ ადამიანის გვერდითაა შესაძლებელი, ვინც უკვე ყვავის. სწორედ მაშინ გაღვივდება თესლი, როცა ცეცხლში სანართობად მზად იქნებით. მონაფის პრობლემა სწორედ ეს არის. იგი ოსტატთან მიახლოებისას მთელი სხეულით და გო-

ნებით გაქცევაზე ფიქრობს, ცდილობს გამონახოს ამისათვის ყოველგვარი შესაძლო ხერხი, გაქცევისას კი უკან დაბრუნების სურვილი იპყრობს. ამ დროს არის საჭირო საბოლოო გადაწყვეტილების მიღება, რათა უკან გასაქცევი ყველა გზა ჩაიქცეს. მაშინ შუაგულ ცეცხლში აღმოჩნდება და ვერსად გაიქცევა. ამ დროს მართლაც ახლოს ხართ იესოსთან, უკანდასახევი გზაც არ ჩანს. დგება წამი, რომლის შემდეგაც უკან მობრუნება აღარ შეიძლება. როცა ცეცხლში შეხვალთ, შეგიძლიათ სასუფევლის ნათება იხილოთ, ამ დროს ცეცხლი აღარ წვავს და თქვენ ბედნიერი და ნეტარი ხართ. სასუფეველი ახლოს არის და მისი ნათელი გინათებთ გზას. მერე ცეცხლის აღარ შეგეშინდებათ და შვებას იგრძნობთ, რაც ცხოვრებაში ჯერ არ განგიცდიათ. მაგრამ, თუ ცეცხლში შესვლისას გაიქცევით, უბედური იქნებით. თქვენ კი ახლა, სწორედაც რომ, უბედურები ხართ!

თქვენ ახლა ხომ არ მოევლინეთ ქვეყნიერებას. თქვენ დედამინასავით ხანდაზმულნი ხართ, უფრო მეტიც, სამყაროს ასაკისა ხართ. თქვენ უკვე არსებობდით, რადგანაც, რაც ყოფიერებაშია, მასშივე რჩება და არ არსებობს ყოფიერებიდან გასასვლელი გზა. თქვენ ინტეგრალური ნაწილი ხართ ყოფიერებისა და ყოველთვის აქ იყავით, თქვენ იდექით ბუდასა და იესოს გვერდით, მაგრამ თქვენი უბედურება ყოველთვის თან გდევდათ.

იცოდეთ, ერთხელ მაინც თუ აღმოჩნდით ცეცხლთან ახლოს, ამას ვერ დაივიწყებთ. თქვენზე ის მაგნიტივით იმოქმედებს. მიახლოებას დაიწყებთ და რაც უფრო ახლოს იქნებით, უფრო შეგეშინდებათ, რადგან ცეცხლის მხურვალეობას იგრძნობთ და კვლავ გაქცევას დააპირებთ, აი, რატომ დაეხეტებით აქამდე. თქვენ ყალბ ოსტატს ეძებთ, რომელიც არ არის

ცეცხლი; მიდიხართ ქურუმთან; ტაძარში ასრულებთ ცრუ რიტუალებს და ყველანაირ ტყუილ საქმეს, ოღონდ გაექცეთ იესოს და კრიშნას, რამეთუ ჭეშმარიტება მხოლოდ მათთანაა, რასაც ცეცხლში გავლით უნდა მიაღწიოთ. ამიტომ თქვენგან მამაცები ერთხელაც გადანყვეტენ ცეცხლში გავლას.

უნდა განიზმინდოთ და ბოლომდე გაიხსნათ, გახდეთ სიცარიელე, სხვა გზა არ არსებობს და მაშინ აღივსებით ღვთიური შემოქმედების სინათლით, გაქრება ნუხილი, უბედურება და ტანჯვა, და მაშინ მარად ნეტარნი გახდებით. ექსტაზი თქვენს ბუნებაში და თქვენს ყოფიერებაშია. თუ ექსტაზი რაღაცის გამო ხდება, ის არ შეიძლება მარადიული იყოს, რადგან შესაძლებელია დაიკარგოს, ის მხოლოდ ნამიერი იქნება. ნეტარება და ექსტაზი მაშინ იქნება მარადიული, როცა იგრძნობთ, რომ თქვენს არსშია და მაშინ მათ ვერავინ წაგართმევთ. მაგრამ არსი კრისტალიზაციას, განწმენდასა და ალქიმიურ ტრანსფორმაციას საჭიროებს. ძველი უნდა მოკვდეს, ახალი რომ იშვას და ეს მონაფემ უნდა გადანყვიტოს:

„ის, ვინც ახლოა ჩემთან, ახლოა ცეცხლთან და ვინც დამშორდა, შორსაა სასუფეველისაგან...”

როცა ცეცხლის მხურვალეობას იგრძნობთ, გადაეშვით მასში. თუ ვინმე ნუგეშს გცემთ, გაექეციტ მას და გახსოვდეთ, რომ იქ შეიძლება ქურუმი იყოს და არა ოსტატი. ქურუმები ყოველთვის გამშვიდებენ და სწორედ ამიტომ მიდიხართ მათთან, ქურუმი ფსიქოთერაპევტია. იგი გირჩევთ, რომ ილოცოთ და ღმერთი დაგეხმარებათ. თუ სიკვდილის გეშინიათ, სულის უკვდავებას გპირდებათ, გასწავლით, როგორ გათავისუფლდეთ დანაშაულისგან; გეუბნებათ, რომ გაიღოთ გული ტაძრისათვის,

ააშენოთ საავადმყოფო, სკოლა, ემსახუროთ ლატაკებს, დავრდომილებსა და ავადმყოფებს. ეს დამშვიდების გზაა, აქ არ არის ფერისცვალება, შეგიძლიათ დატოვოთ თქვენი სამსახური და ღვთის სახელით სხვას დაუდგეთ ქვეშევრდომებად, მაგრამ ყველაფერი ძველებურად გაგრძელდება.

აღრე ძუნწი იყავით და ფულს აგროვებდით, ახლა გასცემთ, მაგრამ მაინც უწინდელი სახე გაგაჩნიათ. უწინ სხვებს ართმევდით, ახლა გაიღებთ, მაგრამ თქვენი შინაგანი არსი არ გარდაქმნილა. გგონიათ, სიკეთეს ჩადიხართ, მაგრამ ეს მოჩვენებითია.

იმის გამო, ცუდი რომ ხართ, ცდილობთ ანგარიშის გათანაბრებას, მაგრამ თქვენი გონება ისევ გაქნილი და ცბიერი, მათემატიკისა და ბიზნესის ტერმინებითაა სავსე. რა შეიცვალა? აქამდე თქვენთვის ფული იყო მნიშვნელოვანი, რასაც ახლაც არ დაუკარგავს მნიშვნელობა. ის ხომ სხვებისთვის გასაცემად გჭირდებათ. აღრე ფულით იყავით შეპყრობილნი, ასევე ხართ ახლაც, მაგრამ რადგან გასცემთ, გგონიათ, რომ ხალხს ემსახურებით. თქვენი სიხარბე არ გამქრალა. სექსით ცხოვრობდით, ახლა ბრაჰმჩარიაში ხართ. მოგწყინდათ მამაკაცები და ქალები, მაგრამ განა დამთავრდა თქვენი ვნება? ყოველთვის გახსოვდეთ – როდესაც დადებითი უარყოფითად იქცევა, იბადება მცდარი შეგრძნება, რომ გამოიცვალეთ. ეს ყველაფერი თავდაყირა მდგარ ადამიანს მოჰგავს. უწინ იგი ნორმალურად დადიოდა. ახლა კი თავზე დგას, სირშასანს* ასრულებს და ფიქრობს, რომ გამოიცვალა. მაგრამ როგორ შეიძლება თავზე დგომამ კაცი შეცვალოს? ასევეა სექსშიც – შეიძლება აღარ იცხოვროთ ქალთან, მაგრამ უწინდელი ვნება გაგაჩნდეთ.

მოლა ნასრედინის ერთი მოხუცი მეგობარი – აბდულა, ხაჯის დროს სალოცავად მექაში გაემგზავრა, მას ახლადშერთული ახალგაზრდა და მომხიზვლელი ცოლი ჰყავდა. გამგზავრებისას მოხუცი ნუხდა, რომ ცოლს შეეძლო მისთვის ეღალატა. დაამზადებინა ერთგულების ქამარი და ქალს გაუკეთა, მაგრამ არ იცოდა, სად შეენახა გასაღები, თან თუ გაიყოლებდა, მის განწყობას ტვირთად დაანვებოდა უნდობლობა. გასაღები ხომ ყოველთვის გაახსენებდა ცოლსა და მის შესაძლო ღალატს. ამიტომ მან ნასრედინს მიაკითხა, რომელიც გვარიანად მოხუცებული იყო. მისთვის ქალებთან დროსტარების მომენტი გადავიდა. ამ ასაკში ყველა ბრაჰმინარიზე ლაპარაკობს. ნასრედინიც კიცხავდა ახალგაზრდებს და მოუწოდებდა, სიჭაბუკე ფუჭად არ დაეხარჯათ.

ნასრედინს აბდულამ დახმარებისათვის მიმართა და სთხოვა, ერთგულების ქამრის გასაღები შეენახა მისთვის.

ნასრედინმა მიუგო: „მადლობელი ვარ, გაჭირვებულს რომ გაგახსენდი, ჩემზე სანდო კაცს სად ნახავდი“.

დაიმედებული აბდულა გზას გაუდგა, მაგრამ ერთ საათში მას ჯორზე შემჯდარი გაქაფული ნასრედინი დაენია ყვირილით: „მოიცა, აბდულა, შენ გასაღები შეგეშალა“.

უარყოფით გონებას ყოველთვის ასე ემართება, თუ შესაძლებელია ცვლილება დადებითიდან უარყოფითისკენ, შეიძლება პირუკუც მოხდეს. ეს ერთი და იმავე გონების ორი პოლუსია. ალბათ გაცდებით, თუ გეტყვით რომ ბრაჰმინარიები და მონაზვნები გამუდმებით ფიქრობენ სექსზე, თუმცა ყოველთვის აგინებენ მას. შესაძლებელია, წავიდეს ერთი და მეორეც, მაგრამ შეუძლებელს ვერ შესძლებთ – ამოირჩიოთ ერთი და უკუაგ-

დოთ მეორე. უკუგდებული განმტკიცდება, ჩახშობილი აღმოცენდება, შესაძლებელია მოცილება ორივესი, მაშინ თქვენ არც ქალი იქნებით და არც მამაკაცი. სწორედ ეს აქვს იესოს მხედველობაში, ღვთის საჭურისებზე რომ ლაპარაკობს. ამ დროს ორივე პოლუსი გამქრალია. სიხარბიდან თქვენ ქველმოქმედებისკენ გადაინაცვლებთ, მაგრამ მაინც ძუნწად დარჩებით. მე მრავალნაირი ძუნწი ადამიანი შემხვედრია, მაგრამ მათგან ძირითადად ორ ტიპს გამოვყოფ – ნეგატიური და პოზიტიური სიძუნწის ადამიანები. პოზიტიური ძუნწი ფულს აგროვებს. საზოგადოება მისი წინააღმდეგია. ნეგატიური კი გასცემს, საზოგადოება მას მხარს უჭერს, მაგრამ ორივე ძუნწია.

მოლა ნასრედინი მოკვდა. 6 თვის შემდეგ მის ცოლსაც მოუახლოვდა აღსასრული. ისინი მთელ სოფელში ყველაზე ძუნწები იყვნენ. სიკვდილის წინ მოლას ცოლმა მეზობლის ქალს დაუძახა და უთხრა: „შენ უნდა დამმარხო, უნდა გამომანყო ჩემს შავ აბრეშუმის კაბაში, მაგრამ კაბა უხმარია და მეტად ძვირფასი, ამიტომ გთხოვ, ერთი საქმე უნდა გააკეთო – რადგან კუბოში პირალმა ვინვები, მოაჭერი კაბას უკანა ნაწილი, ამას მაინც ვერავინ შენიშნავს და შენთვის რამე შეიკერე“. თავიდან მეზობლებმა ვერ დაიჯერეს ნასრედინის ცოლის ასეთი გულუხვობა. მომაკვდავი კი ისევ უმტკიცებდა: „მომაჭერი, ძალიან ძვირფასი ნაჭერია და გამოგადგება“.

მეზობელი გაჯიუტდა: „აქ შეიძლება მართლაც ვერავინ შენიშნოს, მაგრამ საიქიოში, ოქროს კიბეზე, შენ და ნასრედინი რომ აივლით, ანგელოზები დაგცინებენ“.

ნასრედინის ცოლს გაელიმა და მიუგო: „ანგელოზები მე არც კი შემომხედავენ, ნასრედინიც უშარვლოდ გავასვენე“. ძუნწი

ისევე, როგორც მრისხანე და სექსის მოყვარული ადამიანი, იგივე რჩება, საანინალმდეგო პოლუსისკენ სწრაფვა როდი ცვლის მას. თქვენ ადვილად შეიძლება ეზიაროთ ცრუ რელიგიას, რომელიც გიმტკიცებთ: „გიყვარდეს მოყვასი, ვითარცა თავი შენი და თქვენ დაჯილდოვდებით. თუ აქ ერთ რუპიას გაიღებთ, საიქიოს მილიონს მოგცემენ“. ცრუ რელიგია უბრალოდ გეხმარებათ საანინალმდეგო პოლუსისკენ მოძრაობაში, რაღა თქმა უნდა, ეს ხომ ადვილია.

თქვენი გონებაც ყოველთვის მიისწრაფვის საანინალმდეგო პოლუსისაკენ. მსუნაგი ადამიანი, საჭმელი რომ მობეზრდება, გემოს ველარ ატანს ვერაფერს და ფიქრობს მარხვაზე. რაც სულაც არ ნიშნავს იმას, რომ იგი შეიცვალა. მარხვა, უბრალოდ, კვლავ დაუბრუნებს მადას, სხეული კვლავ დაემშვევა. მარხვა ყოველთვის კარგია ღორმუცელებისთვის. იმიშვილეთ ორი დღე და ნახავთ, როგორ მადიანად შეექცევით საჭმელს. როცა სექსით ცხოვრობთ, სხეული დაკმაყოფილებულია. სექსიც შეიძლება მოგბეზრდეთ, მხოლოდ ერთი დღით. სექსუალური აქტის შემდეგ მამაკაცი ან ქალი ფიქრობს, როგორ მოიშოროს ეს ამოო საქმე. ის ხომ ასე აბსურდული ჩანს. მწვერვალი უკან დარჩა. ახლა მდებლობა დგახართ და გადანყვეტილებას იღებთ, არადა, სწორედ იქცევით. 24 საათში სხეული კვლავ დააგროვებს ენერგიას, მადა დაგიბრუნდებათ და მარხვას დაარღვევთ.

სექსისთვის საჭიროა ერთი დღე-ღამის მარხვა. როგორც კი ენერგიას დააგროვებთ, მაშინვე იმძლავრებს თქვენი სექსუალური ვნება.

მიაქციეთ ყურადღება პოლარობას. ცრუ და ნამდვილი რელიგია არსობრივად ამით განსხვავდება ერთმანეთისაგან. ცრუ

რელიგია გეხმარებათ საწინააღმდეგო პოლუსისკენ მოძრაობაში. ეს ფერიცვალება არ არის. ჭეშმარიტი რელიგიის დახმარებით ორივე პოლუსის დაშლა და დანვა შეგიძლიათ. აი, რატომ არის ჭეშმარიტი რელიგია ცეცხლი. იესო ამბობს:

„ის, ვინც ახლოა ჩემთან, ახლოა ცეცხლთან და ვინც დაშორდა, შორსაა სასუფეველისაგან...”

მაშინ, ყოველნაირი სურვილი – დადებითი თუ უარყოფითი – გაქრება, მოდის სასუფეველი, იგი ყოველთვის თქვენშია. მხოლოდ სურვილების გამო ვერ ხედავთ მას – თქვენ ხომ ვნებებით ხართ შეპყრობილნი.

როცა თვალებს ვნების ლიბრი გადაეცლება, როცა აღარ იცხოვრებთ, სექსით ან ბრაჰმაცარიითი, არ დაიცავთ მარხვას და ღორმუცელაც არ იქნებით, როცა სურვილები გაქრება, მაშინ თვალებს დანახვა ძალუძთ; მაშინ გამოჩნდება ნათელი და ამ ნათელში სასუფეველი ყოველთვის არსებობს. ის თქვენშია, მაგრამ თვალები სურვილებმა დაგივსოთ. სურვილებს კი გულის გატეხვა და ცრემლი მოაქვთ. ვნებები ქმნიან ოცნებებსა და იმედებს.

თვალები დაბინდული რომ გაქვთ, ამიტომ ვერ ხედავთ ვერაფერს.

გასხივოსნებულ იესოს გვერდით ცეცხლში უნდა გაიაროთ. ეს ცეცხლი დაფერფლავს თქვენს ვნებებს, ორივე პოლუსს, ყველა ოცნებას. ვნებები ხომ იმედებით ცოცხლობს. ეს ცეცხლი რეალურად დანვავს მთელ თქვენს წარსულსა და მომავალს. ის მიგიყვანთ მდგომარეობამდე, რომელსაც ჰქვია „აქ” და „ამ წუთში”. უკვე აღარ იარსებებს წარსული და მომავალი. ჩნდება კითხვა: „ახლა საითკენ?” უნდა იმოძრაოთ საკუთარ არსში, რო-

ცა ენერგია ვერ ნახავს გარეთ გამოსავალს, სიღრმისკენ მიიქცევა, იქ, სადაც ღვთის საუფლოა.

იესომ თქვა: **„მოდით ჩემთან, რამეთუ მსუბუქია უღელი ჩემი და მეუფება ჩემი იოლი...”**

ეს სიტყვები ღრმად უნდა გაიაზროთ და დაიმახსოვროთ, რადგან ეს გამოგადგებათ და დაგეხმარებათ.

როცა იესოს მსგავს ადამიანთან მიდიხართ, გიჩნდებათ პრობლემა: „რატომ დავემორჩილოთ ამ ადამიანს?” ეს ხომ მონობას ჰგავს. აქ, ერთი შეხედვით, წინააღმდეგობაა, რადგან იესო ამბობს: **„მე მოვედი, რათა მოგანიჭოთ სრული თავისუფლება”**. შემდეგ კი მოითხოვს მორჩილებას. ეს წინააღმდეგობრივი ჩანს. იესო ამბობს: **„მე მოვედი, რათა გაგათავისუფლოთ”**. თქვენ კი ფიქრობთ: „ეს თუ ასეა, ახლავე მომცემდა თავისუფლებას, ვინც არ უნდა იყოს ის, რატომ დავემორჩილო? რატომ გავიხადო ბატონად. რატომ უნდა იყოს მოძღვარი, ჩემი სულისა და არსების გამგებელი? რისთვის დავემორჩილო? იესო ამბობს: **„მოდით ჩემთან, რადგან მსუბუქია უღელი ჩემი და მეუფება ჩემი იოლი”**. ის იძახის: „დიახ, მე ვიცი თქვენ იგრძნობთ, რომ ჩემთან ურთიერთობა მონობის სახეობაა.” მაგრამ თუ იესომ არ გაათავისუფლათ როგორ მიხვდებით, რომ ეს ქეშმარიტი თავისუფლებაა? თქვენ მხოლოდ მონობას იცნობთ, ყველგან, სადაც კი იყავით, მონობას ეცნობოდით, სიყვარულის სახელით ისწავლეთ მონობა, სიყვარული თავისუფლებას გპირდებოდათ, მაგრამ შეხედეთ ნებისმიერ ცოლ-ქმარს, ორივე მონები არიან და ეს უღელი მეტად მძიმეა. დადიხართ ამ ქვეყანაზე, თავისუფლების საძიებლად და რასაც არ უნდა აკეთებდეთ, სატუსალოებს ქმნით. მონობის ყველა სახეობა თავისუფლების სახელით არსე-

ბობს. ერი – მონობაა, რასა, რელიგია, სიყვარული – მონობის უღელია და ყველას ტვირთად აწევს. მონობის სხვადასხვა სახეობა, შემდეგ კი იესო მოდის და ისიც მორჩილებას გთხოვთ.

იესო თვითონაც არ უარყოფს, რომ ეს მონობაა, რადგან ამ მომენტში, გონების ამ მდგომარეობაში, არ შეგიძლიათ გაიგოთ, თუ რა არის გათავისუფლება. ამიტომ ამბობს იგი: „მოდით ჩემთან, მსუბუქია უღელი ჩემი და მეუფება ჩემი იოლი...“ ეს არის ყველაფერი, რასაც გპირდებათ. იესო არ გეუბნებათ, რომ თავისუფლებას ახლავე გაძლევთ. ეს შეიძლება მოხდეს.

ცხოვრებაში თქვენი უღელი მძიმეა, – ბატონებიც გავინროვებენ და მბრძანებლობენ. ისინი საშიში და ულმოებლნი არიან მძვინვარე ლომებივით. იესო კი გეუბნებათ, რომ იმას, რისი გაგებაც ამ მომენტში შეგიძლიათ, არის ის, რომ მისი უღელი არც მძიმეა და არც ძნელი და როცა ფიქრობთ, რისთვის დავემორჩილოო, მაშინ თქვენ არ ირჩევთ თავისუფლებას. თქვენ რჩებით ძველ მდგომარეობაში – მონობაში, თავისუფლების სახელით, რამეთუ თქვენი გონება და ვნებები მონობის უღელია და მათგან თავი ვერ დაგიღწევიათ გარკვეული დახმარების გარეშე, რომელიც გარედან მოდის.

თქვენ ისე დიდი ხანი იყავით საპატიმროში, რომ იგი საკუთარი სახლი გგონიათ, სატუსალო კი ისე მკვიდრად აგებულა, რომ გარეთ ვინმეს დაუხმარებლად ვერ გამოაღწევთ. თქვენ დაგეხმარებათ სატუსალოდან უკვე გამოსული ადამიანი. ოსტატს მხოლოდ ესა აქვს მხედველობაში. ისიც პატიმარი იყო იმავე სატუსალოში, რომელშიც თქვენ იმყოფებით, მაგრამ რაღაცნაირად გამოიქცა, გამოსასვლელი კარი იპოვა, მოძებნა გასაღები, ახლა კი შეუძლია თქვენ დაგეხმაროს.

თუ ძილს აგრძელებთ, ვერ გამოფხიზლდებით. საჭიროა გარედან დახმარება – მალვიძარაც კი გამოდგება ამისთვის, რადგან მისი ხმა გარედან მოგესმებათ, მაგრამ მალვიძარათი შეიძლება თავი მოიტყუოთ, მოგეჩვენოთ, რომ ეს ციხე კი არა, ტაძარია და ტაძრის ზარები რეკავენ. თქვენ, შეიძლება, იოცნებოთ და ძილი გააგრძელოთ. საჭიროა არა მექანიკური საშუალება, არამედ ცოცხალი ოსტატი, რომელიც ძილს დაგიშლით და ახალი ოცნებების შექმნის უფლებას არ მოგცემთ. იგი იქამდე გაჯანჯლარებთ, სანამ არ გაიღვიძებთ.

იესო ამბობს: ბოლოს და ბოლოს გათავისუფლდებით, მაგრამ ამ ნუთს მე შემეძლია დაგპირდეთ მხოლოდ ერთს, რომ უღელი ჩემი მსუბუქია, თქვენ კი მაინცდამაინც მძიმე უღელს ირჩევთ!

ერთხელ ოფისში ერთი ძალიან გამხდარი და ავადმყოფური იერის კაცი შევიდა და გამგებელს უთხრა: „გავიგე, რომ ლამის დარაჯი გესაჭიროებათ“.

გამგებელმა ეჭვით შეხედა და უთხრა: „დიახ, მაგრამ ჩვენ უფრო სხვანაირი კაცი გვინდა – მოუსვენარი, ურწმუნო, ეჭვიანი, ყოველთვის ხიფათს რომ ელის, რომელსაც უდროოდ თუ გააღვიძებ, ხორცშესხმული ეშმაკი ხდება“.

ეს კაცი ჩუმად ადგა და თქვა: „კარგი, მაშინ ჩემს ცოლს გამოგიგზავნით“.

აი, სწორედ ასე ფიქრობენ ცოლ-ქმარი ერთმანეთზე. ცოლ-ქმრობა მართლაც მძიმე უღელია. ასეთივე არის დანარჩენი სურვილები და სტიმულები, რომელთაც მუდამ ფუჭი და ამაო მიზნებისაკენ მიჰყავხართ. და თუ ვერ მიდიხართ მიზანთან, ეს უბედურებაა, მიდიხართ და იმედი გიცრუვდებათ. ყოველი ვნე-

ბა აქ თქვენი ბატონია. ვნება კი მილიონია და თქვენ მილიონობით ბატონს ემონებით. თვითოეული ვნება თავისი მიზნებისკენ გიბიძგებთ ისე, რომ თქვენზე არც კი დარდობს და თუ თქვენ არ დაჰყვებით მის სურვილს, ეს უბედურებაა, რადგან ვნება ასე იოლად არ დაგტოვებთ, რამეთუ ბატონის ღირსებას ეხებით, ხოლო თუ მის სურვილს დაჰყვებით, მაშინ იმედი გაგიცრუვდებათ, რადგან ეს მიზანი ვნების მიზანია და არა თქვენი. საკუთარი მიზანი საიდან გეცოდინებათ, როცა არ იცით, თავად ვინ ხართ.

მორჩილება ნიშნავს მილიონი პატრონის მაგივრად ერთი ოსტატის ბატონად არჩევას. მისი ბატონობა იოლია ბევრი რამის გამო, უმთავრესი კი ის არის, რომ მოძღვარი ერთია. ორ ბატონს რომ ემსახუროთ, უბედურებას გადაეყრებით. უფრო მეტი ბატონის არსებობისას – უფრო მეტი გაუგებრობა იქნება. ისინი სხვადასხვა მიმართულებით გიბიძგებენ და მათი მოძრაობების შესრულებისას ქაოსად იქცევიან.

ამის გამო გიჟდება ხალხი, რადგან მათ არ უწყიან, რა მოიმოქმედონ, ვის გაჰყვნიან ან ვინ უარყონ.

თუ მთელ დროს სექსს უთმობო, ფულს ვერ მოაგროვებთ. ძუნწები ყოველთვის ანტისექსუალურები არიან, ეს ასეც უნდა იყოს. მათი მთელი ენერჯია ფულის მოხვეჭას ხმარდება. ძუნწები საყვარლადაც არ ივარგებენ, ხოლო ის, ვინც სექსით ცხოვრობს, ვერასოდეს მოიხვეჭს სიმდიდრეს, რაც აქვს, იმასაც გაანიავეს.

თქვენში ვნებების ზემოქმედებით უამრავი აზრი ირევა – სიმდიდრის მოხვეჭისა, დროის გატარებისა, მიზნის მიღწევისა და ა.შ.

ვნებებს შორის ყოველთვის კონფლიქტია. შიში კონფლიქტშია მრისხანებასთან. რა უნდა ქნათ? ასეა ბევრი ბატონი და ერთი ყმა. კარგია, როცა ერთ ოსტატს ირჩევთ. ბოლოს და ბოლოს, გაქრება მილიონობით ხმა და ბრძანება. მხოლოდ იესოს უნდა გაჰყვეთ, შეგიძლიათ, მხოლოდ მას გადააბრალოთ მთელი პასუხისმგებლობა. ის ამბობს, რომ მისი უღელი მსუბუქია. რატომ? იმიტომ, რომ ის გთხოვთ დაემორჩილოთ ისე, რომ გათავისუფლდეთ სხვა ბატონებისაგან. მაშინ იესო მაშინვე მოგაშორებთ თავის უღელსაც. ეს მხოლოდ დროებითი მოვლენა და გადასასვლელი ხიდია. როგორც კი ვნებებს მოიშორებთ, მორჩილება აღარ იქნება საჭირო. ოსტატი თვითონ გეტყვით, რომ მორჩილება განაგდოთ, რადგან ახლა თვითონ ხართ საკუთარი ნათელით გასხივოსნებული.

იესო ამბობს: „...ის, ვინც დარწყულდება ჩემს ბაგეთაგან, გახდება ჩემნაირი და მე შევიქნები მისი მსგავსი და დაფარული გაცხადდება მისთვის...”

მორჩილება მონაფის ოსტატობისკენ გადასასვლელი ხიდია, რადგან როცა მორჩილება სრულია, იმავე წამს იგივედებით ოსტატთან, მაშინ აღარ არის კონფლიქტი. აღარ არის „ეგო“. მორჩილება ნიშნავს, რომ თქვენ ამბობთ: „მე აღარ ვარ, ხარ შენ. წამიყვანე, საითაც გინდა! მე მოგდევ ჩრდილივით. დაბრმავებული ვარ და არაფერზე ვიტყვი „არას“, ჩემი „დიახ“ საბოლოო და აბსოლუტურია”.

აბსოლუტური „დიახ“ მორჩილებაა. რას ნიშნავს ეს? თქვენში აღარ არის „ეგო“, თქვენში ახლა იესო შემოდის და მისი ნათელით ივსებით.

რატომ გეშინიათ მორჩილების? იმიტომ, რომ თუ თქვენში კარი ღიაა, თქვენ ადვილად გადასალახი გახდებით. თქვენ გარე სამყაროსი გეშინიათ. ისე დიდხანს ცხოვრობდით ჩარაზულ და ბნელ ოთახში, ისე შეეჩვიეთ მას, რომ თვითონ გახდით სიბნელე. თქვენ გეშინიათ სინათლის. იგი ისე დაგაბრმავებთ, რომ თვალებს დახუჭავთ. გეშინიათ, რომ თუ დამორჩილდით, უცნობ გზას გაუდგებით. გონებაში ყოველთვის გეშინიათ გაუცნობიერებლისა, მაგრამ ღმერთი შეუცნობია. შეუცნობია იესოც, იგი შეუცნობლის სხივია. მზე შეიძლება შორს იყოს, მაგრამ მისი სხივი გადატყდეს თქვენს კართან. მორჩილება ამ სხივისთვის კარის გაღებას ნიშნავს.

„...ის, ვინც დარწყულდება ჩემს ბაგეთაგან, გახდება ჩემნაირი და მე შევიქნები მისი მსგავსი და დაფარულნი გაცხადდება მისთვის...”

ეს აზრით სავსე და სიმბოლური სიტყვებია. შეყვარებულები ერთმანეთის ბაგეთაგან რწყულდებიან. კოცნა სწორედ დარწყულებას ნიშნავს. კოცნა ბაგეების, ერთიმეორის სხეულის ხმაა და ყველაზე ძლიერმოქმედი საშუალება. ვერანაირი ალკოჰოლი ვერ შეედრება მას... მაგრამ იგივე მოვლენა ხდება გულის სიღრმეშიც, სადაც მონაფე ოსტატის არსს შეხვდება, სადაც ისინი ეალერსებიან ერთმანეთს. ზუსტად ამას გულისხმობს იესო თავის სიტყვებში.

იგი ხშირად სარგებლობს ჭამა-სმის სიმბოლური ტერმინებით და ამბობს: „დაპურდით ჩემით, შემსვით მე, გაიჟღინთეთ ჩემით მთლიანად“. ამაშია ჭამა-სმის აზრი: „მომეცით უფლება, თქვენში ვიყო; ისე გამომწურეთ, რომ თქვენი არსებობის ნაწილი გავხდე“. მაშინ აღარ იქნება ოსტატი და მონაფე, მათ შორის

განსხვავება გაქრება. უკვე აღარ იქნება არც ბატონი და არც ყმა. მოწაფე თვითონ გახდება ოსტატი. მაშინ მე – თქვენ ხართ. მაშინ იესო – თქვენ ხართ. მაშინ ის ხდება თქვენ, თქვენ – ის. განსხვავება არ არის.

მორჩილება ნიშნავს, რომ თქვენ გაანადგურეთ არსებული განსხვავება, რომ თქვენ მზად ხართ შეხვედრისათვის. ეს შეეყვარებულების მსგავსად ხდება. ჩვეულებრივ ფიზიკურ სიყვარულშიც კი თქვენი „ეგო“ მორჩილი უნდა გახდეს, შეიძლება ერთი წამით, მაგრამ ეს აუცილებლად უნდა გააკეთოთ. ერთი წამით მაინც უნდა გაერთიანდეთ შეყვარებულთან, ერთი წამით მაინც უნდა შეერთდეს თქვენი სხეულები. წამის შემდეგ განცალკევდებით და ისევ ორ სხვადასხვა არსებად იქცევით. სხეულები მარადიულად ვერ გაერთიანდებიან, ეს მხოლოდ სულებს ძალუძთ.

სხეული მყარია. სხეულები უახლოვდებიან ერთმანეთს, მაგრამ ჭეშმარიტად როდი შეერწყმიან ერთმანეთს, სული კი სინათლეს ჰგავს. როცა სანთელს აანთებთ ბნელ ოთახში, ოთახი ნათდება, მეორე სანთელს აანთებთ და სინათლე მატულობს. განასხვავებთ პირველ სანთელს მეორისაგან? მათი სინათლეები ერთმანეთს ერწყმება. როცა მოწაფე ოსტატს საკუთარ არსში შეღწევის უფლებას აძლევს, ეს სექსუალურ ურთიერთობას ჰგავს, მაღალ საფეხურზე. მოწაფე ქალური ნაწილი ხდება, ამიტომ არის საჭირო მორჩილება.

ქალი ხომ მაშინ აღწევს მწვერვალებს, როცა მორჩილი და მოყვარულია. ქალი არ არის აგრესიული, მამაკაცისგან განსხვავებით, მას პასიური როლი აქვს. მოწაფე ქალს უნდა ემსგავსოს,

პასიური, დამთმობი უნდა იყოს, ხოლო ოსტატი – მამაკაცური ფენომენის მსგავსი.

გასაგებია, რომ ამის გამო ქალები ნაკლებად იყვნენ ოსტატები, ეს თითქმის შეუძლებელია და ძალიან იშვიათად ხდება.

ერთხელ ქაშმირში ერთი ქალი ცხოვრობდა, სახელად ლალი. დღესაც იქ ანდაზასავით იტყვიან ხოლმე: „კადირმა ორი სახელი იცის: ალაჰი და ლალი“. ლალი წარმოუდგენლად იშვიათი ქალი იყო, ქალური არაფერი ჰქონდა. მთელი ცხოვრება შიშველი დადიოდა, იყო ძალიან აგრესიული და მამაკაცის გონება გააჩნდა. მას მონაფეებიც ჰყავდა.

ქალი – ოსტატი იშვიათია, სამაგიეროდ, მონაფე ქალი ოთხჯერ მეტი, ვიდრე მამაკაცი. შეფარდება ასეთია 4:1. მაჰავირის 50 ათასი მონაფიდან 40 ათასი ქალი იყო. მამაკაცი – მონაფე ქალს ვერ შეედრება, რადგან ვერ გახდება ქალივით მორჩილი და დამთმობი. მამაკაცის გონების ტიპი აგრესიულია. მონაფეს უკეთესია ჰქონდეს ქალური გონება, ხოლო ოსტატს – მამაკაცური. ქალი ინიციატივას თითქმის არასდროს იჩენს. წინააღმდეგ შემთხვევაში, ის აღარ არის ქალური და მამაკაცი მას არ შეიყვარებს. თუ ქალი მოდის და გთავაზობთ თავს, თქვენ განზე იწევით. ქალი ელოდება, ნატრობს და ოცნებობს, მაგრამ იგი იცდის. შეთავაზება მამაკაცის საქმეა. მამაკაცმა უნდა აიღოს ინიციატივა, ქალი კი პატარა ბავშვივით უნდა იქცეოდეს, ვითომ არ ესმის მამაკაცის სიტყვები, სინამდვილეში კი გეგმავს, ნატრობს და ელის მასთან შეხვედრას.

მოლა ნასრედინი ცოლთან ერთად ბაღში, პალმების ჩრდილში, სკამზე ისვენებდა. მეორე მხრიდან მათ ახალგაზრდა წყვილი მოადგა. ვაჟმა იქვე რომანტიკულად დაუწყო ქალს სიყვარულის

ახსნა. მოლას ცოლი აღელდა და ყურში ჩასჩურჩულა ნასრედინს: „მე მგონი, აქ რომ ვართ, ვერ გვამჩნევენ. დაუსტვინე და მიახვედრე რომ აქ ვართ, რამე უკადრისი არ ჩაიდიონო“.

ნასრედინმა უპასუხა: „რატომ უნდა დავუსტვინო? მე ხომ არავის გავუფრთხილებივარ სტვენით, როცა ბაღში სიყვარულს გიხსნიდი და გკოცნიდი“.

ქალი ელის, მასშია საშვილოსნო. მისი არსი, მისი სხეული მოლოდინია. მოწაფეც ქალს უნდა ემსგავსოს. მან ოსტატი თავდავინყებით უნდა შეიყვაროს, მაშინ მოხდება შეხვედრა, უმაღლესი სულიერი არსის შერწყმა, რაც სექსუალურ შეღწევას ჰგავს, მაგრამ უფრო ეგზისტენციალურს, სხეულის გარეშე, ამ შეხვედრიდან მოწაფე ხელმეორედ იბადება, იგი ორსულდება, რათა საკუთარი თავი ხელმეორედ შვას და საკუთარ ახალ არსს ატარებს საშვილოსნოში.

მთელი დრო მოწაფეობისა, ოსტატთან ყოფნისა, ნაყოფის მუცლით ტარების პერიოდია, რაც მხოლოდ დიდმა რწმენამ შეიძლება შეგაძლებინოთ. თუ ეჭვობთ, ეს შეუძლებელია, რადგან მაშინ თავს იცავთ, აბჯარს ისხამთ და ფარს იფარებთ.

იესომ თქვა: **„ის, ვინც დარწყულდება ჩემს ბაგეთაგან,**

გახდება ჩემნაირი და მე შევიქმნები მსგავსი მისი

და დაფარული გაცხადდება მისთვის.“

როგორც კი მორჩილნი გახდებით, ოსტატი თქვენთვის კარად იქცევა, რითაც ხსნით სინათლის, ცხოვრებისა და ნეტარების სამყაროს. ინდუსები ამას „სატჩიტანანდას“ უწოდებენ, რაც ჭეშმარიტ ყოფას, ცნობიერებასა და ნეტარებას ნიშნავს. როცა თქვენ სატჩიტანანდას მიაღწევთ, გასხივოსნდებით და შეგიძ-

ლიათ სხვებსაც დაეხმაროთ ცეცხლში გასვლაში, აბსოლუტური გამობრწყინების დანახვაში, უკანასკნელი ზღვრის მიღწევასა და მასში შერწყმაში.

მაგრამ სანამ ოსტატი გახდებით, თქვენ მონაფე უნდა იყოთ. სანამ სწავლა შეგიძლიათ, უნდა ისწავლოთ და სანამ სხვების დახმარებას შესძლებთ, იქამდე თვითონ ხართ დასახმარებელი. თქვენ ნება უნდა დართოთ ვინმეს, სერიოზულად დაგეხმაროთ, ხოლო ასეთი დახმარება მხოლოდ მაშინაა შესაძლებელი, როცა თქვენ აღარ არსებობთ, რადგან თქვენ ახლა დაბრკოლება ხართ. გაუცნობიერებლობისგან გაჩენილი შიშის გამო, სულიერი ზრდის გზაზე მუდამ ბარიერებს ქმნით – ეჭიდებით რაცნაობას, ამით ხელს უშლით შეხვედრას, რადგან ოსტატი უცნობია. რჩებით წარსულში, ნაცნობ სამყაროში. შეხვედრა კი მაშინაა შესაძლებელი, როცა უცნობი ნაცნობს ხვდება. ნაცნობი დაინვება, გაქრება, მას ველარ იპოვით. ეს მზის სინათლის ბნელში შესვლას ჰგავს, სიბნელე რომ ქრება.

იყავით სიბნელე ოსტატის წინაშე, იყავით თავმდაბალი და კარგად შეიცანით საკუთარი უვიცობა. მაშინ იესო შეგიცვლით ფერს. ის კატალიზატორია, მორჩილება გცვლით და გასხვიოსნებთ. თუ შეგიძლიათ მორჩილებდეთ კოსმოსს, მაშინაც იგივე ხდება, მაგრამ ძალიან გიძნელდებათ იმიტომ, რომ არ გეყოლებათ მორჩილების ობიექტი. ეს ძალიან ძნელი იქნება. ამიტომ არის ქრისტე საჭირო. ის ამ შემთხვევაში სწორედ ასეთი ობიექტია. კიდევ მინდა გიამბოთ ერთ უცნაურ მოვლენაზე, ხანდახან რომ ხდება. შეიძლება მორჩილებდეთ ცრუ ოსტატს და გახდეთ გასხვიოსნებუნი, თუმცა თვითონ „ოსტატი“ ასეთი არ არის. ასე მოხდება იმიტომ, რომ მთავარი მორჩილებაა. გარდასახვა

მორჩილების გზით ხდება. ოსტატი მხოლოდ ობიექტია და ჭეშმარიტია თუ ცრუ, დიდი მნიშვნელობა არ აქვს. როცა მორჩილი ხართ, თქვენ წინ კარი ღიაა. დიდად ნუ იწუხებთ თავს იმაზე ფიქრით, თუ ვის დამორჩილდეთ – უბრალოდ, იფიქრეთ სრულ მორჩილებაზე. ამიტომ ეს შეიძლება მოხდეს ქვის ქანდაკების ან ხის წინ. ასეთი რამ ბოდჰის ხის ძირას მოხდა და ამიტომ სცემენ პატივს ბუდისტები ამ ხეს. საკმარისია იმის შეგრძნება, რომ ბუდამ თავის მდგომარეობას ამ ხესთან მიაღწია და თქვენ ხეს ემორჩილებით.

მორჩილებაა მთავარი, ყველა დანარჩენი მხოლოდ გეხმარებათ ამაში. თუ იპოვით ჭეშმარიტ ოსტატს, ხომ კარგი. თუკი ვერ შესძლებთ ამას, ძალიან ნუ აღელდებით, დაემორჩილეთ იმას, ვინც თქვენ მოგწონთ, მაგრამ ეს მორჩილება ყოვლისმომცველი უნდა იყოს. თუ მორჩილება ნაწილობრივია, მაშინ იესო და ბუდა ვერ დაგეხმარებიან და თუკი მთლიანია, ისინიც რომ არ იყვნენ, უბრალო ადამიანიც დაგეხმარებათ.

შეიძლება ეჭვი შეგეპაროთ ამ უბრალო ადამიანის ჭეშმარიტ ოსტატობაში. ჯერ ერთი, სანამ არ დამორჩილდებით, ამას ვერც გაიგებთ. დასარწმუნებლად სხვა მეთოდი არ არსებობს. პუდინგის გემო თუ გაინტერესებთ, უნდა გასინჯოთ.

თქვენ უნდა დაპურდეთ და დარწყულდეთ იესოთი – ეს არის ერთადერთი გზა. თქვენ გარდაისახებით, თუ დაუჯერებთ და დაემორჩილებით მას. მაშინ მრავალი დაფარული განზომილება გაიხსნება თქვენ წინაშე, ცხოვრება, რომელსაც უყურებთ, ჯერ კიდევ ყველაფერი არ არის, ეს მხოლოდ მცირე ნაწილია, მთელის ატომური ნაწილი. სიამოვნებები, რომლებსაც ეზიარეთ, უბრალოდ უაზრობაა. მათში ნეტარების ერთი სხივიც კი არ გა-

მოკრთის, რომელიც დაბადებიდან გეკუთვნით. თუ ჭეშმარიტ, თქვენთაგან დაფარულ საუნჯეს იხილავთ, სხვა ყველაფერი ხარახურად მოგეჩვენებათ. მთელ ცხოვრებას სილატაკეში ატარებთ, იმპერატორი კი თქვენს გულშია და გელოდებათ. აი, რას ეძახის იესო სასუფეველს! ნუ იქნებით ღარიბები, როცა შეგიძლიათ მეფე იყოთ! ამისათვის კი გამბედაობაა საჭირო. სიღუბსჭირეს გამბედაობა არ სჭირდება, სამაგიეროდ, მეფობა თუ გსურთ, უნდა გარდაისახოთ. და მე კიდევ გავიმეორებ იესოს სიტყვებს:

„ის, ვინც ახლოა ჩემთან, ახლოა ცეცხლთან, და ის, ვინც დამშორდა, შორსაა სასუფეველისაგან...“

„მოდით ჩემთან, რადგან მსუბუქია უღელი ჩემი და მეუფება ჩემი – იოლი...“

„... ის, ვინც დარწყულდება ჩემს ბაგეთაგან, გახდება ჩემნაირი და მე შევიქმნები მისი მსგავსი, და დაფარულნი გაცხადდება მისთვის...“

*1974 წლის 5 სექტემბერი
პუნა, ინდოეთი*

საუბარი მეჩვიდმეტე

მეჩვიდმეტე შეგონება

იესომ თქვა:

„– ნეტარ არიან მარტოსულნი და რჩეულნი, რამეთუ ჰპოვებენ სასუფეველს ცათა შინა, რამეთუ იქიდან მოდიან და კვლავაც იქ შევლენ“.

(თომა, 54)

იესომ თქვა:

„– თუ გეკითხებიან: „საიდან მოხვედით“, უთხარით, რომ სინათლიდან მოხვედით, იქიდან, სადაც სინათლემ თავისი თავი შვა. თუ გეკითხავენ: „რა ნიშნით ჰგეგვხართ მამას“, უპასუხეთ, რომ მოძრაობითა და სიმშვიდით“.

(თომა, 55)

ადამიანის ყველაზე ღრმად დაფარული მოთხოვნილება თავისუფლებაა. თავისუფლება, ანუ მოკმა არის მიზანი. იესო მას ღვთის სასუფეველს უწოდებს. თქვენ არსებობთ, როგორც უსასრულობა, არავითარი გზები და საზღვრები არ გაკავებთ, არავის უპირისპირდებით, ხართ ისე, როგორც იქნებოდით მარტოდ მყოფნი.

თავისუფლება და მარტოობა ერთი და იმავე მდგომარეობის სხვადასხვა ასპექტია. აი, რატომ უწოდებს მაჰავირი თავის კონცეფციას კაივალის მოკმას. კაივალის ნიშნავს სრულიად მარ-

ტო ყოფნას, თითქოს სხვა არავინ არსებობდეს. ვინ იქცევა ამ მდგომარეობაში თქვენთვის ბორკილად? აი, რატომაა, რომ ვინც თავისუფლებას ეძებს, მან უნდა მიაგნოს თავის მარტოობას. მაძიებელმა ადამიანებმა უნდა მიაგნონ მარტოობისკენ სავალ გზას, აზრსა და მეთოდს. ადამიანი დაბადებულია, როგორც სამყაროს ნაწილი. ის აღზრდილია არა როგორც მარტოსული, არამედ როგორც საზოგადოებრივი არსება.

ყოველგვარი განათლებისა და კულტურის მიზანი ის არის, თუ როგორ აქციონ ბავშვი საზოგადოების ნაწილად, როგორ მიუსადაგონ იგი სხვებს. აი, რას უწოდებენ ფსიქოლოგები შეგუებას, ხოლო როდესაც მარტოსულია ვინმე, ის შემგუებლად არ გამოიყურება.

საზოგადოება ბევრი პიროვნებისთვის არსებობს, როგორც რაღაც ქსელი, როგორც მოდელი და ბრბო. აქ შეგიძლიათ ძალიან ძვირად მოიპოვოთ ცოტაოდენი თავისუფლება. თუ საზოგადოებას მიჰყვებით, ის მოგცემთ თავისუფლების ციციქნა სამყაროს. თუ მონა ხდებით, გეძლევათ თავისუფლება, მაგრამ ის ნებისმიერ წამს შეიძლება წაგართვან. ასეთ თავისუფლებას დიდი ფასი აქვს – შეგუება სხვებთან. ასე რომ, საზღვრები შეკრულია.

საზოგადოებაში ვერავინ იქნება აბსოლუტურად თავისუფალი. სხვების არსებობა თავისთავად წარმოქმნის უბედურებას. სარტრი ამბობს: „სხვა – ეს არის ჯოჯოხეთი“, და ის მთლიანად მართალია – სწორედ სხვა ქმნის თქვენში დაძაბულობას, სხვების გამო ღელავთ თქვენ ასე. უსასრულო შეჯახებები გრძელდება – სხვაც ხომ, თქვენს მსგავსად, აბსოლუტურ თავისუფლებას ეძიებს. თითოეული საჭიროებს სრულყოფილ თავისუფლებას, რაც მხოლოდ ერთისთვის არსებობს.

თქვენი ე. წ. მეფეებიც კი არ არიან და ვერც იქმნებიან მთლად თავისუფალნი: ისინი, შესაძლოა, ტოვებდნენ შთაბეჭდილებას, ვითომ თავისუფალნი არიან, მაგრამ სინამდვილეში ეს სიყალბეა. ისინი დამოკიდებულნი არიან სხვებზე, მათი თავისუფლება მხოლოდ ფასადია. მაგრამ იმ განზრახვით, რომ მოიპოვონ აბსოლუტური თავისუფლება, ადამიანებს სურთ მეფობა და იმპერატორობა. იმპერატორი კი ყალბად შეიგრძნობს თავისუფლებას.

ღარიბს თავისი გასაჭირი ბორკილად ექცევა, ის ვერ უმკლავდება გაჭირვებას. საითაც არ უნდა წავიდეს, ყველგან კედელია, რომლის გადალახვაც მას არ ძალუძს. ამიტომ არსებობს სიმდიდრისკენ მისწრაფება. სინამდვილეში ეს არის აბსოლუტური თავისუფლებისკენ შინაგანი მისწრაფება. ყველანაირი ვნება და აღზნება აქედან წარმოიშობა. მაგრამ თუ ყალბი მიმართულებით მოძრაობთ, ვერასოდეს მიაღწევთ მიზანს. თუ თავიდანვე არასწორი მიმართულებით მოძრაობთ, ყველაფერი პირველივე ნაბიჯიდან იკარგება.

ძველებრაულ ენაში სიტყვა „ცოდვას“ მშვენიერი მნიშვნელობა აქვს და „მიზანდაკარგულს“ ნიშნავს. ცოდვილი ის არის, ვისაც გზა აებნა, ვინც დაკარგა მიზანი. რელიგია კი – მხოლოდ საშუალებაა სწორ გზაზე დასაბრუნებლად. ამიტომ რელიგია ანტიისოციალური ძალაა. თვით მისი ბუნებაა ანტიისოციალური, რადგანაც საზოგადოებაში სრული თავისუფლება შეუძლებელია.

ფსიქოლოგია საზოგადოების სამსახურშია. ფსიქიატრი ცდილობს ნებისმიერი საშუალებით კვლავ შეგაგუოთ საზოგადოებას. ის თქვენ გაძლევთ ცოტაოდენ თავისუფლებას ისე,

რომ ხელს არ შეუშლის თქვენს დამონებას. ეს თავისუფლება მხოლოდ მონყალეა. ფსიქიატრს ნებისმიერ მომენტში შეუძლია წაგართვათ იგი. თუ ფიქრობთ, რომ ნამდვილად თავისუფალი ხართ, მალე შეიძლება ციხეში აღმოჩნდეთ. პოლიტიკა, ფსიქოლოგია, კულტურა და განათლება საზოგადოებას ემსახურება. მხოლოდ რელიგიაა მუდამოხე. საზოგადოებამ მოგატყუათ და შექმნა საკუთარი რელიგიები; ქრისტიანობა, ბუდიზმი, ისლამი და სხვ. ყველაფერი ეს სოციალური ილეთებია.

იესო ანტისოციალური პიროვნებაა! იგი დაკავშირებულია ანტისოციალურ ელემენტებთან. იესო მოხეტიალე და საზოგადოებისაგან გარიყული იყო. იგი არ ემორჩილებოდა და ვერ ეგუებოდა საზოგადოებას. მან შექმნა სხვა საზოგადოება – მიმდევართა პატარა ჯგუფი.

აშრამებიც* ანტისოციალური ძალაა, ოლონდ, რასაკვირველია, არა ყველა აშრამი, რადგან საზოგადოება ყოველთვის ცდილობს, ყალბი მონეტა მოგაჩეროთ. ას აშრამში ერთია ნამდვილი, ესეც უკვე ბევრია და ეს ერთი აშრამი არსებობს, როგორც ალტერნატიული საზოგადოება. ის უპირისპირდება საზოგადოებას, რომელსაც იესო უწოდებდა „ისინი“ – უსახელო ბრბოს.

არსებობდა სპეციალური სკოლები, მაგალითად, ბუდას ბიხარის მონასტერი, რომლებშიც ქმნიდნენ. ადამიანთა თანაარსობრივ ჯგუფებს. ამ სკოლებში შეიმუშავეს სხვადასხვა ხერხი და საშუალება, რათა ადამიანი ჭეშმარიტ და სრულიად თავისუფალი არსება გამხდარიყო, ამ სკოლებში ადამიანი უსაზღვრო და ყოვლისმომცველი უნდა ყოფილიყო.

ბუდაც ანტისოციალური ელემენტია, მაგრამ ქრისტიანობა და ბუდიზმი არ არის ანტისოციალური რელიგიები. საზოგადოება დაუყოვნებლივ შთანთქავს ყველაფერს. სოციალური მოვლენა ქმნის ფასადს, გაძლევთ ყალბ მონეტას და მაშინ ბედნიერი ხართ იმ პატარა ბავშვივით, მატყუარა საწოვარით რომ გააჩუმეს.

ბუდიზმი, ქრისტიანობა, იუდაიზმი და ყველა სხვა „იზმი“ უბრალოდ, მატყუარა საწოვრებია, ისინი დამანყნარებელი საშუალებებით ცდილობენ გამოგიმუშავონ მტანჯველ, მონურ გარემოცვასთან შეგუების უნარი. თქვენ გრძნობთ, თითქოს ყველაფერი წესრიგშია. ეს რელიგიები ტრანკვილიზატორები და ნარკოტიკული საშუალებებია.

დიახ, ქრისტიანობაც ნარკოტიკია, იგი უფრო ძლიერად გაბრმავებთ, თქვენ არ შეგიძლიათ დაინახოთ, რა ხდება თქვენ გარშემო, ვერ იგრძნობთ, როგორ იხარჯება თქვენი სიცოცხლე. თქვენ ვულკანზე იმყოფებით. ქურუმები კი გიმტკიცებენ, რომ ყველაფერი რიგზეა და ისინი იზრუნებენ თქვენთვის – ამ ცხოვრებაშიც და საიქიოშიც. თქვენც მათ ყველაფერს ანდობთ. ამიტომ ხართ ასე უბედურნი.

საზოგადოება ვერ გაქცევთ სრულიად თავისუფალ ადამიანებად. სადაც არ უნდა წახვიდეთ, ყველგან საზოგადოებას წაანყდებით. ბუნებაშიც კი საუბარს დაიწყებთ ხეებთან, ფრინველებთან და ცხოველებთან, რამეთუ ძალიან ძნელია მარტო ყოფნა. მეგობრებად გაიხდით ფრინველებს, ცხოველებს. ყოველ დილით დაელოდებით ჩიტს, რომელიც დილაობით მოფრინდება და გიგალობებთ. თქვენ კვლავ გახდებით ვილაცაზე დამოკიდებული, ვინაიდან სხვა ჩაერთვება თქვენში. შეიგნეთ,

რომ საზოგადოება არ არის თქვენ გარეთ, ის თქვენშია და სანამ ძირეულ მიზეზებს არ აღმოფხვრით, სადაც არ უნდა ნახვიდეთ, საზოგადოება თქვენთან იქნება.

ჰიპების კომუნაში რომ შეხვიდეთ, თქვენთან ერთად საზოგადოებაც შემოვა და სოციალურ ძალად იქცევა. ამრამშიც ასევე მოხდება, მაგრამ ეს საზოგადოება კი არ არის, რომელიც თქვენ მოგყვებათ, ეს თქვენ თვითონ ხართ, თვითონვე ქმნით თქვენ გარშემო საზოგადოებას და თქვენშია დაფარული მისი თესლი. ამიტომ, სანამ მთლიანად არ გარდაისახებით, ვერასოდეს გამოეყოფით საზოგადოებას, თუმცა მრავალჯერ შეიცვალა საზოგადოების ფორმები, მაგრამ მისი ძირითადი სახე იგივე დარჩა.

საზოგადოება დაბრკოლებას, ჰიმაღლის მთებშიც კი ვილაცას დაელოდებით, სულერთია ვის – მგზავრს, გზად მომავალ მონადირეს თუ სხვას. ადამიანის გამოჩენა მოგანიჭებთ ცოტაოდენ ბედნიერებას, რადგან მარტოობაში სევდიანი ხართ და შეხვედრისგან რაიმეს გაიგებთ. ყოველ შემთხვევაში, მისი ორიოდე სიტყვაც თქვენი მარტოობის წამალი იქნება. რატომ? ფესვი უნდა დაინახოთ ამის, რათა გასაგები გახდეს.

თქვენ გსურთ, რომ იყოთ საჭირო ვინმესთვის და შინაგანად მოითხოვთ ამას, როცა არავის სჭირდებით, თავს უსარგებლოდ გრძნობთ. თუ ვინმეს სჭირდებით, თქვენი ცხოვრებაც შინაარსიანი ხდება და გგონიათ, რომ დიდი პასუხისმგებლობით ასრულებთ მოვალეობას, მაგრამ ეს ხომ ტყუილია!

უბრალოდ, წარმოიდგინეთ, რომ არ გყავთ ახლობლები, არც ცოლი და არც შვილი, მაშინ თქვენი ცხოვრება უაზრო გახდება,

რადგან აღარ იქნებით საჭირო და თქვენს ყოფნა-არყოფნას დიდი მნიშვნელობა არ ექნება.

ერთი ავადმყოფი ფსიქონალიზის სეანსებზე დადიოდა სამკურნალოდ. ფსიქონალიტიკოსი ძალიან ექსცენტრული ადამიანი იყო. ორი-სამი წლის სეანსების შემდეგ ავადმყოფმა თავის მეგობარს უთხრა: „ჩემი ექიმი ჩემზე უარეს მდგომარეობაშია. მე გამუდმებით ვლაპარაკობ, ის კი არასოდეს მპასუხობს, არც „არას“ მეუბნება და არც „ჰოს“. უბრალოდ, ზის ჩემთან, მე გაუთავებლად ვლაპარაკობ, ის კი მისმენს და ასე გრძელდება უკვე სამი წელი. როგორ მოვიქცე?!“.

მეგობარმა მიუგო: „იქნებ თავი დაგენებებინა?“ მაგრამ ავადმყოფმა ეს ვერ შეძლო. ამას მეორე უბედურებაც დაერთო – ფსიქიატრი მოკვდა. მისმა პაციენტმა ისევ მეგობარს მიმართა: „მე კვლავ პრობლემა გამიჩნდა – ადრე, როდესაც ეს კაცი არაფერს მეუბნებოდა, არც „ჰოს“ მპასუხობდა და არც „არას“, არ ვიცოდი, უარყოფდა თუ მალღარებდა, მართალი ვიყავი თუ მტყუანი. უბრალოდ, ვუამბობდი და მისმენდა. ახლა კი მოკვდა და რა ვქნა?“

მეგობარმა უპასუხა: „თუ არ გელაპარაკებოდა, რა განსხვავებაა? შენს თავს ელაპარაკე!“

ავადმყოფმა კი უპასუხა: „არა, ის ხომ მე მისმენდა!“

მთელი ფსიქონალიზი და მისი პრაქტიკა მოსმენაზეა დამოკიდებული. სინამდვილეში მასში სხვა არაფერია. აბა, რატომ მიღიხართ ფსიქონალიტიკოსთან? – საქმე იმაშია, რომ ცნობილი ფსიქიატრი და მრავალი მეცნიერული ნაშრომის ავტორი თქვენ ყურადღებას გაქცევთ და თქვენს საუბარს ისმენს. თქვენ თავს კარგად გრძნობთ, რამეთუ მის გარდა სხვა არავინ, თვით ცო-

ლიც კი არ მოგისმენთ. ამქვეყნად ცხოვრობთ, როგორც არა-რაობა და მოსმენისათვის ფსიქიატრს უხდით გასამრჯელოს. ეს ფუფუნებაა და მხოლოდ მდიდარ ადამიანებს ძალუძთ ამის გაკეთება.

ფსიქიატრის კაბინეტიდან თქვენ ფრთაშესხმული გამოდიხართ, მაგრამ ეს სიხარული და შვება არ არის მუდმივი. თქვენ ისევ მიაკითხავთ ფსიქიატრს, რამეთუ გჭირდებათ, რომ ვინმე გისმენდეთ. მან შეიძლება არც არაფერი გითხრათ, მაგრამ მოსმენაც საკმარისია თქვენთვის.

როგორც ჩანს, თქვენთვის აუცილებელია, ვინმესთვის საჭირო იყოთ. წინააღმდეგ შემთხვევაში, ფეხქვეშ ნიადაგი გეცლებათ. თქვენ გჭირდებათ საზოგადოება. მარტოსულობას ვილაცასთან ბრძოლას არჩევთ. ბოლოს და ბოლოს, მეტოქე ყურადღებას გითმობთ, როგორც მტერს და თქვენ შეგიძლიათ იფიქროთ მასზე.

დაუკვირდით სიყვარულის საჭიროებას. თუ ვინმე გიყვართ, თქვენ უგონოდ ხართ და არ ეკუთვნით საკუთარ თავს, მაგრამ როცა შეყვარებულების საუბარს მოისმენთ, ხედავთ, რომ მათ გულის სიღრმეში სურთ, რომ ერთი იყოს მეორეზე შეყვარებული, თქვენც გსურთ, სხვას უყვარდეთ და არა თქვენ გიყვარდეთ ვილაც. მუდამ ასეა, შეყვარებულები შესტრფიან ერთმანეთს იმის გამო, რომ თვითონ იყვნენ სიყვარულის ობიექტები. ძირითადია არა ის, რომ გიყვარდეთ, არამედ ის, რომ უყვარდეთ.

აი, რატომ ხდება, შეყვარებულები რომ ერთმანეთს ადანაშაულებენ ორგულობაში. ეს ყველაზე მნიშვნელოვანი და უსასრულო მოთხოვნილებაა და, აქედან გამომდინარე, სიყვარულის სურვილის დაკმაყოფილება შეუძლებელია. რაც არ უნდა გააკე-

თოს თქვენმა სატრფომ, თქვენ ყოველთვის მეტის იმედი გაქვთ და გრძნობთ, რომ მეტია შესაძლებელი. შემდეგ არ გყოფნით ეს და იმედი გიცრუვდებათ. თითოეული შეყვარებული ფიქრობს: „მე მიყვარს, მას კი – არცთუ ისე ძალიან. ორივე ასე ფიქრობს და რაშია საქმე?“

არავის არავინ არ უყვარს. სანამ არ მიაღწევთ იესოს ან ბუდას მდგომარეობას, ვერ შესძლებთ სიყვარულს, რამეთუ სიყვარული შეუძლია მხოლოდ მას, ვისაც აღარ გააჩნია საჭიროების მოთხოვნილება.

ხალღა გიბრანმა თავის შესანიშნავ წიგნში – „იესო, ძე ადამიანისა“ – გამოიგონა შესანიშნავი ისტორია (ზოგჯერ გამოწონი უფრო ნამდვილია, ვიდრე ფაქტი), მარიამ მაგდალინელმა გამოიხედა და დაინახა ბაღში ხის ძირას მჯდომი იესო, რომელიც მშვენიერი იყო. მაგდალინელი ცნობილი მეძავი გახლდათ და ბევრ მამაკაცთან ჰქონდა სქესობრივი ურთიერთობა. მას მეფეებიც კი აკითხავდნენ, მაგრამ მარიამს არასოდეს უნახავს იესოს მსგავსი სილამაზე, ვინაიდან გასხივოსნებულ პიროვნებას აქვს უხილავი სინათლე, რომელიც იმქვეყნიური მშვენიერების ელფერს ანიჭებს. იესო იჯდა, როგორც ღარიბულ სამოსში გამოწყობილი იმპერატორი და მარიამ მაგდალინელი ისე დაატყვევა თავისი მომხიბლაობით, რომ ქალმა მსახურები გაუგზავნა და მოიპატიჟა, მაგრამ იესომ „უარი განაცხადა“, აქ, ხის ქვეშაც, მშვენივრად ვგრძნობ თავსო. მარიამმა ვერ დაიჯერა ეს და თვითონ მივიდა იესოსთან. „შემოდი ჩემს სახლში და იყავი ჩემი სტუმარი!“ – უთხრა მან.

იესომ უპასუხა: „მე უკვე შემოვედი შენს სახლში და უკვე სტუმარი ვარ. რალა საჭიროა მიპატიჟება?“

მარიამმა კი ვერ გაიგო იესოს სიტყვების აზრი და ხელმეორედ სთხოვა სახლში შესვლა.

იესომ უპასუხა: „მე უკვე მივიღე მონვევა და დაიმახსოვრე – ისინი, ვინც ამბობენ, რომ გლებულობენ, არასოდეს მიგიღებენ და ვინც სიყვარულს გიმტკიცებს, არ უყვარხარ და მე გეუბნები, რომ მიყვარხარ და მხოლოდ მე ძალმიძს შენი სიყვარული!“ იესო მაინც არ შევიდა სახლში. ხის ჩრდილში დაისვენა და წავიდა.

იესოს სიტყვებიდან გამომდინარე, თქვენ არ შეგიძლიათ სიყვარული, სიყვარული თქვენთვის სიცრუეა. თქვენ, უბრალოდ, იღებთ შეყვარებულის სახეს, რათა სხვას შეუყვარდეთ. აი, რატომ იტანჯებიან მუდამ შეყვარებულები – ისინი ერთმანეთს ატყუებენ და ორივენი მოტყუებულად გრძნობენ თავს.

გყვარებით ვინმე ნამდვილად ოდესმე? შეგიძლიათ თქვათ, რომ მთელი სულითა და გულით გიყვარდათ? არა! არასოდეს გიზრუნიათ ამაზე. თქვენი ინტერესი ის იყო, რომ დარწმუნებულიყავით სხვის სიყვარულში. პრობლემას ყოველთვის სხვაში ეძებთ და არასოდეს უყურებთ საკუთარ თავს.

მოლა ნასრედინს 99 წელი შეუსრულდა. იგი ყველაზე ხანდაზმული კაცი იყო მთელ ოლქში. ადგილობრივი გაზეთის კორესპონდენტმა მისგან ინტერვიუ აიღო და გამომშვიდობებისას უთხრა: „იმედი მაქვს, ასი წელიწადი რომ შეგისრულდებათ, მაშინაც გინახულვით“.

მოლა ნასრედინმა გაკვირვებულმა შეხედა და მიუგო: „რატომაც არა, ახალგაზრდავ, თქვენ ჩემზე ახალგაზრდად გამოიყურებით!“

არავინ უყურებს საკუთარ თავს, თქვენც სხვას უცქერით, სხვას უსმენთ და სხვისკენ იწევთ. სიყვარული მაშინ მოდის, რო-

ცა სული კრისტალდება და სრულყოფილ „მეს“ აღწევს. თქვენი „ეგო“ სიყვარულს ვერასოდეს განიცდის. მას სურს, რომ სხვას უყვარდეს, რადგან სიყვარული მისთვის საზრდოა.

თქვენ გიყვართ რაღაც საჭიროებისთვის; ზრდით შვილებს არა იმიტომ, რომ ბავშვები გიყვართ, არამედ იმიტომ, რომ სხვებს დაანახოთ, როგორი მშობლები ბრძანდებით, რაც თქვენს „ეგოს“ აკმაყოფილებს.

სანამ საჭიროების მოთხოვნილებას არ მოიშორებთ, ვერ იქნებით მარტო და როცა გაგიქრებათ ეს გრძნობა, ხალხმრავალ ბრბოშიც კი სრულიად მარტოსულად იგრძნობთ თავს.

ახლა შეეცადეთ გაიგოთ იესოს ნათქვამი:

„ნეტარ არიან მარტოსულნი და რჩეულნი, რამეთუ ჰპოვებენ სასუფეველს ცათა შინა, რამეთუ იქიდან მოდიან და კვლავაც იქ შევლენ...”

ვინ არის მარტოსული? ის, ვინც მოიშორა საჭიროების მოთხოვნილება; ის, ვინც საკუთარი თავის კმაყოფილია, ისეთის, როგორიც არის; ის, ვინც არ საჭიროებს სხვას და მისი აზროვნება და ცოდნა თავად მასშია, ცხოვრობს საკუთარ თავთან მარტო, რაც თქვენ არ შეგიძლიათ. მარტოობაში თქვენ ნუხხართ და ლელავთ. რა უნდა ჰქნათ? მიდიხართ ეკლესიაში, თეატრში ან მაღაზიაში, სად, სულერთია, მხოლოდ კი ნახვიდეთ და მარტოობას დააღწიოთ თავი.

მარტოობა ძალიან ძნელი, უჩვეულო და ექსტრაორდინალურია. რატომ გასურთ ვინმეს გვერდით ყოფნა ასე მძაფრად? იმიტომ, რომ, როცა მარტო ხართ, თქვენი მნიშვნელობა ქრება. შედით მაღაზიაში და რამე იყიდეთ. გამყიდველი შეგძენთ მნიშვნელობას და არა ის ნივთი, რაც თქვენ იყიდეთ. ყიდულობთ მხო-

ლოდ იმიტომ, რომ იყიდოთ, მაგრამ ზოგჯერ გამყიდველი ისე გიყურებთ, თითქოს თქვენზე ბევრი რამ იყოს დამოკიდებული. ამასთან, თქვენ იცით, რომ ეს ნილაბია. გამყიდველისთვის სულერთია, ვინ ბრძანდებით. ის გესალმებათ და გღებულობთ, როგორც სასურველ სტუმარს. თავს კარგად გრძნობთ, რომ თქვენ ვილაც ხართ და თქვენზე ვილაც არის დამოკიდებული.

თქვენ მუდამ ეძებთ ვილაცის გამოხედვას. ქალის ყურებაც მნიშვნელობას გძენთ. ფსიქოლოგებმა დაადგინეს ასეთი რამ – როდესაც შედიხართ აეროპორტის, ვაგზლის ან სასტუმროს მოსაცდელში, თუ ორჯერ შემოგხედავს რომელიმე ქალი და გაგიღიმებთ, იგი იოლად დაჰყვება თქვენს ცდუნებას, მაგრამ თუ მხოლოდ ერთხელ შემოგხედათ, ნულარ შეანუხებთ და დაივინყეთ იგი. ფსიქოლოგებმა გადაიღეს ფილმები ფარული კამერით და დაადგინეს, რომ თუ ქალი მამაკაცს ორჯერ შეხედავს და გაუღიმებს, სურს ამ მამაკაცის გულის მონადირება. მექალთაწინებმა ეს კარგად იციან. თუ ქალმა ერთხელ შემოგხედათ, ეს არაფერს ნიშნავს, ხოლო თუ ხელახლა შემოგხედათ, ე. ი. ინტერესი გაუჩნდა, იგი განიშნებთ, რომ მზად არის გააბას თქვენთან სასიყვარულო კავშირი.

როდესაც ქალი გიყურებთ, თქვენ მნიშვნელობას იძენთ და უნიკალური ხდებით. აი, რატომ მოსდევს სიყვარულს ამდენი სინათლე. იგი ხომ სიცოცხლეს გმატებთ, მაგრამ ყოველდღე ერთი და იმავე ქალის ცქერა ვერაფერს გიშველით, ამიტომ ბეზრდება ქმარს ცოლი და ცოლს კი – ქმარი. თქვენ შეეჩვიეთ თქვენს მეუღლეს და აღარაფერი დაგრჩათ მოსაპოვებელი. ამიტომ გიჩნდებათ ბაირონად, დონ-ჟუანად ყოფნის და ერთი ქალიდან მეორესთან წასვლის სურვილი. ეს არ არის სექსუალური

მოთხოვნილება, რადგან სექსთან არავითარი კავშირი არა აქვს. სექსი უფრო ღრმაა ერთ ქალთან ინტიმურ ურთიერთობაში, ეს კი არც სექსია და არც სიყვარული. ეს „ეგოს“ საჭიროებაა. თუ ყოველდღე ახალი ქალის გულს იპყრობთ, თავი მნიშვნელოვან პიროვნებად მოგაქვთ, ერთ ქალთან ურთიერთობით კი თავს წყალწაღებულად გრძნობთ. ამიტომაც ცოლქმრული ურთიერთობა ხშირად უსიცოცხლო და გზნებადამცხრალი.

ნასრედინს და მის მეუღლეს ქორწინების 25 წლისთავი შეუსრულდათ. ნასრედინი ამ დღეს სადღაც წასასვლელად მოემზადა. ცოლს კი იმედი ჰქონდა, რომ იგი რაიმეთი აღნიშნავდა ამ დღეს. ამიტომ შეეკითხა: „ხომ არ დაგავინწყდა, დღეს რა დღეა?“

ნასრედინმა უპასუხა: „ვიცი!“

მაშინ ცოლმა მიუგო: „თუკი იცი, მოიმოქმედე რაღაც უჩვეულო“.

ნასრედინი დაფიქრდა და უთხრა: „რას იტყვი ორწუთიან დუმილზე?“

როცა თქვენი ცხოვრება რაღაცას მიეჯახება, ფიქრობთ, რომ ეს სიყვარულია. მაგრამ ეს „ეგოს“ საჭიროებაა, რაც იმას მიაჩნებოდა, რომ ყოველდღე ახალ ქალს ან ახალ მამაკაცს სჭირდებოდეთ. თუ ეს ასეა, ცოტა ხნით ბედნიერი ხართ. ეს ყველაფერი პოლიტიკოსის გატაცებას ჰგავს. ჰიტლერი ცდილობდა მთელი მსოფლიოსთვის ყოფილიყო საჭირო.

ეს საჭიროება არ მოგცემთ მარტოობის ნებას. პოლიტიკოსი ვერ გახდება მორწმუნე, რამეთუ საწინააღმდეგო მიმართულებით მიემართება. იესოს თქმის არ იყოს, მდიდარი ძნელად თუ შევა ცის სასუფეველში. აქლემი უფრო ადრე გაძვრება ნემსის ყუნწში, ვიდრე მდიდარი სასუფეველის კარს შეხსნის. ცათა სა-

სუფეველში მხოლოდ ის მოხვდება, ვინც თავის არარაობას მიხვდა, ვისი ნავიც დაცარიელდა, ვინც უკუაგდო „ეგოს“ საჭიროებები, ვინ არის მარტოსული? ის, ვისაც გაუქრა საჭიროდ ყოფნის მოთხოვნილება; ვინც არ გთხოვთ, რომ მიანიჭოთ რაღაც მნიშვნელობა, ვინც არ არის დამოკიდებული თქვენს გამოხედვაზე. რასაკვირველია, თუ შეიყვარებთ, იგი მაღლობელი დარჩება, მაგრამ თუ არ შეიყვარებთ, მაინც არაფერი შეიცვლება, რამეთუ იგი ისეთივე მშვენიერი დარჩება, როგორც ყოველთვის იყო. თუ ესტუმრებით, გაიხარებს, თუ არ ესტუმრებით, ისეთივე ბედნიერი იქნება, როგორც ყოველთვის. თუ ბრბოში იცხოვრებს, მხიარული იქნება, მაგრამ ისეთივე სიხარული ეწვევა განდეგილობაშიც.

მარტოსულმა ადამიანმა უკვე ისწავლა თავისთავთან ცხოვრება და ბედნიერებასაც გაუგო გემო. მარტოობაში იგი საკუთარი თავით კმაყოფილდება. ამიტომ არ მოსწონთ ახლობლებს რელიგიურობა – თუ ქმარი მედიტაციებს ატარებს, ცოლი ადგილს ვერ პოულობს, მას ურჩევნია, არ გააცნობიეროს, რა ხდება. რატომ? მის გონებას გაუცნობიერებელი შიში იპყრობს იმისა, რომ მისი მეორე ნახევარი ცდილობს საკუთარი თავით დამყოფილებას. ცოლს რომ არჩევანი შესთავაზონ – ქმრის მედიტაციები თუ მისი გალოთება, იგი ამ უკანასკნელს არჩევს. ასევე ქმარსაც ურჩევნია, ცოლი მეძავი იყოს, ვიდრე სანიასინი გახდეს.

სანიასინი ის ადამიანია, ვინც საკუთარი თავით კმაყოფილდება და არავის არ საჭიროებს, ვინც არ არის სხვაზე დამოკიდებული და არც თავისი უსარგებლობის შიში გააჩნია. მთელი თქვენი არსებობა ემყარებოდა იმას, რომ თქვენ მისთვის საჭი-

რო იყავით, უთქვენოდ ის არაფერს წარმოადგენდა და მისი ცხოვრება უაზრო იყო, მხოლოდ თქვენთან ყოფნისას შეეძლო მას გაფურჩქვნა, მაგრამ როცა იგებთ, რომ იგი მარტოობაშიც ყვავილობს, თქვენ ფორიაქდებით და თქვენი „ეგო“ ილახება.

იესო ამბობს: **„ნეტარ არიან მარტოსუღნი...”** ე. ი. ადამიანები, რომელთაც შეუძლია იცხოვრონ საკუთარ თავთან ისევე ადვილად, როგორც მთელ კაცობრიობასთან, რომლებიც პატარა ბავშვებზე მტკბებიან საკუთარი თავით. დიახ, პატარებს შეუძლიათ დატკბნენ საკუთარი თავით. ფროიდს მათვის განსაკუთრებული ტერმინი გააჩნია – „პოლიმორფული”.

ბავშვი თამაშობს საკუთარი სხეულით, ნოვს საკუთარ თითს, ეს მისი სხეულის მოთხოვნილებაა. თქვენ მას კვებავთ, საფენებს უცვლით და მის ფიზიკურ მოთხოვნილებებს აკმაყოფილებთ. ბავშვს ჯერ არ გააჩნია ფსიქოლოგიური საჭიროება. ბავშვი არ იბადება მახინჯი, მაგრამ დროთა განმავლობაში მახინჯდება.

ძალიან ძნელია მახინჯი ბავშვისა და მშვენიერი მოხუცებულის პოვნა, რამეთუ ყველა ბავშვი მშვენიერია და ყველა მოხუცი – მახინჯი. ბავშვი მშვენიერ არსებად დაიბადა და ასეთივე მშვენიერი უნდა გარდაიცვალოს, მაგრამ ცხოვრებას თავისი მოაქვს.

ყველა ბავშვი საკუთარი თავით კმაყოფილდება და ამაშია მთელი სილამაზე. იგი არსებობს საკუთარი თავისთვის ისე, როგორც სინათლე. ყველა მოხუცი უსარგებლოა, რადგან მიხვდნენ, რომ აღარ არიან საჭირონი და რაც უფრო ემატებათ ასაკი, მით უფრო გრძნობენ ამას. შესაძლოა, ისინი იყვნენ დიდებული მოღვაწენი, მაგალითად, დაწესებულების ბოსები ან ბანკე-

ბის პრეზიდენტები, მაგრამ მათ ვეღარ ამჩნევენ, ისინი ელიან სიკვდილს, რის გამოც არავინ შენუხდება და მათი სიკვდილიც კი სიმახინჯედ იქცევა.

ერთხელ ამერიკაში ერთმა კაცმა ისეთი რამ ჩაიდინა, რაც არასოდეს აზრად არ მოსვლია არავის. მან გადანყვიტა გაეგო, როგორ შეხვდებოდა ხალხი მის სიკვდილს. ეს ასე მოხდა – ექიმებმა 24 საათით ადრე აცნობეს მას, რომ მოკვდებოდა. ეს კაცი იყო ცირკებისა და გამოფენების სარეკლამო სააგენტოს მეპატრონე და მშვენივრად მოახერხა თავისი სიკვდილის რეკლამირება. დილით მისმა აგენტმა პრესაში, რადიოსა და ტელევიზიაში გამოაცხადა მისი გარდაცვალების ამბავი. დაინერა ნეკროლოგები, გაისმა ტელეფონის ზარის ხმა, ბევრი მოვიდა სამძიმარზე, კაცი კი ამით ტკბებოდა.

როცა ვინმე კვდება, მას ყოველთვის კარგად მოიხსენიებენ და ანგელოზად გადააქცევენ ხოლმე. არავინ ფიქრობს, უარყოფითი რამ თქვას მასზე, სიკვდილის შემდეგ. სანამ ცოცხალი ხართ, არავინ იტყვის თქვენს სასარგებლოდ კარგს, როცა მოკვდებით, ყველა ბედნიერი იქნება, რამეთუ, ბოლოს და ბოლოს, მოიმოქმედეთ რაღაც კარგი – მოკვდით.

ამ კაცსაც სწორედ ასე დაემართა. იგი სრულიად მშვიდად გამოესალმა სიცოცხლეს და დარწმუნდა, რომ ყველაფერი მშვენიერია.

სხვები გჭირდებათ არა მარტო სიცოცხლეში, არამედ სიკვდილის შემდეგაც. იფიქრეთ საკუთარ სიკვდილზე – ორიოდე ახლობელი, მსახურები და ძალი გაგაცილებთ ბოლო გზაზე და სხვა არავინ. არც რეპორტიორები იქნებიან იქ და არც ფოტოგ-

რაფები. თქვენი მეგობრებიც შეიძლება არ მოვიდნენ და ყველა იფიქრებს, რომ ეს სიმძიმე თავიდან მოიშორეს.

სიკვდილის დროსაც კი იმის მოთხოვნილება გრჩებათ, რომ საჭირო იყოთ. რატომ ანიჭებთ მხოლოდ სხვის შეხედულებას მნიშვნელობას, თქვენი არსებობა არაფერს ნიშნავს?

ესო, როდესაც ამბობს: „**ნეტარ არიან მარტოსულნი...**“, იმ ადამიანს გულისხმობს, რომელიც სრულიად ბედნიერია საკუთარ თავთან, რომელსაც შეუძლია მთელ დუნიაზე მარტო ყოფნა და არასოდეს ეცვლება განწყობილება. მარტოსული კაცი ხის ქვეშ ზის და ბუდად იქცევა.

მარტოსულები რჩეული ადამიანები არიან, ვინაიდან ისინი, ვისაც ბრბო სჭირდება, კვლავაც ბრბოში აღმოჩნდებიან და ეს მათ მოთხოვნილებად იქცევა. ღმერთი ყველაფერს გისრულებთ, რასაც სთხოვთ და რასაც ახლა წარმოადგენთ, თქვენი წარსული სურვილების ასრულებათ. სხვას ნურავის დაადანაშაულებთ ამაში, ვინაიდან ეს ის არის, რაზეც ლოცულობდით. დაიმახსოვრეთ – რასაც ისურვებთ, ის აგისრულდებათ. ვიდრე რამეს ისურვებდეთ, დაფიქრდით, რადგან არსებობს იმის შესაძლებლობა, რომ იგი ასრულდეს, მერე კი დაიტანჯებით. მდიდარი ადრე ღარიბი იყო, შემდეგ სიმდიდრე ინატრა და ოცნება აუსრულდა. ახლა იგი უბედურია, ტირის და ამბობს: „მთელი ჩემი ცხოვრება ამ უსარგებლო ხარახურას შევწირე“. მაგრამ ასეთი იყო მისი სურვილი, თუ ცოდნას ნატრობთ, ეს ოცნებაც აგისრულდებათ, თქვენი თავი იქცევა უზარმაზარ ბიბლიოთეკად, მაგრამ მომავალში დაიტანჯებით და იყვირებთ: „მხოლოდ სიტყვები, ყველაფერში სიტყვები და არაფერი არსებითი, ამაზე გავფლანგე მთელი ჩემი ცხოვრება“.

ისურვეთ მთელი შეგნებით, ვინაიდან ოდესმე ყველა სურვილი შეგისრულდებათ, რასაც შეიძლება სულ ცოტა დრო დასჭირდეს. თქვენ უკვე დგახართ რიგში. თქვენამდე სხვაც ბევრი ნატრობდა და მოცდაა საჭირო. ზოგჯერ ის, რასაც ამ ცხოვრებაში ნატრობთ, შეიძლება სხვა ცხოვრებაში აგისრულდეთ, ამიტომ, ვიდრე ინატრებდეთ, დაფიქრდით! დაფიქრდით კარგად, ნატვრა როდისმე აგისრულდებათ და დაიტანჯებით.

მარტოსული ღვთის რჩეულია, რამეთუ ამქვეყნიურს არაფერს ნატრობს. მან ყველაფერი ისწავლა ცხოვრებიდან, რაც საჭირო იყო და დაემსგავსა ცაში აზიდულ მწვერვალს. ის იქცა რჩეულად – გური-შანკარად და ევერესტად. ბუდა და იესო მალაღი მწვერვალები და ეული პიკებია. მათი სილამაზე მარტობაშია.

მარტოსული რჩეულია. მან აირჩია საკუთარი არსი, ხოლო როცა საკუთარ არსს ირჩევთ, ეს მთელი სამყაროს არსის არჩევასაც ნიშნავს, რამეთუ თქვენი და სამყაროს არსი ერთი და იგივეა. თქვენ ირჩევთ საკუთარ არსს, თქვენ ირჩევთ ღმერთს. როცა მას ირჩევთ, ღმერთი გირჩევთ თქვენ და თქვენ ხდებით რჩეული.

„ნეტარ არიან მარტოსულნი და რჩეულნი, რამეთუ ჰპოვებენ სასუფეველსა ცათა შინა, რამეთუ იქიდან მოდიან და კვლავაც იქ შევლენ...”

სანიასინი მარტოსული, მოხეტიალე, სრულიად ბედნიერი არსებაა. იგი არასოდეს ელოდება ვინმეს და არასოდეს იცქირება უკან, რამეთუ მარტო იგი ერთიანია. ზუსტად ეს „არსებითობა” და მთლიანობა გაქცევთ წრედ, რომელშიც დასაწყისი და დასასრული ხვდება ერთმანეთს. ზუსტად ასეთი წრეა მარტოსუ-

ლი. თქვენი დასაწყისი და დასასრული კი არასოდეს ხვდება ერთმანეთს.

„...რამეთუ იქიდან მოდიან და კვლავაც იქ შევლენ...“ – თქვენ ერწყმით სათავეს.

არსებობს იესოს სხვა შეგონებაც: „როცა დასაწყისი და დასასრული გაერთიანდებიან, თქვენ ღმერთად უნდა იქცეთ“.

შესაძლოა, გინახავთ ეგვიპტის საიდუმლო საზოგადოების ერთ-ერთი უძველესი ბეჭდის ასლი, რომელზეც გველია გამოსახული. იგი ყლაპავს თავის კუდს. ეს დასაწყისისა და დასასრულის შეხვედრაა, ეს აღორძინებაა, რაც იმას ნიშნავს, რომ თქვენ უნდა გახდეთ ისეთი, როგორც ბავშვები, უნდა იმოძრაოთ წრეში, დაბრუნდეთ საწყისთან და იმას მიაღწიოთ, საიდანაც მოხვედით.

იესომ თქვა: „თუ გეკითხებიან...“ აქ მას საზოგადოება, ბრბო, ის ხალხი ჰყავს მხედველობაში, რომლებიც გამუდმებით თხოულობენ, გახდნენ საჭირონი. ისინი არავის აძლევენ მარტოობის უფლებას. შეიძლება თქვენც დაგინყონ დევნა, კვლავ ჩაგითრიონ საზოგადოებაში, უკანვე დაგაბრუნონ ციხეში. მათ არ ძალუძთ გაიაზრონ, როგორ მოახერხეთ გაქცევა. თუ მარტოსული გახდებით, თქვენთან თავს მყუდროდ ვერ იგრძნობენ. რატომ? იმიტომ, რომ თვითონ თქვენი ყოფნა აიძულებთ მათ, დაეჭვდნენ საკუთარ ყოფიერებაში. როცა იესო შემოდის თქვენში, თქვენ თავს უხერხულად გრძნობთ, ვინაიდან, თუ ის მართალია, თქვენ არა ხართ მართალი, არადა, ის ისე იქცევა, რომ მართალს ჰგავს. თუ იესო მართალია, მაშ, ვინ ხართ თქვენ? იესო შუაზე ხლეჩს საზოგადოებას. იგი ბედნიერად გამოიყურება. მას არავინ სჭირდება და არც თვითონ სჭირდება არავის. იესო მარ-

ტოსულია და ნეტარი. თქვენ კი ნევროზულ და თითქმის შეშლილ მდგომარეობაში იმყოფებით. ამიტომ ცდილობთ, ნებისმიერი საშუალებით დაამტკიცოთ, რომ იესო არასწორია.

შემორჩენილია იესოს წინააღმდეგ დანერვილი წიგნები, რომლებშიც ამტკიცებენ, რომ იესო სულით ავადმყოფი იყო. ვინ დანერა ეს? ზუსტად ბრბო წერდა ამ წიგნებს. ისინი მხოლოდ მაშინ დამშვიდდებიან, როცა ნაღდად დაამტკიცებენ, რომ იესო შეშლილი იყო. რატომ არის ამის მტკიცება საჭირო? თუ იესო შეშლილია, რაღა დამტკიცება უნდა?

ეს იმიტომ, რომ იესო გაიძულვით, საკუთარ თავში დაეჭვდეთ. აი, რატომ უარყოფთ ასეთ პიროვნებებს სიცოცხლეში და სიკვდილის შემდეგ აღმერთებთ. მაშინ თქვენ შეგიძლიათ მისი სახის თქვენებურად წარმოდგენა.

შეხედეთ ქრისტიანულ იესოს სახეს! ეს კარიკატურაც კი არ არის, რამეთუ სრულიად ყალბი სახეა. ქრისტიანები ამბობენ, თითქოს იესო არასოდეს იცინოდა. მე არასოდეს მინახავს მოცინარი იესოს გამოსახულება, მაგრამ იესო მოცინარი უნდა ყოფილიყო. ყოველ შემთხვევაში, მას უნდა ჰყვარებოდა სიცილი და ყოფილიყო ყვავილობის მჩქეფარე სათავე.

მაგრამ ქრისტიანები იესოს იმდენად დამნუხრებულს ხატავენ, რამდენადაც შესაძლებელია. იესო იმდენად მნუხარედ გამოიყურება, რომ მასთან ერთად ყოფნა მეტად მძიმეა. შედით ნებისმიერ ქრისტიანულ ეკლესიაში და შეხედეთ იესოს გამოსახულებას. იქნებით იესოსთან მთელი დღე? თქვენ ამას ვერ შესძლებთ, რადგან იგი ძალიან მნუხარე და სევდიანია! თქვენ თქვენი დარდიც გეყოფათ.

ქრისტიანებმა თავის სიმბოლოდ ჯვარი აირჩიეს და ამით ყველაფერი დაკარგეს. იესო ლაპარაკობდა ჯვარზე და იგი ჯვარს აცვეს, მაგრამ მისი სიტყვების აზრი სულ სხვა იყო. ქრისტიანებმა ჯვარი აირჩიეს, რადგან იგი ტანჯვას ნიშნავდა მათთვის. ჩვენ კი იმდენი ტანჯვა გადავიტანეთ, რომ არ შეგვიძლია ვინამოთ გაცინებული ქრისტე. შეგიძლიათ ინამოთ ტანჯული ქრისტე, რადგან იგი ჩვენსავით მწუხარეა და უფრო მეტად ტანჯულია, ვიდრე ჩვენ. ჩვენ გვესმის ტანჯვის, მწუხარებისა და სიკვდილის რაობა, მაგრამ სიცოცხლისა ვერაფერი ვერ გაგვიგია. აი, რატომ არსებობს ქრისტიანობა, კრიშნას გარშემო ვერ იარსებებს ვერც ერთი სარწმუნეობა. ინდუსები ეთაყვანებიან კრიშნას, მაგრამ სურვილის გარეშე. კრიშნა თქვენს არსებობას ეწინააღმდეგება, უკრავს ფლეიტაზე და ცეკვავს ქალწულებთან, ყოველთვის ბედნიერია და მუდამ იცინის. თქვენ ამიტომ ვერ უგებთ კრიშნას. შეიძლება, თქვენ ჩასწვდეთ სიკვდილის რაობას, მაგრამ ფლეიტის დაკვრას და სიმღერას ვერ აღიქვამთ.

ქრისტიანობა ხანძარივით მოედო მთელ მსოფლიოს, კრიშნას კი არავინ ეთაყვანება. ის, ვინც ფიქრობს, რომ კრიშნას თაყვანისმცემელია, სინამდვილეში ასეთი არ არის. მათ კრიშნას არსი უნდა ახსნან მრავალგვარად. ისინი ვერ იჯერებენ, რომ მას თექვსმეტი ათასი საყვარელი ცოლი ჰყავდა და ყველასთან ცეკვავდა. ეს ხომ შეუძლებელია, ამაში რალაც სხვა აზრია ჩადებული.

ამიტომ ისინი ახდენენ კრიშნას თავისებურ ინტერპრეტაციას – თითქოს კრიშნას თექვსმეტი ათასი საყვარელი ცოლი სინამდვილეში თექვსმეტი ათასი ნერვია, ადამიანის ნერვული სისტემა. მაგრამ გეუბნებით, რომ კრიშნას ზუსტად ამდენი საყ-

ვარელი ცოლი ჰყავდა, რომ იგი იცინოდა, მღეროდა, ცეკვავდა და თვითონ ექსტაზი იყო. იესოც ასეთი იყო. აი, რატომ გეუბნებით, რომ მისი სახელი „ქრისტე“ შესაძლოა „კრიშნადან“ წარმოიშვა, იესო იყო მხიარული და არა მწუხარე ადამიანი.

მაგრამ თქვენ არ შეგწევთ ძალა, მომცინარე ადამიანის ენას ჩასწვდეთ. მოცეკვავე ღმერთისთვის თქვენ ჯერ არ ხართ მზად, ეს სამყაროც არ გამოდგება მის სახლად. კრიშნასთან თქვენი ურთიერთობა შეუძლებლად გეჩვენებათ, იესოსთან კი შეთანხმებულად.

ჯვარცმა სიმბოლოდ იქცა, მაგრამ იესოსათვის ჯვარი სრულიად სხვა რამეს ნიშნავდა. ჯვარს ორი ჩვეულებრივი ხაზი აქვს, ერთი – ჰორიზონტალური, მეორე – ვერტიკალური. ჰორიზონტალური ხაზი დროა – წარსული, აწმყო და მომავალი, ეს არის სწორ ხაზზე მოძრაობა „ა“, „ბ“ და „გ“. თქვენ ამ ხაზზე ცხოვრობთ. ვერტიკალური ხაზი კი მარადისობაა. ის ყოველთვის აქ არის, მისთვის არ არსებობს წარსული და მომავალი. უფრო მაღლა და მაღლა მიიწევს და არა წინ. დრო და მარადისობა ერთმანეთს ხვდება იესოს ჯვარცმის ადგილზე, ეს არის წამი, როდესაც იესო კვდება, ეს ხდება ახლა!

თუ ახლა კვდებით, აღდგებით და თავიდან დაიბადებით. მაშინ თქვენთვის არ არსებობს სიკვდილი, რადგან დრო ქრება და თქვენ მუდმივი ხდებით. ჯვარი დროისა და მარადისობის შეხვედრის სიმბოლოა და ეს წერტილი უნდა იყოს თქვენი სიკვდილი. ის სხვა ვერაფერი იქნება, რადგან, როცა დროის სამყაროდან გაქრებით, მარადიულობის ნაწილად იქცევით. დრო და მარადისობა ერთმანეთს გადაკვეთს სწორედ აქ და ახლა, ამ წამს.

ახლა – ეს არის ნამი, რომელშიც არსებობს ჯვარი, მაგრამ თუ ჰორიზონტალურ ხაზზე მოძრაობთ, მომავალში დაკარგავთ ჯვარს. თუ ამ მომენტიდან პირდაპირ ვერტიკალურად იწყებთ მოძრაობას, თქვენ ჯვარზე ხართ – მოკვდებით ისეთი, როგორიც ხართ და დაიბადებით ხელახლა, სულმთლად თავიდან. სიკვდილი არ არსებობს, ეს დაბადება კი მარადიულ სიცოცხლეს გაძლევთ.

იესოსათვის ჯვრის სიმბოლო დროისა და მარადისობის გადაჯვარედინება იყო, მაგრამ ქრისტიანებისთვის იგი მწუხარებისა და ტანჯვის სიმბოლოდ იქცა. იესო ინდოეთში რომ დარჩენილიყო და იუდეაში არ წასულიყო, ინდოეთში რომ დაეხატათ ჯვარი, მას ისეთივე ფორმა ექნებოდა, მაგრამ იესოს გამოსახულება იქნებოდა განსხვავებული, იგი დაემსგავსებოდა სახემომღიმარ, ექსტაზურ კრიშნას.

როცა დრო ქრება, თქვენ კვდებით დროის სამყაროში და აღდგებით მარადიულობაში. ამას ინდუსები „სამადჰის“* უწოდებენ, მაგრამ ქრისტიანობაში ეს მომენტი დაკარგულია.

ასე ხდება ყოველთვის. იესოს უხერხულობა მოაქვს, რომელიც გულს გიღრღნით, ხოლო როდესაც ის აღარ არის, მაშინ შეგიძლიათ დახატოთ მისი სახე ისე, როგორც თქვენ შეგესიტყვებათ, მაგრამ მაშინ ის თქვენი წარმომადგენელია და სხვა არაფერი.

იესომ თქვა: „...თუ გეკითხებიან: „საიდან მოხვედით“, უთხარით, რომ სინათლიდან მოდიხართ, იქიდან, სადაც სინათლემ თავისი თავი შვა...”

ჩვენ ღმერთისგან მოვდივართ და მისი შვილები ვართ. ჩვენ მოვედით მთელი ყოფიერების სათავიდან. ყოფიერების სათავეს

კი არ გააჩნია არანაირი სათავე. ის თავისთავადია და საკუთარი თავის შემქმნელი, მას არ ჰყავს მშობელი. შემოქმედს არ ჰყავს სხვა შემოქმედი. ის თვითნარმოქმნელი ძალაა.

„ჩვენ სინათლიდან მოვდივართ, იქიდან, სადაც სინათლე წარმოიშვა საკუთარი თავიდან“. თუ ისინი გკითხავენ: **„რა ნიშნით ჰგავხართ მამას?..“** ხალხი გკითხავთ, გასხვივოსნებული თუ ხართ, იცანით თუ არა მამა? მოგთხოვენ, აჩვენოთ ნიშნები, მათ არ ძალუძთ უშუალოდ ყურება, ისინი ყოველთვის აღწერას მოითხოვენ, მათ უშუალოდ თქვენში შემოღწევა არ შეუძლიათ. როდესაც აქ არის ბუდა, მაშინაც კი გაინტერესებთ მისი არსებობის დამადასტურებელი რაღაც ნიშანი. იესო აქ არის. ნუთუ ეს არაა საკმარისი? თქვენ არ შეგიძლიათ იმის დაჯერება, რომ ის თქვენზე აღმატებულია.

ხალხი მიდიოდა იესოსთან და ეკითხებოდა: „მართლა ის ხარ, ვინც აღგვითქვეს? მართლა ის რჩეული ხარ?“ მათ მეტწილად მისი მოწაფეებისათვის უნდა ეკითხათ ეს, ვინაიდან „ისინი“ ყოველთვის მოწაფეებს ეწინააღმდეგებიან, ოსტატსაც უწევენ წინააღმდეგობას, მაგრამ მოწაფეები მათ შორის ცხოვრობენ. ისინი ცდილობენ, იესოს მოწაფეები თავსატეხი კითხვებით რომელიმე საკითხში გამოიჭირონ: „როგორ გავიგოთ, რომ მამათქვენი ღმერთია? აქციეთ წყალი ღვინოდ, გააცოცხლეთ მკვდარი და დავიჯერებთ!“ – ამბობენ ისინი. მათი აზრით, ბუნების საწინააღმდეგო რამ უნდა ჩაიდინოთ! იესოს კი არასოდეს არ უთქვამს მოწაფეებისათვის, სასწაულები მოახდინეთ და ნიშნები აჩვენეთო. მან უმშვენიერესი რამ თქვა:

**„თუ გკითხავენ: „რა ნიშნით ჰგავხართ მამას?“
უპასუხეთ, რომ მოძრაობითა და სიმშვიდით...“**

ძნელია ამის გაგება. რა აქვს იესოს მხედველობაში? ის ამბობს: „ჩვენ ვმოძრაობთ და მაინც სიმშვიდეში ვართ. წინააღმდეგობა გაქრა. ახლა ჩვენ ყველა წინააღმდეგობის სინთეზი ვართ. ვლაპარაკობთ და თან არ ვლაპარაკობთ; ვლაპარაკობთ და ამავე დროს, ვდუმვართ; გვიყვარს და არც გვიყვარს, ვინაიდან საყვარელ ადამიანად ყოფნის საჭიროება გაქრა. მარტოსუფლნი ვართ და მაინც თქვენ შორის ვიმყოფებით. ჩვენ ბრბოში ვართ, მაგრამ არ ვართ ბრბოდან. ბრბო ვერ აღწევს ჩვენში. ვცხოვრობთ და ვმოძრაობთ ამქვეყნად, მაგრამ ამ სამყაროს არ ვეკუთვნივით. შეგვიძლია მასში ყოფნა, მაგრამ ეს სამყარო არ არის ჩვენი”.

იესო ამბობს: მოძრაობა და სიმშვიდე. შეხედეთ – ვმოძრაობთ, მაგრამ მოძრაობა არ არის დაძაბული, დავდივართ, მაგრამ ჩვენი არსებობის ცენტრში არ არის არანაირი მოძრაობა, ვინაიდან არ არსებობს სადმე მოხვედრის გადანყვეტილება. შემოგვხედეთ – ჩვენ არ გაგვაჩნია არანაირი სურვილი, მაგრამ მაინც გამუდმებით ვშრომობთ, მაგრამ მაინც ვსუნთქავთ და ვცოცხლობთ. შემოგვხედეთ – ჩვენ ვცხოვრობთ და არც ვცხოვრობთ. თქვენ გხედავთ დროში, დრო კი გაქრა ჩვენთვის, ჩვენ მარადისობაში შევაბიჯეთ. ეს არის ჭეშმარიტი ოსტატის ნიშანი, სწორედ მოძრაობა და სიმშვიდე.

თქვენთვის იოლი იქნება გაიგოთ ოსტატის, რომელიც მოძრაობს, ემსახურება ხალხს, ცვლის საზოგადოებას, ქმნის უდიდეს მოძრაობას. თქვენ იოლად ჩასწვდებით ასევე განდის მუდმივ მოძრაობას, პოლიტიკურ, სოციალურ, სარწმუნეობრივ აქტიურობასა და ხალხისადმი ერთგულებას. განდი ხომ მაჰატმა, „დიდებული სული“ იყო. ეს არის მოძრაობა, მხოლოდ მოძ-

რაობა, სხვებისთვის მიძღვნილი. ეს სხვებისთვის ცხოვრებაა და არა საკუთარი თავისთვის.

თქვენ ადვილად გაუგებთ ადამიანს, რომელიც გაგვმორდა და სიმშვიდეში წავიდა, რომელიც განუდგა ცხოვრებას და ჰიმალაიზე დაიშალა, რომელიც არ ლაპარაკობს, არ მოძრაობს და არაფერს აკეთებს. იგი, უბრალოდ, ზის იქ მდუმარედ, სიმშვიდეში. ორივე მათგანმა მხოლოდ ერთი პოლუსი აირჩია. ისინი ძალიან კარგი ადამიანები არიან, მაგრამ სრულყოფილება აკლიათ, რამეთუ არ გააჩნიათ მამის ნიშანი. ასეთი ადამიანები უნდა გახდნენ, როგორც იესო – მოძრავი, მაგრამ მაინც მდუმარე.

მოძრაობა და სიმშვიდე ნიშნავს ცხოვრებას ამ სამყაროში ისე, რომ არ უარყოთ იგი და მაინც მთლიანად განემორთოთ. გადაკვეთის წერტილია იქ, სადაც ხვდებიან უკიდურესობები. თუ აირჩიეთ ერთი უკიდურესობა, თქვენ შეცდით და მიზანი დაკარგეთ. ნუ ამოირჩევთ. აი, რატომ გირჩევენ ლაო ძი, იესო და სხვები: „ნუ აირჩევთ!“ ამორჩევის დროს თქვენ კარგავთ მიზანს. ნუ აირჩევთ! ორივე უკიდურესობას – მოძრაობასაც და სიმშვიდესაც – მიეცით ერთად ყოფნის საშუალება. იქეცით სიმფონიად და არა ერთ ნოტად, ერთი ნოტი ძალიან უბრალოა.

– მოლა ნასრედინი ვიოლინოზე მუდამ ერთსა და იმავე ნოტს იღებდა. მისი ოჯახი წუხდა, მეზობლებიც ბრაზობდნენ. და ეუბნებოდნენ: „ეს რა მუსიკაა? თუ სწავლობ, სწორად ისწავლე, შენ სულ ერთსა და იმავე ნოტს უკრავ. ეს ისეთი დამქანცველია, რომ დღისითაც კი ყველა იძინებს“.

ნასრედინმა მათ ასეთი პასუხი გასცა: „სხვები ცდილობენ, იპოვონ თავიანთი ნოტი, ისინი ჯერ კიდევ გზაში არიან, მე კი უკვე ვიპოვე და მივალწიე მიზანს!“

ერთი ნოტი უბრალოა და მისი ხანგრძლივად სწავლა არ არის საჭირო. მაგრამ უბრალო ნოტი კარგავს მთელ მშვენიერებას, ვინაიდან, რაც უფრო მეტია სირთულე, უფრო ლამაზია მიღწეული. ღმერთი ყველაზე რთულია. ის მთელი ქვეყნიერებაა, მთელი სამყარო იყრის მასში თავს.

რითი ჰგავხართ მამას? მხოლოდ სინთეზით, მხოლოდ სიმფონიით, რომელშიც ყველა ნოტი ერთმანეთთანაა შერწყმული. მამათქვენს თქვენი მოძრაობითა და სიმშვიდით ჰგავხართ!

შეეცადეთ გაიგოთ ეს და თქვენს ცხოვრებად აქციოთ. უკიდურესობას იოლად აირჩევთ – ან აქტიური გახდებით, ან მშვიდი. პირველ შემთხვევაში დაიხარჯებით, მეორე შემთხვევაში ყველაფერს დაკარგავთ, ერთიცა და მეორეც არჩევანი იქნება. თქვენ დაშორდებით ღმერთს, რამდენადაც ეს შესაძლებელი იქნება, რამეთუ ღმერთი არაფერს უარყოფს და არაფერზე ამბობს უარს. ღმერთი ყველაფერშია და თვითონ არის ყველაფერი.

თუ თქვენც ყოველივედ იქცევით, უარყოფის, უკუგდებისა და არჩევანის გარეშე, მაშინ გექნებათ სრულყოფილების ღვთიური ნიშანი!

ერიდეთ უკიდურესობებს! ისინი სახიფათო გზებია, რომლებზეც უკუ იხევენ. დაე, შეხვდეს ორი უკიდურესობა ერთმანეთს! მაშინ აღმოცენდება ახალი გამოვლინება, უფრო მნიშვნელოვანი, უფრო რთული, უფრო სათუთი და უფრო მშვენიერი!

1974 წლის 6 სექტემბერი

პუნა, ინდოეთი

საუბარი მეთვრამეტე

მეთვრამეტე შეგონება

სიმონ-პეტრემ უთხრა იესოს:

– „გაგვშორდეს მარიამი, რადგან ქალები არ არიან ცხოვრების ღირსნი“.

იესომ უთხრა:

– „უყურეთ, მე ნავიყვან მას, მამაკაცად რომ ვაქციო, რათა ისიც გახდეს უკვდავი სული, რომელიც იქნება თქვენი მსგავსი, რამეთუ ნებისმიერი ქალი, რომელმაც საკუთარი თავი მამაკაცად აქცია, შევა ცათა სასუფეველში“.

(თომა, 118)

დღეს ჩვენ მღვრიე წყალში გავცურავთ და ამიტომ ბევრ საკითხში უნდა გავერკვეთ. ნუ აიკვიატებთ ნურაფერს, რადგან წინასწარ აკვიატებული აზრით ვერაფერს ჩასწვდებით.

პირველი – მამაკაცი და ქალი სრულიად განსხვავდება ერთმანეთისგან. ისინი, ამავე დროს, ურთიერთსაწინააღმდეგო პოლუსები არიან. ისინი იზიდავენ ერთმანეთს, რამეთუ მიზიდულობა მხოლოდ ურთიერთსაწინააღმდეგო მოვლენებს ან საგნებს შეიძლება ახასიათებდეთ. მსგავსი არცთუ ისე მიმზიდველია. ვინც არ უნდა იყოს იგი, თქვენთვის ნაცნობია. მამაკაც-

ცისტვის ქალია უცნობი, რომელიც იზიდავს და მასში ცნობის-
მოყვარეობას იწვევს.

ქალისტვის მამაკაცია უცნობი. მამაკაცისტვის ღმერთი ამ
სამყაროში ქალის სახით აღწევს, ვინაიდან ღმერთიც უცნობია,
ქალისტვის კი მამაკაცია ღვთაებრივი.

ამრიგად, საწინააღმდეგო ძალიან მიმზიდველია. მამაკაცი
და ქალი განსხვავდებიან ერთმანეთისგან, ეწინააღმდეგებიან
ერთმანეთს, მაგრამ, ამავე დროს, თანასწორნი არიან. ორი საწინ-
ააღმდეგო პოლუსი ყოველთვის თანასწორია, სხვაგვარად ისი-
ნი ვერ დაუპირისპირდებიან ერთმანეთს. მეორე მნიშვნელოვანი
ნიშანი ის არის, რომ ქალის სხეული სულ სხვა მიზნების გამო
არსებობს. მამაკაცის – სხეულთან შედარებით, მას სულ სხვა
ბიოლოგიური, ფიზიოლოგიური და ქიმიური ფუნქციები გააჩნი-
ა.

ქალი და მამაკაცი არსებობენ, როგორც ორი განსხვავებუ-
ლი სამყარო. ქალს საშვილოსნო გააჩნია. „აღამიანი საშვილოს-
ნოთი“ – აი, აქედან მოდის სიტყვა „ქალი“. საშვილოსნოზე მნიშ-
ვნელოვანი არაფერია, მთელი ცხოვრება მისი საშუალებით იწ-
ყება, იგი სამყაროს კარიბჭეა. ამიტომ ქალი ძალიან მგრძნო-
ბიარე უნდა იყოს. საშვილოსნო თავშესაფარია, მამაკაცი კი –
სტუმარი. იმის გამო, რომ საშო ქალის სხეულის ცენტრალური
მოვლენაა, ქალის მთელი ფიზიოლოგია შესანიშნავადაა მოწყო-
ბილი. ქალი არც აგრესიულია და არც ცნობისმოყვარე, არ იძ-
ლევს შეკითხვებს, არ ეჭვიანობს, ვინაიდან ეს ყველაფერი აგრე-
სიის შემადგენელი ნაწილებია. თქვენ ეჭვობთ, ეკითხებით, იკ-
ვლევთ, ქალი იცდის, როდის მოვა მასთან მამაკაცი, რათა იგი

გამოიკვლიოს. ქალი არ იღებს ინიციატივას, იგი უბრალოდ ელის და შეუძლია უსასრულოდ ლოდინი.

სწორედ ლოდინი განასხვავებს ქალს მამაკაცისგან. როდესაც ქალი შედის რელიგიის სამყაროში, მან სხვა გზას უნდა მისდიოს, ვიდრე მამაკაცმა. მამაკაცი აგრესიულია, ეჭვიანობს, ეძიებს, ცდილობს ყველაფრის დაპყრობას და ასეც უნდა მოიქცეს, რადგან მას აგრესიული სპერმა გააჩნია. მთელი მისი სხეული სექსს უკავშირდება, რომელიც ეძიებს, რომელმაც უნდა შეაღწიოს.

ყველა იარაღი, რომელიც კი შეუქმნია კაცობრიობას, თვითწყალბადის ბომბიც კი, მამაკაცის ორგანოს – პენისის პროექციას წარმოადგენს. ისარიც, ტყვიაც და ყუმბარაც გადალახავს სივრცეს და მიზანს აღწევს. ქალი მთვარეზე გაფრენის თაობაზეც კი გაიცინებს და იტყვის, რომ ეს სისულელეა.

მამაკაცი რისკავს სიცოცხლეს, ვინაიდან ეს მისთვის ცხოვრების საიდუმლოებებში შეღწევას ნიშნავს. რაც უფრო შორს არის მიზანი, უფრო მიმზიდველია. მამაკაცი იპყრობს ევერესტს, აბიჯებს მთვარეზე, წინ მიიწევს და მისი შეჩერება შეუძლებელია. მას ხელს ვერაფრით ვერ შეუშლით.

ის, რაც ცნობილი ხდება, უსარგებლოდ იქცევა, უკვე აღარ არის საინტერესო და საჭირო ხდება უფრო ღრმა საიდუმლოებებში შეღწევა. თითქოს მთელი ბუნება ქალი იყოს, ხოლო მამაკაცმა მასში უნდა შეაღწიოს და საიდუმლოებას ჩასწვდეს.

მამაკაცმა შექმნა მეცნიერება. ქალს არ შეუძლია მეცნიერული საქმიანობა, ვინაიდან მას არ გააჩნია დამფუძნებელი აგრესიულობა. ქალებს შეუძლიათ იოცნებონ, რამეთუ იოცნება მოლოდინია, ეს საშოს ნაწილია. მაგრამ ისინი ვერ იქნებიან მეც-

ნიერები და ლოგიკოსები, ვინაიდან ლოგიკაც აგრესიაა. ქალი ვერ იქნება სკეპტიკოსი და ეჭვიანი. მას შეუძლია, სჯეროდეს. მისი რწმენა ყოველთვის ბუნებრივია, ეს საშოს ნაწილია, ხოლო მთელი სხეული ისე არსებობს, რომ საშომ შესძლოს მასში არსებობა.

მთელი სხეული საშოს დამხმარე ბუნებრივი წარმონაქმნია, რამეთუ საშოთი მოდის სიცოცხლე ყოფიერებაში. სწორედ ეს აძლევს ქალს სრულიად განსხვავებულ ორიენტაციას. ქალისათვის რელიგია შეიძლება სიყვარულის სახეობა იყოს, მაგრამ ვერ იქნება ჭეშმარიტის ძიება. თავისთავად „ჭეშმარიტების ძიების“ ფაზა მამაკაცზეა ორიენტირებული. სარწმუნეობა ქალისთვის საყვარელი ადამიანის მოლოდინია. ღმერთი მისთვის შეიძლება იყოს მეუღლე ან შვილი, მაგრამ არა – ჭეშმარიტება, ეს უკანასკნელი ისეთი შიშველი, უფხო, მშრალი და მკვდარი ჩანს, თითქოს მასში არ იყოს სიცოცხლე. მაგრამ მამაკაცისთვის ჭეშმარიტება გაცილებით მნიშვნელოვანია, რამეთუ მან იცის, რომ ჭეშმარიტება ღმერთია, რომ, თუ იცით ჭეშმარიტება, ყველაფერი იცით. საშუალება კი, რომელსაც მამაკაცი იყენებს, არის დაპყრობა.

მამაკაცი ყოველთვის იპყრობს ბუნებას. ქალთან, მისი ამ განსხვავების გამო ყოველთვის არსებობდა პრობლემა, რაც ბუდამდე წარმოიშვა. ბუდას მეთოდი მამაკაცზეა ორიენტირებული. ეს ასეც უნდა იყოს, ვინაიდან მეთოდის შექმნა ისევ აგრესიაა. მეცნიერება აგრესიაა, იოგაც – ასევე, რადგან ისინი მასზე დაყრდნობით შეიცნობენ და ანადგურებენ სამყაროს საიდუმლოებებს. აი, რა არის ცოდნის აზრი. ჩვენ ვგებულობთ და ის, რასაც ვგებულობთ, იდუმალებას კარგავს. სანამ საიდუმლოს

არ გაანადგურებს, მამაკაცი ვერ მოისვენებს. მას სურს სამყაროს დემისტრიფიცირება, მისთვის არც ერთი საიდუმლო არ უნდა იყოს შეუცნობი. ამიტომ არის ყველა მეთოდი მამაკაცის შექმნილი. ბუდა, კრიშნა, იესო, ზარატუსტრა, მაჰავირი და ლაო ძი მამაკაცები არიან. მათი სადარი მეთოდების შემქმნელი ქალი არ არსებობს. არსებობენ გასხვივოსნებული ქალები, მაგრამ მათ არ შეუქმნიათ არავითარი მეთოდები, ისინი მაშინაც კი მიმდევრებად დარჩნენ. იმისთვის, რომ რომელიმე მეთოდი შეიქმნას, აგრესიული გონებაა საჭირო.

ქალს ძალუძს უსასრულო ლოდინი, მისი მოთმინება უსაზღვროა. ეს ასეც უნდა იყოს, რამეთუ ბავშვი 9 თვის განმავლობაში უნდა ატაროს მუცლით. ნაყოფი ყოველდღე მძიმდება, ქალს კი მოთმინებისა და თავისი ტვირთის ტარების უნარი უნდა ჰქონდეს. მას უნდა უყვარდეს თავისი ტვირთი, ელოდოს და იოცნებოს ბავშვის დაბადებაზე. შეხედეთ ქალს, დედა რომ უნდა გახდეს, იგი უფრო მშვენიერდება და იფურჩქნება, აღწევს სილამაზის ახალ პიკს, მას ნათელი აურა მოსავს, რადგან თავისი შესაძლებლობების მწვერვალზეა. იგი დედა ხდება, მისი სხეულის მთავარი ფუნქცია – დედობა – თვითონ ბუნებას დაუნესებია.

აღიქვით ფეხმძიმე ქალის ოცნებები. იგი ვერ იჯერებს, რომ მისი პირმშო ჩვეულებრივი იქნება, მის ოცნებაში ბავშვი ყოველთვის უნიკალურია. ინდოეთში არის გასხვივოსნებული დედის სიზმრის ჩანანერის ტრადიცია. ჩანერილია ბუდასა და მაჰავირის დედის სიზმრები, მაგრამ მე ვამბობ, რომ იგივე ესიზმრება ყოველ დედას. ისინი სიზმარში ხედავენ, რომ ღმერთს შობენ.

როცა ბავშვი მოეველინება ქვეყანას, მასთან ერთად დედამისც იბადება. მანამდე ის ჩვეულებრივი ქალი იყო, ბავშვის დაბადებამ კი დედად აქცია. ერთი მხრივ, იბადება ბავშვი, მეორე მხრივ – დედა, რომელიც სრულიად განსხვავდება უწინდელი ქალისგან. არსებობს წყვეტილი. ახლა დედის ყოფიერება ხალისიანი ხდება. აქამდე იგი უბრალო ქალი, შეყვარებული ან ცოლი, მაგრამ ეს აღარ არის მნიშვნელოვანი. დაიბადა ბავშვი და სამყაროში შემოვიდა ახალი სიცოცხლე, ქალი დედა გახდა. აი, რატომ ეშინიათ ზოგჯერ შვილების ყოლისა ქმრებს. მათ ხანდახან არ მოსწონთ ბავშვები, რადგან ცოლთან ურთიერთობაში მესამე პირი შემოდის, რომელიც ცენტრი ხდება. ამის შემდეგ ქალი აღარ იქნება ისეთი ცოლი, ადრე რომ იყო. თუ ქმარს ნამდვილად სურს სიყვარული, ის შვილივით უნდა გახდეს, რადგან ქალი, რომელიც უკვე დედაა, აღარასოდეს იქნება ჩვეულებრივი მდედრი. იგი დედაა და ერთადერთი გამოსავალი გრჩებათ, რომ თქვენ შვილი გახდეთ. მაშინ ხელახლა მიიღებთ მის სიყვარულს, თუ არადა, სიყვარული მთლიანად ბავშვზე გადავა.

დედამ მიაღწია მწვერვალს. გამოდის, რომ მისთვის ქმრის ან საყვარლის ყოლა მხოლოდ დედად გახდომის საშუალება იყო. ქალისათვის ძიება დედად გახდომის საშუალება და დედობის მოლოდინია, ქმრისათვის კი შვილი არ არის მიზანი. მამაკაცი ქალს ეძებს, რათა უყვარდეს იგი და თუ ბავშვი ჩნდება, ეს უბრალო შემთხვევითობაა. მამაკაცმა უნდა აიტანოს თავისი შვილი, რომელიც გზის ნაპირზეა და არ არის მიზანი და გზის დასასრული.

ეს განსხვავება ღვთისკენ მიმავალ გზაზეც წარმოიშობა. ათასობით ქალი ინტერესდებოდა ბუდათი და მის გზაზე სურდა

დადგომა და ზიარება. ბუდა კი ენინალმდეგებოდა ამას, რამეთუ მისი მეთოდი ძირითადად მამაკაცებზეა მხოლოდ ორიენტირებული. ბუდას ქალებისათვის ნება რომ დაერთო, მთელი სქემა ფუჭდებოდა. მაგრამ მას მოუხდა ქალების დაშვება ზიარებაზე, იგი ხომ ყველას თანაუგრძნობდა, უამრავი ქალი მივიდა ბუდასთან ზიარების მისაღებად. ბუდა იღებდა მათ, მაგრამ სევდიანად ეუბნებოდა: „ჩემი რელიგია ხუთი ათასი წლის განმავლობაში იარსებებდა, ახლა კი იგი მხოლოდ 500 წლამდე გასტანს“.

იმის გამო, რომ წინააღმდეგობები ერთმანეთს შეხვდნენ, ქაოსი დაიწყო და მართლაც 500 წლის შემდეგ ბუდიზმი მოისპო ინდოეთში, ვინაიდან ქალებმა უამრავი პრობლემა შემოიტანეს, ბუდას მეთოდი კი თავის საწყისში მამაკაცებისათვის არის გამიზნული.

თუ ბუდას მიზანს გაიგებთ, მაშინ ქრისტე უფრო თანამგრძნობლად მოგეჩვენებათ. მასზე ვერ იფიქრებთ, როგორც – მამაკაცურ შოვინისტზე. იგი არ იყო ასეთი – არც მამაკაცების მომხრე და არც ქალთა მოწინააღმდეგე. მისი მეთოდი, რომელიც ეკლესიამ დაკარგა, შეუძლიათ გამოიყენონ მამაკაცებმაც და ქალებმაც.

სიმონ-პეტრემ უთხრა იესოს: „გაგვშორდეს მარიამი, რადგან ქალები არ არიან ცხოვრების ღირსნი...“

ეკლესია ანტიფემინისტური გახდა: არსებობდა მონასტრები, რომლებშიც მამაკაცები ქალებს შესვლის ნებას არ რთავდნენ, ქალი ბოროტების მთავარ მიზეზად ითვლებოდა: უცხო ყოველთვის ბოროტად გეჩვენებათ, ვინაიდან ვერ უგებთ მას.

ქალი იდუმალებით მოცული რჩება და, როცა ის თქვენს ცხოვრებაში შემოდის, დომინირებას იწყებს, მაგრამ ის ამას

ისეთი სინატიფით აკეთებს, რომ მის წინააღმდეგ აჯანყება არ შეგიძლიათ.

მამაკაცს ყოველთვის ეშინოდა მისი, ამიტომ ის, ვინც ჭეშმარიტებას ან ღმერთს ეძებს, ყოველთვის გაურბის ქალს. როცა ქალი მოდის, ის დომინირებს ყველაფერზე. ქალს სურს მთლიანად დაიპყროს თქვენი ყურადღება. მას არ სურს, მოწინააღმდეგედ ღმერთი ან ჭეშმარიტება ჰყავდეს. ქალი ვერ იტანს მოწინააღმდეგეს, იგი ეჭვიანია. მაშასადამე, მაძიებელი უნდა ერიდოს ქალებს.

ერთმა ახალგაზრდა კაცმა სოკრატეს ჰკითხა: „რას მიჩვევთ, ცოლი შევირთო თუ არა?“ და სწორედ იმას ჰკითხა, ვისთვისაც უნდა ეკითხა, სოკრატე ხომ დააზარალა ქორწინებამ. მას ჰყავდა ცოლი, სახელად ქსანტიპა, რომელიც ერთ-ერთი ყველაზე საშიში ქალი იყო კაცობრიობის ისტორიაში. იგი გამუდმებით ედავებოდა სოკრატეს, აძლევდა მითითებებს; ხელში რაც მოხვდებოდა, ზოგჯერ ესროდა ხოლმე კიდეც. ერთხელ ცხელი ჩაიც კი შეასხა ქმარს და ნახევარი სახე დაუნვა.

ამრიგად, ახალგაზრდა კაცმა იცოდა, ვის მიმართავდა. სოკრატემ უპასუხა: „ქორწინება საჭიროა. თუ კარგი ცოლი შეგხვდებათ, ბედნიერი იქნებით, ხოლო თუ ჩემი ცოლისნაირ ქალს გადაეყრებით, მაშინ ფილოსოფოსი გახდებით და ორივე შემთხვევაში არაფერს წააგებთ“.

სიმონ-პეტრემ უთხრა იესოს: „გაგვმორდეს მარიამი, რადგან ქალები არ არიან ცხოვრების ღირსნი...“

რასაკვირველია, სახიფათოა, ქალები თქვენს გვერდით იყვნენ, რამეთუ მაშინ აღარ გეცოდინებათ, სად მიდიხართ და რა ხდება. მოედანი დაბინძურებულია. ქალი მამაკაცისთვის იღუ-

მალეებისა და შეუცნობელის სიმბოლოა. ის წარმოგვიდგება ზმანების, პოეტურობის, არალოგიკურობის, ირაციონალურობისა და არაცნობიერების სიმბოლოდ.

მოლა ნასრედინი და მისი ცოლი წაეკიდნენ ერთმანეთს. მათი კინკლაობა კარგა ხანს გაგრძელდა. ბოლოს ნასრედინმა იფიქრა, დანებება სჯობიაო. ძნელია ქალთან ბრძოლა. ქალმა უნდა გაიმარჯვოს, თორემ წინააღმდეგ შემთხვევაში იგი ისეთ უბედურებას გადაგყრით, თქვენს გამარჯვებას ფასი არ ექნება. ნასრედინმაც ეს გაიფიქრა და ცოლს უთხრა: „კარგი, გეთანხმები“. ხოლო ცოლმა მიუგო: „ახლა ეს ვეღარ გიშველის, მე აზრი შემეცვალა უკვე“.

მას, ვინც ღმერთს ეძიებდა, ყოველთვის ეშინოდა ქალის, რადგან მათთან ურთიერთობაში არასოდეს არაფერში არ ხართ დარწმუნებული. გამოსავალს ვერ ხედავთ იმაში, რომ მისცეთ ქალს უფლება, იყოს თქვენი ცხოვრების თანამგზავრი და მეგობარი, რადგან გეშინიათ, მან გამოუსწორებელი უბედურება არ დაგატეხოთ თავს. ქალების ქცევა არალოგიკურია, მათი გონება – ამოუცნობი და ამასთან, ყოველთვის არსებობს იმის შესაძლებლობა, რომ შეიყვაროთ ქალი და მასთან სექსუალური კავშირი დაამყაროთ. ამ უკანასკნელ შემთხვევაში გზა გებნევით და სულ სხვა მიმართულებით მოძრაობთ. ბერებსა და მადიებელს ქალის ყოველთვის ეშინოდათ და მათი შიში გასაგებია.

სიმონ-პეტრე, გულისხმობდა რა იმას, რომ რელიგიის სინძინდე შეილახებოდა თუ ქალს დარჩენის ნება მიეცემოდა, მიმართულებას აძლევდა მომავალ ასწლეულებს. მან თქვა: „გაგვმორდეს მარიამი, რადგან ქალები არ არიან ცხოვრების ღირსნი.“ რომელი ცხოვრების? რომელსაც ქრისტეს მონაფეები ეძი-

ებდნენ – საუკუნო ცხოვრებისა. ახლა შეეცადეთ გაიგოთ, რატომ ფიქრობდა პეტრე, რომ ქალები არ არიან საუკუნო ცხოვრების ღირსნი.

ინდოეთში ჩვენ მას ვუნოდებთ პროკრიტს, თავად ბუნებას, დედამიწას და მთელი ბუნების საფუძველს. ქალი ბუნებრივია და ასეთივეა მისი მიზნები და ტენდეციები. იგი არასოდეს გეკითხებათ ისეთ რამეს, რაზეც პასუხის გაცემა შეუძლებელია. ის ყოველთვის იქითკენ მიისწრაფვის, რაც შესაძლებელია, ხოლო მამაკაცი ყოველთვის შეუძლებელს ეძებს და არასოდეს კმაცოფილდება შესაძლებლობით. ქალს ჰყოფნის ბედნიერი დედობა და ცოლობა. მაშინ მისი ცხოვრება არ არის ცარიელი. ბიოლოგები ამბობენ, რომ ამას თავისი მიზეზი აქვს. მამაკაცში არსებობს ფიზიოლოგიური და ჰორმონალური უნონასწორობა, ქალი კი უფრო წრეს წააგავს და განონასწორებულია. ბიოლოგები ამტკიცებენ, რომ სპერმატოზოიდებისა და კვერცხუჯრედების კომბინაცია, რისგანაც ადამიანი წარმოიშობა, მაშინვე განსაზღვრავს, ბიჭი დაიბადება თუ გოგო. 23 ქრომოსომას დედა იძლევა, 23 ქრომოსომას – მამა. თუ დედის 23 და მამის 23 ქრომოსომა იძლევა 23 სიმეტრიულ წყვილს, მაშინ ღრმა წონასწორობაა და გოგონა დაიბადება, ვინაიდან ქრომოსომები სიმეტრიულია. მამას აქვს ქრომოსომების უნონასწორო Xy წყვილი, ხოლო დედის ქრომოსომების წყვილებში წონასწორობაა – XX. მაშასადამე, სპერმის ნახევარი შეიცავს X ქრომოსომას, ხოლო მეორე ნახევარი – y-ს. თუ y ქრომოსომის შემცველი სპერმატოზოიდი შეხვდა დედის კვერცხუჯრედს, დაიბადება ბიჭი და ეს იქნება ასიმეტრია, ანუ უნონასწორობა, რაც ბიჭის დაბადების „პირველსავე დღეს შეგიძლიათ დაინახოთ. ახლადდაბადე-

ბული გოგონა თუ მშვიდია, ბიჭი მოუსვენრობს. დედებმა იციან, რომ ბიჭი საშოშიც კი მოუსვენარია და მათ წინასწარ შეუძლიათ განსაზღვრონ, ბიჭი დაიბადება თუ გოგონა.

მამაკაცი შინაგანად ღელავს, გამუდმებით მოძრაობს და შორეულისკენ მიისწრაფვის, ხოლო ქალი უფრო სახლით, ოჯახური გარემოცვითა და მეზობლის ამბებით ინტერესდება. იგი არ წუხს იმის თაობაზე, თუ რა ხდება ვიეტნამში ანდა კვიპროსზე, ეს მისთვის არ არის არსებითი.

ქმარი კი ფიქრობს, რომ ცოლი მაღალი მატერიებით არ ინტერესდება. საქმე ამაში როდი მდგომარეობს. ქალი ამქვენად საკუთარ თავთანაა დარჩენილი და მხოლოდ თავისი უახლოესი გარემოცვა აინტერესებს. ცხოვრებისეული უბრალო წვრილმანი და ჭორებია მხოლოდ მისთვის საინტერესო. ეს ახალი ამბები უფრო პირადულია და შინაურული, ქალს კი მეზობელი საკმაოდ ჰყავს.

მაგრამ უფრო მეტად დაკმაყოფილებული ცოლი ან დედა მეზობლებზეც არ იღელვებს, მისთვის საკუთარი სახლიც საკმარისია. იგი თავს სრულყოფილად გრძნობს და ამას ბიოლოგიური მიზეზი აქვს, რამეთუ მისი ჰორმონები და უჯრედები ბალანსირებულია. მამაკაცი კი მოუსვენარია და არ შეუძლია დაკმაყოფილდეს, ვიდრე საზღვარს არ იპოვის და მაშინაც არ ხდება ცნობილი, დაკმაყოფილდა თუ არა იგი მიღწეულით. ასეთია განსხვავება ქალსა და მამაკაცს შორის და ყველა სარწმუნეობა შორეულის ძიებაა.

მაგრამ ქალი ღვთის საძიებლად არ მიდის იესოსთან. არა, მისთვის არ შეიძლება ამ შორეულ რაღაცას მნიშვნელობა ჰქონდეს. შესაძლოა, მას შეუყვარდეს იესო, ასევე ბუდა. მეც ასეთივე

შეგრძნება მაქვს. ყოველთვის, როცა მამაკაცი მოდის ჩემთან, იგი მეუბნება: „რასაც თქვენ ამბობთ, სარწმუნოდ გამოიყურება და ამიტომ შეგიყვარეთ“. ქალი ასე არ იტყვის. იგი ამბობს: „მე თქვენ შეგიყვარეო, რასაც თქვენ ამბობთ, დამაჯერებლად მიმაჩნია“.

პეტრე სნორი იყო, როცა ეშინოდა, მარიამი უბედურებას დაატეხდა მათ თავზე. თქვენ უცნობ ტერიტორიაზე მოძრაობას გირჩევენიათ დარჩეთ რაღაც განსაზღვრულ სივრცეში და არ დართოთ ქალებს თქვენთან დარჩენის ნება. მამაკაცი ფუნქციონირებს ცნობიერში, ქალი კი – პირიქით, ქვეცნობიერში. ამიტომ მამაკაცს ძალუძს დეტალების დაგროვება, მაგრამ არ არის ღრმად მგრძნობიარე, ქალი კი დეტალებს ვერ აგროვებს, მაგრამ ღრმად განიცდის უბრალო ამბავსაც.

მამაკაცს შეუძლია მიიღოს რაც შეიძლება მეტი ცოდნა, მაგრამ არ ძალუძს ღრმა სიყვარული. ქალს შეუძლია ინტენსიური სიყვარული, მაგრამ არა აქვს უფრო მეტი ცოდნა, ვინაიდან ცოდნა ცნობიერი ფენომენია, სიყვარული კი – ქვეცნობიერი.

ყველა სარწმუნეობა ქალების წინააღმდეგია, რამეთუ იგი მამაკაცებმა შექმნეს, ამასთან, საქმე ქალების შეფასება კი არ არის, უბრალოდ, სარწმუნეობა მამაკაცებიდან იღებს სათავეს, რომლებსაც ეშინიათ ქალებისა და არ სურთ ისინი მათ სივრცეში დარჩნენ.

ასე რომ, ყველა სარწმუნეობა ძირითადად ჰომოსექსუალურია და არა ჰეტეროსექსუალური. ყველა რელიგიური წესჩვეულებაც ჰომოსექსუალურია და ბერებიც ასეთ საზოგადოებაში ცხოვრობენ. ქალები რომც დაუშვან, მათ მეორეხარისხოვან როლს აძლევენ. ისინი უნდა მიჰყვნენ მამაკაცების დაკა-

ნონებულ წესებს, რათა უბედურება არ დაატრიალონ. ქალებს შეუძლიათ იცხოვრონ მონაზვნური წესით მონასტერში, მაგრამ ამის იქით მათი უფლებები შეზღუდულია.

იმის წარმოდგენაც კი არ შეიძლება, რომ ქალი ეკურთხება რომის პაპად, რამეთუ იგი დაშლის ეკლესიის მთელ სტრუქტურასა და ორგანიზაციას. სიმონ-პეტრე ფიქრობს ორგანიზაციის, დიდებული ეკლესიის შექმნაზე და ამიტომაც სურს ქალების გაძევება. იგი თვლის, რომ ეს საქმე მარიამით უნდა დაიწყო, რამეთუ, თუკი მას დაუშვებენ თავისთან და პატივს მიაგებენ, მაშინ სხვა ქალებიც მოვლენ და ქაოსი დაიწყება.

იესომ უთხრა მონაფეებს: **„უყურეთ, მე წავიყვან მას, მამაკაცად რომ ვაქციო, რათა ისიც გახდეს უკვდავი სული, – რომელიც იქნება თქვენი მსგავსი, რამეთუ ნებისმიერი ქალი, რომელმაც საკუთარი თავი მამაკაცად აქცია, შევა ცათა სასუფეველში...”**

რა აქვს მას მხედველობაში? ქალის მამაკაცად გადაქცევა გულისხმობს მისი ქვეცნობიერის ცნობიერად შეცვლას, შინაგანი სიბნელის ცნობიერ გონებაში გამომზეურებას. ქვეცნობიერი ქრება და ცნობიერად იქცევა მთლიანად ისე, რომ მისი იდუმალეობა არა საცდურის ლოდი ხდება, არამედ ქვა, რომელიც მდინარის გადალახვისას საყრდენად გამოდგება. მაშინ ყოველგვარი პრობლემა გაქრება.

ამის შესრულება შეიძლება, მაგრამ საჭიროა, გვერდით უდიდესი ოსტატი გყავდეთ, რომელიც ერთდროულად ქალიც იქნება და მამაკაციც, რომელმაც ისეთ შინაგან სრულყოფილებას მიაღწია, რომ მისი საკუთარი შინაგანი სქესი გაქრა, აღარ არის გაყოფილი და სექსუალური, არც მამაკაცია და არც ქალი.

მხოლოდ ის გიშველით, რამეთუ ის მამაკაცსაც უგებს და ქალსაც. და აი, იესო ამბობს: „მე წავიყვან მას, რომ მამაკაცად ვაქციო...“ ნუთუ ის ქალს სხეულს შეუცვლის? არა, სხეული არ არის მთავარი, მამაკაცური გონება ქალის სხეულშიც არის და მამაკაცისაშიც. მაგალითად, ქალბატონ კიურის სხეული ქალის ჰქონდა, მაგრამ გონება – მამაკაცური და რაციონალური. იყვნენ ქალების მსგავსი აბსურდული მამაკაცებიც. ჩაიტანია მაჰაპრაბჰუ* იყო სრულყოფილი ადამიანი, უდიდესი ლოგიკოსი და ფილოსოფოსი. რომ გაეგრძელებინა საქმიანობა და ბოლომდე ყოფილიყო ამით გატაცებული, ის ისტორიაში შევიდოდა, როგორც დიადი მოაზროვნე. მაგრამ მან უარყო ლოგიკა. შეიშალა, დაიწყო ცეკვა და კირტანის (ღვთის სადიდებელი სიმღერები და ცეკვები) ქუჩაში შესრულება. ის გახდა ქალური, სახე გაულამაზდა. სხეული შეეცვალა და დაუმრგვალდა და მას ღმერთი შეუყვარდა ისე, თითქოს მისი შეყვარებული ქალი ყოფილიყო.

რას ამბობს იესო? მისი აზრით, ქალის არაცნობიერება შეიძლება ცნობიერებით შეიცვალოს და ამ შემთხვევაში ქალი სრულად გადასხვაფერდება.

რას გულისხმობს იესო მამაკაცად გადაქცევაში? მამაკაცებმა არ უნდა იფიქრონ, რომ ისინი ქალებზე მაღლა დგანან. ის მხოლოდ შინაგან სიბნელეს გულისხმობს, რომელშიც ცხოვრობს და უნდა ცხოვრობდეს ქალი, რადგან ის უფრო სხეულზეა ორიენტირებული. ბუნებას ქალი უფრო სჭირდება, ვიდრე მამაკაცი. აი, რატომაა, რომ ბუნებაში ვერ იპოვით მამებს, ცხოველთა სამყაროში ვერ შეხვდებით მათ, მხოლოდ ადამიანთა საზოგადოებაში ნახავთ მამებს, ვინაიდან მამა ფორმალობა, საზოგადოებრივი მოლაპარაკება და არაბუნებრივი მოვლენაა. ლინ-

გვისტები ამტკიცებენ, რომ „ბიძა“ უფრო ძველი სიტყვაა, ვიდრე „მამა“. როცა ჩამოყალიბდა ურთიერთობა – „ერთი მამაკაცი – ერთი ქალი“, მაშინ გაჩნდა სწორედ სიტყვა „მამა“. ამ დროისთვის „ბიძა“ უკვე იყო. ბავშვისთვის ყველა კაცი ბიძა იყო და არავინ იცოდა, ვინ იყო მამა, ისე, როგორც ცხოველებია, სადაც შეიძლება ყველა მამრი მამა იყოს.

და კვლავაც შეიძლება არსებობდეს სამყარო უმამოდ, ვინაიდან მამა კერძო საკუთრებასთან ერთად მოვიდა ყოფიერებაში. ის მარტო თავის საკუთრებას კი არ ფლობდა, იცავდა საკუთარ ქალსაც. ერთ მშვენიერ დღეს გაქრება საკუთრება და მასთან ერთად – მამობაც.

დასავლეთში ეს პროცესი უკვე დაიწყო. ბევრ მარტოხელა ქალს ჰყავს ბავშვი, რომელიც მამამ მიატოვა. მარტოხელა ქალების რიცხვი დღითიდღე იზრდება. დედა ვერ მოიშორებს ბავშვს, რამეთუ ბუნებას დედა უფრო მეტად სჭირდება. აი, რატომაა დედა უფრო ხორციელი მოვლენა – ქალების ყურადღება სხეულზე უფროა მიპყრობილი, ვიდრე მამაკაცების. ეს არის მიზეზი, რომ ქალებს ჩაცმისთვის დიდი დრო სჭირდებათ.

ერთხელ ავტომანქანაში ვიჯექი. გვერდით მდგარ მანქანაში ვილაც საყვირს აძლევდა. ფანჯრიდან ცოლმა გამოიხედა და დაუძახა: „უკვე რამდენჯერ გითხარი, რომ ორ წუთში მზად ვიქნები“. ის მართალი იყო – ერთი საათის განმავლობაში იცვამდა და ქმარს ეუბნებოდა, ორ წუთში მზად ვიქნებიო.

რატომ სჭირდებათ ქალებს ჩაცმისათვის ამდენი დრო? მათი გულისყური სხეულზეა მიპყრობილი, მამაკაცებისა კი – გონებაზე.

ერთხელ ერთმა გამოჩენილმა მსახიობმა ქალმა თქვა: „ვიცი, რომ არა ვარ ძალიან ლამაზი, მაგრამ რა ფასი აქვს ჩემს აზრს, როცა სარკეს სხვა აზრი აქვს? ვიცი, რომ არცთუ ისე ლამაზი ვარ, მაგრამ სარკე მეუბნება, ყველაზე ლამაზი ხარო“. მსახიობისგან ამ სიტყვებს არავინ არ მოელოდა.

ქალები დგანან საათობით სარკის წინ და უყურებენ საკუთარ თავს. კაცი ვერ გაიგებს ამას. ერთხელ მოლა ნასრედინი ბუზებს ხოცავდა და ცოლს უთხრა: „ორი დედალი ბუზი მოვკალი და ორი მამალი“. ცოლს გაუკვირდა და ჰკითხა: „საიდან გაიგე, რომელი იყო მამალი და რომელი დედალი?“ მოლამ მიუგო: „სარკეზე ორი ბუზი რომ იჯდა, ისინი დედლები იყვნენ“.

ქალები უფრო მეტად ხორციელნი და მიწიერნი არიან და ამიტომ ცოცხლობენ მამაკაცებზე დიდხანს. ამიტომ გვხვდება ასე ბევრი ქვრივი ქალი. 100 გოგონაზე 120 ბიჭი იბადება, მაგრამ თოთხმეტი წლის ასაკში უფრო მეტი ბიჭი კვდება. ხდება წონასწორობის აღდგენა და ბუნება წონასწორობის შესანარჩუნებლად 100 გოგონაზე ისევ 120 ბიჭს ბადებს..

როცა მოუსვენარი ხართ, ენერგია გეხარჯებათ. თუ ზუსტ ციფრებში ვიანგარიშებთ, მაშინ ქალების სქესი უფრო ძლიერია მამაკაცების სქესზე. ქალები უფრო დიდხანს ცხოვრობენ და ნაკლებად ავადმყოფობენ, ისინი უფრო ჯანმრთელები არიან, უკეთ უმკლავდებიან ავადმყოფობას და მასში სიცოცხლე უფრო ძლიერია, ვიდრე მამაკაცებში. დააკვირდით – ზამთარში ქალები უფრო თხლად იცვამენ, ვიდრე მამაკაცები და არ ცივდებიან. მათი გამძლეობა უფრო ძლიერია და უკეთესად არიან დაცულნი, ვინაიდან უფრო ღრმად აქვთ სხეულში ფესვები გადგმული.

მამაკაცი თავით ცხოვრობს. იგი უფრო მენტალურია. ამიტომ არის, რომ რიცხობრივად უფრო მეტი მამაკაცი იშლება ჭკუიდან და სიცოცხლეს თვითმკვლელობით ამთავრებს, ვიდრე ქალი. ქალი ძლიერია, მამაკაცი კი – სუსტი. გონება ვერ იქნება ისეთი ძლიერი, როგორც სხეული, რამეთუ იგი სხეულზე გვიან გაჩნდა, ამ უკანასკნელს კი დიდი ხნის გამოცდილება გააჩნია.

მაგრამ სხეულში ეს ფესვგადგმულობა პრობლემად იქცევა ხოლმე ღვთისაკენ მიმავალ გზაზე. ჩვეულებრივ, ცხოვრებაში ქალები იმარჯვებენ, მაგრამ სულიერი ცხოვრება ბუნების საწინააღმდეგოდ და მის საზღვრებს გარეთაა.

მამაკაცი ჩიტს ჰგავს და დაფრინავს, ქალი კი ხეს მოგვაგონებს, რომელსაც ფესვები აქვს გადადგმული. როცა ჩიტს – მამაკაცს, სურს შეისვენოს, ეფარება ხის ჩრდილს, ისვენებს ხის – ქალის, ტოტებზე. ეს კარგია, რამდენადაც დაკავშირებულია ბუნებრივ ცხოვრებასთან, მაგრამ თუ ადამიანი ბუნების საზღვრებს იქით იწყებს სვლას, მაშინ თვით სვლაც წინააღმდეგობად ექცევა.

იესომ თქვა: **„უყურეთ, მე წავიყვან მას, მამაკაცად რომ ვაქციო, რათა ისიც გახდეს უკვდავი სული.“**

ქალი ცოცხალი სხეულია, ამიტომ მისთვის უფრო გრძელია გზა. წარმოიდგინეთ სამი რამ: ცოცხალი სხეული, ცოცხალი გონება და ცოცხალი სული. ეს სამი დონეა. ქალი ცოცხალი სხეულია, მამაკაცი – ცოცხალი გონება, მის მიღმა კი არსებობს ცოცხალი სული, ატმანი. გონებიდან სულამდე მოკლე მანძილია, ვიდრე სხეულიდან – სულამდე, მაგრამ ეს ნუ შეგაშინებთ – ბუნებაში ყველაფერი განონასწორებულია. დიდი მანძილის გა-

დალახვა უფრო ძნელია, მაგრამ არის შეღავათი იმაში, რომ ქალი მარტივი არსებაა.

მამაკაცი კი რთული არსებაა და ეს სირთულე ბევრი უსიამოვნების წყაროა. გონებიდან სულამდე მოკლე გზაა, მაგრამ გონებიდან ნახტომის გაკეთება ძნელია, ვინაიდან ეჭვები წარმოიშობა. ქალს იოლად შეუძლია ნახტომის გაკეთება, მას სხეულში აქვს ფესვი გადგმული, სჯერა და არ ეჭვიანობს. ქალს თუ მამაკაცი შეუყვარდა, ჯოჯოხეთშიც კი ჩაჰყვება. თუ არის რწმენა, ქალი მიჰყვება მამაკაცს. აი, რატომ ვერ წარმოიდგენს ქალი ვერასოდეს, რატომ შეუძლია მამაკაცს ასე ადვილად ტყუილის თქმა და ორგულობა, ქალი ხომ თვითონ არ არის ასეთი. მას ყოველთვის სწამს და ამ რწმენით ცხოვრობს.

ამრიგად, ქალს გააჩნია სირთულეები იმის გამო, რომ სხეული ასე შორსაა სულისაგან, მაგრამ აქვს უპირატესობაც. როცა მას უყვარს და სწამს, იოლად შეუძლია ნახტომის გაკეთება, ამიტომ მსოფლიოში არ ყოფილა ბევრი ოსტატი ქალი, მაგრამ იყო ბევრი უდიდესი მონაფე მდედრობითი სქესისა და ვერც ერთი კაცი ვერ შეედრება ქალს ამაში, რამეთუ ქალს თუ სწამს, მართლა წამს.

ინდოეთში ჯაინების ბევრ ბერსა და მონაზონს შეხვდებით. ჯაინი ბერები მეტად ჩვეულებრივ გამოიყურებიან და სხვებისაგან მხოლოდ სამოსით განსხვავდებიან. გამოუცვალეთ მათ სამოსი და საქმიან საზოგადოებაში დასვით, მაშინ მათ სხვებისგან ვერ გაარჩევთ. სულ სხვაა ჯაინი მონაზვნები – მათ თუ სწამთ, მათში არის სინმინდე. შეადარეთ კათოლიკე ბერები და მონაზვნები. ბერები ეშმაკები არიან, მათ არ დაეჯერებათ, რომ ცელი-ბატს* ინახავენ. თუ მთლად ბრიყვია რომელიმე, ეს კიდევ შესაძ-

ლებელია, მაგრამ თუ ცოტაოდენი ჭკუა მაინც აქვს, მაინც იპოვის გამოსავალს. მონაზვნები? ისინი მართლა წმინდანი ქალწულები არიან და შეგიძლიათ ენდოთ. მათ თუ ნაბიჯი გადადგეს, უკან აღარ დაიხევენ. ამიტომ, მართალია, არის სიძნელეები, ვინაიდან მანძილი დიდია, მაგრამ არის შესაძლებლობები, რომლებიც ხელს უწყობს ქალს დამაჯერებელი ნახტომის გაკეთებაში. სხეულს არ სჩვევია ყოყმანი, გონება კი ხშირად ორჭოფობს.

იესომ უთხრა მონაფეებს: **„უყურეთ, მე წავიყვან მას, მამაკაცად რომ ვაქციო, რათა ისიც გახდეს უკვდავი სული, რომელიც იქნება თქვენი მსგავსი, რამეთუ ნებისმიერი ქალი, რომელმაც საკუთარი თავი მამაკაცად აქცია, შევა ცათა სასუფეველში...”**

ეს იესოს სწავლების ერთი ნაწილია, ხოლო მეორე ნაწილი არ არის ჩანერილი. შეიძლება, არ იყვნენ ქალები, რომლებიც ამას ჩაინერდნენ. ეს ყველაფერი ხომ მამაკაცების ხელნაწერი მოვიდა ჩვენამდე. მაგრამ მე ვიცი, რომ არსებობს მეორე ნაწილიც და რომ არის ჩანაწერი ამის შესახებ.

განსაზღვრული კულმინაციის, ყოფიერების კრეშჩენდოს დროს მამაკაცი ქალად იქცევა ისევე, როგორც ქალი მამაკაცად. ეს არ არის ცალმხრივი პროცესი, რამეთუ თქვენ ორივე უკიდურესობა ხართ.

ქალმა უნდა გარდასახოს თავისი ქვეცნობიერი ცნობიერებად, ირაციონალური – მიზეზობრივად, რწმენა – დაეჭვებად და მოლოდინი – მოძრაობად. მამაკაცმა კი საწინააღმდეგოდ უნდა იმოქმედოს – გადააქციოს თავისი მოძრაობა სიმშვიდედ, მოუსვენრობა – მოსვენებად და დაეჭვება – რწმენად. მაშინ ზეცნობიერი არსება დაიბადება.

ქალი და მამაკაცი ორი მხრიდან უნდა მოძრაობდნენ – მამაკაცი – კაცურობიდან, ქალი – ქალურობიდან, რადგან გონება, მამაკაცი, ეს არის ნახევარი, რაც ვერასოდეს გახდება მთლიანი. ორივე უნდა დაიჭრან თავისი სტატიკური მდგომარეობიდან, შეერწყან ერთმანეთს და გახდნენ ასექსუალურები. ინდუისტებისათვის ეს სრულიად გასაგებია – მათი ტერმინი – „ბრაჰმო“ არც ერთ სქესს არ მიეკუთვნება.

ინგლისურ ენაში ორი სქესია, სანსკრიტი – სამი: მამრობითი, მდედრობითი და კიდევ ერთი, ორივეზე აღმატებული – „ბრაჰმო“. მესამე ნეიტრალური სქესია. ის, ვინც ბრაჰმოს აღწევს, ბრაჰმას ემსგავსება, მამაკაცისა და ქალის ურთიერთსაწინააღმდეგო მხარეები ქრება. მხოლოდ ამ შემთხვევაშია შინაგანი არსი თავისუფალი.

იესოს თავისი სწავლების მეორე ნაწილიც უნდა ეთქვა, რაც არ ჩაიწერეს. როცა რამეს ვინერთ, ამას საკუთარი თავის შესაბამისად ვაკეთებთ. რასაც მე გეუბნებით, აქედან თქვენი გონება იწერს იმას, რასაც ეთანხმება. თქვენ ბევრ რამეს უარყოფთ და არც აცნობიერებთ, ისე უკუაგდებთ. ეს გაუცნობიერებელი მოქმედებაა. უბრალოდ, თქვენი მეხსიერება არ იწერს მას. თქვენ ბევრ რამეს ტოვებთ, ვინაიდან იმასხოვრებთ საკუთარი თავის შესაბამისად.

იესოს შეეძლო ელაპარაკა, მოწაფეებს – მოესმინათ ეს, მაგრამ შეგონებებს იქვე არავინ იწერდა. გადიოდა ასწლეულები და ეს შეგონებები თაობიდან თაობას გადაეცემოდა.

ერთი პატარა ცდა ჩაატარეთ და მაშინვე გაიგებთ ამას – ოციოდე მეგობარი შეკრიბეთ, წრიულად შემოისხით გარშემო, ყველას ფურცლები და სანერ-კალმები დაურიგეთ, შემდეგ და-

წერეთ რომელიმე წინადადება. პირველი მათგანი გადაინერს წინადადებას და მომდევნოს ყურში ეტყვის, რომელიც წინადადებას წერს თავის ფურცელზე და შემდეგ მეგობარს ჩასჩურჩულებს. როცა ეს წინადადება მთელ წრეს შემოივლის და თქვენთან დაბრუნდება, იგი აღარ იქნება იგივე. ბევრი სიტყვა დაიკარგება მასში და ბევრიც დაემატება. თუ მცირე დროის ინტერვალში ასე ხდება, წარმოიდგინეთ, რა დაემართებოდა იესოს გამონათქვამებს.

იესო ამტკიცებს, რომ საჭიროა კუთვნილი ნახევრის დატოვება და მთლიანის მიღწევა. მაშასადამე, ნუ იფიქრებთ, თითქოს არაფერი არ უნდა გააკეთოთ ან უკვე ბევრი რამ მოიმოქმედეთ იმით, რომ მამაკაცი ხართ. არა, თქვენ ისევე უნდა იქცეთ, ქალად, როგორც ქალი უნდა იქცეს მამაკაცად. ორივე მხარე უნდა ამოძრავდეს, გახდეს დინამიკური და შეერწყას ერთმანეთს, ორივე თქვენგანი უნდა გამოვიდეს ნაწილის საზღვრებიდან და მთლიანი გახდეს.

ამიტომ მსურს გითხრათ, რომ მე მივიყვან მამაკაცებს იქამდე, რომ ისინი ქალებად გარდაისახონ. მე მივიყვან ქალებს მამაკაცებად გარდასახვამდე, მივალწევთ მთლიანობას და სქესი გაქრება, რამეთუ იგი მხოლოდ გაყოფის დროს არსებობს. იცით, რას ნიშნავს სიტყვა „სქესი?“ სანყისი ფუძე ლათინურში ნიშნავს „გაყოფას“. ამრიგად, როცა მიაღწევთ ღმერთს, არც მამაკაცი იქნებით, არც ქალი. ნუ გადააქცევთ ამ შეგონებას მამაკაცური „ეგოს მოგზაურობად“. ასე არ არის.

შეეცადეთ გაიგოთ, რომ ნაწილი შევსებულ უნდა იქნას, რათა მთლიანი გახდეთ, არ უნდა გაიგივდეთ არც ერთ განაყოფთან, რათა განუყოფელმა შესძლოს თქვენში შემოსვლა.

სიმონ-პეტრემ უთხრა იესოს: „გაგეშორდეს მარიამი, რადგან ქალები არ არიან ცხოვრების ღირსნი...”

ეს სიმონ-პეტრეს გონებაა და არა იესოსი, ასეც უნდა მსჯელობდეს მონაფე, რომელიც ჯერ არ არის გასხვივოსნებული და არ ძალუძს განუყოფლის დანახვა. იგი ნახევრად ბრმაა, რადგან ჯერ ახლა აეხილა თვალი და უმეცრების სამყაროშია. ზემოთ ხსენებული სიტყვები სიმონ-პეტრეს გონებიდან მოდის, ხოლო როდესაც იესომ ამქვეყნიური ცხოვრება დატოვა, სიმონ-პეტრე უფრო მნიშვნელოვანი ფიგურა გახდა, ვიდრე იესო იყო და მისი აზრები უფრო გასაგები შეიქმნა ხალხისათვის, რადგან სიმონ-პეტრე იმავე სამყაროს ეკუთვნის, რომელსაც – თქვენ.

პეტრემ შექმნა ეკლესია, ის იქცა ქვაკუთხედად. სიტყვა „პეტრე” „ქვას” ნიშნავს და მასზე დგას მთელი ეკლესია. მაჰავირისა და ბუდას მონაფეები ვერ დაემსგავსნენ პეტრეს. კათოლიკური ეკლესია ხომ დედამინაზე არსებულ ეკლესიათა შორის უძლიერესია, მაგრამ ამავე დროს ყველაზე სახიფათოც, და აი, რატომ – ძალა არასაიმედო ხელშია. როცა ოსტატი აღარ არის დედამინაზე, მონაფეები იქცევიან ოსტატებად და ყველაფერს ისინი წყვეტენ. რასაკვირველია, მათი გადანყვეტილებები შეიძლება იყოს მხოლოდ წინასწარ აკვიატებული, ნახევრად მართალი, ნახევრადგამომცხვარი ჭეშმარიტება და კარგად გახსოვდეთ, რომ სიცრუე სჯობია ნახევრადსიმართლეს, ვინაიდან ტყუილის უარყოფა შეიძლება, ნახევარსიმართლეს კი ვერ უარყოფთ, რამეთუ იგი სიმართლის ელემენტებს შეიცავს.

ეს შეგონებაც ნახევრადსიმართლეა – მასში არის ერთი ელემენტი, რომ ქალი უნდა იქცეს მამაკაცად, მაგრამ ეს ნახევრადსიმართლეა და თუ მთლიან სიმართლედ მიიღებთ მას, ეს

საშიში იქნება. საჭიროა მეორე ნახევარიც დავუმატოთ! აი, რატომ გითხარით, მღვრიე წყალში გავცურავთ-მეთქი.

მე მსურს ამ შეგონებას მეორე ნახევარიც დავუმატო, რომ თითოეული მამაკაცი ქალს უნდა ემსგავსოს, თითოეულმა მამაკაცმა უნდა ისწავლოს ლოდინი, გრძნობიერება, ლმობიერება, პასიურობა, თანაგრძნობა, სიყვარული და მსახურება, ერთი სიტყვით, ქალის გონების ყველა თვისება. მხოლოდ მაშინ შეხსნით ცათა სასუფეველის კარს, როცა არც მამაკაცი ხართ და არც ქალი, მაშინ თქვენ თვითონ ხართ ღმერთი, რამეთუ ღმერთი არც მამაკაცია და არც ქალი. ორივეა ან – არც ერთი.

გახსოვდეთ ჭეშმარიტების მეორე ნაწილიც, თორემ დაკარგავთ მთელ ჭეშმარიტებას. მთლიანობაში ყველას თანასწორად გააჩნია ცათა სასუფეველში შესვლის უნარი. არიან ბრიყვებიც, საკუთარი უარყოფითი თვისებებით რომ სარგებლობენ. ისინი ვერ მისწვდებიან ცათა სასუფეველს. არიან ბრძენი ადამიანები, თავიანთ დადებით თვისებებს რომ იყენებენ, რომელთათვისაც სასუფეველის კარები ღიაა.

მაგალითად, ქალის გონება ორთვისებიანია: უარყოფითი და დადებითი. დადებითია: სიყვარული, თანაგრძნობა, ლოდინი, ხოლო უარყოფითია: ეჭვიანობა, მესაკუთრეობა და ლეთარგია. იგივე ხდება მამაკაცის გონებაშიც. მას გააჩნია, დადებითი თვისებები, როდესაც გამუდმებით სვამს კითხვებს, იკვლევს და ეძიებს და ნეგატიური – როცა ყოყმანობს. შეგიძლიათ ეჭვიანობის გარეშე დასვათ შეკითხვა?

მაშინ ეჭვების არჩევანი დადებითია, მაგრამ თქვენ შეგიძლიათ იეჭვიანოთ ისე, რომ არ სვამდეთ შეკითხვებს, იჯდეთ და ყოყმანობდეთ.

ერთი ფილოსოფოსი მეორე მსოფლიო ომში მოხვდა. მან თავისი მეგობარი ქალისგან წერილი და ფოტოსურათი მიიღო, რასაც დიდი ხანია ელოდა. ფოტოსურათზე მეგობარი ქალი პლაჟზე იყო გადაღებული, მის უკან შეყვარებული წყვილი ჩანდა. ქალი კი იჯდა მარტო, დაჩაგრული და სევდიანი. წამით ფილოსოფოსს ბედნიერება ეწვია, გოგონას სახეზე სევდა რომ შენიშნა, მაგრამ მეორე წამში იგი ეჭვმა შეიპყრო: „ვინ არის ის ყმაწვილი, ვინც სურათი გადაუღო?“ აფორიაქდა და მთელი ღამე ველარ დაიძინა.

აი, როგორ უარყოფითად მოქმედებს ეჭვი. მამაკაცის დადებითი თვისება ის არის, რომ ეძიებს და უარყოფითი ის, რომ მოუსვენარია. მაგრამ იგი არ უნდა გაიგივდეს მოუსვენრობასთან. მოუსვენრობა მან ტრამპლინად უნდა გამოიყენოს, რათა სიმშვიდეს მიაღწიოს.

თქვენში არის ენერჯია და რალაცის გაკეთების გულითადი წადილი. მაშ, გამოიყენეთ ეს გულის წადილი იმისათვის, რომ გახდეთ „არამოღვანე“ და მედიტატორი, ჩააყენეთ უარყოფითი დადებითის სამსახურში, თქვენ ხომ ორივე მათგანი გაგაჩნიათ. თუ დადებითი თვისება გაქვთ, გექნებათ უარყოფითიც. ძალიან ბევრ დროს უარყოფითს ნუ დაუთმობთ, თორემ დაკარგავთ, დაუთმეთ ბევრი დრო დადებითს და მიაღწევთ.

მამაკაცი იქნება თუ ქალი, ყველამ ეს უნდა მოიმოქმედოს, მაშინ ამქვეყნად უმშვენიერესი მოვლენა ხდება – ისმის სიმფონია, რომელშიც ყველა ნოტი ერთმანეთს ეხმარება, ქმნის ერთიანს და მჩქეფარე მუსიკად იღვრება. ზუსტად ეს არის ის, რასაც გურჯიევი „შინაგან კრისტალიზაციას“ უწოდებს, ინდუსები – „მეს“ მიღწევას, ხოლო იესო – „ცათა სასუფეველში შესვლას...“

1974 წლის 7 სექტემბერი
პუნა, ინდოეთი

საუბარი მეცხრამეტე

მეცხრამეტე შეგონება

იესომ თქვა:

– „ერთმა კაცმა ხალხი დაპატიჟა სადილად და მსახური გაგზავნა მათ მოსაწვევად. მსახური მივიდა პირველთან და უთხრა: „ჩემი ბატონი გინვევს“. მან კი საქმეები მოიმიზეზა, ვაჭართან მოსარიგებელი ვარო და ბოდიში მოუხადა მიუსვლელობისთვის. მსახურმა ახლა მეორე დაპატიჟა, რომელმაც მიუგო, სახლის ყიდვას ვაპირებ და არ მცალიაო. როცა მსახურმა მესამე კაცი დაპატიჟა, ასეთი პასუხი მიიღო: ჩემი მეგობარი ცოლს ირთავს და მის გვერდით უნდადა ვიდგე, არ მცალია და ბოდიშს ვიხდიო, ხოლო მეოთხე დაპატიჟებულმა მსახურს უპასუხა: ფერმა ვიყიდე და ახლა რენტა უნდა შევაგროვო, მოუსვლელობისათვის ბოდიშს ვიხდიო“.

მსახური დაბრუნდა ბატონთან და მოახსენა: „ვინც კი სადილად მოვიპატიჟე, ყველამ რაღაც მოიმიზეზა და მოუსვლელობისათვის ბოდიში მოგიხადათ“.

ბატონმა უბრძანა მსახურს: „გადი გზაზე და ვინც შეგხვდება, ყველა აქ მოიყვანე, რათა სუფრას მიუსხდნენ და ისადილონ. მყიდველები და ვაჭრები ვერ შევლენ მამაჩემის სამყოფელში“.

(თომა, 68)

იესო მარტივი, მაგრამ ძალიან მნიშვნელოვანი იგავებით ლაპარაკობს, რაც უნდა გავიგოთ არა პირდაპირი მნიშვნელობით, არამედ სიმბოლურად. ეს შეგონებები დაკავშირებულია ადამიანთა განსაკუთრებულ კატეგორიასთან. აქ არ არის აუცილებელი ისინი მყიდველები ან ბიზნესმენები იყვნენ. გახსოვდეთ, ადამიანთა 99% განსაკუთრებული კატეგორიაა, ბიზნესმენები და მყიდველები შესაძლოა, სულ სხვა საქმიანობას ეწევიან, მაგრამ მათი გონება მაინც ვაჭრობასთანაა დაკავშირებული.

ამიტომ უნდა განვსაზღვროთ, ვინ არის ბიზნესმენი, ვინ არის მყიდველი. ბიზნესმენი არის ის, ვინც ზრუნავს უმნიშვნელო ნივთებზე, ქონების დაგროვებაზე და არა საკუთარ თავზე. მან სრულიად დაივიწყა საკუთარი თავი და გარე სამყაროში ჩაიკარგა. იგი ოცნებობს ფულზე, მატერიალურ შენაძენზე, მაგრამ შემეცნებაზე არ ფიქრობს, რადგან შემეცნება არ არის მატერიალური, მას ვერც იყიდით და ვერც გაყიდით, იგი უსარგებლოა.

ბიზნესმენი უტილიტალური პიროვნებაა. მისთვის პოეზია, სარწმუნეობა და ღმერთი უაზრობაა, ვინაიდან მათი გადაქცევა ყიდვა-გაყიდვის ობიექტად შეუძლებელია. ამ ტიპის ადამიანისთვის ყველაზე მნიშვნელოვანია ფული. მას შეუძლია გაყიდოს, დაკარგოს საკუთარი თავი, დაანგრიოს და მოისპოს თავისი ცხოვრება, ოღონდ კი ფული დააგროვოს. ეს პირველი დამახასიათებელი თვისებაა ასეთი ტიპის ადამიანისა.

ერთხელ ორი ბიზნესმენი ბაზარში ერთმანეთს შეხვდა, სადაც გაცხარებული ვაჭრობა მიმდინარეობდა. ერთმა მეორეს უთხრა: „გაიგე, ვაჭარი შეიხი ფანკრუდინი ამ დღით მომკვდა-

რა?” მეორემ მიუგო: „როგორ, ვაჭრობის ამ გახურებული სეზონის დროს?” ბიზნესმენისთვის არაფერს აქვს აზრი ფულის გარდა – არც სიცოცხლეს, არც სიკვდილს. იგი გაფასებთ იმით, თუ რამდენი შემოსავალი გაქვთ და არა იმით, თუ ვინ ბრძანდებით. თუ ბევრი ფული გაგაჩნიათ, გამოჩენილი პიროვნება ხართ მის თვალში და თუ პირიქითაა, მაშინ – არარაობა.

ბიზნესმენი თუ პატივს გცემთ, ეს არის თქვენი ქონების პატივისცემა და არა – პირადად თქვენი, ხოლო ქონება რომ დაკარგოთ, მაშინ ზედაც აღარ შემოგხედავთ.

ერთხელ ერთი მდიდარი გაკოტრდა და დამწუხრებულმა ცოლს უთხრა: „მჯეროდა, რომ ბევრი მეგობარი მყავდა, მაგრამ ნახევარმა უკვე მიმატოვა, ნახევარმა კი ჯერ არ იცის, რომ გავკოტრდი”.

თქვენ ვერ იმეგობრებთ ბიზნესმენტან, რამეთუ ის ფულის გამო ამყარებს თქვენთან ურთიერთობას, ხოლო, როცა კოტრდებით, თქვენი მეგობრობაც ქრება. ბიზნესმენისთვის ვერ იქნებით ახლობელი – ცოლი ან ქმარი, შვილი ან მამა, ვინაიდან იგი მხოლოდ ფულს ეთაყვანება და სხვა დანარჩენს მისთვის მნიშვნელობა არა აქვს. თქვენი შვილი თუ ფულს იშოვის, უფრო დაფასდება თქვენს თვალში. არ გსიამოვნებთ ღარიბი მშობლები. ხალხი მდიდრებს დიდ პატივს სცემს და არ გინდათ ხალხმა შეიტყოს, რომ ღარიბ ოჯახში აღიზარდეთ.

ეს ყოველდღიური ცხოვრებისეული ჭეშმარიტებაა – საკუთარ მამასაც კი ადამიანად მაშინ მიიჩნევთ, თუ ის მდიდარია, რამეთუ მხოლოდ ფულის დანახვა შეგიძლიათ.

ბიზნესმენს არ შეუძლია სიყვარული, ვინაიდან ეს გრძნობა ყველაზე ანტიმატერიალურია ამქვეყნად. სიყვარული არსს

უკავშირდება, იგი თანაგრძნობაა. სიყვარული გაცემაა იმისა, რაც გაგაჩნიათ და საკუთარი თავის მიძღვნაა.

ბიზნესმენი ყოველთვის ფიქრობს, რომ შეყვარებულები ცოტა შეშლილები არიან, რომ მათ სალი აზრი დაკარგეს და სისულელებს სჩადიან. „რატომ კარგავთ დროს, დრო ხომ ფულია?“ აი, რას ამბობს ბიზნესმენი.

თურმე ერთმა ბიზნესმენმა ასობით საათი შეიძინა და მთელი სახლი საათებით გაავსო. ვილაცამ ჰკითხა, რას აკეთებთო. მან მიუგო: „გამიგონია, რომ დრო ფულია, რაც უფრო მეტი დრო მექნება, მით უკეთესია“.

ბიზნესმენი ინტერესდება ნივთებით და არა პიროვნებებით და მისი გონება ორიენტირებულია ფულზე. იგი არასოდეს ისვენებს და არც აძლევს საკუთარ თავს დასვენების უფლებას, მგრძნობიარე ადამიანისგან განსხვავებით. ბიზნესმენი არასოდეს კმაყოფილდება, ფული ვერ ავსებს მის სულს და იგი ცარიელი რჩება. თქვენ განუწყვეტლივ იძენთ საგნებს და ფულს აგროვებთ, მაგრამ შინაგანად ცარიელი ხართ. ფული თქვენთანაა, საკუთარი თავი კი დაკარგეთ... და მთელი თქვენი ძალისხმევა ხმარდება ამ ფაქტის მიჩქმალვას, რამეთუ მისი დანახვა ძალიან მტკივნეულია.

ბიზნესმენს სურს, ფულმა დაავინყოს საკუთარი თავი მთლიანად და ფული მისთვის სანამლავია. საბოლოოდ კი აღმოჩნდება, რომ ყველაფერი არარაობა და წყალზე შესრულებული ნარწერაა. მოდის სიკვდილი და გრძნობთ, რომ მთელი ძალისხმევა ტყუილად დაკარგეთ. სიკვდილი უარყოფს ბიზნესმენს.

უნდა გითხრათ, რომ კვდებიან მხოლოდ ბიზნესმენები, მაგრამ ისინი ადამიანთა 99%-ს შეადგენენ. თუ სიკვდილი ბიზნესმენს ართმევს დაგროვილ სიმდიდრეს, იგი თქვენს სიყვარულს, ლოცვას, მედიტაციასა და ღვთისადმი რწმენას ვერ გააქრობს. ბიზნესმენი ღვთის სახელით მხოლოდ მაშინ ინტერესდება, თუ ამით ბიზნესის გაკეთება შეიძლება.

ერთხელ საშინელ ქარიშხალში თვითმფრინავმა სწორი მიმართულება დაკარგა, რადგან ძლიერი ნისლი იყო, მგზავრები ძალიან შეშინდნენ და აღელდნენ, ერთი მგზავრის გამოკლებით, რომელიც მქადაგებელი იყო. პილოტიც ნერვიულობდა, რადგან ყოველ წამს სიკვდილი იყო მოსალოდნელი.

მქადაგებელმა ყველას სთხოვა, დაეჩოქა და ელოცათ, რაც ყველამ შეასრულა, ერთი მგზავრის გარდა. მქადაგებელმა მას ჰკითხა, შენ რატომ არ ლოცულობო? მგზავრმა უპასუხა: „მაპატიეო, მამაო, არ ვიცი, როგორ ვილოცო. მე არასოდეს მილოცია, მე ბიზნესმენი ვარ“, იმის დრო არ იყო, მისთვის ლოცვა ესწავლებინათ და მქადაგებელმა უთხრა: „კარგი, ძალიან ცოტა დროა დარჩენილი. ისე მოიქეცით, როგორც ჩვეულებრივ იქცევით ხოლმე ეკლესიაში“.

ბიზნესმენმა ჩამოუარა მგზავრებს და ფული შეკრიბა.

ამ კატეგორიის ადამიანმა საკვდილის მოახლოების დროსაც კი ეკლესიაში ქცევის მხოლოდ ერთი წესი იცის – ფულის მოგროვება, ფული ბოლო მომენტამდე ფოკუსში რჩება.

მეორე, რაც უნდა დაიმახსოვროთ, ის არის, რომ ამ იგავში იესო ამბობს, რომ ღვთის მოწვევა ყოველთვის შესაძლებელია. ღმერთი ბევრჯერ მოდის და გიკაკუნებთ კარზე, ან მისი მოციქული გეპატიჟებათ სადილზეც, მაგრამ თქვენ ყოველთვის ბევ-

რი საქმე გაქვთ, ვერ იცლით და მისვლა არ შეგიძლიათ. თქვენ ბოდიშს იხდით.

დაფიქრდით, თქვენთან რომ მოვიდეს მოციქული და ღმერთთან მიგიწვიოთ, ნახვალთ? ბევრი საქმე დაგრჩებათ დასამთავრებელი, რადგან თქვენ საქმეებს ბოლო არ აქვს. თქვენ იტყვიან: „მე მოვდიოდი, მე მინდოდა მოსვლა...“ მაგრამ არ ხართ გულწრფელნი.

რატომ არ ღებულობთ მინვევას? იმიტომ, რომ უფრო მნიშვნელოვანი საქმეები გაქვთ მოსაგვარებელი: საქმიანი ურთიერთობები, ქორწილი, მინის ნაკვეთის შექმნა და ა. შ. ღმერთი ყოველთვის ბოლო ადგილზეა ბიზნესმენის სიაში და სანამ ბიზნესმენი ღმერთისთვის მოიცლის, სიკვდილიც მოდის.

საქმიანი ადამიანისათვის ღმერთი ყველაზე უსარგებლო მოვლენაა. ჩემთან მოდიან და მეკითხებიან: „რა საჭიროა მედიტაციები? რას მივაღწევთ ამით?“ თუ ვპასუხობ, რომ არაფერს, ხალხი, უბრალოდ, ვერ იგებს, რატომ მოდიან ადამიანები ჩემთან. არაფრის სასწავლად? არაფრის მისაღწევად? ბიზნესმენს რაღაც ხილული და ხელშესახები სჭირდება. იგი თუ მედიტაციებს ატარებს და სხეულს ავადმყოფობისგან განკურნავს, ესეც კარგია, მაგრამ თუ ეუბნებით, რომ შედეგი „არაფერია“ ან შედეგი „ღმერთია“, რაც მისთვის ერთი და იგივეა, იგი გაურბის მედიტაციებს. „ღმერთი არაფერია“ – ეს, რა თქმა უნდა, იმ შემთხვევაში, თუ იმავე საზომით სარგებლობთ, რითაც ყველა ამქვეყნიური.

რა არის ღმერთი? მას ადამიანთა რომელიმე კატეგორიას ვერ მიაკუთვნებთ. რომელ ეტიკეტს მიაკრავთ? რა ფასს

დაადებთ? ის არაფერია, არ ეკუთვნის ამ სამყაროს. ღმერთი არ არის სარგებელი, იგი ექსტაზია.

ექსტაზის გამოყენება არ შეიძლება, შეგიძლიათ მხოლოდ დატკბეთ. რა განსხვავებაა ტკბობასა და გამოყენებას შორის? უყურებთ ბუნებას, მზის ჩასვლას და ტკბებით, მაგრამ ამ ყველაფერს ფასს ვერ დაადებთ და ვერ გაყიდით. როცა ლამაზ ყვავილებს უყურებთ, ისინიც გატკბობთ, მაგრამ ბიზნესმენი დაკრეფს ამ ყვავილებს და გაყიდის.

ღმერთს ვერ მოწყვეტთ ყვავილივით და ბაზარზე ვერ გაიტანთ. თქვენ კი ცდილობთ ასე მოიქცეთ. აი, რატომ არსებობს ამდენი ტაძარი და მეჩეთი, გურუდვარა და ეკლესია. ბიზნესმენს სურს ღვთის გაყიდვა და მოგების მოპოვება. ეს დიდი ბიზნესია, ქურუმი კი ბიზნესმენია, რომელიც მორწმუნე კაცის სახეს ატარებს, სინამდვილეში კი არ არის მორწმუნე. აი, რატომ ეწინააღმდეგება იგი ყოველთვის იესოს, ბუდას, ნანაკის და კაბირს იმიტომ, რომ ისინი ბიზნესს ანადგურებენ.

ბიზნესმენს არ აინტერესებს არც ღმერთი, არც პოეზია, არც ლოცვა, არც სიყვარული, არც სილამაზე და არც სიკეთე, მისთვის უცხოა ექსტაზი. უბრალო ტკბობა მისთვის არაფერს ნიშნავს, რადგან ყველაფერში სარგებელს ეძებს.

ერთხელ ერთი მილიონერი ველურთა რომელიღაც ტომს ეწვია. მატარებლიდან რომ გამოვიდა, მაშინვე ბაქანზე მწოლი ველურები შენიშნა. იგი ერთ-ერთს მიუახლოვდა, რომელიც სუფთა ჰაერზე ისვენებდა მწოლიარე და ჰკითხა „ეი, ბელადო, აქ რას აკეთებ? დროა, ნახვიდე და რამე იშოვო!“

ველურთა ბელადმა ზანტად გაახილა თვალი და ჰკითხა: „რატომ?“ შეუძლებელია ბიზნესმენმა ეს „რატომ“ გაიგოს. მან უთხრა: „რატომ? ფული რომ იშოვო!“

ველურმა გაიცინა და ისე ჰკითხა „რატომ?“

ამან უკვე გაალიზიანა მილიონერი: „რატომ?! რათა გქონდეს შენი საბანკო ანგარიში, რათა კარგად დაისვენო მუშაობის შემდეგ“.

ველურთა ბელადმა თვალები დახუჭა და უთხრა: „მე ახლაც მშვენივრად ვისვენებ“.

ახლა დასვენება შეუძლებელია. ბიზნესმენი დასვენებას სამომავლოდ გადადებს: „აქ იმუშავე, ახლა იმუშავე, გახსენი ბანკის ანგარიში, შემდეგ კი განისვენე. დასვენება და ტკბობა შემდეგ“. მაგრამ ეს დრო არასოდეს დგება და ვერც დადგება. ბიზნესმენმა შეიძლება დაისვენოს ერთი საქმისგან, მაგრამ მაშინვე ან მანამდეც კი სხვა საქმეს აკვარახჭინებს, რადგან არ შეუძლია დასვენება. იგი ყოველთვის მომავალზე ფიქრობს.

გახსოვდეთ – მორწმუნე აქ და ახლა განიცდის ტკბობას. ზეცა რელიგიური ადამიანისთვის სადღაც იქ, ცაში, მომავალში კი არ არის, არა! ასე ბიზნესმენი უყურებს ზეცას. მორწმუნესათვის ზეცა აქ არის და ახლა, პირდაპირ ამ წუთში. იგი ტკბება ამით, მისთვის მხოლოდ აწმყო არსებობს და მომავალი გზას ააცდენს.

ერთხელ ოთხი ჯენტლმენი სამოთხეში მოხვდა. არ ვიცი, როგორ მოახერხეს ეს, ალბათ კონტრაბანდის საშუალებით. სწორედ მაშინ გარდაიცვალა ერთი წმინდანი, რომელიც ამ ბიზნესმენებს იცნობდა. როცა იგი სამოთხეში შევიდა და ისინი იქ დაინახა, ძალიან გაუკვირდა, ვინაიდან ბიზნესმენებს ბორკილე-

ბი ედოთ, წმინდანი თვალებს არ უჯერებდა, მან მეკარეს ჰკითხა: „რაშია საქმე? მსმენია, თითქოს სამოთხეში სრული თავისუფლებაა, ეს ადამიანები კი რატომ აქციეთ პატიმრებად და ბორკილი რატომ დაადეთ?“

მეკარემ გაიცინა და მიუგო: „ამ ოთხ ბიზნესმენს უკან სურს დაბრუნება. ეს კი არ არის კარგი. ისინი როგორღაც მოხვდნენ აქ. ახლა თუ უკან დაბრუნების საშუალებას მივცემთ, სამოთხის პრესტიჟი დაეცემა. მათ იმიტომ სურთ აქედან წასვლა, რომ აქ ბიზნესს ვერ დაატრიალებენ...“

ბიზნესმენი ბიზნესმენად რჩება, რადგან ადამიანთა ესა თუ ის ტიპი ადვილად ვერ იცვლება. იქამდე, სანამ არ შეიგნებთ გადავადების, მომავლის, ფულისა და დაგროვების მთელ უაზრობას, ვიდრე არ გახდებით ისეთი შეგნებულნი, რომ თავად ამ შეგნებამ დაწვას თქვენი ტიპი, არაფერი შეიცვლება. ხოლო თუ ბიზნესმენი არა ხართ, მაშინ რელიგიური ყოფილხართ.

ღმერთი ყოველდღე გეპატიჟებათ თავისთან, იგი ყოველ წუთს გიკაკუნებთ კარზე, მაგრამ თქვენ ეუბნებით: „მაპატიეთ, ბევრი საქმე მაქვს. როცა ყველა საქმეს მოვრჩები, მაშინ მოვალ.“ ტკბობა, ბედნიერება, ნეტარება, სიმშვიდე – ეს ყველაფერი უცხოა ბიზნესმენისათვის. მან ბევრი რამ უნდა გააკეთოს, ვიდრე დაისვენებს. ამიტომ ამბობს იგი უარს მიპატიჟებაზე. ახლა შეეცადეთ, ჩასწვდეთ ამ მშვენიერი იგავის აზრს.

იესომ თქვა: „ერთმა კაცმა ხალხი დაპატიჟა სადილად და მსახური გაგზავნა მათ მოსანვევად. მსახური მივიდა პირველთან და უთხრა: „ჩემი ბატონი გინვევს“. მან კი საქმეები მოიმიზება: „ვაჭართან მოსარიგებელი ვარო და ბოდიში მოუხადა მიუსვლელიობისათვის...“

სადილი ცხოვრებით ტკბობის სიმბოლოა, ქრისტესთვის კი სადილი მედიტაციური ფენომენია. მას ყოველთვის უყვარდა, როცა მონაფებთან და მეგობრებთან სადილობდა.

იმ ბოლო საღამოსაც კი, როცა მეორე დღეს სიკვდილით უნდა დაესაჯათ, მოანყო გამოსამშვიდობებელი ვახშამი (საიდუმლო სერობა), ის ტკბებოდა ერთობლივი ტრაპეზით. ქრისტიანობამ მთელი ეს მოვლენა რელიგიურ სიმაღლეზე აიყვანა. ინდუისტები ამ საკითხში სრულიად დაუდევარნი არიან. შეეცადეთ ამის გაგებას.

ძალდი პურის ნატეხს თუ მოიგდებს, დაუყოვნებლივ გარბის სადმე კუთხეში და მარტო ჭამს, რადგან ეშინია, სხვა ძალდმა არ წაართვას პურის ნატეხი. არც ერთი ცხოველი არ უყოფს ლუკმას მეორე ცხოველს. ულუფის სხვისთვის განაწილება ადამიანური თვისებაა. ხოლო თუ შეეცდებით ქვეცნობიერში შეღწევას, იქ ყოველთვის იპოვით მიძინებულ ცხოველს. თქვენც არ გიყვართ სხვებთან ერთად ჭამა. თქვენც მარტოს მოგნონთ სადილობა. შეხედეთ. ბრამინს, რომელიც მატარებლით მგზავრობს. როცა საჭმელს შეექცევა, ყოველთვის ზურგს აქცევს ყველას. მაჰმადიანი და ქრისტიანი სხვას გაუყოფენ ულუფას, მაგრამ ეს არ ითქმის ინდუისტზე. ინდუისტებმა დიდებული რამ დაკარგეს: ერთიანობის გრძნობა და განაწილების უნარი. სხვას თქვენს ლუკმას რომ მიანვდით, თქვენ დაძმობილდებით. როგორ იქცევით ვილაციისთვის ძმად? თქვენ ერთ ძუძუს ინანილებთ, ერთი დედისგან საზრდოობთ, რადგან დედა პირველი საკვებია. როდესაც ვინმეს ლუკამს უნანილებთ, თქვენს შორის წარმოიშობა ერთიანობის გრძნობა.

ინდუისტებს აქვთ საზოგადოება, მაგრამ არ გააჩნიათ ერთიანობის გრძნობა. მაჰმადიანები და ქრისტიანები უფრო მეტად კეთილგანწყობილნი არიან, მათ შეუძლიათ თავისი ლუკმა სხვას გაუნანილონ. საკვები კი უმთავრესია ცხოვრებაში, მის გარეშე დაიღუპებით. უნილადო სხვას საკვები – ეს იმას ნიშნავს, რომ სიცოცხლე უნილადო, იესომ ეს ლოცვის სტატუსამდე აიყვანა. თქვენ უნდა სადილობდეთ არა მარტონი, არამედ სადილზეც ერთად უნდა იყოთ. ამით ხდება ცხოველურის გადალახვა თქვენში.

ბოლო საღამოს, როცა იესოს უნდა დაეტოვებინა მონაფეები და მეგობრები, მან ისინი ვახშამზე შეკრიბა, რამეთუ სიკვდილის წინ სურდა სხვებისთვის თავისი ლუკმა გაეყო.

ამას გარდა, საკვები სიყვარულის სიმბოლოა. დაკვირვებინახართ, რატომ გიყვართ დედათქვენი? რატომაა დედა-შვილს შორის ამხელა სიყვარული? იმიტომ, რომ დედა პირველი საკვებია ბავშვისათვის. ბავშვი შეიცნობს დედას არა როგორც სიყვარულის, არამედ როგორც საკვების წყაროს. მოგვიანებით, როცა მისი შეგნება იზრდება, ის უფრო და უფრო იგრძნობს დედისადმი სიყვარულს.

ჯერ საკვებია, შემდეგ – სიყვარული და საჭმელიც სიყვარულთან ასოცირდება, ვინაიდან ისინი ერთი სათავიდან მოდიან. აი, რატომაა, თუ რომელიმე ოჯახში მიხვედით და იქ არ შემოგთავაზებენ საჭმელს, თავს უხერხულად იგრძნობთ. ისინი განზე გწევენ თქვენ, არ გაძლევენ თავის სიყვარულს, არ გმასპინძლობენ. თუ გთავაზობენ საჭმელს, შესაძლოა, ისინი ღარიბები იყვნენ, მცირედის მქონენი, მაგრამ თუ იმას გთავაზობენ, რაც გააჩნიათ. გრძნობთ, რომ ყველაფერი რიგზეა, რამეთუ

კარგად მიგიღეს, გინილადეს საჭმელი, საჭმელი კი, სიყვარულია.

როცა ქალს მამაკაცი უყვარს, სიამოვნებს მისთვის სადილის მომზადება; მოსწონს, როცა ხედავს, თუ როგორ შეექცევა საჭმელს ეს მამაკაცი, და თუ ქალს არ აძლევენ ამის საშუალებას, იგი მოუსვენრად გრძნობს თავს. საჭმელს, რომელიც შეყვარებულმა ქალმა მოამზადა, სხვა თვისებები გააჩნია, რის ანალიზსაც ქიმიკოსები ვერ გააკეთებენ.

ქალი თუ გაბრაზებულია თქვენზე, თუ ვერ გიტანთ და სადილს გიმზადებთ, საჭმელი თითქმის მონამღული იქნება, რადგან მრისხანებას, სიძულვილს, ეჭვიანობას სისხლში შხამი აქვს. მათ გააჩნიათ გამოსხივება და ხელების საშუალებით საჭმელში ხვდება, ქალმა შეიძლება, მოგკლათ კიდეც ისე, რომ თვითონაც არ უწყოდეს – და ვერანაირი სასამართლო ვერ დაადანაშაულებს მას. მაგრამ თუ ქალს უყვარხართ, იგი საჭმლის საშუალებით გადმოგცემთ სიყვარულს და გიახლოვდებათ.

საკვები ყველაზე მთავარია. იგი სხვას უნდა გაუნაწილოთ და ასე გასცდებით ცხოველურ საფეხურს, ადამიანად რომ იქცეთ. ინდუისტების საზოგადოება ერთ-ერთი უძველესია, მაგრამ ერთ-ერთი არაჰუმანურია იმის გამო, რომ ისინი არასოდეს სცნობდნენ ლუკმაპურის გაყოფის წესს. პირიქით, მათ შექმნეს უამრავი წინააღმდეგობა, რათა არაფერი არ გაყოფ: ბრამინს არ შეუძლია შუდრასთან, ვაიშნავთან და საერთოდ, უფრო დაბალი კასტის წარმომადგენელთან სადილობა, ხოლო თუ არ შეგიძლიათ სხვებთან ერთად ჭამა, უარყოფთ იმ სხვას, როგორც ადამიანს. ეს იმაზე მიუთითებს, რომ საკუთარ თავზე ერთობ დიდი

წარმოდგენა გაქვთ და სხვას უღირსად თვლით. აქაც არის გაყოფა, მაგრამ ეს ყველაზე არაჰუმანური გაყოფაა.

იესომ თავისი რელიგია დააფუძნა სხვისთვის გაყოფის უნარსა და აუცილებლობაზე. იგი ხშირად ლაპარაკობს ღმერთზე, რომელიც სადილად გეპატიჟებათ. სადილი ტკბობაა, პირდაპირი ტკბობა, ტკბობა ყოფიერებითა და სხეულით, საქმლით ნეტარება და ყველაფრის დავინყება – ეს არის ღვთისადმი მადლიერება.

„ერთმა კაცმა ხალხი დაპატიჟა სადილად და მსახური გაგზავნა მათ მოსაწვევად. მსახური მივიდა პირველთან და უთხრა: „ჩემი ბატონი გინვევს.“ მან კი საქმეები მოიმიზება: ვაჭართან მოსარიგებელი ვარო და ბოდში მოუხადა მიუსვლელობისათვის. მსახურმა ახლა მეორე დაპატიჟა, რომელმაც მიუგო სახლს ვყიდულობ და არ მცალიაო...” ბიზნესმენს, საქმიან ადამიანს არა აქვს დრო იმისათვის, რომ დასტკბეს, მედიტაციები ჩაატაროს, ვინმე შეიყვაროს. იგი ყოველთვის ჩქარობს. ამბიციებით შეპყრობილს ისეთი ციებ-ცხელება აქვს, რომ აღარაფრისთვის რჩება დრო. თუ ამბიციურნი ხართ, არ გექნებათ დრო, თუ ამბიციებისაგან შორს დგახართ, თქვენს განკარგულებაშია მარადისობა. ასეთ ადამიანს აქვს უამრავი დრო, რათა დატკბეს, იცეკვოს და იმღეროს. თქვენ ვერ ჩასწვდებით ამას. ამბიციურ პიროვნებას სიყვარულისთვისაც კი არ აქვს დრო, რადგან ყოველთვის არსებობს მომავალი, საბანკო ანგარიში, ფული, რომლის მიღებაც შეუძლია, თუკი ამ დროს გამოიყენებს. ბიზნესმენი სიზმარშიც კი ალებ-მიცემაზე ოცნებობს.

„...მსახურმა ახლა მეორე დაპატიჟა, რომელმაც მიუგო: სახლის ყიდვას ვაპირებ და არ მცალიაო. როცა მსახურმა მესამე კა-

ცი დაპატიჟა, ასეთი პასუხი მიიღო: ჩემი მეგობარი ცოლს ირთავს და მის გვერდით უნდა ვიდგე, არა მცალია და ბოდიშს ვიხდიო, ხოლო მეოთხე მსახურმა უპასუხა: ფერმა ვიყიდე და ახლა რენტა უნდა მოვაგროვო, მოუსვლელობისთვის ბოდიშს გიხდით.”

ყველა მათგანი დაკავებულია და დრო არ აქვთ. თუ თქვენ არა გაქვთ მოცლა, თქვენც ბიზნესმენი ყოფილხართ. იქნებ შეძლოთ ცოტაოდენი დრო დახარჯოთ მედიტაციებზე, უბრალოდ იყოთ აქ და ახლა, იმდროთ და იცეკვოთ, ან არაფერი გააკეთოთ, უბრალოდ იწვეთ ხის ქვეშ და დატკბეთ ყოფიერებით... ეს სისულელეა? მაშინ თქვენ ბიზნესმენები ხართ და არა რელიგიურნი. მაგრამ თუ გრძნობთ, რომ უფრო მნიშვნელოვანია, უბრალოდ, ყოველნაირი საქმის გარეშე ყოფნა, როცა არაფერს აკეთებთ და ამაში ყველაზე დიდი აზრია ჩადებული, მაშინ თქვენ რელიგიური ხართ.

გახსოვდეთ – გონებას საქმე სჭირდება, სხვაგვარად იგი ვერ იარსებებს. ერთმა კაცმა გენიოსის აჩრდილი გააცოცხლა. გენიოსმა უთხრა: „სიცოცხლეზე ერთი პირობით ვარ თანახმა: მჭირდება მუდმივი სამუშაო. თუ ამას შემომთავაზებ, მე შენი მსახური ვიქნები, მაგრამ თუ ასეთ სამუშაოს ვერ გამიჩენ, მაშინვე მოგკლავ”.

ეს კაცი ბიზნესმენი იყო. მან მიუგო: „ეს ის არის, რაც მე მინდა. ასობით მსახური მყავს და ყველა ზარმაცია, არავის სურს მუშაობა. იმდენ საქმეს მოგცემ, რომ თავგზა აგებნას”.

მან არ იცოდა, რას ამბობდა. ბედნიერმა უამბო გენიოსს წლების განმავლობაში დაგროვილ უამრავ დაუქმაციოფილებელ

სურვილზე, რაც გენიოსმა ერთ ნუთში შეასრულა, შემდეგ კი სხვა საქმე მოსთხოვა.

ახალ საქმეს სხვა ახალი საქმე მოჰყვა და დილისთვის ბიზნესმენი უკვე სასონარკვეთილებაში ჩავარდა. იგი სუფიელ ბერთან მივიდა და ჰკითხა: „რა ვქნა? ეს გენიოსი მომკლავს. მან ყველაფერი უკვე გააკეთა, რისი გაფიქრებაც კი შევძელი“.

სუფიელი მათემატიკოსი იყო. მან ურჩია: „ნადი და ამოცანა მიეცი წრის კვადრატურის შესახებ.“

...ბიზნესმენი გარდაიცვალა დიდი ხნის წინ, გენიოსი კი ჯერ კიდევ იმ ამოცანას ხსნის...

ბიზნესმენს შიგნით ასეთი გენიოსი ჰყავს და არ შეუძლია არა მარტო წრის კვადრატურის ამოხსნა, არამედ სურვილის კვადრატურისაც. ასეთია ტვინის პირობა: „მომეცი სამუშაო, ნუ დამტოვებ ცარიელს“. ის თქვენ არ მოგკლავთ, მაგრამ თუ სამუშაოს არ მისცემთ, მოკლავს თქვენს ეგოს. ტვინის მუშაობის დროს თავს კარგად გრძნობთ, თქვენი „ეგო“ კმაყოფილია, რაცაცაა წარმოადგენთ. თუ არაფერს აკეთებთ, არარაობის შეგრძნება გეუფლებათ.

რამდენიმე ხნის წინათ წავიკითხე „ჰარი კრიშნას „სამყარო“. ამ წიგნის ავტორი წერს ს.რადჰარკრიშნაზე, ინდოეთის ყოფილ პრეზიდენტზე, როგორც მიცვალებულზე, რადგან როცა პოლიტიკოსი თამაშიდან გამოდის, იგი უკვე „მიცვალებულია“.

ავტორმა, შეიძლება, არც კი იცოდა, რომ ყოფილი პრეზიდენტი ცოცხალია, რადგან გაზეთები უცებ ივინყებენ ადამიანს, რომელიც აღარ არის დაწესებულებაში. სად არის ნიქსონი? გისი? დავინყებულები არიან!

მხოლოდ მაშინ, როცა კვდებიან, გაზეთებში გამოჩნდება ხოლმე რამდენიმესტრიქონიანი ნეკროლოგი. აი, რატომ ებლაუჭება თითოეული თავის სამუშაოს, არავის სურს პენსიაზე გასვლა, ვინაიდან, სად არის პენსიონერის იდენტიურობა? თქვენ იყავით ვილაც, ახლა არარაობა გახდით. ტვინი გიდებთ პირობას: „თუ მომცემ სამუშაოს, შეგიქმნი „ეგოს“, შენ იქნები „ვინმე“. თუ შეწყვეტ სამუშაოს მონოდებას, შენ გახდები „არავინ“. გახსოვდეს: თუ მე ცარიელი ვარ, შენც ცარიელი იქნები, შენ ჩემთან ერთად არსებობ“.

ბიზნესმენი გონების მიმდევარია. იგი ასაქმებს თავის გონებას. მისი „ეგო“ ძლიერდება, მაგრამ იკარგება შინაგანი სული. ეს თვითმკვლევლობაა, მაგრამ ძალიან ფაქიზი.

თუ შეგიძლიათ სამუშაოს გარეშე არსებობა და მაინც ღმერთს მადლობას სწირავთ, თუ შეგიძლიათ, არავინ არ იყოთ და მაინც ყოფიერების მადლიერი ხართ, თქვენ რელიგიური ბრძანდებით.

თქვენი ღირებულება ის კი არ არის, რას აკეთებთ; თქვენი საქმიანობიდან კი არ გამომდინარეობს, არამედ თქვენივე ყოფიერებიდან მოდის. მაშინ თქვენი შენაძენი, ბანკი კი არ ინახება, თვითონ თქვენშია და მართლაც ფასეული ხართ.

კაცობრიობა ვერ ამჩნევს ასეთ ადამიანებს, მისი ყურადღება ბიზნესმენებისკენ არის მიპყრობილი. შეიძლება ქუჩაში გაიაროთ და არავინ მოგესალმოდ, არავინ შემოგხედოდ – ასეთი რამ შესაძლებელია. ამქვეყნად მნიშვნელოვანია სამუშაო, რომელსაც ასრულებთ. თუ არ გაქვთ სამუშაო, აქაურობისთვის აღარ არსებობთ. თქვენ იქეცით არარაობად, მაგრამ, თუ შეგიძლიათ ამ შემთხვევაში ბედნიერად იგრძნოთ თავი, თქვენ შეხ-

ვალთ ღვთის სამყაროში, შესძლებთ მთელი სილამაზით დატკობასა და ექსტაზის განცდას! ყველაფერი გაღებულია და გინვეთ თქვენ!

თქვენ ყოველთვის გინვევენ, მაგრამ არასოდეს დრო არა გაქვთ, ყოველთვის დაკავებულები ხართ და პატიებას ითხოვთ. მრავალი ცხოვრების განმავლობაში იძახდით: „გთხოვო, მაპატიოთ, რომ ვერ მოვალ, მეგობრის ქორწილში მელოდებიან ან ვაჭარს უნდა მოვურიგდე“. რაზე ლაპარაკობთ? ცხოვრება გინვეთ, რათა ექსტაზური იყოთ, თქვენ კი უარს ამბობთ მინვევაზე, მერე კი ამბობთ, რომ იტანჯებით ან უარყოფილი ხართ. არ კითხულობთ, რატომ არის ცხოვრებაში ამდენი ტკივილი. თქვენ უკუაგდებთ ყველა მინვევას, ბედნიერნი რომ იყოთ.

„...მსახური დაბრუნდა ბატონთან და მოახსენა: „ვინც კი მოიპატიჟე სადილად, ყველამ რაღაც მოიმიზეზა და მოუსვლელობისათვის ბოდიში მოგიხადათ“.

ბატონმა უბრძანა მსახურს: „გადი გზაზე და ვინც შეგხვდება, ყველა აქ მოიყვანე, რათა სუფრას მიუსხდნენ და ისადილონ...“ საჭიროა გაიგოთ და ჩასწვდეთ ამას: ჯერ პატივცემული პიროვნებები მოიწვიეს, ის ხალხი, „რაღაცას“ რომ წარმოადგენენ, ის პიროვნებები, „ეგოსთან“ იდენტურობას რომ მიაღწიეს. ამ „განსაკუთრებულად პატივცემულმა“ პიროვნებებმა მოსვლაზე მოიბოდიშეს, რადგან ძალიან დაკავებულნი იყვნენ. მაშინ მოწვევა დაეგზავნათ მდაბიოებს, ჰიპებს, იმათ, ვინც, უბრალოდ, გზაზეა.

ისინი, ვინც ფიქრობენ, რომ ძალიან რესპექტაბელურნი არიან, კარგავენ ღვთაებრივს. მდაბიონი მოიპოვებენ, იმპერატორები კი კარგავენ. მდაბიონი ხომ ყოველთვის გზაზე არიან.

მათ ღმერთი იწვევს და ისინიც მზად არიან. არასოდეს გეტყვიან: „მაპატიეთ“. მათ არ აქვთ საქმე საბოდიშოდ, ისინი, უბრალოდ, გელოდებიან. ეძახით და მოდიან. ისინი პირდაპირ გზაზე არიან. ამიტომაც ამბობს ბატონი:

„... გადი გზაზე და ვინც შეგხვდება, ყველა აქ მოიყვანე...“

გზაზე ვერ იპოვით რესპექტაბელურ ადამიანებს, პრეზიდენტს ან მილიონერს. იქ შეგხვდებათ გზააბნეული მოხეტიალეები, საქმე რომ არ აქვთ. ამ ნათქვამში ღრმა აზრია ჩადებული.

ბუდამ დატოვა თავისი სასახლე და მდაბიო გახდა. მაჰავირმა დატოვა სამეფო და შიშველ დერვიშად იქცა.

ისინი, ვინც რალაცას წარმოადგენენ „ეგოს“ სამყაროში, ყოველთვის თავს არიდებენ მოწვევას. „ეგოსთვის“ მუდმივი მუშაობაა საჭირო. იგი ქრილობას ჰგავს. ამიტომ მისთვის მხოლოდ ტკივილია ნაცნობი და არა ნეტარება, იგი არ არის ყვავილი. ისინი კი, ვინც ყვავილებს ჰგვანან და ტკბობას განიცდიან, თუნდაც რომ არ მიიღონ მოწვევა, აუცილებლად მოხვდებიან სადილზე. ისინი უკვე შევიდნენ ყოფიერებაში და ტკბებიან ამ ყოფიერებით. მათ არ აქვთ საზრუნავი და არ ზიდავენ ტვირთს – ეს ადამიანები ყოველთვის „გზაზე“ არიან.

თუ გამოჩენილი პიროვნებები არ მოდიან, მაშინ ის მოვა, ვინც არაფერს წარმოადგენს, მათ ღმერთმა უნდა უწილადოს და მდაბიონი უფრო მეტად დასტკბებიან ღმერთით, ვიდრე იმპერატორები, რადგან ისინი არაფერს საქმიანობენ, ცხოვრობენ მოცემულ მომენტში და მიწვევას სამომავლოდ არ გადადებენ.

ბიზნესმენმა ერთ მათხოვარს ჩაუარა გვერდით, რომელმაც ორი თუ სამი ანი სთხოვა ჭიქა ჩაისათვის. ბიზნესმენი ჩქარობ-

და, როგორც ყოველთვის. „მერე რომ გამოვივლი, მაშინ მოგცემ, ახლა მეჩქარება“, – უთხრა მან.

მდაბიომ მიუგო: „მე ხომ ბიზნესმენი არა ვარ. მე არ შემიძლია დაპირებებით ვიცხოვრო. ან ახლა მაძლევ ფულს, ან – არა, ან „ჰოს“ მეუბნები ან – „არას“. დაპირებებით ვერ ვიცხოვრებ, რადგან ჩემთვის მომავალი არ არსებობს“.

ბიზნესმენი დაპირებებით ცხოვრობს. მან თავისი ანმყო მომავალ ოცნებაზე გაყიდა.

იესო ამბობს: „... მყიდველები და ვაჭრები ვერ შევლენ მამაჩემის სამყოფელში...“.

თუ ამბობთ: „მომავალში, ოდესმე მომავალშიო...“ დაკარგავთ. თუ ამბობთ: „მე მზად ვარ, არაფერი მაკავებს და თქვენს მონვევას ველიო“, მხოლოდ მაშინ შეგწევთ უნარი, შეხვიდეთ სასუფეველში ცათა შინა.

ხშირად ფიქრობენ, რომ სანიასინები უარყოფენ ცხოვრებას, მაგრამ ეს არასწორია. მხოლოდ ბიზნესმენი უარყოფს ცხოვრებას, სანიასინი კი ტკბება ცხოვრებით.

ეს უარყოფითად გამოიყურება მყიდველისა და ვაჭრის თვალში, მაგრამ სანიასინები არაფერს უარყოფენ, ისინი ცხოვრებით ტკბებიან ინტენსიურად, ეს არის და ეს. სანიასინი ისე ტოტალურად ტკბება, იმ წუთში რომც მოკვდეს, ვერ იგრძნობს. ის თუ კვდება, ბედნიერია. ბიზნესმენი კი მილიონი ცხოვრების განმავლობაშიც ვერ დაასრულებს თავის საქმეს. საქმეა თვითონ ისეთი, რომ ვერ დასრულდება. უპანიშადების ერთ-ერთი ისტორია მოგვითხრობს, რომ ასი წლის მეფე იაიატი კვდებოდა. მოვიდა სიკვდილი და იაიატმა მას მიმართა: „იქნებ ჩემი ერთ-ერთი ვაჟიშვილი წაიყვანო ჩემს მაგივრად? მე ჯერ კიდევ არ

მიცხოვრია ნამდვილი ცხოვრებით, სამეფოს საქმეებით ვიყავი დაკავებული. სრულიად დამავინწყდა, რომ ეს სხეული უნდა დავტოვო. მე არ მიცხოვრია! სისასტიკეა ჩემი აქედან წაყვანა, რადგან ხალხსა და სამეფოს ვემსახურებოდი და ერთი დღე არ მიცხოვრია ჩემი ცხოვრებით. იყავი მონყალე..!”

სიკვდილმა მიუგო: „კარგი, ჰკითხე შენს შვილებს, იქნებ რომელიმე შეგენაცვლოს?”

მეფეს ასი შვილი ჰყავდა, უფროს ვაჟებს უკვე ჰქონდათ გარკვეული გამოცდილება, ეშმაკნი და ანგარიშიანები იყვნენ და მხოლოდ ყველაზე უმცროსი, 16 წლის ვაჟიშვილი დაეთანხმა იაიატის წინადადებას.

მაგრამ სიკვდილსაც კი შეებრაღა იგი, რადგან თუ ასი წლის მოხუცმა ჯერ კიდევ ვერ იცხოვრა, რას მოასწრებდა 16 წლის ყმანვილი?

სიკვდილმა მას უთხრა: „შენ უცოდველი ხარ და არაფერი იცი, მაგრამ შენი ოთხმოცდაცხრამეტი ძმა არაფერს ამბობს. ზოგიერთი მათგანი 70-75 წლისაა, სიკვდილი ხომ მალე უნდა მიუახლოვდეთ მათ, მაგრამ რატომ შენ?”

ყმანვილმა მიუგო: „თუ მამაჩემი ასი წლის სიცოცხლით ვერ დატკბა, მაშ, მე როგორ ვიქონიო ამის იმედი? ამას რა აზრი აქვს! ჩემთვის საკმარისია იმის გაგება, რომ თუ მამაჩემმა ასი წლის განმავლობაში ცხოვრება ვერ მოახერხა, მეც ვერ მოვახერხებ ას წელიწადს ცხოვრებას. ცხოვრების რაღაც სხვა საშუალება უნდა იყოს. სიცოცხლის საშუალებით, როგორც ჩანს, არ ხერხდება ცხოვრება და მინდა ახლა სიკვდილის საშუალებით ვცადო იგი...”

სანიასინიც ამას ამბობს: „თუ არ შემძლია ვიცხოვრო „ეგოს“ სიცოცხლის დახმარებით, ვიცოცხლებ „ეგოს“ სიკვდილით!...“

სიკვდილმა წაიყვანა მეფის ვაჟიშვილი და მეფემ კვლავ ასწავლინა იცხოვრა. მერე ისევ მოუვიდა სიკვდილი, მეფემ, ისევ ვერ მოვახერხე სიცოცხლით დატკბობა და ახლა ჩემი სხვა შვილი წაიყვანო.

ასე მეორდებოდა ყოველ ასწავლინაში ერთხელ, სანამ იაიატს ათასი წელი არ შეუსრულდა. მაშინ სიკვდილი კიდევ ესტუმრა და უთხრა: რას ფიქრობ? კიდევ შენი ერთ-ერთი ვაჟიშვილი უნდა წაიყვანო?”

იაიატმა უპასუხა: „არა! ახლა წამდვილად ვიცი, რომ ათასი წელიც გამოუსადეგარია. ეს არის ჩემი გონების და არა დროის საკითხი. შევეჩვიე ყოფისა და არსებობის უაზრო გაფლანგვას. ასე რომ, ეს ველარ მიშველის“.

უნდა გახსოვდეთ, რა უანდერძა მომავალ თაობას იაიატმა.

თუ არა ხარ აქ და ახლა, ვერ მოხვდებით სადილზე. ყოველთვის გინვევდნენ, მაგრამ არასდროს იყავით სახლში, არასდროს იყავით იქ, რამეთუ სხვა ადგილას იმყოფებოდით.

მერე კი ამბობთ, რომ იტანჯებით და ყველა უბედურად გეჩვენებათ. ისიც უბედური გგონიათ, ვინც ხანგრძლივად იცხოვრა და ისიც, ვინც ვერ იცხოვრა დიდხანს.

ერთხელ ერთი რესტორნის ფანჯარაზე ასეთი წარწერა წავიკითხე: „ნუ დადგებით გარეთ და ნუ იქნებით ასეთი უბედური, შემოდით და ჭამეთ“. ე. ი. თუ დგახართ გარეთ, უბედურნი ხართ, მაგრამ თუ შეხვალთ რესტორანში და შეჭამთ, მაშინაც უბედურნი იქნებით. გონება უბედურებაა. „შიგნით“ თუ „გარეთ“

ვერ გიშველით, ვერც ასი წელინადი გიშველით და ვერც ათასი, ვერც ერთი ცხოვრება შეგმატებთ ვერაფერს და ვერც უამრავი, სანამ არ შეიგნებთ, რომ ბარიერი თვით ბიზნესმენის გონებაა და როგორც კი უკუაგდებთ მას, მოდის სანიასა.

იესო ამბობს: **„...მყიდველები და ვაჭრები ვერ შევლენ მამა-ჩემის სამყოფელში...”**

სასუფეველის კარი ყოველთვის ღიაა! ვაჭრებმა და მყიდველებმა თვითონ დაკარგეს იქ შესვლის შესაძლებლობა. მოციქული ყოველთვის მოდის თქვენს მისაპატიჟებლად. იესო მოციქული იყო, მაგრამ იუდეველებმა უარყვეს იგი.

ბუდა ხშირად დადიოდა ერთ სოფელზე, თითქმის ოცდაათჯერ მოუწია იქ გავლა. ამ სოფლის ერთი მცხოვრები ყოველთვის ოცნებობდა, ბუდასთვის მოესმინა, მაგრამ ან ცოლ-შვილი ჰყავდა ხოლმე ავად, ან სტუმრები, ან კიდევ მოუცლელი იყო და ვერ ახერხებდა ბუდასთან შეხვედრას. ერთხელ, დილით, როცა თავისი სავაჭრო ფარდული გახსნა, გაიგონა, რომ ბუდა ამ დღეს მოკვდებოდა. მაშინ მიხვდა, რას ჰკარგავდა იგი და საღამო ხანს ბუდასკენ გაეშურა.

ბუდა განსასვენებლად ემზადებოდა. „რამე ხომ არ გინდათ, ბოლოს მკითხოთ?” – მიმართა მან თავის მოწაფეებს. მათ ქვითინით უთხრეს: „შენ საკმაოდ ბევრი რამ გვითხარი და იმასაც კი ვერ მიგიხვდით, ახლა არაფერი გვაქვს შესაკითხავი”.

ბუდამ სამჯერ გაიმეორა თავისი შეკითხვა, რადგან ჩვევად ჰქონდა ნათქვამის რამდენჯერმე გამეორება. მერე თქვა: „თქვენ ისეთი სმენადახშულნი ხართ, რომ ყოველთვის ყურს იქით უშვებთ”. შემდეგ დაჯდა მშვიდად ხის ქვეშ, თვალები დახუჭა და დაიწყო სამყაროსთან შერწყმა.

ამ დროს იმ კაცმა მოიბრინა, ბუდას ნახვა რომ უნდოდა და ბუდა იკითხა.

მონაფეებმა უთხრეს: „დაიგვიანე, როდესაც ბუდა დადიოდა შენს სოფელზე, იოლად შეგეძლო მისი ნახვა. ის ყოველთვის გკითხულობდა, მაგრამ შენ არასოდეს მისულობარ მასთან. ზოგჯერ გეპატიჟებოდით, მაგრამ შენ ხან ცოლ-შვილი გყავდა ავად, ხან ძალიან დასაქმებული იყავი, ხან სტუმრებს ელოდებოდი. ახლა კი დაიგვიანე“.

ეს ერთ-ერთი ყველაზე შესანიშნავი ისტორიაა თანაგრძნობის შესახებ. ბუდა გამოვიდა მედიტაციიდან და თქვა: „შესაძლოა, ეს კაცი შეცდა, მაგრამ ჩემს მოწვევას ძალა არ დაუკარგავს. მართალია, დაიგვიანა, მაგრამ მე ხომ ცოცხალი ვარ. მე ველოდი მას და სულ ვაგვიანებდი გაუჩინარებას, ვიმედოვნებდი, რომ მოვიდოდა, როგორც კი გაიგებდა, რომ ვკვდები...“

უკუაგდეთ ბიზნესმენის გონება, თორემ, როგორც ადრე კარგავდით ბუდას, ასევე დაკარგავთ ახლაც. თქვენ ეჩვევით დაკარგვას. იესო მართალია, ღვთის სასუფეველში არ არის ადგილი გამყიდველებისა და ვაჭრებისთვის. ისინი საერთოდ არ ინტერესდებიან სასუფეველით, მათ აინტერესებთ ამქვეყნიური სამეფო, ისინი ხილულს უყურებენ, მათთვის მიპატიჟება სუსტად ჟღერს, ესმით, მაგრამ ბოდიშს იხდიან.

თქვენ აირჩიეთ არაარსებითი და უარყავით არსებითი. თქვენ აირჩიეთ ის, რაც არაფასეულია, ის რაც კვდება და უკვდავი უარყავით. თქვენ აირჩიეთ სხეული და უარყავით შინაგანი არსი.

მთლიანად შეიგნეთ ეს: უყურეთ სიტუაციას და ნუ იფიქრებთ სხვაზე. უყურეთ საკუთარ თავს! ასი კაციდან 99 ხომ ბიზ-

ნესმენია. უფრო დასაჯერებელია, რომ თქვენც ბიზნესმენი ხართ. ნუ იფიქრებთ, რომ გამონაკლისი ბრძანდებით, რადგან სულაც არ სჩანხართ ასეთი. ეს გამონაკლისი უკვე შევიდა სასუფეველი ცათა შინა და ღმერთთან სადილობს.

*1974 წლის 8 სექტემბერი
პუნა, ინდოეთი*

საუბარი მეოცე

მეოცე შეგონება

მონაფეებმა ჰკითხეს იესოს:

– „როდის დადგება სიკვდილისაგან გათავისუფლების დღე და როდის მოვა ახალი ცხოვრება?“

(თომა, 56)

იესომ მიუგო:

– „ის, რასაც ელოდებოდით, უკვე მოვიდა, მაგრამ თქვენ ვერ შეიცანით“.

მონაფეებმა უთხრეს იესოს:

– „ისრაელში ოცდაოთხი წინასწამეტყველი ქადაგებდა და ყველა მათგანი შენ გახსენებდა“.

იესომ მიუგო:

– „თქვენ გვერდით გასწიეთ ცოცხალი, რომელიც თქვენს წინაშეა და ლაპარაკობთ მკვდარზე“.

(თომა, 57)

იესომ თქვა:

– „მე ამქვეყნად მოვიტანე ცეცხლი და ხედავთ, ვიცავ ქვეყანას, სანამ ცეცხლი არ აგიზგიზდება“.

(თომა, 10)

ეს მუდამ ასე ხდება. იესო მოდის, მაგრამ ვერ ცნობთ მას. ბუღაც ასევე ვერ გიცვნიათ. რატომ ხდება ასე? შემდეგ, საუკუ-

ნების განმავლობაში, ფიქრობთ იესოსა და ბუდაზე. იქმნება რელიგიები იმათ შესახებ, ვინც ვერ იცანით, სანამ აქ იყვნენ. რატომ კარგავთ ცოცხალ ქრისტეს? ეს არ არის ინდივიდუალური შეცდომა ან ამა თუ იმ ადამიანის წინდაუხედაობა. ამას ადამიანის გონება ათასწლეულების განმავლობაში სჩადიოდა საერთოდ. მიზეზი ღრმად ფესვგადგმულია ადამიანში.

გონებას არ გააჩნია ანმყო, მას მხოლოდ წარსული და მომავალი აქვს. ანმყო იმდენად მცირეა, რომ გონებაში მისთვის ადგილი არ რჩება. გონებას შეუძლია წარსულის გახსენება, მომავალზე ოცნება, მაგრამ ანმყოს ვერ ხედავს. წარსული და მომავალი დაკარგულია. ანმყო იმდენად მცირეა, რომ როდესაც შეიცნობთ, იგი უკვე ჩავლილია, თქვენ კი მთვრალეები ხართ წარსულით ან მომავლით.

ერთხელ მოლა ნასრედინი ჩემს სანახავად მოეშურებოდა. მან დაიქირავა ტაქსი და უთხრა: „მიმიყვანეთ შრი რაჯნემის აშრამთან“.

მძლოლი გაბრაზებული გადმოვიდა ტაქსიდან. რადგან მაქანა კორეგონ პარკის №17 სახლის წინ იდგა. მან გაალო კარი და უთხრა ნასრედინს: „მეგობარო, უკვე მოვედით აშრამთან, გადმოდით!“

ნასრედინმა მიუგო: „ძალიან კარგი, მაგრამ შემდეგში ასე სწრაფად ნუ ივლით...“

თქვენი გონება მთვრალია, არც ანმყოს დანახვა შეუძლია და არც იმის შემჩნევა, რაც თქვენ წინაა. გონება სავსეა ოცნებებითა და სურვილებით. თქვენ არ გაქვთ სულის მხნეობა და ამიტომ კარგავთ იესოს, ბუდას და კრიშნას, შემდეგ კი, საუკუნეების განმავლობაში მოსთქვამთ და განუხებთ დანაშაულის გრძნობა.

საუკუნეების განმავლობაში ფიქრობთ, ლოცულობთ, ხოლო როცა აქ არის იესო, მაშინ კარგავთ მას. იესოსთან შეხვედრა მხოლოდ იმ შემთხვევაში შეგიძლიათ, თუ ცნობიერების ისეთ საფეხურს მიაღწევთ თქვენში, რომელშიც არც წარსული იარსებებს და არც მომავალი. მხოლოდ მაშინ დაინახავთ ანმყოს და ანმყო იქნება მარადიული, მაგრამ მარადისობა სიღრმეშია, იგი ჰორიზონტალური კი არ არის, ვერტიკალურია.

შეგიძლიათ გაიგოთ წარსული, რადგან იმისთვის, რომ რაღაც გაიგოთ, დრო გჭირდებათ, რათა იფიქროთ, იფილოსოფოსოთ, იკამათოთ. მაშინ შეგიძლიათ ინტელექტუალურად დაახასიათოთ მოვლენები, მაგრამ, როცა იესო არ არის, თქვენ არ შეგიძლიათ ფიქრი, ამისთვის დრო არ გაქვთ.

თქვენი ტვინი წყვილია და ფათურობს. ზოგჯერ ეს იმის ილუზიას ქმნის, თითქოს გაიგეთ რამე, მაგრამ ეს ასე არ არის. თუ გესმით, მაშინ პირდაპირ ხედავთ ფაქტის ჭეშმარიტებას. თუ არ გესმით, მაშინ უნდა დაფიქრდეთ.

გახსოვდეთ – ადამიანი, რომელსაც ესმის, არასდროს ფიქრობს. იგი, უბრალოდ, ხედავს ფაქტს, ხოლო ვისაც არ ესმის, იგი ფიქრობს და ბრმას ჰგავს, რომელსაც სახლიდან გამოსვლა უნდა. იგი უნდა დაფიქრდეს, სად არის კარი. თუ ხედავს, დაფიქრება აღარ არის საჭირო. ფიქრი მხოლოდ მაშინაა საჭირო, როცა უსინათლო ხართ. ფიქრი ხედვის სანაცვლოა. იგი თქვენს სიბრმავეს მალავს. ადამიანი, რომელსაც უშუალოდ შეუძლია ხედვა, არასოდეს ფიქრობს. იესო და ბუდა არ არიან მოაზროვნეები, მოაზროვნეები არიან არისტოტელე და ჰეგელი*.

გასხივოსნებული ადამიანი არასოდეს ფიქრობს. იგი, უბრალოდ, ხედავს. მას აქვს თვალეები, რათა დაინახოს და თავად ხედვა უჩვენებს, სად არის ჭიშკარი, სად არის გზა, და ის მიდის.

როდესაც აქ არის იესო, ჭიშკარი ღიაა, მაგრამ თქვენ ბრძეები ხართ. შესაძლებლობა გაქვთ, თვით იესოს ჰკითხოთ: „სადაა კარი? საით წავიდე?“

არსებობს უილიამ ჰანტის ცნობილი სურათი. როცა ეს სურათი პირველად ლონდონში გამოფინეს, კრიტიკოსთა შორის აზრთა სხვადასხვაობა გაჩნდა. ეს არის იესოს ერთ-ერთი უმშვენიერესი გამოსახულება. იესო დგას დაგმანულ კართან, რომელსაც ხავსი ისე მოსდებია, თითქოს საუკუნეების მანძილზე არავის გაუღიაო. იესო დგას კართან. სურათის სახელწოდებაა – „შეხედეთ, მე ვდგავარ კართან“, კარზე ჩაქუჩია, რასაც იესო ხელით ეხება. სურათი მშვენიერია, მაგრამ კრიტიკოსები ყოველთვის მონახავენ ხოლმე შეცდომას. მათ აღმოაჩინეს, რომ სურათზე კარს არ ჰქონდა სახელური. და ამის შესახებ უთხრეს ჰანტს. ჰანტმა გაიცინა და უთხრა მათ: „ეს კარი შიგნიდან იღება“.

იესო ადამიანის გულის კართან დგას. ეს კარი გარეთ არ იღება. ამიტომ არ არის საჭირო სახელური. კარს მხოლოდ ჩაქუჩი აქვს. გულის კარი შიგნიდან იღება.

იესო მოდის და აკაკუნებს თქვენს კარზე, მაგრამ თქვენ ფიქრობთ და არ აღებთ კარს. მოსალოდნელია, რომ შეშინდეთ და კარს უფრო მაგრად გაუყაროთ ურდული.

თუ კარი გააღეთ, უკვე საფრთხეში ხართ. იესო აბსოლუტურად უცხოდ გეჩვენებათ და არ გწამთ მისი. აი, რატომ კარგავთ იესოს, როცა ის თქვენთან მოდის.

ჯერ ერთი, თქვენ ბრმა ხართ და მხოლოდ ფიქრი შეგიძლიათ. მეორეც, თქვენ გეშინიათ უცნობის, წარსულთან კი მშვიდად ხართ. დრო უკვე გასულია. ბევრმა შექმნა თეორიები, მოახდინა ყველაფრის ორგანიზება, რაც საჭიროა, ყველაფერი წესრიგში მოიყვანეს. ახლა თქვენ შეგიძლიათ, უბრალოდ, ჩაიხედოთ წიგნებში. წიგნი კი უსიცოცხლოა. შეგიძლიათ, იფიქროთ იესოზე და რაღაც დაამტკიცოთ. მაშინ აღარ არსებობს საშიშროება, რადგან თქვენი გული წიგნს რომც გაუღოთ, აღარაფერი აღარ მოხდება.

მილიონობით ქრისტიანი ყოველდღე კითხულობს ბიბლიას, ინდუსი – ბჰაგავატგიტას, ბუდისტი – დჰამაკადას. ისინი ყოველდღე ერთსა და იმავეს იმეორებენ მექანიკურად. საშიშროება არ არსებობს. წიგნი არ არის ცეცხლი, იესო კი ცეცხლია, როგორც კი გულის კარს გაუღებთ, მაშინვე მთლიანად დაიწვებით, შემოვა თუ არა ეს უცხო ადამიანი თქვენს გულში, ცნობილში უცნობი შემოაღწევს.

ახლა თქვენი გონება ველარ იარსებებს იმ სახით, როგორც მანამდე იყო. თქვენ ველარ იქნებით იგივე. მოხდა განხეთქილება, წარსული მოკვდა. სიზმარშიც კი აღარ გამოჩნდება იგი, ყოველივე, რაც დააგროვეთ, წავიდა. იესო მოდის, რათა მთლიანად დაგწვათ, რომ მოკვდეთ, მაგრამ თქვენ გეშინიათ, რადგან არ იცით, რომ ნებისმიერ სიკვდილს დაბადება მოსდევს, რაც უფრო სრულია სიკვდილი, მით უფრო სრულია დაბადება. იესოს თქვენთვის საყოველთაო სიკვდილი მოაქვს.

თქვენ გეშინიათ, ვინ არის ის, ვისაც ეშინია? ის, ვისაც ეშინია, თქვენშია. ეს თქვენ არ ხართ. ეს თქვენი „ეგოა“, თქვენი დაგროვილი წარსული და თქვენი პიროვნება. თქვენ პატივცე-

მული პიროვნება ბრძანდებით, იესო კი მთლიანად ამსხვრევს თქვენს „ეგოს“. სწორედ „ეგო“ გეუბნებათ: „იფხიზლეთ! ნუ გააღებთ კარს ტყუილ-უბრალოდ, გაურკვეველია, ვინ არის ის, ჯერ დარწმუნდით!

მაშინ კი, როცა დარწმუნდებით, იესო მიდის. მას არ შეუძლია მუდამ თქვენს კართან ლოდინი. იშვიათი მოვლენაა უცნობის ნაცნობში შეღწევა, მარადიულის შეღწევა დროში, იესოს შეხვედრა თქვენთან. ეს ისეთი იშვიათი მოვლენაა, რომ იგი მხოლოდ განსაზღვრულ მომენტში არსებობს, შემდეგ კი – მიდის. თქვენ კარგავთ, რადგან არ გაგაჩნიათ სულის მხნეობა.

ერთი მდაბიო სარკინიგზო კატასტროფაში მოჰყვა და დაშავდა. ამის გამო მან ხელისუფლებისაგან 50 ათასი რუპია მიიღო. მიუხედავად იმისა, რომ მრავალი სახის მოტეხილობა ჰქონდა, კაცი მაინც ბედნიერად გრძნობდა თავს ასეთი ფინანსური დახმარების გამო. იგი მთელ ქალაქს უვლიდა და ჰყვებოდა: „მე 50 ათასი რუპია გადამიხადეს, ჩემს ცოლს – 25 ათასი“. ერთმა ნაცნობმა ჰკითხა: „შენი ცოლიც დაშავდა კატასტროფის დროს?“ კაცმა უპასუხა: „არა! მაგრამ იმ აურზაურში გამბედაობა მეყო, მისთვის კბილები ჩამემტვრია. სხვანაირად იგი არ დაშავდებოდა, ასე კი, დახმარებად გვარიანი თანხა მიიღო“.

ამქვეყნად ზოგჯერ გაბედულ ნაბიჯს დგამთ, მაგრამ, რა თქმა უნდა, არასწორი მიზეზით, ხოლო, როდესაც იესო ან ბუდა მოდის, არასოდეს გეუფლებათ სულის სიმხნევე, რადგან ეს საშიშია და თქვენ არაფერს გაძლევთ. უფრო მეტიც, იგი ყველაფერს გართმევთ, რაც კი გაგაჩნიათ. თქვენ ვერ მიიღებთ 25 ათას რუპია დახმარებას ხელისუფლებისაგან. პირიქით, თქვენ დაგროვილი თანხა სულ წაგერთმევათ.

ამიტომ, როცა იესო აქ არის, თქვენ არასოდეს უყურებთ მას პირდაპირ თვალებში, არიდებთ მას თვალს და ან მარცხნივ იყურებით, ან – მარჯვნივ. გონება ან წარსულისაკენ ან მომავლისაკენ მიემართება და თქვენ აუცილებლად მიმართავთ ეშმაკობას. ეს გამუდმებით ასე იქნება. თქვენ კარგავთ მას, რადგან სულის სიღრმეში გსურთ თავის არიდება.

იესო – ეს არის უხერხულობა, მასთან შეხვედრა არახელსაყრელია, რადგან ის ნამსხვრევებად აქცევს მთელ თქვენს შემგუებლობას. იგი გაიძულვით შეიგნოთ, რომ აბსოლუტურად არასწორი იყავით და თქვენ მიხვდებით, რომ შესცოდეთ, რომ დაკარგეთ მიზანი, რომ მთელი თქვენი ცხოვრება ფუჭი იყო, რომ არაფრისთვის მიგიღწევიათ და ერთსა და იმავე ადგილზე იდექით მილიონი ცხოვრების განმავლობაში.

რასაკვირველია, იესოს გამო თქვენ თავს მოუსვენრად გრძნობთ. ერთადერთი გზა თავის გარიდებაა და თქვენ ძალიან დახვეწილად და დიდი ოსტატობით აკეთებთ ამას, ისე რომ, ვერც კი აცნობიერებთ მომხდარ ფაქტს.

ახლა შეეცადეთ, გაიგოთ ამ სიტყვების აზრი.

მონაფეებმა ჰკითხეს იესოს: „როდის დადგება სიკვდილისაგან გათავისუფლების დღე და როდის მოვა ახალი ცხოვრება?“.

იუდეველები საუკუნეთა განმავლობაში ელოდებოდნენ მიცვალებულთა მკვდრეთით აღდგომის დღეს, როცა დაიბადებოდა ახალი ცხოვრება – კურთხეული, ღვთაებრივი წესრიგის ერა. მსოფლიო ასეთი, როგორც ახლაა – მახინჯია და კომმარს ჰგავს. მისი ატანის ერთადერთი საშუალება არის იმედი, რომ ოდესმე ეს ასე აღარ იქნება, რომ კომმარი დასრულდება, რომ

ოდესმე გაქრება ეს მახინჯი სამყარო და დაიბადება ახალი ცხოვრება ჭეშმარიტებისა და ღვთაებრივის.

ეს გონების ილეთია, რაც მომწამვლელია და იმედს გაძლევთ. იმედი კი ყველაზე დიდი ალკოჰოლია, რაც კი ამქვეყნად არსებობს. თუ შეგიძლიათ იქონიოთ იმედი, მაშინ შეგიძლიათ სამუდამოდ მთვრალი დარჩეთ, ეს გაძლევთ მოლოდინის საშუალებას: „ეს ცხოვრება არ არის საბოლოო. ეს სიმახინჯე არ არის სამუდამო. ეს ცხოვრება არ არის ჭეშმარიტი. ჭეშმარიტი ცხოვრება მოვა“.

აი, რას ფიქრობს არარელიგიური ადამიანი. მორწმუნე ყველაფერს ისე ღებულობს, როგორც არის. ის არ ელოდება იმას, რომ კიდევ რაღაც მოხდება. ის იმითაც კმაყოფილია, რაც არის; არ ჩივის, რომ რაღაც ცუდი და კომმარულია. იგი ყველაფერს იღებს და აღიარებს და ამ მიღებით იბადება ახალ ადამიანად. მისთვის ახალი ცხოვრება აქ არის. ეს არის ახალ ცხოვრებაში მოსახვედრი გზა. თქვენ თუ ოდესმე ამ სამყაროს შეცვლას ელოდებით, ეს არასოდეს მოხდება. სამყარო ყოველთვის ისეთი იქნება, როგორც მაშინ, ადამმა და ევამ რომ დატოვეს ედემი, ასეთივე დარჩება.

ერთი ჩინური გამოთქმა ამბობს: „პროგრესი ყველაზე ძველი სიტყვაა“. ადამიანის გონება ყოველთვის ფიქრობდა, რომ პროგრესს განიცდიდა. ჩვენ არსად არ მივდივართ, სამყარო იგივე რჩება. შეიძლება იცვლება დეტალები, მაგრამ არსი იგივეა. ეს არის ბორბალი, რომელიც ერთსა და იმავე წრეზე ბრუნავს.

რელიგიური ის არის, ვინც უშუალოდ ამ მომენტს ღებულობს, იმისდა მიუხედავად, თუ რა ხდება და ამ მიღების სა-

შუალეობით თავიდან იზადება. სიკვდილი დაძლეულია. ეს აღორძინებაა. ხოლო როდესაც თქვენი ხედვა სხვაგვარია, მაშინ სხვანაირია მთელი სამყარო, რადგან ყოველივეს მიზეზი არის ის, თქვენ როგორ ხედავთ მას, როგორ აღიქვამთ, როგორ მიესადაგებით, თქვენი პოზიცია თქვენი სამყაროა.

ეს სამყარო ნეიტრალურია. ბუდასათვის ის არის მოკმა უსაზღვრო სილამაზე და ექსტაზი. თქვენთვის ის ჯოჯოხეთს ჰგავს, ბოლო, მეშვიდე ფენას, რომლის იქითაც უარესი აღარაფერი არსებობს.

ყველაფერი იმაზეა დამოკიდებული, როგორ შეხედავთ. როდესაც თქვენ აღორძინდებით, თქვენთან ერთად აღორძინდება ყველაფერი. თქვენ ახლებურად დაინახავთ ყველაფერს, რადგან თქვენ შეიცვალეთ, გახდით სამყაროს ცენტრი, ხოლო, როდესაც ცენტრი იცვლება, პერიფერიებიც მას მიჰყვება, რადგან სამყარო მხოლოდ ჩრდილია თქვენ გარშემო. თუ თქვენ იცვლებით, ჩრდილიც იცვლება. ისინი კი, ვინც ელიან და ფიქრობენ, რომ ჩრდილი ოდესღაც შეიცვლება, ბრყვები არიან.

იუდეველები ელოდნენ, ელოდნენ ისე, როგორც თითოეული ელოდება იმ დღეს, როდესაც სამყარო აღორძინდება და სიკვდილი დამარცხდება, მაშინ იქნება მარადიული სამყარო და მარადიული ცხოვრება. იუდეველები ეკითხებოდნენ იესოს: „როდის დადგება სიკვდილისაგან გათავისუფლების დღე და როდის მოვა ახალი ცხოვრება?“.

ნუ ეკითხებით იესოს მომავალზე, რადგან მისთვის არ არსებობს მომავალი. მის წინაშე მთლიანად მარადისობაა. იესოსათვის არ არსებობს არანაირი იმედი. იმედი ოცნებაა, იესოსათვის მხოლოდ ჭეშმარიტება არსებობს. იმედი მოტყუება და მონამ-

ვლავ. ის ისე გათრობთ, რომ მთელი სამყარო მახინჯდება თქვენს თვალში. იესოსთვის არსებობს მხოლოდ ჭეშმარიტება, მისი „ფაქტიურობა“, გაშიშვლებული ყოფიერება. მას ამის თაობაზე არანაირი იმედი არ გააჩნია. ამასთან, ის არ არის სასონარკვეთილი. გახსოვდეთ, სასონარკვეთა იმედის ნაწილია. თუ მომავლის იმედი გაქვთ, ამას ფეხდაფეხ სასონარკვეთა მოჰყვება. ეს იმედის ჩრდილია. თუ იმედოვნებთ, გაგიცრუვდებათ ეს იმედი. რაც უფრო მეტი იმედი გაქვთ, მით უფრო მეტი იქნება იმედგაცრუება, რადგან იმედი ბადებს ოცნებას, შემდეგ კი ოცნება არ სრულდება.

იესო არ არის სასონარკვეთილი და იმედგაცრუებული. ის არასოდეს ელოდება. ასე რომ, ყველაფერი ისეა, როგორც უნდა იყოს. იესო არასოდეს ოცნებობდა და, მაშასადამე, ადგილი არ აქვს წარუმატებლობას. თუ არ ეძებთ წარმატებას, ვერავინ გაგაბრწყინებთ, თუ არ იცქირებით მომავლისკენ, ვერაფერი გაგიტყუებთ გულს. არა! არ არსებობს არანაირი უბედურება, თუ არ არსებობს არანაირი ოცნება.

ოცნებას უბედურება მოაქვს, ყოფიერება კი ნამდვილი ექსტაზია. იესო ახლა ცხოვრობს. იესო აქ ცხოვრობს. ეს მისთვის ერთადერთი ყოფაა. აი, რატომ გეუბნებით, რომ იესოსთვის ძალიან ძნელია თქვენთან შეხვედრა. თქვენ ყოველთვის მომავალში ხართ. ის ყოველთვის აქ არის. როგორ შეხვდებით? თქვენ შორის უზარმაზარი მანძილია.

არსებობს ორი გზა. პირველი – იესომ ოცნება დაიწყოს თქვენსავით. ეს შეუძლებელია, რადგან როცა იცით, ვერ იოცნებებთ. ოცნება ყოველთვის მაშინ მოდის, როცა მცოდნეს სძინავს. ამიტომ იესო ვერ ჩამოვა თქვენს დონეზე. ეს შეუძლებელია.

ლია. როგორც არ უნდა ეცადოს, ეს არ მოხერხდება. იესოს და ბუდას სურდათ თქვენთან მოსვლა, მაგრამ ეს შეუძლებელია. მათ არ შეუძლიათ ძილი და იმედი.

მაშ, სად შეიძლება თქვენი შეხვედრა? თუ იესოც სიზმრად იცხოვრებს და მომავალში იმოძრაავებს, მაშინ შესაძლებელია შეხვედრა, მაგრამ ეს არ მოხდება. ერთადერთი შესაძლებლობა ის არის, რომ შეგანჯღრიონ და გაგალვიძონ. ამიტომაც ეუბნება იესო მონაფეებს: **„გამოიღვიძეთ, იყავით ფხიზელნი, თვალყური ადევნეთ, უყურეთ, დაინახეთ! შეიგნეთ, იქონიეთ სულის სიმხნევე აქ და ახლა!”**

მაგრამ თვით მონაფეებიც კი არ უყურებენ მას. ისინი მომავალზე ფიქრობენ, რადგან წარსულში იტანჯებოდნენ. წონასწორობა ასეთია – ისინი იტანჯებოდნენ წარსულში, ნეტარნი იქნებიან მომავალში. სხვაგვარად ისინი ჭკუიდან შეიშლებიან.

ძველად სასახლის კარზე ყველა იმპერატორს ჰყავდა ბრძენიცა და სულელიც. ეს აბსურდს ჰგავს: ბრძენი გასაგებია, მაგრამ რა საჭიროა სულელი? – რათა იყოს წონასწორობა. სხვაგვარად სასახლის კარზე დაირღვევა ბალანსი და ეს სწორია.

ერთ დიდებულ მეფეს ბრძენი ჰყავდა, მაგრამ არ გააჩნდა სასახლის კარზე სულელი. საქმე ცუდად მიდიოდა. ამიტომ დაუნყეს ძებნა და მიაგნეს კიდეც სრულიად სულელს. სრულყოფილება მშვენიერია, რაშიც არ უნდა გამოვლინდეს იგი. სრულიად სულელ ადამიანსაც გააჩნია თვისება, რომელსაც ვერ უარყოფთ. ეს არის სრულყოფილება.

სრულყოფილებას გააჩნია საკუთარი ხიბლი. თუ გსურთ, დაინახოთ, რას წარმოადგენს სრულიად სულელი ადამიანი, წაიკითხეთ დოსტოევსკის რომანი „იდიოტი”.

ამგვარად, იპოვეს სრულიად სულელი ადამიანი. მეფეს მისი გამოცდა სურდა, რათა ენახა, რისი მაქნისი იყო იგი სინამდვილეში. მან უთხრა სულელს: „შეადგინე ჩემი სამეფო კარის სულელების სია“. სამეფო კარი ასი კაცისგან შედგებოდა. მეფემ ითხოვა: „შეადგინე ათკაციანი სია. ამათგან ყველაზე სულელი რიგით პირველი უნდა იყოს სიაში, შემდეგი მეორე და ა.შ.“ ამისათვის სულელს შვიდი დღის ვადა მისცა. მეშვიდე დღეს მოჰკითხა სია. სულელმა უთხრა, რომ სია მზად ჰქონდა.

„ვინ არის სიაში რიგით პირველი?“ – ჰკითხა მეფემ. – „შენ“, – უპასუხა სულელმა.

მეფე განანყენდა: „რატომ? განმიმარტე!“

სულელმა უთხრა: „ჯერ კიდევ გუშინ პირველი ადგილი არ მქონდა შევსებული, მაგრამ გუშინ შენ ერთ-ერთ მინისტრს მილიონი რუპია მიეცი და შორეულ ქვეყანაში გაგზავნე ალმასის, მარგალიტისა და სხვა ძვირფასეულობის შესაძენად და მე გეუბნები, რომ ის კაცი აღარასოდეს დაბრუნდება უკან. შენ მას ენდე, ე. ი. სულელი ხარ, რადგან მხოლოდ სულელებს სჯერათ“.

„კარგი, მაგრამ უკან თუ დაბრუნდება, მაშინ? – მიუგო მეფემ სულელმა უპასუხა: „მაშინ შენს სახელს ამოვშლი სიიდან და მისას ჩავწერ“.

ძველად სასახლის კარზე ეს აუცილებლობა იყო, რადგან ამით ხდებოდა წონასწორობის შენარჩუნება. თქვენი ცხოვრება წონასწორობის შენარჩუნების განუწყვეტელი მცდელობაა. თუ ძლიერად მოძრაობთ ერთი მიმართულებით, იკარგება წონასწორობა და ჩნდება ავადმყოფობა, რაც უწონასწორობას ნიშნავს.

თუ თქვენი წარსული მახინჯია, თუ ის იყო ხანგრძლივი ტანჯვა, მონყენა და დაღლა, როგორ მოახდენთ მის ბალანსირებას? თუ არ გაანონასნორებთ, თქვენ ჭკუაზე შეიშლებით. ამიტომ ანონასნორებთ მას მშვენიერ მომავალზე ოცნებით. ქმნით მომავლის რომანტიკულ სურათს და ეს გინარჩუნებთ წონასწორობას.

მაგრამ იესოს არ სჭირდება განონასნორება. იგი თვითონ არის სრულყოფილება. იესოს არ სჭირდება არც ბრძენი და არც სულელი. თქვენი წარსული ჰგავს ბრძენს. თქვენ მიიღეთ გამოცდილება, ხოლო გამოცდილებით – სიბრძნე. მომავალი კი სისულელეა. ეს არის ოცნება თუ არა გაქვთ მომავალი, ჭკუაზე შეიშლებით.

ამერიკის შეერთებული შტატები ჰიპების და ბიტნიკების ქვეყნად იქცა. იგი უფრო ფხიზელი გახდა. იქ აღარ არის მომავალი წყალბადის ბომბისა და ატომური ენერჯის გამო, წარსული კი მხოლოდ ხანგრძლივი სიმახინჯე და კოშმარია. იქ არ არის მომავალი, რომ იოცნებონ, რომ ჩაიდინონ სისულელეები და დაამარონ წონასწორობა. ამიტომ გაჩნდნენ ჰიპები. ისინი შეშლილები და გაუნონასნორებლები არიან.

ბუდაც მსგავსი სახით გამოჩნდა, მაგრამ მას სხვა მეთოდი ჰქონდა. იესომაც, უბრალოდ, განაგდო წარსული და შეწყვიტა მომავალზე ფიქრი, იგი თვითონ იქცა წონასწორობად. თქვენ ვერ შეარყევთ იესოს ბალანსს. წონასწორობიდან შეიძლება გამოიყვანოთ სხვა ვინმე, ვინც, უბრალოდ, მოერგო და შეეგუა ცხოვრებას.

შეგუებული პიროვნების ბალანსის დარღვევა ნებისმიერ შემთხვევითობას შეუძლია, მაგრამ იესო ვერ შეიშლება

ჭკუიდან, რადგან შეცვლილია საფუძველი. ის არც წარსულში ცხოვრობს და არც მომავალში.

მონაფეები მომავალზე ეკითხებიან იესოს. როგორ მოხდება შესხვედრა? და ამ კითხვას სვამენ მონაფეები.

იესომ მიუგო: „...ის, რასაც ელოდებით, უკვე მოვიდა, მაგრამ თქვენ ვერ შეიცანით...”

ის, ვისაც ელოდით, მოვიდა. მიცვალებულები აღდგნენ. მათ მიაღწიეს სიმშვიდეს. ახალი სამყარო მოვიდა. ის აქ არის უკვე, მაგრამ თქვენ არ იცით ეს. იესო საკუთარ თავზე ლაპარაკობს: „მე ვარ ახალი სამყარო, მე აღვდექი მკვდრეთით, მე ვარ ცხოვრება, თვით ცხოვრების ცენტრი და მე აქ ვარ, თქვენს წინაშე, თქვენ კი არ იცით ეს. მეკითხებით მომავალზე, მომავალი კი აქ არის”.

მარადისობაში არ არის მომავალი, ის აწმყოს ნაწილია. ჩვენ ჩვენივე სუსტი შეგნების გამო არ ძალგვიძს მთლიანის დანახვა. ჩვენ ოთახში გამოკეტილ ადამიანს ვგავართ, რომელიც საკეტის ღრიჭოდან იცქირება. იგი ვერ ხედავს მთლიანს. გამონაკლისია ის შემთხვევა, ჰაშიშით თუ ხართ გაბრუებულები.

სამი კაცი იმ დროს მივიდა ქალაქთან, როცა მზე ჩადიოდა. ისინი მზის ჩასვლამდე უნდა შესულიყვნენ ქალაქში. ამიტომ მირბოდნენ, რადგან ქალაქის კარიბჭე ზუსტად მზის ჩასვლის მომენტში იკეტებოდა. თუ დაიგვიანებდნენ, გალავნის გარეთ რჩებოდნენ, რაც საშიში იყო მტაცებელი ცხოველების, მკვლელებისა თუ სხვა ხიფათის გამო, მათ მაინც დააგვიანდათ და კარიბჭე დაკეტილი დახვდათ. მზე უკვე ჩასულიყო.

ერთმა მათგანმა გულზე მჯილის ცემა და ხმამაღლა ღრიალი დაიწყო, რომ გალავნის იქით კარისმცველებს გაეგოთ. ის ხმა-

მალლა ყვიროდა და ისე აბრაზუნებდა ჭიშკარზე, რომ ხელები დაუსისხლიანდა. მან გონება დაკარგა. მეორემ კედლის დათვალიერება დაიწყო იმ იმედით, იქნებ რამე კარს ნავანყდეთო. მესამე ჰაშიშის მწვეელი იყო. ახლაც გაბრუნდა ჰაშიშით, შემდეგ შეიჭვრიტა საკეტის ღრიჭოში და თქვა „შეხედეთ! არსად ნასვლა არ არის საჭირო, საკეტის ღრიჭოდან შეგიძლია შესვლა“.

აი, რა ხდება, როცა ნარკოტიკებით გაბრუნებული მოგზაურობთ. საკეტის ღრიჭო იმდენად დიდი გეჩვენებათ, რომ გგონიათ, შესძლებთ მასში გასვლას და თვით სასუფეველში შესვლასაც კი. ვერავინ შევა ღვთის სასუფეველში საკეტის ღრიჭოდან. დარჩებით გარეთ და როცა გონს მოხვალთ, ამ ყველაფერზე გაიცინებთ.

იფიქრეთ ოთახში ჩაკეტილ ადამიანზე, რომელსაც მხოლოდ საკეტის ღრიჭოდან შეუძლია ყურება. მას არ ძალუძს მთლიანად იმის დანახვა, რაც გარეთაა. ის მხოლოდ ნაწილს ხედავს. ისიც წარმოიდგინეთ, რომ მისი თვალი გადაადგილდება ღრიჭოს შესაბამისად. ის ხედავს ერთ ხეს, შემდეგ მეორე ხე ხვდება მხედველობის არეში, პირველი კი ქრება და წარსულად იქცევა, მეორე ხე იქცევა აწმყოდ, მესამე კი, რომელიც ჯერ არ გამოჩენილა, მომავალშია. თვალი განაგრძნობს მოძრაობას: მეორე მიდის და ჩნდება მესამე. ის ადამიანი ფიქრობს ლოგიკურად: „ის, რასაც ვეღარ ვხედავ, აღარ არსებობს. ის კი, რისი დანახვაც არ შემიძლია, ჯერ არ არსებობს. არსებობს მხოლოდ ის, რასაც ვხედავ“.

აი, რას ვაკეთებთ ჩვენ. და ის კაცი ვერ იგებს, რომ მისი თვალი მოძრაობს საკეტის ღრიჭოს ირგვლივ. ის იფიქრებს, რომ ხეები მოძრაობენ ყოფიერებაში, მოდიან და შემდეგ მიდიან.

ჩვენ თითქოს ვამბობთ, რომ დრო მოძრაობს. გახსოვდეთ – დრო არ მოძრაობს. მოძრაობს მხოლოდ თქვენი გონება. დრო როგორ იმოძრაავებს, როცა მოძრაობისთვის ისევ დროა საჭირო? თუ თქვენი დრო მოძრაობს, მაშინ საჭიროა სხვა დრო, რომელშიც იგი იმოძრაავებს.

თქვენი სახლიდან ამ სახლში მოხვედით. ამისთვის ნახევარი საათი დაგჭირდათ. ერთი წერტილიდან მეორეში მოძრაობთ და ამას დრო სჭირდება, დრო თუ მოძრაობს, როგორც ჩვენ ვფიქრობთ, მდინარესავით თუ მომავლიდან წარსულში მიედინება, მაშინ საჭიროა სხვა დრო, რომელშიც მოძრაობს ჩვენი დრო. მაშინ უსასრულო მოძრაობაში ხვდებით – მეორე დრო იმოძრაავებს კიდევ სხვა დროში. არა, ეს შეუძლებელია. დრო არ მოძრაობს, პირიქით, თქვენი გონებაა მოძრაობაში, მაგრამ თქვენ არ შეგიძლიათ ამის დანახვა. ეს იმას ჰგავს, თითქოს მიმავალ მატარებელში სხედხართ და თქვენ თვალწინ სწრაფად გაიელვებენ ხეები. ისეთი შეგრძნება გაქვთ, თითქოს საწინააღმდეგო მიმართულებით მოძრაობთ. დაკვირვების საშუალება რომ არ მოეცათ თქვენთვის, შესაძლოა, გაგჩენოდათ ეს გრძნობა და ხშირად ასეც ხდება, რომ ისინი მოძრაობენ და არა თქვენ, მიმავალ მატარებელში მსხდარნი. მაგალითად, როდესაც თქვენი მატარებელი მოძრაობს, მეორე კი ბაქანთან დგას, ფიქრობთ, რომ ის მეორე მატარებელი მოძრაობს.

მილიონობით წელია, რაც ადამიანი დედამიწაზე არსებობს. დედამიწა ოდითგანვე მოძრაობს, მაგრამ ვერავინ აცნობიერებს ამას. ფიქრობენ, რომ მზე მოძრაობს. მეცნიერები უკვე დიდი ხანია ამბობენ, რომ დედამიწა მოძრაობს, მაგრამ ენა არ შეცვლილა. ჩვენ ვამბობთ: „მზე ამოვიდა“, „მზე ჩავიდა“... ეს ასე არ

არის, მაგრამ ჩვენ კვლავაც ვფიქრობთ, რომ მზე ამოდის და ჩადის. მეცნიერებიც კი ამგვარად ფიქრობენ. მათ იციან ფაქტი, მაგრამ აზრი ფესვგადგმულია.

ენაში არ არსებობს ისეთი გამოთქმები, როგორიცაა „დედამინა ჩავიდა“ და „დედამინა ამოვიდა“. ჩვენთვის კვლავაც მზე მოძრაობს დედამინის გარშემო. ასევე მცდარი აზრი არსებობს დროსთან დაკავშირებით. დრო არ მოძრაობს, ის მარადიულია. მხოლოდ ჩვენი გონება მოძრაობს, ხოლო ამ დროს თქვენ ხედვის ვიწრო ჭრილი გაგაჩნიათ. ის, რაც ხდება, ანმყოფია. ის, რაც მოხდა, წარსულია. ის, რაც არ მომხდარა, მომავალია, მაგრამ საით მიდის ანმყოფი? თუ დავფიქრდებით, ეს ყველაფერი აბსურდია. როგორ შეიძლება ანმყოფი არარაობაში მოძრაობდეს? როგორ იქცევა ყოფა არარაობად? წარსული არ არსებობს და როგორ შეიძლება მომავალი, რომელიც არარაობაა, მოვიდეს ყოფაში? ეს აბსურდია. მხოლოდ თქვენი გონება მოძრაობს და თქვენ არ შეგიძლიათ მთლიანის დანახვა. აი, რატომ ჩნდება გაყოფა.

იესო მთლიანში ცხოვრობს. ამიტომ ამბობს იგი: **„ის, რასაც ელოდით, მოვიდა, მაგრამ თქვენ არ იცით“**. და ის მოვიდა არა ახლა. ის, რასაც ელოდით, ყოველთვის აქ იყო. აი, რატომ ამბობს იესო სხვა შეგონებაში: **„მე, აბრამზე უწინ ვიყავი. მე ყოველთვის აქ ვიყავი“**.

თქვენი გონება ამბობს, რომ იესო მომავალში მოვა და ამავე დროს უარყოფს იესოს, იმის გამო, რომ იგი ანმყოფს არ ეხება. ამიტომაც ამბობდნენ იუდეველები: „ეს არ არის ადამიანი, რომელსაც ველოდით“. და ვერასოდეს იქნება ის ადამიანი, ვინც არ უნდა მოვიდეს, არ იქნება ის, რადგან მნიშვნელობა არ აქვს იმ

ადამიანის ჭეშმარიტებას ან სიცრუეს. ყველაფერი თქვენი გონების გამოა, რომელიც მომავლით არსებობს და ყველაფერს მომავლისთვის სდებს. ხოლო როცა იესო მოდის, მომავალი აღარ არის და ყველა ოცნება იფანტება. იესო ანგრევს თქვენს ოცნებებს, თქვენ კი იმდენი რამ ჩადეთ თქვენს ოცნებებში, რომ ეს ძალიან მძიმეა.

ერთი ექიმი ლოთს ეუბნებოდა: „მეტი აღარ დალიოთ, თორემ სმენას დაკარგავთ და ვერაფერს გაიგონებთ“.

ლოთმა მიუგო: „არ ვაპირებ, სმას თავი დავანებო, რადგან ის, რაც მესმის, იმაზე უარესია, რასაც ვსვამ. სმენა რომ დავკარგო, ამით არაფერს არ დავკარგავ – ის რაც მესმის, უინტერესოა.“

თქვენ იმდენი რამ ჩადეთ მომავალში, რომ ის, რაზეც ოცნებობთ, ძალიან ფასეული გახდა. ეს წარსულთან მიმართებაში წონასწორობას გინარჩუნებთ, გაძლევთ მოძრაობისა და მოქმედების სტიმულს, გეხმარებათ გაქცევაში, გეხმარებათ თქვენ და თქვენს „ეგოს“, საერთოდ, არსებობაში. ამის მოშორება ძნელია, რადგან როცა მოვა და გეტყვით: „მე აქა ვარო“, თქვენ იფიქრებთ, რომ ეს ის არ არის, ვისაც ელოდით. ის ადამიანი არასოდეს მოდის და არა იმიტომ, რომ ის არ მოდის, არამედ იმიტომ, რომ თქვენ არ შეგიძლიათ, მას არსებობის ნება დართოთ.

თუ ერთხელ მისცემთ იესოს ქრისტიედ ყოფნის ნებას, მაშინ დაუყოვნებლივ უნდა შეიცვალოთ. ვერ გაჰყვებით ძველ ნიმუშს, ცხოვრების ძველი სტილი უნდა განაგდოთ, თქვენ უნდა მოკვდეთ და ხელახლა დაიბადოთ.

იესომ უთხრა მონაფეებს: „...ის, რასაც ელოდით, მოვიდა, მაგრამ თქვენ არ იცით ეს...“

მონაფეებმა უთხრეს იესოს: „...ისრაელში ოცდაოთხი წინასწარმეტყველი ქადაგებდა და ყველა შენ გახსენებდა...”

ციფრ 24-ს დიდი მნიშვნელობა აქვს – ინდუისტები ფიქრობენ, რომ არის 24 ავატარა. ჯაინები თვლიან, რომ არსებობს 24 ტირტჰან კარა (დინების იქით გადამყვანი). ბუდისტები ფიქრობენ, რომ არის 24 ბუდა, ხოლო იუდეველები ფიქრობენ რომ არსებობს 24 წინასწარმეტყველი.

რატომ 24? ამქვეყნად ყველაფერი განსაზღვრული რაოდენობით არსებობს, სიბრძნეც კი და როცა ერთი პიროვნება გასხივოსნდება, სხვებისთვის უკვე ძნელია იმავე დროს გასხივოსნება, რადგან მთელ სინათლეს ის ერთი პიროვნება შთანთქავს. თქვენ შეგიძლიათ მის ჩრდილში იცოცხლოთ. ის შეეცდება, დაგეხმაროთ ნებისმიერი საშუალებით. აქედან მოდის ეს მოვლენაც: ბუდა კვდება და მისი ბევრი მონაფე გასხივოსნდება.

მონაფეებმა უთხრეს იესოს: „ისრაელში ოცდაოთხი წინასწარმეტყველი ქადაგებდა და ყველა მათგანი შენ გახსენებდა”.

იესომ მიუგო: „თქვენ გვერდით გასწიეთ ცოცხალი, რომელიც თქვენს წინაშეა და ლაპარაკობთ მკვდარზე”.

რა საჭიროა ამ 24 წინასწარმეტყველის ხსენება? თქვენ მე არ მიყურებთ. თქვენ ჯერ კიდევ იმ 24 წინასწარმეტყველზე ლაპარაკობთ, რომლებიც უკვე მოკვდნენ. ისინი ჩემს შესახებ ლაპარაკობდნენ, თქვენ მათ შესახებ ლაპარაკობთ, მე კი არა ვარ! მათ დამკარგეს მე იმიტომ, რომ მომავალში იყურებოდნენ, თქვენ ვკარგავთ იმის გამო, რომ წარსულში იხედებით, მე კი აქა ვარ!

საჭიროა ღრმად ჩასწვდეთ ამას და გაიაზროთ. ძალიან ადვილია სიკვდილზე ლაპარაკი, რადგან თვითონ მკვდრები ხართ.

თქვენში იგივე თვისებებია, თქვენშიც არის სიკვდილთან მსგავსება.

ძალიან ძნელია იესოს დანახვა, რადგან თქვენც ცოცხლები უნდა იყოთ. მხოლოდ მსგავსს შეუძლია იგრძნოს მსგავსი. როგორ იცნობთ სინათლეს, თუ თვითონ სიბნელე ხართ? როგორ გეცოდინებათ სიყვარული და სიცოცხლე, თუკი თვითონ არა ხართ ის? თქვენ ცხოვრობთ მკვდარი ცხოვრებით. თქვენი ცხოვრება მინიმუმზეა დაყვანილი, იესო კი – მის მაქსიმუმშია. თქვენ არსებობთ, როგორც ალფა, ის კი როგორც – ომეგა.

თქვენ ხართ მხოლოდ „ალფა“, ის კი – „ომეგა“. ის ბოლო კულმინაციაა. თქვენ განაგრძნობთ ლაპარაკს. უკეთესი იქნებოდა, რომ მოწაფეებიც გაჩუმებულიყვნენ. უკეთესი იქნებოდა, უბრალოდ, დარჩენილიყვნენ იესოს გვერდით, მაგრამ ისინი სულელურ შეკითხვებს იძლევიან. ამ შეკითხვებზე პასუხის გაცემა შეუძლიათ სწავლულებს. ამისთვის არ არის საჭირო ქრისტესთან მისვლა. თანაც, სწავლულები ბევრნი არიან და იაფად ფასობენ. იესო იშვიათად გვევლინება. კაცობრიობის ზრდის კულმინაციური წერტილი მაშინ მოდის, როდესაც წრე უახლოვდება თავის მწვერვალს. ის იშვიათობაა, თქვენ კი სულელურ შეკითხვებს უსვამთ, ბავშვური თამაშობებით ერთობით.

იესო, უბრალოდ, ყველაფერს უარყოფს. ის ამბობს: **„სისულელეა! თქვენ იძლევით სულელურ შეკითხვებს, თქვენ განემორთე ცოცხალს, მეკითხებით და საკუთარ თავს აშორებთ ცოცხალს“**.

როგორ შეიძლება იესოსათვის შეკითხვების მიცემა? შეიძლება მისი ყურება, დალევა, ჭამა; შეიძლება, დაუშვათ, რომ მან შემოაღწიოს შუაგულში, თქვენი არსების იღუმალ არსში. შეიძ-

ლება შეერწყათ მას, ან დართოთ ნება ის შეგერწყათ თქვენ. თქვენ კი შეკითხვებს აძლევთ და ეკითხებით წინასწარმეტყველთა შესახებ. იესოსაგან გჭირდებათ იმის დადასტურება, რომ გითხრათ: „დიახ, ისინი ჩემზე ლაპარაკობენ“.

არ შეგიძლიათ უშუალოდ იესოს დანახვა? ცნობა გჭირდებათ? თუ იესო ის არ არის, რას მოგცემთ ცნობა? იესომაც რომ დაგიდასტუროთ, თქვენ კვლავ მისცემთ სულელურ შეკითხვებს. სადღაც, სულის სიღრმეში, არსებობს ეჭვი, რომელიც შეკითხვად აღმოცენდება. მონაფე, რომელიც ეკითხება, უნდა უყურებდეს იესოს, რათა ხედავდეს, როგორ პასუხობს.

თუ იესო ამბობს, რომ იგი ის არის, ვისზეც წინასწარმეტყველნი ქადაგებდნენ, მაშინ გახსენდებათ, რომ იგივე წინასწარმეტყველნი ამბობდნენ, რომ ის, ვინც არის ჭეშმარიტი, არ განაცხადებს ამას, ის არ იტყვის: „ეს მე ვარ“ და იესო იტყვის: „ა-რა, მე არა ვარ ის პიროვნება“, მაშინ განშორდებით მას და გაიფიქრებთ: „ის თვითონ ამბობს, რომ მე ის არა ვარ“.

დააკვირდით ტვინის ოინს, რომლის დახმარებითაც გსურთ სინათლისაგან გაქცევა. ადამიანები კითხულობენ: „ჭეშმარიტებას ნაზიარები ხართ?“ თუ პასუხობთ: „დიახ“, ისინი ამბობენ: „უპანიშადებში ნათქვამია, რომ, თუ ვინმე ამბობს „მე გასხივოსნებული ვარ“, ის არ არის გასხივოსნებული. თუ პასუხობთ „ა-რა“, მათთვის ყველაფერი წესრიგშია და ჩქარობენ წასვლას, რათა მოძებნონ გასხივოსნებული ადამიანი.

გონება იმას ცდილობს, როგორმე გადაიხაროს, შეკითხვაც კი სულელურია. აი, რატომ არ პასუხობს იესო ამ შეკითხვას. იგი კიდევ რაღაცას ამბობს ძალიან მოხერხებულად. მონაფეები კი კიდევ რაღაცას ეკითხებიან. ის არ პასუხობს პირდაპირ, რადგან

თუ პირდაპირ გიპასუხებთ, მაშინ, რაც არ უნდა თქვას, დატოვებთ მას. თქვენ მზად ხართ, ნებისმიერ მომენტში მიატოვოთ იგი.

გასაკვირია, თუ ჯერ კიდევ არ მიგიტოვებიათ. შესაძლოა, ეს მისი გაურკვეველი პასუხების გამოა, იმის გამო, რომ არც „ჰოს“ ამბობს და არც „არას“; შესაძლოა, იმის გამო, რომ თქვენ არ გესმით მისი ნათქვამი და ვერ გადაგიწყვეტიათ, რა ჰქნათ.

იესო ეუბნება მოწაფეებს: თქვენ განაგდეთ თქვენგან ცოცხალი, მე აქა ვარ, თქვენ კი ლაპარაკობთ წინასწარმეტყველებაზე, გარდაცვალებაზე. თქვენ განაგდეთ ცოცხალი, რომელიც თქვენს წინაშეა და ლაპარაკობთ წინასწარმეტყველთა შესახებ.

ეს ხდება გამუდმებით. როცა მე ვამბობ რამეს, თქვენ ინდუისტები ხართ და თუ ეს თქვენს „გიტაში“ წერია, თქვენ თავს მიქნევთ: „დიახ, სწორიაო“. თქვენ მე კი არ მიქნევთ თავს, თავს უქნევთ თქვენს ინდუიზმსა და „გიტას“, თუ „გიტას“ საწინააღმდეგო რამეს ვიტყვი, თქვენ იტყვით: „ის ალბათ არასწორია, „გიტაში“ სხვანაირად სწერიაო“.

თქვენ თუ მიყურებთ ცოცხალს და „გიტას“ საწინააღმდეგო რამეს ვამბობ, „გიტა“ ცდება და არა მე. თუ მეც იმას ვამბობ, რასაც „გიტა“, ეს უკანასკნელი მართალია, რადგან მე ვამბობ ამას. მაგრამ საქმე ამაში არაა. თუ იუდეველებს ვეუბნები რამეს, მათი იუდეური გონება შფოთვას იწყებს. ისინი მწერდნენ 30-გვერდიან წერილებს იმის შესახებ, რომ ეს ასე არ არის.

იუდეველებს არ გესმით, თუკი რამეს ვამბობ თქვენი იუდეური გონების საწინააღმდეგოს, დაუყოვნებლივ უარმყოფთ მე და არა თქვენს იუდეურ გონებას. თუ რამეს შესაფერისს ვამბობ, მაშინ მღებულობთ, მაგრამ ეს არ არის აღიარება.

თქვენ, უბრალოდ, თავს იტყუებთ. თუ ვადასტურებ თქვენი გონების დასკვნებს, მაღიარებთ. თქვენი გონება ცენტრში რჩება.

აი, რას ამბობს იესო: თქვენ უარყავით ცოცხალი, შემომხედეთ, მე აქა ვარ! ხე ამოვიდა, თქვენ კი ღამეზე ლაპარაკობთ. თქვენ ამბობთ: „მალე გათენდება. ამოვა მზე და სიბნელე გაქრება“. თქვენ განაგრძობთ ლაპარაკს, თქვენ ლაპარაკობთ ჩემს შესახებ, მე კი აქა ვარ, მაგრამ თქვენ ვერ მხედავთ!

ძალიან ძნელია ფხიზლად ყოფნა! როცა ინდუსები, იუდეველები და ქრისტიანები ბრაზდებიან, გახსოვდეთ, რომ ეს თქვენ არა ხართ, ეს პირობითობებია. ჩამოიტოვეთ პირობითობები უკან.

შეხედეთ, როგორ ჰგვანან ერთმანეთს მონაფეები და მტრები. ისინი ძალიან არ განსხვავდებიან, ძირითადი განსხვავება არ არსებობს. იუდეველები ეუბნებიან იესოს: „შენ ის არა ხარ, ვისაც მუდამ გვპირდებოდნენ. ოცდაოთხმა წინასწარმეტყველმა აღგვიწერა ნიშნები, რომლითაც შეგვიძლია განვსაზღვროთ. შენ არა ხარ ის, ჩვენ მიცვალებულთაგან მოცემული გვაქვს კრიტერიუმები, რომლითაც შეგვიძლია ვიმსჯელოთ ცოცხალის შესახებ“. ისინი ეუბნებოდნენ: „არა გვჯერა შენი. დაგვიმტკიცე, გააცოცხლე მიცვალებული, აღადგინე იგი მკვდრეთით!“ – ჯვარცმულ იესოს საკუთარი თავის შველაც არ შეეძლო. სხვებს როგორ აღადგენდა მკვდრეთით? „ჯვარცმისას დადასტურდა, რომ იესო არ იყო ის, ვისაც გვპირდებოდნენ“, – თავს იმშვიდებდნენ იუდეველები.

რას აკეთებენ მონაფეები? მათ სჯერათ, რომ იესო ავადმყოფებს კურნავდა, რომ ის მკვდრეთით აღადგენდა მიცვალებულ-

ლებს; მათ სჯერათ, რომ ის არ მომკვდარა ჯვარზე. ის სიკვდილიდან სამი დღის მერე ნახეს ზოგიერთებმა.

მაგრამ ერთიცა და მეორეც დამოკიდებულები არიან გარდაცვლილებზე. კრიტერიუმებს მკვდრები ადგენენ, თითქოს იესოც უნდა გაჰყოლოდა ოცდაოთხ მკვდარ წინასწარმეტყველს და არ უნდა ემოქმედა სპონტანურად. თუ იტყვიან, რომ მას არასოდეს მოუხდენია სასწაულები, იუდეველები ბედნიერები იქნებიან. ისინი იტყვიან: „დიახ, ეს ის არის, რასაც ჩვენ ვამბობდით“, ხოლო ქრისტიანები უბედურები იქნებიან, ვინაიდან იესო თუ არ ახდენდა სასწაულებს, ის აღარ იქნება ქრისტი.

ნუთუ ქრისტი არ არის საკმარისი? ისეთი, როგორც არის, ნუთუ არაა სინათლე? არ არის ქეშმარიტება? ისეთმა, როგორცაა, არ მოიტანა უხილავი სილამაზე ამქვეყნად? არა, თქვენ გაქვთ კრიტერიუმები და იესო მათ უნდა შეესიტყვებოდეს. თუ ასეა, მაშინ ყველაფერი რიგზეა. თუ ეს ასე არ არის, მაშინ იესო არ არის ის ადამიანი. ეს ყველაფერი ერთი და იგივეა. ერთნიც და მეორენიც, მტრებიც და მოწაფეებიც მკვდრებთან ცხოვრობენ. უშუალოდ არც ერთი მათგანი არ უყურებს მოვლენას, რომელიც არის იესო.

იესომ უთხრა მოწაფეებს: **„...თქვენ გვერდით გასწიეთ ცოცხალი, რომელიც თქვენს წინაშეა და ლაპარაკობს მკვდარზე...“**

იესომ თქვა: **„ამქვეყნად მე მოვიტანე ცეცხლი...“** რატომ ამბობს ის ამას? ძველი წინასწარმეტყველები ამბობდნენ, რომ მას უნდა მოეტანა მშვიდობა, სამარადისო მშვიდობა.

ის ამბობს: არა! **„ამქვეყნად მე მოვიტანე ცეცხლი და ხედავთ, ვიცავ ქვეყანას, სანამ ცეცხლი არ აგიზგიზდება...“**

ის ამბობს სანინაალმდეგოს, რათა ნახოს, როგორ რეაგირებენ მონაფეები, რას იტყვიან ისინი სინამდვილეში. ის არ ენინაალმდეგება წინასწარმეტყველთა ნათქვამს, რადგან მშვიდობა მხოლოდ ცეცხლის შემდეგ შეიძლება მოვიდეს.

როცა კაცობრიობა ცეცხლს გაივლის, როდესაც ძველი დაინვება და მოკვდება, მხოლოდ მაშინ შეიძლება აღმოცენდეს ახალი. ახალი ჩნდება ძველის სიკვდილის შემდეგ. ძველმა უნდა შეწყვიტოს არსებობა, რათა ახალმა იარსებოს. მკვდარი უნდა გაქრეს, რათა გაჩნდეს ცოცხალი. იესო არ ენინაალმდეგება წინასწარმეტყველებს, რადგან ისინი მართლა მის შესახებ ლაპარაკობდნენ, ის ენინაალმდეგება მონაფეებს.

ბევრს უნდა მიეტოვებინა იესო მაშინ, ვინაიდან ძველები ამბობდნენ, რომ ის მოიტანდა მშვიდობას, იესო კი ამბობს, რომ ცეცხლი მოიტანა. ე. ი. ის სწორედ რომ იმის სანინაალმდეგოა. „ჩვენ ისედაც ცეცხლში ვართ, რაღა საჭიროა კვლავ ცეცხლი? ჩვენ უკვე ვინვით, ქვეყანა უკვე ცეცხლშია, ცეცხლსა და უბედურებაში, გასაჭირსა და ტანჯვაში. რაღა საჭიროა ცეცხლი? ჩვენ მშვიდობა გვჭირდება“.

გახსოვდეთ – მშვიდობა არაა თქვენთვის. საქმე ეხება არა მშვიდობას, არამედ თქვენ. თქვენ ყველაფერი შეგანუხებთ. ასეთები, როგორიც ახლა ხართ, თქვენი საკუთარი თავის გარშემო წარმოშობთ ტანჯვას. ტანჯვა არ არის შემთხვევითობა, რომელიც შეგემთხვევათ, ეს არის ზრდა. როგორც ხეს გამოსდის ფოთლები, ასევე მოდის თქვენთან მღელვარება. ის თქვენი ნაწილია.

შეგიძლიათ ჩამოიცილოთ ფოთლები, მაგრამ ეს ვერ გიშველით, ერთი ფოთლის ადგილზე ოთხი ახალი ფოთოლი ამოვა.

მღელვარება უფრო იმატებს, ვიდრე მთლიანად არ დაინკვებით, ვიდრე არ გაქრებით.

ინდუისტები, კერძოდ პატანჯალი ტრანსფორმაციისათვის ორ სიტყვას იყენებდა. ერთს ეძახდნენ საბიჯ, სამადჰს (ტრანსფორმაცია თესლით), მეორეს კი – ნირბიჯ, სამადჰს (ტრანსფორმაცია უთესლოდ), პირველი არაფერი არ არის, რადგან თესლი რჩება. თქვენს თავში ატარებთ თესლს, ხე ჯერ არ გაზრდილა, მაგრამ ის აღმოცენდება, რადგან არსებობს თესლი. შეგიძლიათ მთლიანად დათრგუნოთ საკუთარი თავი. მაშინ ხე გაქრება და თქვენ თესლად იქცევით.

თესლი ხეა ჩანასახში. თუ კარგ პირობებს შეუქმნით გაღვივებისთვის, მისგან ხე აღმოცენდება. თესლში მოთავსებულია ხის დეტალური ნახაზი, როგორია ფოთლები, ყვავილები და ა.შ. თუ შესძლებთ თესლის გაშიფვრას, ხის რაობასაც იწინასწარმეტყველებთ. მთავარი ის კი არ არის, ვინ ხართ, არამედ ის, თუ როგორი სახის მარცვალს ატარებთ თქვენში. ვინც არ უნდა იყოთ, ეს არის, უბრალოდ, თესლის აღმოცენება. შეგიძლიათ გამუდმებით სჭრიდეთ ტოტებს, მაგრამ ეს იქნება მხოლოდ მოდიფიკაცია. შეგიძლიათ გაილამაზოთ თავი, მაგრამ ამით ვერ შეიცვლებით. შეგიძლიათ თქვენს ჯოჯოხეთში დადგათ დეკორაციები, მაგრამ ამ გზით მას სამოთხედ ვერ გადააქცევთ.

პატანჯალი სხვა გამოთქმასაც იყენებს: „აირბიჯ, სამადჰი“. იგი ამბობს, რომ ვიდრე არ მიიღწევა „უთესლო“ სამადჰი, ანუ ვიდრე თესლი მთლიანად არ დაინკვება ისე, რომ ყველა უბედურება, ტანჯვა და შფოთვა გაქრეს, რომ მთლიანად ნახაზი წაიშალოს, არაფერი არ მიიღწევა. აი, რა აქვს მხედველობაში იესოს. ის ამბობს, რომ ამქვეყნად ცეცხლი მოიტანა, რათა დაგწვათ. ის

იმისთვის კი არ არის აქ, რომ დაგიცვათ, რომ დაგამშვიდოთ. იგი იმიტომ არის აქ, რომ დაგანგრიოთ, რადგან თქვენი თესლი ცუდია. თესლი როცა გაქრება, მაშინ თქვენც დაცარიელდებით, მხოლოდ მაშინ არის შესაძლებელი, ღვთაებრივი თესლი თქვენს საშოში მოხვდეს. მაშინ მოვა ახალი ყვავილობა.”

„...მე ამქვეყნად მოვიტანე ცეცხლი და ხედავთ, – ვიცავ ქვეყანას, სანამ ცეცხლი არ აგიზგიზდება...”

ეს კი დაპირებაა! ის ამბობს: **„მე, დავიცავ მსოფლიოს. დავრჩები აქ, ვიდრე ცეცხლშია იგი და ვიდრე ცეცხლი ბოლომდე არ აგიზგიზდება.”** როცა ადამიანი ქრისტე ან ბუდა გახდება, ის აღარასოდეს გაქრება. მხოლოდ თქვენ გაქრებით, რადგან თქვენ სინამდვილეში არა ხართ, მოდიხართ და მიდიხართ, როგორც ფორმა. თქვენ ზღვის ტალღას ჰგავხართ. თქვენში არ არის სუბსტანცია, თქვენ არ ხართ კრისტალიზირებული. მოდიხართ და მიდიხართ, როგორც სიზმარი. ყოველ ღამე მოდიხართ და ყოველ დღით ქრებით.

მილიონჯერ მოსულხართ და მილიონჯერ გამქრალხართ. მაგრამ როცა ქრისტე მოდის... რას ნიშნავს ქრისტე? ქრისტე ის არის, ვინც სუბსტანციონალურს მიაღწია, ვინც აღარ წარმოადგენს ფორმას, ვინც უფორმოა და აღარ გაქრება, ვინც იყო ტალღა და ოკეანედ იქცა.

ბუდა და ქრისტე ყოფიერებაში რჩებიან. აი, რას ნიშნავს **„მე ვრჩები, მე ვიცავ ქვეყნიერებას, ვიდრე ცეცხლი არ აგიზგიზდება, მე ვიქნები აქ!”** მაგრამ თქვენ მას ვერ დაინახავთ. როცა იესო ხორცმესხმული იყო, მაშინ ვერ დაინახეთ და ახლა უსხეულოს შენიშნავთ? ყურადღება მიაქციეთ ერთ უცნაურ მოვლენას – ბევრი ქრისტიანი მას თვალდახუჭული ხედავს, როდესაც ლო-

ცულობს, უახლოესმა მოწაფეებმაც კი ვერ შესძლეს დაენახათ იგი, როცა აქ იყო. რა მოხდა?

ეს ქრისტეები, რომლებიც ლოცვის დროს გეხმარებათ, თქვენი ჰალუცინაციები, პროექციები და წარმოდგენები. თქვენ გონებაში ქმნით ქრისტეს სახეს. აი, რატომ ხედავენ ქრისტეს ქრისტიანები, იუდეველები კი ვერ ხედავენ. ინდუისტებისთვის ამის წარმოდგენაც კი არ შეიძლება. ეს უკანასკნელნი კრიშნას ხედავენ და წარმოსახვის საკუთარი ობიექტი აქვთ, ჯაინი ვერასოდეს დაინახავს კრიშნას, რადგან მის წარმოდგენაში მხოლოდ მაჰავირი არსებობს. რა ხდება? თქვენი გონება ქმნის წარმოდგენებს და ეს ავტოჰიპნოზია.

თავს ბედნიერად გრძნობთ, მაგრამ ეს ბედნიერება კარგი სიზმრის ტოლფასია, ეს მხოლოდ ოცნებაა და მეტი არაფერი.

რატომ დაკარგეს ქრისტე? როცა ის აქ არის, თვითონ ამბობს: **„თქვენ არ უყურებთ ცოცხალს“**, მერე კი, როცა აქ აღარაა, მილიონობით ადამიანი ხუჭავს თვალს და მისი წარმოდგენით ტკბება. ამას ის აკეთებს, ვინც ჯვარს აცვა იესო, როცა ის ხორცშესხმული იყო. იგივე პიროვნებები ფიქრობენ მასზე და წარმოსახვაში ქმნიან მის სახეს, რაც არ არის ცეცხლი. ეს მხარდაჭერაა და თქვენ გიცავთ, ჩემთან მოდის ხალხი და მეუბნება, რომ ქრისტე იხილეს. თანაც, ისე მიყურებენ, თითქოს მეც უნდა დავადასტურო მათი ნათქვამი. თუ ასე გავაკეთებ, ისინი ბედნიერები წავლენ ჩემგან. ისინი პატარა ბავშვებს ჰგვანან, სათამაშოებით რომ ერთობიან. თუ ვპასუხობ, რომ ეს სისულელეა და მხოლოდ მათი წარმოსახვის ნაყოფი, თავს უბედურად გრძნობენ და აღარასოდეს მაკითხავენ. რატომ უნდა მიხვიდეთ კაცთან, თქვენს მშვენიერ ოცნებებს რომ გაგიფანტავთ?

ვიდრე ცოცხალია ქრისტე, თქვენ მას ჰკარგავთ. როგორ შეხვდებით მას, უსხეულოს? ახლა ქრისტიანები განიხილავენ იესოს ისე, როგორც მისი მოწაფეები ლაპარაკობდნენ 24 წინასწარმეტყველის შესახებ იესოს თანდასწრებით, ახლა ის აღარ არის თქვენთან, თქვენ ლაპარაკობთ წარსულზე და ცოცხალს ჰკარგავთ.

ერთხელ ქრისტიანი ძენის ოსტატთან მივიდა. მან ბიბლია მიიტანა და უთხრა: „მსურს ქრისტეს რამდენიმე შეგონება წაგიკითხო“. არადა, ძენის ბერი თვითონ იყო გასხივოსნებული. მას გაეცინა და დათანხმდა.

ქრისტიანმა წაუკითხა მას რამდენიმე შეგონება მთაზე ქადაგებიდან. ოსტატმა ორი თუ სამი შეგონების მოსმენისთანავე თქვა: „ადამიანი, რომელმაც ეს სიტყვები წარმოსთქვა, მართლაც გასხივოსნებული იყო“.

ქრისტიანს ძალიან გაუხარდა, რადგან ქრისტე აღიარეს და სურდა, კითხვა გაეგრძელებინა. განაგრძო კიდევ. ოსტატმა უთხრა: „ჰო, ძალიან კარგია. ის, ვინც ეს სიტყვები თქვა, გასხივოსნებული იყო“. ქრისტიანმა მაღლობა გადაუხადა ოსტატს და წავიდა ბედნიერებით აღსავსე იმის გამო, რომ იესო ბუდისტმა აღიარა, მაგრამ მან დაკარგა ყველაზე მთავარი. ოსტატი ხომ თვითონ იყო ქრისტე და ცდილობდა ეს მისთვის ეგრძნობინებინა.

მან ორჯერ თქვა: „ძალიან კარგი!“ ის ეუბნებოდა: დახურე შენი წიგნი, საკმარისია. მე შევეცადე, მეთქვა, რომ იესო გასხივოსნებული იყო.

ის ქრისტიანი სინამდვილეში რომ ყოფილიყო დაინტერესებული ჭეშმარიტებით, უნდა შეეხედა ოსტატისათვის და გაეგო –

ვინ იყო თვითონ ეს ბერი, რომელიც ამბობდა, რომ ამ სიტყვების წარმომთქმელი გასხვიოსნებულია. მას უნდა გადაეგდო წიგნი, უნდა ეფიქრა, რომ არ არის საჭირო მიცვალებულზე ზრუნვა. შეეხედა ამ ადამიანისთვის, მაგრამ ის წავიდა წიგნით ხელში თავის მეგობრებთან, რათა მათთვის ეუწყებინა, რომ იესო მართლა გასხვიოსნებული იყო. რომ ეთქვა: „მე ვიყავი ბუდისტთან, მისთვის ძნელია ქრისტეს აღიარება, მაგრამ იგი დიდებული ადამიანია, იესო რომ სცნო“.

თქვენ ეძიებთ მკვდრის აღიარებას ცოცხლისთვის. კარგად გახსოვდეთ ეს, რადგან შესაძლებელია იგივე გაიმეოროთ.

*1974 წლის 9 სექტემბერი
კუნა, ინდოეთი*

საუბარი ოცდამეერთე

ოცდამეერთე შეგონება

იესომ უთხრა მონაფეებს:

– „თუ სააშკარაოზე გამოგაქვთ, რაც თქვენშია, ის, რაც გაგაჩნიათ, გადაგარჩენთ. თუ ის არ არის თქვენში, ის, რაც არ არის თქვენში, მოგაკვდინებთ.“

(თომა, 74)

იესომ უთხრა მონაფეებს:

– „მიეცით მას, ვინც ეძიებს, იგი ნუ შეწყვეტს ძიებას, ვიდრე არ ჰპოვებს და როცა ჰპოვებს, ის აღელდება, გაკვირდება და გამეფდება ყოველივეზე.“

(თომა, 1)

და უთხრა იესომ მონაფეებს:

– „ის, ვინც იპოვის ამ სიტყვების ახსნას, არ იგემებს სიკვდილს.“

(თომა, შესავალი)

მაძიებელი ეძიებს. რასაც არ უნდა ეძიებდეთ, თუ ჩაულრმავდებით, ნახავთ, რომ საკუთარ თავს ეძებთ. აი, რატომაა გარეგანი ძიება ყოველთვის ამაო რომ აღმოჩნდება ხოლმე. გგონიათ, ეძებთ კეთილდღეობას, მაგრამ სინამდვილეში საკუთარ თავს ეძებთ. როდესაც შეძლებული შეიქმნებით, მიხვდებით მის ამაოებას – კეთილდღეობა მიღწეულია, თქვენ კი ვერ დაკმაყოფი-

ფილდით. ის, რასაც ეძიებდით, არ იყო კეთილდღეობა. უბრალოდ, მიმართულება იყო არასწორი: თქვენ მოძრაობდით არა თქვენსკენ, არამედ თქვენგან, არადა, საკუთარი თავის პოვნა გასურდათ.

სინამდვილეში რას ეძებს ადამიანი კეთილდღეობის საშუალებით? ამით მას უფრო დიდი, უფრო უხილავი ცხოვრების მოპოვება სურს. კეთილდღეობა სიკვდილისგან თავდაცვა და სიცოცხლის ძიებაა. მაგრამ, როდესაც კეთილდღეობას აღწევთ, აშკარა ხდება, რომ იგი ვერ დაგიცავთ და უკეთეს ცხოვრებას ვერ მოგცემთ. თქვენ არასწორი მიმართულებით ეძებთ.

სხვები ეძებენ ძალაუფლებას, პრესტიჟს და რა სურთ? ადამიანი ყოვლისშემძლეობას ესწრაფვის, სურს, გახდეს ყველაზე ძლიერი, რათა სიკვდილმა ვერ შესძლოს მისი გაცამტვერება, მაგრამ ეს სურვილი ძალიან ღრმად არის დაფარული, რასაც კაცი ვერც კი გრძნობს. როცა ძალაუფლებას მიაღწევს, მაშინ აშკარა ხდება მისი ამაოება.

აქედან შემდეგი პარადოქსი გამომდინარეობს: როცა ამქვეყნად წარმატებას აღწევთ, უკიდურესი წარუმატებლობის გრძნობა გეუფლებათ. კვლავაც გიმეორებთ – არაფერია ისეთი წარუმატებლობა, როგორც ამ ცხოვრებაში მოპოვებული წარმატება. თუ არ მიგიღწევიათ წარმატებისთვის, ილუზია შეიძლება გაგრძელდეს და იფიქრებთ, რომ ოდესმე მიაღწევთ წარმატებას. მაგრამ, თუ წარმატებას მიაღწევთ, როგორღა შეინარჩუნებთ ილუზიას? წარმატებას მიაღწიეთ, შინაგანი სიცარიელე კი იგივე დარჩა. ახლა კონტრასტით უფრო მეტად შეიგრძნობთ – გარშემო კეთილდღეობა გაქვთ, შიგნით – სილატაკე, გარშემო სინათლეა, შიგნით – სიბნელე, გარშემო სიცოცხლეა, შიგნით კი

– სიკვდილი. აი, რატომაა, როცა საზოგადოება ბარაქიანი და მდიდარი ხდება, უეცრად რელიგია წამოიწვეს ხოლმე წინ.

ღარიბ საზოგადოებაში რელიგიას ვერ ექნება მნიშვნელობა, რადგან ადამიანებს არ განუცდიათ წარმატება. ჯერ კიდევ გრძელდება ძიება გარეთ, რასაც დიდ მნიშვნელობას ანიჭებენ. ადამიანები ფიქრობენ, რომ, როცა კარგი სახლი ექნებათ, ყველაფერი რიგზე იქნება; თუ ბევრი ფული ექნებათ, ყველაფერი მოგვარდება. ღარიბს, მდიდრისგან განსხვავებით, შეუძლია ილუზიებით ცხოვრება. თუ მდიდარს შეხვდით, ვინც ისევ ილუზიებში ცხოვრობს, გახსოვდეთ, რომ იგი ღარიბად დარჩა და ჯერ წარმატებისთვის არ მიუღწევია.

ბუდამ დატოვა სასახლე, მაჰავირამ – სამეფო. წარმატებამ მათ იმედი გაუცრუა. ისინი მიხვდნენ, რომ არასწორად მოძრაობდნენ, ამიტომაც საპირისპიროდ დაიძრნენ. მეფეები იყვნენ და მდაბიოებად იქცნენ, უძვირფასესი სამოსი განიძარცვეს და შიშვლები დარჩნენ. მოხდა შემობრუნება. წარმატება წარუმატებელია. რატომ? იმიტომ, რომ სინამდვილეში თქვენ ეძებდით არა კეთილდღეობას, არა ძალაუფლებას, უსაფრთხოებას ან სახლს, არამედ რაღაც სხვას.

თქვენ ეძებდით მარადიულ სახლს, საიდანაც აღარსად მიდიან; ეძებდით მარადიულ სიმშვიდეს, რომელიც სამუდამოდ, დაუსრულებლად გრძელდება. აი, რას წარმოადგენს ძიება. ეს არის სახლის ძებნა, ყოფიერების იმ მდგომარეობის ძიება, რომლის დროსაც თქვენ შინ გრძნობთ თავს. თქვენ ეძებთ არა კეთილდღეობას, არამედ სიკვდილისგან თავდაცვას. ეძებთ სიცოცხლის ფორმას, რომელსაც სიკვდილი ვერ გაანადგურებს.

ცხოვრება კი ინგრევა, შიში ყოველ წამს თან გახლავთ, როგორ იცხოვრებთ ამ ცხოვრებით, რომელიც ვულკანზე ყოფნას წააგავს? მან შეიძლება ყოველ წუთს დაიგუგუნოს და შეიძლება, ნებისმიერ მომენტში დაგჯაბნოთ სიკვდილმა. ასეი წელი რომ იცოცხლოთ, ასევე წელს კანკალში გაატარებთ.

მეცნიერებმა ახლახანს დაიწყეს ამ პრობლემაზე ფიქრი. ადამიანის სიცოცხლე შეიძლება იმ დრომდე გაახანგრძლივოთ, როდემდეც გსურთ. ამ საუკუნეში შესაძლებელი გახდება ქრომოსომის უჯრედის ნახაზის შეცვლა. შესაძლებელი გახდება უჯრედი შეცვალოთ ისე, რომ სხეულმა სამას წელიწადს იცოცხლოს. ახლა ის საშუალოდ 70 წელიწადს ცოცხლობს, რადგან მამათქვენი და დედათქვენი ამდენ ხანს ცოცხლობდნენ და მათ ეს გაუცნობიერებლად შეიყვანეს უჯრედში. უჯრედში არის ნახაზი, რომლის მიხედვითაც თქვენ დაახლოებით 70 წელიწადში უნდა მოკვდეთ. თუ შევძლებთ უჯრედში ნახაზის შეცვლას, მაშინ ადამიანი იცოცხლებს იმდენ ხანს, რამდენიც სურს.

კაცობრიობის ერთ-ერთი უდიდესი იმედთაგანი იყო ზუსტად სიკვდილის დაძლევა და სიცოცხლის გაახანგრძლივება სასურველ დონემდე. მეცნიერები ცოტა ხნის წინ დადგნენ ამ ფაქტის წინაშე. ჩვენს საუკუნეში ამის განხორციელება შესაძლებელი გახდება. მაგრამ გაჩნდა ახალი პრობლემა. ადრე ფიქრობდნენ, რომ თუ ეს მოხდა, ყველა ბედნიერი იქნება და გაქრება სიკვდილის შიში, მაგრამ როცა დაფიქრდნენ ამ პრობლემის შესახებ, შეიგნეს, რომ ადამიანი სამოცდაათ წელიწადს თუ ცოცხლობს, სამოცდაათი წელი ეშინია სიკვდილის, ხოლო თუ სამას წელს იცოცხლებს, სამასი წელი ექნება ეს შიში. შიში გაიზრდება, კი არ შემცირდება.

ძიება ხდება უკვდავების მოსაპოვებლად და ასეთი მარადიული არსებობა არის თქვენში. თქვენ არსებობთ თქვენშივე. აი, რატომ არ შეგიძლიათ შეეხოთ საკუთარ არსს. ხელი გარეთ მოძრაობს და გარე სამყაროს არის შეგუებული. ფეხით შიგნით ვერ შეაღწევთ, თვითონ ფეხებსაც არ სჭირდებათ ეს. შინაგან არსში არ არის სივრცე ფეხით მოგზაურობისათვის. თვალი ვერ ჩასწვდება სულის სიღრმეს. თქვენ მთლიანად შეეგუეთ გარეგანს.

შინაგანისათვის საჭირო არაფერია. შიგნით სრულყოფილი ხართ. იქ ყოველივე ისეთია, როგორიც უნდა იყოს. ძიება – ეს არის შინაგანი არსის ძიება და ეს შინაგანი ყოვლისშემძლეა. არანაირი ძალა არ არის ამ ყოვლისშემძლეობის სანაცვლო.

შეგიძლიათ იქცეთ ნაპოლეონად, ჰიტლერად ან ვინმე სხვად. რადაც არ უნდა წარმოიდგინოთ თავი, უძლური დარჩებით, ვიდრე ბუდა ან ქრისტე არ გახდებით. შეიძლება გახდეთ აინშტაინი და ბერტრან რასელი, მაგრამ ვერ იქნებით ყოვლისმცოდნე. შესაძლოა, განუსაზღვრელი რაოდენობის ინფორმაცია მიიღოთ, მაგრამ ისეთივე უმეცარნი დარჩებით, ვიდრე არ იქცევით ქრისტედ ან ზარატუსტრად. მხოლოდ მაშინ გახდებით ყოვლისმცოდნე, როცა ამას მიაღწევთ.

ძიება ხდება ყოვლისშემძლეობის, ყოვლისმცოდნეობისა და მარადიული არსებობის მისაღწევად. გახსოვდეთ ეს სამი სიტყვა. ისინი სანსკრიტული სიტყვა „აუმ“-დან არის ნაწარმოები. სანსკრიტში „აუმ“ მთელი სამყაროს სიმბოლოა. მასში სამი ბგერაა. ა-უ-მ. ამ ძირითადი ბგერების დახმარებით მიიღება ყველა სხვა ბგერა, ასე რომ, „აუმ“ სხვა დანარჩენი სიტყვების ძირითადი სინთეზია. აი, რატომ ამბობდნენ ინდუისტები, რომ „აუმ“

საიდუმლო მანტრას და თავის თავში მთელ ყოფიერებას შეიცავსო. სამი ინგლისური სიტყვა – ყველგან არსებული, ყოვლისშემძლე და ყოვლისმცოდნე – აუმ-ისგან არის ნაწარმოები. ისინი აღნიშნავენ იმას, ვინც ძლიერი და ყოვლისმცოდნე გახდა და ყველგან არსებობს, როგორც „აუმ“ – იმას, ვინც უნივერსალური გახდა, ვინც ყოველივედ გადაიქცა. ვიდრე არ არის ყოველივე მიღწეული, არ მოხდება სიღრმისეული სრული დაკმაყოფილება.

დარჩებით ღატაკნი და ერთი ცხოვრებიდან მეორეში ასეთი ღატაკნი გადახვალთ. იცხოვრებთ, როგორც მათხოვარნი და ვერ შესძლებთ იმპერატორობას.

იესომ უთხრა მოწაფეებს: **„თუ სააშკარაოზე გამოგაქვთ, რაც თქვენშია, ის, რაც გაგაჩნიათ, გადაგარჩენთ. თუ ის არ არის თქვეში, ის, რაც არ არის თქვენში, მოგაკვდინებთ...“**

ძალიან უცნაურია! ის ამბობს: **„თუ სააშკარაოზე გამოგაქვთ, რაც თქვენშია...“** თქვენში უკვე არის მდოგვის მარცვალი, ღვთის სასუფეველის თესლი და თუ მას აღმოცენების საშუალებას მისცემთ, მაშინ ის, რაც თქვენშია, გიხსნით. თქვენ უკვე გაგაჩნიათ ის, რაც გადაგარჩენთ, მაგრამ თუ კარგავთ, მაშინ რაც არ არის თქვენში, მოგაკვდინებთ.

როგორც უკვე მოგახსენეთ, სიტყვა „ცოდვა“ ძველებრაულ ენაზე „მიზნის დაკარგვას“ ნიშნავს. თუ საკუთარ არსს კარგავთ, თქვენ ცოდვილი ხართ. თქვენშია მდოგვის მარცვალი, მაგრამ მას არ ახვედრებთ ნოყიერ ნიადაგში. თქვენ არ იქეცით მებაღედ და გეშინიათ, რომ მარცვალი დაილუპება. თქვენი შიში საფუძვლიანია. მარცვალი უნდა მოკვდეს, რომ ხე აღმოცენდეს. ძველი უნდა მოკვდეს, წარსული უნდა მოკვდეს, ახალი რომ

დაიბადოს. მარცვალის უნდა მოკვდეს, თქვენ კი შიშობთ და იცავთ მას.

ერთ მეფეს სამი ვაჟი ჰყავდა. სიბრძნე და ნიჭი არც ერთს არ აკლდა. მეფეს ვერ გადაეწვიოდა, რომლისთვის ჩაებარებინა სამეფო.

ვაჟებს თანაბრად ჰქონდათ ყოველივე მომადლებული. მეფემ რჩევისთვის ბრძენს მიაკითხა.

ბრძენმა გეგმა შეადგინა და მეფეს უთხრა: „შენ სამოგზაუროდ წადი და შენს ვაჟებს ერთი პატარა დავალება მიეცი“. მართლაც, მეფემ იხმო ვაჟები და თითოეულს ერთნაირი რაოდენობით მისცა მშვენიერი ყვავილის თესლი. თან დაუბარა: „გაუფრთხილდით ამ თესლს. მთელი თქვენი ცხოვრება მასზეა დამოკიდებული. როცა დავბრუნდები მოგზაურობიდან, ანგარშს ჩამაბარებთ, რა მოუვიდა ამ მარცვლებს“.

უფროს ვაჟს ყველაზე მეტი ცხოვრებისეული გამოცდილება ჰქონდა და ყველაზე ყაირათიანი იყო. იფიქრა, სეიფში ჩაკვეტავ თესლს და მამას მერე თავდაპირველი სახითვე ჩავაბარებო... მართლაც, ასე მოიქცა და სეიფის გასაღებს მუდამ თან დაატარებდა.

საშუალო ვაჟმა იფიქრა, მეც უფროს ძმასავით რომ მოვიქცე, იქნებ თესლი დაღებეს სეიფშიო. წავიდა ბაზარში, გაყიდა თესლი და ფული შეინახა, მამა როცა დაბრუნდება, მაშინ ვიყიდი თესლს და უკან დავუბრუნებო.

უმცროსმა ვაჟმა კი გაიფიქრა, მამამ თესლი რომ დაგვიტოვა, ამაში რაღაც აზრია ჩაქსოვილია, იგი ყველაზე გამოუცდელი და უცოდველი იყო. მან დაასკვნა: „თესლი ზრდას გულისხმობს. თვითონ სიტყვა „თესლი“ ზრდას ნიშნავს, ეს არის არა მიზანი,

არამედ ხიდი. თვითონ სიტყვა მოძრაობას აღნიშნავს რაღაცის გავლით. თესლი უსარგებლოა, ვიდრე არ გაიზრდება და მისგან ხე არ აღმოცენდება. თესლი გარდამავალი ფაზაა და არა მიზანი ან საბოლოო მდგომარეობა, ეს უბრალოდ ხიდია, რომელიც უნდა გაიაროთ”. და დათესა თესლი.

ერთი წლის შემდეგ დაბრუნდა მამა. როცა მან სამივე ვაჟს შეახსენა თავისი დანაბარები და მათგან პასუხები მიიღო, უფროსს უთხრა, „შენ ბრიყვი ხარ. ვინ ინახავს თესლს სეიფში? თესლი მხოლოდ იმ შემთხვევაში შეინახება, თუ შესაძლებლობას მისცემ, ნიადაგში დაილუპოს და ხელახლა დაიბადოს”.

მეორე შვილს უთხრა: „შენ უკეთ მოქცეულხარ, ვიდრე შენი უფროსი ძმა. შენ იმას მაინც მიხვდი, რომ თესლი უნდა მოკვდეს. მაგრამ რაოდენობა იგივე დარჩა და არა და, თესლს სწორი მეთოდით თუ ინახავ, იგი მრავლდება. შენ უფროს ძმაზე უკეთ მოიქეცი, მაგრამ შენც დაკარგე”.

უმცროსმა შვილმა მამა ბაღში გაიყვანა და თესლიდან აღმოცენებული ხე აჩვენა.

მამამ უთხრა: „შენ გაიმაჯვე! შენ იქნები ამ ქვეყნის მეფე, რადგან თესლის შენარჩუნების ერთადერთი ხერხი არის ის, რომ მიეცეს მას საშუალება, ისე მოკვდეს, რომ ხელახლა დაიბადოს...”

აი, რატომ ამბობს იესო: „**თუ გამოგაქვთ სააშკარაოზე რაც თქვენშია, ის რაც გაგაჩნიათ, გადაგარჩენთ. თუ ის არ არის თქვენში, ის რაც არ არის თქვენი, მოგაკვდინებო.**”

თქვენ საერთოდ არ იცქირებით საკუთარ არსში. უბრალოდ ნაპერწკალიც კი არ გიგრძენიათ თქვენში. რასაც არ უნდა აკეთებდეთ, დაინგრევით. შეიძლება გქონდეთ კეთილდღეობა, ძა-

ლაუფლება, ბევრ რამეს ფლობდეთ, მაგრამ ვერაფერი ვერ გიმ-
ველით. პირიქით, ამქვეყნიური ტვირთი დაგახრჩობთ, თქვენ
დიდ წონას მიაღწევთ და ეს გძირავთ. თქვენი ნავი სანახევროდ
ჩაძირულია. ვერ სტოვებთ ნავს. რადგან ყოველივე, რასაც მიეჩ-
ვიეთ, აქ არის. მიზნად გაქვთ დასახული, გადაიტანოთ ნავი
მეორე ნაპირზე, მაგრამ ამ ქვეყნიდან ჯერ ვერავინ შესძლო რა-
მე გადაეტანა იმქვეყნად.

სიკვდილის დროს როგორ გადაიტანთ რამეს იქითა ნაპირ-
ზე? ამ მომენტში თქვენი სხეული კვდება და ქრება თვით სა-
შუალებაც ამქვეყნიდან რაიმეს წაღებისა.

აი, რატომ ფიქრობს მეცნიერი ცოდნის შექმნაზე. მე კი გე-
უბნებით, რომ არც ცოდნა გაგყვებათ იმქვეყნად. სხეულთან
ერთად ტვინიც კვდება, რაც ცოდნის აკუმულატორია. თქვენი
ტვინი კომპიუტერია, რომელშიც ცოდნა და ინფორმაცია იყრის
თავს. ესეც გარეგანი ნიშანია, აინშტაინს ტვინს თუ გამოაც-
ლით, ის ჩვეულებრივი იდიოტი იქნება. იესო აგროვებს არა
ცოდნას, არამედ შემეცნებას.

მაშასადამე, არსებობს ადამიანთა სამი ტიპი: პირველი – უფ-
რო მეტად გარეგნულზე ორიენტირებული ადამიანები, რომლე-
ბიც აგროვებენ ნივთებს. მაგრამ ან ნივთების გადატანა მეორე
ნაპირზე შეუძლებელია. მეორე ტიპის ადამიანები არც თუ ისე
დიდ ყურადღებას აქცევენ გარეგანს. მაგრამ ისინიც ზედაპი-
რულნი არიან. აგროვებენ ინფორმაციას, წერილობით თეორი-
ებს, ფილოსოფიას ეცნობიან. ისინი უფრო ჭკვიანები არიან.
მაგრამ მაინც – სულელები: ცოდნა ტვინში გროვდება, ტვინი კი
სხეულის ნაწილია, მართალია, შინაგანი, მაგრამ მაინც სხეულის
ნაწილი. და სხეულთან ერთად ტვინიც მოკვდება.

მესამე ტიპის ადამიანები აგროვებენ შემეცნებას. ისინი შეგნებულნი არიან. ეს შემეცნება წარმოადგენს თქვენს შინაგან „მეს“ და მხოლოდ მისი გადატანა შეგიძლიათ მეორე ნაპირზე.

სხეულში ორი სამყარო არსებობს – მატერიისა და ცნობიერების, რომელთა შორის მჭიდრო კავშირია. ეს კავშირი თქვენი შემეცნებაა. მოიშორეთ ნივთები და განაგდეთ ინფორმაციული ცოდნა, გაზარდეთ შეგნება. გამოფხიზლდით. ასე უფრო მეტს გადაიტანთ ამ სამყაროდან იმ სამყაროში. ამ სამყაროში შესაძლოა ყარიბს ჰგავდეთ, როგორც ბუდა – ბრიკპუს, მაგრამ იმ სამყაროში თქვენ მეფეს დაემსგავსებით, რადგან იქ გადაიყვანთ მხოლოდ საკუთარ თავს.

იმ ღამეს, როცა ამოხეთქილმა ვულკანმა პომპეი გაანადგურა, მთელი ქალაქი ცეცხლში გაეხვია. სახლები ინგრეოდა. ხალხი გარბოდა და ყველა რაღაცას მიათრევდა. ხალხი მთარბენინებდა ძვირფასეულობას. მიჰქონდათ ყველაფერი, რისი გადარჩენაც კი შეეძლოთ. მათ შორის ერთადერთი კაცი იყო, რომელსაც მხოლოდ თავისი კვერთხი მიჰქონდა. ყველა აღელვებული და შეფიქრიანებული იყო. ინგრეოდა მთელი მათი ცხოვრება. მხოლოდ ეს კაცი მისეირნობდა ბრბოში. მას წესად ჰქონდა დილის სამ საათზე სეირნობა და ახლაც ზუსტად ეს დრო იყო.

ვინც კი ხედავდა მას, ყველა ეკითხებოდა: „ნუთუ ვერაფერი გადაარჩინე? ყველაფერი დაკარგე?“

კაცი პასუხობდა: „მე სხვა არაფერი მაქვს გადასარჩენი. რაც გამაჩნია, თანა მაქვს“.

ვიღაცამ ჰკითხა: „რას მოსეირნობ? ვერა ხედავ, რომ ყველაფერი ილუპება?“

კაცმა გაიცინა და მიუგო: „ყოველივე, რაც დააგროვეთ, ამ ქვეყნისაა და სიკვდილი ანადგურებს. ცეცხლი სწავს. მე კი მხოლოდ შეგნება დავაგროვე. ყველაფერი, რაც ხდება, თქვენთვის იქნებ ტრაგედიაა, ჩემთვის კი ახლა დილის გასეირნების დროა“.

ეს კაცი მისტიკოსი და იოგია. სწორედ ასეთ ადამიანის შესახებ ლაპარაკობს იესო: **„თუ სააშკარაოზე გამოგაქვთ, რაც თქვენშია, ის, რაც გაგაჩნიათ, გადაგარჩენთ, თუ ის არ არის თქვენში, ის, რაც არ არის თქვენში, მოგაკვდინებთ...“**

თუ სული ღარიბი გაქვთ, შესაძლოა, გარეგნულად მდიდარიც იყოთ, მაგრამ მაინც გაგრძელდება თქვენი ნგრევა იმის გამო, რომ შეპყრობილნი ბრძანდებით გარეგნული სიმდიდრით, თუ შინაგანად მდიდარნი ხართ, მაშინ ნუ შიშობთ, რადგან, იმისა და მიუხედავად, გაქვთ რამე თუ არა, სიკვდილი ვერ წაგგლეჯთ ვერაფერს. მხოლოდ შემეცნება სჯაბნის სიკვდილს. ეს სინათლის ერთადერთი სხივია ადამიანის ცხოვრებაში, რომელიც სიკვდილს აღემატება, შეგიძლიათ მოკვდეთ სრულიად შეგნებულნი? ეს ერთადერთი მნიშვნელოვანი პუნქტია.

მაგრამ, თუ სრული შეგნებით არ ცხოვრობთ, როგორ მოკვდებით შეგნებულნი? სიცოცხლეშიც კი იმდენად შეუგნებელნი ხართ, როგორ შეგიძლიათ იყოთ შეგნებულნი სიკვდილში?

გახსოვდეთ – როცა ტკივილი ძალიან ძლიერია, სხეულს გააჩნია ავტომატური მექანიზმი, რათა ქვეცნობიერში გადაგართოთ. სხვაგვარად ვერ გასძლებთ. ექიმებმა ანესთეზია დიდი ხნის წინ მოიგონეს, თუმცა ბუნებამ ყოველთვის იცოდა ის. როცა ტკივილი ბოლო წერტილს აღწევს და მოუთმენელი ხდება, კარგავთ გონებას და გული მიგდით, სხეულს შინაგანი რეგუ-

ლიატორი გააჩნია. ავადმყოფმა შეიძლება შესჩვილოს სხვას, რომ გაუსაძლისი ტკივილი ანუხებს, მაგრამ ეს არ არის მართალი. თუ ტკივილი ნამდვილად გაუსაძლისია, გონებას დაკარგავთ.

არ არსებობს ტკივილი, რომელსაც თქვენ ვერ გაუძლებთ. ყველა ტკივილი მოსათმენია და ყველა ტანჯვა – გასაძლისი. აი, რატომ ხართ ფხიზელნი, რატომ არ კარგავს გონებას. სიკვდილი კი ყველაზე მძიმე ქირურგიული ოპერაციაა. მოკვეთილი უნდა იქნეს თქვენი არსი. ის უნდა გამოეყოს სხეულს, რომელთანაც ყველაზე მეტად გაიგივდით. თქვენ და სხეული ერთნი ხართ. ეს არ არის თითის ან ხელის მოკვეთა. ეს არ არის აპენდიქსის ამოჭრა. ეს მთლიანი სხეულის მოკვეთაა, რაც არც ერთ ექიმს არ ძალუძს.

ამ სხეულთან ცხოვრობდით რამდენიმე ათეულ წელს და მთლიანად გაიგივდით კიდეც მასთან. თქვენ ფიქრობთ, რომ ხართ სხეული და ტკივილი ისეთია, რომ გონს კარგავთ.

მთელი თქვენი ცხოვრება სიკვდილისთვის შეგნებული მზადებაა, ამას უნდა აკეთებდეს სანიასინი. ეს არის ის, რასაც მადიებელი უნდა სჩადიოდეს – იგი მზად უნდა იყოს! არ უნდა დაკარგოს არც ერთი წუთი, რადგან ერთხელ დაკარგულს ვერაფრით შეავსებთ და ერთადერთი სიმდიდრე შეგნებაა! აკეთეთ, რაც გინდათ, მაგრამ აკეთეთ ფხიზლად!

თქვენი ცხოვრება შეიძლება განსხვავდებოდეს სხვისი ცხოვრებისგან, მაგრამ შინაგანი ძიება არ შეიძლება იყოს სხვადასხვაგვარი. ის ერთნაირია ყველასთან, შეიძლება იყოს ბიზნესმენი, პროფესორი, ექიმი, ინჟინერი ან მუშა, მაგრამ განსხვავება არ არსებობს. შინაგანი ძიება ყველასთვის ერთნაირია და

შეგნებაში მდგომარეობს. დგება წამი, როდესაც იმდენად შეგნებული ხართ, რომ სიკვდილიც კი ვერ გაგხდით შეუგნებელს. აი, რა აქვს მხედველობაში იესოს – გახსენით ის, რაც თქვენშია. ეს თუ გაქვთ, გადაგარჩენთ, თუ არა გაქვთ, გაქრებით.

მომღევნო შეგონებაში კიდევ უფრო უცნაურ რამეს ამბობს იესო:

„ვისაც აქვს, უფრო მეტი მიეცემა, ხოლო ვისაც არ გააჩნია, ისიც წაერთმევა, რაც გააჩნია...”

ეს აბსურდს ჰგავს. იესო ლაპარაკობს შეგნებაზე. შეგნება იზიდავს შეგნებას და ამით იზრდება. თუ შეგნებული ხდებით, გიჩნდებათ უნარი, უფრო მეტად შეგნებული გახდეთ, ყოველ ნაბიჯს მომღევნო ნაბიჯთან მიჰყავხართ. თუ შეუგნებელი ხართ, ყოველი ნაბიჯი უკან გწევთ.

ერთხელ მოლა ნასრედინმა ღამით უცნობს მიუკაკუნა კარზე. იგი ძალიან მთვრალი იყო. ფანჯარა გაიღო, პატრონმა გადმოიხედა და უთხრა: „ნასრედინ, რამდენჯერ გითხარი, რომ ეს სხვა კარია, არ არის შენი სახლის კარი. წადი და იქ დააკაკუნე. ეს არ არის შენი სახლი!”

ნასრედინმა ასძახა: „დარწმუნებული ხართ? იქნებ შენ არ იხედები შენი სახლის ფანჯრიდან?”

ადამიანი იმდენად მთვრალია, რომ შეუძლებელია იფიქროს: „მე ვარ არასწორი”. თქვენი აზრით, ყოველთვის სხვა სცდება. თუ იტანჯებით ცხოვრებაში, იტანჯებით იმის გამო, რომ სადღაც დაკარგეთ შეგნება. თქვენ ხართ არასწორი, მაგრამ ფიქრობთ, რომ სხვა არ იხედება იმ ფანჯრიდან. ფიქრობთ, რომ ყოველთვის საჭირო კარზე აკაკუნებთ. არა და ყოველთვის სხვის კარზე აკაკუნებდით. ამქვეყნად ყველა კარი სხვაა, ვიდრე

დააკაკუნებთ შინაგან კარზე, რომელიც არ არის ამ სამყაროს ნაწილი.

თქვენ თქვენში ატარებთ რაღაცას, რაც არ ეკუთვნის ამ სამყაროს. ეს არის თქვენი განძი და თქვენი კარი, რომლითაც შეგიძლიათ მიხვიდეთ ღმერთთან. აი, რატომ ამბობს იესო: გაზარდეთ ის, რასაც უკვე ატარებთ. უკვე არის თქვენში ერთი სხივი, მაგრამ არ შეგიცვნიათ, იგი ან მხოლოდ ნაწილობრივ შეიცანით. დაბინდულ შეგნებაში ის ძალიან მკრთალად ანათებს და გიჭირთ მისი დანახვა. სხივი ნამდვილად არის თქვენში. ამის გამო დგახართ ცხოველებზე მაღლა.

შეგნების პირველმა სხივმა შემოაღწია თქვენში, მაგრამ ის სხივი მხოლოდ მდოგვის მარცვალია. მას. ნიადაგი უნდა მისცეთ, რა არის მარცვლისთვის ნიადაგი? ინდუისტებმა ამ ნიადაგს სატსანგი (მიახლოება იმასთან, ვინც თქვენზე მაღლა დგას) უწოდეს. მათი თანდასწრებით ყოფნისას თქვენი შეგნების სხივი სულ უფრო გაიზრდება, რადგან მისთვის აუცილებელია გამონვევა.

გონების საერთო მიდრეკილებაა მუდამ იმისკენ სვლა, ვინც დაბლაა; იმ ადამიანისაკენ, ვინც ნაკლებად ფხიზელია. რატომ? იმიტომ, რომ მაშინ თავს მასზე მაღლა გრძნობთ. გგონიათ, რომ რაღაცას წარმოადგენთ. თითოეული ეძებს თავისზე დაბლა მდგომს. ამ ძიების გამო თვითონაც ეშვება ქვემოთ.

როცა იესოსნაირ პიროვნებას ხვდებით, შეშფოთება გეუფლებათ, რადგან აქ ვეღარ დაიცავთ თქვენს უპირატესობას. თქვენ დაბლა დგახართ. ეს არ არის არასრულყოფილების კომპლექსი. უბრალოდ, იესოზე დაბლა დგახართ. თქვენი შეგნება არარაობაა, ის კი იმდენად ძლიერი სინათლეა, რომ მასთან შე-

დარებით სიბნელე ხდებით. ციმციმიც კი, შეგნების ერთი სხივიც კი არარაობად მოგეჩვენებათ.

ეს ასეც უნდა იყოს. თქვენი ლამპარი დღის სინათლეზე გამოგაქვთ და რას გრძნობთ? ალი მზის სინათლეზე სიბნელედ იქცევა. შეიტანეთ თქვენი ლამპარი ბნელ ოთახში და ის თავად მზედ იქცევა.

ამგვარად, გონება იმათკენ მიემართება, ვინც თქვენზე დაბლაა. ეს წყალს ჰგავს. როგორც წყალი ეძებს ყველაზე დაბალ დონეს, ასევე გონება ეძებს მას, ვინც მასზე დაბლაა. კაცი არ მოისურვებს ისეთ ქალზე დაქორწინებას, რომელიც მასზე ჭკვიანია. ის არ შეირთავს თავისზე უფროს ქალს.

რატომ? ფიზიოლოგიურად უკეთესი იქნებოდა, კაცს ცოლად თავისზე ხუთი წლით უფროსი ქალი მოეყვანა. მაშინ ისინი შესძლებდნენ ერთდროულად სიკვდილს. ქალებს ხომ ასაკის უფრო ხანგრძლივი ლიმიტი აქვთ. მაშინ ქვეყნად გაცილებით ნაკლები ქვრივი იქნებოდა. ეს ძალიან სევდიანი რამ არის.

ბიოლოგიურად სწორი იქნებოდა, ოცი წლის ყმანვილს ცოლად ოცდაოთხი წლის ქალი რომ შეერთო, მაგრამ „ეგო“ ამ დროს შეურაცხყოფილია. არ დაქორწინდებით არც თქვენზე შეგნებულ და არც თქვენზე უფროს ქალზე. ამით „ეგო“ შეურაცხყოფილი დარჩება.

შეხედეთ თქვენს მეგობრებს – რატომ ამოირჩიეთ ისინი? სულის სიღრმეში ამის მიზეზსაც იპოვნით – ისინი თქვენზე დაბლა დგანან. მათ გვერდით თქვენ სინათლედ იქცევით, სხვაგვარად კი ჩვეულებრივი ლამპარი ხართ.

ადამიანები ცხოველების შეყვარებასაც ახერხებენ. ადამიანები, რომელთაც არ შეუძლიათ ადამიანების სიყვარული,

როგორ შესძლებენ ცხოველების სიყვარულს? ძალს სცემთ თუ მოეფერებით, მაინც გამოგედევნებათ კუდის ქიცინით, ყოველთვის გაუხარდება თქვენი დანახვა. ძალზე უკეთეს თანამგზავრს ვერც კი იპოვით.

ასე რატომ მეგობრობენ ადამიანები ძაღლებთან? იმიტომ, რომ, ვინც თქვენზე დაბლაა, გეხმარებათ, თავს მასზე უკეთესად გრძნობთ.

მოლა ნასრედინი კარტს ეთამაშებოდა თავის ძაღლს. ნაცნობმა დაინახა და გაუკვირდა – ძაღლი მართლა თამაშობდა. ნაცნობმა უთხრა ნასრედინს: „საუცხოო და გონიერი ძაღლი გყოლიაო“.

ნასრედინმა უპასუხა: „არაფერიც. ის არც ისეთი ბრძენია, როგორც გგონია. როცა კარგი კარგი მოსდის, ის კუდს აქიცინებს“.

გონება ყოველთვის იმას ეძებს, ვინც მასზე შეუგნებელია. ზოგჯერ ისეც ხდება, რომ ძაღლი თქვენზე განვითარებულია, თანაც ბევრ რამეში. ადამიანი სულ უფრო ქვემოთ ეშვება და მაშინ სიყვარულის ობიექტია ავტომანქანები. მათ, როგორც მოგესურვებათ, ისე მოექცევით, ავტომანქანა კი ვერაფერს გიზამთ. ამას ემატება სახლი, ნივთები, ნივთებთან თავს მაღლა გრძნობთ, თქვენ პიროვნება ხართ.

სატსანგი გულისხმობს თქვენზე უფრო შეგნებული საზოგადოების ამორჩევას, გონება კი გეხმარებათ თქვენზე დაბლა მდგომთა ამორჩევაში.

იფხიზლეთ და მოერიდეთ ამას. დაბლა მდგომებთან თქვენც დაბლდებით, შეგნების სხივი სიბნელეში დაიკარგება. ყოველ-

თვის შეგნებულნი ეძებეთ და ისწრაფეთ მათკენ, მაგრამ ეს თქვენს „ეგოს“ შეურაცხყოფს.

სატსანგი გულისხმობს ცხოვრებას „ეგოს“ საპირისპიროდ, „ეგოზე“ აღმატებას, ყოველთვის უფრო განვითარებულის ძიებას. გსურთ შეხვდეთ ღმერთს და უბედური ხართ იესოსთან ან ბუდასთან შეხვედრით. მაშ, როგორ განახორციელებთ პირველს? ღმერთი მთელი ყოფიერების კულმინაცია, უმაღლესი სინათლე და მთელი ცხოვრების ყვავილობაა. თუ ყოველთვის იმათ ირჩევთ, ვინც თქვენზე დაბლა დგას, ვერ დატკბებით ღვთის სასუფეველში შესვლით. თქვენ არასწორ გზას მიყვებით.

ერთი რამ ყოველთვის გახსოვდეთ: იცხოვრეთ ადამიანთა გარემოცვაში, მეგობრების, ნიგნების სამყაროში და ნუ დაგავინწყდებათ, რომ არის რაღაც უფრო უმაღლესი. ამგვარად შესძლებთ უარი თქვათ „ეგოზე“, დაიმდაბლოთ თავი და უარყოთ „ეგო“. მუდამ, ყოველი ფეხის ნაბიჯზე, თქვენზე შეგნებული ეძებთ და შესძლებთ იესოსთან შეხვედრას. და თუ ამას მოახერხებთ, შეხვდებით ღმერთსაც.

ეს არის აზრი და მნიშვნელობა იესოს სიტყვებისა: **„თუ არა ჩემით, ველარ მიაღწევთ მას“**. თუ არ შეგიძლიათ ჩემთან შეხვედრა, როგორ ფიქრობთ უმაღლესთან შეხვედრაზე? თუ ხვდებით შვილს, არის მამასთან შეხვედრის შესაძლებლობა, რადგან შვილი მხოლოდ წარმომადგენელია. ავატარები, ბუდები და ტირტჰანკარები მხოლოდ წარმომადგენლები არიან და უმაღლესის სინათლეს წარმოადგენენ.

თუ არ შეგიძლიათ მათთან შეხვედრა, მათთან ცხოვრება, თუ თქვენი „ეგო“ მათ თქვენთან არსებობის ნებას არ აძლევს,

მაშინ არ არის შესაძლებლობა საბოლოო, ზღვრულ ჭეშმარიტებასთან მისვლისა.

იესომ თქვა: „...მიეცით, ვინც ეძებს. იგი ნუ შეწუხდება, ვიდრე არ ჰპოვებს...”

გონება ლეტარგიულ ძილშია, ხოლო როდესაც მოძრაობთ, ის უფრო მეტად ლეტარგიულია. თუ მოძრაობთ ქვემოთ, მას მეტი ენერჯია აქვს, რადგან ქვემოთ მოძრაობას ძალისხმევა არ სჭირდება. ეს ჩანჩქერს ნააგავს. ჯოჯოხეთში მოსახვედრად არანაირი ძალისხმევა არ არის საჭირო. იქ იქნება თქვენი ადგილი.

უკვე ეშვებით დაბლა და დაბლა, თქვენი გონების ყველაზე დაბალი მდგომარეობა კი ჯოჯოხეთია. ეს არ არის რაღაც გარეგანი. ეს თქვენი კიბის ყველაზე დაბალი საფეხურია, სადაც მთელი შეგნება ქრება და თქვენ უბრალო მცენარეულ ფენომენად იქცევით. მაგრამ თუ მოძრაობთ ზემოთ, მეტი ძალისხმევაა საჭირო.

აი, რატომ ამბობს იესო: „მიეცით მას, ვინც ესიებს, იგი ნუ შეწყვეტს ძიებას, ვიდრე არ ჰპოვებს.”

ეს შეგონება თითქმის ძენის სანინაალმდეგოდ ჟღერს, მაგრამ ეს ასე არ არის. საჭიროა ამის გაგება. ძენის ოსტატი ამბობს: „ნუ დაატანთ ძალას, არ გამოიყენოთ ძალა, თორემ დაკარგავთ, იყავით მშვიდი და მთლიანად მოდუნებული. მინებდით მდგომარეობას: „დაე, იყოს”. ეს მოდუნება უკვე ძალისხმევაა და აქტიურობა გრძელდება”.

ძენი არ არის სათქვენო. თქვენთვის იესო არის და თუ მას მიჰყევით, დადგება მომენტი, როცა შენი გასაგები და მისანვლომი გახდება თქვენთვის. როდის მოვა ეს მომენტი? როცა

ამონურავთ ყველა ძალას; როცა გააკეთებთ ყველაფერს, რაც უნდა გააკეთებულყო, როცა მიხვალთ თქვენი ძალისხმევის საბოლოო მწვერვალთან. მაშინ არაფერი აღარ იქნება საკეთებელი. თქვენი შესაძლებლობები ამონურული იქნება. მთელი ენერგია დაიხარჯება საბოლოო ძალისხმევაზე და თქვენ გავჩერდებით და დუნდებით.

ეს თავისთავად ხდება. თქვენ არ აკეთებთ ამას. ეს იმას ჰგავს, ადამიანი რომ გარბოდეს, მერე კი ველარ შესძლოს სირბილი. იარაღი რომ მიუშვირო და უბრძანო: „გაიქეციო“, გიპასუხებთ: „ეს ჩემს ძალას აღემატება“.

ერთი ბაყაყი სოფლის ტალახიან გზაზე მანქანის ნაკვალევში ჩავარდნილა და ველარ ამოდოდა, სხვა ბაყაყებიც ეხმარებოდნენ, მაგრამ ამოდ. მოსალამოვდა და ამხანაგებმა მიატოვეს ბედის ანაბარა. მეორე დღეს მიაკითხეს და ცოცხალი და მხიარულად მოხტუნავე რომ ნახეს, ჰკითხეს, როგორ ამოხვედიო?

„სატვირთო მანქანა მიახლოვდებოდა და სხვა გზა არ მქონდა, თავი უნდა გადამერჩინაო“, – უპასუხა ბაყაყმა მოძმეებს.

როცა საშიშროება არ არის, მთელი ძალის დახარჯვა არ მოგიწევთ. სიკვდილის ან სატვირთო მანქანის დანახვისას კი თქვენ მთლიანად იხარჯებით და ნაკვალევიდან ამოხვალთ. ბევრს კარგავთ, რადგან ჯერ კიდევ არსებობს რაღაცები, რასაც ეჭიდებით. თითქოს აკეთებთ რაღაცას, ატარებთ მედიტაციებს, მაგრამ უგულოდ. ეს სითბური ძალა არ არის საკმარისი. მისი საშუალებით ვერ აორთქლდებით. არსებობს კანონი – აორთქლება გარკვეულ ტემპერატურაზე ხდება.

რალაცას აკეთებთ, მაგრამ კარგად იცით, რომ ამაში სანახევროდ იხარჯებით და თუ სანახევროდ ხართ მასში, არაფერი ხდება. სატვირთო მანქანა ჯერ არ მოსულა. თქვენ ნაკვალევში ხართ, თქვენს ნახევარს სურს ამოსვლა, ნახევარს არ სურს ამაზე დაიხარჯოს. გსურთ, იყოს თავისუფალი, მაგრამ თვით ნაკვალევი გიცავთ, გაძლევთ აგრეთვე უსაფრთხოებას, ის სახლს ჰგავს. იქიდან ამოსვლა, როგორც ჩანს, დიდ ძალისხმევას მოითხოვს.

იესო ამბობს: ეძიეო, ეძიეთ, ვიდრე არ ჰპოვებთ! კვლავაც დახარჯეთ ძალა, ძალისხმევა კულმინაციამდე მიგიყვანთ, კრემჩენდომდე. მაშინ ძენიც მისაღები გახდება თქვენთვის. თუ ძენით იწყებთ, შეიძლება არასწორი მიმართულებით წახვიდეთ. ასე ხდება დასავლეთში, რადგან ძენის დასავლეთელმა მკვლევარებმა არ იციან იმ ძალისხმევის შესახებ, რაც ძენის ადამიანებმა დახარჯეს მოდუნებამდე, თანაც, ეს ძალიან მომხიბვლელია ზარმაცი გონებისათვის. ეს იზიდავს დასავლეთის ხალხს: მიმზიდველია ის, რომ არაფერი არ უნდა აკეთოთ და უკვე წესრიგში ხართ. ეს გხიბლავთ, მაგრამ ვერ გეხმარებათ.

ვიდრე იმ წერტილს მიაღწევდეთ, როცა მოდუნება შეგიძლიათ, ბევრი რამ უნდა გაკეთდეს. მოდუნება თქვენი მცდელობით არ მოდის. ის თავისთავად ხდება. იმის გამო, რომ მთელი ენერჯია მოძრაობს და არაფერი რჩება მშვიდად – მოდის სიმშვიდე. და ძენი მართალია, რადგან მხოლოდ ამგვარ სინამდვილეში გამოვლინდება საბოლოო. იესოც მართალია, რადგან სიმშვიდე მას შემდეგ მოდის, რაც მთელ თქვენს ენერჯიას ძალისხმევაში ჩასდებთ.

იესო პირველი ნაწილია, ძენი კი – იგივე პროცესის მეორე ნაწილი, ძენი დასასრულია, იესო – დასაწყისი. მსურს შთაგაგონოთ, რომ თქვენთვის იესო უკეთესია, რადგან ყველანი დამწყებები ხართ. ძენმა, შესაძლოა, გზას აგაცდინოთ, თქვენ არასწორად გესმით მისი მომხიზვლელობა. შეიძლება ასეც იფიქროთ: „არაფრის გაკეთება არ არის საჭირო, მე ასეთიც კარგი ვარ“. ეს ასე რომ იყოს, პრობლემები აღარ იქნებოდა. რატომ მოხვედით ჩემთან? რა საჭიროა ძენთან მისვლა? რა საჭიროა იესოს ძიება?

თუ მართლაც კარგები ხართ, პრობლემები აღარ უნდა იყოს. რა საჭიროა ძიება? რატომ უნდა დახარჯოთ დრო ძიებაში? ეს ყველაფერი აღარ იქნება საჭირო, თუ უკვე სრულყოფილნი ხართ, მაშინ აღარ უნდა გჭირდებოდეთ არანაირი იოგა, არანაირი ტანტრა, არანაირი მეთოდი, მაგრამ ყველაფერი სხვაგვარადაა. იმ მდგომარეობაში, როგორშიც ახლა ხართ, რაღაც არა გაქვთ წესრიგში. თავს გრძნობთ უბედურად, არა ხართ ნეტარი და ექსტაზური, თქვენ იტანჯებით. თქვენი არსება ავადაა. თქვენ არა ხართ წესრიგში!

მოუსმინეთ იესოს: „...მიეცით, ვინც ეძიებს, იგი ნუ შეწყვეტს ძიებას, ვიდრე არ ჰპოვებს...“

და მხოლოდ ბოლოს მიხვდებით, რომ ძენის ადამიანები მართლები არიან, რადგან, როცა ყველაფერს გააკეთებთ, ის, რაც უნდა გაგეკეთებინათ, ძალდატანება ქრება და მოდის „ძალდაუტანლობა“.

ამ სინამდვილეში, მუდმივობაში არ არის არანაირი აქტიურობა, არანაირი მოძრაობა, არანაირი ენერჯია რამის გასაკეთებლად. არის სამადჰი, ზღვრული ჭიშკარი. ეს მხოლოდ ძალდაუტანებლობაში ხდება, მაგრამ დიდი ძალდატანების შემდეგ.

„... ნუ შეწყვეტს ძიებას, ვიდრე არ ჰპოვებს და როცა ჰპოვებს, ის აღელდება...”

ეს ძალზე ძნელია: „ის აღელდება, გაკვირდება და გამეფდება ყოველივეზე...”

რატომ იქნებით აღელვებული, როცა იპოვით? იმიტომ, რომ ეს ძალიან დიდი, უსაზღვრო, უსასრულო რამ არის და როცა პოულობთ, პირველად იბნევით, როცა შეიგნებთ ამას, იმ კაცს ემსგავსებით, მთელი ცხოვრება ბნელ ოთახში რომ იჯდა და უეცრად კაშკაშა მზის შუქზე გამოიყვანეს. ის აღელდება, მისი თვალები ვერ გაუძლებენ ძლიერ შუქს. რომც გაახილოს თვალები, სინათლე იმდენად თვალისმომჭრელი იქნება, რომ სიბნელედ მოეჩვენება.

ღმერთთან პირველი შეხვედრა კრიზისია, რადგან თქვენ მრავალი ცხოვრება განვლეთ არასწორად. ამიტომ, როცა მოვანეტარება, ვერ დაუჯერებთ მას, შეშფოთდებით. არასოდეს ელოდით, არ იცოდით, რომ ეს შეიძლება მოხდეს. ლაპარაკობთ ღვთის შესახებ, მაგრამ განა იცით, რაზე ლაპარაკობთ? რა გაქვთ მხედველობაში? სიტყვა „ღმერთი” არ არის ღმერთი, თეორიები ღვთის შესახებ არ არის ღვთიური. შეიძლება ეს სიტყვა განსაზღვროთ ლექსიკონიდან ან წმინდა წერილიდან, მაგრამ სინამდვილეში რა გაქვთ მხედველობაში, როცა ამბობთ, რომ ღმერთს ეძებთ?

ერთი პატარა ბიჭი სურათს ხატავდა. დედამ ჰკითხა, რას აკეთებო. ბიჭმა გაიკვირვა და უთხრა: „დამაცადე, ნუ მაცდენ, ღვთის პორტრეტს ვხატავ”.

დედამ ჰკითხა: „კი მაგრამ, არავინ იცის, როგორია ღმერთი, არავინ იცის, სად არის იგი. როგორ დახატავ მის პორტრეტს?”

„ნუ ლელავ, როცა ნახატს დავასრულებ, ყველა გაიგებს, როგორია იგი“, – მიუგო ბიჭმა.

ყველა მაძიებელი ამ მდგომარეობაშია. არ იცით, რას ეძებთ; არ იცით, რა გაქვთ მიზნად, სად მიდიხართ და რატომ, თქვენ შინაგანი მოთხოვნილების მიხედვით იქცევით, მაგრამ ჯერ არასოდეს განგიცდიათ ის, რის გამოც ეს მოთხოვნილება არსებობს, მოძრაობთ, აღწევთ და როცა უეცრად ხდება ეს, შემფოთდებით ხოლმე.

ეს შეგონება გვიჩვენებს, რომ იესომ ყველაფერი ბრწყინვალედ იცოდა.

ნეტარება მოდის, მაგრამ მხოლოდ კრიზისის შემდეგ. ღმერთი უდიდესი კატასტროფაა, რაც კი შეიძლება შეგემთხვათ – თქვენ მთლიანად დაინგრევით, აღმოჩნდებით უძირო უფსკრულში, მთელი თქვენი ყოფიერება გაქრება ისე, როგორც კვამლი; უეცრად გაიფანტებით ღრუბელივით და ამოვა მზე, გამოსხივების უდიდესი სინათლე და უდიადესი ჭეშმარიტება. თქვენ კი მუდამ სიცრუეში ცხოვრობდით. ნამსხვრევებად იქცევით, მთლიანად განადგურდებით, მოკვდებით და გაჩნდება ღმერთი. როცა აღწევთ ჭეშმარიტებას, თქვენ, უბრალოდ, ქრებით.

იესო მართალია – თქვენ აღელდებით! ბევრი დაბრუნდება უკან ამ მდგომარეობიდან. ბევრმა დატოვა იგი, გამოიქცა და აღარასოდეს მიუხედავს მისკენ, რადგან ეშინოდათ, ისეთი შეგრძნება მაქვს, თითქოს ათეისტები სწორედ ისინი არიან, რომლებმაც რომელიმე წინა ცხოვრებაში მიაღწიეს ამ მდგომარეობას და იმდენად შემფოთდნენ, რომ თვალდახუჭული გამო-

იქცნენ. ახლა მათ ეშინიათ ამ მდგომარეობის, გაქცევის საუკეთესო საშუალება კი ღვთის უარყოფაა.

ათეისტები ბავშვებს ნააგვანან. ბავშვს თუ უშლით ტკბილეულის ჭამას და აშინებთ ავად გახდომით, იგი ტკბილეულის დანახვისას თვალებს ხუჭავს და ეშინია. ათეისტებიც იმდენად შეშინდნენ, რომ ახლა უარყოფენ ღმერთს. მათი შიში ფსიქოლოგიურია და არა ფილოსოფიური.

ბევრ ათეისტს შევხვედრივარ, ჩავლრმავებოვარ და დამინახავს, რომ ისინი იყვნენ ის ადამიანები, რომლებიც ოდესღაც ისე შეშინდნენ, რომ ახლა იმის წარმოდგენაც კი, რომ ღმერთი არსებობს, შიშის ზარს სცემს მათ: „თუ მაინც არსებობს ღმერთი, მაშინ ის კვლავ მიიზიდავს მათ და ისინი კვლავ დაიწყებენ მისკენ სწრაფვას. არა, ღმერთი არ არსებობს, არ არსებობს ჭეშმარიტება. ეს ყოველივე ტყუილია და მთელი ცხოვრება შემთხვევითობაა მხოლოდ...“ მაშინ ათეისტები მშვიდად არიან და შეუძლიათ თავი აარიდონ საბოლოო კატასტროფას. იესო მართალია: „ვინც ჰპოვებს, ის აღელდება...“

თქვენც მიხვალთ ამ მდგომარეობამდე. ბევრ თქვენგანს მიუღწევია ოდესღაც ამისთვის, არა ზუსტად იმ წერტილისათვის, რომელზედაც იესო ლაპარაკობს, არამედ მისუღხართ ამ წერტილის სიახლოვეს. ახლა მოხვედით ჩემთან და მეუბნებით: „ეს ძალიან ძნელია, მე არ შემიძლია მედიტაციების ჩატარება და არც მინდა. მე შიში მიპყრობს. ეს სიკვდილს ჰგავს. სიცოცხლის საძებნელად მოვედი და არა სიკვდილის. მე შეშინებული და აღელვებული ვარ. როცა თვალებს ვხუჭავ და ვუღრმავდები საკუთარ თავს, ისეთი გრძნობა მიჩნდება, თითქოს ვკვდები...“

ბევრი თქვენგანი მეუბნება ამას. ეს კარგი ნიშანია, რადგან იმის მაჩვენებელია, რომ თქვენ მართლაც შედიხართ შიგნით; რომ მედიტაცია ხორციელდება. ნუ გაექცევით ამას, სწორედ ეს არის მთლიანობის განძი. ცოტაც და მიხვალთ იმ წერტილამდე, სადაც ისე შეშფოთდებით, ისე აღელდებით, რომ მთელი თქვენი არსება დადგება სიკვდილ-სიცოცხლის მიჯნაზე. ყოველთვის არსებობს ამ წერტილიდან გაქცევის საშუალება. მაგრამ თუ გაექცევით, ბევრი ცხოვრების განმავლობაში ველარ შესძლებთ გამბედაობის მოკრებას, რათა ამავე მიმართულებით ნახვიდეთ. თქვენ, უბრალოდ, გაექცევით ამას. მაშინ თქვენს არსებაში უბედურება დაისადგურებს. იყავით ფხიზელნი! ნუ შეეცდებით გაქცევას! იარეთ წინ! ყველამ უნდა გაიაროს ეს გზა.

ესეების სკოლას, რომელსაც ქრისტე მიეკუთვნება, ამ მძიმე მდგომარეობის აღსანიშნავად ჰქონდა სპეციალური სიტყვა. ისინი ამას „სულის ბნელ ღამეს“ უწოდებდნენ. თითოეულმა უნდა გაიაროს ეს გზა. მხოლოდ მაშინ ამოვა მზე, როცა გაივლით სულის ბნელ ღამეს. რაც უფრო ბნელია ღამე, მით უფრო ბედნიერები იქნებით, რადგან მალე გათენდება, სულ მალე სიბნელის საშოდან დაიბადება მზე. ნუ შეეცდებით გაქცევას. ყოველგარიჟრაჟს სჭირდება ბნელი ღამის წიაღი. ღამე ამზადებს წიადაგს დილისათვის. ეს არის გაჭირვებული მდგომარეობა – წიაღი, რომლიდანაც იბადება უკიდურესი ნეტარება.

იესო მართალია, მოუსმინეთ მას და დაიმახსოვრეთ. ერთ მშვენიერ დღეს ეს თქვენ შეგემთხვევათ და სულ მალე კარგად გახდებით. გიხაროდეთ, როცა თავს გასაჭირში გრძნობთ, მაგრამ არა ამქვეყნიური მშფოთვარების გამო, არამედ იმ მღელვან-

რების გამო, რომელიც ქემმარიტების მიღწევით მოდის, როდესაც ახლოს ხართ მასთან. გიხაროდეთ!

გასხივოსნებულის გვერდით იგივე ღელვა გეუფლებათ. მასთან მიახლოებისას შიში გიპყრობთ, კანკალებთ და პოულობთ გაქცევის მიზეზს. ყველანაირად ცდილობთ, რომ მასთან არ მიხვიდეთ. თქვენ ძლიერი მიზიდულობა გაქვთ მასთან, მაგრამ კარგავთ სიმშვიდეს. არ შეგიძლიათ ქრისტესთან ან ბუდასთან ყოფნა, მაგრამ ეს აუცილებლად უნდა გაიაროთ, ვინაიდან ეს ზრდის ნაწილია.

„...და როცა ჰპოვებს, ის აღელდება...” მაგრამ თუ არ გამოიქცევა კვლავ ამქვეყნიურისაკენ, მაშინ... „გაკვირდება...” და გაოცდება. მაშინ ის იგრძნობს საიდუმლოს და გაიცინებს, რადგან ლამემ მშვენიერი დილა მოიტანა. ასეთი ჯოჯოხეთიდან, შიშისა და ტანჯვისაგან ასეთი ნეტარება იშვა, ეკლებიდან ასეთი მშვენიერი ყვავილი აღმოცენდა.

მაშინ **„...ის აღელდება, გაკვირდება და გამეფდება ყველაფერზე...”** მაშინ ის აღარ იქნება ლატაკი. ვნებები გაქრება მაშინ, როცა თქვენს ნამდვილ „მეს” მიაღწევთ. შუაგული მიღწეულია. თქვენ გახდებით მეფე და იმპერატორი.

„...და გამეფდება ყველაფერზე...”

ახლა მთელი ყოფიერება მისი სამეფოა.

იესომ თქვა: **„...ის, ვინც იპოვის ამ სიტყვების ახსნას, არ იგემებს სიკვდილს.”**

„... ვინც იპოვის ამ სიტყვების ახსნას...” სიტყვიერი ახსნა აქ არ იგულისხმება, რადგან ეს ვერ გიშველით. მე აგისხენით სიტყვიერად, მაგრამ ამან ვერ გაქციათ უკვდავად. მთავარია ცხოვრებისეული ახსნა, თორემ სიტყვები უფრო აბუნდოვნებენ მნიშ-

ვნელობას. მხოლოდ გამოცდილება შეიძლება იქცეს ახსნად და იესო ამბობს: „...ის, ვინც იპოვის ამ სიტყვების ახსნას...”

ეს ვილაც არის ის, ვისაც აქვს გამოცდილება; ვინც განვლო ეს უბედურება, მდგომარეობა განგაშისა, ტანჯვა-წამებისა, ვინც გადალახა სულიერი ღამე; ის, ვინც გაოცდა და შეიცნო იღუმალეობა.

ჩვენი საუკუნის ერთ-ერთმა ყველაზე გამჭრიახმა და შორ-სმჭვრეტელმა პიროვნებამ – რუდოლფ ოტომ* დანერა წიგნი „ი-დეა უნმიდესისა“. მასში ის იყენებს ორ სიტყვას: „ტრემენდუმი“ და „მისტერიუმი“. პირველად, როდესაც აღწევთ ამ მტანჯველ მდგომარეობას, ყველაფერი საშინლად გეჩვენებათ, ეს არის ტრემენდუმი. თქვენ იბნევით და ვერ იგებთ, რა მოხდა. ჭკუიდან იშლებით და გეუფლებათ იმის შეგრძნება, თითქოს გონება არ გიმუშავებდეთ. ეს არის ის ბოლო წერტილი, რომლის დადგომამდეც უნდა ფუნქციონირებდეს გონება. ახლა საჭიროა, უკან მოიტოვოთ გონება. ეს არის ტრემენდუმი – შინაგანი მიწისძვრა. ვულკანმა უკვე ამოხეთქა და წარსული დანგრეულია.

თუ შესძლებთ ტრემენდუმის გავლას, გაჩნდება მისტერიუმი – იღუმალეობა. ეს არის ის, რისი ახსნაც არ შეიძლება. იმის ახსნა, რაც ნეტარია, მშვენიერია და ექსტაზური, შეუძლებელია. ეს არის ყოფიერების სათავე, რომლის იქითაც ვერ წახვალთ. მის იქით აღარაფერია. შეიძლება გამოსცადოთ იგი, მას ვერ გააანალიზებთ. ეს არის მისტერიუმი – უკიდურესი საიდუმლო.

და ამბობს იესო: „**ის, ვინც იპოვის ამ სიტყვების ახსნას, არ იგემებს სიკვდილს...**”

მას, ვინც იგემა ყოფიერების უკიდურესი საიდუმლო, არ ეწევა სიკვდილი. სიკვდილი მხოლოდ გონების და „ეგოს“ გამო

არსებობს და აგრეთვე იმიტომ, რომ საკუთარ თავს სხეულთან აიგივებთ. თუ არ იგივდებით სხეულთან, თუ არ გაქვთ შეშლილი „ეგო“, თუ ცენტრირებული ხართ „მე“-ში, თქვენ უკვდავნი ხდებით.

სიკვდილი არსებობს იმიტომ, რომ თქვენ სიცრუე ხართ. თუ სიმართლედ იქცევით, სიკვდილი გაქრება. ჭეშმარიტებისათვის არ არსებობს სიკვდილი. ეს არის მარადიული ცხოვრება. მაშასადამე, არსებობს მანკიერი წრე. სიკვდილი არის იმიტომ, რომ თქვენ ხართ სიცრუე. სიკვდილის გამო კი თქვენ გარშემო ქმნით სიცრუეს, რადგან გეშინიათ და გინდათ თავი დაიცვათ. თქვენ ჩართული ხართ მანკიერ წრეში. უნდა იყოთ ფხიზლად და გამოსტეთ ამ წრიდან.

სიკვდილი არსებობს „ეგოს“ გამო, „ეგო“ კი ყველაზე ყალბი და ყველაზე ილუზიური რამ არის. სინამდვილეში ის არ არსებობს. ეს ყოველთვის უნდა გახსოვდეთ. თუნდაც 24 საათით რომ მიატოვოთ „ეგო“, ის მოკვდება. მისი გაქრობისათვის 24 წამიც კი საკმარისია.

„ეგომ“ რომ შესძლოს არსებობა უნდა კვებოთ იგი. მთელი ცხოვრება მასზე მუშაობთ, მაგრამ ის აზრი, თითქოს ვიღაც ხართ, ვინც შეიძლება გადარჩეს, ოცნებაა. ბოლოს კი სიკვდილის დროს შიშს გრძნობთ. „ეგო“ ქრება და თქვენ გონებას კარგავთ. სხვა სხეულში იბადებით ხელახლა, უგონო მდგომარეობაში და მთელი ეს მანკიერი წრე ხელახლა იწყება. ნუ იქნებით სიცრუე! განაგდეთ იგი! მოიშორეთ ნილაბი! იყავით ჭეშმარიტი ადამიანი. შეეცადეთ, ის იყოთ, ვინც ხართ! ნუ შეეცდებით იყოთ ის, ვისაც არ წარმოადგენთ! პრეტენზია უმძიმესი ტვირთია და მხოლოდ ჭეშმარიტება გიხსნით.

იესომ თქვა: ჭეშმარიტება გაგანთავისუფლებთ, ჭეშმარიტება გადაგარჩინთ, ჭეშმარიტება იქცევა სამარადისო ცხოვრებად და უთხრა მონაფეებს:

„...ის, ვინც იპოვის ამ სიტყვების ახსნას, არ იგემებს სიკვდილს...”

მეც იგივეს გეუბნებით: თუ შესძლებთ იგემოთ თქვენი „მე“, არ იგემებთ სიკვდილს. ის კი, რასაც თქვენი შველა შეუძლია, უკვე აქ არის, ეს არის მდოგვის მარცვალი. დაეხმარეთ მას ზრდაში.

პირველი დახმარება, რომელიც მას შეგიძლიათ გაუწიოთ, იქნება ის, რომ ხელი შეუწყოთ სიკვდილში. დაე, გაიხსნას ისე, რომ მასში დაფარული შინაგანი სინათლე გამოთავისუფლდეს, რომ თესლი დიდ ხედ აღმოცენდეს. მარცვალი პატარაა, მაგრამ ეს ხე უზარმაზარი გაიზრდება. მარცვალი არ ჩანს. ხე კი? – ხე იქცევა დიდ თავშესაფარად, სადაც მილიონობით ციური ფრინველი დაიბუდებს.

ჭეშმარიტება გიხსნით თქვენ და თქვენი საშუალებით ბევრ სხვა ადამიანსაც. ჭეშმარიტება თქვენთვის თავისუფლებად იქცევა და სხვებისთვის – თავისუფლებაში შესასვლელ კარიბჭედ. თუ სინათლედ იქცევით, განა მარტო თქვენი ცხოვრება განათდება. თქვენ სინათლედ იქცევით მილიონობით ადამიანისთვის. თქვენი საშუალებით მრავალნი მიაღწევენ სანუკვარ მიზანს. თუ სინათლედ იქცევით, თქვენ გახდებით ღვთის მოციქული, ქრისტე!

მე არ მსურს, თქვენ ქრისტიანები გახდეთ. ამას არა აქვს მნიშვნელობა და სიცრუეა. მე მსურს, თითოეული თქვენგანი

ქრისტედ იქცეს. თითოეულ თქვენგანს შეუძლია, იქცეს ქრისტედ. თითოეულ თქვენგანშიც იგივე მარცვალია!

*1974 წლის 10 სექტემბერი
პუნა, ინდოეთი*

განმარტებები

საუბარი პირველი

ოსტატი – ჭეშმარიტებას ნაზიარები, გასხვიოსნებული მოძღვარი, რომელიც ინდივიდუალურად მუშაობს მონაფესთან.

მონაფე – იგულისხმება ჭეშმარიტების მაძიებელი.

ზ. ფროიდი (1856-1939) – ავსტრიელი ექიმ-ნევროპათოლოგი და ფსიქიატრი.

კ. იუნგი (1875-1961) – შვეიცარიელი ფსიქონალიტიკოსი.

სიდჰარტჰა გაუტამა შაკია – მუნი (ძვ.წ. 6-5 სს) – ბუდიზმის ფუძემდებელი, რომელიც ცხოვრობდა და მოღვაწეობდა ინდოეთში.

ბუდა (სანსკრ) – „გაბრწყინებული“, „გასხვიოსნებული“ – აბსოლუტურად.

მოკშა – სულიერი გათავისუფლება, ხსნა.

არისტოტელე (ძვ.წ. 384-322) – ბერძენი ფილოსოფოსი, ლოგიკის მეცნიერებისა და სპეციალური ცოდნის სხვადასხვა დარგის დამფუძნებელი.

პლატონი (ძვ.წ. 428-348) – ბერძენი ფილოსოფოსი, სოკრატეს მონაფე.

სოკრატე (ძვ.წ. 469-399) – ბერძენი ფილოსოფოსი.

„მესამე თვალი“ – იგულისხმება სულიერი თვალი, სულის გონი, სამყაროს ჭეშმარიტი აღქმის საშუალება.

ტირტჰანკარა – ჭეშმარიტებას ზიარებული, ბრძენი.

ეგო (ლათ. „მე“) – ყალბი „მე“-ების კრებული, რომელიც ადამიანს თავის ჭეშმარიტ არსს აცილებს.

ლაო ძი (ძვ.წ. VI–V) – ძველი ჩინელი ბრძენი – მისტიკოსი. „დაოსიზმის“ ფუძემდებელი.

მარკ ტვენი – ამერიკელი მწერალი.

კრიშნა – ინდუიზმის ტრადიციების მიხედვით, ღვთაება ვიშნუს მერვე განსხეულება. განასახიერებს სიბრძნისა და ქმედების ერთიანობას.

რამა – პოემა „რამაიანის“ გმირი, ვიშნუს ერთ-ერთი განსხეულება.

საუბარი მეორე

ბერტრან რასელი (1872-1970) – ინგლისელი ფილოსოფოსი, ლოგიკოსი და საზოგადო მოღვაწე.

მაჰავირი ვარდჰამანა (ძვ.წ. 7-6 სს) – გასხივოსნებული, ინდური ფილოსოფიისა და რელიგიის არაორთოდოქსალური სისტემის – ჯაინიზმის ფუძემდებელი.

კათარზისი (ბერძ. „განწმენდა“) – იხმარება რელიგიური, ეთიკური, ფიზიოლოგიური ან სამედიცინო მნიშვნელობით.

მაია – ძველი ინდური რელიგიურ-ფილოსოფიური მოძღვრების თანახმად, ჭეშმარიტი რეალობა არის ბრაჰმა (სამყაროს შემოქმედი ღმერთი, ხოლო სამყარო არის მოჩვენება, ილუზია, მაია).

შანკარაჩარია – სასულიერო წოდება ინდოეთში.

მაჰატმა (სანსკ. „დიადი სული“) – იხმარება როგორც გამოჩენილი, სულიერად მაღალგანვითარებული ადამიანის ზენოდება.

გურუ – სულიერი მოძღვარი.

პანჩატატრა – ცხოვრებისეული სიბრძნის ხუთი წიგნი. მასში გადმოცემულია ინდური ხალხური ზღაპრები, ნოველები და იგავები.

კაბალა (ძვ. ებრ. „გადმოცემა“, „თქმულება“) – ებრაული მისტიკურ-რელიგიური მოძღვრება. „კაბალისტი“ – მიმდევარი.

სუფია – სუფიზმის რელიგიურ-მისტიკური მოძღვრება აღმოსავლეთ ქვეყნებში – ჩამოყალიბდა მე-8-9 სს.-ში.

გიორგი გურჯიევი (1887-1949) – ჭეშმარიტებას ნაზიარები
ოსტატი, მისტიკოსი.

ჯანაკა – გასხივოსნებული, ბრძენი მეფე. ცხოვრობდა ინ-
დოეთში.

თომა აქვინელი (1225-1274 წწ) – შუა საუკუნეების კათოლი-
კე თეოლოგი.

საუბარი მესამე

კარმა – მიზეზ-შედეგის უცვლელი და უქცეველი კანონი, ბედისწერა, მოქმედება. მის თანახმად, ყოველი ადამიანის ბედი მკაცრადაა განსაზღვრული იმით, თუ როგორია მისი კარმა, ე. ი. წინა განსხეულებების დროს დაგროვილი მიზეზები, რომლებიც მომდევნო ცხოვრებაში თავიანთ შედეგს გამოიწვევენ. კარმის მოქმედების შეჩერება. ე. ი. განსხეულებათა ჯაჭვისაგან გათავისუფლება შეუძლია მხოლოდ იმას, ვინც შეიცნობს და შეერწყმება ჭეშმარიტებას.

სამსარა – მატერიალურ სამყაროში დაბადება-სიკვდილის განმეორებითი ციკლი.

ე. პ. ბლავატსკაია (1831-1891) – თეოსოფიური საზოგადოების დამაარსებელი.

დაო – გზა, ყოფიერების ძირითადი კანონი.

ყადირი – მუსლიმანი მისტიკოსი. გასხივოსნებული.

სადჰანა – იოგური პრაქტიკა, სულიერი თვითდისციპლინა.

საუბარი მეოთხე

ავტენტური (ბერძ. „თვითმყოფი“) – ნამდვილი, ჭეშმარიტი.

ნუდიზმი (ლათ. „შიშველი“) – მიმდინარეობა, რომელიც – შიშველი სხეულის კულტს ქადაგებს.

ბრაჰმარაი – სულიერი განვითარების გზაზე მავალი ადამიანი, რომელიც სქესობრივი ურთიერთობისგან თავშეკავებული, უბინო ცხოვრებას ეწევა.

საუბარი მეხუთე

ძენი – ჩინურად ჩანი. გამომდინარეობს სანსკრიტული სიტყვიდან ჯნაიანადან, რაც ნიშნავს აზროვნებას, განჭვრეტას. იგი ქადაგებს ადამიანის აბსოლუტთან შერწყმის შესაძლებლობას მინიერ ცხოვრებაში.

რამაკრიშნა (1836-1886 წწ) – გასხივოსნებული ოსტატი, ცხოვრობდა და მოღვაწეობდა ინდოეთში.

ვედური სისტემის მიხედვით, ინდური საზოგადოება შემდეგ ფენებად იყოფა: **ბრაჰმანი** (სასულიერო პირნი და სწავლულნი), **კშატრია** (სახელმწიფოს მმართველნი და სამხედრო პირნი), **ვაიში** (მინადმოქმედნი და ვაჭრები), **შუდრა** (მოსამსახურენი და მუშები).

წმინდა ავგუსტინე, ავრელიუსი (354-430წწ) – ქრისტიანი ღვთისმეტყველი და მისტიკოსი.

საუბარი მეექვსე

ადეპტი (ლათ. „მიღნეული“) – რომელიმე მოძღვრების მიმდევარი და დამცველი.

ფრიდრიხ ნიცშე (1844-1900 წწ) – გერმანელი ფილოსოფოსი, თანამედროვე ირაციონალიზმის ერთ-ერთი ფუძემდებელი.

ნიჟინსკი – მე-20-ე საუკუნის გამოჩენილი რუსი მოცეკვავე.

ვედები – ინდუიზმის უძველესი საღმრთო წიგნები. სანსკრ. ცოდნა.

საუბარი მერვე

დერვიში – მოხეტიალე მუსლიმანი ბერი. ექსტაზის მასწავლებელი სუფიზმის ტრადიციაში.

კრეშჩენდო (იტალიური) – მუსიკაში თანდათან ხმამაღლა, ჟღერადობის გაძლიერება.

ტრანსცენდენცია (ლათ. „ზღვარს გადაცილებული“) – ცნობიერების ჩვეულებრივ ფარგლებს გადაცილება.

შივა (სანსკრ. „ნეტარი“) – ძველი ინდური ღვთაება.

ჟან პიაჟე (1896-1980) – შვეიცარიელი ფსიქოლოგი და ფილოსოფოსი.

საუბარი მეათე

ავატარა (სანსკ.) – ღვთაების განსხეულება დედამიწაზე მოსული ადამიანის სახით გარკვეული მისიის შესასრულებლად.

მანტრა – სულიერი ზრდისათვის გამოსაყენებელი განსაკუთრებული სულიერი ძალის მქონე ბგერები, – სიტყვები, ჰიმნები.

ალბერტ აინშტაინი (1879-1955) – გერმანელი ფიზიკოსი და გამომგონებელი. ფარდობითობისა და რიგი ფიზიკური თეორიების ავტორი.

საუბარი მეთერთმეტე

თომას ედისონი – მე-20-ე საუკუნის ამერიკელი სწავლული და გამომგონებელი.

ჰერაკლიტე (ძვ.წ. 544-483) – ბერძენი ფილოსოფოსი და დიალექტიკოსი.

არქიმედე (ძვ.წ.287-212 წწ) – ძველი ბერძენი მეცნიერ-ფიზიკოსი და მათემატიკოსი, აღმოაჩინა ჰიდროსტატიკის კანონი, რომელიც მის სახელს ატარებს.

სიდჰა – იოგათი მიღწეული განსაკუთრებული ოკულტური შესაძლებლობა.

ზარატუსტრა (ზოროასტრა) (ძვ.წ. 10-7 სს) – წინასწარმეტყველი, ძველი ირანული პარსიზმის დამაარსებელი.

საუბარი მეთორმეტე

კონფუცი (ძვ.წ.551-479 წწ) – ძველი ჩინური ერთ-ერთი – იდეური მიმდინარეობის „კონფუციანელობის“ დამაარსებელი.

ბოდჰიდჰარმა – ერთ-ერთი ბუდა, ბუდიზმის გამავრცელებელი ჩინეთში. ძენის დამაარსებელი.

ჩჟუან ძი (ძვ.წ.4-3 სს) – დაოსიზმის რელიგიის ერთ-ერთი თვალსაჩინო წარმომადგენელი.

სატსანგა (სანსკრ.) – სიკეთესთან კავშირი.

საუბარი მეცამეტე

ისტებლიმშენტი (ინგ.) – საზოგადოების მმართველი, პრივი-
ლეგირებული ჯგუფები, მმართველობის მთელი სისტემა.

მექა, მედინა, ქაში, გირნარი – მუსულმან და ინდოელ ” მორ-
ნმუნეთა სალოცავი წმინდა ადგილები.

ანტროპომორფიზმი – ღვთაების ადამიანური სახით გამო-
ხატვა.

საუბარი მეთოთხმეტე

უპანიშადები – „ვედებში“ შემავალი 108 ფილოსოფიური ტრაქტატი.

საუბარი მეთექვსმეტე

სირშასანი – იოგური პრაქტიკა.

საუბარი მეჩვიდმეტე

აშრამი – რელიგიური თემი, ადგილი, სადაც ჭეშმარიტების მაძიებელი ადამიანები ეწევიან სულიერ-შემეცნებით ცხოვრებას.

სამადჰი – სრულყოფილი ექსტაზური მდგომარეობა. აბსოლუტთან შერწყმის მედიტ. მდგომარეობა. ცნობიერების უმაღლესი დონე.

საუბარი მეთვრამეტე

ჩაიტანია მაჰაპრაბჰუ – ინდუიზმის მიხედვით, კრიშნას ერთ-ერთი განსხეულება და ღვთის ერთგული მსახური, რომელიც ცხოვრობდა მე-15 საუკუნის ბოლოს ნავადვიპაში (დასავლეთ ბენგალია).

ცელიბატი – კათოლიკურ ქრისტიანობაში სასულიერო პირთა დაუქორწინებლობა.

საუბარი მეოცე

ჰეგელი (1770-1831) – გერმანელი კლასიკური ფილოსოფიის
ნარმომადგენელი.

საუბარი ოცდამეერთე

რედოლფ ოტო – მე-20-ე საუკუნის გერმანელი მოაზროვნე.